

From his true friend
J. A. Carson.

~~1869~~ 1857

DE
NOVA HIEROSOLYMA

ET EJUS

Doctrina Cœlesti:

EX

Auditis e Cœlo.

Quibus præmittitur aliquid de Novo Cœlo
& nova Terra.



L O N D I N I
MDCCLVIII.

13890
14191

Matth: vi: 33.

Quærite primo Regnum Dei, & omnia
adjicientur vobis.



D E
NOVA HIEROSOLYMA
ET EJUS
Doctrina Cœlesti.

De Novo Cœlo & Nova Terra ; & quid per
Novam Hierosolymam intelligitur.

I. **D**ICITUR in Apocalypsi, “ *Vidi Cælum novum & Terram novam, primum enim Cælum & prima Terra transferant. Et vidi sanctam illam Civitatem, Hierosolymam Novam, descendentem a Deo e Cælo, paratam ut sponsam coram Viro suo. Civitas habebat Murum magnum & altum, qui habebat Portas duodecim, & in portis Angelos duodecim, & nomina inscripta, quæ sunt nomina duodecim Tribuum Israelis. Et Murus civitatis habebat Fundamenta duodecim, in quibus duodecim nomina Apostolorum Agni. Ipsa Civitas quadrangularis sita est, ejus longitudo tanta erat quanta latitudo. Et mensus est Civitatem calamo ad stadiorum duodecim millia ; & erant longitudo & latitudo & altitudo ejus æquales. Et mensus est Murum ejus centum quadraginta quatuor cubitorum, mensura hominis*

hominis quæ est angeli. Erat Murus ejus ex jaspide; ipsa vero Civitas aurum purum, simile vitro puro: & Fundamenta muri Civitatis ex omni lapide pretioso. Duodecim Portæ duodecim margaritæ erant; & platea Civitatis aurum purum tanquam vitrum pellucidum. Gloria DEI illustrabat illam, & Lucerna ejus erat AGNUS. Gentes quæ servatæ fuerunt, ambulabunt ad lucem ejus, & Reges terræ gloriam suam & honorem suum ad illam afferent," Cap: XXI: 1. 2. 12 ad 24.

Homo, qui hæc legit, non aliter illa intelligit, quam secundum sensum literæ, nempe quod periturum sit Cœlum aspectabile cum Terra, & novum Cœlum exstiturum, & quod super novam Terram descensura sit Sancta Civitas Hierosolyma, & quod illa futura sit quoad suas mensuras secundum descriptionem. Sed Angeli prorsus aliter illa intelligunt, nempe singula spiritualiter quæ homo naturaliter; & sicut Angeli intelligunt, ita significant illa; & is est sensus internus seu spiritualis Verbi; per novum Cœlum & novam Terram in sensu interno seu spirituali, in quo sunt Angeli, intelligitur nova Ecclesia tam in Cœlis quam in terris, de Ecclesia utrobivis dicetur infra; per Civitatem Hierosolymam descendentem a Deo e Cœlo, intelligitur cœlestis ejus Doctrina; per longitudinem, latitudinem & altitudinem, quæ æquales, intelliguntur omnia bona & vera illius Doctrinæ in complexu; per Murum ejus, intelliguntur vera tutantia illam; per mensuram muri, quæ 144 cubitorum, quæ mensura hominis quæ est Angeli, intelliguntur omnia illa vera tutantia in complexu; & quale eorum; per duodecim Portas, quæ ex margaritis, intelliguntur vera introducentia; similiter per duodecim Angelos in portis; per Fundamenta muri quæ ex omni lapide pretioso, intelliguntur cognitiones super quibus Doctrina illa fundatur; per duodecim Tribus Israelis, intelliguntur omnia Ecclesiæ in genere & in specie; similia per duodecim Apostolos; per Aurum simile vitro puro, ex quo Civitas & Platea, intelligitur bonum amoris ex quo pellucet Doctrina cum suis veris; per Gentes quæ servatæ, & per Reges terræ qui gloriam & honorem in illam afferent, intelliguntur omnes ab Ecclesia qui in bonis & veris sunt; per Deum & Agnum, intelligitur Dominus quoad Ipsum Divinum & Divinum Humanum. Talis est sensus spiritualis Verbi, cui sensus naturalis, qui est sensus literæ, inservit pro basi; sed usque bini illi sensus, spiritualis & naturalis, unum faciunt per correspondentias. Quod talis intellectus spiritualis insit omnibus illis, non vacat hic ostendere, quia non hujus operis est, sed ostensa videantur in ARCANIS CŒLESTIBUS in sequentibus his locis. Quod in Verbo per TERRAM significetur Ecclesia, imprimis ubi per terram intelligitur terra Canaan, n: 662. 1066. 1067. 1262. 1413. 1607. 2928. 3355. 4447. 4535. 5577. 8011. 9325. 9643. Quia in spirituali sensu per Terram intelligitur Gens quæ ibi, & ejus Cultus, n: 1262. Populus terræ quod sint qui ab Ecclesia spirituali, n: 2928. Quod novum Cœlum & nova Terra significant novum in cœlis & in terris quoad bona & vera, ita quoad illa quæ sunt Ecclesiæ utrobivis, n: 1733. 1850. 2117. 2118. 3355.

4535. 10373. Quid intelligitur per primum Cœlum & primam Terram quæ transiverant, videatur in Opusculo de Ultimo Judicio & Babylonia destructa a principio ad finem, & in specie ibi, n: 65 ad 72. Quod per HIEROSOLYMAM significetur Ecclesia quoad Doctrinam, n: 402. 3654. 9166. Quod per URBS & CIVITATES significantur Doctrinæ, quæ Ecclesiæ & Religionis, n: 402. 2450. 2712. 2943. 3216. 4492. 4493. Quod per MURUM civitatis significetur Verum doctrinæ tutans, n: 6419. Quod per PORTAS urbis, significantur vera introducentia ad doctrinam, & per doctrinam in Ecclesiam, n: 2943. 4478. 4492. 4493. Quod per duodecim TRIBUS ISRAELIS repræsentata fuerint, & inde significata omnia vera & bona Ecclesiæ in genere & in specie, ita omnia fidei & amoris, n: 3858. 3926. 4060. 6335. Quod per duodecim APOSTOLOS DOMINI similia, n: 2129. 2329. 3354. 3488. 3858. 6397. Quod de Apostolis dicatur, quod sessuri super duodecim thronis & judicaturi 12 Tribus Israelis, significetur quod omnes secundum vera & bona Ecclesiæ judicandi sint, ita a Domino a Quo illa, n: 2129. 6397. Quod per DUODECIM significantur omnia in complexu, n: 577. 2089. 2129. 2130. 3272. 3858. 3913. Quod simile per numerum 144, quia est numerus multiplicatus per duodecim in duodecim, n: 7973; quod etiam simile per duodecim millia, n: 7973. Quod omnes Numeri in Verbo significant res, n: 482. 487. 647. 648. 755. 813. 1963. 1988. 2075. 2252. 3252. 4264. 6175. 9488. 9659. 10217. 10253. Quod Numeri multiplicati simile significant cum simplicibus, a quibus per multiplicationem exsurgunt, n: 5291. 5335. 5708. 7973. Quod per MENSURAM significetur quale rei quoad verum & bonum, n: 3104. 9603. 10262. Quod per FUNDAMENTA muri significantur cognitiones veri super quibus Doctrinalia fundantur, n: 9642. Quod per QUADRANGULARE seu QUADRATUM significetur perfectum, n: 9717. 9861. Quod per LONGITUDINEM significetur Bonum & ejus extensio, & per LATITUDINEM Verum & ejus extensio, n: 1613. 9487. Quod per LAPIDES PRETIOSOS significantur Vera ex bono, n: 114. 9863. 9865. Quid per Lapidem pretiosum in Urim & Thumim in genere & in specie, n: 3862. 9864. 9866. 9905. 9891. 9895. Quid per JASPIDEM, ex quo Murus, n: 9872. Quod per PLATEAM civitatis significetur Verum doctrinæ ex bono, n: 2336. Quod per AURUM significetur Bonum amoris, n: 113. 1551. 1552. 5658. 6914. 6917. 9510. 9874. 9881. Quod per GLORIAM significetur Divinum Verum quale est in Cœlo, & inde Intelligentia & Sapientia, n: 4809. 5292. 5922. 8267. 8427. 9429. 10574. Quod per GENTES significantur illi in Ecclesia qui in bono sunt, & inde abstracte bona Ecclesiæ, n: 1059. 1159. 1258. 1260. 1288. 1416. 1849. 4574. 7830. 9255. 9256. Quod per REGES significantur illi in Ecclesia qui in veris sunt, & inde abstracte vera Ecclesiæ, n: 1672. 2015. 2069. 4575. 5044. Quod Ritualia circa coronationes Regum involvant talia quæ sunt Divini Veri, de quibus, sed quod cognitio de illis hodie perierit, n: 4581. 4966.

2. Antequam de nova Hierosolyma & ejus Doctrina agitur, aliquid de

Novo Cœlo & de Nova Terra dicitur: in Opusculo de Ultimo Judicio & Babylonia destructa ostensum est, quid intelligitur per Primum cœlum & Primam terram, quæ transiverant; quæ postquam transierant, ita postquam Ultimum Judicium peractum est, Novum Cœlum a Domino creatum, hoc est, formatum est; hoc Cœlum formatum est ab omnibus illis, qui post adventum Domini ad hoc usque tempus vitam fidei & charitatis vixerunt, quoniam hi solum erant formæ Cœli; nam forma Cœli, secundum quam omnes consociationes & communicationes ibi fiunt, est forma Divini Veri ex Divino Bono procedente a Domino, & hanc formam induit homo quoad spiritum suum per vitam secundum Divinum Verum; quod forma Cœli inde sit, videatur in Opere de Cœlo & Inferno, n: 200 ad 212; & quod omnes Angeli sint formæ Cœli, n: 51 ad 58, & 73 ad 77. Ex his sciri potest, ex quibus Novum Cœlum factum est, inde etiam quale est, quod nempe prorsus unanimum; nam qui vitam fidei & charitatis vivit, is amat alterum sicut semet, & per amorem conjungit eum sibi, & sic vicissim & mutuo; nam amor est conjunctio in spirituali Mundo; quare cum omnes similiter faciunt, tunc ex pluribus, imo ex innumeris consociatis secundum formam Cœli, existit unanimum, & fit sicut unum, nihil enim est quod separat & dividit, sed omne conjungit & unit.

3. Quia hoc Cœlum formatum est ab omnibus, qui tales fuerunt, usque a tempore Domini ad præsens tempus, constat quod tam a Christianis quam a Gentibus; sed quoad maximam partem ab omnium Infantibus in universo terrarum orbe, qui obiverunt a tempore Domini, nam hi omnes recepti sunt a Domino, & educati in Cœlo, ac instructi ab Angelis, & dein conservati, ut Novum Cœlum una cum reliquis constituerent; inde concludi potest, quam magnum est id Cœlum; Quod omnes qui Infantes moriuntur, educuntur in Cœlo, & fiant Angeli, videatur in Opere de Cœlo & Inferno, n: 329 ad 345. Et quod Cœlum formetur æque a Gentibus quam a Christianis, n: 318 ad 328.

4. Porro quod Novum hoc Cœlum attinet, sciendum est, quod id distinctum sit a Cœlis Antiquis, qui nempe fuerunt ante adventum Domini; sed usque illi cum hoc ita ordinati sunt, ut unum Cœlum simul constituent. Quod hoc Novum Cœlum distinctum sit a Cœlis Antiquis, est causa, quia in Antiquis Ecclesiis non alia Doctrina fuit quam Doctrina Amoris & Charitatis, & tunc non sciverunt de aliqua Doctrina fidei separatæ: inde quoque est, quod antiqui Cœli constituent Expansa superiora, Novum autem Cœlum Expansum infra illos, nam Cœli sunt Expansa, unum supra alterum; in supremis Expansis sunt qui Angeli cœlestes vocantur, quorum plerique sunt ex Antiquissima Ecclesia; illi, qui ibi, Angeli cœlestes vocantur ex Amore cœlesti, qui est amor in Dominum; in Expansis sub illis sunt qui Angeli spirituales dicuntur, quorum plerique sunt ex antiqua Ecclesia, illi, qui ibi, Angeli spirituales dicuntur ex Amore spirituali, qui est Caritas erga proximum; sub his sunt Angeli qui in bono fidei sunt, qui sunt qui vitam fidei vixerunt; vitam fidei vivere, est secundum doctrinam suæ Ecclesiæ, at vivere est velle & facere.

At

At usque omnes illi Cœli unum faciunt per influxum mediatum & immediatum a Domino. Sed plenior idea de his Cœlis haberi potest ex illis quæ in Opere de Cœlo & Inferno ostensa sunt, & ibi in Articulo de duobus Regnis, in quæ Cœli in genere distincti sunt, n : 20 ad 28, & in Articulo de Tribus Cœlis, n : 29 ad 40; de Influxu mediato & immediato in collectis ex Arcanis cœlestibus post, n : 603 : & de Ecclesiis Antiquissima & Antiqua in Opusculo de Ultimo Judicio & Babylonia destructa, n : 46.

5. Hæc de Novo Cœlo; nunc aliquid de Nova Terra dicetur; per Novam Terram intelligitur Nova Ecclesia in terris, nam cum prior Ecclesia definit esse, tunc instauratur a Domino Nova; providetur enim a Domino ut semper Ecclesia sit in terris, nam per Ecclesiam est conjunctio Domini cum Humano Genere, ac Cœli cum Mundo, ibi enim est Dominus notus, & ibi sunt Divina Vera per quæ homo conjungitur: quod hodie Nova Ecclesia instauretur, videatur in Opusculo de Ultimo Judicio, n : 74. Quod Nova Ecclesia per Novam Terram significetur, est ex sensu spirituali Verbi, in eo enim sensu non aliqua terra per terram intelligitur, sed ipsa Gens ibi & ejus Cultus Divinus, hoc enim est spirituale loco terræ; præterea per terram absque adjuncto nomine regionis in Verbo terra Canaan intelligitur, & in terra Canaan Ecclesia fuerat ab antiquissimis temporibus, unde factum est, quod omnia loca quæ ibi fuerunt, & quæ undequaque circumjacuerunt, cum montibus & fluviis, quæ in Verbo nominantur, facta sint repræsentativa & significativa talium quæ sunt interna Ecclesiæ, quæ sunt quæ vocantur ejus spiritualia, inde est, quod, ut dictum est, per Terram in Verbo, quia intelligitur terra Canaan, significetur Ecclesia, similiter hic per Novam Terram: ex hoc venit, quod receptum sit in Ecclesia dicere Canaan Cœlestis, ac per illud intelligere Cœlum. Quod per terram Canaan in Verbi sensu spirituali intelligatur Ecclesia, ostensum est variis in ARCANIS COELESTIBUS, ex quibus sequentia afferentur. Quod Antiquissima Ecclesia, quæ fuit ante Diluvium, & Antiqua Ecclesia, quæ fuit post Diluvium, fuerint in terra Canaan, n : 567. 3686. 4447. 4454. 4516. 4517. 5136. 6516. 9327. Quod tunc omnia loca facta sint repræsentativa talium, quæ sunt in Regno Domini & Ecclesia, n : 1505. 3686. 4447. 5136. Quod ideo Abraham illuc ire jussus sit, quoniam apud posteros ejus ex Jacobo Ecclesia Repræsentativa institueretur, ac Verbum conscriberetur, cujus sensus ultimus constaret ex repræsentativis & significativis, quæ ibi, n : 3686. 4447. 5136. 6516. Inde est, quod per Terram & per Terram Canaanem in Verbo significetur Ecclesia, n : 3038. 3481. 3705. 4447. 4517. 5757. 10658.

6. Quid per Hierosolymam in Verbo in ejus sensu spirituali intelligitur, etiam paucis dicetur: per Hierosolymam intelligitur ipsa Ecclesia quoad doctrinam, & hoc ex causa, quia ibi in terra Canaan, & non alibi Templum erat, Altare erat, Sacrificia fiebant, ita ipse cultus Divinus; quare etiam tria Festa quotannis ibi celebrabantur, & ad illa omnis masculus totius Terræ mandatus est ire; inde nunc est, quod per Hierosolymam in sensu spirituali significetur Ecclesia quoad cultum, seu quod idem, quoad doctrinam, nam:

cultus præscribitur in doctrina, ac fit secundum illam. Quod dicatur *sancta Civitas*, *Hierosolyma nova*, *descendens a Deo e Cælo*, est quia in sensu Verbi spirituali per Civitatem & Urbem significatur doctrina, ac per sanctam Civitatem doctrina Divini Veri, nam Divinum Verum est quod vocatur sanctum in Verbo; quod dicatur Hierosolyma nova, est ex simili causa ex qua Terra dicitur nova, nam, ut mox supra dictum est, per Terram significatur Ecclesia, & per Hierosolymam illa Ecclesia quoad doctrinam: quod dicatur a Deo e Cælo descendens, est quia omne Verum Divinum, ex quo doctrina, descendit e Cælo a Domino. Quod per Hierosolymam non intelligatur Civitas, tamen ut Civitas visa est, patet manifeste ex eo, quod dicatur quod *Altitudo ejus esset sicut longitudo & latitudo, 12000 stadiorum*, Vers: 16; & quod *Mensura muri ejus, quæ 144 cubitorum, esset mensura hominis quæ est Angeli*, Vers: 17; tum quod dicatur, *parata ut Sponsa coram Viro suo*, Vers: 2, & postea, “*Dixit Angelus, veni, ostendam tibi sponsam uxorem Agni, & ostendit mihi Civitatem sanctam, illam Hierosolymam*,” Vers: 9; Ecclesia est quæ in Verbo vocatur sponsa & uxor Domini, sponsa antequam conjungitur, & uxor cum conjuncta est; videatur in ARCANIS CŒLESTIBUS, n: 3103. 3105. 3164. 3165. 3207. 7022. 9182.

7. Quod in specie Doctrinam concernit, quæ nunc sequitur, est quoque illa ex Cælo, quia est ex sensu spirituali Verbi; & sensus spiritualis Verbi est idem cum doctrina quæ est in Cælo; in Cælo enim æque ac in terra est Ecclesia, est enim ibi Verbum, est Doctrina ex Verbo, sunt ibi Templâ, & in illis fiunt Prædicationes, nam sunt ibi Regimina Ecclesiastica & Civilia, verbo non alia intercedit differentia inter illa quæ in Cælis sunt & inter illa quæ in terris, quam quod omnia in Cælis in statu perfectiori sint, quia omnes, qui ibi, spirituales sunt, & spiritualia immensum excedunt naturalia perfectione; quod in Cælis talia sint, videatur in Opere de Cælo & Inferno ubivis, in specie in Articulo de Regiminibus in Cælo, n: 213 ad 220; & in Articulo de cultu Divino ibi, n: 221 ad 227. Ex his constare potest, quid intelligitur per quod sancta Civitas, nova Hierosolyma, visa sit descendere a Deo e Cælo. Sed accedam ad ipsam DOCTRINAM, quæ pro nova Ecclesia, quæ quia mihi revelata est e Cælo, DOCTRINA CŒLESTIS vocatur; nam hanc dare, hujus Operis institutum est.

Prologus ad Doctrinam.

8. **Q**UOD finis Ecclesiæ sit, quando nulla fides quia nulla charitas, ostensum est in Opusculo de Ultimo Judicio & Babylonia destructa, n: 33 ad 39 seq: Quia nunc Ecclesiæ in Christiano Orbe se distinxerant solum per talia quæ Fidei sunt, & usque Fides nulla est ubi non Charitas, ideo velim hic ante ipsam Doctrinam præmittere aliqua de Doctrina Charitatis apud Antiquos: dicitur, Ecclesiæ in Christiano Orbe, & per illas intelliguntur Ecclesiæ apud Reformatos seu Evangelicos, non autem apud Pontificios, quoniam ibi non Ecclesia Christiana est, nam ubi Ecclesia ibi adoratur Dominus, & legitur Verbum; aliter apud illos, ibi adorantur ipsi loco Domini, & Verbum inhibetur legi a populo, ac dictamen Papæ ponitur ei æquale, imo supra id.

9. Doctrina Charitatis, quæ est Doctrina vitæ, fuit ipsa Doctrina in Antiquis Ecclesiis, de quibus Ecclesiis videatur in ARCANIS COELESTIBUS, n: 1238. 2385; & illa Doctrina conjunxit omnes Ecclesias, ac ita ex pluribus unam fecit: pro hominibus enim Ecclesiæ agnoverunt omnes illos qui in bono charitatis vixerunt, & vocaverunt fratres, utcumque præterea in veris, quæ hodie fidei dicuntur, discreparent; in his unus alterum instruxit, quod erat inter opera eorum charitatis; & quoque non indignati sunt, si unus ad alterius sententiam non accederet, scientes quod quisque tantum veri recipiat, quantum in bono est. Quia tales fuerunt Antiquæ Ecclesiæ, idcirco interiores homines fuerunt, & quia interiores, fuerunt sapientiores; nam qui in bono amoris & charitatis sunt, illi quoad Internum hominem in Cælo sunt, & ibi quoad illum in Societate angelica quæ in simili bono; inde elevatio mentis eorum ad interiora, & consequenter il'is sapientia; aliunde enim sapientia non venire potest quam e Cælo, hoc est, per Cælum a Domino; ac in Cælo est sapientia, quia ibi in bono sunt: sapientia est videre verum ex luce veri, & lux veri est lux quæ in Cælo est. Sed sapientia illa antiqua successu temporis decrevit; quantum enim Genus Humanum a bono amoris in Dominum, & amoris erga proximum, qui amor vocatur Charitas, se removit, tantum etiam a sapientia, quia tantum se removit a Cælo: inde est, quod homo ab Interno factus sit Exter-

nus, & hoc successive; & cum homo factus est Externus, etiam factus est Mundanus & Corporeus; & cum talis est, parum curat quæ Cœli sunt, nam tunc occupant illum totum jucunda amorum terrestrium, & cum illis mala, quæ homini ex amoribus illis jucunda sunt, & tunc illa quæ audit de Vita post mortem, de Cœlo & Inferno, verbo de Spiritualibus, sunt quasi extra illum, & non intra illum ut tamen oportet esse. Inde quoque est, quod Doctrina charitatis, quæ tanti pretii fuerat apud Antiquos, hodie inter res deperditas sit; quis enim hodie novit, quid in genuino sensu est Charitas, & quid in genuino sensu est Proximus, cum tamen illa Doctrina non modo id docet, sed insuper innumera, quorum non millesima pars hodie scitur: tota Scriptura Sacra non aliud est quam Doctrina Amoris & Charitatis, quod etiam Dominus docet, dicendo, "Amabis Dominum Deum tuum ex toto corde tuo, & in tota anima tua, & in tota mente tua; hoc est primum & magnum Mandatum: Secundum simile est illi, amabis Proximum tuum sicut teipsum: ex his duobus Mandatis Lex & Prophetæ pendent," Matth: xxii: 37. 38. 39. Lex & Prophetæ sunt Verbum in omnibus & singulis.

10. In sequentibus adjicientur singulis Doctrinalibus Collecta ex ARCANIS COELESTIBUS, quia in his eadem amplius explicata sunt.



De Bono & Vero.

11. OMNIA in Universo, quæ sunt secundum Divinum Ordinem, se referunt ad Bonum & Verum; nihil datur in Cælo, & nihil in Mundo, quod non ad duo illa se refert: causa est, quia utrumque, tam Bonum quam Verum, procedit a Divino, a Quo omnia.

12. Inde patet, quod nihil magis sit necessarium homini, quam ut sciat quid bonum & quid verum, & quomodo unum spectat alterum, ac quomodo unum conjungitur alteri; maxime autem necessarium est homini Ecclesiæ, nam sicut omnia Cæli se referunt ad Bonum & Verum, ita quoque omnia Ecclesiæ, quia bonum & verum Cæli sunt quoque bonum & verum Ecclesiæ. Hæc causa est, quod exordium fiat a Bono & Vero.

13. Secundum Divinum Ordinem est, ut Bonum & Verum conjuncta sint, & non separata, ita ut sint unum & non duo; conjuncta enim procedunt a Divino, & conjuncta sunt in Cælo, ac ideo conjuncta erunt in Ecclesia. Conjunctio boni & veri vocatur in Cælo Conjugium cœleste, nam in hoc Conjugio sunt omnes qui ibi: inde est, quod in Verbo Cælum comparetur Conjugio, & quod Dominus dicatur Sponsus & Maritus, Cælum autem Sponsa & Uxor, similiter Ecclesia: quod Cælum & Ecclesia ita dicantur, est quia illi, qui ibi, recipiunt Divinum Bonum in Veris.

14. Omnis Intelligentia & Sapientia, quæ est Angelis, est ex illo Conjugio, & non aliqua ex Bono separato a Vero, nec a Vero separato a Bono: simile est hominibus Ecclesiæ.

15. Quia Conjunctio boni & veri est instar Conjugii, patet quod bonum amet verum, & vicissim verum amet bonum, & quod unum desideret cum altero conjungi: homo Ecclesiæ, cui non talis amor est & tale desiderium, non est in Conjugio cœlesti, ita non est in illo adhuc Ecclesiæ; nam conjunctio boni & veri facit Ecclesiam.

16. Bona sunt multiplicia; in genere est Bonum spirituale & Bonum naturale, ac utrumque conjunctum in genuino Bono morali: sicut sunt Bona, ita quoque sunt Vera, quia Vera sunt boni, & sunt formæ boni.

17. Sicut est cum Bono & Vero, ita ex opposito est cum Malo & Falso; quod nempe sicut omnia in Universo, quæ sunt secundum Divinum Ordinem, se referunt ad bonum & verum, ita omnia quæ sunt contra Divinum Ordinem, se referant ad malum & falsum. Tum quod sicut bonum amat conjungi vero, ac vicissim, ita malum amet conjungi falso, ac vicissim. Ut &, sicut omnis intelligentia & sapientia nascitur ex conjunctione boni & veri, ita omnis insania & stultitia ex conjunctione mali & falsi. Conjunctio mali & falsi vocatur Conjugium infernale.

18. Ex eo, quod malum & falsum sint opposita bono & vero, patet, quod verum non conjungi possit malo, nec bonum falso mali; si verum adjungitur malo, non amplius fit Verum, sed falsum, quia falsificatum; & si bonum adjungitur falso mali, non amplius fit bonum, sed malum, quia adulteratum. At falsum non mali potest conjungi bono.

19. Nemo qui in malo & inde falso est ex confirmatione & vita, potest scire quid bonum & verum, quoniam malum suum credit esse bonum, ac inde falsum suum credit esse verum; at omnis qui in bono & inde vero est ex confirmatione & vita, potest scire quid malum & falsum: causa est, quia omne bonum & ejus verum est in sua essentia cœleste, & quod non in sua essentia est cœleste, est usque ex origine cœlesti; omne autem malum & ejus falsum est in sua essentia infernale, & quod non in sua essentia est infernale, est usque ex origine inde; ac omne Cœleste est in luce, at omne Infernale in tenebris.

Ex Arcanis Cœlestibus.

20. **Q**UOD omnia & singula in Universo se referant ad Bonum & Verum, & ad Malum & Falsum, illa quæ secundum Divinum Ordinem sunt & fiunt, ad Bonum & Verum, illa autem quæ contra Divinum Ordinem, ad Malum & Falsum, n : 2451. 3166. 4399. 4409. 5232. 7256. 10122. Ita apud hominem ad Intellectum & Voluntatem, quoniam Intellectus hominis est recipiens veri aut falsi, ac Voluntas recipiens boni aut mali, n : 10122. Quod hodie a paucis sciatur quid Verum in sua genuina essentia, quia parum scitur quid Bonum, cum tamen omne verum est a bono, & omne bonum per vera, n : 2507. 3603. 4136. 9186. 9995.

Quod sint quatuor Genera hominum; 1. Quod sint qui in falsis sunt ex malo, & qui in falsis sunt non ex malo. 2. Quod sint qui in Veris sunt absque bono. 3. Quod sint qui in Veris sunt, & per illa spectant & tendunt ad Bonum. 4. Quod sint qui in Veris sunt ex Bono: sed de singulis in specie.

21. *De illis qui in falsis sunt ex malo; & qui in falsis non ex malo: ita de falsis ex malo, & de falsis ex non malo.* Quod innumerabilia genera falsi sint, quot nempe mala; & quod origines malorum & inde falforum sint plures, n: 1188. 1212. 4729. 4822. 7574. Quod sit falsum ex malo, seu falsum mali; & quod sit malum ex falso seu malum falsi, ac iterum inde falsum, ita derivative, n: 1679. 2243. Quod ex uno falso, imprimis si loco principii sit, fluant falsa in continua serie, n: 1510. 1511. 4717. 4721. Quod sit falsum ex cupiditatibus amoris sui & mundi; & quod sit falsum ex fallaciis sensuum, n: 1295. 4729. Quod sint falsa religionis; & quod sint falsa ignorantiae, n: 4729. 8318. 9258. Quod sit falsum in quo bonum, & falsum in quo non bonum, n: 2863. 9304. 10109. 10302. Quod sit falsificatum, n: 7318. 7319. 10648. Quod omne malum secum habeat falsum, n: 7577. 8094. Quod falsum ex cupiditatibus amoris sui sit ipsum falsum mali, & quod inde pessima genera falforum, n: 4729.

Quod malum sit grave, & ex se delabatur in infernum, non autem falsum nisi ex malo, n: 8279. 8298. Quod bonum vertatur in malum, & verum in falsum, cum delabatur e Coelo in Infernum, quia sic quasi in crassam & impuram atmosphæram, n: 3607. Quod falsa ex malo appareant sicut nimbi & sicut aquæ impuræ supra Inferna, n: 8217. 8138. 8146. Quod qui in Infernis sunt, loquantur falsa ex malo, n: 1695. 7351. 7352. 7357. 7392. 7698. Quod qui in malo sunt, non possint nisi falsum, dum ex se, cogitare, n: 7437. plura de malo falsi, n: 2408. 4818. 7272. 8266. 8279: Et de falso mali, n: 6359. 7272. 9304. 10302.

Quod omne falsum confirmari possit, & cum confirmatum est appareat ut verum, n: 5033. 6865. 8521. 8780. Quod ideo explorandum num verum sit antequam confirmatur, n: 4741. 7012. 7680. 7950. 8521. Quod cavendum sit ne falsa religionis confirmetur, quia inde persuasio falsi, quæ homini post mortem, n: 845. 8780. Persuasio falsi quam damnosa, n: 794. 806. 5096. 7686.

Quod bonum influere in vera nequeat, quândiu homo in malo est, n: 2434. Quod bona & vera tantum removeantur ab homine, quantum is in malo & inde falsis est; n: 3402. Quod quam maxime præcaveatur a Domino, ne verum conjungatur malo, ac falsum mali bono, n: 3110. 3116. 4416. 5217. Quod ex commixtione illa prophatio, n: 6348. Quod vera exterminent falsa, & falsa vera, n: 5207. Quod vera penitus recipi nequeant, quândiu regnat incredulitas; n: 3399.

Quod vera falsificari possint, quomodo, ab exemplis, n: 7318. Quod malis liceat falsificare vera, causæ, n: 7332. Quod vera falsificentur a malis, per quod applicentur, & sic deducantur ad malum, n: 8094. 8149.

Verum.

Verum falsificatum dicitur, quod applicatum est malo, quod fit imprimis per fallacias & per apparentias in externis, n : 7344. 8602. Quod malis liceat aggredi verum, non autem bonum, quia verum possunt per varias interpretationes & applicationes falsificare, n : 6677. Quod verum falsificatum ex malo sit contra verum & bonum, n : 8602. Quod verum ex malo falsificatum graviter puteat in altera vita, n : 7319. plura de falsificatione veri, n : 7318. 7319. 10648.

Quod falsa religionis dentur, quæ concordant cum bono, & quod dentur quæ discordant, n : 9259. Quod falsa religionis, si non discordant cum bono, non producant malum, solum apud illos qui in malo sunt, n : 8318. Quod falsa religionis non imputentur illis qui in bono sunt, sed illis qui in malo, n : 8051. 8149. Quod vera non genuina, & quoque falsa consociari possint cum veris genuinis apud illos qui in bono sunt, non autem apud illos qui in malo, n : 3470. 3471. 4551. 4552. 7344. 8149. 9298. Quod falsa & vera consociantur per apparentias ex sensu literæ Verbi, n : 7344. Quod falsa verificentur a bono, & mollescant, quia applicantur & deducuntur ad bonum, & removetur malum, n : 8149. Quod falsa religionis apud illos qui in bono sunt, recipiantur a Domino ut vera, n : 4736. 8149. Quod bonum, cujus quale est a falso religionis, acceptetur a Domino, si ignorantia sit, & in illa innocentia, ac finis bonus, n : 7887. Quod vera apud hominem sint apparentiæ veri & boni imbutæ fallaciis, sed quod usque Dominus adaptet illa genuinis veris apud hominem qui in bono vivit, n : 2053. Quod falsa in quibus bonum, dentur apud illos qui extra Ecclesiam sunt, & inde in ignorantia veri, etiam apud illos qui intra Ecclesiam sunt, ubi falsa doctrinæ, n : 2589 ad 2604. 2861. 2863. 3263. 3778. 4189. 4190. 4197. 6700. 9256. Quod falsa in quibus non bonum, graviora sint apud illos qui intra Ecclesiam sunt, quam apud illos qui extra Ecclesiam, n : 7688. Quod vera & bona auferantur malis in altera vita, ac dentur bonis, secundum Domini verba, *Ei, qui habet, dabitur ut abundet, & ei, qui non habet, auferetur quod habet*, n : 7770.

22. *De illis qui in veris sunt & non in bono ; ita de veris absque bono.* Quod vera absque bono non in se sint vera, quia non habent vitam, omnis enim vita veris est a bono, n : 3603. Ita quod sint quasi corpus absque anima, n : 3180. 9454. Quod cognitiones veri & boni, quæ modo in memoria & non in vita sunt, credantur illis esse vera, n : 5276. Quod vera non appropriantur homini, nec fiant ejus, quæ modo scit, & agnoscit ex causis quæ procedunt ex amore sui & mundi, n : 3402. 3834. Sed quod appropriantur quæ agnoscit propter ipsum verum & bonum, n : 3849. Quod vera absque bono non acceptentur a Domino, n : 4368. nec salvent, n : 2261. Quod illi qui in veris absque bono sunt, non ab Ecclesia sint, n : 3963. Quod nec possint regenerari, n : 10637. Quod Dominus non influat in vera, nisi quam per bonum, n : 10367.

De separatione veri a bono, n : 5008. 5009. 5022. 5028. Quale verum absque bono, & quale ex bono, n : 1949. 1950. 1964. 5951. ex comparativis,

rativis, n: 5830. Quod verum absque bono sit morosum, n: 1949. 1950. 1951. 1964. Quod in Mundo spirituali appareat durum, n: 6359. 7068: & acuminatum, n: 2799. Quod verum absque bono sit sicut lux hyemis, in qua omnia telluris torpent, & nihil producitur: at quod verum ex bono sit sicut lux veris & æstatis, in qua omnia florent & producuntur, n: 2231. 3146. 3412. 3413. Quod lux talis hyemalis vertatur in densas tenebras, cum influit lux e Cœlo, & quod illi tunc, qui in illis veris sunt, in cæcitate & stupiditatem veniant, n: 3412. 3413.

Quod qui vera a bono separant, in tenebris sint, & in ignorantia veri ac in falsis, n: 9186. Quod se conjiciant a falsis in mala, n: 3325. 8094. Errores & falsa, in quæ se conjiciunt, n: 4721. 4730. 4776. 4783. 4925. 7779. 8313. 8765. 9221. Quod Verbum illis oclclusum sit, n: 3773. 4783. 8780. Quod non videant & attendant ad omnia illa, quæ Dominus loquutus de amore & charitate, ita de bono, n: 3051. 3416. Quod nesciant quid bonum, ita quid amor cœlestis & charitas, n: 2507. 3603. 4136. 9995. Qui vera fidei sciunt, & male vivunt, quod in altera vita abutantur veris ad dominandum, quales illi, & qualis fors illorum ibi, n: 4802.

Quod Verum Divinum damnet ad infernum, at Divinum Bonum elevet ad cœlum, n: 7258. Quod Verum Divinum terreat, non Divinum Bonum, n: 4180. Quid sit judicari ex Vero, & judicari ex bono, n: 2335.

23. *De illis qui in veris sunt, & per illa spectant & tendunt ad bonum; ita de veris per quæ bonum.* Quod homo amat hoc vult, & quod homo amat aut vult, hoc cogitat & confirmat variis: quod homo amat aut vult, hoc vocatur bonum, & quod homo inde cogitat & confirmat variis, hoc vocatur verum, n: 4070. Inde nunc, quod verum fiat bonum, cum sit amoris seu voluntatis, seu cum homo amat & vult illud, n: 5526. 7835. 10367. Et quia amor seu voluntas est ipsa vita hominis, quod verum non vivat apud hominem, cum modo scit illud & cogitat illud, sed cum amat & vult illud, & ex amore & voluntate facit illud, n: 5595. 9284. Quod vera inde accipiant vitam, ita ex bono, n: 2434. 3111. 3607. 6077. Proinde quod vita veris sit ex bono, & nulla vita veris absque bono, n: 1589. 1947. 1997. 2579. 3180. 4070. 4096. 4097. 4736. 4757. 4884. 5147. 5928. 9154. 9667. 9841. 10729: illustratum n: 9454. Quando vera dicenda vitam adepta, n: 1928. Quod verum, cum conjungitur bono, approprietur homini, quia sit ejus vitæ, n: 3108. 3161. Ut verum conjungatur bono, erit consensus ab intellectu & voluntate, cum quoque a voluntate, quod tunc conjunctio, n: 3157. 3158. 3161.

Quod vera, cum regeneratur homo, intrent cum jucundo affectionis, quia amat facere illa, & quod reproducantur cum eadem affectione, quia cohærent, n: 2484. 2487. 3040. 3066. 3074. 3336. 4018. 5893. 7967. Quod affectio quæ amoris se semper adjungat veris secundum usus vitæ, & quod affectio illa reproducat cum veris, ac vera reproducantur cum affectione, n: 3236. 3824. 3849. 4205. 5893. 7967. Quod bonum non aliud pro vero agnoscat, quam quod concordat cum affectione quæ amoris, n: 3161. Quod
vera

vera introducantur per jucunda & amœna convenientia, n : 3502. 3512. Quod omnis affectio veri genuina sit ex bono, & secundum id, n : 4373. 8349. 8356. Quod sic insinuatio & influxus boni in vera, ac conjunctio, n : 4301. Et quod sic vita veris, n : 7917. 7967.

Quia affectio quæ amoris se semper adjungit veris secundum usus vitæ, quod bonum agnoscat suum verum, ac verum suum bonum, n : 2429. 3101. 3102. 3161. 3179. 3180. 4358. 5407. 5835. 9637. Quod inde conjunctio veri & boni, de qua, n : 3834. 4096. 4097. 4301. 4345. 4353. 4364. 4368. 5365. 7623 ad 7627. 7752 ad 7762. 8530. 9258. 10555. Quod etiam vera se agnoscant, ac mutuo consocientur, n : 9079 : Et quod hoc sit ex influxu Coeli, n : 9079.

Quod bonum sit Esse vitæ, ac verum Existere vitæ inde, & quod sic bonum suum Existere vitæ habeat in Vero, ac Verum suum Esse vitæ in bono, n : 3049. 3180. 4574. 5002. 9144. Inde quod omne bonum habeat suum verum, & omne verum suum bonum, quia bonum absque vero non Existit, & verum absque bono non Est, n : 9637. Tum quod bonum habeat suam formam & suum quale a veris, ita quod verum sit forma & quale boni, n : 3049. 4574. 6951. 9454. Et quod sic verum & bonum debeant esse conjuncta, ut sint aliquid, n : 10555. Quod inde bonum in perpetuo conatu & desiderio sit jungendi sibi vera, n : 9206. 9495 : illustratum, n : 9207. Et quod vera se vicissim cum bono, n : 9206. Quod conjunctio reciproca sit, boni cum vero, & veri cum bono, n : 5365. 8516. Quod bonum agat & verum reagat sed ex bono, n : 3155. 4380. 4757. 5928. 10729. Quod vera spectent suum bonum ut principium & finem, n : 4353.

Quod conjunctio veri cum bono se habeat sicut progressio vitæ hominis ab infantia, quod primum hauriat vera scientificæ, dein rationaliter, demum faciat illa suæ vitæ, n : 3025. 3665. 3690. Etiam sicut cum prole, quod concipiatur, sit in utero, nascatur, adolescat, sapiat, n : 3298. 3299. 3308. 3665. 3690. Quod etiam se habeat sicut cum seminibus & humo, n : 3571. Et sicut cum aqua ad panem, n : 4976. Quod prima affectio veri non sit genuina, sed quod sicut homo perficitur, purificetur, n : 3040. 3089. Quod usque bona & vera non genuina inserviant introducendis bonis & veris genuinis, & quod priora postea relinquantur, n : 3665. 3690. 3974. 3982. 3986. 4145.

Porro, quod homo ducatur per vera ad bonum, & non absque veris, n : 10124. 10367. Si homo non addiscit seu recipit vera, quod bonum non influere possit, ita quod homo non fieri possit spiritualis, n : 3387. Quod conjunctio boni & veri fiat secundum incrementum cognitionum, n : 3141. Quod vera recipiantur a quolibet secundum captum, n : 3385.

Quod vera naturalis hominis sint scientifica, n : 3293. 3309. 3310. Quod scientifica & cognitiones sint sicut vasa, n : 6004. 6023. 6052. 6071. 6077. Quod vera sint vasa boni, quia recipientia, n : 1946. 1900. 2063. 2261. 2269. 3318. 3368. 3365.

Quod

Quod bonum influat per viam internam seu animæ apud hominem, vera autem per viam externam seu auditus & visus, & quod jungantur in interioribus ejus a Domino, n: 3030. 3098. Quod vera eleventur e naturali homine, ac implantentur bono in spirituali, & quod sic vera fiant spiritualia, n: 3085. 3086. Et quod postea inde influant in naturalem hominem, bonum spirituale in bonum naturalis immediate, in verum autem naturalis mediate, n: 3314. 3573. 4563: illustratum n: 3314. 3616. 3576. 3969. 3995. Verbo, quod vera tantum & taliter jungantur bono apud hominem, quantum & qualiter homo est in bono quod vitam, n: 3834. 3843. Quod conjunctio aliter fiat apud cœlestes, aliter apud spirituales, n: 10124. Plura de conjunctione boni & veri, & quomodo fit, n: 3090. 3203. 3308. 4096. 4097. 4345. 4353. 5365. 7623 ad 7627. Et quomodo bonum spirituale per vera formatur, n: 340. 3570.

24. *De illis qui in veris sunt ex bono; ita de veris ex bono.* Verum quod ducit ad bonum, & quod procedit ex bono, quæ differentia, n: 1063. Quod verum non sit verum essentialiter nisi quantum a bono procedit, n: 4736. 10619; quoniam verum habet suum Esse a bono, n: 3049. 3180. 4574. 5002. 9144: & suam vitam, n: 3111. 2434. 6077: & quia verum est forma seu quale boni, n: 3049. 4574. 6951. 9454. Quod verum sit prorsus sicut bonum apud hominem, in simili ratione & simili gradu, n: 2429. Quod verum ut sit verum, trahet suam essentiam a bono charitatis & innocentiae, n: 3111. 6013. Vera quæ ex bono quod sint vera spiritualia, n: 5951.

Quod verum cum bono unum faciat, cum procedit a bono, usque adeo ut utrumque simul sit unum bonum, n: 4332. 7835. 10252. 10266. Quod intellectus & voluntas unam mentem ac unam vitam faciant, cum intellectus procedit a voluntate, quoniam intellectus est recipiens veri, ac voluntas boni, non autem cum homo aliter cogitat & loquitur, quam vult, n: 3623. Quod verum ex bono, sit verum voluntate & actu, n: 4337. 4353. 4385. 4390. Cum verum procedit ex bono, quod bonum in vero habeat imaginem sui, n: 3180.

Quod in universo cœlo & mundo, ac in singulis eorum sit instar conjugii, n: 54. 718. 749. 917. 1432. 2173. 2516. 5194. Imprimis inter verum & bonum, n: 1094. 2173. 2503. Quoniam omnia in universo se referunt ad verum & ad bonum, ut sint aliquid, & ad conjunctionem eorum, ut producat aliquid, n: 2451. 3166. 4390. 4409. 5232. 7256. 10122. 10555. Quod Antiqui etiam instituerint conjugium inter verum & bonum, n: 1904. Quod lex conjugii sit, ut duo unum sint, secundum verba Domini, n: 10130. 10168. 10169. Quod etiam amor vere conjugalitatis ex conjugio veri & boni e cœlo descendat & existat, n: 2728. 2729.

Quod homo tantum sapiat, quantum in bono est & inde veris, non autem quantum scit vera & non est in bono, n: 3182. 3190. 4884. Quod homo, qui in veris ex bono est, actualiter elevetur e luce mundi in lucem cœli, ita ex obscuro in clarum; vicissim autem, quod sit in luce mundi & in obscuro, quamdiu

quamdiu scit vera & non in bono est, n: 3190. 3191. Quod homo nec sciat quid bonum, priusquam est in illo, & ex illo, n: 3325. 3330. 3336. Quod vera crescant in immensum, cum procedunt ex bono, n: 2846. 2847. 5:45, de qua crescentia, n: 5355. Quod crescentia illa se habeat, sicut fructificatio ex arbore, & multiplicatio ex seminibus, ex quibus integri horti, n: 1873. 2846. 2847. Quod etiam tantum sapientia crescat, & hoc in æternum, n: 3200. 3314. 4220. 4221. 5527. 5859. 6303. Quod etiam homo, qui in veris ex bono est, tantum illustretur, ac quod tantum in illustratione sit cum legit Verbum, n: 9382. 10548. 10549. 10550. 10691. 10694. Quod bonum amoris sit instar ignis, ac verum inde sit sicut lux ex illo igne, n: 3195. 3222. 5400. 8644. 9399. 9548. 9684. Quod vera ex bono in cœlo etiam luceant, n: 5219. Quod vera ex bono, per quæ sapientia, crescant secundum quale & quantum amoris boni, ac vicissim falsa ex malo secundum quale & quantum amoris mali, n: 4099. Quod homo, qui in veris ex bono est, in intelligentiam & sapientiam angelicam veniat, & quod illa in interioribus ejus lateat, quamdiu vivit in mundo, sed quod aperiatur in altera vita, n: 2494. Quod homo, qui in veris ex bono est, post mortem fiat angelus, n: 8747.

Quod vera ex bono se habeant sicut generationes, n: 9079. Quod disponentur in series, n: 5339. 5343. 5530. 7408. 10303. 10308. Ordinatio verorum ex bono comparata cum fibris & vasis sanguineis in corpore, & inde texturis & formis, secundum usus vitæ, n: 3470. 3570. 3579. 9454. Quod vera ex bono forment quasi civitatem, & hoc ex influxu cœli, n: 3584. Quod in medio sint vera, quæ principalis amoris sunt, & reliqua inde remota secundum gradus disconvenientiæ, n: 3993. 4551. 4552. 5530. 6028. Vicissim apud malos, n: 4551. 4552. Quod vera, cum procedunt ex bono, ordinentur in formam cœli, n: 4302. 4704. 5339. 5343. 6028. 10303: & hoc secundum ordinem, in quo sunt societates angelicæ, n: 10303. Quod omnia vera, cum procedunt a bono, affinitate quadam inter se conjuncta sint, & quod se habeant sicut derivationes familiarum ex uno patre, n: 2863. Quod omne verum etiam habeat sphaeram extensionis in cœlum secundum quale & quantum boni ex quo, n: 8063. Quod conjugium boni & veri sit Ecclesia & Cœlum apud hominem, n: 2231. 7752. 7753. 9224. 9795. 10122. De jucunditate & felicitate illorum, apud quos bonum est in veris, n: 1470.

Quod vera ex bono conjuncta sistant imaginem hominis, n: 8370. Quod homo non sit nisi quam suum bonum & inde verum, aut malum & inde falsum, n: 10298.

In summa. Quod per vera sit fides, n: 4353. 4997. 7178. 10367. Quod per vera charitas erga proximum, n: 4368. 7623. 7624. 8034. Quod per vera amor in Dominum, n: 10143. 10153. 10310. 10578. 10648. Quod per vera conscientia, n: 1077. 2053. 9113. Quod per vera innocentia, n: 3183. 3495. 6013. Quod per vera purificatio a malis, n: 2799. 5954. 7044. 7918. 9089. 10229. 10237. Quod per vera regeneratio, n: 1555. 1904.

2046. 2189. 9088. 9959. 10028. Quod per vera intelligentia & sapientia, n: 3182. 3190. 3387. 10064. Quod per vera pulchritudo Angelis, ita hominibus quoad interiora quæ sunt spiritus eorum, n: 553. 3080. 4983. 5199. Quod per vera potentia contra mala & falsa, n: 3091. 4015. 10485. Quod per vera ordo qualis in cœlo, n: 3316. 3417. 3570. 4704. 5339. 5343. 6028. 10303. Quod per vera Ecclesia, n: 1798. 1799. 3963. 4468. 4672. Quod per vera Cœlum homini, n: 1690. 9832. 9931. 10303. Quod per vera homo fiat homo, n: 3175. 3387. 8370. 10298. Verumtamen omnia illa per vera ex bono, & non per vera absque bono; & bonum a Domino, n: 2434. 4070. 4736. 5147. Quod omne bonum sit a Domino, n: 1614. 2016. 2904. 4151. 9981.

25. *Quod omne bonum & verum sit a Domino.* Quod Dominus sit ipsum Bonum & ipsum Verum, n: 2011. 4151. 10336. 10619. Quod Dominus quoad utrumque & Divinum & Humanum sit Divinum Bonum Divini Amoris, & quod ab Illo procedat Divinum Verum, n: 3704. 3712. 4180. 4577. Quod a Divino Bono Domini procedat Divinum Verum, comparative sicut lux a sole, n: 3704. 3712. 4180. 4577. Quod Divinum Verum procedens a Domino appareat in cœlis ut Lux, & sistat omnem lucem cœli, n: 3195. 3222. 5400. 8694. 9399. 9548. 9684. Quod Lux cœli, quæ est Divinum Verum unitum Divino Bono, illuminet angelorum & spirituum & visum & intellectum, n: 2776. 3138. Quod Cœlum in luce & calore sit quia in vero & bono, quoniam Divinum Verum ibi est Lux; & Divinum Bonum ibi est Calor, n: 3643. 9399. 9401, & in Opere de Cœlo & Inferno n: 126 ad 140. Quod Divinum Verum procedens a Divino Bono Domini formet & ordinet Cœlum angelicum, n: 3038. 9408. 9613. 10716. 10717. Quod Divinum Bonum unitum Divino Vero, quod est in cœlis, dicatur Divinum Verum, n: 10196.

Quod Divinum Verum procedens a Domino sit unicum reale, n: 6880. 7004. 8200. Quod per Divinum Verum omnia facta & creata sint, n: 2803. 2884. 5272. 7835. Quod etiam Divino Vero sit omnis potentia, n: 8200.

Quod homo ex se nihil boni facere, & nihil veri cogitare possit, n: 874. 875. 876. Quod Rationale hominis ex se non percipere possit Divinum Verum, n: 2196. 2203. 2209. Quod vera quæ non a Domino, sint ex proprio hominis, & quod non vera sint, sed modo appareant ut vera, n: 8868.

Quod omne bonum & verum sit a Domino, & nihil ab homine, n: 1614. 2016. 2904. 4151. 9981. Quod bona & vera tantum bona & vera sint, quantum in se habent Dominum, n: 2904. 3051. 8478. De Divino Vero immediate procedente a Domino, & de Divino Vero mediate per angelos, & de eorum influxu apud hominem, n: 7055. 7056. 7058. Quod Dominus influat in bonum apud hominem, & per bonum in vera, n: 10153. Quod influat per bonum in vera omnis generis, maxime in vera genuina, n: 2531. 2554. Quod Dominus non influat in vera separata a bono, & quod non

detur paralelismus inter Dominum & hominem quoad illa, sed quoad bonum, n: 1831. 1832. 3514. 3564.

Facere bonum & verum propter bonum & verum, quod sit amare Dominum & amare proximum, n: 10336. Quod, qui in interno Verbi, Ecclesiæ, & Cultus sunt, ament facere bonum & verum propter bonum & verum, qui autem in externo illorum absque interno sunt, quod ament facere bonum & verum propter se & mundum, n: 10662. Quid sit facere bonum & verum propter bonum & verum, illustratum per exempla, n: 10682.

26. *De variis Bonis & Veris.* Quod infinita varietas sit, & nusquam aliquid idem cum altero, n: 7236. 9002. Quod in cœlis etiam infinita varietas sit, n: 684. 690. 3744. 5598. 7236. Quod varietates in cœlis sint varietates boni; & quod inde distinctio omnium ibi; n: 3519. 3744. 3804. 3986. 4005. 4067. 4149. 4263. 7236. 7833. 7836. 9002. Quod illæ varietates sint ex veris, quæ multiplicia, per quæ bonum cuivis, n: 3470. 3519. 3804. 4149. 6917. 7236. Quod inde omnes societates angelicæ in cœlis, & unusquisque angelus in societate, inter se distincti sint, n: 690. 3241. 3519. 3804. 3986. 4067. 4149. 4263. 7236. 7833. 7836. Sed quod usque unum agant per Amorem a Domino, & per quod spectent unum finem, n: 457. 3986.

Quod bona & vera in genere secundum gradus distinguantur in naturalia, spiritualia, & cœlestia, n: 2069. 3240. Quod tres gradus boni & inde veri sint in communi secundum tres cœlos, n: 4154. 9873. 10296. Quod triplicis generis bona & inde vera sint in Interno homine, & totidem in Externo, n: 4154. Quod sit bonum naturale, bonum civile, & bonum morale, n: 3768. Quod bonum naturale, in quod aliqui nascuntur, non sit bonum in altera vita, nisi fiat bonum spirituale, n: 2463. 2464. 2468. 3408. 3469. 3470. 3508. 3518. 7761. De bono naturali spirituali, & non spirituali, n: 4988. 4992. 5032. Quod sit verum intellectuale, & quod sit verum scientificum, n: 1904. 1911. 2503.

27. *Quod sapientia sit ex bono per vera.* Quomodo concipitur & nascitur rationale apud hominem, n: 2094. 2574. 2557. 3030. 5126. Quod per influxum Domini per cœlum, in cognitiones & scientias quæ apud hominem, & inde elevationem, n: 1895. 1896. 1900. 1901. Quod elevatio sit secundum usus & eorum amorem, n: 3074. 3085. 3086. Quod rationale nascatur per vera, inde qualia illa sunt, tale rationale, n: 2094. 2524. 2557. Quod rationale per vera ex bono aperiatur & formetur, & quod per falsa ex malo claudatur & destruat, n: 3108. 5126. Quod homo non rationalis sit per id quod ratiocinari queat de quacunque re, sed quod videre & percipere possit num verum sit vel non, n: 1944. Quod homo non nascatur in aliquod verum, quia non in bonum, sed quod omne addiscet & imbuet, n: 3175. Quod homo ægre recipere possit vera genuina, & sic sapere, propter fallacias sensuum & persuasiones falsi, & inde ratiocinia & dubia, n: 3175. Quod homo tunc incipiat sapere, cum incipit aversari ratiocinia contra vera, & rejicere dubia, n: 3175. Quod rationale humanum non illustratum irrideat vera interiora,

interiora, ab exemplis, n : 2654. Quod vera interiora apud hominem dicantur quum implantata sunt vitæ ejus, & non inde quod sciat illa, tametsi forent vera quæ vocantur interiora, n : 10199.

Quod in bono sit facultas sapiendi, inde qui in bono vixerunt in mundo, in sapientiam angelicam veniunt post excessum e mundo, n : 5527. 5859. 8321. Quod in unoquoque bono innumerabilia insint, n : 4005. Quod ex bono innumerabilia sciri possint, n : 3612. De multiplicatione veri ex bono, n : 5345. 5355. 5912. Quod bonum infantiae per vera ac per vitam secundum illa, fiat bonum sapientiae, n : 3504.

Quod sit affectio veri & affectio boni, n : 1904. 1997. Quales illi qui in affectione veri, & quales illi qui in affectione boni, n : 2422. 2430. Quinam in affectionem veri possunt venire, & quinam non possunt, n : 2689. Quod omnia vera sint sub affectione communi ordinata, n : 9094. Quod affectio veri & affectio boni in naturali homine se habeant ut frater & soror, in spiritali autem homine ut vir & ejus mulier, n : 3160.

Quod pura vera non dentur apud hominem ; ne quidem apud Angelum, sed solum apud Dominum, n : 3207. 7902. Quod vera apud hominem sint apparentiæ veri, n : 2053. 2519. Quod prima vera apud hominem sint apparentiæ veri ex fallaciis sensuum, quæ tamen successive exuuntur, sicut quoad sapientiam perficitur, n : 3131. Quod apparentiæ veri apud hominem qui in bono est, recipiantur a Domino pro veris, n : 2053. 3207. Quid & quales apparentiæ veri, n : 3207. 3357 ad 3362. 3368. 3404. 3405. 3417. Quod sensus literæ Verbi pluries sit secundum apparentias, n : 1838. Quod eadem vera apud unum sint magis vera, apud alium minus, & apud alium falsa quia falsificata, n : 2439. Quod vera etiam sint vera secundum correspondentiam inter naturalem & spiritualement hominem, n : 3128. 3138. Quod vera differant secundum varias ideas & perceptiones de illis, n : 3470. 3804. 6917.

Quod verum cum conjunctum est bono, evanescat e memoria, quia tunc fit vitæ, n : 3108. Quod vera nequeant conjungi bono nisi in statu libero, n : 3158. Quod vera jungantur bono per tentationes, n : 3318. 4572. 7122. Quod bono insit continuus conatus ordinandi vera, & sibi per id statum restituendi, n : 3610. Quod vera appareant injucunda, cum incipitur communicatio cum bono, n : 8352. Quod homo ægre distinguere possit inter verum & bonum, quia ægre inter cogitare & velle, n : 9995. Quod bonum in Verbo dicatur frater veri, n : 4267. Quod etiam in certo respectu bonum dicatur dominus, & verum servus, n : 3409. 4267.

De Voluntate & Intellectu.

28. **S**UNT homini binæ facultates, quæ faciunt vitam ejus, una vocatur VOLUNTAS & altera INTELLECTUS; illæ inter se distinctæ sunt, sed ita creatæ ut unum sint, & cum unum sunt vocantur MENS; quare Mens humana illæ sunt, & omnis vita hominis ibi.

29. Sicut omnia in Universo, quæ secundum Divinum Ordinem sunt, se referunt ad Bonum & Verum, ita omnia apud hominem ad Voluntatem & Intellectum, nam bonum apud hominem est ejus voluntatis, & verum apud illum est ejus intellectus; sunt enim hæ binæ facultates, seu hæ binæ vitæ hominis, receptacula & subjecta illorum, Voluntas est receptaculum & subjectum omnium boni, ac Intellectus est receptaculum & subjectum omnium veri, bona & vera apud hominem non alibi sunt: & quia bona & vera apud hominem non alibi sunt, ita nec Amor & Fides sunt alibi, quoniam amor est boni & bonum est amoris, ac fides est veri ac verum est fidei.

30. Quia nunc omnia in Universo se referunt ad bonum & verum, ac omnia Ecclesiæ ad bonum amoris & verum fidei, & quia homo est homo ex binis illis facultatibus, ideo de illis quoque in hac Doctrina agitur; alioquin nec posset distincta idea de illis ab homine haberi, ac fundari cogitatio.

31. Voluntas & Intellectus etiam faciunt Spiritum hominis, nam ejus sapientia & intelligentia in illis resident, & in genere ejus vita; corpus est modo obedientia.

32. Nihil magis interest scire, quam quomodo Voluntas & Intellectus unam Mentem faciunt; faciunt unam Mentem sicut bonum & verum faciunt Unum; est enim simile Conjugium inter voluntatem & intellectum, quale est inter bonum & verum; quale id conjugium est, constare plene potest ex illis quæ de bono & vero supra allata sunt; quod nempe sicut bonum est ipsum Esse rei, ac verum est Existere rei inde, ita Voluntas apud hominem est ipsum Esse vitæ ejus, ac Intellectus Existere vitæ inde, nam bonum quod est Voluntatis se in Intellectu format, & sistit videndum.

33. Illis, qui in bono & vero sunt, sunt voluntas & intellectus, at illis, qui in malo & falso sunt, non sunt voluntas & intellectus, sed pro voluntate illis est cupido, & pro intellectu est scientia; voluntas enim vere humana est receptaculum boni, ac intellectus receptaculum veri,

veri, quare voluntas non dici potest de malo, nec intellectus de falso, quia opposita sunt, & oppositum destruit: inde est, quod homo qui in malo & inde falso est, non dici possit rationalis, sapiens & intelligens: etiam apud malos clausa sunt interiora quæ Mentis sunt, ubi principaliter resident voluntas & intellectus. Creditur sicut voluntas & intellectus malis etiam sint, quia dicunt quod velint & quod intelligant, sed velle eorum est modo cupere, ac intelligere eorum est modo scire.

Ex Arcanis Cœlestibus.

34. **Q**UOD Vera spiritualia non comprehendi possint, nisi sequentia hæc UNIVERSALIA sciantur; I. Quod omnia in Universo se referant ad Bonum & Verum, & ad conjunctionem utriusque, ut sint aliquid; ita ad Amorem & Fidem, & eorum conjunctionem. II. Quod apud hominem sit Voluntas & Intellectus, & quod Voluntas sit receptaculum Boni, ac Intellectus receptaculum Veri, & quod omnia ad bina illa apud hominem se referant, & ad conjunctionem illorum, sicut omnia ad bonum & verum ac eorum conjunctionem. III. Quod Homo Internus sit & Externus, & quod illi inter se distincti sint sicut Cœlum & Mundus, & tamen quod unum debeant facere, ut homo sit vere homo. IV. Quod Lux Cœli sit in qua Internus homo est, & Lux mundi in qua Externus: & quod Lux Cœli sit ipsum Divinum Verum, ex quo omnis intelligentia. V. Quod inter illa, quæ in Interno & quæ in Externo homine sunt, sit Correspondentia, & quod inde utrobivis sub alia specie appareant, usque adeo ut non dignoscantur nisi per scientiam correspondentiarum. Nisi hæc & plura alia sciuntur, non possunt ideæ de Spiritualibus & Cœlestibus nisi incongruæ capi & formari; & sic scientifica & cognitiones, quæ Externi hominis, absque Universalibus illis, parum possunt inservire Rationali homini ad intellectum & incrementum. Inde patet, quam necessaria sunt scientifica. De illis Universalibus in Arcanis Cœlestibus pluries actum est.

35. Quod binæ Facultates homini sint, una quæ vocatur Voluntas, & altera quæ Intellectus, n: 35. 641. 3623. 3939. 10122. Quod binæ illæ facultates faciant ipsum hominem, n: 10076. 10109. 10110. 10264. 10284. Quod homo talis sit, quales binæ illæ facultates apud illum sunt, n: 7342. 8885. 9282. 10264. 10284. Quod per illas etiam homo distinguatur a bestiis, ex causa quia Intellectus hominis elevari potest a Domino, & videre Vera Divina, pariter Voluntas & percipere Bona Divina, & sic homo coniungi Domino per binas suas facultates quæ faciunt illum, secus autem bestię,

bestiæ, n : 4525. 5302. 5114. 6323. 9231. Et quia homo sic conjungi potest Domino, quod non mori possit quoad interiora sua quæ ejus spiritus sunt, sed quod vivat in æternum, n : 5302. Quod homo non sit homo ex forma, sed ex bono & vero, quæ sunt ejus voluntatis & intellectus, n : 4051. 5302.

Quod sicut omnia in Universo se referunt ad Bonum & Verum, ita apud hominem ad Voluntatem & Intellectum, n : 803. 10122. Quia Voluntas est receptaculum boni, & Intellectus receptaculum veri, n : 3332. 3623. 5332. 6065. 6125. 7503. 9300. 9930. Eodem recidit sive dicas verum sive dicas fidem, quoniam fides est veri ac verum est fidei, ac eodem recidit sive dicas bonum sive dicas amorem, quoniam amor est boni, ac bonum est amoris ; quod enim homo credit hoc verum dicit, & quod homo amat hoc bonum dicit, n : 4353. 4997. 7178. 10. 22. 10367. Inde sequitur, quod Intellectus sit recipiens fidei, & Voluntas recipiens amoris ; & quod fides & amor sint in homine, quando in illis sunt, quia non alibi est vita hominis, n : 7178. 10122. 10367. Et quia Intellectus hominis potest recipere fidem in Dominum, ac Voluntas amorem in Dominum, quod possit fide & amore conjungi Domino, & qui conjungi potest fide & amore Domino, non potest mori in æternum, n : 4525. 6323. 9231. Quod Amor sit conjunctio in spirituali Mundo, n : 1594. 2057. 3939. 4018. 5807. 6195. 6196. 7081 ad 7086. 7501. 10130.

Quod Voluntas hominis sit ipsum Esse vitæ illius, quia est receptaculum boni, & quod Intellectus sit Existere vitæ inde, quia est receptaculum veri, n : 3619. 5002. 9282. Ita quod vita Voluntatis sit vita principalis hominis, & quod vita Intellectus procedat inde, n : 585. 590. 3619. 7342. 8885. 9282. 10076. 10109. 10110. comparative ut lux ex igne seu flamma, n : 6032. 6314. Quod quæ in intellectum veniunt & simul in voluntatem, appropriantur homini, non quæ solummodo in intellectum, n : 9009. 9069. 9071. 9129. 9182. 9386. 9393. 10076. 10109. 10110. Quod illa fiant vitæ hominis, quæ recipiuntur voluntate & inde intellectu, n : 8911. 9069. 9071. 10076. 10109. 10110. Unusquisque etiam homo ab aliis amatur & æstimatur secundum bonum suæ voluntatis & inde intellectus, amatur enim & æstimatur qui vult bene & intelligit bene, ac rejicitur & vilipenditur qui intelligit bene & non vult bene, n : 89111. 10076. Quod homo etiam post mortem maneat sicut ejus voluntas & inde intellectus, n : 9069. 9071. 9386. 10153. Et quod quæ intellectus sunt & non simul voluntatis tunc evanescant, quia non sunt in hominis spiritu, n : 9282. seu quod eodem recidit, quod homo post mortem maneat sicut est ejus amor & inde fides, seu sicut ejus bonum & inde verum, & quod quæ fidei sunt & non simul amoris, seu quæ veri sunt & non simul boni, evanescant, quia non sunt in homine, ita non hominis, n : 553. 2364. 10153. Quod homo possit intellectu capere, quod non ex voluntate facit, seu quod possit intelligere quod non vult, quia contra amorem ejus, n : 3539.

Quod

Quod Voluntas & Intellectus unam Mentem constituent, n : 35. 3623. 5832. 10122. Quod binæ illæ facultates vitæ unum agere debeant, ut homo sit homo, n : 3623. 4832. 5969. 9300. Quam perversus status est apud quos intellectus & voluntas non unum agunt, n : 9075. Quod talis status sit apud hypocritas, dolosos, assentatores & simulatores, n : 4326. 3573. 4799. 8250. Quod voluntas & intellectus redigantur in unum in altera vita, & quod non liceat ibi divisam mentem habere, n : 8250.

Quod omne Doctrinale Ecclesiæ secum ideas habeat, & per illas percipiat quale est, n : 3310. Quod secundum illas sit intellectus ejus, & quod absque idea intellectuali apud hominem non sit nisi quam idea vocis & nulla rei, n : 3825. Quod ideæ intellectus se extendant ample in societates spirituum & angelorum circumcirca, n : 6598. 6600 ad 6605. 6609. 6613. Quod ideæ intellectus hominis aperiantur in altera vita, & ad vivum sistantur videndæ quales sunt, n : 1869. 3310. 5510. Quales quorundam ideæ apparent, n : 6201. 8885.

Quod omnis voluntas boni & intellectus veri sit a Domino, non ita intellectus veri separatus a voluntate boni, n : 1831. 3514. 5483. 5649. 6027. 8685. 8701. 10153. Quod Intellectus sit qui illustratur a Domino, n : 6222. 6608. 10659. Quod illis, qui illustrantur, det Dominus videre & intelligere verum, n : 9382. 10659. Quod illustratio intellectus sit varia secundum status vitæ hominis, n : 5221. 7012. 7233. Quod Intellectus illustretur, quantum homo recipit verum voluntate, hoc est, quantum vult facere secundum id, n : 3619. Quod illorum Intellectus illustretur, qui legunt Verbum ex amore veri & ex amore usus vitæ, non autem qui ex amore famæ, honoris, lucri, n : 9382. 10548. 10549. 10550. Quod Illustratio sit actualis elevatio mentis in lucem cœli, n : 10330 : ab experientia, n : 1526. 6608. Quod Intellectui illustratio sit lux e cœlo, sicut est visui lux e Mundo, n : 1524. 5114. 6608. 9128. Quod Lux Cœli sit Divinum Verum, a quo omnis sapientia & intelligentia, n : 3195. 3222. 5400. 8644. 9399. 9548. 9684. Quod Intellectus hominis sit qui illustratur ab illa luce, n : 1524. 3138. 3167. 4408. 6608. 8707. 9126. 9399. 10569.

Quod Intellectus talis sit, qualia sunt vera ex bono, ex quibus formatus est, n : 10064. Quod Intellectus sit qui a veris quæ ex bono, non autem qui a falsis quæ ex malo, n : 10675. Quod Intellectus sit videre ex illis quæ experientiæ & scientiæ sunt, Vera, Causas rerum, Nexus, & Consequentia in serie, n : 6125. Quod Intellectus sit videre & percipere num Verum sit antequam confirmatur, non autem posse confirmare quodcunque, n : 4741. 7012. 7680. 7950. 8521. 8780. Quod lux confirmationis absque prævia perceptione veri, sit lux naturalis, etiam dabilis apud illos qui non sapiunt, n : 8780. Quod videre & percipere num Verum sit antequam confirmatur, solum detur apud illos, qui afficiuntur vero propter verum, ita qui in luce spirituali sunt, n : 8780. Quod omnia dogmata etiam falsa confirmari possint, usque ut appareant sicut vera, n : 2482. 2490. 5033. 6865. 7950.

Quomodo concipitur & nascitur Rationale apud hominem, n : 2094. 2574. 2557. 3030. 5126. Quod ex influxu lucis Coeli a Domino per Inter-
num hominem in cognitiones & scientias, quæ sunt in Externo, & inde
elevationem, n : 1895. 1896. 1900. 1901. 1902. Quod Rationale nascatur
per vera, & non per falsa; inde qualia vera sunt, tale Rationale, n : 2094.
2524. 2557. Quod Rationale per Vera ex bono aperitur & formetur, &
quod per falsa ex malo claudatur & destruat, n : 3108. 5126. Quod
homo non rationalis sit, qui in falsis ex malo est; & quod ideo non rationalis
sit quia potest ratiocinari de quacunque re, n : 1944.

Quod homo ægre sciat distinguere inter Intellectum & Voluntatem, quia
ægre inter cogitare & velle, n : 9991.

Plura de Voluntate & Intellectu sciri & concludi possunt ex illis quæ
mox supra allata sunt de Bono & Vero, modo loco Boni percipiatur Vo-
luntas, & loco Veri Intellectus, nam Voluntas est Boni ac Intellectus est
Veri.



De Interno & Externo Homine.

36. **H**OMO ita creatus est, ut simul sit in Mundo spirituali & in Mundo naturali; Mundus spiritualis est ubi sunt Angeli, & Mundus naturalis ubi sunt homines; & quia homo ita creatus est, ideo datum est ei Internum & Externum; Internum per quod sit in Mundo spirituali, Externum per quod sit in Mundo naturali. Internum ejus est, quod vocatur Internus homo, & Externum quod vocatur Externus homo.

37. Unicuique homini est Internum & Externum, sed aliter apud bonos & aliter apud malos; Internum apud bonos est in Cœlo & ejus luce, & Externum in Mundo & ejus luce, & hæc lux apud illos illuminatur a luce cœli, & sic apud illos Internum & Externum unum agunt, sicut causa efficiens & effectus, seu sicut prius & posterius: at apud malos Internum est in Mundo & in ejus luce, ac in eadem etiam Externum; quapropter nihil vident ex luce Cœli, sed solum ex luce mundi, quæ lux illis vocatur lumen naturæ; inde est, quod illa quæ Cœli sunt iis in caligine sint, & quæ mundi sunt in luce. Ex his patet, quod Bonis sit Internus homo & Externus homo, at quod Malis non sit Internus homo sed solum Externus.

38. Internus homo est, qui vocatur Spiritualis homo, quia est in luce cœli, quæ lux est spiritualis; & Externus homo est qui vocatur Naturalis homo, quia est in luce mundi, quæ lux est naturalis: Homo, cujus Internum est in luce Cœli & Externum in luce mundi, is Spiritualis homo est quoad utrumque; at Homo, cujus Internum non est in luce cœli, sed solum in luce mundi, in quo etiam Externum, is Naturalis homo est quoad utrumque. Spiritualis homo est qui in Verbo vocatur Vivus, at Naturalis homo qui vocatur Mortuus.

39. Homo, cujus Internum est in luce cœli, & Externum in luce mundi ille, & spiritualiter & naturaliter cogitat, sed tunc spiritualis ejus cogitatio influit in naturalem, ac percipitur ibi: at Homo, cujus Internum cum Externo est in luce mundi, non spiritualiter sed materialiter cogitat; cogitat enim ex talibus, quæ in mundi natura sunt, quæ omnia sunt materialia. Spiritualiter cogitare est cogitare ipsas res in se, videre vera ex luce veri, & percipere bona ex amore boni, tum videre qualitates rerum & percipere illarum affectiones abstracte a ma-

teria; at materialiter cogitare, est cogitare, videre, & percipere illa una cum materia, & in materia, ita respective crasse & obscure.

40. Internus spiritualis homo in se spectatus est Angelus cœli, & quoque, dum vivit in corpore, est in societate cum Angelis, tametsi id tunc nescit, & post solutionem a corpore inter Angelos venit. Homo autem Internus mere naturalis in se spectatus est spiritus & non angelus, & quoque, dum vivit in corpore, in societate cum spiritibus est, sed cum illis qui in inferno sunt, etiam post solutionem a corpore inter illos venit.

41. Interiora apud illos qui spirituales homines sunt, etiam actualiter elevata sunt versus cœlum, spectant enim illud primario: Interiora autem quæ mentis sunt apud illos qui mere naturales sunt, actualiter versa sunt ad mundum, quia spectant illum primario. Interiora quæ mentis sunt, apud unumquemvis versa sunt ad id quod super omnia amat; & exteriora quæ animi sunt, vertuntur quo interiora.

42. Qui modo communem ideam de Interno & Externo homine habent, credunt quod Internus homo sit qui cogitat & qui vult, & Externus qui loquitur & qui facit, quoniam cogitare & velle est internum, & inde loqui & facere est externum: sed sciendum est, quod cum homo intelligenter cogitat & sapienter vult, tunc cogitet & velit ab Interno spirituali; at cum homo non intelligenter cogitat & sapienter vult, cogitet & velit ab Interno naturali: consequenter cum homo bene de Domino & de illis quæ Domini sunt, & cum bene de proximo ac de illis quæ proximi sunt, cogitat & illis bene vult, tunc cogitat & vult ab Interno spirituali, quia tunc cogitat ex fide veri & ex amore boni, ita ex Cœlo: at cum homo male de illis cogitat & male illis vult, tunc cogitat & vult ab Interno naturali, quia ex fide falsi & ex amore mali, ita ex Inferno. Verbo, quantum homo in amore in Dominum est, & in amore erga proximum est, tantum in Interno spirituali est, & ex eo cogitat & vult, & quoque ex eo loquitur & facit: at quantum homo in amore sui est, & in amore mundi, tantum in Interno naturali est, & ex eo cogitat & vult, & quoque ex eo loquitur & facit.

43. Ita provisum & ordinatum est a Domino, ut quantum homo ex Cœlo cogitat & vult, tantum aperiatur & formetur Internus spiritualis homo, aperitio est in Cœlum usque ad Dominum, & formatio est secundum illa quæ Cœli sunt: vice versa autem, quantum homo non ex Cœlo sed ex Mundo cogitat & vult, tantum clauditur Internus spiritualis.

ritualis homo, & Externus aperitur, aperitio est in mundum, & formatio est ad illa quæ mundi sunt.

44. Illi, apud quos Internus spiritualis homo apertus est in Cælum: ad Dominum, in luce cœli sunt, & in illuminatione a Domino, & inde in intelligentia & sapientia; hi vident verum quia verum, & percipiunt bonum quia bonum. Illi autem, apud quos Internus spiritualis homo clausus est, non sciunt quod Internus homo sit, minus: quid Internus homo, nec credunt quod Divinum sit, nec quod vita post mortem, ita nec illa quæ Cœli & Ecclesiæ sunt; & quia solum in luce mundi sunt, & in illuminatione inde, credunt naturam ut Divinum, vident falsum ut verum, & percipiunt malum ut bonum.

45. Sensualis homo dicitur, cujus Internum tantum est Externum, ut nihil credat nisi quod potest oculis videre & manibus tangere; is est infime naturalis homo, & in fallaciis de omnibus quæ fidei Ecclesiæ sunt.

46. Internum & Externum, de quibus actum est, est Internum & Externum Spiritus hominis, Corpus ejus est modo Externum superadditum, intra quod illa existunt: Corpus enim nihil ex se agit, sed ex suo spiritu qui in illo. Sciendum est, quod Spiritus hominis post solutionem a corpore æque cogitet & velit, ac loquatur & faciat; cogitare & velle est ejus internum, ac loqui & facere est ejus externum, de quo videatur in Opere de Cælo, n: 234. ad 245. 265. ad 275. 432. ad 444. 453. ad 484.

Ex Arcanis Cœlestibus.

47. *D*E Interno & Externo apud hominem. Quod in Christiano Orbe sciatur, quod sit homini Internum & Externum, seu Homo internus & externus, sed quod parum sciatur qualis unus & alter, n: 1889. 1940. Quod Internus homo sit spiritualis, & quod Externus sit naturalis, n: 978. 1015. 4459. 6309. 9701 ad 9708. Quod Internus homo qui spiritualis formatus sit ad imaginem cœli, & Externus qui naturalis ad imaginem mundi, quomodo; & quod homo ideo ab Antiquis dictus sit Microcosmus, n: 3628. 4523. 4524. 6057. 6314. 9706. 10156. 10472. Sic quod in homine conjunctus sit Mundus spiritualis & Mundus naturalis, n: 6057. 10472. Quod inde homo talis sit, ut spectare possit sursum versus Cælum, & deorsum versus Mundum, n: 7601. 7604. 7607. Cum spectat sursum,

furfum, quod in luce Cœli fit & inde videat, cum autem fpectat deorfum, quod in luce mundi fit & inde videat, n: 3167. 10134. Quod apud hominem detur defcenfus e Mundo fpirituale in naturalem, n: 3702. 4042.

Quod Internus homo qui fpirituale, & Externus homo qui naturalis, proprius diftincti fint, n: 1999. 2018. 3691. 4459. Quod diftinctio fit, qualis inter caufam & effectum, & qualis inter prius & posterius, & quod non fit continuum, n: 3691. 4145. 5146. 5711. 6275. 6284. 6299. 6326. 6465. 8603. 10076. 10099. 10181. Proinde quod diftinctio fit ficut inter Cœlum & Mundum, aut inter Spirituale & Naturale, n: 4292. 5132. 8610. Quod interiora & exteriora hominis non continua fint, fed fecundum gradus diftincta, & quilibet gradus terminatus, n: 3691. 4145. 5114. 6326. 6465. 8603. 10099. Qui non percipit diftinctiones interiorum & exteriorum hominis fecundum gradus, & qui non intelligit quales funt gradus, quod non capere poffit Internum & Externum hominis, n: 5146. 6465. 10099. 10181. Quod illa quæ in fuperiori gradu funt, perfectiora fint illis quæ in inferiori, n: 3405. Quod tres gradus fecundum tres Cœlos in homine fint, n: 4154. Quod Exteriora remotiora fint a Divino apud hominem, quare obfcura refpectu, & quod fint communia, n: 6451. Et quoque inordinata refpectu, n: 996. 3855. Quod Interiora fint perfectiora, quia propiora Divino, n: 5146. 5147. Quod in Interno millia & millia fint, quæ in Externo apparent ut commune unum, n: 5707. Quod inde cogitatio & perceptio quo interior eo clarior, n: 5920. Quod inde fequatur, quod homo in Internis debeat effe, n: 1175. 4464.

Quod Interiora quæ mentis funt apud hominem, qui in amore & charitate eft, actualiter eleventur a Domino, & quod alioquin fpectarent deorfum, n: 6952. 6954. 10330. Quod Influxus & Illuftratio e Cœlo apud hominem, fit actualis elevatio interiorum a Domino, n: 7816. 10330. Quod homo elevetur cum ad fpiritalia, n: 2922. Quod quantum homo ab Externis elevatur verfus Interiora, tantum in lucem, ita in intelligentiam veniat; & quod hoc fit abduci a fenfualibus, ficut ab Antiquis dictum eft, n: 6183. 6313. Quod elevatio ab Externo ad Interiora, fit ficut e nimbo in lucem, n: 4958.

Quod Influxus a Domino fit per Internum hominem in Externum, n: 1940. 5119. Quod Interiora influere poffint in Exteriora, & non viciffim, ita quod fit Influxus fpirituale & non phyficus, nempe e fpirituale homine in naturalem, & non e naturali in fpiritualem, n: 3219. 5119. 5259. 5427. 5428. 5477. 6322. 9110. 9111. Quod Dominus ab Interno, ubi pacificum, regat Externa, ubi tumultuofum, n: 5396.

Quod Internum videre poffit omnia in Externo, fed non viciffim, n: 1914. 1953. 5427. 5428. 5477. Cum homo vivit in mundo, quod ab Interno cogitet in Externo, ita quod fpirituale ejus cogitatio influat in naturalem, ac ibi fe fiftat naturaliter, n: 3679. Cum homo bene cogitat, quod fit ab Interno feu fpirituale in Externo feu naturali, n: 9704. 9705. 9707. Quod homo externus cogitet & velit fecundum conjunctionem cum interno,

n : 9702. 9703. Quod sit interior cogitatio & exterior, qualis una & altera, n : 2515. 2552. 5127. 5141. 5168. 6007. Quod non percipiatur ab homine, dum in Mundo vivit, cogitatio & affectio quæ in Interno, sed quæ in Externo inde, n : 10236. 10240. At quod in altera vita auferantur externa, & homo tunc immittatur in sua interna, n : 8870. Quod tunc pateat, qualia interna sunt, n : 1806. 1807.

Quod Internum producat Externum, n : 994. 995. Et quod Internum tunc induat se talibus, per quæ agere possit effectum in Externo, n : 6275. 6284. 6299. Et per quæ tunc vivere possit in Externo, n : 1175. 6275. Quod Dominus jungat Internum seu spiritualement hominem Externo seu naturali, cum regenerat illum, n : 1577. 1594. 1904. 1999. Quod Externus seu naturalis homo tunc redigatur in ordinem per Internum seu spiritualement, & quod subordinetur, n : 9708.

Quod Externum erit subordinatum & subjectum Interno, n : 5077. 5125. 5128. 5786. 5947. 10272. Quod Externum ita creatum sit, ut serviat Interno, n : 5947. Quod Internum erit dominus, & Externum minister & in certo respectu servus, n : 10471.

Quod Externum in correspondentia esse debeat cum Interno, ut sit conjunctio, n : 5427. 5428. 5477. Quale Externum est cum correspondet Interno, & quale cum non correspondet, n : 3493. 5422. 5423. 5427. 5428. 5477. 5512. Quod in Externo homine sint, quæ correspondent & concordant cum Interno, & quod sint quæ non correspondent & concordant, n : 1563. 1568.

Quod Externum suum quale habeat ab Interno, n : 9912. 9921. 9922. Quanta pulchritudo Externi hominis est, cum is conjunctus est cum Interno, n : 1590. Et quanta turpitudine cum non conjunctus, n : 1598. Quod Amor in Dominum & Charitas erga proximum jungant Externum hominem Interno, n : 1594. Nisi Internus homo conjunctus sit cum Externo, quod nulla fructificatio, n : 3987.

Quod Interiora successive influant in Exteriora, usque in Extremum seu Ultimum, & quod ibi simul existant & subsistant, n : 634. 6239. 9216. 9217. Quod non modo successive influant, sed etiam forment in Ultimo simultaneum, quo ordine, n : 5897. 6451. 8603. 10099. Quod omnia interiora contineantur in nexu a Primo per Ultimum, n : 9828. Quod etiam inde in Ultimis sit robur & potentia, n : 9836. Tum quod ideo ex ultimis responsa & revelata, n : 9905. 10548. Quod inde etiam Ultimum præ interioribus sanctum, n : 9824. Quod inde in Verbo Primum & Ultimum significant omnia & singula, ita totum, n : 10044. 10329. 10335.

Quod Internus homo apertus sit ei, qui in Ordine Divino est, at clausus ei qui non in Ordine Divino est, n : 8513. Quod non sit conjunctio Cœli cum Externo homine absque Interno, n : 9380. Quod mala & mali falsa claudant Internum hominem, ac faciant ut homo solum in Externis sit, n : 1587. 10492. Imprimis mala ex amore sui, n : 1594. Quod Interiora claudantur usque ad sensuale quod ultimum est, si Divinum negatur, n : 6564.

Quod

Quod Internum apud Intelligentes & Doctos mundi, qui ex scientiis se confirmant contra illa quæ Cœli & Ecclesiæ sunt, plus claudatur, quam apud simplices tales, n: 10492.

Quia Internus homo in luce Cœli est, & Externus in luce mundi, quod ideo qui in Externo sunt absque Interno, hoc est, apud quos clausum est Internum, non curent Interna quæ Cœli & Ecclesiæ sunt, n: 4464. 4946.

Quod in altera vita ne quidem sustineant Interna, n: 10694. 10701. 10707.

Quod nihil credant, n: 10396. 10400. 10411. 10429. Quod se & mundum super omnia ament, n: 10407. 10412. 10422.

Quod Interiora eorum, seu quæ cogitationis & affectionis sunt, turpia, spurca, & prophana sint, utcunque apparent in externis, n: 1182. 7046. 9705. 9707. Quod ideæ cogitationis eorum materiales sint, & prorsus non spirituales, n: 10582. Porro, quales sunt apud quos Internum, quod spectat Cœlum, clausum est, n: 4459. 9709. 10284. 10286. 10429. 10472. 10492. 10602. 10682.

Quod quantum aperitur Internum quod spirituale, tantum multiplicentur vera & bona, & quod quantum clauditur Internum quod spirituale, tantum vera & bona evanescant, n: 4099. Quod Ecclesia sit in Interno spirituali homine, quia is in Cœlo est, & non in Externo absque illo, n: 10698. Inde quod Ecclesia externa apud hominem nihil sit absque Interna, n: 1795. Quod Cultus externus absque Cultu interno sit nullus cultus, n: 1094. 1175. De illis qui in Interno Ecclesiæ, Cultus, & Verbi sunt, de illis qui in Externo in quo Internum, & de illis qui in Externo absque Interno, n: 10682. Quod Externum sit durum absque Interno, n: 10682.

Quod mere naturalis homo sit in inferno, nisi fiat spiritualis per regenerationem, n: 10156. Quod omnes, qui in Externo sunt absque Interno, seu apud quos Internum spirituale est clausum, in Inferno sint, n: 9128. 10483. 10489.

Quod Interiora hominis actualiter vertantur secundum amores, n: 10702. Quod in omnibus & singulis erit Internum & Externum, ut subsistant, n: 9473.

Quod supernum & altum in Verbo significet Internum, n: 1735. 2148. 4210. 4599. Inde quod in Verbo superius sit interius, ac inferius sit exterius, n: 3084.

48. *De Naturali & Spirituali.* Quam perversum est, quod Orbis hodie tantum tribuat Naturæ, & tam parum Divino, n: 3483. Cur ita sit, n: 5116. Cum tamen omnia & singula in natura non modo exstiterunt, sed etiam continue subsistunt a Divino, & hoc per Mundum spirituales, n: 775. 8211. Quod Divina, Cœlestia, & Spiritualia, terminentur in Natura, n: 4240. 4939. Quod Natura sit Ultimum planum, cui illa insistant, n: 4240. 5051. 6275. 6284. 6299. 9216. Quod Cœlestia Spiritualia & Naturalia consequantur & succedant ordine, ita cum illis Divina, quia illa a Divino sunt, n: 880. 4938. 4939. 9992. 10005. 10017. 10068. Quod Cœlestia sint Caput, Spiritualia Corpus, & Naturalia Pedes, n: 4938. 4939. Quod simili Ordine quo consequuntur & succedunt, etiam influant, n: 4938. 4939.

Quod

Quod Bonum intimi seu tertii Cœli dicatur Cœleste, Bonum medii seu secundi Cœli dicatur Spirituale, & Bonum ultimi seu primi Cœli dicatur spirituale naturale; unde sciri potest quid Cœleste, Spirituale & Naturale, n: 4279. 4286. 4938. 4939. 9992. 10005. 10017. 10068: & in Opere de Cœlo & Inferno, n: 20 ad 28 & 29 ad 40.

Quod omnia Mundi naturalis sint a Divino per Mundum spiritualement, n: 5013. Inde quod Spirituale insit omni naturali, quemadmodum causa efficiens inest effectui, n: 3562. 5711: tum quemadmodum conatus inest motui, n: 5173: & quemadmodum internum inest externo, n: 3562. 5711. 5326. Et quia causa est ipsum essentiale in effectui, similiter conatus in motu, ut & internum in externo, inde sequitur, quod Spirituale sit ipsum essentiale in Naturali, ita Divinum a Quo, n: 2987 ad 3002. 9701 ad 9709. Quod spiritualia sistantur in naturali, & quæ sistantur, quod sint repræsentativa & correspondentiæ, n: 1632. 2987 ad 3002. Quod inde sit, quod universa Natura sit Theatrum repræsentativum Mundi spiritualis, hoc est, Cœli, n: 2758. 2999. 3000. 4939. 8848. 9280. Quod omnia in Natura disposita sint in ordine & serie secundum fines, n: 4104. Quod hoc sit e Mundo spirituali, hoc est, Cœlo, quia ibi fines, qui usus, regnant, n: 453. 696. 1103. 3645. 4054. 7038. Quod homo ita creatus sit, ut Divina secundum ordinem descendencia in naturam, apud illum percipiantur, n: 3702.

Quod apud unumquemvis hominem, qui in Ordine Divino est, sit Internum & Externum, Internum ejus vocatur Spirituale seu Spiritualis homo, Externum ejus Naturale seu Naturalis homo, n: 978. 1015. 4159. 6309. 9701 ad 9709. Quod Spiritualis homo sit in Luce cœli, & Naturalis in Luce mundi. n: 5965. Quod Naturalis homo nihil perspicere possit ex se, sed ex spirituali, n: 5286. Quod Naturale sit quasi facies, in qua se interiora vident, & quod sic homo cogitet, n: 5165. Quod homo spiritualis cogitet in naturali, ita naturaliter, quantum ad perceptionem ejus sensualem venit, n: 3679. 5165. 6284. 6299. Quod Naturale sit planum, in quo terminatur spirituale, n: 5651. 6275. 6284. 6299. 9216. Quod Spirituale nihil videat, nisi Naturale corraspondeat, n: 3493. 3620. 3623. Quod Spiritualis seu Internus homo videre possit quid peragitur in Naturali seu Externo, non autem vicissim, quia Spirituale influit in Naturale, & non Naturale in Spirituale, n: 3219. 4667. 5119. 5259. 5427. 5428. 5477. 6322. 9110. 9111. Quod Naturalis homo ex sua luce, quæ lumen naturæ vocatur, non sciat aliquid de Deo, nec de Cœlo, ac de Vita post mortem, nec credat si audit, nisi in lumen illud influat Lux spiritualis, quæ est Lux e cœlo, n: 8444.

Quod Naturalis homo ex se, quia ex nativitate, sit oppositus homini Spiritualis, n: 3913. 3928. Quod ideo, quamdiu oppositi sunt, homo molestum sentiat cogitare de spiritualibus & cœlestibus, sed jucundum de naturalibus & corporeis, n: 4096. Quod ad illa, quæ Cœli sunt, nausæat, & quoque ad solam nominationem spiritualis, ab experientia, n: 5006. 9109. Quod mere Naturales spectent bonum & verum spirituale ut servum, n: 5013.

5025. Cum tamen Naturalis homo subordinatus esse debet Spirituali, & ei servire, n: 3019. 5168. Spiritualis homo Naturali servire dicitur, quando hic ex intellectuali conquirat confirmantia de talibus quæ concupiscit, imprimis ex Verbo, n: 30. 9. 5013. 5025. 5168. Qualiter mere Naturales homines in altera vita apparent, & qualis illorum status & fors ibi est, n: 4630. 4633. 4940 ad 4951. 5032. 5571.

Quod Vera, quæ in Naturali homine sunt, dicantur Scientifica & Cognitiones, n: 3293. Quod Naturali homini in se spectato sit imaginatio materialis, & quod sint affectiones, quales sunt bestiis, n: 3020. Sed quod genuinum cogitativum & imaginativum sit ex Interno seu Spirituali homine, quando ex eo Naturalis homo, videt, agit, & vivit, n: 3493. 5422. 5423. 5427. 5428. 5477. 5512.

Quod quæ in Naturali homine sunt, respective ad illa quæ in Spirituali homine, sint communia, n: 3513. 5707: Et sic quod respective sint obscura, n: 6686.

Quod sit Naturale interius & exterius apud hominem, n: 3293. 3294. 3793. 5118. 5126. 5497. 5649. Quod etiam sit medium inter illa, n: 4570. 9216. Quod exonerationes spiritualis hominis fiant in naturalem, & per illum, n: 9572.

Quod qui ex sola indole naturali bonum faciunt, & non ex religione, non recipiantur in Caelo, n: 8002. 8772.

49. *De Luce Cæli, in qua Spiritualis homo est.* Quod Lux magna in Cœlis sit, n: 1117. 1521. 1533. 1619 ad 1632. Quod Lux in Cœlis multis gradibus excedat Lucem meridianam in terra, n: 1117. 1521. 4527. 5400. 8644. Quod Lux illa mihi sæpius visa sit, n: 1522. 4527. 7174. Quod Lux Angelis in Cœlo intimo seu tertio sit sicut Lux e Sole, at Lux Angelis in secundo Cœlo sit sicut Lux e Luna, n: 1529. 1530. Quod Lux in intimo cœlo sit flammea, in secundo autem candida, n: 9570.

Quod omnis Lux in Cœlis sit a Domino ut Sole ibi, n: 1053. 1521. 3195. 3341. 3636. 3643. 4415. 9548. 9684. 10809. Quod Dominus sit Sol Cœli Angelici, & quod ille sit Divinus Ipsius Amor, n: 1521. 1529. 1530. 1531. 1837. 4321. 4696. 7078. 7171. 7173. Quod Divinum Verum procedens a Domino in Cœlis appareat ut Lux, ac sistat omnem lucem Cœli, & quod inde Lux illa sit Lux spiritualis, n: 3195. 3222. 5400. 8644. 9399. 9548. 9684. Quod ideo Dominus in Verbo dicatur Lux, n: 3195. Quia Lux illa est Divinum Verum, quod in Luce illa sit Divina Sapientia & Intelligentia, n: 3395. 3485. 3636. 3643. 3993. 4302. 4413. 4415. 9548. 9684. Quomodo Lux a Domino influit in Cœlos, illustratum per circulos radiosos circum solem, n: 9407. Quod Dominus sit Sol Cœlis, & quod ab Ipso omnis Lux ibi, videatur in Opere de Cœlo, n: 116 ad 125: Et quod Lux ex illo Sole sit Divinum Verum, & quod Calor ex illo Sole sit Divinum Bonum Divini Amoris, n: 126 ad 140.

Quod Lux Cœli illuminet Angelorum & Spirituum & visum & intellectum, n: 2776. 3138. Quod Lux ibi se habeat secundum eorum intelligentiam

ligentiam & sapientiam, n : 1524. 3339. Testatum e Verbo, n : 1529. 1530. Quod Lucis differentiae in Coelis totidem sint, quot Societates Angelicae, n : 4414. Quoniam perpetuae varietates sunt in Coelis quoad bonum & verum, ita quoad sapientiam & intelligentiam, n : 684. 690. 3241. 3744. 3745. 5598. 7236. 7833. 7836. Quod Coelum in Luce & Calore sit, significet quod in sapientia & in amore, n : 3643. 9399. 9401.

Quod Lux Coeli illuminet intellectum hominis, n : 1524. 3138. 3167. 4408. 6608. 8707. 9126. 9399. 10569. Quod homo cum elevatur a sensuali, in lumen mitius veniat, & tandem in Lucem coelestem, n : 6312. 6315. 9407. Quod elevatio sit in Lucem coeli, cum homo in intelligentiam, n : 3190. Lux quanta percepta est, cum abductus sum ab ideis mundanis, n : 1526. 6608. Quod visus Interni hominis sit in luce coeli, & quod ideo homo analytice & rationaliter cogitare possit, n : 1532. Quod Lux Coeli a Domino semper apud hominem adsit, sed quod tantum influat, quantum homo in veris ex bono est, n : 4060. 4213. Quod Lux illa sit secundum verum ex bono, n : 3094. Quod vera luceant in Mundo spirituali, n : 5219. Quod Calor spiritualis & Lux spiritualis faciant veram vitam hominis, n : 6032.

Quod Lux mundi sit pro Externo homine, Lux coeli pro Interno, n : 3222. 3223. 3337. Quod Lux Coeli influat in lumen naturale, & quod naturalis homo tantum sapiat, quantum illam lucem recipit, n : 4302. 4408. Quod inter illas Luces sit correspondentia, n : 3225. Quod e luce mundi apud hominem, quae lumen ejus naturale vocatur, non videri possint illa quae in luce Coeli sunt, sed vicissim, n : 9574. Inde est, quod qui in sola luce mundi, quae vocatur lumen naturale, sunt, non percipiant illa quae lucis Coeli sunt, n : 3108. Quod Lux Coeli illis qui in falsis ex malo sunt, sit caligo, n : 1783. 3337. 3413. 4060. 6907. 8197. Quod Lux mundi rutillet apud malos, & quod quantum rutilat, tantum illa quae lucis Coeli sunt, illis tenebrae sint, n : 6907. Quod lux mundi non appareat angelis, n : 1521. 1783. 1880.

Quod in Coelis omnis Lux sit a Domino, & quod omnis umbra ab ignorantia ac proprio Angelorum & Spirituum, inde modificationes & variegationes lucis & umbrae, quae sunt colores ibi, n : 3391. De lucis variegationibus per Urim & Thumim, n : 3862.

Quod Lux eorum, qui in fide separata a charitate sunt, sit nivea, & quod sit sicut lux hyemalis, n : 3412. 3413. Quod lux illa vertatur in meras tenebras influente luce e Coelo, n : 3412. De luce eorum, qui in fide persuasiva, & in vita mali, n : 4416. Qualis apparet lux apud illos, qui in intelligentia a proprio sunt, & qualis apud illos qui in intelligentia a Domino, n : 4419.

Quod Lumen in Infernis sit, sed fatuum, n : 1528. 3940. 4213. 4418. 4531. Quod lumen ibi sit, sicut lumen ex igne carbonario, n : 1528. 4418. 4531. Quod, qui in Infernis sunt, appareant sibi in suo lumine sicut homines, sed in luce coeli sicut diaboli & monstra, n : 4532. 4533. 4674.

5057. 5058. 6605. 6626. Quod omnia in luce Coeli appareant qualia sunt, n : 4674. Quod Inferna dicantur esse in caligine & tenebris, est quia sunt in falsis ex malo, n : 3340. 4418. 4531. Quod tenebrae significant falsa, & caligo falsum mali, n : 1839. 1860. 7688. 7711.

50. *De Sensuali homine, qui infime naturalis, de quo in Doctrina n : 45 supra.* Quod sensuale sit ultimum vitae hominis, adhærens & inhærens corporeo ejus, n : 5077. 5767. 9212. 9216. 9331. 9730. Quod is Sensualis homo dicatur, qui omnia judicat & concludit ex sensibus corporis, & qui nihil credit, nisi quæ oculis videre & manibus tangere potest, hæc dicens esse aliquid, cætera rejiciens, n : 5094. 7693. Quod talis homo cogitet in extremis, & non interius in se, n : 5089. 5094. 6564. 7693. Quod interiora ejus clausa sint, ut ibi nihil veri videat, n : 6564. 6844. 6845. Verbo, quod in crasso lumine naturali sit, & quod sic nihil percipiat quod e luce coeli, n : 6201. 6310. 6564. 6844. 6845. 6598. 6612. 6614. 6622. 6624. Quod inde interius sit contra illa quæ Coeli & Ecclesiæ sunt, n : 6201. 6316. 6844. 6845. 6948. 6949. Quod Eruditi, qui confirmaverunt se contra vera Ecclesiæ, sensuales sint, n : 6316.

Quod sensuales homines ratiocinentur acriter & solerter, quoniam cogitatio eorum est tam prope loquelam ut pæne in illa, & quia in loquela ex sola memoria ponunt omnem intelligentiam, n : 195. 196. 5700. 10236. Sed quod ex fallaciis sensuum ratiocinentur, quibus captatur vulgus, n : 5084. 6948. 6949. 7693.

Quod Sensuales homines astuti sint & malitiosi præ reliquis, n : 7693. 10236. Quod Avari, Adulteri, Voluptuosi, & Dolosi imprimis sensuales sint, n : 6310. Quod interiora eorum sint foeda & spurca, n : 6201. Quod per illa communicat cum Infernis, n : 6311. Quod illi, qui in Infernis sunt, sensuales sint, & eo plus quo profundius ibi, n : 4623. 6311. Quod sphaera spirituum infernalium se jungat cum sensuali hominis a tergo, n : 6312. Quod illi, qui ratiocinati sunt a sensuali, & inde contra vera fidei, ab Antiquis dicti fuerint Serpentes Arboris scientiæ, n : 195. 196. 197. 6398. 6949. 10313.

Porro sensuale hominis, & sensualis homo describitur, n : 10236. Et extensio sensualis apud hominem, n : 9731.

Quod Sensualia ultimo loco esse debeant non primo ; & quod apud hominem sapientem & intelligentem ultimo loco sint, & subjecta interioribus ; at quod apud hominem insipientem primo loco sint, & dominantia ; hi sunt qui proprie vocantur sensuales, n : 5077. 5125. 5128. 7645. Si sensuales ultimo loco sunt, & subjecta interioribus, quod per illa aperiatur via ad intellectum, ac elimentur vera per modum quasi extractionis, n : 5580.

Quod sensuales illa hominis proxime exstent mundo, & admittant quæ e mundo auferunt, & quasi cribrent illa, n : 9726. Quod Externus seu Naturalis homo per sensuales illa communicet cum Mundo, & per rationalia cum Coelo, n : 4009. Quod sensuales sic subministrent illa quæ inserviunt

interioribus hominis, n : 5077. 5081. Quod sint sensualia subministrantia parti intellectuali, & subministrantia parti voluntariæ, n : 5077.

Quod, nisi cogitatio a sensualibus elevatur, homo parum sapiat, n : 5089. Quod sapiens homo supra sensuale cogitet, n : 5089. 5094. Quod homo, cum cogitatio ejus supra sensualia elevatur, in lumen clarius veniat, & tandem in lucem cœlestem, n : 6183. 6313. 6315. 9407. 9730. 9922. Quod elevatio supra sensualia & abductio ab illis, Antiquis nota fuerit, n : 6313. Quod homo spiritu suo videre possit quæ in Mundo spirituali, si abduci possit a sensualibus quæ ex corpore, & elevari in lucem cœli a Domino, n : 4622. Causa est, quia non corpus sentit, sed spiritus hominis in corpore, & quantum in corpore tantum crasse & obscure, ita in tenebris, sentit; quantum non in corpore, tantum clare & in luce, n : 4622. 6614. 6622.

Quod ultimum Intellectus sit scientificum sensuale, & quod ultimum Voluntatis sit jucundum sensuale, de quibus, n : 9996. Quæ differentia inter sensualia communia cum bestiis, & inter sensualia non communia cum illis, n : 10236. Quod sint sensuales non mali, quia interiora eorum non ita clausa sunt; de quorum statu in altera vita, n : 6311.

51. *De Scientiis & Cognitionibus, per quas Internus spiritualis homo aperitur.* Quod Scientifica dicantur, quæ in Externo seu Naturali homine, & ejus Memoria sunt, non autem quæ in Interno seu Spirituali, n : 3019. 3020. 3293. 3309. 4967. 9918. 9922. Quod Scientifica, quia Externi seu Naturalis hominis, sint respective servitia, quoniam Externus seu Naturalis homo factus est ut serviat Interno seu Spirituali, ut Mundus Cœlo, n : 5077. 5125. 5128. 5786. 5947. 10272. 10471. Quod Externus homo sit Mundus respective, quia ei inscriptæ sunt leges Ordinis Divini quæ in Mundo, & quod Internus homo sit Cœlum respective, quia ei inscriptæ sunt leges Ordinis Divini quæ in Cœlo, n : 4523. 4524. 5368. 6013. 6057. 9279. 9283. 9278. 9709. 10156. 10472; & in Opere de Cœlo, n : 51 ad 58.

Quod sint scientifica quæ concernunt Naturalia, quæ sunt status & vitæ Civilis, quæ sunt status & vitæ Moralis, & quæ sunt status & vitæ Spiritualis, n : 5734. 5934. Sed quod distinctionis causa, illa quæ sunt status & vitæ Spiritualis, dicantur Cognitiones, quæ præcipue sunt Doctrinalia, n : 9945.

Quod homo imbuendus sit scientiis & cognitionibus, quoniam per illas discit cogitare, dein intelligere quid verum & bonum, & tandem sapere, hoc est, vivere secundum illa, n : 129. 1450. 1451. 1453. 1548. 1802. Quod scientifica & cognitiones sint prima, super quibus struitur & fundatur hominis vita, tam Civilis, quam Moralis, ut & Spiritualis; at, quod discenda sint propter usum vitæ ut finem, n : 1489. 3310. Quod Cognitiones aperiant viam ad Internum hominem, ac dein conjungant illum cum Externo secundum usum, n : 1563. 1616. Quod Rationale nascatur per scientias & cognitiones, n : 1895. 1900. 3086. Sed non per ipsas scientias & cognitiones, sed per affectionem usum ex illis, & secundum eam, n : 1895. Quod Internus homo aperiat & successive perficiatur per scientias & cognitiones, si
homo

homo pro fine habet usum bonum, imprimis usum qui spectat vitam æternam, n: 3086. Quod tunc scientificis & cognitionibus, quæ sunt in naturali homine, occurrant spiritualia ex cœlesti & spirituali homine, & adoptent convenientia, n: 1495. Quod usus vitæ cœlestis tunc ex scientificis & cognitionibus, quæ in Naturali homine, per Internum hominem, a Domino extrahantur, elimentur, & eleventur, n: 1895. 1896. 1900. 1901. 1902. 5871. 5874. 5901. Et quod scientifica incongrua & adversantia ad latera rejiciantur, & exterminentur, n: 5871. 5886. 5889. Quod visus Interni hominis non aliud evocet ex scientificis & cognitionibus Externi hominis, quam quæ sunt amoris illius, n: 9394. Quod scientifica & cognitiones fasciculatim sint disposita & conjuncta secundum amores per quos introducta, n: 5881. Quod tunc sub visu Interni hominis in medio sint & in claro quæ amoris sunt, ad latera autem & in obscuro quæ non amoris, n: 6068. 6085. Quod scientifica & cognitiones apud hominem successive implantentur ejus amoribus, & in illis habitent, n: 6325. Quod homo in omnem scientiam & inde intelligentiam nasceretur, si in amorem in Dominum, & in amorem erga proximum, sed quia in amorem sui & mundi, quod nascatur in totalem ignorantiam, n: 6323. 6325. Quod Scientia, Intelligentia, & Sapientia sint filii amoris in Dominum & amoris erga proximum, n: 1226. 2049. 2116.

Quod Scientifica & Cognitiones, quia sunt Externi seu Naturalis hominis, sint in luce mundi, Vera autem, quæ facta sunt amoris & fidei, & sic vitam adepta, sint in luce cœli, n: 5212. Quod usque Vera, quæ sic vitam adepta sunt, ab homine comprehendantur per ideas naturales, n: 5510. Quod Influxus spiritualis sit per Internum hominem in scientifica & cognitiones quæ in Externo, n: 1940. 8005. Quod scientifica & cognitiones sint receptacula & quasi vasa veri & boni, quæ Interni hominis, n: 1469. 1496. 3068. 5489. 6004. 6023. 6052. 6071. 6077. 7770. 9922. Quod ideo per Vasa in Verbo in spirituali sensu significantur scientifica & cognitiones, n: 3068. 3069. 3079. 9394. 9544. 9723. 9724. Quod scientifica sint quasi specula, in quibus vera & bona Interni hominis sicut in imagine apparent & percipiuntur, n: 5201. Quod ibi simul sint ut in suo ultimo, n: 5373. 5874. 5886. 5901. 6004. 6023. 6052. 6071. 6077. Quod scientifica, quia in luce mundi, sint implexa & obscura respective ad illa quæ sunt in luce cœli, ita quæ in Externo homine respective ad illa quæ in Interno, n: 2831. Quare etiam per implexum in Verbo significatur scientificum, n: 2831. Et quoque per obscurum nubis, n: 8443. 10551.

Quod a Veris Doctrinæ, quæ ex Verbo, ducendum sit principium, & illa primum agnoscenda, & quod dein liceat consulere scientifica, ad confirmandum illa, & quod sic corroborentur, n: 6047. Ita quod liceat illis qui in affirmativo sunt de Veris fidei, per scientifica intellectualiter confirmare illa, non autem illis qui in negativo, quia affirmativum præcedens trahit omnia in suas partes, & negativum præcedens omnia in suas, n: 2568. 2588. 3913. 4760. 6047. Quod detur dubitativum affirmativum, ac dubitativum negativum,

tivum, illud apud quosdam bonos, hoc apud malos, n: 2568. Quod a Veris fidei intrare in scientifica sit secundum Ordinem, at vicissim ex scientificis intrare in Vera fidei sit contra Ordinem, n: 10236. Quoniam Influxus spiritualis est, & non phycicus seu naturalis, ita a veris fidei, quia hæc sunt spiritualia, in scientifica quia hæc sunt naturalia, n: 3219. 5119. 5259. 5427. 5428. 5478. 6322. 9110. 9111.

Qui in dubitativo negativo est, quod in se est negativum, ac dicit quod non credat priusquam persuadeatur per scientifica, quod nusquam credat, n: 2094. 2832. Quod illi, qui id faciunt, fiant vesani quoad illa quæ Ecclesiæ & Cœli sunt, n: 128. 129. 130. Quod cadant in falsa mali, n: 232. 233. 6047. Et quod in altera vita, cum de spiritualibus cogitant, sint quasi ebrii, n: 1072. Quales porro sunt, n: 196. Exempla illustrantia, quod spiritualia non capi possint, si inverso Ordine in illa intratur, n: 233. 2094. 2196. 2203. 2209. Quod multi Eruditi in spiritualibus plus insaniant, quam simplices, ex causa, quia in negativo sunt, & illis scientifica, per quæ confirmant negativum, in multa copia sunt, n: 4760. Exemplum de Erudito, qui nihil de Vita spirituali intelligere potuit, n: 8629. Quod qui ex scientificis ratiocinantur contra vera fidei, acriter ratiocinentur, quoniam ex fallaciis sensuum, quæ captant & persuadent, quia ægre discuti queunt, n: 5700. Quod qui nihil veri intelligunt, & quoque qui in malo sunt, ratiocinari queant de veris & bonis fidei, & tamen in nulla illustratione esse, n: 4213. Quod solum confirmare dogma, non sit intelligentis, quia falsum æque confirmari potest, ac verum, n: 1017. 2482. 2490. 4741. 5033. 6865. 7012. 7680. 7950. 8521. 8780. Quod qui ratiocinantur de veris Ecclesiæ, num ita sit vel non ita, plane in obscuro de Veris sint, & nondum in luce spirituali, n: 215. 1385. 3033. 3428.

Quod sint Scientifica, quæ admittunt Vera Divina, & quæ non admittunt, n: 5213. Quod scientifica inania destruenda sint, n: 1489. 1492. 1499. 1500. Quod Scientifica inania sint, quæ pro fine habent & confirmant amores sui & mundi, & quæ abstrahunt ab amoribus in Dominum & erga proximum, quia talia occludunt Internum hominem, usque adeo ut homo dein non aliquid e Cœlo recipere possit, n: 1563. 1600. Quod Scientifica sint media sapiendi, & media insaniendi, & quod per illa Internus homo vel aperiatur vel claudatur; & sic Rationale vel excolatur vel destruat, n: 4156. 8628. 9922.

Quod Scientiæ post mortem nihil faciant, sed quæ homo per scientias hausit intellectu & vita, n: 2480. Quod usque omnia scientifica post mortem maneant, sed quod quiescant, n: 2476 ad 2479. 2481 ad 2486.

Quod eadem scientifica apud malos sint falsa, quia applicantur ad mala, & apud bonos vera quia applicantur ad bona, n: 6917. Quod Vera scientifica apud malos non sint vera, utcumque apparent ut vera dum loquuntur illa, quia intus in illis est malum, & inde falsificata; & quod apud illos scientia eorum ne quidem dici mereatur scientia, quoniam absque vita, n: 10331.

Quod

Quod aliud sit sapere, aliud intelligere, aliud scire, & aliud facere, sed quod usque apud illos qui in vita spirituali sunt, ordine consequantur, & corresponsdeant, & in facere seu in factis simul sint, n: 10331. Quod etiam aliud sit scire, aliud agnoscere, & aliud fidem habere, n: 896.

Qualis cupido sciendi spiritibus est, exemplum, n: 1993. Quod apud Angelos sit desiderium sciendi, & sapiendi immensum, quoniam Scientia, Intelligentia & Sapientia sunt Cibus spiritualis, n: 3114. 4459. 4792. 4976. 5147. 5293. 5340. 5342. 5410. 5426. 5576. 5582. 5588. 5656. 6277. 8562. 9003.

Quod præcipua Scientia Antiquis fuerit Scientia Correspondentiarum, sed quod illa hodie oblitterata sit, n: 3021. 3419. 4280. 4344. 4964. 4965. 6004. 7729. 10252. Quod apud Orientales & in Ægypto fuerit Scientia Correspondentiarum, n: 5702. 6692. 7097. 7779. 9391. 10407. Quod inde eorum Hieroglyphica, n: 6692. 7097. Quod Antiqui per scientiam Correspondentiarum se introduxerint in cognitiones spiritualium, n: 4844. 4749. 4965. Quod Verbum per meras Correspondentias conscriptum sit, & quod inde Sensus ejus Internus seu Spiritualis, qui absque scientia correspondentiarum non sciri potest quod sit, nec quale est Verbum, n: 3131. 3472 ad 3485. 8615. 10687. Quantum Scientia Correspondentiarum præstat aliis scientiis, n: 4280.

52. *De Memoria naturali quæ est Externi hominis, & de Memoria spirituali quæ est Interni.* Quod binæ Memoriæ homini sint, Exterior & Interior, seu Naturalis & Spiritualis, n: 2469 ad 2494. Quod homo non sciat, quod ei Memoria interior sit, n: 2470. 2471. Quantum Memoria interior excellet præ Memoria exteriore, n: 2473. Quod quæ in Memoria exteriore sunt, in luce naturali sint, quæ autem in Memoria interiore, in luce spirituali sint, n: 5212. Quod ex Memoria interiore sit, quod homo intellectualiter & rationaliter possit cogitare & loqui, n: 9394. Quod omnia & singula, quæ homo cogitavit & loquutus est & egit, & quæ audivit & vidit, inscripta sint Memoriæ interiori, n: 2474. 7398. Quod illa Memoria sit Liber vitæ hominis, n: 2474. 9386. 9841. 10505. Quod in Memoria interiore sint, quæ facta sunt fidei, ac bona quæ facta sunt amoris, n: 5212. 8067. Quod res, quæ induerunt habitum, & facta sunt vitæ, sint in Memoria interiore, n: 9394. 9723. 9841. Quod Scientifica & Cognitiones sint Memoriæ exterioris, n: 5212. 9922. Quod illa perquam umbrosa sint & implexa respective ad illa quæ sunt Memoriæ interioris, n: 2831. Quod homo in mundo ex Memoria exteriore loquatur linguas, n: 2472. 2476. Quod Spiritus & Angeli loquantur ex Memoria interiore, & quod inde illis Lingua universalis, quæ talis est, ut omnes, ex quacunque terra sint, inter se loqui possint, n: 2472. 2476. 2490. 2493; de qua Lingua videatur in Opere de Cælo & Inferno, n: 234 ad 245: ac de stupendis Memoriæ interioris, quæ manet apud hominem post mortem, ibi, n: 463.

53. *De Fallaciis sensuum, in quibus mere Naturales & Sensuales homines sunt, de quibus supra in Doctrina, n: 45.* Quod mere naturales & sensuales homines

mines ex fallaciis sensuum cogitent & ratiocinentur, n: 5084. 5700. 6948. 6949. 7693. Quales Fallaciæ sensuum sunt, n: 5084. 5094. 6400. 6948: quibus hæc adjicientur. Sunt Fallaciæ sensuum in Naturalibus, in Civilibus, in Moralibus, & in Spiritualibus, in singulis multæ; sed hic aliquas in Spiritualibus recensere volo. Qui cogitat ex Fallaciis sensuum, is non potest intelligere, 1. Quod homo possit post mortem apparere ut homo; nec gaudere sensibus sicut prius; ita nec Angeli. 2. Cogitant, quod Anima sit modo aliquod vitale, pure æthereum, de quo non aliqua idea haberi potest. 3. Quod solum corpus sit quod sentit, videt & audit. 4. Quod homo sit similis bestię, modo quod homo possit loqui ex cogitatione. 5. Quod natura sit omne & primum, ex qua omnia. 6. Quod homo imbuat & discat cogitare per influxum interioris naturæ & ejus ordinis. 7. Quod spirituale non sit, & si est, quod sit purius naturale. 8. Quod homo non possit frui aliqua beatitudine ablatis jucundis amoris gloriæ, honoris, lucri. 9. Quod Conscientia sit modo ægritudo animi ex infirmitate corporis, & ex non successibus. 10. Quod Amor Divinus Domini sit amor gloriæ. 11. Quod Providentia non sit, sed quod ex propria prudentia & intelligentia fluant omnia. 12. Quod honores & divitiæ sint reales benedictiones quæ dantur a Deo: præter similia plura. Tales sunt Fallaciæ sensuum in spiritualibus. Inde constare potest, quod Cœlestia non capi possint ab illis qui mere naturales & sensuales sunt; mere naturales & sensuales sunt, quibus Internus spiritualis homo clausus est, ac Naturalis modo apertus.



De Amore in genere.

54. **I**PSA Vita hominis est ejus Amor, & qualis est amor talis est vita, imo talis est totus homo: sed Amor dominans seu regnans est qui facit hominem. Ille Amor sibi subordinatos habet plures amores, qui sunt derivationes; hi sub alia specie apparent, sed usque singuli illi insunt Amori dominanti, & cum illo faciunt unum regnum; Amor dominans est sicut eorum Rex & Caput, is dirigit eos, & per eos, ut per fines medios, spectat & intendit finem suum, qui omnium primarius & ultimus est, & hoc tam directe quam indirecte. Id quod est amoris dominantis, est quod super omnia amatur.

55. Quod homo super omnia amat, jugiter est præsens in ejus cogitatione, & quoque in ejus voluntate, & facit ipsissimam vitam ejus: ut pro exemplo; qui super omnia amat Opes, sive sint pecuniæ sive possessiones, is continue animo versat quomodo illas sibi comparet, gaudet intime cum acquirit, dolet intime cum amittit, cor ejus est in illis. Qui super omnia amat se, is sui recordatur in singulis, de se cogitat, de se loquitur, propter se agit, vita enim ejus est vita sui.

56. Homo pro fine habet id quod super omnia amat, illud spectat in omnibus & singulis; est in voluntate ejus sicut latens vena fluvii, quæ trahit & aufert, etiam cum aliud agit, nam id est quod animat. Tale est, quod unus homo apud alium explorat, & quoque videt, & secundum id vel ducit illum, vel agit cum illo.

57. Homo prorsus talis est, quale est ejus vitæ dominans; per hoc distinguitur ab aliis; secundum hoc fit ejus Cælum si bonus, & fit ejus Infernum si malus; id est ipsa ejus voluntas, ejus proprium, & ejus natura, est enim ipsum Esse vitæ ejus; hoc post mortem mutari non potest, quia id est ipse homo.

58. Omne jucundum, faustum & felix est cuivis ex Amore ejus dominante, & secundum illum; homo enim id jucundum dicit quod amat, quia sentit; quod autem cogitat & non amat, hoc quoque jucundum dicere potest, sed non est jucundum vitæ ejus. Jucundum amoris est, quod homini est Bonum, ac injucundum quod ei est malum.

59. Sunt bini Amores, ex quibus omnia bona & vera, ut ex ipsis suis fontibus existunt; & sunt bini Amores, ex quibus omnia mala & falsa.

falsa. Bini Amores, ex quibus omnia bona & vera, sunt Amor in Dominum & Amor erga proximum: ac bini Amores ex quibus omnia mala & falsa, sunt Amor sui & amor mundi. Hi bini Amores sunt illis binis Amoribus prorsus oppositi.

60. Bini Amores ex quibus omnia bona & vera, qui sunt, ut dictum est, Amor in Dominum & Amor erga proximum, faciunt Cælum apud hominem, quare etiam illi regnant in Cælo; & quia faciunt Cælum apud hominem, etiam faciunt Ecclesiam apud illum. Bini Amores ex quibus omnia mala & falsa, qui sunt, ut dictum est, Amor sui & Amor mundi, faciunt Infernum apud hominem, quare etiam illi regnant in Inferno.

61. Bini Amores ex quibus omnia bona & vera, qui, ut dictum est, sunt Amores cæli, aperiunt & formant Internum spiritualem hominem; quia ibi resident: bini autem Amores ex quibus omnia mala & falsa, quando dominantur, claudunt & destruunt Internum spiritualem hominem, ac faciunt ut homo sit naturalis & sensualis secundum quantum & quale dominii eorum.

Ex Arcanis Cœlestibus.

62. **Q**UOD Amor sit Esse vitæ hominis, n: 5002. Quod homo, spiritus, & angelus, sint prorsus sicut eorum amor, n: 6872. 10177. 10284. Quod homo pro fine habeat, quod amat, n: 3796. Id quod homo amat & pro fine habet, quod apud illum universaliter regnet, hoc est, in omnibus & singulis, n: 3796. 5130. 5949. Quod Amor sit Calor spiritualis, & ipsum vitale hominis, n: 1589. 2146. 3338. 4906. 7081 ad 7086. 9954. 10740. Quod omnia interiora apud hominem, quæ sunt ejus intellectus & voluntatis, disponantur in formam, secundum ejus amorem dominantem, n: 2024. 3189. 6690. Quod Amor sit conjunctio spiritualis, n: 1594. 2057. 3939. 4018. 5807. 6195. 6196. 7081 ad 7086. 7501. 10130. Inde quod omnes in Mundo spirituali confociantur secundum amores eorum, ibid. Quod Affectio sit continuum amoris, n: 3938. Quod omne jucundum, volupe, faustum, felix, & omne cordis gaudium, sint amoris, & quale eorum secundum quale amoris, n: 994. 995. 2204. Quod tot genera & species jucunditatum & voluptatum sint, quot affectionum quæ amoris, n: 994. 995. 2204. Quod jucundum amoris eo vilius sit, quo magis externum, n: 996. Quod homini post mortem talis vita sit, qualis ejus amor, n: 2364.

63. Plura de Amore & ejus essentia & quali, sciri possunt ex illis, quæ supra dicta & allata sunt de Bono & Vero: tum ex illis, quæ supra dicta & allata sunt de Voluntate & Intellectu: ut & ex illis, quæ dicta & allata sunt de Interno & Externo homine: quoniam omnia quæ amoris sunt, se referunt ad bona & ad mala; similiter omnia quæ sunt ipsius voluntatis; & quoniam bini Amores Cœli aperiunt & formant Internum spiritualement hominem; at bini Amores Inferni claudunt & destruunt illum. Inde possunt applicationes fieri, & conclusiones, qualis est Amor in genere & in specie.

64. In Opere de Cœlo & Inferno etiam de Amoribus actum est; nempe quod Divinum Domini in Cœlis sit Amor in Ipsum & Amor erga proximum, n: 13 ad 19. Quod omnes, qui in Infernis sunt, in malis & inde falsis sint ex Amoribus sui & mundi, n: 551 ad 565. Quod Jucunda amoris cujusvis in altera vita vertantur in correspondentia, n: 485. ad 490. Quod Calor spiritualis in sua essentia sit Amor, n: 133 ad 140.



De Amoris sui & mundi.

65. **A**MOR sui est sibi soli bene velle, & non aliis nisi propter se, ne quidem Ecclesiæ, Patriæ, alicui Societati humanæ, aut Concivî; ut & illis benefacere solum propter sui famam, honorem, & gloriam, quæ nisi videt in bonis, quæ illis facit, dicit corde suo, quid refert, cur hoc, & quid inde mihi, & sic omittit: unde patet, quod is, qui in amore sui est, non amet Ecclesiam, nec Patriam, nec Societatem, nec Concivem, nec aliquod Bonum, sed se Solum.

66. Homo in amore sui est, quando in illis quæ cogitat & facit, non intuetur Proximum, ita non Publicum, minus Dominum, sed modo semet ac suos; consequenter quando propter semet & suos omnia facit, & si propter Publicum & Proximum, sit modo ut appareat.

67. Propter semet & suos dicitur, nam qui amat se etiam amat suos, qui sunt in specie Liberi & Nepotes ejus, & in genere omnes qui unum cum illo faciunt, quos Suos vocat; hos & illos amare, est quoque se amare, nam illos spectat quasi in se, & se in illis: inter illos, quos suos vocat, sunt quoque omnes qui eum laudant, honorant, & colunt.

68. Ille homo in amore sui est, qui proximum contemnit præ se, qui inimicum illum habet si non sibi favet, & si non se veneratur & colit: magis adhuc in amore sui est, qui propterea proximum odio habet, & persequitur: & magis adhuc, qui propterea flagrat vindicta contra illum, & cupit ejus perniciem: tales tandem amant sævire.

69. Ex comparatione cum Amore cœlesti constare potest, qualis est Amor sui: Amor cœlestis est amare usus propter usus, seu bona propter bona, quæ homo præstat Ecclesiæ, Patriæ, Societati humanæ, & Concivî; at qui amat illa propter se, is non amat illa aliter quam famulitia, quia serviunt sibi: inde sequitur, quod qui in amore sui est, velit ut Ecclesia, Patria, Societates humanæ, & Concives, serviant sibi, & non is illis; ponit se supra illos, & illos infra se.

70. Porro, quantum quis in Amore cœlesti est, qui est amare usus & bona, & affici jucundo cordis cum illa præstat, tantum ducitur a Domino, quia ille Amor est in quo Ipse, & qui ab Ipso: at quantum aliquis in Amore sui est, tantum ducitur a semet, & quantum ducitur a semet, tantum ducitur a Proprio suo, ac Proprium hominis non est nisi

nisi quam malum, est enim Malum ejus Hæreditarium, quod est se amare præ Deo, & mundum præ Cælo.

71. Amor sui etiam talis est, ut quantum illi laxantur fræna, hoc est, removentur vincula externa, quæ sunt timores pro lege & ejus pænis, proque jactura famæ, honoris, lucri, functionis & vitæ, tantum ruat, usque ut non modo imperare velit super universum terrarum orbem, sed etiam super Cælum, & super ipsum Divinum; nusquam est ei aliquis terminus seu finis: hoc latet in unoquoque, qui in amore sui est, tametsi non patet coram mundo, ubi eum dicta fræna & vincula retinent; & quisque talis, ubi obviam fit impossibile, ibi subsistit, usque dum fit possibile; ex his & illis est, quod homo, qui in tali amore est, non sciat quod talis vesana absque limite cupido in illo lateat. Quod tamen ita sit, nemo non potest videre apud Potentes & Reges, quibus non talia fræna, vincula, & impossibilia sunt, qui ruunt & subjugant Provincias & Regna, quantum illis succedit, & adspirant ad potentiam & gloriam ultra limites; & adhuc magis apud illos, qui dominatum extendunt in Cælum, & omnem Potentiam Divinam Domini in se transferunt, & continue cupiunt ultra.

72. Sunt duo Domini genera, unum est Amoris erga proximum, & alterum est Amoris sui; hæc duo Dominia sunt in sua essentia sibi prorsus opposita: qui dominatur ex Amore erga proximum, is vult omnibus bonum, & nihil plus amat quam usus præstare, ita servire aliis, (servire aliis est aliis ex bene velle benefacere, & usus præstare) hoc ejus amor est, & hoc jucundum cordis ejus; is quoque, quantum evehitur ad dignitates, tantum quoque lætatur, verum non propter dignitates, sed propter usus, quos tunc in pluri copia, & in majori gradu, præstare potest; tale Dominium est in Cælis. At qui dominatur ex Amore sui, is vult nulli bonum, sed solum sibi & suis; usus, quos præstat, sunt propter sui honorem & gloriam, quæ ei sunt soli usus; servire aliis est ei propter finem ut serviatur, honoretur, & dominetur; ambit dignitates non propter bona quæ præstet, sed ut in eminentia & gloria sit, & inde in sui cordis jucundo.

73. Amor domini manet etiam unumquemvis post vitam in mundo; sed qui dominati sunt ex Amore erga proximum, illis conceditur etiam dominatio in Cælis; at tunc illi non dominantur, sed usus & bona quæ amant, & cum usus & bona, dominatur Dominus: qui autem in Mundo dominati sunt ex Amore sui, illi post vitam in Mundo sunt in Inferno, & ibi vilia mancipia.

74. Ex his nunc cognoscitur, quinam in Amore sui sunt; sed non refert,

refert, qualiter apparent in externa forma, si vel elati vel submissi; nam talia sunt in interiori homine, & interior homo a plerisque occultatur, ac exterior instruitur mentiri illa quæ Amoris Publici & proximi sunt, ita contraria; & hoc quoque propter se: sciunt enim, quod amare Publicum & proximum interius afficiat omnes, & quod tantum amentur & æstimentur; quod afficiat, est quia Cælum in illum amorem influit.

75. Mala quæ illis sunt qui in Amore sui, sunt in genere, Contemptus aliorum, Invidia, Inimicitia contra illos qui sibi non favent, Hostilitas inde, Odiæ varii generis, Vindictæ, Astus, Doli, Immisericordia, & Crudelitas; & ubi talia Mala sunt, est etiam Contemptus Divini, ac Divinorum quæ sunt Vera & Bona Ecclesiæ; quæ si honorant, est solum ore & non corde. Et quia talia Mala inde sunt, etiam sunt similia Falsæ, nam ex malis sunt falsæ.

76. Amor mundi autem, est velle aliorum Opes ad se derivare quacunque arte, ac in divitiis cor ponere, & pati ut Mundus retrahat & abducat illum ab Amore spirituali, qui est Amor erga proximum, ita a Cælo. Illi in Amore mundi sunt, qui cupiunt aliorum bona in se derivare per varias artes, imprimis qui per astus & dolos, nihili facientes bonum proximi: illi, qui in illo amore sunt, concupiscunt aliorum bona, & quantum non timent leges & jacturam famæ propter lucrum, deprivant, imo deprædantur.

77. Sed Amor mundi non in tali gradu est oppositus Amori cœlesti, in quo est Amor sui, quoniam non tanta Mala in eo recondita sunt. Amor ille multiplex est: est Amor opum, ut evehantur ad honores; est Amor honorum & dignitatum, ut lucrentur opes; est Amor opum propter varios usus, quibus delectantur in mundo; est Amor opum propter solas opes, talis amor est Avaris; & sic porro: finis, propter quem opes, vocatur usus, ac finis seu usus est, a quo Amor suum quale trahit; nam talis est Amor, qualis est finis propter quem, reliqua ei serviunt ut media.

78. Verbo, Amor sui & Amor mundi, sunt prorsus oppositi Amori in Dominum, & Amori erga proximum; quare Amor sui & Amor mundi sunt Amores infernales, regnant etiam in Inferno, & quoque faciunt infernum apud hominem; Amor autem in Dominum & Amor erga proximum sunt Amores cœlestes, regnant etiam in Cælo, & quoque faciunt cælum apud hominem.

79. Ex his quæ nunc dicta sunt, videri potest, quod in binis illis Amoribus, & ex illis, sint omnia Mala; nam illa Mala, quæ enu-

merata

merata sunt n : 75, sunt communia, reliqua, quæ non enumerata sunt, quia sunt specifica, derivantur & fluunt ex illis. Inde constare potest, quod homo, quia nascitur in binos illos amores, nascatur in mala omnis generis.

80. Ut homo sciat Mala, scire debet origines illorum, & nisi sciat Mala, non scire potest Bona, ita non potest scire qualis est : inde est, quod de binis illis originibus malorum hic actum sit.

Ex Arcanis Cœlestibus.

81. **D**E *Amoribus sui & mundi*. Sicut Amor in Dominum, & Amor erga proximum seu Charitas, faciunt Cœlum, ita Amor sui & Amor mundi, ubi regnant, faciunt Infernum; quare sunt oppositi, n : 2041. 3610. 4225. 4776. 6210. 7366. 7369. 7480. 7490. 8232. 8678. 10455. 10741. 10742. 10743. 10745. Quod ex Amore sui & mundi omnia mala, n : 1307. 1308. 1321. 1594. 1691. 3413. 7255. 7376. 7480. 7488. 8318. 9335. 9348. 10038. 10742. Quod ex Amore sui & mundi sit contemptus aliorum, inimicitia, odium, vindicta, sævitia, doli, ita omne malum, & omnis malitia, n : 6667. 7372. 7373. 7374. 9348. 10038. 10742. Quod illi Amores ruant, quantum eis laxantur fræna; & quod Amor sui usque ad thronum Dei, n : 7375. 8678. Quod Amor sui & Amor mundi sint destructivi societatis humanæ, & ordinis cœlestis, n : 2045. 2057. Quod Genus Humanum propter illos Amores iniverit Regimina, & se subjecerint Imperiis, ut tuti essent, n : 7364. 10160. 10814. Quod ubi illi Amores regnant, bonum amoris & bonum fidei, vel rejiciantur, vel suffocentur, vel pervertantur, n : 2041. 7491. 7492. 7643. 8487. 10455. 10743. Quod in illis Amoribus non sit vita, sed mors spiritualis, n : 7494. 10731. 10741. Quales illi Amores sunt, describitur, n : 1505. 2219. 2363. 2364. 2444. 4221. 4227. 4947. 4949. 5721. 7366 ad 7377. 8678. Quod omnis cupiditas & concupiscentia sit amoris sui & mundi, n : 1668. 8910.

Quod Amores sui & mundi inserviant pro mediis, & nullatenus pro fine, n : 7377. 7819. 7820. Cum reformatur homo, quod invertantur illi amores, ut sint pro mediis & non pro fine, ita ut sint sicut plantæ pedum, & non sicut caput, n : 8995. 9210. Quod apud illos, qui in Amoribus sui & mundi sunt, non Internum sit sed Externum absque Interno, quia Internum est clausum versus Cœlum, at Externum apertum versus mundum, n : 10396. 10400. 10409. 10412. 10422. 10424. Quod illi, qui in Amoribus sui & mundi sunt, non sciant quid Charitas, quid Conscientia, & quid Vita Cœli, n : 7490. Quod quantum homo in Amore sui & mundi est,

tantum

tantum non recipiat bonum & verum fidei, quod a Domino continue apud hominem influit, n: 7491.

Quod illis, qui in amoribus sui & mundi sunt, vincula externa sint, sed nulla interna, quare ablatis externis ruunt in omne nefas, n: 1744. 10745. 10746. Quod in Mundo spirituali omnes se vertant secundum amores; illi qui in amore in Dominum & in amore erga proximum sunt, ad Dominum, at illi qui in amore sui & in amore mundi, retro a Domino, n: 10130. 10189. 10420. 10742. Cultus, in quo Amor sui, qualis, n: 1304. 1306. 1307. 1308. 1321. 1322. Quod Dominus regat mundum per malos, ducendo illos per amores proprios, qui se referunt ad amorem sui & amorem mundi, n: 6481. 6495. Quod æque mali quam boni possint functiones obire, ac usus & bona præstare, quia spectant honores & lucra ut præmia, propter quæ similiter in externa forma faciunt, n: 6481. 6495.

Quod, omnes qui in Infernis sunt, in malis & inde falsis sint ex amoribus sui & mundi, in Opere de Cælo & Inferno, n: 551 ad 565.

82. *De Proprio hominis, de quo supra in Doctrina, n: 70, quod sit amor sui & mundi.* Quod hominis Proprium non sit nisi quam densum malum, n: 210. 215. 731. 874. 875. 876. 987. 1047. 2307. 2318. 3518. 3701. 3812. 8480. 8550. 10283. 10284. 10286. 10731. Quod hominis Proprium sit ejus Voluntarium, n: 4328. Quod Proprium hominis sit se amare præ Deo, & mundum præ Cælo, ac nihili facere proximum respectively ad se, ita quod sit Amor sui & mundi, n: 694. 731. 4317. 5660. Quod ex Proprio hominis non modo omne Malum, sed etiam omne Falsum scaturiat, & quod hoc falsum sit falsum mali, n: 1047. 10283. 10284. 10286. Quod Proprium hominis sit Infernum apud illum, n: 694. 8480. Quapropter qui ducitur a suo Proprio, quod salvari non possit, n: 10731. Quod bonum, quod homo facit ex Proprio, non sit bonum, sed in se malum, quia propter se & propter mundum, n: 8478.

Quod Proprium hominis separandum sit, ut Dominus adesse queat, n: 1023. 1044. Et quod actualiter separetur, cum homo reformatur, n: 9334. 9335. 9336. 9452. 9453. 9454. 9938. Quod hoc fiat a solo Domino, n: 9445. Quod homo per Regenerationem accipiat Proprium cœleste, n: 1937. 1947. 2882. 2883. 2891. Quod hoc appareat homini sicut ejus proprium, verum quod non sit ejus, sed Domini apud illum, n: 8497. Quod qui in hoc proprio sunt, in ipso Libero sint, quia liberum est duci a Domino, & ab Ipsius Proprio, n: 892. 905. 2872. 2886. 2890. 2891. 2892. 4096. 9586. 9587. 9589. 9590. 9591. Quod omne Liberum sit ex proprio, & quale ejus secundum id, n: 2880. Quale Proprium cœleste, n: 164. 5660. 8480. Quomodo implantatur Proprium cœleste, n: 1712. 1937. 1947.

83. *De Hereditario hominis, de quo supra in Doctrina, n: 70 & 79, quod sit amor sui & mundi.* Quod homines, quotcunque sunt, nascantur in mala omnis generis, usque adeo ut Proprium eorum non sit nisi quam malum, n: 210. 215. 731. 874. 875. 876. 987. 1047. 2307. 2308. 3701. 3812. 8480. 8550. 10283. 10284. 10286. 10731. Quod homo ideo renascen-

dus sit, hoc est, regenerandus, ut a Domino novam vitam accipiat, n : 3701.

Quod Hæreditaria mala a parentibus & avis longa retro serie deriventur, crescant, & cumulentur, & non, ut creditur, sint a primo homine propter esum ex arbore scientiæ, n : 313. 494. 2910. 3469. 3701. 4317. 8550. Quod ideo Mala hæreditaria hodie maligniora sint, quam olim, n : 2122. Quod infantes, qui moriuntur infantes, & educantur in Cœlo, non sint nisi quam mala ex hæreditario, n : 2307. 2308. 4563. Quod inde diversæ indolis & inclinationis sint, n : 2300. Quod cuivis mala interiora sint a patre, & exteriora a matre, n : 3701.

Quod homo malis hæreditariis superaddat nova ex se, quæ Mala actualia vocantur, n : 8551. Quod in altera vita nemo luat pœnam propter mala hæreditaria, sed propter mala actualia, quæ redeunt, n : 966. 2308. Quod Inferna maligniora teneantur separata, ne operentur in mala hæreditaria apud homines & spiritus, n : 1667. 8806.

Quod Mala hæreditaria sint Mala amoris sui & mundi, quæ sunt quod homo se amet præ Deo, ac mundum præ Cœlo, & proximum nihili faciat, n : 694. 4317. 5660. Et quia illa mala sunt contra bona Cœli, & contra Divinum Ordinem, quod homo non possit non in meram ignorantiam nasci, n : 1050. 1902. 1992. 3175. Quod Bonum naturale connascatur quibusdam, sed quod usque id non bonum sit, quia facile ad omnia mala & falsa, & quod id bonum non acceptetur in Cœlo, nisi fiat bonum spirituale, n : 2463. 2464. 2468. 3304. 3408. 3469. 3470. 3508. 3518. 7761.



De Amore erga proximum, seu de Charitate.

84. **P**rimum dicetur quid PROXIMUS, ille enim est qui amandus, & erga quem Charitas exercenda est: nisi enim scitur quid Proximus, Charitas potest exerceri simili modo absque distinctione, æque erga malos quam erga bonos, unde Charitas non fit charitas; mali enim ex benefactis malefaciunt proximo, sed boni benefaciunt.

85. Communis opinio hodie est, quod omnis homo sit æque proximus, & quod benefaciendum sit cuivis qui opis indiget; sed prudentiæ Christianæ interest, bene scrutari qualis hominis vita est, & Charitatem secundum illam exercere: Internæ Ecclesiæ homo cum discrimine, ita cum intelligentia, id agit, at Externæ Ecclesiæ homo, quia non ita discernere res potest, indiscriminatim facit.

86. Discrimina Proximi, quæ homo Ecclesiæ omnino scire debet, se habent secundum bonum, quod est apud unumquemvis; & quia omne bonum procedit a Domino, est Dominus in supremo sensu ac in supereminente gradu Proximus, a Quo origo; inde sequitur, quod quantum Domini aliquis apud se habet, tantum sit Proximus; & quia nullus simili modo recipit Dominum, hoc est, bonum quod ab Ipso, idcirco non unus simili modo est Proximus, quo alter: omnes enim, qui in Cœlis sunt, & omnes qui boni sunt in terris, differunt bono, nusquam datur apud duos bonum prorsus unum & idem, varium erit, ut unumquodvis per se subsistat. Sed omnia illa varia, ita omnia discrimina Proximi, quæ se habent secundum receptionem Domini, hoc est, secundum receptionem boni ab Ipso, nusquam aliquis homo, ne quidem Angelus, scire potest, sed modo in communi, ita Genera & horum species; nec Dominus plus ab homine Ecclesiæ requirit, quam ut vivat secundum id quod scit.

87. Quia Bonum apud unumquemvis est varium, inde sequitur, quod quale boni determinet in quo gradu & in qua ratione aliquis est Proximus: quod ita sit, patet a Domini Parabola de illo qui incidit in latrones, quem semimortuum Sacerdos præterivit, & quoque Levita; sed Samarita, postquam obligavit vulnera ejus, & infudit oleum & vinum, sustulit super proprium jumentum, & duxit in di-

verforium, & ordinavit ut cura ejus haberetur; hic quia bonum charitatis exercuit, Proximus dicitur, Luc: x: 29 ad 37; inde sciri potest, quod Proximus sint qui in bono: Oleum & Vinum, quæ Samarita vulneribus infudit, etiam significant bonum & ejus verum.

88. Ex dictis nunc patet, quod in universali sensu Bonum sit Proximus, quia homo est proximus secundum quale boni, quod a Domino apud illum; & quia Bonum est Proximus, est Amor, nam omne bonum est amoris, ita quisque homo est proximus secundum quale amoris, qui ei est a Domino.

89. Quod Amor sit qui facit ut Proximus sit, & quod quisque proximus sit secundum quale amoris ejus, patet manifeste ab illis qui in amore sui sunt, illi pro Proximo agnoscunt, qui se maxime amant, hoc est, quantum sunt sui, hos amplectuntur, hos osculantur, his benefaciunt, & hos fratres vocant, imo, quia mali sunt, hos dicunt proximum esse præ aliis; reliquos, sicut se amant, pro proximo habent, ita secundum quale & quantum amoris; tales a se originem proximi ducunt, ex causa quia amor facit & determinat. Illi autem, qui se non amant præ aliis, quemadmodum omnes qui e Regno Domini sunt; originem proximi ducent ab Ipso, quem super omnia amare debent, ita a Domino; & pro Proximo habebunt unumquemvis secundum quale amoris in Ipsum & ab Ipso. Ex his liquet, unde origo Proximi ab homine Ecclesiæ ducenda est; & quod quisque proximus sit secundum bonum quod a Domino, ita ipsum bonum.

90. Quod ita sit, etiam Dominus docet apud Matthæum; "*dixit enim illis qui in bono fuerunt, quod dederint Ipsi quod ederet, quod illi potaverint Ipsum, collegerint Ipsum, induerint Ipsum, visitaverint Ipsum, & in carcere venerint ad Ipsum: & dein, quod quantum fecerint uni ex fratribus suis minimis Ipsi fecerint,*" xxv: 34 ad 40; in illis sex bonis in spiritali sensu intellectis comprehenduntur omnia Genera Proximi. Inde etiam patet, quod, cum amatur bonum, ametur Dominus, Dominus enim est a Quo bonum, Qui in bono, & Qui ipsum bonum.

91. Verum non modo Homo in singulari est Proximus, sed etiam Homo in plurali, est namque Societas minor & major, est Patria, est Ecclesia, est Regnum Domini, & super omnes est Ipse Dominus; hi sunt Proximus quibus benefaciendum est ex amore. Sunt etiam hi gradus Proximi ascendentes, in superiori enim gradu est Societas plurimum quam homo singularis; in adhuc superiori gradu est Patria; in adhuc superiori gradu est Ecclesia; & in adhuc superiori gradu est Regnum

Regnum Domini, in supremo autem est Dominus: gradus hi ascendentes sunt sicut gradus scalæ, in cujus vertice est Dominus.

92. Societas est Proximus præ singulari homine, quia illa consistit ex pluribus: erga illam Charitas similiter exercenda est ut erga hominem in singulari, nempe secundum quale boni quod apud illam; ita prorsus aliter erga Societatem proborum, quam erga Societatem non proborum: amatur Societas quum bono ejus consulitur ex amore boni.

93. Patria est Proximus præ Societate, quia Parentis instar est, ibi enim homo natus est, illum nutrit, & ab injuriis tutatur. Patriæ ex amore benefaciendum est secundum necessitates ejus, quæ imprimis spectant ejus victum, & eorum, qui ibi sunt, vitam civilem, & vitam spiritualem. Qui amat Patriam, & ei ex benevelle benefacit, is in altera vita amat Regnum Domini, nam ibi est Regnum Domini ei Patria; & qui amat Regnum Domini, is amat Dominum, quia Dominus est omne in omnibus sui Regni.

94. Ecclesia est proximus præ Patria, nam qui consulit Ecclesiæ, consulit animabus & vitæ æternæ hominum qui in Patria; quare qui consulit Ecclesiæ ex amore, is amat proximum in superiori gradu, nam is cælum & felicitatem vitæ in æternum aliis optat & vult.

95. Regnum Domini est Proximus in adhuc superiori gradu, nam Regnum Domini consistit ex omnibus qui in bono sunt, tam qui in terris quam qui in cælis; ita Regnum Domini est Bonum cum omni ejus quali in complexu; hoc cum amatur, amantur singuli qui in bono sunt.

96. Hi gradus sunt Proximi, & secundum hos gradus ascendit amor apud illos qui in amore erga proximum sunt: sed hi gradus sunt gradus in ordine successivo, in quo præferendum est prius seu superius posteriori seu inferiori; & quia Dominus est in supremo, & Ipse spectandus in singulis gradibus ut finis ad quem, ita est Ipse supra omnes & supra omnia amandus. Ex his nunc constare potest, quomodo Amor in Dominum se conjungit cum Amore erga proximum.

97. In communi sermone est, quod quisque sibi proximus sit, hoc est, quod quisque sibi primum consulet; sed Doctrina charitatis docet; quomodo hoc intelligendum est. Quisque sibi prospiciet ut habeat necessitates vitæ, ut nempe victum, ut amictum, ut habitationem, & plura, quæ in vita civili, in qua est, necessario requiruntur, & hoc non modo pro se sed etiam pro suis, nec modo pro tempore præsentem

præsenti sed etiam pro venturo; nam nisi quis sibi comparat necessitates vitæ, non potest esse in statu exercendi charitatem; in omnium enim egestate est.

98. Sed quomodo quisque sibi proximus esse debet, constare potest ex hoc simili: quisque prospicere debet corpori suo victu & amictu, hoc primum erit, sed ob finem ut mens sana sit in corpore sano; & quisque prospicere debet menti suo victu, nempe talibus quæ sunt intelligentiæ & sapientiæ, ob finem ut illa inde in statu sit serviendi Concivi, Societati humanæ, Patriæ & Ecclesiæ, ita Domino; qui hoc facit, is sibi prospicit bene in æternum; inde patet quod primum sit, ubi finis propter quem, nam ad illum spectant omnia. Se quoque hoc habet, sicut qui construit domum, primo ponet fundamentum, sed fundamentum erit pro domo, & domus pro habitatione; qui credit sibi proximum esse primo loco, is similis est ei qui spectat fundamentum ut finem, non domum & habitationem, cum tamen habitatio est ipse finis primus & ultimus, ac domus cum fundamento est modo medium ad finem.

99. Finis declarat, quomodo quisque sibi proximus erit, ac sibi primum consulat; si finis sit ut ditescat præ aliis solum divitiarum causa, vel voluptatis causa, vel eminentiæ causa, & similibus, est finis malus, & is non proximum amat, sed semet: at si finis est, ut opes sibi comparet, ut in statu sit consulendi Concivi, Societati humanæ, Patriæ, & Ecclesiæ; similiter ut functiones sibi comparet ob eundem finem, is amat proximum. Ipse finis propter quem agit, facit hominem, nam finis est ejus amor, quisque enim pro fine primo & ultimo habet, quod super omnia amat.

Hæc dicta sunt de Proximo, nunc dicetur de Amore erga illum, seu de CHARITATE.

100. Creditur a multis, quod Amor erga proximum sit dare pauperibus, opem ferre indigenti, & bonum facere cuicunque; sed Charitas est, prudenter agere, & propter finem ut inde bonum: qui alicui pauperi aut indigenti malefico opem fert, is per illum malefacit proximo, nam per opem, quam fert, confirmat illum in malo, ac suppeditat ei copiam malefaciendi aliis; aliter qui suppetias fert bonis.

101. Sed Charitas multo latius se extendit, quam ad pauperes & indigentes; Charitas enim est rectum facere in omni opere, ac debitum in omni officio: si Judex justum facit propter justum, Charitatem exercet; si punit fontem, & absolvit infontem, Charitatem exercet,
nam

nam sic consulit concivi & consulit patriæ. Sacerdos qui docet verum, & ducit ad bonum, propter verum & bonum, is charitatem exercet. Qui autem talia facit propter se & mundum, is charitatem non exercet, quia non amat proximum sed semet.

102. Simile est cum reliquis, sive in aliqua functione sint, sive non sint; ut cum liberis erga parentes, & cum parentibus erga liberos; cum servis erga dominos, & cum dominis erga servos; cum subditis erga Regem, & cum Rege erga subditos: qui ex illis debitum facit ex debito, & justum ex justo, is charitatem exercet.

103. Quod illa amoris erga proximum seu Charitatis sit, est quia, ut supra dictum est, unusquisque homo est proximus, sed diversimode; Societas minor & major est magis proximus: Patria adhuc magis proximus; Regnum Domini adhuc magis; & Dominus supra omnes; & in sensu universalis Bonum, quod procedit ex Domino, est Proximus; consequenter etiam est Sincrum & Justum: quapropter qui facit bonum quodcumque propter bonum, ac qui sincere & juste agit propter sincerum & justum, is amat proximum, & exercet charitatem, nam facit ex amore boni, sinceri, & justii, ac inde ex amore illorum in quibus bonum, sincerum, & justum sunt.

104. Charitas itaque est affectio interna, ex qua homo vult bonum facere, & hoc absque renumeratione; ejus jucundum vitæ est id facere. Illi qui ex affectione interna bonum faciunt, in singulis quæ cogitant & loquuntur, & quæ volunt & agunt, est charitas; dici potest, quod homo & angelus quoad interiora sua sit Charitas, cum bonum ei est proximus. Tam late se extendit Charitas.

105. Illi, quibus amor sui & mundi pro fine sunt, nequaquam possunt in charitate esse; ne quidem sciunt quid charitas; & prorsus non comprehendunt, quod velle & facere bonum proximo absque fine mercedis sit cælum in homine, & quod illi affectioni insit tanta felicitas, quanta est Angelorum Cœli, quæ ineffabilis; nam credunt, si privantur gaudio ex gloria honorum & opum, quod nihil gaudii amplius detur, cum tamen tunc primum inchoat gaudium cœleste, quod infinite transcendit.

Ex Arcanis Cœlestibus.

106. **Q**UOD Cœlum sit distinctum in duo Regna, quorum unum vocatur Regnum cœleste, alteram Regnum spirituale: Amor in Regno cœlesti est Amor in Dominum, & vocatur Amor cœlestis, & Amor in Regno spirituali est Amor erga proximum seu Charitas, & vocatur Amor spiritualis, n : 3325. 3653. 7257. 9002. 9833. 9961. Quod Cœlum distinctum sit in duo illa Regna, videatur in Opere de Cœlo & Inferno, n : 20 ad 28. Et quod Divinum Domini in Cœlis sit Amor in Ipsum, & Charitas erga proximum, n : 13 ad 19 ibi.

Quod non sciatur, quid Bonum & quid Verum, nisi sciatur quid Amor in Dominum, & Amor erga proximum, quoniam omne Bonum est Amoris, & omne Verum est Boni, n : 7255. 7366. Quod scire vera, velle vera, & affici veris propter vera, hoc est, quia vera sunt, sit Charitas, n : 3876. 3877. Quod Charitas consistat in affectione interna faciendi verum, & non in externa absque illa, n : 2430. 2442. 3776. 4899. 4956. 8033. Ita quod Charitas consistat in usibus præstandis propter usum, n : 7038. 8253. Quod Charitas sit vita spiritualis hominis, n : 7081. Quod totum Verbum sit Doctrina Amoris & Charitatis, n : 6632. 7262. Quod nesciatur hodie quid Charitas, n : 2417. 3398. 4776. 6632. Quod usque homo ex lumine rationis suæ scire possit, quod Amor & Charitas faciant hominem, n : 3957. 6273. Tum quod Bonum & Verum concordent, ac unum sit alterius, ita Amor & Fides, n : 7627.

Quod Dominus in supremo sensu sit Proximus, quia Ille super omnia amandus est; inde quod omne id Proximus sit, quod ab Ipso est in quo Ipse, ita Bonum & Verum, n : 2425. 3419. 6706. 6819. 6823. 8124. Quod discrimen Proximi sit secundum quale boni, ita secundum præsentiam Domini, n : 6707. 6708. 6709. 6710. Quod omnis homo, & omnis Societas, tum Patria & Ecclesia, ac in universali sensu Regnum Domini sint Proximus, & quod illis benefacere ex amore boni secundum quale status eorum, sit amare proximum, ita Proximus est Bonum illorum, cui consulendum est, n : 6818 ad 6824. 8123. Quod etiam Bonum civile, quod est Justum, & Bonum morale, quod est bonum vitæ in societate, & vocatur Sincerus, sit Proximus, n : 2915. 4730. 8120. 8121. 8122. Quod amare proximum, non sit amare personam, sed id quod est apud illum ex quo ille, ita bonum & verum, n : 5025. 10336. Qui amant personam, & non quod est apud illum ex quo ille, quod ament æque malum quam bonum, n : 3820. Et quod benefaciant æque malis quam bonis, cum tamen benefacere malis est malefacere bonis, quod non est amare proximum, n : 3820. 6703. 8120. Judex qui punit malos ut emendentur, & ne contaminentur ab illis boni, is proximum amat, n : 3820. 8120. 8121.

Quod

Quod amare proximum, sit facere bonum, justum & rectum in omni opere, & in omni functione, n : 8120. 8121. 8122. Inde quod Charitas erga proximum se extendat ad omnia & singula, quæ homo cogitat, vult, & facit, n : 8124. Quod facere bonum & verum sit amare proximum, n : 10310. 10336. Quod illi qui hoc faciunt, ament Dominum, qui in supremo sensu est Proximus, n : 9212. Quod vita Charitatis sit vita secundum præcepta Domini, & quod vivere secundum Divina Vera sit amare Dominum, n : 10143. 10153. 10310. 10578. 10648.

Quod genuina Charitas non sit meritoria, n : 2340. 2373. 2400. 3887. 6388 ad 6393. Quia est ex affectione interna, ita ex jucundo vitæ faciendi bonum, n : 2373. 2400. 3887. 6388. 6393. Qui fidem separant a charitate, quod in altera vita faciant fidem, & bona opera, quæ in externa forma fecerunt, meritoria, n : 2373. Quod qui in malis ex amore sui aut mundi sunt, non sciant quid sit facere bonum absque remuneratione, ita quid sit charitas non meritoria, n : 8037.

Quod Doctrina Antiquæ Ecclesiæ fuerit Doctrina vitæ, quæ est Doctrina charitatis, n : 2487. 2385. 3419. 3420. 4844. 6628. Quod illis inde intelligentia & sapientia, n : 2417. 6629. 7259 ad 7262. Quod intelligentia & sapientia crescant in immensum in altera vita apud illos, qui vitam charitatis in mundo vixerunt, n : 1941. 5859. Quod Dominus cum Divino vero influat in charitatem, quia in ipsam vitam hominis, n : 2363. Quod homo sit sicut hortus, apud quem charitas & fides conjunctæ sunt ; sed sicut desertum apud quem non conjunctæ, n : 7626. Quod homo tantum recedat a sapientia, quantum a charitate ; & quod in ignorantia de Veris Divinis sint, qui non in Charitate, utcumque se credunt sapere, n : 2416. 2435. Quod Vita angelica consistat in bonis charitatis, quæ sunt usus, præstandis, n : 454. Quod Angeli spirituales, qui sunt qui in bono charitatis, sint formæ charitatis, n : 553. 3804. 4735.

Quod omnia Vera spiritualia spectent charitatem, ut suum principium & finem, n : 4353. Quod Doctrinalia Ecclesiæ nihil faciant, nisi spectent Charitatem ut finem, n : 2049. 2116.

Quod præsentia Domini apud homines & angelos se habeat secundum statum amoris & charitatis eorum, n : 649. 904. Quod Charitas sit imago Dei, n : 1013. Quod intus in Charitate, sit Amor in Dominum, ita Dominus, tamen homo id nescit, n : 2227. 5066. 5067. Quod qui Charitatis vitam vivunt, accepti cives sint tam in Mundo quam in Cælo, n : 1121. Quod non violandum sit bonum Charitatis, n : 2359.

Quod qui non in Charitate sunt, non possint agnoscere & colere Dominum, nisi ex hypocrisis, n : 2132. 4424. 9833. Quod formæ odii & charitatis non possint simul esse, n : 1860.

107. His adjicienda sunt aliqua de Doctrina Amoris in Dominum ; & de Doctrina Charitatis, hæc qualis fuerat Antiquis, apud quos fuit Ecclesia ; ut sciatur qualis hæc Doctrina, quæ hodie non est, prius fuerat ; etiam ex ARCANIS COELESTIBUS, n : 7257 ad 7263.

Bonum, quod est Amoris in Dominum, vocatur Bonum cœleste, & Bonum quod est Amoris erga proximum seu Charitatis, vocatur Bonum spirituale: Angeli qui in Intimo seu Tertio Cœlo sunt, in Bono amoris in Dominum sunt, inde illi vocantur Angeli Cœlestes; Angeli autem qui in Medio seu Secundo Cœlo sunt, in Bono Amoris erga proximum sunt, inde illi vocantur Angeli spirituales.

Doctrina Boni cœlestis, quæ est Amoris in Dominum, est amplissima & simul arcanissima, est enim Doctrina Angelorum Intimi seu Tertii Cœli, quæ talis est, ut si daretur ex ore illorum, vix millesima pars intelligeretur; sunt quoque ineffabilia quæ continet. Illa Doctrina continetur in sensu intimo Verbi; Doctrina autem amoris spiritualis in sensu interno.

Doctrina Boni spiritualis, quæ est Amoris erga proximum, est quoque ampla & arcana, sed multo minus quam Doctrina Boni Cœlestis quæ est Amoris in Dominum. Quod Doctrina Amoris erga proximum, seu Charitatis, sit ampla, inde constare potest, quod se extendat ad omnia & singula quæ homo cogitat & vult, ita ad omnia quæ loquitur & agit; tum quod Charitas non detur similis apud unum ut apud alterum; nec quod Proximus sit similis unus sicut alter.

Quia tam ampla fuit Doctrina Charitatis, ideo Antiqui, apud quos Doctrina Charitatis fuit ipsa Doctrina Ecclesiæ, distinguebant Charitatem erga proximum in plures Classes, quas etiam subdividebant, & singulis Classibus indebant Nomina, & docebant quomodo Charitas exercenda esset erga illos qui in una Classe, & quomodo erga illos qui in altera; & sic redigebant Doctrinam Charitatis in ordinem, & exercitia Charitatis ut distincte caderent in intellectum.

Nomina, quæ indebant illis erga quos Charitatem exercerent, erant plura, quosdam vocabant CAECOS, quosdam CLAUDOS, quosdam MANCOS, quosdam PAUPERES, tum MISEROS & AFFLICTOS, quosdam PUPILLOS, quosdam VIDUAS: in genere autem vocabant ESURIENTES quibus darent edere, SITIENTES quibus darent bibere, PEREGRINOS quos colligerent, NUDOS quos induerent, ÆGROTOS quos visiterent, & VINCTOS in CARCERE ad quos venirent. Quinam erant, quos per singulos intelligerent, expositum est in ARCANIS CŒLESTIBUS, ut quos per Cæcos, n: 2383. 6990. Quos per Claudos, n: 4302. Quos per Pauperes, n: 2129. 4459. 4958. 9209. 9253. 10227. Quos per Miseros, n: 2129. Quos per Afflictos, n: 6663. 6851. 9196. Quos per Pupillos, n: 4844. 9198. 9199. 9200. Quos per Viduas, n: 4844. 9198. 9200. Quos per Esurientes, n: 4958. 10227. Quos per Sitientes, n: 4958. 8568. Quos per Peregrinos, n: 4444. 7908. 8007. 8013. 9196. 9200. Quos per Nudos, n: 1073. 5433. 9960. Quos per Ægrotos, n: 4958. 6221. 8364. 9031. Quos per Vinctos in carcere, n: 5037. 5038. 5086. 5096. Quod per officia erga Esurientes, Sitientes, Peregrinos, Nudos, Ægrotos, & Vinctos in Carcere, qui a Domino dicuntur,

cuntur, Matth: xxv: 34. 35. 36 seq: comprehendatur tota Doctrina Charitatis, videatur n: 4954 ad 4959.

Hæc Nomina e Cœlo data fuerunt Antiquis qui ab Ecclesia, & per illos, qui ita nominabantur, intelligebant, qui spiritualiter tales erant: Doctrina illorum Charitatis docebat non modo quinam erant, sed etiam qualis esset erga unumquemvis Charitas. Inde est, quod eadem illa Nomina in Verbo sint, & significant illos qui tales in spirituali sensu sunt. Verbum in se non est nisi quam Doctrina Amoris in Dominum, & Charitatis erga proximum, ut quoque Dominus docet, "*Amabis Dominum Deum tuum ex toto corde tuo, in tota anima tua, & in tota mente tua; hoc est primum & magnum Mandatum: Secundum est simile illi, amabis Proximum tuum sicut teipsum; ex his duobus Mandatis Lex & Prophetæ pendent,*" Matth: xxii: 35. 36. 37. 38. Lex & Prophetæ sunt totum Verbum, n: 2606. 3382. 6752. 7462.

Quod eadem illa Nomina in Verbo sint, est ut Verbum, quod in se spirituale est, in suo ultimo esset naturale; & quia illi, qui in Externo cultu erant, erga tales, qui ita nominabantur, charitatem exercerent; at qui in Interno cultu, erga tales spiritualiter intellectos; ita ut simplices simpliciter intelligerent & facerent Verbum, ac ut sapientes sapienter; tum quoque, ut simplices per Externa charitatis initiarentur in Interna ejus.



De Fide.

108. **N**EMO scire potest quid Fides in sua essentia, nisi sciat quid Charitas, quoniam ubi non Charitas ibi non Fides, nam Charitas unum facit cum Fide sicut Bonum cum Vero, quod enim homo amat seu quod charum habet, hoc ei est bonum, & quod homo credit, hoc ei est verum; inde patet, quod similis unio sit Charitatis & Fidei, qualis est Boni & Veri; quæ unio qualis est, constare potest ex illis, quæ prius de BONO & VERO dicta sunt.

109. Talis quoque unio est Charitatis & Fidei, qualis est Voluntatis & Intellectus apud hominem; binæ enim illæ Facultates sunt, quæ recipiunt Bonum & Verum, Voluntas Bonum & Intellectus Verum; ita quoque binæ illæ Facultates recipiunt Charitatem & Fidem, quoniam bonum est charitatis & verum est fidei; quod Charitas & Fides sint apud hominem; & in illo, nullus non scit, & quia sunt apud illum & in illo, non alibi sunt quam in ejus Voluntate & Intellectu, omnis enim vita hominis ibi est, & inde est; est quoque homini Memoria, sed hæc modo est atrium, ubi colliguntur illa, quæ in Intellectum & Voluntatem intrabunt: inde patet, quod similis unio sit Charitatis & Fidei, qualis est Voluntatis & Intellectus; quæ unio qualis est, constare potest ex illis, quæ de VOLUNTATE & INTELLECTU prius dicta sunt.

110. Charitas cum Fide se conjungit apud hominem, cum homo vult id quod scit & percipit; velle est charitatis, ac scire & percipere est fidei; Fides intrat hominem, & fit ejus, cum vult & amat id quod scit & percipit; interea est extra illum.

111. Fides non fit Fides apud hominem, nisi fiat spiritualis, & non fit spiritualis nisi fiat amoris, & tunc fit amoris, cum homo amat vivere verum & bonum, hoc est, vivere secundum illa quæ in Verbo præcepta sunt.

112. Fides est affectio veri ex velle verum quia est verum, & velle verum quia est verum, est ipsum spirituale hominis; est enim abstractum a naturali, quod est velle verum non propter verum, sed propter sui gloriam, famam, aut lucrum; Verum abstracte a talibus est spirituale, quia est a Divino; quod procedit a Divino est spirituale, & hoc conjungitur homini per amorem; nam amor est conjunctio spiritualis.

113. Homo

113. Homo multum potest scire, cogitare & intelligere, sed illa quæ non concordant cum amore ejus, rejicit a se, cum sibi soli relictus meditatur; & ideo quoque illa rejicit post vitam corporis, cum in spiritu est, nam id solum manet in spiritu hominis, quod intravit in ejus amorem; cætera post mortem spectantur ut aliena, quæ quia non amoris ejus sunt, ejicit domo. In spiritu hominis dicitur, quia homo vivit spiritus post mortem.

114. Idea de bono quod charitatis & de vero quod fidei, formari potest ex Solis luce & calore; Lux, quæ procedit a Sole, cum conjuncta est Calori, quod fit tempore veris & æstatis, tunc omnia telluris germinant & florent; at cum in luce non est Calor, ut tempore hyemis, tunc omnia telluris torpent & emoriuntur: etiam Lux spiritualis est verum fidei, & Calor spiritualis est amor. Ex his idea formari potest de homine Ecclesiæ, qualis ille est, quando apud illum conjuncta est Fides Charitati, quod nempe fit sicut hortus & paradisus; & qualis ille, quando apud illum non conjuncta est fides charitati, quod fit sicut desertum & terra nive oblecta.

115. Confidentia seu fiducia, quæ dicitur fidei, & vocatur ipsa fides salvans, non est confidentia seu fiducia spiritualis sed naturalis, cum est solius fidei; Confidentia seu fiducia spiritualis essentiam & vitam suam habet ex bono amoris, non autem a vero fidei separatæ; Confidentia fidei separatæ est mortua; quapropter vera Confidentia non dabilis est apud illos, qui vitam malam agunt: etiam Confidentia, quod salvatio sit propter meritum Domini apud Patrem, utcunque vita hominis fuerat, nec est ex vero. Omnes, qui in spirituali fide sunt, confidentiam habent, quod salventur a Domino, credunt enim quod Dominus in mundum venerit ad dandum vitam æternam illis, qui credunt & vivunt secundum præcepta quæ docuit, & quod hos regeneret, & aptos reddat cælo; & quod hoc faciat Ipse Solus absque ope hominis ex pura Misericordia.

116. Credere illa quæ docet Verbum, seu quæ Doctrina Ecclesiæ, & non vivere secundum illa, apparet sicut sit Fides, & quoque autumant quidam quod salventur per illam; sed per illam solam nemo salvatur, est enim Fides persuasiva, quæ qualis est, nunc dicitur.

117. Fides persuasiva est, cum creditur & amatur Verbum & Doctrina Ecclesiæ, non propter verum, & vitam secundum id, sed propter lucrum, honorem, & eruditionis famam, ut fines; quapropter illi qui in ea Fide sunt, non spectant ad Dominum & ad Cælum, sed ad se & ad mundum. Qui in mundo magna spirant & multa cupiunt, in per-

persuasivo, quod verum sit quod Doctrina Ecclesiæ docet, fortiori sunt, quam qui non magna spirant & multa cupiunt; causa est, quia Doctrina Ecclesiæ est illis modo medium ad suos fines, & quantum cupiuntur fines, tantum amantur media, & quoque creduntur. Sed res in se talis est, quantum in igne amorum sui & mundi sunt, & ex igne illo loquuntur, prædicant, & agunt, tantum in illo persuasivo sunt; & tunc non aliter sciunt quam quod ita sit: cum autem non in illorum amorum igne sunt, tunc parum credunt, & plures non credunt: inde patet, quod Fides persuasiva sit fides oris & non cordis; ita quod in se non sit fides.

118. Qui in Fide persuasiva sunt, non sciunt ex aliqua illustratione interna, num vera sint vel falsa quæ docent, imo nec curant, modo a vulgo credantur; sunt enim in nulla affectione veri propter verum: Quapropter recedunt a fide, si privantur honoribus & lucris, modo fama non periclitetur; nam fides persuasiva non est intus apud hominem, sed stat foris, solum in memoria, e qua depromitur cum docetur: quare etiam illa fides cum suis veris post mortem evanescit, nam tunc manet solum illud fidei, quod intus in homine est, hoc est, quod radicum est in bono, ita quod factum est vitæ.

119. Illi qui in Fide persuasiva sunt, intelliguntur per hos apud Matthæum, "*Multi dicent Mihi in die illo, Domine, Domine, nonne per Nomen tuum prophetavimus, & per Nomen tuum dæmonia ejecimus, & in Nomine Tuo, multas virtutes fecimus; sed tunc confitebor illis, non novi vos, Operarii iniquitatis,*" VII: 22. 23. Tum apud Lucam, "*Tunc incipietis dicere, edimus coram Te, & bibimus, & in plateis nostris docuisti; sed dicet, dico vobis, non novi vos unde estis, discedite a Me omnes Operarii iniquitatis,*" XIII: 26. 27. Intelliguntur etiam per quinque Virgines stultas, quæ non habebant oleum in lampadibus, apud Matthæum, "*Tandem venerunt illæ Virgines, dicentes, Domine, Domine, aperi nobis; Ille vero respondens dicet, amen, dico vobis, non novi vos,*" XXV: 11. 12. Oleum in lampadibus est Bonum amoris in Fide.

Ex Arcanis Cœlestibus.

120. QUI non sciunt, quod omnia in Universo se referant ad VERUM & BONUM, & ad conjunctionem utriusque ut producatur aliquid, quod non sciant quod omnia Ecclesiæ se referant ad FIDEM & AMOREM,

AMOREM, & ad conjunctionem utriusque, ut sit Ecclesia apud hominem, n: 7752 ad 7762. 9186. 9224. Quod omnia in Universo, quæ sunt secundum Divinum Ordinem, se referant ad Bonum & Verum, & ad conjunctionem utriusque, n: 2451. 3166. 4390. 4409. 5232. 7256. 10122. 10555. Quod Vera sint Fidei, & Bona sint Amoris, n: 4353. 4997. 7178. 10367. Hæc causa est, quod de Bono & Vero, in hac Doctrina actum sit; quare ex illis quæ ibi allata sunt, concludi potest ad Fidem & Amorem, & sciri quales sunt cum conjuncti & quales cum non conjuncti, ponendo Amorem loco Boni, ac Fidem loco Veri, & applicando.

Qui non sciunt quod omnia & singula apud hominem se referant ad INTELLECTUM & VOLUNTATEM, & ad conjunctionem utriusque ut homo sit homo, quod non clare sciant, quod omnia Ecclesiæ se referant ad FIDEM & AMOREM, & ad conjunctionem utriusque, ut in homine sit Ecclesia, n: 2231. 7752. 7753. 7754. 9224. 9995. 10122. Quod binæ Facultates homini sint, una quæ vocatur Intellectus, & altera quæ Voluntas, n: 641. 803. 3623. 3939. Quod Intellectus dicatur sit recipiendis Veris, ita quæ Fidei sunt, & Voluntas dicatur recipiendis Bonis, ita quæ Amoris sunt, n: 9300. 9930. 10064. Hæc causa est, quod de Voluntate & Intellectu in hac Doctrina etiam actum sit; nam ex illis quoque, quæ ibi allata sunt, concludi potest ad Fidem & Amorem, & sciri quales sunt cum conjuncti & quales cum non conjuncti, cogitando Amorem in Voluntate, & Fidem in Intellectu.

Qui non sciunt quod Homini sit Internum & Externum, seu INTERNUS & EXTERNUS HOMO, & quod omnia Cœli ad Internum hominem se referant, & omnia Mundi ad Externum, & quod conjunctio eorum sit sicut est conjunctio Mundi spiritualis & Mundi naturalis, quod non sciant quid FIDES SPIRITUALIS & AMOR SPIRITUALIS, n: 4292. 5132. 8610. Quod sit Homo Internus & Externus, & quod Homo Internus sit spiritualis homo, & Externus naturalis, n: 978. 1015. 4459. 6309. 9701 ad 9709. Quod Fides sit spiritualis, ita quod Fides sit fides, quantum in Interno homine est, similiter Amor, n: 1504. 3987. 8444. Et quod quantum amantur vera quæ sunt fidei, tantum spiritualia fiant, n: 1594. 3987. Hæc causa est, quod de Interno & Externo Homine actum sit; nam ex illis, quæ ibi allata sunt, concludi potest ad Fidem & Amorem, quales sunt cum spirituales, & quales cum non spirituales sunt, ita quantum sunt Ecclesiæ, & quantum non Ecclesiæ.

121. Quod Fides separata ab amore seu charitate, sit sicut lux hyemis, in qua omnia Telluris torpent, & nihil messis, fructus, & floris producitur; at quod fides cum amore seu charitate sit sicut lux veris & æstatis, in qua omnia florent & producantur, n: 2231. 3146. 3412. 3413. Quod lux hyemalis, quæ est fidei separatæ a charitate, vertatur in densas tenebras, cum influit Lux e Cœlo; & quod illi, qui in ea fide sunt, tunc in cæcitatem & stupiditatem veniant, n: 3412. 3413. Quod qui Fidem a Charitate separant doctrina & vita, in tenebris sint, ita in ignorantia veri, & in falsis, nam hæc sunt tenebræ, n: 9186. Quod se conijciant in falsa & inde mala,

n : 3325. 8094. Errores & falsa, in quæ se conjiciunt, n : 4721. 4730. 4776. 4783. 4925. 7779. 8313. 8765. 9224. Quod Verbum illis sit occlusum, n : 3773. 4783. 8780. Quod non videant & attendant ad omnia illa, quæ Dominus toties loquutus est de Amore & Charitate, deque eorum fructibus seu bonis actu, de quibus, n : 1017. 3416. Quod nec sciant quid Bonum, ita nec quid Cœlestis Amor, & quid Charitas, n : 2507. 3603. 4126. 9995.

Quod Fides separata a Charitate sit nulla fides, n : 654. 724. 1162. 1176. 2049. 2116. 2340. 2349. 2419. 3849. 3868. 6348. 7039. 7842. 9782. Quod talis fides in altera vita pereat, n : 2228. 5820. Quum pro principio ponitur sola Fides, quod vera contaminetur falso principii, n : 2433. Quod nec persuaderi se patiantur, quia contra principium, n : 2385. Quod Doctrinalia de sola Fide destruant Charitatem, n : 6353. 8094. Quod illi qui fidem separant a charitate, repræsentati sint per Cainum, per Chamum, per Rubenem, per Ægyptiorum primogenitos, & per Philisthæos, n : 3325. 7097. 7317. 8093. Qui solam fidem salvificam faciunt, quod vitam mali excusent, & quod illis, qui in vita mali sunt, sit nulla fides quia non charitas, n : 3865. 7766. 7778. 7790. 7950. 8094. Quod illi intus in falsis sui mali sint, tamen hoc non sciunt, n : 7790. 7950. Quod ideo illis non possit conjungi bonum, n : 8981. 8983. Quod etiam in altera vita sint contra bonum, & contra illos qui in bono sunt, n : 7097. 7127. 7317. 7502. 7945. 8096. 8313. Quod simplices corde, & usque sapientes, sciant quid bonum vitæ, ita quid charitas, & non quid fides separata, n : 4741. 4754.

Quod omnia Ecclesiæ se referant ad Bonum & Verum, ita ad Charitatem & Fidem, n : 7752. 7753. 7754. Quod non prius Ecclesia sit apud hominem, quam cum vera implantata sunt vitæ, & sic facta bonum Charitatis, n : 3310. Quod Charitas faciat Ecclesiam, & non Fides separata a Charitate, n : 809. 916. 1798. 1799. 1894. 1844. Quod Internum Ecclesiæ sit charitas, n : 1899. 7755. Inde, quod non Ecclesia sit, ubi non Charitas, n : 4766. 5826. Quod una Ecclesia foret, si spectarentur omnes ex charitate, tamen quoad doctrinalia fidei, & quoad cultus ritualia, differrent, n : 1286. 1316. 1798. 1799. 1834. 1844. 2385. 2982. 3267. 3451. Quantum boni in Ecclesia, si Charitas spectaretur primo loco, & Fides secundo, n : 6269. 6272. Quod omnis Ecclesia incipiat a Charitate, sed quod temporis successu deflectat ad Fidem, & tandem ad Solam Fidem, n : 1834. 1835. 2231. 4683. 8094. Quod nulla fides ultimo tempore Ecclesiæ sit, quia nulla charitas, n : 1843. Quod cultus Domini consistat in vita charitatis, n : 8254. 8256. Quod quale cultus sit secundum quale charitatis, n : 2190. Quod Externæ Ecclesiæ homines Internum habeant, si sint in charitate, n : 1100. 1102. 1151. 1153. Quod Doctrina in Antiquis Ecclesiis fuerit Doctrina vitæ, quæ est Doctrina Charitatis, & non Doctrina Fidei separatæ, n : 2417. 2385. 3419. 3420. 4844. 6628. 7259 ad 7262.

Quod Dominus infemet & implantet verum bono charitatis, cum rege-
nerat hominem, n : 2663. 2189. 3310. Quod aliter semen, quod est verum
fidei,

fidei, non radicem agere possit, n : 880. Quod bona & vera dein crescant secundum Charitatis receptæ quale & quantum, n : 1016. Quod lumen regenerati non sit ex fide, sed ex Charitate per fidem, n : 854. Quod vera fidei, cum regeneratur homo, intrent cum jucundo affectionis, quia amat facere illa, & quod reproducantur cum eadem affectione, quia cohærent, n : 2484. 2487. 3040. 3066. 3074. 3336. 4018. 5893.

Quod qui in Amore in Dominum, & in Charitate erga proximum vivunt, nihil perdant in æternum, quia conjuncti Domino; aliter qui in fide separata, n : 7506. 7507. Quod homo talis maneat, qualis ejus vita Charitatis, non qualis ejus fides separata, n : 8256. Qui in Charitate vixerunt, quod eorum omnes status jucundi redeant in altera vita, ac immensum augeantur, n : 823. Quod beatitudo cœlestis influat a Domino in Charitatem, quia in ipsam vitam hominis, & non in fidem absque charitate, n : 2363. Quod in Cœlo spectentur omnes ex charitate, & nullus ex fide separata, n : 1258. 1394. Quod etiam omnes in Cœlis confociantur secundum amores, n : 7085. Quod nemo in Cœlum admittatur per cogitare, sed per velle bonum, n : 2401. 3459. Nisi facere bonum sit conjunctum cum velle bonum & cum cogitare bonum, quod nulla salvatio, nec conjunctio hominis Interni cum Externo, n : 3987. Quod Dominus, & quod Fides in Ipsum, non ab aliis recipiatur in altera vita, quam ab illis qui in Charitate sunt, n : 2340.

Quod Bonum in perpetuo desiderio & inde conatu sit se conjungendi cum veris, ita Charitas cum Fide, n : 9206. 9207. 9495. Quod Bonum charitatis agnoscat suum Verum fidei, ac Verum fidei suum Bonum charitatis, n : 2429. 3101. 3102. 3161. 3179. 3180. 4358. 5407. 5835. 9637. Quod inde conjunctio Veri fidei & Boni charitatis, de qua, n : 3834. 4096. 4097. 4301. 4345. 4353. 4364. 4368. 5365. 7623 ad 7627. 7752 ad 7762. 8530. 9258. 10555. Quod conjunctio illorum sit instar Conjugii, n : 1094. 2173. 2503. Quod Lex conjugii sit, quod duo unum sint, secundum Verbum Domini, n : 10130. 10168. 10169. Ita Fides & Charitas, n : 1094. 2173. 2503. Quod ideo Fides quæ fides quoad essentiam suam sit Charitas, n : 2228. 2839. 3180. 9783. Quod sicut Bonum est Esse rei, ac Verum Existere inde, ita quod Charitas sit Esse Ecclesiæ, ac Fides Existere inde, n : 3049. 3180. 4574. 5002. 9144. Quod Verum fidei vivat ex Bono charitatis, ita quod vita secundum vera fidei sit Charitas, n : 1589. 1947. 2579. 4070. 4096. 4097. 4736. 4757. 4884. 5147. 5928. 9154. 9667. 9841. 10729. Quod fides non dari queat nisi in charitate, si non in charitate quod in fide non sit bonum, n : 2261. 4368. Quod fides non vivat apud hominem, cum modo scit & cogitat illa quæ fidei sunt, sed cum vult illa & ex velle facit illa, n : 9224.

Quod nulla salvatio sit per fidem, sed per vitam secundum vera fidei, quæ vita est charitas, n : 379. 389. 2228. 4653. 4721. Quod salventur, qui ex Doctrina Ecclesiæ cogitant quod sola fides salvet, si justum faciunt propter justum, & bonum propter bonum, nam sic usque in charitate sunt, n : 2442. 3242. 3459. 3463. 7506. 7507. Si solum fides cogitativa salvaret, quod

omnes salvarentur, n: 2364. 10659. Quod Charitas faciat cœlum apud hominem, & non fides absque illa, n: 3815. 3513. 3584. 9832. 10714. 10715. 10721. 10724. Quod spectentur omnes ex charitate in cœlo, & non ex fide, n: 1258. 1394. 2364. 4802. Quod conjunctio Domini cum homine non sit per fidem, sed per vitam secundum vera quæ fidei sunt, n: 9380. 10143. 10153. 10310. 10578. 10645. 10648. Quod Dominus sit Arbor vitæ, bona charitatis fructus, & fides folia, n: 3427. 9337. Quod Fides sit luminare minus, & Amor luminare majus, n: 30 ad 38.

Quod Angeli ex Regno cœlesti Domini non sciant quid fides, usque adeo ut ne quidem nominent illam; at quod Angeli ex Regno spirituali Domini loquantur de fide, quia ratiocinantur de veris, n: 202. 203. 337. 2215. 3246. 4448. 9166. 10786. Quod Angeli in Regno cœlesti Domini dicant modo ita ita, vel non non, at quod Angeli e Regno spirituali Domini ratiocinentur num ita sit vel non ita, quando sermo est de veris spiritualibus, quæ sunt fidei, n: 2715. 3246. 4448. 9166. 10786, ubi explicantur Domini verba, "*Esse sermo vester ita ita, non non, quod ultra hæc est ex malo est,*" Matth: v: 37: quod Angeli cœlestes tales sint, est quia Vera fidei statim in vitam immittunt, & non sicut Angeli spirituales prius in memoriam; & quod Angeli cœlestes inde in perceptione omnium quæ fidei sint, n: 202. 585. 597. 607. 784. 1121. 1387. 1398. 1442. 1919. 5113. 5897. 6367. 7680. 7877. 8521. 8780. 9935. 9995. 10124.

Quod Fiducia seu Confidentia, quæ in eminenti sensu vocatur fides salvans, non detur nisi quam apud illos qui in bono sunt quoad vitam, ita apud illos qui in charitate, n: 2982. 4352. 4683. 4689. 7762. 8240. 9239 ad 9245. Quod pauci sciant quid Confidentia illa, n: 3868. 4352.

Quæ differentia est inter credere illa quæ a Deo, & credere in Deum, n: 9239. 9243. Quod aliud sit scire, aliud agnoscere, & aliud fidem habere, n: 896. 4319. 5664. Quod sint scientifica fidei, rationalia fidei, & spiritualia fidei, n: 2504. 8076. Quod primum sit agnitio Domini, n: 10083. Quod omne id sit bonum, quod influit a Domino apud hominem, n: 1614. 2016. 2751. 2882. 2883. 2891. 2892. 2904. 6193. 7643. 9128.

Quod detur Fides persuasiva, quæ usque non est fides, n: 2340. 2682. 2689. 3417. 3865. 8148.

Quod ex variis ratiociniis appareat, sicut fides sit prior charitate, sed quod sit fallacia, n: 3324. Quod ex solo lumine rationis sciri possit, quod bonum sit primo loco, ita charitas, & verum secundo, ita fides, n: 6273. Quod bonum, ita charitas, sit actualiter primo loco, seu primum Ecclesiæ, ac verum, ita fides, secundo loco, seu secundum Ecclesiæ, tametsi aliter apparet, n: 3324. 3325. 3330. 3336. 3494. 3589. 3548. 3556. 3570. 3576. 3603. 3701. 3995. 4337. 4610. 4925. 4926. 4928. 4930. 5351. 6256. 6269. 6272. 6273. 8042. 8080. 10110. Quod apud Antiquos etiam disceptatum fuerit de primo seu primogenito Ecclesiæ, num sit fides vel num charitas, n: 367. 2435. 3324.

122. Quod duodecim discipuli Domini repræsentaverint Ecclesiam quoad omnia

omnia fidei & charitatis in complexu, similiter ac duodecim Tribus Israelis, n : 2129. 3354. 3488. 3858. 6397. Quod Petrus, Jacobus, & Johannes repræsentaverint Fidem, Charitatem, & Bona charitatis, in suo ordine, n : 3750. Quod Petrus Fidem, n : 4738. 6000. 6073. 6344. 10087. 10580. Et quod Johannes Bona charitatis, Præfat : ad Cap : XVIII & ad Cap : XXII Genes : Quod ultimo tempore Ecclesiæ nulla esset fides in Dominum, quia non charitas, repræsentatum est per *quod Petrus ter abnegaverit Dominum, antequam gallus tertio cecinit* ; Petrus enim in sensu repræsentativo ibi est Fides, n : 6000. 6073. Quod gallicaneum æque ac diluculum in Verbo significet ultimum tempus Ecclesiæ, n : 10134. Et quod tria vel ter significant completum ad finem, n : 2788. 4495. 5159. 5198. 10127. Simile significatur per quod Dominus dixerit ad Petrum, cum Petrus videret Johannem sequi Dominum, *quid ad Te Petre, tu sequere me Johannes* ; Petrus enim dixit de Johanne, *hic quid*, Johan : XXI : 21. 22. n : 10087. Quia Johannes repræsentavit bonum charitatis, quod accubuerit ad pectus Domini, n : 3934. 10081. Quod Bonum charitatis faciat Ecclesiam, etiam significatur per verba Domini e cruce ad Johannem, "*Jesus vidit Matrem suam, & dixit ad Discipulum quem amabat, qui adstabat, & dixit Matri suæ, Mulier ecce filius tuus ; & dixit Discipulo illi, ecce Mater tua ; & ex illa hora accepit illam Discipulus ille ad se,*" Joh : XIX : 26. 27 ; per Johannem intelligitur Bonum charitatis, ac per Mulierem & per Matrem Ecclesia ; & per illa omnia, quod Ecclesia erit ubi Bonum charitatis : quod per Mulierem in Verbo intelligatur Ecclesia, n : 252. 253. 749. 770. 3160. 6014. 7337. 8994. Quod similiter per Matrem, n : 289. 2691. 2717. 3703. 4257. 5580. 8897. 10490. Quod omnia Nomina personarum & locorum in Verbo significant res abstracte ab illis, n : 768. 1888. 4310. 4442. 10329.



De Pietate.

123. **C**Reditur a multis, quod vita spiritualis, seu vita quæ ducit ad Cœlum, consistat in *Pietate*, in *Sancto externo*, & in *Abdicatione mundi*; sed Pietas absque charitate, & Sanctum externum absque sancto interno, & Abdicatio mundi absque vita in mundo, non faciunt vitam spiritualement, verum Pietas ex charitate, Sanctum externum ex sancto interno, & Abdicatio mundi cum vita in mundo, faciunt.

124. Pietas est pie cogitare & loqui, multum vacare precibus, humiliter se tunc gerere, frequentare Tempia, & ibi prædicationes devote auscultare, & sæpe quotannis obire Sacramentum Cœnæ, & similiter reliqua Cultus secundum Ecclesiæ statuta. Vita autem Charitatis est bene velle & bene facere proximo, in omni opere agere ex justo & æquo, ex bono & vero, similiter in omni functione; verbo, vita charitatis consistit in usibus præstandis: in hac vita primario consistit Cultus Divinus, in illa autem secundo: quapropter qui separat unam ab altera, nempe qui vitam pietatis agit, & non simul vitam charitatis, non colit Deum; cogitat quidem de Deo, verum non ex Deo sed ex se, nam de se cogitat jugiter, & nihil de proximo, & si de proximo, eum vilipendit si non etiam talis sit; & quoque cogitat de cœlo ut mercede, inde in animo ejus est meritum, & quoque amor sui, ut & contemptus aut neglectus usum, & sic proximi, & simul est fides inculpati. Inde constare potest, quod Pietatis vita separata a Charitatis vita, non sit vita spiritualis, quæ erit in cultu Divino. Confer Matth: vi: 7. 8.

125. Sanctum externum est simile Pio tali; sed hoc apud hominem non sanctum est, nisi Internum ejus sanctum sit, nam qualis homo quoad Internum suum est, talis est quoad Externum, hoc enim procedit ab illo sicut actio a suo spiritu; quare Sanctum externum absque Sancto interno est naturale & non spirituale; inde est, quod detur æque apud malos ac apud bonos; & illi, qui in eo omnem cultum ponunt, sunt ut plurimum vacui, hoc est, absque cognitionibus boni & veri, & tamen bona & vera sunt ipsa sancta, quæ scienda, credenda, & amanda, quia sunt a Divino, & sic Divinum in illis; Sanctum itaque Internum est amare bonum & verum propter bonum & verum, ac
justum.

justum & sincerum propter justum & sincerum; quantum homo hæc ita amat, tantum est spiritualis, & quoque ejus cultus, nam tantum etiam vult scire illa & facere illa; at quantum homo illa non ita amat, tantum est naturalis, & quoque ejus cultus, & quoque tantum non vult scire illa & facere illa. Comparari potest Cultus externus absque Interno cum vita respirationis absque vita cordis, at Cultus exteraus ex Interno cum vita respirationis conjuncta vitæ cordis.

126. Quod autem Abdicationem mundi attinet, creditur a multis, quod abdicare mundum, ac vivere spiritu & non carne, sit rejicere mundana, quæ sunt præcipue divitiæ & honores, ac ire continue in pia meditatione de Deo, de salute, & de vita æterna, ac vitam agere in precibus, in lectione Verbi, ac piorum librorum; & quoque affligere se; sed hæc non sunt abdicare mundum; verum abdicare mundum est amare Deum & amare proximum; & amatur Deus cum vivitur secundum præcepta Ipsius, & amatur proximus cum homo usus præstat; quare ut homo vitam cœli recipiat, omnino vivet in mundo, ac in officiis & negotiis ibi: vita abstracta a mundanis est vita cogitationis & fidei separata a vita amoris & charitatis, in qua vita perit velle bonum & facere bonum proximo; & cum hoc perit, est vita spiritualis sicut domus absque fundamento, quæ successive vel subsidet, vel rimas ducit & hiat, vel nutat usque dum dilabitur.

127. Quod facere bonum sit colere Dominum, constat a Domini verbis, "*Omnis qui audit verba mea & facit ea, assimilabo Viro prudenti, qui ædificavit domum super petra: at qui audit verba mea, & non facit ea, assimilabo Viro stulto, qui ædificavit domum super arena, (aut super humo absque fundamento).*" Matth: VII: 24 ad 27. Luc: VI: 47. 48. 49.

128. Ex his nunc patet, quod vita Pietatis tantum valeat & Domino accepta sit, quantum ei conjuncta est vita Charitatis; hæc enim primaria est, & qualis hæc talis illa. Tum, quod Sanctum externum tantum valeat, & Domino acceptum sit, quantum procedit ex Sancto interno, nam quale hoc tale illud. Ut &, quod Abdicatio mundi tantum valeat, & Domino accepta sit, quantum hæc fit in mundo; nam illi abdicant mundum, qui remonent amorem sui & mundi, ac juste & sincere agunt in omni functione, in omni negotio, & in omni opere, ex interiori, ita ex cœlesti origine, quæ origo illi vitæ inest, cum homo bene, sincere & juste agit, quia est secundum leges Divinas.

Ex Arcanis Cœlestibus.

129. **Q**UOD vita Pietatis absque vita Charitatis non valeat, sed quod cum hac conducat, n : 8252 seq. Quod Sanctum externum absque Sancto interno non sanctum sit, n : 2190. 10177. De illis qui in Externo Sancto vixerunt, & non ex interno, quales in altera vita, n : 951. 952.

Quod sit Ecclesiæ Internum & Externum, n : 1098. Quod sit Cultus internus, & Cultus externus, qualis unus & alter, n : 1083. 1098. 1100. 1151. 1153. Quod Interna sint, quæ faciunt Cultum, n : 1175. Quod Cultus externus absque interno sit nullus Cultus, n : 1094. 7724. Quod Internum sit in Cultu, si hominis vita est vita charitatis, n : 1100. 1151. 1153. Quod homo sit in vero Cultu, cum in amore & charitate, hoc est, cum in bono quoad vitam, n : 1618. 7724. 10242. Quod quale cultus sit secundum bonum, n : 2190. Quod ipse Cultus sit vita secundum præcepta Ecclesiæ quæ ex Verbo sunt, n : 7884. 9921. 10143. 10153. 10195. 10645.

Quod verus cultus sit a Domino apud hominem, & non ab ipso homine, n : 10203. 10299. Quod Dominus velit cultum ab homine propter hominis salutem, & non propter suam Gloriam, n : 4593. 8263. 10646. Quod homo credat, quod Dominus velit Cultum ab homine, propter Gloriam; sed quod illi, qui ita credunt, nesciant quid Gloria Divina, & quod Gloria Divina sit salus Generis Humani, quæ homini est cum nihil sibi tribuit, & cum per humiliationem removet suum proprium, quia tunc primum Divinum influere potest, n : 4347. 4593. 5957. 7550. 8263. 10646. Quod humiliatio cordis apud hominem existat ex agnitione sui, quæ est quod non sit nisi quam malum, & quod ex se nihil possit, & ex agnitione Domini tunc, quæ est quod ab Ipso non nisi quam bonum, & quod Dominus omnia possit, n : 2327. 3994. 7478. Quod Divinum influere nequeat nisi in cor humile, quoniam homo, quantum in humiliatione est, tantum a suo proprio absens est, ita ab amore sui, n : 3994. 4347. 5957. Inde, quod Dominus non velit humiliationem propter se, sed propter hominem, ut homo sit in statu recipiendi Divinum, n : 4357. 5957. Quod Cultus non sit cultus absque humiliatione, n : 2327. 2423. 8873. Humiliatio externa absque interna, qualis, n : 5420. 9377. Humiliatio cordis, quæ interna, qualis, n : 7478. Quod non detur humiliatio cordis apud malos, n : 7640.

Quod Cultus externus absque Cultu interno sit illis qui non charitatem & fidem habent, n : 1200. Si interius apud hominem regnat amor sui & mundi, quod Cultus ejus sit externus absque interno, utcunque in externa forma apparet, n : 1182. 10307. 10308. 10309. Quod Cultus externus, in quo

quo intus amor sui regnat, qualiter apud illos qui e Babylonia, sit prophanus, n : 1304. 1306. 1307. 1308. 1321. 1322. 1326. Imitari affectiones coelestes in Cultu, cum homo est in malis ex amore sui, quod sit infernale, n : 10309.

De Cultu Externo, qualis est cum ex Interno, & qualis cum non ex Interno, videri & concludi potest ex illis quæ prius de INTERNO & EXTERNO HOMINE dicta & allata sunt.

De illis qui abdicant mundum, ac de illis qui non abdicant, quales sunt, & qualis fors eorum in altera vita, videantur plura in Opere de Cælo & Inferno, ac in binis ibi Articulis, in uno, ubi *de Divitibus & Pauperibus in Cælo*, n : 357 ad 365, & in altero, ubi *de Vita quæ ducit ad Cælum*, n : 528 ad 535, agitur.



De Conscientia.

130. **C**onscientia formatur apud hominem ex Religioso, in quo est, secundum receptionem ejus intus in se.

131. Conscientia apud hominem Ecclesiæ formatur per Vera fidei ex Verbo, aut ex Doctrinâ e Verbo, secundum receptionem illorum in corde; nam cum homo scit vera fidei, & capit illa suo modo, ac dein vult illa, & facit illa, tunc fit ei Conscientia; receptio in Corde est in voluntate, nam voluntas hominis est quæ vocatur cor. Inde est, quod illi, qui Conscientiam habent, ex corde loquantur quæ loquuntur, & ex corde faciant quæ faciunt: habent etiam illi Mentem non divisam, nam secundum id quod intelligunt & credunt verum & bonum esse, faciunt.

132. Conscientia perfectior potest dari apud illos, qui in veris fidei illustrati sunt præ aliis, & qui in clara perceptione sunt præ aliis, quam apud illos qui minus illustrati sunt, & in obscura perceptione sunt.

133. In vera Conscientia est ipsa Vita spiritualis hominis, est enim ibi ejus fides conjuncta charitati, quapropter facere ex Conscientia est illis facere ex Vita sua spirituali, & facere contra Conscientiam est illis facere contra illam suam vitam: Inde est, quod in tranquillitate pacis sint, & in beatitudine interna, cum faciunt secundum Conscientiam, ac in intranquillitate & dolore, cum faciunt contra illam: hic dolor est, qui vocatur morsus Conscientiæ.

134. Est homini Conscientia boni & Conscientia justî; Conscientia boni est Conscientia Interni hominis, & Conscientia justî est Conscientia Externi hominis; Conscientia boni est facere secundum præcepta fidei ex affectione interna, at Conscientia justî est facere secundum leges civiles & morales ex affectione externa. Qui Conscientiam boni habent, illi quoque Conscientiam justî habent; at qui modo Conscientiam justî habent, illi in facultate sunt recipiendi Conscientiam boni; & quoque recipiunt cum instructi.

135. Conscientia apud illos, qui in Charitate erga proximum sunt, est Conscientia veri, quia formatur per fidem veri; apud illos autem, qui in Amore in Dominum sunt, est Conscientia boni, quia formatur per amorem veri; horum Conscientia est Conscientia superior, & vocatur

catur Perceptio veri ex bono. Illi qui conscientiam veri habent, sunt e Regno spiritali Domini, at illi qui Conscientiam superiorem, quæ vocatur Perceptio, habent, sunt e Regno Cœlesti Domini.

136. Sed exempla illustrent, quid Conscientia: qui alterius bona apud se habet, nesciente altero, & sic absque timore legis, jacturæ honoris & famæ, potest lucrari illa, si usque alteri reddit, quia sua non sunt, is Conscientiam habet, nam facit bonum propter bonum, & justum propter justum. Sit quoque, qui potest venire ad functionem, sed scit quod alter, qui etiam ambit, Patriæ utilior sit, is si cedit alteri locum propter bonum Patriæ, is bonam Conscientiam habet: ita in reliquis.

137. Ex his concludi potest, quales sunt illi qui non Conscientiam habent; cognoscuntur ex opposito; ut, qui propter lucrum quodcunque faciunt ut injustum appareat justum, ac ut malum appareat bonum, ac visa versa, illi Conscientiam non habent: illi nec sciunt quid Conscientia, & si instruuntur quid est, non credunt, & quidam non volunt scire. Tales sunt, qui propter se & mundum omnia agunt.

138. Qui Conscientiam non receperunt in Mundo, illi Conscientiam non recipere possunt in altera vita, ita non possunt salvari; causa est, quia illis non est planum, in quod influat & per quod operetur Cælum, hoc est, per cælum Dominus, & illos adducat ad se; nam Conscientia est planum & receptaculum influxus Cœli.

Ex Arcanis Cœlestibus.

139. **D**E CONSCIENTIA. Quod qui Conscientiam non habent, non sciant quid Conscientia, n: 7490. 9121. Quod sint quidam, qui rident ad Conscientiam, cum audiunt quid sit, n: 7217. Quod quidam credant, quod Conscientia nihil sit; quidam quod aliquid triste dolorificum naturale vel ex causis in corpore, vel ex causis in mundo; quidam quod aliquid apud vulgus ex religioso, n: 950. Quod quidam nesciant quod Conscientiam habeant, cum tamen habent, n: 2380.

Quod Bonis sit Conscientia, non autem Malis, n: 831. 965. 7490. Quod Conscientia illis sit, qui in Amore in Deum, & in amore erga proximum, n: 2380. Quod Conscientia præcipue sit illis, qui a Domino regenerati sunt, n: 977. Quod illis, qui in solis veris sunt, & non in vita secundum illa, Conscientia non sit, n: 1076. 1077. 1919. Quod illis, qui

ex bono naturali faciunt bonum, & non ex religione, Conscientia non fit, n : 6208.

Quod sit homini Conscientia ex suæ Ecclesiæ doctrina, aut ex religioso, & secundum id, n : 9112. Quod Conscientia apud hominem formetur ex illis, quæ sunt ejus religionis, & credit vera esse, n : 1077. 2053. 9113. Quod Conscientia sit vinculum internum, quo tenetur homo ad cogitandum, loquendum, & faciendum bonum; & quo detinetur a cogitando, loquendo & faciendo inale, & hoc non propter se & mundum, sed propter bonum, verum, justum & rectum, n : 1919. 9120. Quod Conscientia sit dictamen internum, quod ita vel non ita sit faciendum, n : 1919. 1935. Quod Conscientia sit conscientia veri & recti in sua essentia, n : 986. 8081. Quod nova voluntas apud hominem spiritualem regeneratum sit Conscientia, n : 928. 1023. 1043. 1044. 4299. 4328. 4493. 9115. 9596. Quod ex Conscientia sit vita spiritualis homini, n : 9117.

Quod sit Conscientia vera, Conscientia spuria, & Conscientia falsa, de quibus, n : 1033. Quod Conscientia eo magis vera sit, quo ex veris magis genuinis formata est, n : 2053. 2063. 9114. Quod Conscientia in genere sit duplex, interior & exterior, quod interior sit boni spiritualis, quod in sua essentia est verum, & quod exterior sit boni moralis & civilis, quod in sua essentia est sincerum & justum, in genere rectum, n : 8042. 10296.

Quod dolor Conscientiæ sit anxietas mentis, propter injustum, insincerum, & quodcunque malum, quod homo credit esse contra Deum, & contra bonum proximi, n : 7217. Si anxium sentitur, cum homo cogitat male, quod ex Conscientia sit, n : 5470. Quod Conscientiæ dolor sit angere propter malum quod homo facit, ut & propter privationem boni & veri, n : 7217. Quia Tentatio est pugna veri & falsi in interioribus hominis, & quia in tentationibus est dolor & anxietas, quod ideo non alii in Tentationes spirituales admittantur, quam qui conscientiam habent, n : 847.

Qui Conscientiam habent, quod ex corde loquantur & agant, n : 7935. 9114. Qui Conscientiam habent, quod in vanum non jurent, n : 2842. Qui Conscientiam habent, quod in beatitudine interiore sint, quando faciunt bonum & justum secundum conscientiam, n : 9118. Qui conscientiam in mundo habent, quod etiam conscientiam in altera vita habeant, ac ibi inter felices sint, n : 965. Quod influxus Cœli sit in Conscientiam apud hominem, n : 6207. 6213. 9122. Quod Dominus regat hominem spiritualem per conscientiam, quæ ei est vinculum internum, n : 1835. 1862. Qui Conscientiam habent, quod interiorem cogitationem habeant, qui autem non Conscientiam habent, quod modo cogitationem exteriorem habeant, n : 1919. 1935. Qui Conscientiam habent, quod ex spiritali cogitent, qui autem non Conscientiam habent, quod modo ex naturali cogitent, n : 1820. Qui non conscientiam habent, quod modo externi homines, sint, n : 4459. Quod Dominus illos, qui non Conscientiam habent, regat per vincula externa, quæ sunt omnia quæ sunt amoris sui & mundi, ac inde timoris jacturæ famæ, honoris, functionis, lucri, opum, ac timoris legis & vitæ,

& vitæ, n : 1077. 1080. 1835. Quod qui Conscientiam non habent, & usque se patiuntur regi per vincula illa externa, quod usque fungi queant officiis eminentibus in mundo, ac bonum facere æque ac qui Conscientiam habent; sed illi in externa forma ex vinculis externis, hi autem in interna forma ex vinculis internis, n : 6707.

Qui Conscientiam non habent, quod velint destruere conscientiam apud illos qui habent, n : 1820. Qui non Conscientiam in mundo habent, quod nec conscientiam in altera vita habeant, n : 965. 9122. Inde, quod apud illos qui in Inferno sunt, non sit aliquis cruciatus conscientiae propter mala sua in mundo, n : 965. 9122.

Conscientiosi quinam & quales sunt, & quam molesti, & quibus correspondent in Mundo spirituali, n : 5386. 5724.

Quod illi, qui e Regno spirituali Domini sunt, Conscientiam habeant, & quod ea formata sit in parte eorum intellectuali, n : 863. 865. 875. 895. 927. 1043. 1044. 1555. 2256. 4328. 4493. 5113. 6367. 8521. 9506. 9935. 9995. 10124. Quod aliter se habeat cum illis qui in Regno coelesti Domini sunt, n : 927. 2256. 5113. 6367. 8521. 9935. 9995. 10124.

140. DE PERCEPTIONE. Quod Perceptio sit videre quid Verum & Bonum per influxum a Domino, n : 202. 895. 7680. 9128. Quod Perceptio solum detur apud illos, qui in Bono Amoris a Domino in Dominum sunt, n : 202. 371. 1442. 5227. Quod Perceptio detur apud illos in Cælo, qui, cum vixerunt homines in Mundo, doctrinalia Ecclesiae quæ ex Verbo statim immiserunt in vitam, & non prius mandaverunt Memoriae; quod sic interiora quæ mentis eorum formata sint ad receptionem influxus Divini; & quod ideo intellectus eorum in Cælo sit in illustratione continue, n : 104. 495. 503. 521. 536. 1616. 1791. 5145. Quod innumerabilia sciant, ac immensum sapiant, n : 2718. 9543. Quod illi, qui in Perceptione sunt, non ratiocinentur de veris fidei, & si ratiocinarentur, quod illis periret perceptio, n : 585. 1398. 5897. Qui credunt ex semet scire & sapere, quod perceptionem habere non possint, n : 1386. Quod Eruditi non capiant quid hæc Perceptio, ab experientia, n : 1387.

Quod illi, qui in Regno coelesti Domini sunt, habeant Perceptionem, illi autem qui in Regno spirituali sunt, non habeant Perceptionem, sed loco ejus, Conscientiam, n : 805. 2144. 2155. 8081. Quod illi, qui Regno coelesti Domini sunt, non cogitent ex fide, quemadmodum illi, qui in Regno spirituali Domini sunt, quoniam illi qui in Regno coelesti sunt, in perceptione omnium quæ fidei sunt a Domino, n : 202. 597. 607. 784. 1121. 1387. 1398. 1442. 1919. 7680. 7877. 8780. Quapropter Angeli Coelestes de Veris fidei dicunt modo ita ita, non non, quia percipiunt illa ac vident illa, at Angeli spirituales de veris fidei ratiocinantur num ita sit, vel non ita, n : 2715. 3246. 4448. 9166. 10786; ubi explicantur Domini verba, "*Esto sermo vester ita ita, non non, quod ultra hæc est, ex malo est,*" Matth: v: 37. Quod Angeli Coelestes, quia ex perceptione sciunt

vera fidei, ne quidem nominare velint fidem, n : 202. 337. Discrimen inter Angelos Cœlestes, & Angelos spirituales, n : 2088. 2669. 2708. 2715. 3235. 3240. 4788. 7068. 8521. 9277. 10295. De Perceptione eorum, qui fuerunt ab Ecclesia Antiquissima, quæ fuit Ecclesia cœlestis, n : 125. 597. 607. 784. 895. 1121. 5121.

Quod detur Perceptio interior & exterior, n : 2145. 2171. 2831. 5920. Quod detur in mundo perceptio iusti & æqui, sed raro perceptio veri & boni spiritualis, n : 2831. 5937. 7977. Quod lux perceptionis prorsus alia sit quam lux confirmationis, & quod non similis sit, tametsi quibusdam apparere possit sicut similis, n : 8521. 8780.



De Libero.

141. OMNE Liberum est Amoris, nam quod homo amat hoc libere facit; inde quoque omne Liberum est Voluntatis, nam quod homo amat hoc quoque vult; & quia Amor & Voluntas faciunt vitam hominis, etiam Liberum facit illam: ex his constare potest quid Liberum, quod nempe sit id quod est Amoris & Voluntatis & inde Vitæ hominis: inde est, quod id quod homo ex Libero facit, appareat ei sicut ex suo Proprio.

142. Facere ex Libero malum, apparet ut liberum, sed est servum, quia id Liberum est ex amore sui & ex amore mundi, & hi amores sunt ex Inferno; tale Liberum etiam vertitur actualiter in servum post mortem, nam homo, cui tale Liberum fuit, fit tunc in Inferno vilis servus: at facere ex Libero bonum, est ipsum Liberum, quia est ex amore in Dominum, & ex amore erga proximum, & hi amores sunt ex Cælo; hoc Liberum etiam manet post mortem, & fit tunc vere Liberum, nam homo, cui tale Liberum fuit, fit in Cælo sicut filius domus. hoc ita Dominus docet, "*Omnis faciens peccatum, servus est peccati; servus non manet in domo in perpetuum; filius manet in perpetuum; si Filius vos liberos fecerit, vere liberi eritis,*" Joh: VIII: 34. 35. 36. Nunc quia omne bonum est a Domino, & omne malum ab Inferno, sequitur, quod liberum sit duci a Domino, ac servum duci ab Inferno.

143. Quod homini sit liberum cogitandi malum & falsum, & quoque faciendi, quantum non leges detinent, est ob causam, ut possit reformari; bona enim & vera implantanda sunt ejus amori & voluntati, ut fiant vitæ ejus, & hoc fieri nequit nisi ei liberum sit tam cogitandi malum & falsum, quam bonum & verum; hoc liberum unicuique homini a Domino datur; & cum cogitat bonum & verum, quantum tunc non amat malum & falsum, tantum Dominus illa implantat amori & voluntati ejus, ita vitæ ejus, & sic eum reformat. Quod infeminatur in libero, hoc quoque manet, at quod infeminatur in coacto, hoc non manet, quia coactum non est ex voluntate hominis, sed ex voluntate ejus qui cogit. Inde etiam est, quod Cultus ex Libero placeat Domino, non autem Cultus ex coacto; Cultus enim ex Libero est Cultus ex amore, at Cultus ex coacto non ita.

144. Liberum faciendi bonum, & Liberum faciendi malum, inter se tantum differunt ac distant, quamvis in externa specie similia apparent, quantum Cœlum & Infernum; est quoque Liberum faciendi bonum ex Cœlo, & vocatur Liberum cœleste; at Liberum faciendi malum est ex Inferno, & vocatur Liberum infernale: quantum etiam homo est in uno, tantum non est in altero, nemo enim duobus dominis servire potest, Matth: vi: 24: quod etiam inde patet, quod qui in Libero infernali sunt, credant quod servum & coactum sit non licere velle malum & cogitare falsum ex lubitu, at quod qui in Libero cœlesti sunt, horreant velle malum & cogitare falsum, & si cogèrentur ad illa, cruciarentur.

145. Quia ex Libero facere apparet homini sicut ex suo Proprio, inde Liberum cœleste etiam vocari potest Proprium cœleste; & Liberum infernale vocari potest Proprium infernale: Proprium infernale est in quod homo nascitur, & id est malum; at Proprium cœleste est in quod homo reformatur, & id est bonum.

146. Ex his constare potest, quid sit *Liberum Arbitrium*; quod nempe sit ex arbitrio seu ex voluntate facere bonum, & quod illi in eo Libero sint, qui ducuntur a Domino; & illi ducuntur a Domino qui amant bonum & verum propter bonum & verum.

147. Homo, quale ei Liberum est, cognoscere potest ex jucundo, dum cogitat, loquitur, facit, audit & videt; nam omne jucundum est amoris.

Ex Arcanis Cœlestibus.

148. **Q**UOD omne Liberum sit amoris seu affectionis, quoniam quod homo amat hoc libere facit, n: 2870. 3158. 8907. 8990. 9585. 9591. Quia Liberum est amoris, quod sit vita cujusvis, n: 2873. Quod sit Liberum cœleste & Liberum infernale, n: 2870. 2873. 2874. 9589. 9590. Quod Liberum Cœleste sit amoris boni & veri, n: 1947. 2870. 2872. Et quia amor boni & veri est a Domino, quod ipsum Liberum sit duci a Domino, n: 892. 905. 2872. 2886. 2890. 2891. 2892. 9096. 9586. 9587 ad 9591. Quod homo in Liberum cœleste introducat a Domino per regenerationem, n: 2874. 2875. 2882. 2892. Quod Liberum homini esse debeat, ut possit regenerari, n: 1937. 1947. 2876. 2881. 3145. 3158. 4031. 8700. Quod alioquin amor boni & veri non implantari possit homini, ac ei appropriari apparenter ut suum, n: 2877. 2879. 8700. 2880. 2888.

2888. Quod nihil conjungatur homini, quod sit in coacto, n : 2875. 8700. Si homo ex coacto reformari posset, quod omnes salvarentur, n : 2881. Quod coactum in reformatione sit damnosum, n : 4031.

Quod Cultus ex Libero sit Cultus, non autem qui ex coacto, n : 1947. 2880. 7349. 10097. Quod Pœnitentia fieri debeat in statu libero, & quod quæ sit in statu coacto non valeat, n : 8392: status coacti, quinam, n : 8392.

Quod datum sit homini ex libero rationis agere, ut ei provideatur bonum, & quod ideo homo in libero sit cogitandi & volendi etiam malum, & quoque faciendi quantum non leges vetant, n : 10777. Quod homo teneatur a Domino inter Cœlum & Infernum, & sic in æquilibrio, ut sit in libero propter reformationem, n : 5982. 6477. 8209. 8907. Quod id maneat quod infeminatur in libero, non autem quod in coacto, n : 9588. 10777. Quod ideo nusquam alicui auferatur liberum, n : 2876. 2881. Quod nullus a Domino cogatur, n : 1937. 1947. Quomodo Dominus ducit hominem per liberum in bonum, quod nempe per liberum deflectat illum a malo, & flectat ad bonum, tam leniter & tacite ducendo, ut homo non aliter sciat quam quod omne procedat a se, n : 9587.

Quod se cogere sit ex libero, non autem cogi, n : 1937. 1947. Quod homo se cogere debeat ad resistendum malo, n : 1937. 1947. 7914. Et quoque ad faciendum bonum sicut a se, sed usque agnoscere quod sit a Domino, n : 2883. 2891. 2892. 7914. Quod homini fortius liberum sit in pugnis tentationum, in quibus vincit, quoniam tunc se homo interius cogit ad resistendum malis, tametsi aliter apparet, n : 1937. 1947. 2881. Quod in omni Tentatione sit liberum, sed quod id liberum sit interius apud hominem a Domino, & quod ideo pugnet & velit vincere & non vinci, quod absque libero non faceret, n : 1937. 1947. 2881. Quod Dominus per affectionem veri & boni impressam Interno homini id faciat, inscio homine, n : 5044.

Quod Liberum infernale sit duci ab amoribus sui & mundi, & eorum concupiscentiis, n : 2870. 2873. Quod illi, qui in Inferno sunt, non sciant aliud liberum, n : 2871. Quod Liberum cœleste tantum distet a Libero infernali, quantum Cœlum ab Inferno, n : 2873. 2874. Quod Liberum infernale in se spectatum sit servum, n : 2884. 2890. Quoniam servum est duci ab Inferno, n : 9586. 9589. 9590. 9591.

Quod omne Liberum sit ut proprium, & secundum id, n : 2880. Quod homo per regenerationem a Domino accipiat Proprium cœleste, n : 1937. 1947. 2882. 2883. 2891. Quale Proprium cœleste, n : 164. 5660. 8480. Quod hoc Proprium appareat homini sicut ejus proprium, at quod non sit ejus, sed Domini apud illum, n : 8497. Quod illi, qui in hoc Proprio sunt, in ipso Libero sint, quia liberum est duci a Domino, & ab Ipso Proprio, n : 892. 905. 2872. 2886. 2890. 2891. 2892. 4096. 9586. 9587. 9589. 9590. 9591.

149. Quod

149. Quod Liberum sit ex æquilibrio inter Cœlum & Infernum, & quod homo, nisi ei liberum sit, non reformari possit, ostensum est in Opere de Cœlo & Inferno; de ipso Æquilibrio, n: 589 ad 596, & de Libero, n: 597 ad fin: sed instructionis causa Liberum, & quod homo per id reformetur, velim inde hæc afferre. “ Ostensum est, quod Æquilibrium inter Cœlum & Infernum sit Æquilibrium inter Bonum quod e Cœlo & Malum quod ex Inferno, ita quod sit Æquilibrium spirituale, quod in sua essentia est Liberum. Quod Æquilibrium spirituale in sua essentia sit Liberum, est quia est inter bonum & malum, ac inter verum & falsum, & hæc sunt spiritualia; quapropter posse velle bonum aut malum, aut cogitare verum aut falsum, ac eligere unum præ altero, est Liberum. Hoc Liberum datur unicuique homini a Domino, nec usquam aufertur; est quidem ex sua origine non hominis sed Domini, quia est a Domino, at usque cum vita donatur homini sicut suum, & hoc ex causa, ut homo possit reformari & salvari, nam absque Libero nulla reformatio & salvatio. Quisque ex intuitione aliqua rationali videre potest, quod in hominis Libero sit cogitare male vel bene, sincere vel insincere, iuste vel iniuste; & quoque quod possit loqui & agere bene, sincere & iuste, sed non male, insincere & iniuste propter leges morales & civiles, per quas Externum ejus tenetur in vinculis. Ex his patet, quod Spiritus hominis, qui est qui cogitat & vult, sit in libero, non ita Externum hominis, quod loquitur & agit, nisi hoc sit secundum supradictas Leges. Quod homo non possit reformari, nisi sit in Libero, est quia nascitur in omnis generis mala, quæ tamen remota sunt, ut salvari possit; nec removeri possunt, nisi videat illa in se, & agnoscat illa, & dein nolit illa, & tandem aversetur illa, tunc primum remonentur: hoc non fieri potest, nisi homo tam in bono quam in malo sit, ex bono enim potest videre mala, sed non a malo bona: bona spiritualia, quæ homo cogitare potest, discit ab infantia ex lectione Verbi, & ex Prædicatione; ac bona moralia & civilia ex vita in mundo; hoc primum est, cur homo in libero esse debet. Alterum est, quod nihil approprietur homini, nisi quod sit ex affectione quæ amoris; reliqua quidem intrare possunt, sed non ultra quam in cogitationem, & non in voluntatem, & quod non intrat usque in voluntatem hominis, non fit ejus, nam cogitatio trahit suum ex memoria, sed voluntas ex ipsa vita; nihil usquam liberum est, quod non est ex affectione quæ amoris, quicquid enim homo vult seu amat, hoc libere facit; inde est, quod liberum hominis & affectio quæ est amoris seu voluntatis ejus, unum sint; ideo itaque homini liberum, ut possit affici vero & bono, seu amare illa, & sic fieri sicut ejus propria: verbo, quicquid non intrat in Libero apud hominem, non manet, quia non est amoris seu voluntatis ejus, & quæ non sunt amoris seu voluntatis hominis, non sunt ejus spiritus; Esse enim Spiritus hominis est Amor
“ seu

“ seu voluntas. Ut homo in Libero sit, ex causa ut reformatur, ideo
“ conjungitur ille quoad spiritum suum cum Cœlo & cum Inferno; sunt
“ enim apud unumquemvis hominem Spiritus ex Inferno & Angeli e
“ Cœlo; per Spiritus ex inferno est homo in suo malo, per Angelos au-
“ tem e Cœlo est homo in bono a Domino; ita in Æquilibrio spirituali,
“ hoc est, in Libero. Quod cuivis homini sint adjuncti angeli e cœlo,
“ & spiritus ex inferno, videatur in Articulo de Conjunctione Cœli cum
“ Humano Genere, n : 291 ad 302.



De Merito.

150. **Q**UI bona faciunt ut mereantur, non faciunt bona ex amore Boni, sed ex amore Mercedis, nam qui vult mereri is vult remunerari; illi, qui ita faciunt, jucundum spectant & ponunt in mercede, & non in bono; quare non spirituales sunt, sed naturales.

151. Facere bonum quod est bonum, erit ex amore boni, ita propter bonum; illi, qui in eo amore sunt, non volunt audire de Merito, nam amant facere, & in eo faustum percipiunt; & vice versa contristantur, si credatur quod fiat propter aliquod sui: se habent illa pæne sicut qui bonum faciunt amicis amicitiae causa, fratri fraternitatis causa, uxori & liberis uxoris & liberorum causa, patriæ patriæ causa, ita ex amicitia & amore; illi, qui bene cogitant, etiam dicunt & persuadent, quod non benefaciant propter se sed propter illos.

152. Illi, qui bonum faciunt mercedis causa, non bonum faciunt a Domino, sed a semet, nam spectant se primario, quia suum bonum, ac bonum proximi, quod est bonum concivis, societatis humanæ, patriæ, & ecclesiæ, non spectant nisi quam ut medium ad finem; inde est, quod in Bono Meriti lateat bonum amoris sui & mundi, & id bonum est ab homine & non a Domino; & omne bonum quod est ab homine non est bonum, imo quantum sui & mundi in illo latet, est malum.

153. Genuina Charitas & genuina Fides est absque omni Merito, nam jucundum charitatis est ipsum bonum, & jucundum fidei est ipsum verum; quapropter illi, qui in ea charitate & fide sunt, sciunt quid Bonum non meritorium, non autem illi qui non in charitate & fide sunt.

154. Quod non faciendum sit bonum mercedis causa, docet Ipse Dominus apud Lucam, "*Si amatis eos qui vos amant, quæ vobis gratia est, nam peccatores idem faciunt: potius amate inimicos vestros, & benefacite, atque mutuo date nihil sperantes, tunc erit merces vestra magna, & eritis filii Altissimi,*" VI: 32. 33. 34. 35. Quod homo non possit facere bonum ex se ut sit bonum, etiam docet Dominus, apud Johannem, "*Non potest homo sumere quicquam, nisi sit datum illi e cælo,*" III: 27: & alibi, "*Jesus dixit, Ego sum Vitis, vos palmites; sicut palmes non potest ferre fructum a semet, nisi manserit in vite, ita nec vos*"
nisi

nisi in Me manseritis: Is qui manet in Me & Ego in illo, is fert fructum multum, nam nisi a Me non potestis facere quicquam," xv: 4 ad 8.

155. Quia omne bonum & verum est a Domino, & nihil ab homine, & quia bonum ab homine non est bonum, sequitur quod nulli homini sit meritum, sed Soli Domino; Meritum Domini est, quod ex propria potentia salvaverit Genus humanum, & quoque quod salvet illos qui bonum ab Ipso faciunt. Inde est, quod in Verbo Justus dicatur, cui addicatur Meritum & Justitia Domini, ac Injustus cui justitia propria & meritum sui.

156. Ipsa jucunditas, quæ inest amori faciendi bonum absque fine remunerationis, est Merces, quæ manet in æternum, nam in id bonum insinuat cælum & felicitas æterna a Domino.

157. Cogitare & credere quod in Cælum veniant qui bonum faciunt, & quoque quod bonum faciendum sit ut in Cælum veniant, non est spectare mercedem ut finem, ita nec ponere meritum in operibus, nam id cogitant & credunt etiam illi, qui bonum faciunt a Domino; sed qui ita cogitant, credunt & faciunt, & non in amore boni propter bonum sunt, illi spectant & ponunt.

Ex Arcanis Cœlestibus.

158. **Q**UOD soli Domino Meritum & Justitia, n: 9715. 9979: Quod Meritum & Justitia Domini sit, quod ex propria potentia salvaverit Genus humanum, n: 1813. 2025. 2026. 2027. 9715. 9809. 10019. Quod Bonum Justitiæ & Meriti Domini sit Bonum quod regnat in Cœlo, & quod id Bonum sit Bonum Divini Amoris Ipsius, ex quo salvavit Genus humanum, n: 9486. 9986. Quod nullus homo possit ex se justitia fieri, nec illam sibi ullo jure vindicare, n: 1813. Quales illi in altera vita qui sibi justitiam vindicant, n: 942. 2027. Quod in Verbo Justus dicatur, cui addicatur Justitia & Meritum Domini, & quod Injustus cui justitia propria & meritum sui, n: 5069. 9263. Qui semel justus a Domino, continue justus erit ab Ipso, nam justitia nusquam sit propria hominis, sed continue Domini, n: 3648. Quod qui credunt Justificationem in Ecclesia, parum faciant de Regeneratione, n: 5398.

Quod homo tantum sapiat, quantum addicit omnia bona & vera Domino, & non sibi, n: 10227. Quia omne bonum & verum, quod est bonum & verum, est a Domino, & nihil ab homine, & quia bonum ab homine non est bonum, quod inde sequatur quod nulli homini meritum, sed soli Domino,

n : 9975. 9981. 9988. Quod illi, qui intrant Cœlum, exuant omne meritum sui, n : 4007. Et quod non cogitent de remuneratione propter bona quæ fecerunt, n : 6478. 9174 : quod qui cogitant ex merito, tantum non agnoscant omnia esse Misericordiæ, n : 6478. 9174. Quod illi, qui cogitant ex merito, cogitent de mercede & remuneratione, quare velle mereri est velle renumerari, n : 5660. 6392. 9975. Quod tales cœlum in se non recipere possint, n : 1835. 9977. 8478. Quod felicitas cœlestis consistat in affectione faciendi bonum absque fine remunerationis, n : 6388. 6478. 9174. 9984. Quod in altera vita quantum quis bonum facit absque fine remunerationis, tantum influat beatum cum augmento a Domino, & quod id statim dissipetur cum cogitatur de remuneratione, n : 6478. 9174.

Quod bonum faciendum sit absque fine remunerationis, n : 6392. 6478. Illustratum, n : 9981. Quod genuina charitas sit absque omni meritorio, n : 2340. 2373. 2400. 3887. 6388 ad 6393. Quia est ex amore, ita ex jucundo faciendi bonum, n : 3816. 3887. 6388. 6478. 9174. 9984. Quod per Mercedem in Verbo intelligatur jucundum & beatum in benefaciendo aliis absque fine Mercedis, & quod id jucundum & beatum sentiant & percipiant illi qui in genuina charitate sunt, n : 3816. 3956. 6388.

Quod illi qui bonum faciunt mercedis causa, semet ament non proximum, n : 8002. 9210. Quod in Verbo per Mercenarios in sensu spiritali intelligantur qui bonum faciunt propter mercedem, n : 8002. Quod qui bonum faciunt remunerationis causa, quod in altera vita velint serviri, & nusquam contenti sint, n : 6393. Quod contemnunt proximum, & irascantur ipsi Domino, quod non mercedem recipiant, dicentes quod meruerint, n : 9976. Qui apud se fidem separaverunt a charitate, quod in altera vita faciant fidem, & quoque bona opera, quæ in externa forma fecerunt, ita propter se, meritoria, n : 2373. Quales porro sunt in altera vita, qui meritum posuerunt in operibus, n : 942. 1774. 1877. 2027. Quod ibi sint in terra inferiore, & sibi appareant lignum secare, n : 1110. 4943. 8740. Ex causa quia Lignum in specie significat bonum meriti, imprimis Lignum schittim, n : 2784. 2812. 9472. 9486. 9715. 10178.

Quod illi, qui bonum fecerunt remunerationis causa, in Regno Domini sint servitia, n : 6389. 6390. Qui meritum ponunt in operibus, quod succumbant in tentationibus, n : 2273. 9978. Quod qui in amoribus sui & mundi sunt, non sciant quid sit facere bonum absque remuneratione, n : 6392.

De Pœnitentia, & Remissione Peccatorum.

159. **Q**UI vult salvari, confitebitur peccata sua, & pœnitentiam aget.

160. *Confiteri peccata*, est cognoscere mala, videre illa apud se; agnoscere illa, se reum facere, & propter illa se damnare: hoc cum fit coram Deo, est confiteri peccata.

161. *Pœnitentiam agere*, est, postquam ita confessus est peccata, & ex humili corde supplicavit de remissione, desistere ab illis, & vitam novam secundum præcepta charitatis & fidei agere.

162. Qui solum universaliter agnoscit quod peccator sit, & se reum omnium malorum facit, & non explorat se, hoc est, videt sua peccata, is confessionem facit, sed non confessionem pœnitentiæ; is quia non novit sua mala, vivit postea sicut prius.

163. Qui vitam charitatis & fidei vivit, is quotidie pœnitentiam agit, reflectit super mala quæ apud se, agnoscit illa, cavet ab illis, supplicat Dominum de ope: homo enim continue ex se labitur, sed a Domino continue erigitur, & ducitur ad bonum; talis status est illis qui in bono sunt: qui autem in malo sunt, labuntur continue, & quoque a Domino elevantur continue, sed modo abducuntur ne cadant in gravissima mala, ad quæ ex se omni nisu tendunt.

164. Homo, qui explorat se ut pœnitentiam agat, explorabit cogitationes suas & intentiones voluntatis suæ, & ibi, quid facturus esset si ei liceret, hoc est, si non timeret leges ac jacturam famæ, honoris & lucri; ibi sunt mala hominis; mala quæ homo corpore facit, sunt omnia inde: illi, qui non explorant mala cogitationis & voluntatis suæ, non possunt pœnitentiam agere, nam cogitant & volunt postea sicut prius; & tamen velle mala est facere illa. Hoc est explorare se.

165. Pœnitentia oris & non vitæ, non est pœnitentia; per pœnitentiam oris non remittuntur peccata, sed per pœnitentiam vitæ: remittuntur homini continue peccata a Domino, nam est ipsa Misericordia; sed peccata adhærent homini, utcumque putat quod remissa sint, nec ab ipso removentur, nisi quam per vitam secundum præcepta veræ fidei; quantum secundum illa vivit, tantum peccata removentur, & quantum removentur tantum remissa sunt.

166. Creditur

166. Creditur quod peccata abstergantur, seu quasi solent sordes aquis, abluantur, cum remittuntur; sed peccata non abstergantur, verum remouentur, hoc est, homo detinetur ab illis cum tenetur in bono a Domino, & cum tenetur in bono, apparet sicut absque illis fit, ita sicut forent absterfa; & homo tantum teneri in bono potest, quantum reformatur: quomodo homo reformatur, dicetur in sequente Doctrinali de Regeneratione. Qui credit quod aliter remittantur peccata, multum fallitur.

167. Signa, quod peccata sint remissa, hoc est, remota, sunt quæ sequuntur; percipiunt iucundum in colendo Deum propter Deum, & in seruiendo proximo propter proximum, ita in faciendo bonum propter bonum; & in loquendo verum propter verum, nolunt mereri per aliquid charitatis & fidei, fugiunt & auersantur mala, ut inimicitias, odia, vindictas, adulteria, & ipsas cogitationes cum intentione de talibus. Signa autem quod peccata non sint remissa, hoc est, remota, sunt quæ sequuntur; colunt Deum non propter Deum, & seruiunt proximo non propter proximum, ita non faciunt bonum & loquuntur verum propter bonum & verum, sed propter se & mundum; per facta volunt mereri; percipiunt non iucundum in malis, ut in inimicitia, in odio, in vindicta, in adulteriis, & ex illis de illis in omni licentia cogitant.

168. Pœnitentia quæ fit in statu libero valet, at quæ fit in statu coacto non valet: status coacti sunt status morbi, status dejecti animi ex infortunio, status imminētis mortis, tum omnis status timoris qui demit rationis usum: qui malus est, & in statu coacto pœnitentiam pollicetur, & quoque bonum facit, is cum venit in statum liberum, in vitam mali priorem redit: aliter bonus.

169. Postquam homo se explorauerat, & agnouerat sua peccata, & pœnitentiam egerat, manebit constans in bono usque ad finem vitæ; si enim dein relabitur in vitam mali priorem, & hanc amplectitur, tunc prophanat, nam tunc malum coniungit bono, inde status ejus posterior fit pejor priori; secundum Domini verba, "*Quando immundus spiritus exit ab homine, perambulat ærentia loca, quærens requiem sed non inuenit; tunc dicit, reuertar in domum meam, unde exiui; cumque venit & reperit illam vacuam, & scopis purgatam, & ornatam sibi, tunc abit & adiungit sibi septem alios spiritus peiores se, & ingressi habitant ibi, & fiunt posteriora hominis pejora primis,*" Matth: xii: 43. 44. 45. Quid Prophanatio, videatur in subsequētibz.

Ex Arcanis Cœlestibus.

170. **D**E Peccato seu Malo. Quod innumerabilia Genera mali & falsi dentur, n : 1188. 1212. 4818. 4822. 7574. Quod sit malum ex falso, quod sit falsum ex malo, ac iterum inde malum & falsum, n : 1679. 2243. 4818. Quid & quale malum falsi, n : 2408. 4818. 7272. 8266. 8279. Et quid & quale falsum mali, n : 6359. 7272. 9304. 10302. De malis sua culpa, & de malis non sua culpa, n : 4171. 4172. De malis ex intellectu, & de malis ex voluntate, n : 9009. Prævaricatio, iniquitas & peccatum, quæ differentia, n : 6563. 9156.

Quod omnia Mala adhæreant homini, n : 2116. Quod homini non auferri possint mala, sed modo homo detineri ab illis, & teneri in bono, n : 865. 868. 887. 894. 1581. 4564. 8206. 8393. 8988. 9014. 9333. 9446. 9447. 9448. 9451. 10057. 10059. Quod detineri a malo ac teneri in bono fiat a solo Domino, n : 929. 2406. 8206. 10059. Quod sic mala & peccata solum removeantur, & quod hoc fiat successive, n : 9334. 9335. 9336. Quod hoc fiat per regenerationem a Domino, n : 9445. 9452. 9453. 9454. 9938. Quod mala secludant Dominum, n : 5696. Quod homo abstinere debeat a malis, ut recipiat bonum a Domino, n : 10109. Quod bonum & verum tantum influant, quantum abstinetur a malis, n : 2388. 2411. 10675. Detineri a malo & teneri in bono, quod sit remissio peccatorum, n : 8391. 8393. 9014. 9444 ad 9450. Signa num remissa sint peccata vel non, n : 9449. 9450. Quod remissionis peccatorum sit aspicere ex bono & non ex malo, n : 7697.

Quod malum & peccatum sit separatio & aversio a Domino, & quod id per malum & peccatum significetur in Verbo, n : 4997. 5229. 5474. 5746. 5842. 9346. tum quod sit & significetur separatio & aversio a bono & vero, n : 7589. Quod sit & significetur quod contra Divinum Ordinem, n : 4839. 5076. Quod malum sit damnatio & infernum, n : 3513. 6279. 7155. Quod non sciatur quid infernum, nisi sciatur quid malum, n : 7181. Quod mala sint quasi gravia, & ex se delabantur in infernum, & quod quoque falsa ex malo, n : 8279. 8298. Quod non sciatur quid malum, nisi sciatur quid amor sui & amor mundi, n : 4997. 7178. 8317. Quod ex illis amoribus sint omnia mala, n : 1307. 1308. 1321. 1594. 1691. 3413. 7255. 7376. 7480. 7488. 8918. 9335. 9348. 10038. 10742.

Quod homines quocunque sunt, nascantur in mala omnis generis, usque adeo ut proprium eorum non sit nisi quam malum, n : 210. 215. 731. 874. 875. 876. 987. 1047. 2307. 2308. 3518. 3701. 3812. 8480. 8550. 10283. 10284. 10731. Quod homo ideo renascetur seu regenerabitur, ut vitam boni recipiat, n : 3701.

Quod homo semet in infernum conjiciat, cum facit malum ex consensu, dein ex proposito, & demum ex jucundo, n : 6203. Quod in falsis sui mali

mali sint, qui in malo vitæ sunt, sive hoc sciant sive non sciant, n: 7577. 8064. Quod hominī malum non approprietur, si crederet sicut res se habet, quod omne malum sit ab inferno, & omne bonum a Domino, n: 6206. 4151. 6324. 6325. Quod in altera vita mala removeantur a Bonis, & bona a Malis, n: 2256. Quod omnes in altera vita remittantur in sua interiora, ita Mali in sua mala, n: 8870.

Quod malo insit sua pæna, & bono sua remuneratio in altera vita, n: 696. 967. 1057. 6559. 8214. 8223. 8226. 9049. Quod homo non luat pænam in altera vita propter mala hæreditaria, quia non est in eorum culpa, sed propter actualia sua, n: 966. 2308. Quod interiora mali sint spurca & sæda, utcunque aliter apparent in externa forma, n: 7046.

Quod malum tribuatur Domino in Verbo, cum tamen ab Ipso nihil nisi quam bonum, n: 2447. 6073. 6992. 6997. 7533. 7632. 7677. 7926. 8227. 8228. 8632. 9306. Similiter ira, n: 5798. 6997. 8284. 8483. 9306. 10431. Cur ita in Verbo dicitur, n: 6073. 6992. 6997. 7643. 7632. 7679. 7710. 7920. 8282. 9009. 9128. Quid significatur per portare iniquitatem, ubi de Domino, n: 9937. 9965. Quod Dominus vertat malum in bonum apud bonos, qui infestantur & tentantur, n: 8631. Relinquere hominī ex suo libero facere malum, quod sit permittere, n: 1778. Quod mala & falsa per leges permissionis regantur a Domino, & quod permittantur propter ordinem, n: 7877. 8700. 10778. Permissio mali a Domino, quod non sit ut volentis, sed ut non volentis, at quod auxilium ferri non possit urgente fine, n: 7877.

171. *De Falso.* Quod innumerabilia Genera falsi sint, quot nempe mala, & quod mala & falsa sint secundum origines, quæ plures, n: 1188. 1212. 4729. 4822. 7574. Quod sit falsum ex malo seu falsum mali, & quod sit malum ex falso seu malum falsi, ac iterum inde falsum, n: 1679. 2243. Quod ex falso, quod principii loco sumitur, fluant falsa in longa serie, n: 1510. 1511. 4717. 4721. Quod sit falsum ex cupiditatibus amoris sui & mundi; & quod sit falsum ex fallaciis sensuum, n: 1295. 4729. Quod sint falsa religionis; & quod sint falsa ignorantie, n: 4729. 8318. 9258. Quod sit falsum in quo bonum, & falsum in quo non bonum, n: 2863. 9304. 10109. 10302. Quod sit falsificatum, n: 7318. 7319. 10648.

De falso mali, quale, n: 6359. 7272. 9304. 10302. De malo falsi, quale, n: 2408. 4818. 7272. 8266. 8279. Quod falsa ex malo appareant sicut nimbi, & sicut aquæ impuræ supra inferna, n: 8217. 8138. 8148. Quod etiam tales aquæ significant falsa, n: 739. 790. 7307. Quod qui in inferno sunt, loquantur falsa ex malo, n: 1695. 7351. 7352. 7357. 7392. 7698. Quod qui in malo sunt, non possint nisi quam falsum, dum ex se, cogitare, n: 7437.

Quod dentur falsa religionis, quæ concordant cum bono, & quod dentur quæ discordant, n: 9258. Quod falsa religionis, si non discordant cum bono, non producant malum nisi quam apud illos qui in malo vitæ sunt, n: 8318. Quod falsa religionis non imputentur illis qui in bono sunt, sed illis qui in malo, n: 8051. 8149. Quod omne falsum confirmari possit, & cum confirmatum est appareat sicut verum, n: 5033. 6865. 8521. 8780. Quod cavendum

dum sit, ne falsa religionis confirmentur, quia inde præcipue persuasio falsi, n: 845. 8780. Persuasio falsi quam damnosa, n: 794. 806. 5096. 7686. Quod persuasio falsi excitet continue confirmantia falsi, n: 1510. 1511. 2475. Quod qui in persuasione falsi sunt, interius vincti sint, n: 5096. Quod qui in forti persuasivo falsi sunt, in altera vita cum approximant ad alios, occludant rationale eorum, & quasi suffocent, n: 3895. 5128.

Quod vera non genuina, & quoque falsa, consociari possint cum veris genuinis, sed falsa in quibus bonum, non autem falsa in quibus malum, n: 3470. 3471. 4551. 4552. 7344. 8149. 9298. Quod falsa in quibus bonum, recipiantur a Domino ut vera, n: 4736. 8149. Quod bonum, cujus quale est a falso, acceptetur a Domino, si ignorantia sit, & in illa innocentia, ac finis bonus, n: 7887.

Quod malum falsificet verum, quia deducit verum ad malum, & applicat malo, n: 8044. 8149. Verum falsificatum dicitur, quod applicatum est malo per confirmationes, n: 8602. Quod falsificatum verum sit contra verum & bonum, n: 8602. Porro de falsificationibus veri, n: 7318. 7319. 10648.

172. *De Prophano & Prophanatione, de qua supra n: 169, in Doctrina.* Quod Prophanatio sit commixtio boni & mali; tum veri & falsi apud hominem, n: 6348. Quod prophanare bona & vera, seu sancta Ecclesiæ & Verbi, non possint alii quam qui primum agnoscunt illa, credunt illa, & magis si vivunt secundum illa, ac postea recedunt a fide, non credunt illa, & vivunt sibi & mundo, n: 593. 1008. 1010. 1059. 3398. 3399. 3898. 4289. 4601. 10284. 10287. Quod qui in pueritia credit vera, & postea non credit, leviter prophanet; at quod qui vera apud se postea confirmat, & dein illa negat, graviter prophanet, n: 6960. 6963. 6971. Quod etiam prophanent, qui credunt vera & vivunt male; tum qui non credunt vera, & vivunt sancte, n: 8082. Quod homo, si post pœnitentiam cordis ad mala priora relabitur, prophanet, & quod tunc status ejus posterior sit pejor priori, n: 8394. Quod qui in Christiano Orbe conspurcant sancta Verbi per immundas cogitationes & loquelas, prophanent, n: 4050. 5390. Quod varia genera prophanationum sint, n: 10287.

Quod illi sancta prophanare non possint, qui non agnoverunt illa, minus qui non sciunt illa, n: 1008. 1010. 1059. 9188. 10284. Quod qui intra Ecclesiam sunt, prophanare sancta possint, non autem qui extra, n: 2051. Quod Gentes, quia extra Ecclesiam, & non habent Verbum, non prophanare possint, n: 1327. 1328. 2051. 2081. Quod nec Judæi sancta interiora Verbi & Ecclesiæ, quia non agnoscunt illa, n: 6963. Quod ideo Judæis nec detecta fuerint interiora vera, nam si detecta & agnita, prophanavissent illa, n: 3398. 3489. 6963. Prophanatio intelligitur per Domini verba supra n: 169 allata, nempe, "*Quando immundus spiritus exit ab homine, perambulat arentia loca, quærens requiem, sed non invenit; tunc dixit, revertar in domum meam, unde exivi; cumque venit & reperit illam vacuum, & scopis purgatam, & ornatam sibi, tunc abit & adjungit sibi septem alios spiritus peiores se, & ingressi habitant ibi; & fiunt posteriora hominis pejora primis,*" Matth: xii: 43.

44. 45: per quod exeat immundus spiritus ab homine, intelligitur poenitentia illius qui in malo est; per quod perambulet arentia loca, & non inveniat requiem, intelligitur quod vita boni ei talis sit; per domum, in quam, quia reperit vacuam & sibi ornatam, revertitur, intelligitur ipse homo & ejus voluntas quod sit absque bono; per septem spiritus quos sibi adjungit, & cum quibus revertitur, intelligitur malum conjunctum bono; per statum ejus tunc pejorem priori, intelligitur prophanatio; hic sensus est sensus internus horum verborum; nam Dominus per correspondentias loquutus est. Simile intelligitur per Domini verba ad illum, quem sanavit in piscina Bethesda, "*Ecce sanus factus es, ne pecca amplius, ne fiat tibi aliquid quod pejus est quam prius,*" Joh: v: 14. Tum per hæc verba, "*Occæcavit oculos eorum, & obduravit corda eorum, ne videant oculis & intelligant corde, & se convertant & sanem eos,*" Joh: xii: 40, se convertere & sanari, est prophanare, quod fit cum agnoscuntur vera & bona, & dein rejiciuntur; ita fuisset si Judæi se converterint & sanati fuissent, ut supra dictum est.

Quod fors prophanatorum in altera vita omnium pessima sit, quoniam bonum & verum, quæ agnoverunt, manent, & quoque malum & falsum, & quia cohærent fit discerptio vitæ, n: 571. 582. 6348. Quod ideo a Domino maxime provideatur, ne fiat prophanatio, n: 2426. 10384. Quod homo idcirco detineatur ab agnitione & fide, si non ad finem vitæ in illis permanere possit, n: 3398. 4402. Quod ideo homo teneatur potius in ignorantia, & in cultu externo, n: 301. 302. 303. 1327. 1328. Quod etiam Dominus vera & bona, quæ homo per agnitionem recepit, recondat in interioribus ejus, n: 6595.

Quod interiora vera, ne prophanentur, non prius revelentur, quam cum Ecclesia in suo fine est, n: 3398. 3399. Quapropter Dominus tunc in mundum venit, ac interiora vera aperuit, cum Ecclesia prorsus vastata fuit, n: 3398. videantur quæ de his in Opusculo de Ultimo Judicio & Babylonia destructa, n: 73. 74. allata sunt.

Quod per Babel in Verbo significetur Prophanatio boni, & per Chaldaeam Prophanatio veri, n: 1182. 1283. 1295. 1304. 1306. 1307. 1308. 1321. 1322. 1326. Quod gradibus prohibitis, seu sædis adulteriis, de quibus in Verbo, Prophanationes illæ corrépondeant, n: 6348. Quod Prophanatio repræsentata sit per esum sanguinis in Ecclesia Israelitica & Judaica, quapropter id tam severe prohibitum fuit, n: 1003.

De Regeneratione.

173. **Q**UI non vitam spiritualem accipit, hoc est, qui non e novo generatur a Domino, non potest venire in Cælum; quod docet Dominus apud Johannem; "*Amen, amen, dico tibi, nisi quis generatur denuo, non potest videre Regnum Dei,*" III: 3.

174. Homo a parentibus non nascitur in vitam spiritualem, sed in vitam naturalem: Vita spiritualis est amare Deum supra omnia, & amare proximum sicut seipsum, & hoc secundum præcepta fidei, quæ Dominus in Verbo docuit: Vita autem naturalis est amare se & mundum præ proximo, imo præ ipso Deo.

175. Unusquisque homo nascitur in mala amoris sui & mundi a suis parentibus: omne malum, quod per habitum traxerat quasi naturam, derivatur in prolem; ita successive a parentibus, ab avis, & ab atavis longa retro serie; inde derivatio mali tandem fit tanta, ut omne vitæ propriæ hominis non sit nisi quam malum. Derivatum hoc continuum non frangitur & alteratur, quam per vitam fidei & charitatis a Domino.

176. Quod homo ex hæreditario trahit, ad hoc inclinat continue; & in hoc labitur: inde ipse confirmat apud se id malum, & quoque ex se superaddit plura. Hæc mala sunt prorsus contraria vitæ spirituali; destruunt illam; quapropter nisi homo a Domino accipit vitam novam, quæ est vita spiritualis, ita nisi e novò concipitur, e novo nascitur, & e novo educatur, hoc est, e novo creatur, est damnatus, nam nihil aliud vult, & inde nihil aliud cogitat, quam quod sui & mundi est, similiter ut faciunt in inferno.

177. Nemo regenerari potest, nisi sciat talia quæ vitæ novæ, hoc est, quæ vitæ spiritualis sunt: quæ vitæ novæ sunt seu quæ vitæ spiritualis; sunt vera quæ credenda & bona quæ facienda, illa sunt fidei hæc charitatis. Hæc scire nemo potest ex se, nam homo non capit nisi quæ obvia fuerunt sensibus, ex illis comparavit sibi lumen, quod lumen naturale vocatur, ex quo non aliud videt, quam quæ mundi sunt & quæ sui, non autem quæ cæli & quæ Dei, hæc discet ex revelatione. Ut, quod Dominus, qui ab æterno Deus, in mundum venerit ad salvandum Genus humanum; quod Ipsi omnis potestas sit in cælo & in terra; quod omne fidei & omne charitatis, ita omne verum & bonum

fit ab Ipso; quod cœlum fit & quod infernum; quod homo victurus fit in æternum, si bene egerit in cœlo, si male in inferno.

178. Hæc & plura sunt fidei, quæ homo qui regenerandus est, scire debet, nam qui scit illa, cogitare potest illa, dein velle illa, & demum facere illa, & sic habere vitam novam. Ut qui non scit, quod Dominus sit Salvator Generis humani, non potest fidem habere in Ipsum, amare Ipsum, & sic facere bonum propter Ipsum: qui non scit, quod omne Bonum sit ab Ipso, non potest cogitare, quod salus sua sit ab Ipso, minus potest velle quod ita sit, ita non potest vivere ab Ipso: qui non scit quod infernum sit & quod cœlum, nec quod vita æterna, is ne quidem cogitare potest de vita cœli, nec applicare se ad recipiendum illam: ita in reliquis.

179. Unicuique est homo Internus & homo Externus; Internus est qui homo spiritualis vocatur, & Externus qui homo naturalis: uterque regenerandus est, ut homo regeneratus sit. Apud hominem qui non regeneratus est, Externus seu naturalis homo imperat, ac Internus servit; at apud hominem qui regeneratus est, Internus seu spiritualis homo imperat, & Externus servit: unde patet, quod apud hominem a nativitate ordo vitæ inversus sit, nempe quod imperare debet hoc servit, & quod servire debet hoc imperat: ille ordo invertendus est, ut homo salvari possit: & hæc inversio nequaquam existere potest quam per regenerationem a Domino.

180. Quid sit quod Internus homo imperet & Externus serviat, ac vicissim, illustretur per hoc: si homo ponit omne bonum in volupi, in lucro, & in fastu, ac jucundum habet in odio & vindicta, & interius in se conquirat rationes quæ confirmant, tunc Externus homo imperat ac Internus servit. Cum autem homo percipit bonum & jucundum in cogitando & volendo bene, sincere & iuste, & exterius in loquendo & faciendo similiter, tunc Internus homo imperat & Externus servit.

181. Internus homo primum regeneratur a Domino, & postea Externus, & hic per illum: Internus enim homo regeneratur per cogitare illa quæ fidei & charitatis sunt, Externus autem per vitam secundum illa. Hoc intelligitur per Domini verba, *nisi quis generatus fuerit ex aqua & spiritu, non potest ingredi in Regnum Dei,* Joh: 111: 5: Aqua in spirituali sensu est verum fidei, & spiritus est vita secundum illud.

182. Homo, qui regeneratus est, quoad Internum suum hominem in Cœlo est, ac ibi angelus cum angelis, inter quos etiam post mortem venit; is tunc potest vivere vitam cœli, amare Dominum, amare proximum, intelligere verum, sapere bonum, ac percipere beatum inde.

Ex Arcanis Cœlestibus.

183. *QUID Regeneratio, & cur fit.* Quod hodie parum sciatur de Regeneratione, causæ, n: 3761. 4136. 5398. Quod homo nascatur in omnis generis mala, & quod inde ille quoad Proprium suum ex nativitate non sit nisi quam malum, n: 210. 215. 731. 874. 875. 876. 987. 1047. 2307. 2308. 3518. 3701. 3712. 8480. 8549. 8550. 8552. 10283. 10284. 10286. 1073. Quod HÆREDITARIUM hominis non sit nisi quam malum, vide Collecta supra in hac Doctrina n: 83. Quod etiam PROPRIUM hominis non sit nisi quam malum, ibi n: 82. Quod homo ex se, quantum ex Hæreditario & Proprio, sit pejor Brutis animalibus, n: 637. 3175. Quod ideo continue ex se spectet ad Infernum, n: 694. 8480. Quapropter si homo duceretur ex suo Proprio, quod nequaquam salvari posset, n: 10731.

Quod Vita naturalis hominis sit contraria vitæ spirituali, n: 3913. 3928. Quod bonum, quod homo facit ex se seu ex proprio, non sit bonum, quia facit propter se & propter mundum, n: 8478. Quod Proprium hominis removendum sit, ut Dominus & Cœlum adeste queant, n: 1023. 1044. Quod Proprium hominis actualiter removeatur, cum homo a Domino regeneratur, n: 9334. 9335. 9336. 9452. 9455. 9938. Quod ideo homo e novo creandus sit, hoc est, regenerandus, n: 8549. 9450. 9938. Quod per creare hominem in Verbo significetur illum regenerare, n: 16. 88. 10634.

Quod homo per regenerationem jungatur Domino, n: 2004. 9338. Quod etiam consocietur Angelis in Cœlo, n: 2475. Quod homo non prius in Cœlum veniat, quam dum in statu est, ut ducatur a Domino per bonum, quod sit cum regeneratus est, n: 8516. 8539. 8722. 9139. 9832. 10367.

Quod apud hominem, qui non regeneratus est, Externus seu naturalis homo imperet, ac Internus serviat, n: 3167. 8743. Ita quod status vitæ hominis sit inversus a nativitate, & quod ideo omnino invertendus sit, ut homo salvari possit, n: 6507. 8552. 8553. 9258. Quod finis regenerationis sit, ut Internus seu spiritualis imperet, & Externus seu naturalis serviat, n: 911. 913. Quod etiam ita fiat, postquam homo regeneratus est, n: 5128. 5651. 8743. Quoniam post regenerationem non amplius Amor sui & mundi, sed Amor in Dominum & erga proximum regnat, ita Dominus & non homo, n: 8856. 8857. Quod inde pateat, quod homo, nisi regeneratur, salvari nequeat, n: 5280. 8548. 8772. 10156.

Quod Regeneratio sit planum ad perficiendum vitam ejus in æternum, n: 9334. Quod etiam homo regeneratus perficiatur in æternum, n: 6648. 10048. Qualis homo regeneratus & homo non regeneratus, n: 977. 986. 10156.

184. *Quis regeneratur.* Quod homo non prius regenerari possit, nisi instructus.

structus sit veris fidei & bonis charitatis, n : 677. 679. 711. 8635. 8638. 8639. 8640. 10729. Quod qui solum in veris sunt & non in bono, non regenerari possint, 6567. 8725. Quod nemo regeneretur, nisi sit charitate præditus, n : 989. Quod non regenerari queant, nisi qui conscientiam habent, n : 2689. 5470. Quod quisque regeneretur secundum facultatem recipiendi bonum amoris in Dominum & charitatis erga proximum per vera fidei ex doctrinâ Ecclesiæ, quæ ex Verbo, n : 2967. 2975. Quinam porro regenerari possunt, & quinam non possunt, n : 2689. Qui vitam fidei & charitatis vivunt, & in mundo non regenerantur, quod in altera vita regenerentur, n : 989. 2490.

185. *Quod Regeneratio a solo Domino.* Quod solus Dominus regeneret hominem, & prorsus nihil homo, nec angelus, n : 10067. Quod Regeneratio hominis sit imago gloriificationis Domini, hoc est, quod sicut Dominus Humanum suum Divinum fecit, ita Dominus hominem, quem regenerat, faciat spiritualem, n : 3043. 3138. 3212. 3296. 3490. 4402. 5688. 10057. 10076. Quod Dominus velit habere totum hominem, quem regenerat, & non partem, n : 6138.

186. *Plura de Regeneratione.* Quod homo regeneretur per vera fidei, & per vitam secundum illa, n : 1904. 2046. 9088. 9959. 10028. Quod hoc intelligatur per Domini verba, "*Nisi homo generetur per aquam & spiritum, non potest ingredi in Regnum Dei,*" Joh : 111 : 5 ; per aquam significatur verum fidei, & per spiritum vita secundum illud, n : 10240. Quod per aquam in Verbo significetur verum fidei, n : 2702. 3058. 5668. 8568. 10238. Quod etiam purificatio spiritualis, quæ est a malis & falsis, fiat per vera fidei, n : 2799. 5954. 7044. 7918. 9089. 10229. 10237. Quod Vera, cum regeneratur homo, infeminetur & implantentur bono, ut fiant vitæ, n : 880. 2189. 2475. 2697. Vera qualia erunt, ut implantari queant bono, n : 8725. Quod verum initietur & conjungatur bono, ac bonum vero reciproce, in regeneratione, n : 5365. 8516. Quomodo initiatio & conjunctio reciproca fit, n : 3155. 10067. Quod Verum implantetur Bono, cum sit voluntatis, quoniam tunc fit amoris n : 10367.

Quod sint bini status homini qui regeneratur, primus cum ducitur per verum ad bonum, alter cum ex bono agit, & ex bono videt verum, n : 7992. 7993. 8505. 8506. 8516. 8512. 8516. 8643. 8648. 8658. 8685. 8690. 8701. 8772. 9227. 9230. 9274. 9739. 10048. 10057. 10058. 10076. Qualis status hominis, cum verum primo loco est, & bonum secundo, n : 3610. Inde patet, quod homo cum regeneratur, ex vero spectet ad bonum, sed cum regeneratus est, ex bono spectet verum, n : 6247. Ita quod fiat quasi versura, in eo quod status hominis invertatur, n : 6507.

Sed sciendum est, quod ita se res habeat, quod, cum homo regeneratur, verum primo loco & bonum secundo sit non actualiter sed modo apparenter, at quod, cum homo regeneratus est, bonum primo loco sit & verum secundo actualiter & perceptibiliter, n : 3324. 3325. 3330. 3336. 3494. 3539. 3548. 3556. 3563. 3570. 3576. 3603. 3701. 4243. 4244. 4247. 4337. 4925.

4926. 4928. 4930. 4977. 5351. 6256. 6269. 6273. 8516. 10110. Ita quod bonum sit primum & ultimum regenerationis, n : 9337. Quia verum primo loco apparet esse, & bonum secundo cum regeneratur homo, seu quod idem, cum homo fit Ecclesia, quod propter illam apparentiam ab Antiquis controversum sit, num verum fidei vel num bonum charitatis sit primogenitum Ecclesiae, n : 367. 2435. Quod bonum charitatis sit primogenitum Ecclesiae actualiter, at verum fidei modo apparenter, n : 3325. 3494. 4925. 4926. 4928. 4930. 8042. 8080. Quod etiam per primogenitum in Verbo significetur primum Ecclesiae, cui prioritas & superioritas, n : 3325. Quod ideo Dominus dicatur Primogenitus, quia in Ipso & ab Ipso omne bonum amoris, charitatis, & fidei, n : 3325.

Quod non redeundum sit a statu posteriori, qui est cum a bono spectatur verum, ad statum priorem, qui est cum a vero spectatur bonum, causae, n : 2454. 3650 ad 3655. 5895. 5897. 7857. 7923. 8505. 8506. 8510. 8512. 8516. 9274. 10184 : explicantur ibi Domini verba, "*Qui tunc in agro, ne revertatur retro ad tollendum vestimenta sua,*" Matth : xxiv : 18 : tum, "*Quicumque tunc agro, ne revertatur in, quae post illum; mementote uxoris Lothi,*" Luc : xvii : 31. 32, nam illa per ea verba significantur.

Processus regenerationis hominis, quomodo sit, describitur, n : 1555. 2343. 2490. 2657. 2979. 3057. 3286. 3310. 3316. 3332. 3470. 3701. 4353. 5112. 5126. 5270. 5280. 5342. 6717. 8772. 8773. 9043. 9103. 10021. 10057. 10367. Quod arcana regenerationis innumerabilia sint, quoniam regeneratio perstat per totam vitam hominis, n : 2679. 3179. 3584. 3665. 3694. 3701. 4377. 4551. 4552. 5122. 5126. 5398. 5912. 6751. 9103. 9258. 9296. 9297. 9334. Quod vix aliquid ex arcanis illis ad cognitionem & perceptionem hominis perveniat, n : 3179. 9336 : quod hoc sit quod intelligitur per Domini verba, "*Ventus quo vult spirat, & sonum ejus audis, sed non scis unde venit & quo vadit; ita est quisquis natus est ex spiritu,*" Joh : iii : 8. De Processu regenerationis hominis Ecclesiae spiritualis, n : 2675. 2678. 2679. 2682. Et de Processu regenerationis hominis Ecclesiae coelestis, & quae differentia, n : 5113. 10124.

Quod cum homine, qui regeneratur similiter se habeat, sicut cum infante, quod primum discat loqui, dein cogitare, postea vivere bene, usque dum omnia sponte sicut a se fluant, n : 3203. 9296. 9297. Ita quod, qui regeneratur, primum ducatur a Domino sicut infans, dein sicut puer, postea sicut adultus, n : 3665. 3690. 4377. 4378. 4379. 6751. Quod homo, cum regeneratur a Domino, primum in statu innocentiae externae sit, qui est status ejus infantiae, dein successive perducatur in statum innocentiae internae, qui est status ejus sapientiae, n : 9334. 9335. 10021. 10210. Quae & qualis innocentia infantiae, & quae & qualis innocentia sapientiae, n : 1616. 2305. 2306. 3495. 4563. 4797. 5608. 9301. 10021. Comparatio regenerationis hominis cum conceptione & formatione embryonis in utero, n : 3570. 4931. 9258. Quod ideo generationes & nativitates in Verbo significant generationes & nativitates spirituales; hoc est, quae sunt regenerationis, n : 613.

n : 613. 1145. 1255. 2020. 2584. 3860. 3868. 4070. 4668. 6239. 10197.
Regeneratio hominis illustrata per germinationes in Regno vegetabili, n : 5115.
5116. Regeneratio hominis repræsentata in iride, n : 1042. 1043. 1053.

Quod uterque homo tam Internus seu spiritualis, quam Externus seu naturalis, regenerandus sit, & quod unus per alterum, n : 3868. 3870. 3872. 3876. 3877. 3882. Quod Internus homo prius regeneretur quam Externus, quoniam Internus est in luce cœli, & Externus in luce mundi, n : 3321. 3325. 3469. 3493. 4353. 8748. 9325. Quod Externus seu naturalis homo regeneretur per Internum seu spiritualem, n : 3286. 3288. 3321. Quod homo non regeneratus sit, priusquam Externus seu Naturalis ejus homo regeneratus est, n : 8742 ad 8747. 9043. 9046. 9061. 9328. 9334. Nisi Naturalis homo regeneratur, quod Spiritualis claudatur, n : 6299. Et quod sit quoad vera & bona fidei & amoris quasi cæcus, n : 3493. 3969. 4353. 4587. Quando Naturalis homo regeneratus est, quod totus homo regeneratus sit, n : 7442. 7443. Quod hoc significetur per lavationem pedum discipulorum, & per hæc Domini verba, "*Qui lotus est, non opus habet nisi quoad pedes lavetur, & mundus est totus,*" Joh : xiiii : 9. 10. n : 10243; quod Lavatio in Verbo significet lavationem spiritualem, quæ est purificatio a malis & falsis, n : 3147. 10237. 10241; Et quod Pedes significant illa quæ sunt Naturalis hominis, n : 2162. 3761. 3986. 4280. 4938 ad 4952; ita quod lavare pedes sit purificare naturalem hominem, n : 3147. 10241.

Quomodo Naturalis homo regeneratur, n : 3502. 3508. 3509. 3510. 3573. 3576. 3579. 3616. 3762. 3786. 5373. 5647. 5650. 5651. 5660. Qualis Naturalis homo est cum regeneratus, & qualis cum non regeneratus, n : 8744. 8745. Quod quantum Naturalis homo non pugnat cum Spirituali, tantum homo regeneratus sit, n : 3286. Cum regeneratus est homo, quod Naturalis homo percipiat spiritualia per influxum, n : 5651.

Quod Sensuale, quod est ultimum Naturalis hominis, hodie non regeneretur, sed quod homo elevetur ab illo, n : 7442. Quod illi, qui regenerantur, eleventur a sensualibus actualiter in lucem cœli, n : 6183. 6454. Quis & qualis sensualis homo, videatur supra in Collectis, n : 50.

Quod homo regeneretur per influxum in cognitiones boni & veri, quas habet, n : 4096. 4097. 4364. Quod homo, cum regeneratur, introducatur per bona & vera media in bona & vera genuina, & quod postea vera & bona media relinquuntur, & genuina loco illorum succedant, n : 3665. 3690. 3686. 3974. 4063. 4067. 4145. 6382. Quod tunc inducatur alius ordo inter vera & bona, n : 4250. 4251. 9931. 10303. Quod disponantur secundum fines, n : 4104. Ita quod secundum usus vitæ spiritualis, n : 9297. Quod, qui regenerantur, plures status subeant, ac jugiter perducantur interius in Cœlum, ita propius ad Dominum, n : 6645. Quod regeneratus sit in ordine cœli, n : 8512. quod Internum ejus sit apertum in Cœlum, n : 8512. 8513. Quod homo per regenerationem in intelligentiam angelicam veniat, at quod illa in interioribus ejus abscondita lateat, quamdiu vivit in mundo, sed quod aperiat

riatur in altera vita, & quod tunc ei similis sapientia sit, qualis est Angelis, n : 2494. 8747. Status illorum, qui regenerantur, quoad illustrationem, n : 2697. 2701. 2704. Quod homo per regenerationem novum intellectum accipiat, n : 2657. Quomodo se habet cum fructificatione boni & multiplicatione veri apud illos qui regenerantur, n : 984. Quod vera ex bono apud regeneratum faciant, sicut stellam per derivationes successivas, & se circumcirca continue multiplicent, n : 5912. Quod vera ex bono apud regeneratum disposita sint in eum ordinem, ut genuina vera boni, ex quibus ut parentibus procedunt reliqua, sint in medio, & deini succedant ordine secundum propinquitates & affinitates, usque ad ultima, ubi obscurum, n : 4128. 4551. 4552. 5134. 5270. Quod vera ex bono apud regeneratum disposita sint in formam Cœli, n : 3316. 3470. 3584. 4302. 5704. 5709. 6028. 6690. 9931. 10303 ; & in Opere de Cœlo & Inferno, in Articulo *de Forma Cœli, secundum quam consociationes & communicationes ibi*, n : 200 ad 212 : & *de Sapientia Angelorum Cœli*, n : 265 ad 275.

Quod apud Regeneratum correspondentia sit inter spiritualia & naturalia, n : 2850. Quod ordo vitæ prorsus inversus sit apud Regeneratum, n : 3332. 5159. 8995. Quod homo regeneratus sit prorsus novus quoad spiritum, n : 3212. Quod Regeneratus quoad externa appareat similis non Regenerato, non autem quoad interna, n : 5159. Quod bonum spirituale, quod est ex affectione amoris boni velle & facere bonum, non sit homini nisi quam per regenerationem, n : 4538. Quod vera, qua affectione intrant, etiam reproducantur, n : 5893. Quod vera, quantum deprivantur vita a proprio hominis, tantum conjungantur bono, & vitam spiritualem accipiant, n : 3607. 3610. Quod veris tantum vita sit, quantum mala ex amore sui & mundi removeantur, n : 3610.

Quod prima affectio veri apud hominem, qui regeneratur, non sit pura, sed quod successive purificetur, n : 3089. 8413. Quod mala & falsa apud hominem, qui regeneratur, lente removeantur, & non cito, n : 9334. 9335. Quod mala & falsa, quæ propria hominis, usque remaneant, & quod modo per regenerationem removeantur, n : 865. 868. 887. 929. 1581. 2406. 4564. 8206. 8393. 8988. 9014. 9333 ad 9336. 9445. 9447. 9448. 9451 ad 9454. 9938. 10057. 10059. Quod homo nusquam ita regenerari possit, ut perfectus dici queat, n : 894. 5122. 6648. Quod mali spiritus non ausint aggredi regeneratum, n : 1695. Quod qui credunt justificationem in Ecclesia, parum sciant de Regeneratione, n : 5398.

Quod liberum homini esse debeat, ut possit regenerari, n : 1937. 1947. 2876. 2881. 3145. 3146. 3158. 4031. 8700. Quod homo in Liberum coeleste introducatur per regenerationem, n : 2874. 2875. 2882. 2892. Quod nulla conjunctio boni & veri detur per coactum, ita nulla regeneratio, n : 2875. 2881. 4031. 8700. Reliqua de Libero circa Regenerationem, videatur supra in Doctrina, ubi de LIBERO.

Qui regeneratur, quod necessario Tentationes subiturus sit, n : 3696. 8403. Quoniam Tentationes fiunt propter conjunctionem boni & veri, tum propter conjunctionem Interni & Externi hominis, n : 4248. 4272. 5772.

De Tentatione.

187. **S**olum qui regenerantur Tentationes spirituales subeunt; nam Tentationes spirituales sunt dolores mentis apud illos qui in bonis & veris sunt, inductæ a spiritibus malis; hi dum excitant mala quæ apud illos, oritur Anxietas quæ Tentationis: homo nescit unde venit, quia nescit hanc originem.

188. Sunt enim apud unumquemvis hominem spiritus mali & spiritus boni; spiritus mali sunt in ejus malis, & spiritus boni in ejus bonis: spiritus mali cum prope veniunt, educunt ejus mala, ac spiritus boni vicissim ejus bona, inde collisio & pugna, ex quibus homini anxietas interior, quæ est Tentatio. Inde patet, quod Tentationes inducantur ab inferno, & non e cælo; quod etiam ab Ecclesiæ fide est, quæ est quod Deus neminem tentet.

189. Sunt quoque anxietates interiores apud illos, qui non in bonis & veris sunt, sed anxietates naturales, non autem spirituales: dignoscuntur per id, quod anxietates naturales pro objecto habeant mundana, sed anxietates spirituales cœlestia.

190. In Tentationibus agitur de dominio boni super malum, aut mali super bonum; malum quod dominari vult, est in naturali seu externo homine, & bonum in spirituali seu interno; si malum vincit, tunc naturalis homo dominatur, si bonum vincit tunc spiritualis homo.

191. Pugnæ illæ fiunt per vera fidei quæ ex Verbo; ex illis pugnet homo contra mala & falsa, si ex aliis quam ex illis, non vincit, quia non in aliis est Dominus. Quia pugna fit per vera fidei, idcirco homo non prius in pugnam illam admittitur, quam cum in veri & boni cognitionibus est, & inde aliquam vitam spiritualem adeptus est; quapropter pugnæ illæ non prius apud hominem existunt, quam cum is ætate adolevit.

192. Si homo succumbit, fit status ejus post tentationem pejor statu ejus ante illam, quippe malum tunc acquisivit sibi potentiam super bonum & falsum super verum.

193. Quoniam hodie fides rara est quia non charitas, est enim Ecclesia in suo fine, idcirco pauci hodie in aliquas tentationes spirituales admittuntur: inde est, quod vix sciatur, quid sunt & ad quid conducunt.

194. Tenta-

194. Tentationes conducunt ad acquirendum dominium bono super malum ac vero super falsum; tum ad confirmanda vera, & ad conjungenda illa bonis, & simul ad discutienda mala & inde falsa; conducunt etiam ad aperiendum internum spiritualem hominem, & ad ei subjiendum naturalem; tum quoque ad infringendum amores sui & mundi, & ad domandum concupiscentias quæ inde sunt. Quibus factis, homini fit illustratio & perceptio quid verum & bonum, & quid falsum & malum; inde fit homini intelligentia & sapientia, quæ postea indies crescunt.

195. Solus Dominus pro homine pugnat in tentationibus; si homo non credit, quod Dominus solus pugnet pro illo & vincit pro illo, tunc tentationem modo externam subit, quæ ei non conducit.

Ex Arcanis Cœlestibus.

196. **A**Ntequam summatim traditur, quid in Arcanis Cœlestibus de Tentationibus scriptum est, aliquid præfandum est de illis, ut clarius adhuc sciatur undenam sunt. Tentatio spiritualis dicitur, cum intus in homine impugnantur Vera fidei, quæ homo corde credit, & secundum quæ vivere amat, imprimis cum impugnatur bonum amoris, in quo ponit vitam spiritualement. Impugnationes illæ fiunt variis modis, per influxum scandalorum in cogitationes & quoque in voluntatem, contra vera & bona, tum per emersionem & recordationem continuam malorum quæ homo fecerat, & falsorum quæ cogitaverat, ita per inundationem talium; & simul tunc per apparentem interclusionem interiorum mentis, & sic communicationis cum cœlo, per quod ei intercipitur cogitare ex sua fide, ac velle ex suo amore: hæc fiunt a malis spiritibus qui apud hominem; & cum fiunt, apparent sub specie anxietatum interiorum, ac dolorum conscientiae, quoniam talia afficiunt & cruciant vitam hominis spiritualement, credente homine quod non sit a malis spiritibus, sed ex se in interioribus; quod homo non sciat quod non illa sint ex malis spiritibus, est causa, quia non scit quod spiritus sint apud illum, mali in malis ejus & boni in bonis ejus, & quod sint in ejus cogitationibus & affectionibus. Tentationes illæ gravissimæ sunt, quando conjunctæ sunt cum doloribus inflctis corpori, & magis si dolores illi diu persistunt & ingravescunt, ac imploratur Divina Misericordia, & usque non liberatio; inde desperatio quæ finis. Hic primum aliqua ex ARCANIS COELESTIBUS afferenda sunt de Spiritibus apud hominem, quia ab illis tentationes: Quod apud unumquemvis hominem sint spiritus & angeli, n: 697. 5846 ad 5866. Quod sint in ejus cogitationibus & affectionibus, n: 2888. 5846. 5848. Quod si
 N 2 aufer-

auferrentur spiritus & angeli, homo non vivere possit, n : 2887. 5849. 5854. 5993. 6321 : Quia homini per spiritus & angelos est communicatio & conjunctio cum Mundo spirituali, sine qua non foret vita homini, n : 697. 2796. 2886. 2887. 4047. 4048. 5846 ad 5866. 5976 ad 5993. Quod spiritus apud hominem mutantur secundum ejus affectiones quæ amoris, n : 5851. Quod spiritus ab inferno sint in amoribus propriis hominis, n : 5852. 5979 ad 5993. Quod spiritus inirent in omnia memoriæ hominis, n : 5853. 5857. 5859. 5860. 6192. 6193. 6198. 6199. Quod angeli in fines, ex quibus & propter quos homo ita non aliter cogitat, vult, agit, n : 1317. 1645. 5844. Quod homo non appareat spiritibus, sicut nec spiritus homini, n : 5885. Inde quod spiritus nihil possint videre quod est in mundo nostro solari per hominem, n : 1880. Quod tamen spiritus & angeli sunt apud hominem in ejus cogitationibus & affectionibus, usque tamen homo in libero sit cogitandi, volendi, & agendi, n : 5982. 6477. 8209. 8307. 10777. Et præterea in Opere de Cælo & Inferno, ubi agitur de Conjunctione Cæli cum Humano genere, n : 291 ad 302.

197. *Tentationes unde & quales.* Quod Tentationes existant a malis spiritibus qui apud hominem, ac injiciunt scandala contra bona & vera, quæ homo amat & credit, & quoque excitant mala quæ fecerat, & falsa quæ cogitaverat, n : 741. 751. 761. 3927. 4307. 4572. 5036. 6657. 8960. Quod mali spiritus tunc omni actu & malitia utantur, n : 6666. Quod homo, qui in tentationibus, juxta infernum sit, n : 8131. Quod in Tentationibus binæ vires agant, vis a Domino ab interiori, & vis ab inferno ab exteriori, & quod homo sit in medio, n : 8168.

Quod in tentationibus impugnetur amor regnans hominis, n : 847. 4274. Quod mali spiritus aggrediantur solum illa quæ sunt fidei & amoris hominis, ita quæ sunt ipsius vitæ ejus spiritualis, quare tunc de vita ejus æterna agitur, n : 1820. status tentationum comparatus cum statu hominis inter latrones, n : 5248. Quod in tentationibus Angeli a Domino teneant hominem in veris & bonis, quæ apud illum, mali autem spiritus in falsis & malis quæ apud illum, inde confictus & pugna, n : 4249.

Quod Tentatio sit pugna inter hominem Internum seu spiritualem & inter Externum seu naturalem, n : 2183. 4256. Ita inter jucunda Interni & Externi hominis, quæ tunc sibi opposita sunt, n : 3928. 10351. Quod existat propter dissidium inter illa, n : 3928. Ita quod agatur de dominio unius super alterum, n : 3928. 8961.

Quod nemo tentari possit, nisi sit in agnitione veri & boni, & in affectione illorum, quoniam alioquin non sit pugna, non enim est spirituale agens contra naturale, ita non de dominio, n : 3928. 4299. Quod is tentetur qui aliquam vitam spirituales nactus est, n : 8963. Quod Tentationes existant apud illos qui conscientiam habent, ita qui in amore spirituali sunt; graviores autem apud illos qui perceptionem, ita qui in amore cœlesti sunt, n : 1668. 8963. Quod mortui homines, hoc est, qui non in fide & amore in Deum & in amore erga proximum sunt, non admittantur in Tentationes, quoniam succumberent,

rent, n : 270. 4274. 4299. 8964. 8968. Quod ideo pauci hodie in Tentationes spirituales, n : 8965. Sed quod illis sint anxietates propter varias causas in mundo, quæ fuerunt, quæ sunt, & quæ futura sunt, quæ causæ conjunctæ solent esse cum infirmitate animi ac invalidudine corporis, quæ non sunt anxietates tentationum, n : 762. 8164. Quod Tentationes spirituales conjunctæ soleant esse cum doloribus corporis, & non conjunctæ, n : 8164. Quod status tentationum sit immundus & squalidus, quia injiciuntur mala & falsa, & quoque dubia de bonis & veris, n : 5246. Tum quia in tentationibus sunt indignationes, dolores animi, & plures affectiones non bonæ, n : 1917. 6829. Quod etiam sit obscurum & dubium de fine, n : 1820. 6829. Et quoque de Divina Providentia & auditione, quoniam in tentationibus preces non ita audiuntur, sicut extra illas, n : 8179. Et quia homo, cum in tentatione est, sibi videatur in damnatione esse, n : 6097. Causa quod ita sit, est, quia homo sentit clare quæ in Externo homine fiunt, ita quæ mali spiritus injiciunt & evocant, secundum quæ etiam homo de suo statu cogitat, non autem sentit quæ in Interno homine fiunt, ita quæ per Angelos a Domino influunt, ex quibus ideo nec de statu suo judicare potest, n : 10236. 10240.

Quod Tentationes ut plurimum perducantur ad desperationem, quæ est ultimum illarum, n : 1787. 2694. 5279. 5280. 6144. 7147. 7155. 7166. 8165. 8567. Causæ, n : 2694. Quod in ipsa tentatione etiam sint desperationes, sed quod desinant in communem, n : 8567. Quod homo in desperatione loquatur acerba, sed quod ad illa a Domino non attendatur, n : 8165. Peracta tentatione quod primum sit fluctuatio inter verum & falsum, n : 848. 857. Sed quod postea luceat verum, & fiat serenum & lætum, n : 3696. 4572. 6829. 8367. 8370.

Quod qui regenerantur, non semel sed pluries subeant tentationes, quoniam plura mala & falsa removenda sunt, n : 8403. Quod qui aliquam vitam spiritualement adepti sunt, si in mundo non subeunt tentationes, in altera vita subeant, n : 7122. Quomodo tentationes fiunt in altera vita, & ubinam, n : 537. 538. 539. 699. 1106 ad 1113. 1122. 2694. 4728. 4940 ad 4951. 6119. 6928. 7090. 7122. 7123. 7186. 7317. 7474. 7502. 7541. 7542. 7545. 7768. 7990. 9331. 9763. De statu illustrationis illorum, qui e tentatione veniunt, & elevantur in cælum, & de receptione illorum ibi, n : 2699. 2701. 2704.

Tentatio per defectum veri, & desiderium veri tunc, qualis, n : 2682. 8352. Tentatio infantum in altera vita, per quam discunt resistere malis, qualis, n : 2294. Discrimen inter tentationes, infestationes, & vastationes, quale, n : 7474.

198. *Tentationes quomodo & quando.* Quod pugnae spirituales imprimis fiant per vera fidei, n : 8962. Quod verum sit primum pugnae, n : 1685. Quod homines Ecclesiæ spiritualis tententur quoad vera fidei, quare illis est pugna per vera, at quod homines Ecclesiæ cœlestis tententur quoad bona amoris,

amoris, quare illis, est pugna per bona, n : 1668. 8963. Quod illi, qui ab Ecclesia spirituali sunt, ut plurimum non pugnent ex veris genuinis, sed ex illis quæ credit vera esse ex doctrinali suæ Ecclesiæ; quod doctrinale usque tale esse debet, ut conjungi queat bono, n : 6765.

Quod qui regeneratur, tentationes subiturus sit, & quod absque illis regenerari nequeat, n : 5036. 5403. Et quod Tentationes ideo necessariae sint, n : 700. Quod homo, qui regeneratur, tunc in tentationes veniat, cum malum conatur dominari super bonum, ac naturalis homo super spiritualem, n : 6857. 8961. Et quod in illas veniat, cum bonum debet agere primas, n : 4248. 4249. 4256. 8962. 8963. Quod illi, qui regenerantur, primum in statum tranquillitatis mittantur, dein in tentationes, & quod postea in statum tranquillitatis pacis redeant, qui est finis, n : 3696.

199. *Tentationes quid boni efficiunt.* Quid Tentationes efficiunt, in summa, n : 1692. 1717. 1740. 6144. 8958 ad 8969. Quod per tentationes acquiratur dominium spirituali seu interno homini super naturalem seu externum, consequenter bono super malum, ac vero super falsum, quoniam in spirituali homine est bonum, nam absque eo non est, & in naturali malum, n : 8961. Quoniam tentatio est pugna inter illa, inde agitur de dominio, nempe num sit spirituali homini super naturalem, proinde num bono super malum, aut vicissim, proinde num sit Domino super hominem, vel num inferno, n : 1923. 3928. Quod Externus seu naturalis homo per tentationes recipiat vera correspondentia affectioni eorum in Interno seu spirituali homine, n : 3321. 3928. Quod Internus spiritualis homo per tentationes aperiatur, & jungatur cum Externo; ut homo quoad utrumque elevari possit, & spectare ad Dominum, n : 10865. Causa quod Internus spiritualis homo per tentationes & aperiatur & jungatur cum Externo, est quia Dominus ab interiori agit, ac influit inde in Externum, ac removet ibi & subjugat mala, ac cum illis subicit & subordinat eum Interno, n : 10685.

Quod Tentationes sint propter conjunctionem boni & veri, & propter discussionem falforum adhaerentium veris & bonis, n : 4572. Ita quod per tentationes jungatur bonum veris, n : 2272. Quod vasa recipientia veri per tentationes emolliantur, ac induant statum recipiendi bonum, n : 3318. Quod vera & bona per tentationes confirmantur & implantentur, ita illa quæ fidei & charitatis sunt, n : 8351. 8924. 8966. 8967. Et quod mala & falsa removeantur, & sic locus detur bonis & veris, n : 7122. Quod per tentationes infringantur amores sui & mundi, ex quibus omnia mala & falsa, n : 5356. Et quod sic homo humilietur, n : 8966. 8967. Quod mala & falsa per tentationes domentur, separentur, & removeantur, sed non aboliantur, n : 868. Quod per tentationes domentur corporea, & eorum concupiscentiæ, n : 857. 858. Quod homo per illas discat quid bonum & verum, etiam ex relatione ad opposita, quæ sunt mala & falsa, n : 5356. Quod etiam discat, quod apud se non sit nisi quam malum, & quod omne bonum, quod apud illum, sit a Domino, & ex Ipsius Misericordia, n : 2334.

Quod

Quod homo per tentationes, in quibus vincit, mali spiritus depriventur potentia ulterius contra illum agendi, n : 1695. 1717. Quod Inferna contra illos, qui tentationes passi sunt & vicerunt, non audent exsurgere, n : 2183. 8273.

Quod post tentationes, in quibus homo vicit, sit gaudium oriundum ex conjunctione boni & veri, tamen si homo nescit quod gaudium tunc inde sit, n : 4572. 6829. Quod tunc illustratio veri quod fidei, & perceptio boni quod amoris, n : 8367. 8370. Quod inde ei intelligentia & sapientia, n : 8966. 8967. Quod vera post tentationes immensum crescant, n : 6663. Et quod bonum primas agat, seu primo loco sit, ac verum secundo, n : 5773. Et quod homo quoad Internum spiritualem hominem in societates angelicas immittatur, ita in cœlum, n : 6611.

Quod vera cum bonis, antequam homo subit tentationes, apud illum in ordinem disponantur a Domino, ut resisti possit malis & falsis quæ apud illum ab inferno, & excitantur, n : 8131. Quod Dominus in tentationibus prospiciat bonum, loco quod infernales spiritus intendunt malum, n : 6574. Quod Dominus vera cum bonis post tentationes in novum ordinem redigat, & disponat in formam cœlestem, n : 10685. Quod interiora hominis spiritualis disposita sint in formam cœlestem, videatur in Opere de Cœlo & Inferno, & ibi in Articulo, de Forma cœli, secundum quam consociationes & communicationes ibi, n : 200 & 212.

Quod qui in Tentationibus succumbunt, in damnationem veniant, quia mala & falsa vincunt, & naturalis homo super spirituales, ac postea dominatur, & quod tunc status posterior fiat pejor priori, n : 8165. 8169. 8961.

200. *Quod Dominus pugnet pro homine in tentationibus.* Quod Dominus solus apud hominem in tentationibus pugnet, & homo nihil ex se, n : 1692. 8172. 8175. 8176. 8273. Quod homo nequaquam ex se possit pugnare contra mala & falsa, quia id foret contra omnia inferna, quæ domare & vincere nemo potest nisi solus Dominus, n : 1692. Quod Inferna pugnent contra hominem, & Dominus pro homine, n : 8159. Quod homo pugnet ex veris & bonis, ita ex cognitionibus & affectionibus illorum, quæ sunt apud illum, sed quod non homo, sed Dominus per illas, n : 1661. Quod homo in tentationibus putet Dominum abesse, quia preces tunc non ita audiuntur prout extra illas, sed quod usque Dominus tunc præsentior sit, n : 840. Quod homo in tentationibus quasi ex se pugnare debeat, & non remittere manus, & non expectare immediatam opem sed quod usque credet quod a Domino, n : 1712. 8179. 8969. Quod homo aliter non recipere possit proprium cœleste, n : 1937. 1947. 2882. 2883. 2891. Quale id proprium, quod non sit hominis sed Domini apud illum, n : 1937. 1947. 2882. 2883. 2891. 8497.

Quod Tentatio non conducat, nec aliquid boni inferat, si homo non credat, usque post tentationes, quod Dominus pugnaverit & vicerit pro illo,

illo, n : 8969. Qui meritum ponunt in operibus, quod non possint pugnare contra mala, quia pugnant ex proprio, & non permittunt Dominum pugnare pro illis, n : 9978. Quod ægre salvari queant, qui credunt se per tentationes meruisse cœlum, n : 2273.

Quod Dominus non tentet, sed liberet, & inducat bonum, n : 2768. Quod Tentationes appareant sicut a Divino, cum tamen non sunt, n : 4299. Quomodo intelligitur in Oratione Dominica per, Ne inducas nos in tentationes, ab experientia, n : 1875. Quod Dominus in tentationibus non concurrat permittendo, secundum ideam quam homo habet de permissione, n : 2768.

Quod in omni Tentatione sit liberum, tamen non ita apparet, sed quod id liberum sit interius apud hominem a Domino, & quod ideo pugnet & velit vincere, & non vinci, quod absque libero non faceret, n : 1937. 1947. 2881. Quod Dominus per affectionem veri & boni impressam. Interno homini id faciat, infcio homine, n : 5044. Nam omne liberum est affectionis seu amoris, & secundum quale ejus, n : 2870. 3158. 8907. 8990. 9585. 9591.

201. *De Tentationibus Domini.* Quod Dominus præ omnibus gravissimas & immanes Tentationes sustinuerit, quæ parum descriptæ sunt in sensu literæ Verbi, sed multum in sensu interno, n : 1663. 1668. 1787. 2776. 2786. 2795. 2814. 9528. Quod Dominus ex Divino Amore erga totum Genus humanum, pugnaverit, n : 1690. 1691. 1812. 1813. 1820. Quod Domini Amor fuerit salus Generis humani, n : 1820. Quod Dominus ex propria potentia pugnaverit, n : 1692. 1813. 9937. Quod Dominus per tentationes & victorias ex propria potentia Justitia & Meritum factus sit solus, n : 1813. 2025. 2026. 2027. 9715. 9809. 10019. Quod Dominus per Tentationes univerit Ipsum Divinum, quod fuit in Se ex conceptione, Humano suo, & hoc fecerit Divinum; sicut hominem per tentationes facit spiritualem, n : 1725. 1729. 1733. 1737. 3318. 3381. 3382. 4286. Quod Domini tentationes etiam in fine habuerint desperationem, n : 1787. Quod Dominus per Tentationes in se admissas subjugaverit Inferna, ac redegerit ibi & in cœlis omnia in ordinem, & simul Humanum suum glorificaverit, n : 1737. 4287. 9397. 9528. 9937. Quod Dominus solus contra omnia Inferna pugnaverit, n : 8273. Quod inde in se admiserit tentationes, n : 2816. 4295.

Quod Dominus non potuerit tentari quoad Divinum, quoniam inferna Divinum aggredi non possunt, quod ideo assumerit Humanum ex matre, tale quod tentari potuit, n : 1414. 1444. 1573. 5041. 5157. 7193. 9315. Quod per Tentationes & Victorias expulerit omne hæreditarium ex matre, & exuerit Humanum ex illa, usque tandem ut amplius non filius ejus esset, n : 2159. 2574. 2649. 3036. 10829. Quod Jehovah, Qui in Ipso ex conceptione, in tentationibus apparuerit sicut absens, n : 1815. Quod id fuerit status humiliationis Ipsi, n : 1785. 1999. 2159. 6866. Quod ultima

ultima Ipsius Tentatio & Victoria fuerit in Gethsemane & in Cruce, per quam plene subjugavit Inferna, & Humanum suum Divinum fecit, n : 2776. 2803. 2813. 2814. 10655. 10659. 10829.

Quod panem non edere & aquam non bibere 40 diebus significet statum integrum tentationum, n : 10686. Quod Quadraginta Anni, Menses aut Dies significant statum Tentationum plenarium a principio ad finem; & quod ille status significetur per durationem Diluvii 40 diebus, per commorationem Moysis super Monte Sinai 40 diebus; per commorationem filiorum Israelis in deserto 40 annis; & per Tentationes Domini in deserto 40 diebus, n : 730. 862. 2272. 2273. 8098.



De Baptismo.

202. **B**aptismus institutus est, in signum quod homo sit ab Ecclesia, & in memoriale quod regenerandus sit: Lavatio enim Baptismi non aliud est quam Lavatio spiritualis, quæ est Regeneratio.

203. Omnis Regeneratio fit a Domino per vera fidei, & per vitam secundum illa; ideo Baptismus testatur quod homo sit ab Ecclesia, & quod regenerari possit; nam in Ecclesia agnoscitur Dominus qui regenerat, & ibi est Verbum, ubi vera fidei, per quæ Regeneratio.

204. Hoc docet Dominus apud Johannem, "*Nisi quis generatus fuerit ex aqua & spiritu, non potest ingredi in Regnum Dei,*" III: 5; aqua in spirituali sensu est verum fidei ex Verbo, spiritus est vita secundum illud, & generari est ex illis regenerari.

205. Quia omnis qui regeneratur etiam subit tentationes, quæ sunt pugnae spirituales contra mala & falsa, ideo per aquas Baptismi etiam illæ significantur.

206. Quia Baptismus est in signum & in memoriale illorum, ideo homo baptizari potest infans, & si non tunc potest adultus.

207. Sciant itaque qui baptizati sunt, quod ipse Baptismus non det fidem, nec salutem, sed quod testetur quod recipiant fidem, & quod salventur, si regenerantur.

208. Inde constare potest, quid intelligitur per Domini verba apud Marcum, "*Qui crediderit & baptizatus fuerit, salvabitur; qui vero non crediderit, condemnabitur,*" XVI: 16; qui crediderit, est qui agnoscit Dominum, ac recipit Divina Vera ab Ipso per Verbum; qui baptizatus fuerit, est qui per illa a Domino regeneratur.

Ex Arcanis Cœlestibus.

209. **Q**UOD Baptismus significet Regenerationem a Domino per vera fidei ex Verbo, n: 4255. 5120. 9089. 10239. 10386. 10387. 10388. 10392. Quod Baptismus sit in signum quod homo sit ab Ecclesia, ubi agnoscitur Dominus a Quo regeneratio, & ubi est Verbum

ex quo vera fidei per quæ regeneratio, n : 10386. 10387. 10388. Quod Baptismus non det fidem, nec salutem, sed quod testetur quod recepturi qui regenerantur, n : 10391.

Quod Lavationes in Ecclesiis Antiquis, & in Ecclesia Israelitica, repræsentaverint & inde significaverint purificationes a malis & falsis, n : 3147. 9089. 10237. 10239. Quod Lavationes vestium significaverint purificationem intellectus a falsis, n : 5954. Quod Lavatio pedum significaverit purificationem naturalis hominis, n : 3147. 10241. Explicatur quid significatur per lavationem pedum Discipulorum a Domino, n : 10243.

Quod Aquæ significant vera fidei, n : 28. 2702. 3058. 5668. 8568. 10238. Quod fons & puteus aquarum vivarum significet vera fidei a Domino, ita Verbum, n : 3424. Quod Panis & aqua significant omnia bona amoris & vera fidei, n : 4976. 9323. Quod spiritus significet vitam veri, seu vitam fidei, n : 5222. 9281. 9818. Quid spiritus & caro; quod spiritus significet vitam a Domino, & caro vitam ab homine, n : 10283. Inde patet, quid significatur per hæc Domini verba, "*Nisi quis generatus fuerit ex aqua & spiritu, non potest ingredi in Regnum Dei,*" quod nempe nisi quis regeneratus fuerit per vera fidei & per vitam secundum illa, non possit salvari, n : 10240. Quod omnis regeneratio fiat per vera fidei, & per vitam secundum illa, n : 1904. 2046. 9088. 9959. 10028.

Quod Lavatio totalis, quæ fiebat per immersionem in aquas Jordanis, significaverit ipsam Regenerationem, similiter ac Baptismus, n : 9089. 10239. Quid significaverunt aquæ Jordanis, & quid Jordanes, n : 1585. 4255.

Quod diluvium & inundatio aquarum significant tentationes, n : 660. 705. 739. 756. 790. 5725. 6853. Similiter Baptismus, n : 5120. 10389. Quomodo repræsentatus est Baptismus e cælo, n : 2299.



De Sancta Cœna.

210. **S**ancta Cœna a Domino instituta est, ut per illam fit conjunctio Ecclesiæ cum Cœlo, ita cum Domino: ideo illa est sanctissimum Cultus.

211. Sed quomodo per illam fit conjunctio, non capiunt illi, qui non sciunt aliquid de sensu interno seu spiritali Verbi, nam illi non ultra sensum externum, qui est sensus literæ, cogitant. Ex sensu interno seu spiritali Verbi scitur, quid significat Corpus & Sanguis, & quid Panis & Vinum, tum quid Manducatio.

212. In illo sensu Corpus aut Caro Domini est Bonum amoris, similiter Panis; ac Sanguis Domini est Bonum fidei, similiter Vinum; ac Manducatio est appropriatio & conjunctio. Angeli, qui sunt apud hominem qui obit Sacramentum Cœnæ, non aliter intelligunt illa, spiritaliter enim percipiunt omnia; inde est, quod sanctum amoris & sanctum fidei influat tunc ab Angelis apud hominem, ita per Cœlum a Domino; inde Conjunctio.

213. Ex his patet, quod homo cum sumit Panem, qui est Corpus, jungatur Domino per bonum amoris in Ipsum ab Ipso; & cum sumit Vinum, quod est Sanguis, jungatur Domino per bonum fidei in Ipsum ab Ipso. Sed sciendum est, quod conjunctio cum Domino per Sacramentum Cœnæ fiat solum apud illos, qui in bono amoris & fidei in Dominum a Domino sunt: apud hos per Sanctam Cœnam est conjunctio, apud cæteros est præsentia & non conjunctio.

214. Præterea Sancta Cœna includit & comprehendit omnem Cultum Divinum institutum in Ecclesia Israelitica; holocausta enim & sacrificia, in quibus Cultus illius Ecclesiæ principaliter constabat, una voce dicta fuerunt Panis: inde etiam Sancta Cœna est Ejus complementum.

Ex Arcanis Cœlestibus.

QUIA non sciri potest, quid Sancta Cœna involvit, nisi sciatur quid singula ibi significant, nam illa correspondent Spiritualibus, ideo afferendum est quid significat Corpus & Caro, quid Panis, quid Vinum, quid Edere & Bibere; tum de Sacrificiis, in quibus Cultus Ecclesiæ Israeliticæ præcipue constabat, quod illa dicta fuerint Panis.

215. DE CœNA. Quod Prandia & Cœnæ significaverint consociationem per amorem, n : 3596. 3832. 4745. 5161. 7996. Quod Cœna Paschalis significaverit Consociationem in Cœlo, n : 7836. 7997. 8001. Quod Festum azymorum seu Paschatis significaverit Liberationem a damnatione a Domino, n : 7093. 7867. 9286 ad 9292. 10655 : In intimo sensu recordationem glorificationis Humani Domini, quoniam inde Liberatio, n : 10655.

216. DE CORPORE & CARNE. Quod Caro Domini significet Divinum Bonum Divini Amoris Ipsius, quod est Divini Humani Ipsius, n : 3813. 7850. 9127. 10283. Quod similiter Corpus, n : 2343. 2359. 6135. Quod Caro in genere significet Voluntarium ita Proprium hominis, quod in se spectatum est malum, sed quod vivificatum a Domino significet bonum, n : 148. 149. 780. 999. 3813. 8409. 10283. Quod inde Caro in Verbo sit totus homo & omnis homo, n : 574. 1050. 10283.

Dicitur hic & in sequentibus quod significant, ex causa quia correspondent, quicquid enim correspondet hoc significat, n : 2890. 2971. 2987. 2989. 3002. 3225. Quod Verbum per meras Correspondentias conscriptum sit, & quod inde sensus ejus internus seu spiritualis, qui absque scientia correspondentiarum non sciri potest quid est, & vix quod sit, n : 3131. 3472 ad 3485. 8615. 10657. Quod ideo per Verbum conjunctio Cœli sit cum homine Ecclesiæ, n : 10687. Plura de his videantur in Opere de CœLO & INFERNO, n : 303 ad 310, ubi de Conjunctione Cœli cum homine Ecclesiæ per Verbum agitur.

217. DE SANGUINE. Quod Sanguis Domini significet Divinum Verum procedens a Divino Bono Divini Amoris Ipsius, n : 4735. 4978. 7317. 7326. 7846. 7850. 7877. 9127. 9393. 10026. 10033. 10152. 10204. Quod Sanguis sparsus super Altare circumcirca & ad fundamentum significaverit unionem Divini Veri & Divini Boni in Domino, n : 10047. Quod sanguis uvarum significet Verum fidei ex bono charitatis, n : 6378. Quod Uva & Botrus significet bonum spirituale, quod est bonum charitatis, n : 5117. Quod effundere sanguinem sit violentiam inferre Divino Vero, n : 374. 1005. 4735. 5476. 9127. Quid significatur per quod ex latere Domini exiverit sanguis & aqua, n : 9127. Quid per quod Dominus redemerit hominem per sanguinem suum, n : 10152.

218. DE PANE. Quod Panis, ubi de Domino, significet Divinum Bonum Divini Amoris Domini, & reciprocum hominis qui edit, n : 2165. 2177. 3478. 3735. 3813. 4211. 4217. 4735. 4976. 9323. 9545. Quod Panis

Panis involvat & significet omnem Cibum in genere, n : 2165. 6118. Quod Cibus significet omne quod nutrit vitam spiritualem hominis, n : 4976. 5147. 5915. 6277. 8418. Ita Panis omnem cibum cœlestem & spiritua-lem, n : 276. 680. 2165. 2177. 3478. 6118. 8410. Sic omne quod exit ex ore Dei, secundum Domini verba, Matth : iv : 4, n : 681. Quod Panis in genere significet bonum amoris, n : 2165. 2177. 10686 : simile Triticum, ex quo Panis, n : 3941. 7605. Ubi in Verbo dicitur Panis & Aqua, quod sig-nificetur bonum amoris & verum fidei, n : 9323. Frangere panem, quod fuerit repræsentativum mutui amoris in Ecclesiis Antiquis, n : 5405. Quod Cibus spiritualis sit Scientia, Intelligentia & Sapientia, ita Bonum & Verum, quia ex his illæ, n : 3114. 4459. 4792. 5147. 5293. 5340. 5342. 5410. 5426. 5576. 5582. 5588. 5656. 8562. 9003 : Et quia nutriunt mentem, n : 4459. 5293. 5576. 6277. 8418. Sustentatio per Cibum, quod sit Nu-tritio spiritualis, ac influxus boni & veri a Domino, n : 4976. 5915. 6277.

Quod Panes super Mensa in Tabernaculo significaverint Divinum Bonum Divini Amoris Domini, n : 3478. 9545. Quod Minchæ in Sacrificiis, quæ erant Placentæ & Lagana, significaverint Cultum ex bono amoris, n : 4581. 10079. 10137. Quid Minchæ variæ in specie significaverunt, n : 7978. 9992. 9993. 9994. 10079.

Quod Antiqui, cum dixerunt Panem, intellexerint omnem Cibum in ge-nere, videatur Genes : xliii : 16. 31. Exod : xviii : 12. Jud : xiii : 15. 16. 1 Sam : xiv : 28. 29. Cap : xx : 24. 27. 2 Sam : ix : 7. 10. 1 Reg : iv : 22. 23. 2 Reg : xxv : 29.

219. DE VINO. Quod Vinum, ubi de Domino, significet Divinum Ve-rum procedens ex Divino Bono Ipsius, simile ac Sanguis, n : 1071. 1798. 6377. Quod Vinum in genere significet bonum charitatis, n : 6377. Quod Mustum significet Verum ex bono in Naturali homine, n : 3580. Quod Vinum dictum sit sanguis uvarum, n : 6378. Quod Vinea significet Eccle-siam quoad verum, n : 9139. 3220. Quod Libamen in Sacrificiis, quod erat vinum, significaverit bonum spirituale, quod est sanctum verum, n : 1072. Quod Dominus Solus sit Sanctus, inde quod omne Sanctum sit ab Ipso, n : 9229. 9680. 10359. 10360. Quod Divinum Verum procedens a Do-mino sit quod in Verbo vocatur Sanctum, n : 6788. 8302. 9229. 9820. 10361.

220. DE EDERE & BIBERE. Quod Edere significet appropriari & con-jungi per amorem & charitatem, n : 2187. 2343. 3168. 3513. 5643. Quod inde significet consociari, n : 8001. Quod Edere dicatur de appropriatione & conjunctione boni, ac Bibere de appropriatione & conjunctione veri, n : 3168. 3513. 3832. 9412. Quid significat comedere & bibere in Regno Domini, n : 3832. Inde est, quod famem habere & esurire, in Verbo sig-nificet ex affectione desiderare bonum & verum, n : 4958. 10227.

Quod Angeli illa, quæ nunc dicta sunt, non aliter intelligant quam se-cundum sensum internum seu spiritualem, quia in spirituali Mundo sunt, n : 10121. Quod inde Sanctum e Cœlo influat apud homines Ecclesiæ, cum sancte obeunt

obeunt Sacramentum Cœnæ, n: 6789. Et quod inde Conjunctio Domini, n: 1519. 3464. 3735. 5915. 10521. 10522.

221. DE SACRIFICIIS. Quod Holocausta & Sacrificia significaverint omnia Cultus ex bono amoris & veris fidei, n: 923. 6905. 8680. 8936. 10042. Quod Holocausta & Sacrificia significaverint Divina Cœlestia, quæ sunt interna Ecclesiæ ex quibus Cultus, n: 2180. 2805. 2807. 2830. 3519. Cum variatione & discrimine secundum varia Cultus, n: 2805. 6905. 8936. Quod ideo plura genera Sacrificiorum fuerint, & illorum varii Processus, & quoque variae bestiae, ex quibus n: 2830. 9939. 9990. Varia, quæ in genere significaverunt, quod constare possit ex singulis per sensum internum evolutis, n: 10042. Quid Bestiæ, quæ sacrificabantur, in specie significaverunt, n: 10042. Quod in Ritualibus & Processualibus Sacrificiorum contineantur Arcana Cœli, n: 10057. Quod in genere contineantur Arcana Glorificationis Humani Domini; ac in sensu respectivo arcana Regenerationis & purificationis hominis a malis & falsis, quapropter erant pro variis peccatis, reatibus, & purificationibus, n: 9990. 10022. 10042. 10053. 10057. Quid significatum est per quod imponent manus super bestias, quæ sacrificabantur, n: 10023. Quid per quod in Holocaustis inferiora mactatarum bestiærum ponerentur sub superioribus earum, n: 10051. Quid per Minchas, quæ tunc etiam adolebantur, n: 10079. Quid per Libamen, n: 4581. 10137. Quid per Sal, quod etiam adhibebatur, n: 10300. Quid per Altare, & omnia ejus, n: 921. 2777. 2784. 2811. 2812. 4489. 4541. 8935. 8940. 9388. 9389. 9714. 9726. 9963. 9964. 10028. 10123. 10151. 10242. 10245. 10344. Quid per Ignem altaris, n: 934. 6314. 6832. Quid per commensationem ex sanctificatis, n: 2187. 8682. Quod Sacrificia non mandata fuerint, sed Charitas & Fides, ita quod modo permixta, ostensum ex Verbo, n: 922. 2180. Cur permixta, n: 2180. 2818.

Quod Holocausta & Sacrificia, quæ fiebant ex Agnis, Capris, Ovibus, Hædis, Hircis, Juvencis, Bovibus, una voce dicta fuerint PANIS, constare potest ex his locis, "*Ille adolebit Sacerdos super Altari, Panis Igniti Jehovahæ,*" Levit: III: 11. 16. *Filii Abaronis Sancti erunt Deo suo, neque prophanabunt Nomen Dei sui, quia Ignita Jehovahæ, Panem Dei sui, illi offerentes. Sanctificabis illum, quia Panem Dei tui ille offerens. Vir de semine Abaronis, in quo fuerit macula, non accedet ad offerendum Panem Dei sui,*" Levit: XXI: 6. 8. 17. 21. "*Præcipe filiis Israelis, & dicas ad eos, oblationem meam, Panem meum, in ignita odoris quietis, observabitis, ut offeratis Mihi in statuto tempore suo,*" Num: XXVII: 2. "*Qui tetigerit immundum, non comedet de Sanctificatis, sed lavabit Carnem suam in aqua, & postea comedet de sanctificatis, quia Panis ejus hoc,*" Levit: XXII: 6. 7. "*Qui offerunt super Altari meo Panem pollutum,*" Malach: I: 7. Inde nunc est, quod supra n: 214, dictum sit nempe, "*Sancta Cœna includit & comprehendit omnem Cultum Divinum institutum in Ecclesia Israelitica; holocausta enim & sacrificia, in quibus Cultus illius Ecclesiæ principaliter constabat, una voce dicta fuerunt Panis; inde etiam Sancta Cœna est ejus complementum.*"

Ex omnibus his nunc videri potest, quid per Panem intelligitur apud Johannem, “Dixit illis Iesus, *Amen amen dico vobis, non Moses dedit illis Panem e Cœlo, sed Pater meus dat vobis Panem e Cœlo verum; Panis namque Dei est, qui descendit e Cœlo, & vitam dat Mundo. Dixerunt illi, Domine, semper da nobis Panem hunc; dixit illis Iesus, Ego sum Panis vitæ, qui venit ad Me, non esuriat, & qui credit in Me, non sitiet unquam. Qui credit in Me, habet vitam æternam; Ego sum Panis vitæ: hic est Panis qui e Cœlo descendit, ut quis ex eo comedit, non morietur: Ego sum Panis vivens, qui e Cœlo descendit, si quis comederit ex hoc Pane, vivet in æternum,*” VI: 31 ad 35. 47 ad 51. Ex his & illis patet, quod Panis sit omne Bonum quod procedit a Domino, nam Ipse Dominus est in suo Bono: ita quod Panis & Vinum in Sancta Cœna sint omnis Cultus Domini ex Bono amoris & fidei.

222. “His adjicientur aliqua ex ARCANIS COELESTIBUS, n: 9217. Qui “de Sensu interno seu spirituali Verbi nihil novit, non aliter scit quam quod “per Carnem & Sanguinem in Verbo intelligatur Caro & Sanguis; sed in “Sensu interno seu spirituali non agitur de vita corporis sed de vita “animæ hominis, hoc est, de vita spirituali ejus, quam victurus est in “æternum; hæc vita describitur in Verbo in sensu literæ per talia quæ “sunt vitæ corporis, nempe per Carnem & Sanguinem; & quia Vita spi- “ritualis hominis subsistit per bonum amoris & verum fidei, ideo bonum “amoris intelligitur per Carnem, & verum fidei per Sanguinem in sensu “interno Verbi: hæc per Carnem & Sanguinem intelliguntur in Cœlo; “similiter per Panem & Vinum, quoniam per Panem prorsus simile ibi “intelligitur quod per Carnem, & per Vinum prorsus simile quod per San- “guinem: sed illi, qui non spirituales homines sunt, hoc non capiunt; “maneant itaque in sua fide, modo credant quod in Sacra Cœna ac in “Verbo sanctum sit, quia a Domino; sit, quod non sciant ubi id sanctum, “usque qui aliqua perceptione interiore pollent, expendant num Caro per “carnem, & Sanguis per sanguinem intelligatur in his locis;” in Apoca- lypsi, “Vidi Angelum stantem in Sole, qui clamavit voce magna, dicens omnibus “avibus volantibus in medio cæli, congregamini ad Cœnam Magni Dei, ut co- “medatis Carnes Regum, & Carnes Chiliarchorum, & Carnes Fortium, & Carnes “Equorum: & Seditum super illis, & Carnes omnium liberorum & servorum, “parvorum & magnorum,” XIX: 17. 18; quis usquam hæc intelliget, nisi “sciat quid Caro in sensu interno significat, & nisi quid Reges, Chiliarchi, “fortes, equi, sedentes super illis, liberi & servi. Et apud Ezechielem, “Sic dixit Dominus Jehovih, dic omni avi cæli, omni bestię agri, congrega- “gamini & venite; congregate vos a circuitu super sacrificium meum, quod “Ego sacrifico vobis, Sacrificium magnum super montibus Israelis, ut come- “datis Carnem & bibatis Sanguinem, Carnem fortium comedetis, & Sanguinem “Principum terræ bibetis, & comedetis adipem ad satietatem, & bibetis san- “guinem usque ad ebrietatem, de sacrificio meo quod sacrificabo vobis; satia- “bimini super mensa mea, Equo, & Curru, Forti, & omni Viro belli: Sic dabo “gloriam

“ *gloriam meam inter Gentes,*” xxxix: 17. 18. 19. 20. 21; agitur ibi de
 “ Convocatione omnium ad Regnum Domini, & in specie de instauratione
 “ Ecclesiæ apud Gentes; & per comedere Carnem & bibere Sanguinem,
 “ significatur appropriare sibi Divinum bonum & Divinum verum, ita
 “ Sanctum quod procedit a Divino Humano Domini: quis non videre po-
 “ test, quod non Caro per Carnem & Sanguis per sanguinem ibi intelligatur,
 “ ut quod carnem fortium comederent, sanguinem principum terræ biberent,
 “ & quod sanguinem biberent usque ad ebrietatem; tum quod satiarentur
 “ equo, curru, forti & omni viro belli: quid per aves cœli & bestias agri
 “ in sensu spiritali significatur, videatur in Opere de Cœlo & Inferno,
 “ n: 110, & in Notis ibi (1). Expendantur nunc hæc, quæ Dominus de
 “ sua Carne & de suo Sanguine dixit apud Johannem, “ *Panis, quem Ego*
 “ *dabo, Caro mea est: amen, amen, dico vobis, nisi comederitis Carnem Filii*
 “ *hominis, & biberitis Ipsiūs Sanguinem, non habebitis vitam in vobis: qui come-*
 “ *dit meam Carnem, & bibit meum Sanguinem, habet vitam æternam, & Ego*
 “ *resuscitabo illum extremo die; nam Caro mea est vere Cibus, & Sanguis meus*
 “ *est vere Potus: qui comedit meam Carnem, & bibit meum Sanguinem, in Me*
 “ *manet, & Ego in illo: hic Panis est qui e Cœlo descendit,*” vi: 50 ad 58.
 “ Quod Caro Domini sit Divinum Bonum, & Sanguis Divinum Verum;
 “ utrumque ab Ipso, constare potest ex eo, quod illa sint quæ nutriunt vitam
 “ spiritualem hominis; inde dicitur, Caro mea est vere Cibus, & Sanguis
 “ meus est vere Potus; & quia homo per Divinum Bonum & Verum con-
 “ jungitur Domino, ideo etiam dicitur, qui comedit Carnem meam & bibit
 “ Sanguinem meum, habebit vitam æternam; & ille in Me manet & Ego
 “ in illo; & supra in eo Capite, “ *Ne operemini Cibus qui perit, sed cibum*
 “ *qui manet in vitam æternam,*” Vers: 27: quod manere in Domino sit esse
 “ in amore in Ipsum, Ipse Dominus docet apud Johannem,” Cap: xv: :
 2 ad 12..



De Resurrectione.

223. **H**OMO ita creatus est, ut quoad Internum suum non mori possit; nam credere potest in Deum, & quoque amare Deum, ac ita conjungi Deo fide & amore; & conjungi Deo est vivere in æternum.

224. Hoc Internum est apud omnem hominem qui nascitur; Externum ejus est per quod efficit illa quæ fidei & amoris sunt. Internum est, quod vocatur Spiritus, & Externum, quod vocatur Corpus. Externum, quod vocatur Corpus, accommodatum est usibus in Mundo naturali; hoc rejicitur cum homo moritur: at Internum, quod vocatur Spiritus, accommodatum est usibus in Mundo spirituali, hoc non moritur: hoc Internum tunc est Spiritus bonus & Angelus, si homo in Mundo bonus fuerat; at Spiritus malus, si homo in Mundo malus fuerat.

225. Spiritus hominis post mortem corporis apparet in Mundo spirituali in forma humana, prorsus sicut in Mundo; gaudet etiam facultate videndi, audiendi, loquendi, sentiendique sicut in Mundo; & pollet omni facultate cogitandi, volendi, & faciendi sicut in Mundo; verbo, est homo quoad omnia & singula, præter quod non crasso illo corpore, quo in Mundo, circumdatus sit; id relinquit cum moritur, nec usquam reassumit.

226. Hæc continuatio vitæ est, quæ intelligitur per Resurrectionem. Quod homines credant, quod non prius resurrecturi sint, quam Ultimo Judicio, quando etiam perituum omne aspectabile Mundi, est quia non intellexerunt Verbum; & quia sensuales homines vitam ponunt in corpore, & credunt, quod nisi hoc revicturum esset, actum foret de homine.

227. Vita hominis post mortem est vita amoris & vita fidei ejus; inde qualis ei amor fuerat & qualis fides, cum vixit in mundo, talis ei vita manet in æternum: vita inferni est illis, qui se & mundum super omnia amaverunt; & vita cœli illis qui Deum super omnia amaverunt, & proximum sicut seipsum; hi sunt qui fidem habent, illi autem qui fidem non habent. Vita cœli est quæ vocatur Vita æterna; & Vita inferni est quæ vocatur Mors spiritualis.

228. Quod

228. Quod homo post mortem vivat, docet Verbum; ut quod Deus non sit mortuorum Deus, sed viventium, Matth: xxii: 31. Quod Lazarus post mortem in Cœlum sublatus sit, Dives autem conjectus in Infernum, Luc: xvi: 22. 23. seq: Quod Abrahamus, Isaacus & Jacobus ibi sint, Matth: viii: 11. Cap: xxii: 31. 32. Luc: xx: 37. 38. Quod Jesus dixerit ad latronem, hodie Mecum eris in Paradiso, Luc: xxiii: 43.

229. **S**uperfedetur hic aliquid ex ARCANIS COELESTIBUS afferre, quoniam illa, quæ Resurrectionem & vitam hominis post mortem concernunt, in OPERE DE CÆLO & INFERNO plene ostensa sunt; videantur itaque in eo Opere sequentes Articuli. I. *Quod unusquisque homo sit Spiritus quoad interiora sua*, n: 432 ad 444. II. *De Hominis resurrectione a mortuis, ac introitu in vitam æternam*, n: 445 ad 452. III. *Quod homo post mortem sit in perfecta forma humana*, n: 453 ad 460. IV. *Quod homo post mortem sit in omni sensu, memoria, cogitatione, affectione, in quibus in Mundo, & quod nihil relinquat præter terrestre suum corpus*, n: 461 ad 469. V. *Quod homo sit post mortem, qualis ejus vita fuit in mundo*, n: 470 ad 484. VI. *Quod jucunda vitæ cujus vertantur in correspondentiâ*, n: 485 ad 490. VII. *De Primo statu hominis post mortem*, n: 491 ad 498. VIII. *De Secundo statu hominis post mortem*, n: 499 ad 511. IX. *De Tertio statu hominis post mortem; qui est status instructionis eorum qui veniunt in Cælum*, n: 512 ad 520. X. *Quod Cælum & Infernum sint ex Humano Genere*, n: 311 ad 317.

De Ultimo Judicio, de quo etiam dictum est supra n: 226, quod non existiturum sit cum Interitu Mundi, videatur in Opusculo DE ULTIMO JUDICIO & BABYLONIA DESTRUCTA, a principio ad finem.

De Cœlo & Inferno.

230. **S**UNT duo quæ faciunt vitam Spiritus hominis, Amor & Fides; Amor vitam Voluntatis ejus & Fides vitam Intellectus ejus. Amor boni & inde Fides veri faciunt vitam cœli; ac Amor mali & inde Fides falsi faciunt vitam inferni.

231. Amor in Dominum & Amor erga proximum faciunt Cœlum, & quoque Fides, sed hæc quantum ex illis amoribus vitam habet; & quia uterque ille Amor & inde fides sunt a Domino, inde patet quod Dominus faciat Cœlum.

232. Cœlum est apud unumquemvis secundum receptionem amoris & fidei a Domino, & qui cœlum a Domino recipiunt, dum vivunt in mundo, in cœlum veniunt post mortem.

233. Qui Cœlum a Domino recipiunt, illi sunt qui Cœlum in se habent, nam Cœlum est in homine; quod etiam Dominus docet, "*Non dicent, Regnum Dei ecce hic est, aut ecce illic, ecce enim Regnum Dei in vobis est,*" Luc: xvii: 21.

234. Cœlum apud hominem est in Interno ejus, ita in velle & cogitare ex amore & fide, & inde in Externo, quod est ex amore & fide facere & loqui; non autem est in Externo absque Interno; nam facere bene & loqui bene possunt omnes hypocritæ, at non velle bene & cogitare bene.

235. Cum homo in alteram vitam venit, quod fit statim post mortem, patet num in eo Cœlum sit, non autem cum in mundo vivit; in mundo enim apparet Externum, & non Internum, at in altera vita patet Internum, quoniam homo tunc quoad spiritum vivit.

236. Felicitas æterna, quæ etiam gaudium cœleste vocatur, est illis qui in amore & fide in Dominum a Domino sunt; ille amor & illa fides in se habent id gaudium; in id venit homo post mortem, qui cœlum in se habet; interea reconditum latet in Interno ejus. In Cœlis est communio omnium bonorum; pax, intelligentia, sapientia, & felicitas omnium communicantur unicuique ibi, attamen singulis secundum receptionem amoris & fidei a Domino: inde patet, quanta pax, intelligentia, sapientia, & felicitas in Cœlo est.

237. Quemadmodum amor in Dominum & amor erga proximum faciunt vitam cœli apud hominem, ita amor sui & amor mundi, quando

quando regnant, faciunt vitam inferni apud illum, nam hi amores illis oppositi sunt; quapropter illi, apud quos amores sui & mundi regnant, nihil possunt recipere e cœlo, sed quæ recipiunt sunt ex inferno: quicquid enim homo amat & quicquid credit, vel e cœlo est vel ex inferno est.

238. Illi, apud quos amor sui & amor mundi regnant, non sciunt quid cœlum & quid felicitas cœli, & incredibile illis apparet, quod felicitas in aliis amoribus detur quam in illis; cum tamen tantum intrat felicitas cœli, quantum illi amores ut fines removentur; felicitas, quæ illis remotis succedit, est tanta, ut excedat omnem captum hominis.

239. Vita hominis non mutari potest post mortem, manet tunc qualis fuerat, nam spiritus hominis totus quantus est qualis ejus amor, & amor infernalis non transcribi potest in amorem cœlestem, quoniam oppositi sunt; hoc intelligitur per Abrahami verba ad divitem in inferno, "*Hiatus magnus est inter vos & nos, ut illi qui volunt transire ad vos non possint, neque etiam isthinc transire ad nos,*" Luc: xvi: 26: inde patet, quod qui in Infernum veniunt, ibi maneant in æternum; & qui in Cœlum veniunt, ibi maneant in æternum.

240. **Q**uoniam de Cœlo & Inferno in singulari Opere actum est, & ibi quoque adducta sunt, quæ in ARCANIS COELESTIBUS de illis continentur, ideo non opus est hic plura addere.



De Ecclesia.

241. **Q**UOD apud hominem facit Cœlum, hoc etiam facit Ecclesiam; nam sicut Amor & Fides faciunt Cœlum, ita etiam Amor & Fides faciunt Ecclesiam: inde ex illis quæ de Cœlo prius dicta sunt, patet quid Ecclesia.

242. Ecclesia dicitur, ubi Dominus agnoscitur & ubi Verbum est; nam essentialia Ecclesiæ sunt amor & fides in Dominum a Domino, & Verbum docet quomodo homo victurus est ut amorem & fidem recipiat a Domino.

243. Ut Ecclesia sit, erit Doctrina ex Verbo, quoniam absque Doctrina non intelligitur Verbum: ast sola Doctrina non facit Ecclesiam apud hominem, sed Vita secundum illam: inde sequitur, quod non Fides sola faciat Ecclesiam, sed Vita fidei quæ est Charitas. Genuina Doctrina est Doctrina Charitatis & simul Fidei, & non Doctrina fidei absque illa; nam Doctrina Charitatis & simul Fidei, est Doctrina Vitæ, non autem Doctrina fidei absque Doctrina charitatis.

244. Illi, qui extra Ecclesiam sunt, & agnoscunt unum Deum, & secundum Religiosum suum in quadam charitate erga proximum vivunt, in communione sunt cum illis qui ab Ecclesia; quoniam nemo qui credit in Deum & bene vivit, damnatur: inde patet, quod Ecclesia Domini sit ubivis in universo terrarum orbe, tametsi in specie ubi Dominus agnoscitur, & ubi Verbum est.

245. Omnis, apud quem Ecclesia est, salvatur; at omnis, apud quem non Ecclesia est, condemnatur.

Ex Arcanis Cœlestibus.

246. **Q**UOD Ecclesia in specie sit ubi Verbum, & per id Dominus notus, ita ubi Divina Vera sunt revelata, n: 3857. 10761. At usque quod ideo non ab Ecclesia sint, qui nati ubi Verbum est & Dominus notus, sed qui per Vera ex Verbo a Domino regenerantur, qui sunt qui vivunt vitam Charitatis, n: 6637. 10143. 10153. 10578. 10645.

10645. 10829. Qui ab Ecclesia sunt, seu in quibus Ecclesia, illi in affectione veri sunt propter verum, hoc est, amant verum quia est verum; illi etiam explorant ex Verbo num vera sunt doctrinalia Ecclesiæ, in qua nati, n : 5432. 6047. Alioquin foret cuivis verum ex alio, & ex natali solo, n : 6047.

Quod Ecclesia Domini sit apud omnes, qui in Universo Orbe in bono vivunt secundum Religiosum suum, n : 3263. 6637. 10765. Quod omnes qui in bono vivunt, ubicunque sunt, & agnoscunt unum Deum, acceptentur a Domino, & in Cælum veniant, quoniam omnes qui in bono sunt, agnoscunt Dominum, ex causa quia bonum est a Domino, & Dominus est in bono, n : 2589 ad 2604. 2861. 2863. 3263. 4190. 4197. 6700. 9256. Quod Ecclesia universalis in terris sit coram Domino sicut unus Homo, n : 7395. 9276. Similiter ac Cælum, quia Ecclesia est Cælum seu Regnum Domini in terris, n : 2853. 2996. 2998. 3624 ad 3649. 3636 ad 3643. 3741 ad 3745. 4625. Sed quod Ecclesia, ubi Dominus est notus & ubi Verbum est, sit sicut Cor & sicut Pulmo in homine, respective ad reliqua corporis, quæ ex illis ut ex suæ vitæ fontibus vivunt, n : 637. 931. 2054. 2853. Inde est, nisi foret Ecclesia ubi Verbum & per id Dominus notus, non salvaretur Genus Humanum, n : 468. 637. 931. 4545. 10452. Quod Ecclesia sit fundamentum Cœli, n : 4060.

Quod Ecclesia sit Interna & Externa, n : 1242. 6587. 9375. 9680. 10762. Quod Ecclesiæ Internum sit Amor in Dominum & Charitas erga proximum; inde quod illi, qui in affectione boni & veri sunt ex amore in Dominum & ex charitate erga proximum, Ecclesiam internam constituent, & quod illi, qui in cultu externo ex obedientia & fide sunt, Ecclesiam externam constituent, n : 1083. 1098. 4288. 6380. 6587. 7840. 8762. Quod scire verum & bonum & inde agere, sit Externum Ecclesiæ, at velle & amare verum & bonum & inde agere, sit Internum Ecclesiæ, n : 4899. 6775. Quod Internum Ecclesiæ sit in cultu eorum qui ab Externa Ecclesia sunt, tametsi in obscuro, n : 6775. Quod Ecclesia Interna & Externa unam Ecclesiam faciant, n : 409. 10762. Quod homini sit Internum & Externum, Internum ad imaginem Cœli, & Externum ad imaginem Mundi, & quod ideo, ut homo sit Ecclesia, Externum ejus unum aget cum Interno, n : 3628. 4523. 4524. 6057. 6314. 9706. 10472. Quod Ecclesia sit in Interno hominis & simul in Externo, non autem in Externo absque Interno, n : 1795. 6581. 10691. Quod Internum Ecclesiæ se habeat secundum vera & eorum quale, & secundum implantationem eorum in bono per vitam, n : 1238.

Quod Ecclesia sicut Cælum sit in homine, & sic quod Ecclesia in communi sit ab hominibus, in quibus Ecclesia, n : 3884. Ut Ecclesia sit, erit Doctrina vitæ, quæ est Doctrina charitatis, n : 3445. 10763. 10764. Quod Charitas faciat Ecclesiam, & non Fides separata a charitate, n : 916. Proinde non Doctrina fidei separatæ a charitate, sed Doctrina fidei conjunctæ

junctæ cum illa, secundum quam vita, n : 809. 1798. 1799. 1834. 1844. 4468. 4672. 4676. 4766. 5828. 6637. Quod non Ecclesia apud hominem sit, nisi vera Doctrinæ implantata sint bono charitatis apud illum, ita vitæ, n : 3310. 3953. 5826. Quod nulla Ecclesia apud hominem sit, si is modo in veris, quæ vocantur fidei, est, n : 5826. Quantum boni in Ecclesia, si Charitas primo loco foret, & fides secundo, n : 6269. Et quantum mali si Fides primo loco est, n : 6272. Quod in Ecclesiis Antiquis Charitas fuerit principale & essentielle Ecclesiæ, n : 4680. Quod Ecclesia foret sicut Cœlum, si omnibus Charitas, n : 2385. 2853. Si bonum foret character Ecclesiæ, & non verum absque bono, ita si charitas & non fides separata, quod Ecclesia foret una, & nihil faceret quod quoad doctrinalia fidei & quoad externos cultus differrent, n : 1285. 1316. 2982. 3267. 3445. 3451.

Quod omnis Ecclesia inchoet a Charitate, sed quod temporis tractu ab illa defleat, n : 494. 501. 1327. 3773. 4649. Et sic ad falsa ex malo, & tandem ad mala, n : 1834. 1835. 2910. 4683. 4689. Comparatio Ecclesiæ inchoantis & decrescantis cum hominis infantia & senectute, n : 10134. Et quoque cum ortu & occasu Solis, n : 1837. De successivis statibus Ecclesiæ Christianæ usque ad extremum ejus; ubi explicantur illa quæ Dominus prædixerat de Consummatione Sæculi & de Adventu Ipsi, apud Matthæum Cap: xxiv, a principio ad finem, n : 3353. ad 3356. 3486 ad 3489. 3650 ad 3655. 3751 ad 3759. 3897 ad 3901. 4057 ad 4060. 4229 ad 4231. 4332 ad 4335. 4422 ad 4424. 4635 ad 4638. 4807 ad 4810. 4954 ad 4959. 5063 ad 5071. Quod Ecclesia Christiana hodie in extremis sit, quoniam ibi non fides quia nulla charitas, n : 3489. 4649. Quod ultimum Judicium sit ultimum tempus Ecclesiæ, n : 2118. 3353. 4057. 4333. 4535. De Ecclesiæ vastatione, n : 407 ad 411. Quod Consummatio sæculi & adventus Domini sit ultimum tempus Ecclesiæ veteris & primum novæ, n : 2243. 4535. 10622. Quod interiora vera revelentur cum Ecclesia vetus vastatur, inservitura novæ quæ tunc instauratur, n : 3398. 3786. De instauratione Ecclesiæ apud Gentes, n : 1366. 2986. 4747. 9256.

247. *De Ecclesiis Antiquis.* Quod Prima & Antiquissima Ecclesia in hac Tellure fuerit, quæ describitur in Primis Capitibus Geneseos, & quod illa fuerit Ecclesia Cœlestis, omnium præcipua, n : 607. 895. 920. 1121. 1122. 1123. 1124. 2896. 4493. 8891. 9942. 10545. Quales illi sunt in Cœlo, n : 1114 ad 1125. Quod in summa luce sint, n : 1116. 1117. Quod variæ Ecclesiæ fuerint post diluvium, quæ una voce Ecclesia Antiqua vocantur, de quibus, n : 1125. 1126. 1127. 1327. 10355. Antiqua Ecclesia per quot Regna Asiæ fuit extensa, n : 1238. 2385. Quales fuerunt homines Antiquæ Ecclesiæ, n : 609. 895. Quod Ecclesia Antiqua fuerit Ecclesia repræsentativa, & quod ejus Repræsentativa fuerint in unum collecta ab hominibus quibusdam Antiquissimæ Ecclesiæ, n : 519. 521. 2896. Quod
I apud

apud Antiquam Ecclesiam fuerit Verbum, sed quod id deperditum sit, n: 2897. Qualis antiqua Ecclesia cum cepit declinare, n: 1128. Discrimen inter Ecclesiam Antiquissimam & Antiquam, n: 597. 607. 640. 641. 765. 784. 895. 4493. Quod Antiquissima & Antiqua Ecclesia fuerint etiam in terra Canaane, & quod inde Repræsentativa locorum, n: 3686. 4447. 4454. De Ecclesia inchoata ab Ebero, quæ Ecclesia Hebræa dicta fuit, n: 1238. 1241. 1343. 4516. 4517. Discrimen inter Ecclesiam Antiquam & Hebræam, n: 1343. 4874. Quod Eberus instituerit Sacrificia in Antiquis Ecclesiis prorsus ignota, n: 1343. Quod Antiquæ Ecclesiæ concordarent cum Christiana Ecclesia quoad Interna, non autem quoad Externa, n: 3478. 4489. 4772. 4904. 10149. Quod in Antiquissima Ecclesia fuerit Revelatio immediata, in Antiqua Ecclesia per correspondentias, in Ecclesia Judaica viva voce, & in Ecclesia Christiana per Verbum, n: 10355. Quod Dominus fuerit Deus Antiquissimæ Ecclesiæ, & vocatus Jehovah, n: 1343. 6846. Quod Dominus sit Cælum & quod sit Ecclesia, n: 4766. 10125. 10151. 10157. Quod Divinum Domini faciat Cælum, videatur in Opere de Cælo & Inferno, n: 7 ad 12. & 78 ad 86: ita quoque Ecclesiam, quoniam quod apud hominem facit Cælum, hoc quoque facit Ecclesiam, supra in Doctrina.

248. *De Ecclesia Judaica, & de Judæis.* Quod Statuta, Judicia & Leges, quæ mandata sunt in Ecclesia Judaica fuerint quoad partem similia illis quæ fuerunt in Ecclesia antiqua, n: 4449. 4834. Ritus repræsentativi Ecclesiæ Judaicæ qualiter differebant a ritibus repræsentativis Ecclesiæ Antiquæ, n: 4283. 10149. Quod Ecclesia repræsentativa apud illam Gentem instituta fuerit, sed quod in ipsa Gente nulla Ecclesia fuerit, n: 4899. 4912. 6304. Quod ideo quoad ipsam Gentem fuerit repræsentativum Ecclesiæ, & non Ecclesia, n: 4281. 4288. 4311. 4500. 6304. 7048. 9320. 10396. 10526. 10531. 10698. Quod Gens Israelitica & Judaica non electa fuerit, sed recepta ut Ecclesiam repræsentaret, ob contumaciam, qua Patres eorum & Moses institerunt, n: 4290. 4293. 7051. 7439. 10430. 10535. 10632. Quod Cultus eorum mere externus fuerit, absque omni cultu interno, n: 1200. 3147. 3479. 8871. Quod prorsus non sciverint interna cultus, nec scire voluerint, n: 301. 302. 303. 3479. 4429. 4433. 4680. 4844. 4897. 10396. 10401. 10407. 10694. 10701. 10707. Quomodo considerant interna Cultus, Ecclesiæ & Verbi, n: 4865. Quod interiora eorum fuerint fœda, amoribus sui & mundi, & avaritia plena, n: 3480. 9962. 10454 ad 10457. 10462. ad 10466. 10575. Quod ideo illis non detecta fuerint interna Ecclesiæ, quoniam illa prophanavissent, n: 2520. 3398. 3480. 4289. Quod Verbum illis prorsus occlusum sit, n: 3769. Quod videant Verbum ab extra & non ab intra, n: 10549. 10550. 10551. Quod ideo internum eorum, quando in cultu occlusum fuerit, n: 8788. 8806. 9320. 9380. 9377. 9962. 10390. 10401. 10407. 10492. 10498. 10500. 10575. 10629. 10692. Quod etiam Gens illa præ aliis talis fuerit, ut potuisset esse in

Sancto externo, occluso interno, n: 4293. 4311. 4903. 9373. 9377. 9381. Status eorum tunc, n: 4311. Quod quoque ideo usque ad hunc diem conservati sint, n: 3479. Quod Sanctum externum eorum a Domino miraculose elevatum sit in Cœlum, & sic interiora Cultus, Ecclesiæ, & Verbi ibi percepta, n: 3480. 4309. 4311. 6304. 8588. 10492. 10500. 10602. Quod hoc ut fieret, per media externa coacti sint stricte observare Ritus in externa forma, n: 3147. 4281. 10149. Quia in Sancto externo absque interno potuerunt esse, quod sancta Ecclesiæ & Cœli repræsentare potuerint, n: 3479. 3881. 4208. 6306. 6588. 9377. 10430. 10500. 10570. Quod usque sancta illos non affecerint, n: 3479. Quia nihil refert, qualis persona est quæ repræsentat, quoniam Repræsentatio spectat rem, non autem personam, n: 665. 1097. 1361. 3147. 3881. 4208. 4281. 4288. 4292. 4307. 4444. 4500. 6304. 7048. 7439. 8388. 8788. 8806.

Quod Gens illa pejor aliis gentibus fuerit, describitur qualis, etiam ex Verbo utriusque Testamenti, n: 4314. 4316. 4317. 4444. 4503. 4750. 4751. 4815. 4820. 4832. 5057. 5998. 7248. 8819. 9320. 10454 ad 10457. 10462 ad 10466. Quod Tribus Jehudæ abiverit in pejus quam reliquæ Tribus, n: 4815. Quam crudeliter tractaverunt Gentes ex jucundo, n: 5057. 7248. 9320. Quod Gens illa corde idololatra fuerit, ac præ aliis coluerit alios deos, n: 3732. 4208. 4444. 4825. 5998. 6877. 7401. 8301. 8871. 8882. Quod etiam cultus eorum in ipsa gente spectatus fuerit idololatricus, quia externus absque interno, n: 4281. 4825. 8871. 8882. Quod Jehovah modo quoad Nomen coluerit, n: 6877. 10559. 10560. 10561. 10566. Et solum propter miracula, n: 4299. Quod erronee cogitent, qui credunt quod Judæi in fine Ecclesiæ convertendi sint, & reducendi in terram Canaanem, n: 4847. 7051. 8301. Plura loca e Verbo de illa re allata, quæ tamen intelligenda sunt secundum sensum internum, ita aliter quam secundum litteram, n: 7051. Quod Verbum quoad sensum externum propter illam gentem immutatum fuerit, non tamen quoad sensum internum, n: 10453. 10461. 10603. 10604. Quod Jehovah in Monte Sinai apparuerit eis secundum quale eorum, in igne consumente, densa nube, & fumo sicut fornacis, n: 1861. 6832. 8814. 8819. 9434. Quod Dominus appareat unicuique secundum ejus quale, ut ignis vivificans & recreans illis qui in bono, ac ut ignis consumens illis qui in malo, n: 934. 1861. 6832. 8814. 8819. 9434. 10551. Quod una ejus Gentis origo sit ex Canaanitide, & quod binæ reliquæ ex scortatione cum nuru, n: 1167. 4817. 4820. 4874. 4891. 4913. Quod per illas origines significatum sit, qualis conjunctio illorum cum Ecclesia esset, quod nempe sicut cum Canaanitide, & cum scortatione cum nuru, n: 4868. 4874. 4899. 4911. 4913. De statu eorum in altera vita, n: 939. 940. 5057.

Quoniam Gens illa, tametsi talis, repræsentabat Ecclesiam, & quia Verbum apud illam & de illa conscriptum est, ideo Divina Cœlestia per Nomina eorum significata sunt, ut per Rubenem, Schimeonem, Levi, Jehudam,

hudam, Ephraimum, Josephum, & reliquos. Quod per Jehudam in sensu interno significetur Dominus quoad amorem coelestem, ac Regnum coeleste Ipsi, n: 3654. 3881. 5583. 5603. 5782. 6363. Explicatur Prophetikum Israelis de Jehudah, in quo agitur de Domino, Genes: XLIX: 8 ad 12, n: 6362 ad 6382. Quod Tribus Jehudæ & Judæa significet Ecclesiam coelestem, n: 3654. 6364. Quod duodecim Tribus repræsentaverint & inde significaverint omnia amoris & fidei in complexu, n: 3858. 3926. 4060. 6335; ita quoque Cælum & Ecclesiam, n: 6337. 6637. 7836. 7891. Quod significant secundum ordinem, quo nominantur, n: 3862. 3926. 3939. 4603 seq: 6337. 6640. Quod duodecim Tribus divisæ fuerint in duo Regna, ut Judæi repræsentarent Regnum coeleste, ac Israelitæ Regnum spirituale, n: 8770. 9320. Quod per semen Abrahami, Isaci & Jacobi significetur bona & vera Ecclesiæ, n: 3773. 10445;



De Scriptura Sacra five Verbo.

249. **H**OMO absque Revelatione ex Divino, non scire aliquid potest de Vita æterna, ne quidem aliquid de Deo, & adhuc minus de Amore & Fide in Ipsum; nam homo nascitur in meram ignorantiam, & dein ex mundanis discet omnia, ex quibus formabit intellectum suum; nascitur etiam ex hæreditario in omne malum, quod est ex amore sui & mundi; jucunda inde regnant jugiter, & suggerunt talia quæ e diametro sunt contra Divinum: inde nunc est, quod homo nihil de Vita æterna sciat: ideo necessario erit Revelatio, ex qua sciat.

250. Quod mala amoris sui & mundi inducant talem ignorantiam de illis quæ sunt Vitæ æternæ, patet manifeste ab illis intra Ecclesiam, qui tametsi sciunt ex Revelatione quod Deus sit, quod Cælum & Infernum sint, quod Vita æterna sit, & quod illa Vita comparanda sit per bonum amoris & fidei, usque labuntur in negationem de illis, tam eruditi quam non eruditi. Inde iterum patet, quanta ignorantia foret, si nulla esset Revelatio.

251. Cum itaque homo post mortem vivit, & tunc in æternum, & illum manet vita secundum ejus amorem & fidem, sequitur quod Divinum ex Amore erga Genus humanum revelaverit talia, quæ ducent ad illam vitam, & conducent salutem ejus. Quod Divinum revelavit est apud nos Verbum.

252. Verbum, quia est Revelatio a Divino, est Divinum in omnibus & singulis, nam quod a Divino est, non potest aliter esse. Quod a Divino est, id descendit per Cælos usque ad hominem, quapropter in Cælis accommodatum est sapientiæ Angelorum qui ibi, & in Terris accommodatum est captui hominum qui ibi: quare in Verbo est Sensus Internus, qui spiritalis, pro Angelis, & Sensus Externus, qui naturalis, pro hominibus: inde est, quod conjunctio Cæli cum homine sit per Verbum.

253. Genuinum sensum Verbi non intelligunt alii quam qui illustrati sunt; ac illustrantur illi solum, qui in amore & fide sunt in Dominum; illorum enim interiora elevantur a Domino in lucem cæli.

254. Verbum in litera non potest capi nisi per Doctrinam ex Verbo per Illustratum factam; Sensus literæ ejus accommodatus est captui

captui hominum etiam simplicium, quare Doctrina e Verbo erit illis pro Lucerna.

Ex Arcanis Cœlestibus.

255. DE Verbi Necessitate & Præstantia. Quod ex lumine naturæ nihil sciatur de Domino, de Cœlo & Inferno, de Vita hominis post mortem, & de Divinis Veris per quæ homini vita spiritalis & æterna, n: 8944. 10318. 10319. 10320. Quod id constare possit ex eo, quod plures, & inter eos Eruditi, non credant illa, tametsi nati sunt ubi Verbum, & per id instructi de illis, n: 10319. Quod ideo necessum fuerit, ut aliqua Revelatio esset e Cœlo, quia homo ad Cœlum natus est, n: 1775. Quod ideo omni tempore fuerit Revelatio, n: 2895. De variis Revelationis speciebus in hac Tellure successive, n: 10355. 10632. Quod Antiquissimis, qui ante diluvium, quorum tempus vocatum est Sæculum aureum, fuerit Revelatio immediata, & inde Divinum Verum inscriptum cordibus eorum, n: 2896. Quod in Antiquis Ecclesiis, quæ fuerunt post Diluvium, fuerit Verbum tam Historicum quam Propheticum, n: 2686. 2897. *de quibus Ecclesiis videatur supra* n: 247. Quod Historica ejus dicta fuerint Bella Jehovæ, & Prophetica Enuntiata, n: 2897. Quod id Verbum fuerit simile nostro Verbo quoad inspirationem, n: 2897. Quod id memoratum sit a Mose, n: 2686. 2897. Sed quod id Verbum deperditum sit, n: 2897. Quod etiam Propheticae Revelationes apud alios fuerint, sicut patet a Prophetis Bileami, n: 2898.

Quod Verbum sit Divinum in omnibus & singulis, n: 639. 680. 10321. 10637. Quod Verbum sit quoad omnem jotham & apicem Divinum & Sanctum, ab experientia, n: 1349. Quomodo explicatur hodie, quod Verbum quoad omnem jotham sit inspiratum, n: 1886.

Quod Ecclesia in specie sit ubi Verbum, & per id Dominus notus, ac Divina Vera revelata, n: 3857. 10761. At quod ideo non ab Ecclesia sint, qui nati ubi Verbum, & per id Dominus notus, sed qui per vera ex Verbo a Domino regenerantur, qui sunt qui vivunt secundum Vera ibi, ita qui vivunt vitam amoris & fidei, n: 6637. 10143. 10153. 10578. 10645. 10829.

256. Quod Verbum non intelligatur quam ab illustratis. Quod Rationale humanum non capere possit Divina, ne quidem spiritalia, nisi a Domino illustretur, n: 2196. 2203. 2209. 2654. Ita quod modo illustrati capiant Verbum, n: 10323. Quod Dominus illis, qui illustrantur, det intelligere Verum, ac discernere illa, quæ in Verbo apparent sibi contradicere, n: 9382. 10659. Quod Verbum in sensu literæ non sibi simile sit, & aliquoties appareat sibi contradicens, n: 9025. Et quod ideo
a non

a non illustratis possit explicari & trahi ad confirmandum quancunque opinionem & hæresin, & ad patrocinandum cuicunque amor mundano & corporeo, n : 4783. 10399. 10401. Quod illi ex Verbo illustrentur, qui legunt illud ex amore veri & boni, non autem qui ex amore famæ, lucri, honoris, ita ex amore sui, n : 9382. 10548. 10549. 10550. Quod illi illustrentur qui in bono vitæ sunt, & inde in affectione veri, n : 8694. Quod illustrentur, quibus Internum apertum est, ita qui quoad Internum suum hominem possunt elevari in lucem cœli, n : 10401. 10402. 10691. 10694. Quod illustratio sit actualis aperitio, & quoque elevatio in lucem cœli, n : 10330. Quod Sanctum ab Interno, hoc est, per Internum a Domino influat apud illos, qui sanctum habent Verbum, illis nescientibus, n : 6789. Quod illustrentur illi, & in Verbo videant vera, qui a Domino ducuntur, non autem qui a semet, n : 10638. Quod illi a Domino ducantur, qui amant verum quia est verum, qui sunt qui amant vivere secundum Divina vera, n : 10578. 10645. 10829. Quod Verbum vivificetur apud hominem secundum ejus amoris & fidei vitam, n : 1776. Quod illa quæ a propria intelligentia sunt, non vitam in se habeant, quia a proprio hominis nihil bonum, n : 8941. 8944. Quod non illustrari possint, qui se multum confirmaverunt in Doctrina falsa, n : 10640.

Quod Intellectus sit qui illustratur, n : 6608. 9300. Quoniam Intellectus est recipiens veri, n : 6242. 6608. 10659. Quod de omni Doctrinali Ecclesiæ sint ideæ, secundum quas est Intellectus rei, n : 3310. 3825. Quod ideæ hominis, quamdiu vivit in mundo, sint naturales, quia tunc cogitat in naturali, sed quod usque spirituales ideæ in illis reconditæ sint apud illos qui in affectione veri propter verum sunt, n : 10236. 10240. 10550. Quod absque ideis de quacunque re, nulla perceptio, n : 3825. Quod ideæ de rebus fidei aperiantur in altera vita, & ibi ab Angelis videantur quales sunt, n : 1869. 3310. 5510. 6201. 8885. Quod ideo Verbum non intelligatur quam a Rationali homine; nam credere aliquid absque idea rei & absque rationis intuitionem, est modo memoriter retinere vocem omni vita perceptionis & affectionis destitutam, quod non est credere, n : 2553. Quod Sensus literalis Verbi sit qui illustratur, n : 3619. 9824. 9905. 10548.

257. *Quod Verbum nec intelligatur nisi per Doctrinam ex Verbo.* Quod Doctrina Ecclesiæ erit ex Verbo, n : 3464. 5402. 6832. 10763. 10765. Quod Verbum absque Doctrina non intelligatur, n : 9025. 9409. 9424. 9430. 10324. 10431. 10582. Quod Vera Doctrina sit lucerna illis qui legunt Verbum, n : 10401. Quod genuina Doctrina erit ab illis qui in illustratione sunt a Domino, n : 2510. 2516. 2519. 2424. 10105. Quod Verbum per Doctrinam ab illustrato factam intelligatur, n : 10324. Quod qui in illustratione sunt, ex Verbo sibi faciant doctrinam, n : 9382. 10659. Discrimen inter illos qui docent & discunt ex Doctrina Ecclesiæ, & inter illos qui ex solo sensu literæ, quale, n : 9025. Quod, qui in sensu literæ absque doctrina sunt, in nullum intellectum veniant de Veris

Veris Divinis, n : 9409. 9410. 10582. Quod in plures errores cadant, n : 10431. Quod qui in affectione veri propter verum sunt, cum adulti fiunt, & ex suo intellectu videre possunt, non simpliciter maneant in doctrinalibus suæ Ecclesiæ, sed quod scrutentur num vera sint ex Verbo, n : 5402. 5432. 6047. Quod alioquin foret cuivis verum ex alio, & ex natali solo sive natus Judæus sive Græcus, n : 6047. Quod usque quæ fidei facta sunt ex sensu literalī Verbi non exstinguenda sint, nisi post plenam intuitionem, n : 9039.

Quod vera Doctrina Ecclesiæ sit Doctrina charitatis & fidei, n : 2417. 4766. 10763. 10765. Quod Doctrina fidei non faciat Ecclesiam, sed vita fidei quæ est charitas, n : 809. 1798. 1799. 1834. 4468. 4677. 4766. 5826. 6637. Quod Doctrinalia nihil sint, nisi vivatur secundum illa, n : 1515. 2049. 2116. Quod hodie in Ecclesiis Doctrina fidei sit, & non charitatis, & quod Doctrina charitatis rejecta sit in scientiam, quæ vocatur Theologia moralis, n : 2417. Quod Ecclesia esset una, si agnoscerentur pro hominibus Ecclesiæ ex vita, ita ex charitate, n : 1285. 1316. 2982. 3267. 3445. 3451. 3452. Quantum valet Doctrina charitatis præ Doctrina fidei separatæ a charitate, n : 4844. Quod in ignorantia de Cœlestibus sint, qui non sciunt aliquid de Charitate, n : 2435. Qui modo habent Doctrinam fidei & non simul Charitatis, in quot errores labuntur, n : 2417. 2383. 3146. 3325. 3412. 3413. 3416. 3773. 4672. 4730. 4783. 4925. 5351. 7623 ad 7677. 7752 ad 7762. 7790. 8094. 8313. 8530. 8765. 9186. 9224. 10555. Quod illi, qui solum in Doctrina fidei sunt, & non in vita fidei, quæ est Charitas, olim dicti fuerint Præputiati seu Philisthæi, n : 3412. 3413. 8093. Quod apud Antiquos fuerit Doctrina amoris in Dominum & Charitatis erga proximum, & quod Doctrina fidei inserviverit ei, n : 2417. 3419. 4844. 4955.

Quod Doctrina per illustratum facta postea per rationalia confirmari possit, & quod sic plenius intelligatur, & quod corroboretur, n : 2553. 2719. 2720. 3052. 3310. 6047. *Plura de hac re videantur supra* n : 51. Quod illi qui in fide separata a charitate sunt, velint ut doctrinalia Ecclesiæ simpliciter credantur absque aliqua intuitionē rationali, n : 3394.

Quod confirmare dogma non sapientis sit, sed videre num verum sit antequam confirmatur, & quod hoc fiat apud illos qui in illustratione sunt, n : 1017. 4741. 7012. 7680. 7950. Quod lux confirmationis sit lux naturalis, non spiritualis, dabilis etiam apud malos, n : 8780. Quod omnia etiam falsa confirmari possint, usque ut appareant sicut vera, n : 2482. 2490. 5033. 6865. 8521.

258. *Quod in Verbo Sensus spiritualis sit, qui vocatur Sensus internus.* Quod nemo scire possit, quid Sensus Internus Verbi, nisi sciat quid Correspondentia, n : 2895. 4322. Quod omnia & singula, usque ad singularissima, quæ in naturali Mundo sunt, correspondeant spiritualibus, & inde significant illa, n : 2890 ad 2893. 2897 ad 3003. 3213 ad 3227. Quod spiritualia, quibus correspondent naturalia, sub alia facie appareant in naturali, ut non internoscantur, n : 1887. 2396. 8920. Quod vix aliquis

aliquis hodie sciat, ubinam Divinum in Verbo, cum tamen in Sensu ejus interno seu spirituali, qui hodie quod sit nescitur, n: 2980. 4989. Quod mysticum Verbi non aliud sit, quam quod Sensus ejus internus seu spiritualis continet, in quo agitur de Domino, de Ipsius Regno, & de Ecclesia, & non de naturalibus quæ in Mundo, n: 4923. Quod Prophetica plurimis in locis non intelligantur, & sic nullius usus sint, absque Sensu interno, ab exemplis, n: 2608. 8020. 8398. Sicut quid significatur per Equum Album in Apocalypsi, n: 2760 seq: Quid per Claves Regni Cœlorum Petro datas, Præfat: ad Cap: xxii: Genes: n: 9410. Quid per Carnem, Sanguinem, Panem & Vinum in Sancta Coena, & sic cur a Domino instituta est, n: 8682. Quid per Prophetica Jacobi de filiis suis Cap: xlix: Genes: n: 6306. 6333. ad 6465. Quid per plura Prophetica de Jehuda & Israele, quæ non cum illa gente quadrant, nec coincidunt secundum sensum literæ, n: 6331. 6361. 6415. 6438. 6444. Præter innumera alia, n: 2608.

De Sensu interno seu spirituali Verbi in summa, n: 1767. ad 1777. 1869. ad 1879. Quod in omnibus & singulis Verbi sit Sensus internus, n: 1143. 1984. 2135. 2333. 2395. 2495. 2619. Quod illa non appareant in Sensu literæ, sed quod usque sint intus in eo, n: 4442.

259. *Quod Sensus internus imprimis sit pro Angelis, & quod quoque sit pro hominibus.* Ut sciatur quid Sensus internus, qualis ille, & unde, dicendum hic est in summa. Quod loquantur & cogitent aliter in Cœlo quam in Mundo, in Cœlo spiritualiter in Mundo naturaliter; quapropter cum homo legit Verbum, quod Angeli, qui apud hominem, percipiant illud spiritualiter, cum homines naturaliter; quod inde Angeli in sensu interno sint, cum homines in externo; sed quod usque unum faciant per correspondentiam.

Quod Verbum aliter intelligatur ab Angelis in Cœlis, quam ab hominibus in terris, & quod illis sit Sensus internus seu spiritualis, his autem externus seu naturalis, n: 1887. 2396. Quod Angeli percipiant Verbum in Sensu interno, & non in sensu externo, ab experientia illorum qui mecum e Cœlo loquuti sunt, cum legi Verbum, n: 1769. 1770. 1771. 1772. Quod ideæ & quoque loquelæ Angelicæ sint spirituales, ideæ autem & loquelæ humanæ naturales, quod ideo Sensus internus qui spiritualis pro Angelis sit, illustratum ab experientia, n: 2333. Quod tamen Sensus literæ Verbi interserviat ideis spiritualibus Angelorum pro mediis, comparative sicut faciunt voces loquelæ sensui rei apud hominem, n: 2143. Quod illa quæ sunt Sensus interni Verbi cadant in talia quæ sunt lucis Cœli, ita in perceptionem Angelicam, n: 2618. 2619. 2629. 3086. Quod illa, quæ Angeli e Verbo percipiunt, illis ideo pretiosa sint, n: 2540. 2541. 2545. 2551. Quod Angeli ne quidem unam vocem Sensus literæ Verbi intelligant, n: 64. 65. 1434. 1929. Quod nec sciant nomina personarum & locorum quæ in Verbo, n: 1434. 1888. 4442. 4480. Quod Nomina non intrare possint in Cœlum, nec ibi enuntiari, n: 1876. 1888. Quod omnia Nomina in Verbo significant

res,

res, & quod in ideas rei vertantur in Cœlo, n: 768. 1888. 4310. 4442. 5225. 5287. 10329. Quod etiam Angeli cogitent abstracte a personis, n: 6613. 8343. 8985. 9007. Quam elegans Sensus internus Verbi, tametsi mera Nomina, ab exemplis e Verbo, n: 1224. 1888. 2395. Quod etiam plura Nomina in serie in sensu interno unam rem exprimant, n: 5905. Quod etiam omnes Numeri in Verbo significant res, n: 482. 487. 647. 648. 755. 813. 1963. 1988. 2075. 2252. 3152. 4264. 6175. 9488. 9659. 10217. 10253. Quod Spiritus etiam percipiant Verbum in sensu interno, prout interiora illorum in Cœlum aperta sunt, n: 1771. Quod Sensus literæ Verbi, qui naturalis, transmutetur momento in spirituales apud Angelos, quia est correspondentia, n: 5648. Et hoc absque auditione & cognitione quid in sensu literæ seu externo, n: 10215. Sic quod Sensus literæ seu externus sit modo apud hominem, nec pergat ultra, n: 2015.

Quod sit Sensus internus Verbi, & quoque Sensus intimus seu supremus, de quibus, n: 9407. 10604. 10614. 10627. Quod Angeli Spirituales, hoc est, qui e Regno spirituali Domini sunt, percipiant Verbum in sensu interno, & quod Angeli cœlestes, hoc est, qui e Regno cœlesti Domini sunt, percipiant Verbum in sensu intimo, n: 2157. 2275.

Quod Verbum sit pro hominibus, & quoque pro angelis, utrisque accommodatum, n: 7381. 8862. 10322. Quod Verbum sit uniens Cœli & terræ, n: 2310. 2495. 9212. 9216. 9357. Quod conjunctio cœli cum homine sit per Verbum, n: 9396. 9400. 9401. 10452. Quod ideo Verbum dicatur fœdus, n: 9396. Quoniam fœdus significat conjunctionem, n: 665. 666. 1023. 1038. 1864. 1996. 2003. 2021. 6804. 8767. 8778. 9396. 10632. Quod Sensus internus in Verbo sit, quia Verbum a Domino per tres Cœlos descenderat usque ad hominem, n: 2310. 6597. Et quod sic accommodatum factum sit Angelis trium Cœlorum, & quoque hominibus, n: 7381. 8862. Quod inde sit quod Verbum Divinum sit, n: 2980. 4989. Et quod sit Sanctum, n: 10276. Et quod sit spirituale, n: 4480. Et quod Verbum sit a Divino inspiratum, n: 9094. Quod id sit inspiratio, n: 9094.

Quod etiam homo, qui regeneratus est, actualiter sit in sensu interno Verbi, tametsi id nescit, quoniam ei Internus homo apertus est; cui perceptio spiritualis, n: 10401. Sed quod apud illum spirituale Verbi influat in ideas naturales, ac ita naturaliter sistatur, quoniam cum vivit in mundo, in naturali cogitat, n: 5614. Quod inde lux veri apud illos, qui illustrantur, sit ab interno eorum, hoc est, per internum a Domino, n: 10691. 10694. Quod etiam per illam viam sanctum influat apud illos qui sanctum habent Verbum, n: 6789. Quoniam homo regeneratus actualiter in sensu interno Verbi est, & id in sancto ejus, tametsi id nescit, quod ideo post mortem in illum ex se veniat, & quod non amplius sit in sensu literæ, n: 3226. 3342. 3343.

260. *Quod in Sensu interno seu spirituali innumerabilia arcana sint.* Quod Verbum in sensu interno innumerabilia contineat, quæ captum humanum excedunt, n: 3085. 3086. Quod etiam inexplicabilia,

n: 1965. Quæ solum repræsentantur Angelis, & ab illis intelliguntur, n: 167. Quod Sensus internus Verbi contineat Arcana Cœli, quæ concernunt Dominum, ac Regnum Ipsi in Cœlis & in Terris, n: 1. 2. 3. 4. 937. Quod Arcana illa non appareant in sensu literæ, n: 937. 1502. 2161. Quod plura, quæ apud Prophetas sunt, appareant sicut sparsa, quæ in sensu interno in pulchra serie continenter cohærent, n: 7153. 9022. Quod non unica vox, ne quidem unica jotha abesse queat in Verbi sensu literæ absque interruptione in sensu interno, & quod ideo ex Divina Providentia Domini Verbum tam integrum conservatum sit ad omnem vocem & ad omnem apicem, n: 7933. Quod innumerabilia insint singulis Verbi, n: 6637. 6620. 8920. Et unicuique voci, n: 1689. Quod innumerabilia sint in Oratione Dominica, & in singulis ejus, n: 6619. Et in Præceptis decalogi; in quorum tamen sensu externo aliqua talia sunt, quæ nota sunt unicuique genti absque Revelatione, n: 8867. 8900.

Quod in Verbo imprimis Prophetico sint binæ expressiones sicut ejusdem rei, sed quod una se referat ad bonum, altera ad verum, ita ad Spirituale & ad Cœleste, n: 683. 707. 2516. 8339. Quod in Verbo vera & bona sint conjuncta mirabiliter, & quod illa conjunctio solum appareat ei qui scit sensum internum, n: 10554. Et sic quod in Verbo & singulis ejus sit Conjugium Divinum, & Conjugium cœleste, n: 683. 793. 801. 2173. 2516. 2712. 5138. 7022. Conjugium Divinum, quod est Conjugium Divini Boni & Divini Veri, ita Dominus, in Quo Solo id Conjugium, n: 3004. 3005. 3009. 4158. 5194. 5502. 6343. 7945. 8339. 9263. 9314. Quod per Jesum significetur Divinum Bonum & per Christum Divinum Verum, & per utrumque Conjugium Divinum in Cœlo, quod est Conjugium Divini Boni & Divini Veri, n: 3004. 3005. 3009. Quod hoc Conjugium sit in singulis Verbi in sensu ejus interno, ita Dominus quoad Divinum Bonum & Divinum Verum, n: 5502. Quod Conjugium Boni & Veri a Domino in Cœlo & Ecclesia sit quod vocatur Conjugium cœleste, n: 2508. 2618. 2803. 3004. 3211. 3952. 6179. Ita quod in eo respectu Verbum sit quasi Cœlum, n: 2173. 10126. Quod Cœlum assimiletur Conjugio in Verbo ex Conjugio boni & veri ibi, n: 2758. 3132. 4434. 4834.

Quod Sensus Internus sit ipsa Doctrina Ecclesiæ, n: 9025. 9430. 10401. Quod qui intelligunt Verbum secundum sensum internum, illi sciant ipsam veram Doctrinam Ecclesiæ, quia sensus internus illam continet, n: 9025. 9430. 10401. Quod Internum Verbi, etiam sit Internum Ecclesiæ, ut & Internum Cultus, n: 10460. Quod Verbum sit Doctrina amoris in Dominum & charitatis erga proximum, n: 3419. 3420.

Quod Verbum in litera sit sicut nubes, & quod in sensu interno sit gloria; Præf: ad Genes: Cap: XVIII, n: 5922. 6343, ubi explicatur, *quod Dominus venturus sit in nubibus celi cum gloria*. Quod etiam Nubes in Verbo significet Verbum in sensu literæ, & Gloria Verbum in sensu interno, Præf: ad Cap: XVIII Genes: n: 4060. 4391. 5922. 6343. 6752. 8106. 8781. 9430. 10551. 10574. Quod illa, quæ in sensu literæ sunt, ad illa quæ in sensu

interno,

interno, se habeat sicut projectiones rudes circum Cylindrum opticum politum, ex quibus tamen in Cylindro sistitur pulchra imago hominis, n : 1871. Repræsentati in altera vita illi, qui solum sensum literæ Verbi volunt & agnoscunt, per Vetulam deformem, qui autem simul sensum internum, per Virginem decore amictam, n : 1774. Quod Verbum in toto complexu sit imago Cœli, quia Verbum est Divinum Verum, ac Divinum Verum facit cœlum, & quia Cœlum refert unum hominem, quod Verbum sit in eo respectu sicut imago hominis, n : 1871. Quod Cœlum in uno complexu referat unum hominem, videatur in Opere de Cœlo & Inferno, n : 59 ad 67. Et quod Divinum Verum procedens a Domino faciat Cœlum, n : 126 ad 140. 200 ad 212. Quod Verbum pulchre & amæne sistatur coram Angelis, n : 1767. 1768. Quod sensus literæ sit quasi corpus, & quod sensus internus sit quasi anima illius corporis, n : 8943. Quod inde vita Verbo sit ex sensu interno, n : 1405. 4857. Quod Verbum sit purum in sensu interno, & quod ita non appareat in sensu literæ, n : 2362. 2396. Quod illa quæ in sensu literæ Verbi sunt, sancta sint ab internis, n : 10126. 10728.

Quod in Historicis Verbi etiam sit sensus internus, sed intus in illis, n : 4989. Ita quod Historica Verbi æque ac Prophetica contineant arcana cœli, n : 755. 1659. 1709. 2310. 2333. Quod Angeli non historice percipiant illa, sed spiritualiter, n : 6884. Quod arcana interiora, quæ in Historicis sunt, minus pateant homini, quam in Propheticis, causa, n : 2176. 6597.

Porro qualis sensus internus Verbi, ostensum, n : 1756. 1984. 2004. 2663. 3035. 7089. 10604. 10614. Illustratum per comparationes, n : 1873.

261. *Quod Verbum conscriptum sit per correspondentias, & sic per repræsentativa.* Quod Verbum quoad sensum literæ conscriptum sit per meras Correspondentias, ita per talia quæ repræsentant & significant spiritualia, quæ sunt Cœli & Ecclesiæ, n : 1404. 1408. 1409. 1540. 1619. 1659. 1709. 1783. 2179. 2763. 2899. Quod hoc factum sit propter sensum internum in singulis, n : 2899. Ita propter Cœlum, quoniam illi, qui in Cœlo sunt, Verbum non intelligunt secundum sensum literæ ejus, qui naturalis, sed secundum sensum internum, qui spiritualis, n : 2899. Quod Dominus loquutus sit per Correspondentias, Repræsentativa & Significativa, quia a Divino, n : 9049. 9063. 9086. 10126. 10728. Quod Dominus sic loquutus sit coram Mundo & coram Cœlo, n : 2533. 4807. 9049. 9063. 9086. Quod illa, quæ Dominus loquutus est, impleverint universum Cœlum, n : 4637. Quod Historica Verbi sint repræsentativa, verba significativa, n : 1540. 1659. 1709. 1783. 2687. Quod Verbum non alio stylo conscribi potuerit, ut per id communicatio & conjunctio cum Cœlis esset, n : 2899. 6943. 9481. Quod valde errent, qui Verbum propter styllum simplicem & rudem ad apparentiam contemnunt, & qui cogitant quod recepturi Verbum si alio stylo scriptum fuisset, n : 3783. Quod etiam modus scribendi & stylus Antiquissimis fuerit per Repræsentativa & Significativa, n : 605. 1756. 9942. Quod Sapientes Antiqui delectati sint Verbo,

quia ibi repræsentativa & significativa, ab experientia, n : 2592. 2593. Si homo Antiquissimæ Ecclesiæ legisset Verbum, quod clare vidisset illa quæ in sensu interno Verbi sunt, & obscure illa quæ in sensu externo, n : 449. Quod filii Jacobi in terram Canaanem deducti sint, quia in illa terra omnia loca ab Antiquissimis temporibus repræsentativa facta sunt, n : 1585. 3686. 4441. 5136. 6516. Et sic ut Verbum ibi conscriberetur, in quo loca nominanda erant propter sensum internum, n : 3686. 4447. 5136. 6516. Sed quod usque Verbum quoad sensum externum immutatum sit propter illam gentem, non autem quoad sensum internum, n : 10453. 10461. 10603. 10604. Ut sciatur quid sunt & quales sunt Correspondentiæ & qualia sunt Repræsentativa in Verbo, ideo aliquid de illis quoque dicitur.

Quod omnia quæ correspondent etiam repræsentent, & inde significant, sic ut Correspondentiæ & Repræsentationes unum sint, n : 2890. 2897. 2971. 2987. 2989. 2990. 3002. 3225. Quid Correspondentiæ & Repræsentationes, ab experientia & ab exemplis, n : 2703. 2987 ad 3002. 3213 ad 3226. 3337 ad 3352. 3472 ad 3485. 4218 ad 4228. 9280. Quod scientia Correspondentiarum & Repræsentationum fuerit præcipua Scientia apud Antiquos, n : 3021. 3419. 4280. 4749. 4844. 4964. 4965. 6004. 7729. 10252. Imprimis apud Orientales, n : 5702. 6692. 7097. 7779. 9391. 10252. 10407. Quod in Ægypto præ aliis, n : 5702. 6692. 7097. 7779. 9391. 10407. Quod etiam apud Gentiles, ut in Græcia & alibi, n : 2762. 7729. Sed quod hodie inter Scientias deperditas sit, imprimis in Europa, n : 2894. 2895. 2994. 3630. 3632. 3747. 3748. 3749. 4581. 4966. 10252. Quod usque illa Scientia præstet omnibus scientiis, quoniam absque illa non intelligitur Verbum, nec quid significant Ritus Ecclesiæ Judaicæ de quibus in Verbo, nec scitur quale Cælum, nec quid Spirituale, nec quomodo se habet cum Influxu spirituali in naturale, & plura alia, n : 4280, & *in locis supra citatis*. Quod omnia, quæ apud Angelos & Spiritus apparent, sint Repræsentativa secundum Correspondentias talium quæ sunt amoris & fidei, n : 1971. 3213 ad 3226. 3457. 3475. 3485. 9481. 9574. 9576. 9577. Quod Cœli sint pleni Repræsentativis, n : 1521. 1532. 1619. Quod Repræsentativa eo pulchriora & perfectiora existant, quo interius in Cœlis, n : 3475. Quod Repræsentativa ibi sint apparentiæ reales, quia a luce Cœli, quæ est Divinum Verum, & hoc est ipsum essentiale existentiae omnium, n : 3485.

Causa, quod omnia & singula, quæ in spirituali mundo sunt, in naturali repræsententur, est quia Internum se induit convenientibus in Externo, per quæ se visibile sistat & appareat, n : 6275. 6284. 6299. Ita finis se induit convenientibus, ut se sistat ut causa in inferiore sphæra, & dein ut se sistat ut effectus in adhuc inferiore; & cum finis per causam sit effectus, tunc sit visibilis seu coram oculis apparet, n : 5711. Hæc illustrata per influxum animæ in corpus, quod nempe anima induatur talibus in corpore, per quæ omnia quæ cogitat & vult, possunt apparere & visibiliter sisti; quare cogitatio, cum defluit in corpus, repræsentatur per tales gestus & affectiones, quæ cor-

respondent, n : 2988. Manifeste affectiones, quæ mentis sunt, repræsentantur in facie per varios ejus vultus, adeo ut ibi videantur, n : 4791 ad 4805. 5695. Inde patet, quod in omnibus & singulis naturæ lateat interius causa & finis e spiritali mundo, n : 3562. 5711. Quoniam illa, quæ in natura sunt, ultimi effectus sunt, quibus insunt priora, n : 4240. 4939. 5051. 6275. 6284. 6299. 9216. Quod Intèrna sint quæ repræsentantur, & Externa quæ repræsentant, n : 4292.

Quoniam omnia in Natura repræsentativa spiritalium & cœlestium sunt, quod ideo Antiquis temporibus Ecclesiæ fuerint, in quibus omnia Externa, quæ erant Ritualia, repræsentativa erant; ideo illæ Ecclesiæ dictæ fuerunt Ecclesiæ Repræsentativæ, n : 519. 521. 2896. Quod Ecclesia apud filios Israelis instituta fuerit Ecclesia Repræsentativa, n : 1003. 2179. 10149. Quod omnia Ritualia ibi fuerint Externa quæ repræsentaverunt Interna, quæ Cœli & Ecclesiæ sunt, n : 4288. 4874. Quod Repræsentativa Ecclesiæ & Cultus cessaverint cum Dominus in mundum venit, quia Dominus Interna Ecclesiæ aperuit, & quia omnia Ecclesiæ Externa in supremo sensu Ipsum spectaverunt, n : 4832.

262. *De Sensu literæ seu Externo Verbi.* Quod Sensus literæ Verbi sit secundum apparentias in mundo, n : 584. 926. 1719. 1720. 1832. 1874. 2242. 2520. 2533. Et ad captum simplicium, n : 2533. 9049. 9063. 9086. Quod Verbum in sensu literæ sit naturale, n : 8783. Ex causa, quia naturale est ultimum, in quod desinunt spiritalia & cœlestia, & super quo sicut domus super suo fundamento subsistunt, & quod alioquin sensus internus absque externo foret sicut domus absque fundamento, n : 9360. 9430. 9824. 9433. 10044. 10436. Quod Verbum quia tale sit continens sensus spiritalis & cœlestis, n : 9407. Et quia tale, quod sit sanctum Divinum in sensu literæ quoad omnia & singula ibi, usque ad unamquamque jotham, n : 639. 680. 1319. 1870. 9198. 10321. 10637. Quod Leges pro filiis Israelis latæ, tametli abrogatæ, usque sanctum Verbum sint, ob sensum internum in illis, n : 9210. 9259. 9349. Quod Leges, Judicia & Statuta pro Ecclesia Israelitica & Judaica, quæ fuit Ecclesia Repræsentativa, sint quæ adhuc in utroque sensu, Externo & Interno valent, sint quæ secundum sensum Externum omnino custodienda sunt, sint quæ possunt esse usui si libet, & sint quæ prorsus abrogata, de quibus, n : 9349. Quod Verbum Divinum sit etiam quoad illa quæ abrogata sunt, n : 10637.

Quale Verbum in sensu literæ, si non intelligitur simul quoad sensum internum, seu quod idem, secundum veram Doctrinam e Verbo, n : 10402. Quod ex sensu literæ absque sensu interno, seu absque Genuina Doctrina ex Verbo, hæreses immenso numero scatuant, n : 10401. Quod illi qui in Externo absque Interno sunt, non sustineant interiora Verbi, n : 10694. Quod Judæi tales fuerint, & quoque hodie sint, n : 301. 302. 303. 3479. 4429. 4433. 4680. 4844. 4847. 10396. 10401. 10407. 10694. 10701. 10707.

263. *Quod Dominus sit Verbum.* Quod in sensu intimo Verbi agatur unice de Domino, ac describantur omnes status glorificationis Humani Ipsius, hoc est, unionis cum Ipso Divino, & quoque omnes status subjugationis infernorum, ac ordinationis omnium ibi & in Cœlis, n: 2249. 7014. Ita quod in illo sensu describatur omnis vita Domini in Mundo, & quod per id præsentia Domini continua sit apud Angelos, n: 2523. Proinde quod Solus Dominus sit in intimo Verbi; & quod inde Divinum & Sanctum Verbi sit, n: 1873. 9357. Quod Dominus dixerit, quod impleta sit Scriptura de Ipso, significet quod omnia quæ in sensu intimo, n: 7933.

Quod Verbum significet Divinum Verum, n: 4692. 5075. 9987. Quod Dominus sit Verbum quia est Divinum Verum, n: 2533. Quod Dominus sit Verbum, etiam quia Verbum est ab Ipso, & de Ipso, n: 2859. Ac de Solo Domino in Sensu intimo, ita Ipse Dominus ibi, n: 1873. 9357. Et quia in omnibus & singulis Verbi est Conjugium Divini Boni & Divini Veri, n: 3004. 5502. Quod Jesus sit Divinum Bonum, & Christus Divinum Verum, n: 3004. 3005. 3009. Quod Divinum Verum sit unicum reale, & quod id in quo est, quod est ex Divino, sit unicum substantiale, n: 5272. 6880. 7004. 5200. Et quia Divinum Verum procedens a Domino est Lux in Cœlo, & Divinum Bonum est Calor in Cœlo, & quia ex illis omnia ibi existunt, & quia per Cœlum seu per Mundum spirituales existit Mundus naturalis, patet quod omnia quæ creata sunt, ex Divino Vero, ita est Verbo, creata sint, secundum hæc Verba apud Johannem, "*In principio erat Verbum, & Verbum erat apud Deum, & Deus erat Verbum, & per Illud omnia facta sunt quæ facta: & VERBUM CARO FACTUM EST,*" n: 2803. 2884. 5272. 7830. Porro de Creatione omnium a Divino Vero, ita a Domino, videatur in Opere de Cœlo & Inferno, n: 137: & plenius ex binis Articulis ibi n: 116 ad 125, & n: 126 ad 140.

Quod conjunctio Domini cum homine sit per Verbum, medio sensu interno, n: 10375. Quod per omnia & singula Verbi sit conjunctio, & quod inde Verbum sit mirabile præ omni scripto, n: 10632. 10633. 10634. Quod Dominus, postquam Verbum conscriptum est, loquatur per id cum hominibus, n: 10290.

264. *De illis qui contra Verbum sunt.* De illis qui contemnunt, subfannant, blasphemant, & prophanant Verbum, n: 1878. Quales illi in altera vita, n: 1761. 9222. Quod referant viscosa sanguinis, n: 5719. Quantum periculi a prophanatione Verbi, n: 571 ad 582. Quantum nocet, si principia falsi, imprimis quæ favent amoris sui & mundi, confirmentur per Verbum, n: 589. Qui in nulla affectione veri propter verum sunt, quod plane rejiciant sensum Internum Verbi, & ad illum nauseant, ab experientia, n: 5702. De quibusdam in altera vita, qui rejecerunt interiora Verbi, quod rationalitate orbatii sint, n: 1879.

265. *Plura de Verbo.* Quod VERBUM in Lingua Hebræa varia significet; nempe Sermonem, Cogitationem mentis, Omnem rem quæ realiter existit, tum aliquid, n: 9987. Quod Verbum significet Divinum Verum & Dominum, n: 4692. 5075. 9987. Quod Verba significant vera, n: 4692. 5075, quod significant Doctrinalia, n: 1288. Quod decem verba significant omnia Vera Divina, n: 10688. Quod significant res quæ realiter existunt, n: 1785. 5075. 5272.

Quod binæ expressiones unius rei in Verbo imprimis Prophetico sint, & quod una se referat ad bonum altera ad verum, quæ sic conjunguntur, n: 683. 707. 5516. 8339. Quænam expressio ad bonum se refert & quænam ad verum, quod non sciri queat nisi ex sensu interno Verbi, quoniam voces propriæ sunt, quibus exprimuntur illa quæ boni sunt, & propriæ quibus illa quæ veri, n: 793. 801. Et hoc usque ut noscatur solum ex prædicatione vocum, num de bono aut num de vero agitur, n: 2722. Quod etiam quandoque una expressio involvat commune, & altera determinatum quid a communi, n: 2212. Quod sit species reciprocationis in Verbo, de qua n: 2240 f. Quod pleraque in Verbo etiam sensum oppositum habeant, n: 4816. Quod Sensus internus prædicabiliter sequatur suum subjectum, n: 4502.

Quod, qui delectati fuerunt Verbo, in altera vita accipiant calorem cœli, cui inest amor cœlestis, secundum quale & quantum delectationis ex amore, n: 1773.

266. *Libri Verbi quinam.* Quod Libri Verbi sint omnes qui Sensum Internum habent; qui autem non habent, quod non sint Verbum. Quod Libri Verbi in Veteri Testamento, sint, Quinque Libri Mosis, Liber Josuæ, Liber Judicum, bini Libri Samuelis, bini Libri Regum, Psalmi Davidis, Prophetæ, Esaias, Jeremias, Threni, Ezechiel, Daniel, Hoseas, Joel, Amos, Obadias, Jonas, Michah, Nahum, Habakuk, Zephania, Haggai, Zacharias, Malachias: & in Novo Testamento, Quatuor Evangelistæ, Matthæus, Marcus, Lucas, Johannes; & Apocalypsis. Reliqui non Sensum Internum habent, n: 10325.

De Providentia.

267. **R**egimen Domini in Cœlis & in Terris vocatur Providentia; & quia omne bonum quod amoris & omne verum quod fidei, ex quibus salus, est ab Ipso, & prorsus nihil ab homine, inde patet, quod Divina Providentia Domini sit in omnibus & singulis quæ ad salutem Generis Humani conducunt: hoc ita docet Dominus apud Johannem, "*Ego sum Via, Veritas & Vita,*" xiv: 6: Et alibi, "*Quemadmodum palmes non potest fructum ferre a seipso nisi manserit in Vite, ita vos nisi in Me manseritis; nisi a Me non potestis facere quicquam,*" xv: 4. 5.

268. Providentia Divina Domini est quoad singularissima vitæ hominis; nam non est nisi quam unicus vitæ fons, qui est Dominus, a Quo sumus, vivimus, & agimus.

269. Qui ex mundanis cogitant de Providentia Divina, concludunt ex illis, quod illa sit modo universalis, & quod singularia sint apud hominem; sed illi non sciunt arcana Cœli, concludunt enim solum ex amoribus sui & mundi, & eorum voluptatibus; quare cum vident malos efferri ad honores & lucrari opes præ bonis, & quoque malis succedere secundum artes, corde suo dicunt, quod non ita fieret, si Divina Providentia esset in omnibus & singulis; sed illi non considerant, quod Providentia Divina non spectet id quod brevi transit, & finem cum vita hominis in mundo habet, sed quod spectet id quod in æternum manet, ita quod non finem habet; quod non finem habet, id Est, quod autem finem habet, id respective non Est; cogitet qui potest, num centum millia annorum sint aliquid ad æternum, & percipiet quod non sint, quid tunc aliqui anni vitæ in mundo.

270. Qui rite expendit, scire potest quod Eminentia & Opulentia in mundo, non sint reales Benedictiones Divinæ, tametsi homo ex suo volupi illas ita vocat, transeunt enim, & quoque seducunt multos, & avertunt a Cœlo; sed quod vita æterna & ejus felicitas sint reales Benedictiones quæ a Divino: hæc etiam docet Dominus apud Lucam, "*Facite vobis thesaurum non deficientem in Cœlis, quo fur non pervenit, neque tinea corrumpit; ubi enim est thesaurus vester, ibi etiam cor vestrum erit,*" xli: 33. 34.

271. Quod

271. Quod succedat malis secundum artes, est causa quia ex Divino ordine est, ut quisque ex ratione agat quod agit, & quoque ex libero, quapropter nisi relictum foret homini agere secundum ejus rationem ex libero, & sic quoque artes, quæ inde sunt, succederent, homo nullatenus posset disponi ad recipiendum vitam æternam, hæc enim insinuat cum homo est in libero & ratio ejus illustratur; nemo namque cogi potest ad bonum, quia omne coactum non inhæret, non enim est ipse; id ipse hominis fit, quod ex libero secundum ejus rationem fit, & ex libero fit quod ex voluntate seu amore, ac voluntas seu amor est ipse homo; si cogeretur homo ad id quod non vult, inclinaret animo semper ad id quod vult; & præterea quisque nititur ad vetitum, & hoc ex causa latente quia ad liberum; inde patet, quod nisi homo teneretur in libero, non ei provideri posset bonum.

272. Relinquere homini ex suo libero etiam cogitare, velle, & quantum non inibent leges, facere malum, vocatur Permittere.

273. Duci ad felicia in mundo per artes, apparet homini sicut fit ex propria prudentia, sed usque jugiter comitatur Divina Providentia permittendo & continue abducendo a malo: at duci ad felicia in Cælo, scitur & percipitur quod non fit ex propria prudentia, quia ex Domino, & fit ex Divina Ipsius Providentia disponendo & continue ducendo ad bonum.

274. Quod ita sit, homo non capere potest ex naturæ lumine, nam ex illo non scit leges Ordinis Divini.

275. Sciendum est, quod sit Providentia & Prævidentiâ, Bonum est quod a Domino providetur, Malum autem est quod a Domino prævidetur; una cum altera erit, nam quod ab homine venit non est nisi quam malum, at quod a Domino non est nisi quam bonum.

Ex Arcanis Cœlestibus.

Quoniam omne bonum, quod providetur homini a Domino, influit, ideo quoque in sequentibus afferenda sunt ex ARCANIS COELESTIBUS, quæ ibi de INFLUXU: & quia Dominus omnia providet secundum Divinum Ordinem, ideo etiam afferenda sunt, quæ ibi de ORDINE.

276. *De Providentia.* Quod Providentia sit Regimen Domini in Cœlis & in Terris, n: 10773. Quod Dominus ex Providentiâ regat omnia

omnia secundum Ordinem, & sic quod Regimen secundum Ordinem sit Providentia, n: 1755. 2447. Et quod regat omnia vel ex Voluntate, vel ex Venia, vel ex Permissione, ita in vario respectu secundum quale apud hominem, n: 1755. 2447. 3704. 9940. Quod Providentia invisibiliter agat, n: 5580. Quod pleraque quæ ex Providentia fiunt, appareant homini sicut Contingentia, n: 5508. Quod Providentia invisibiliter agat, est causa ne cogatur homo ex visibilibus credere, & sic ne liberum ejus lædatur, nam nisi homini liberum sit, non potest reformari, ita non salvari, n: 1937. 1947. 2876. 2881. 3854. 5508. 5982. 6477. 8209. 8907. 9588. 10409. 10777. Quod Providentia Divina non spectet temporaria quæ brevi transeunt, sed æterna, n: 5264. 8717. 10776: illustratum, n: 6491. Qui hoc non capiunt, quod credant Opulentiam & Eminentiam in mundo esse unicæ quæ providentur, quas ideo vocant Benedictiones a Divino, cum tamen illæ non spectantur a Domino ut Benedictiones, sed solum ut media ad vitam hominis in mundo, sed quod spectantur a Domino quæ ad felicitatem æternam hominis conducunt, n: 10409. 10776. Quod qui in Divina Domini Providentia sunt, in omnibus & singulis ferantur ad felicia in æternum, n: 8478. 8480. Quod hoc non cogitent, nec capiant illi, qui omnia tribuunt naturæ & propriæ prudentiæ, & non aliquid Divino, n: 6484. 10409. 10775.

Quod Divina Providentia Domini non sit sicut in mundo creditur, solum universalis, & quod particularia seu singularia sint prudentiæ apud hominem, n: 8717. 10775. Quod non detur universale nisi ex singularibus & cum illis, quoniam singularia simul sumta dicuntur Universale, prout particularia simul sumta dicuntur Commune, n: 1919. 6159. 6338. 6482. 6483. 6484. Quod tale sit Universale, qualia sunt singularia ex quibus & una cum quibus, n: 918. 1040. 6483. 8858. Quod Domini Providentia sit universalis quia in singularissimis, n: 1919. 2694. 4329. 5122. 5904. 6058. 6481 ad 6486. 6490. 7004. 7007. 8717. 10074: confirmatum e Cælo, n: 6486. Nisi Providentia Divina Domini foret universalis ex singularissimis & in singularissimis, quod nihil subsistere posset, n: 6338. Quod per id omnia disposita sint in ordinem, & teneantur in ordine, in communi & in parte, n: 6338. Quomodo comparative se habet cum Rege in terra, n: 6482. 10800. Quod propria Prudentia hominis sit sicut paucus grumus in universo, at Providentia Divina sicut ipsum universum respectu, n: 6485. Quod ita sit, quod homines ægre capiant in mundo, n: 8717. 10775. 10780. Quoniam plures fallaciæ impugnant, & cæcitatem inducunt, n: 6481. De quodam in altera vita, qui crediderat ex confirmatione in mundo, omnia propriæ prudentiæ esse, & nihil Providentiæ Divinæ, quod illa quæ apud eum apparuerint infernalialia, n: 6484.

Providentia Domini circa mala, qualis, n: 6481. 6495. 6574. 10777. 10779. Quod mala per leges permissionis regantur a Domino, & quod permittantur propter ordinem, n: 8700. 10778. Permissio mali a Domino, quod non sit ut volentis, sed ut non volentis, at qui auxilium ferre non potest urgente fine, qui est salvatio, n: 7877. Relinquere homini ex suo libero cogitare

cogitare & velle malum, & quantum non leges vetant, facere, quod sit per-
mittere, n: 10778. Quod absque Libero, ita absque illa permissione, homo
non reformari, ita non salvari possit, videatur supra in Doctrina de LIBERO,
n: 141 ad 149.

Quod Domino sit Providentia & Prævidentia, & quod una non sit absque
altera, n: 5195. 6489. Quod a Domino provideatur bonum & prævideatur
malum, n: 5155. 5195. 6489. 10781.

Quod non sit Prædestinatio seu Fatum, n: 6487. Quod omnes præde-
stinati sint ad Cælum, & nullus ad Infernum, n: 6488. Quod non sit
aliqua necessitas absoluta apud hominem ex Providentia, sed quod sit plena
libertas, illustratum per comparisonem, n: 6487. Quod per Electos in
Verbo intelligantur qui in vita boni & inde veri sunt, n: 3755. 3900. 5057.
5058. Quomodo intelligendum est quod *Deus occurrere fecerit ad manum*,
Exod: xxi: 13. n: 9010.

Quod Fortuna, quæ in multis in mundo apparet mirabilis, sit operatio
Divinæ Providentiæ in ultimo ordinis, secundum quale status hominis, &
quod illa possit esse confirmationi, quod Divina Providentia sit in omnium
singularissimis, n: 5049. 5179. 6493. 6494. Quod sit ex Mundo spirituali,
& quod inde ejus variationes, etiam ab experientia, n: 5179. 6493. 6494.

277. *De Influxu.* De Influxu Cœli in Mundum, & de Influxu
Animæ in omnia corporis ab experientia, n: 6053 ad 6058. 6189 ad 6215.
6307 ad 6327. 6466 ad 6495. 6598 ad 6626. Quod nihil existat a se, sed
a priori se, ita omnia a Primo, n: 4523. 4524. 6040. 6056. Quod omnia
sicut existerunt etiam subsistant, quia subsistentia est perpetua existentia,
n: 2886. 2888. 3627. 3628. 3648. 4523. 4524. 6040. 6056. Quod secun-
dum illum Ordinem fiat influxus, n: 7270. Inde patet, quod a Primo Esse
omnia perpetuo subsistant, quia ab Illo existerunt, n: 4523. 4524. 6040.
6056. Quod omne vitæ a Primo influat, quia inde est, ita a Domino,
n: 3001. 3318. 3337. 3338. 3344. 3484. 3619. 3741. 3742. 3743. 4318.
4319. 4320. 4417. 4524. 4882. 5847. 5986. 6325. 6468. 6469. 6470. 6479.
9276. 10196. Quod omne Existere sit ab Esse, & quod nihil possit Existere,
nisi in eo sit suum Esse, n: 4523. 4524. 6040. 6056.

Quod omnia influant quæ homo cogitat & quæ vult, ab experientia,
n: 904. 2886. 2887. 2888. 4151. 4319. 4320. 5846. 5848. 6189. 6191.
6194. 6197. 6198. 6199. 6213. 7147. 10219. Quod homo possit intueri
res, cogitare & analytice concludere, sit ex influxu, n: 1288. 4319. 4320.
Quod homo non vivere possit uno momento, si ei auferatur influxus e
mundo spirituali; & quod usque homo sit in libero, ab experientia, n: 2887.
5849. 5854. 6321. Quod vita, quæ influit a Domino, varietur secundum
statum hominis, & secundum receptionem, n: 2069. 5986. 6472. 7343.
Quod apud malos bonum quod influit a Domino, vertatur in malum, ac
verum in falsum, ab experientia, n: 3643. 4632. Quod tantum recipiatur
bonum & verum, quod continue influit a Domino, quantum non obstat ma-
lum & falsum, n: 2411. 3142. 3147. 5828.

Quod omne bonum influat a Domino, & omne malum ab Inferno, n : 904. 4151. Quod homo credat hodie omnia in se esse & ex se esse, cum tamen influunt, & hoc sciat ex doctrinali Ecclesiæ quod omne bonum sit ex Cœlo, & omne malum ex Inferno, n : 4249. 6193. 6206. At si crederet sicut res se habet, quod malum sibi non appropriaret, rejiceret enim id a se ad infernum, nec bonum faceret suum, & sic non inde aliquod meritum, n : 6206. 6324. 6325. Quam felix homini status tunc, ab interiori enim videret & bonum & malum, a Domino, n : 6325. Qui negant Cœlum, aut nihil de eo sciunt, quod nesciant quod aliquis influxus inde sit, n : 4322. 5649. 6193. 6479. Quid Influxus, illustratum per Comparationes, n : 6128. 6180. 9407.

Quod Influxus spiritualis sit & non Physicus, ita quod Influxus sit e Spirituali Mundo in Naturalem, & non e Naturali in Spiritualem, n : 3219. 5119. 5259. 5427. 5428. 5478. 6322. 9110. 9111. Quod Influxus sit per Internum hominem in Externum, & non vicissim, n : 1702. 1707. 1940. 1954. 5119. 5259. 5779. 6322. 9380. Quia Internus homo est in Mundo spirituali, & Externus in Naturali, n : 978. 1015. 3628. 4459. 4523. 4524. 6057. 6309. 9701 ad 9709. 10156. 10472. Quod appareat sicut Influxus sit ab externis in interna, quod sit fallacia, n : 3721. Quod apud hominem Influxus sit in ejus Rationalia, & per hæc in Scientifica, & non vicissim, n : 1495. 1707. 1940. Ordo influxus qualis, n : 775. 880. 1096. 1495. 7270.

Quod Influxus sit immediatus a Domino, & quoque mediat per Mundum spiritualem seu Cœlum, n : 6063. 6307. 6472. 9682. 9683. Quod Influxus Domini immediatus sit in omnium singularissima, n : 6058. 6474 ad 6478. 8717. 8728. De mediato Influxu Domini per Cœlum, n : 4067. 6982. 6985. 6996. Quod fiat per Spiritus & per Angelos, qui adjunguntur homini, n : 697. 5846 ad 5866. Quod Dominus per Angelos influat in fines, ex quibus & propter quos homo ita cogitat, vult & agit, n : 1317. 1645. 5844. 5854. Et quod in illa quæ sunt Conscientiæ apud hominem, n : 6207. 6213. Per Spiritus autem in cogitationes & inde in res memoriæ, n : 4186. 5864. 5858. 6192. 6193. 6198. 6199. 6319. Quod hoc ab homine difficulter credi possit, n : 6214. Quod Dominus influat in prima & simul in ultima, seu in intima & simul in extrema, quomodo, n : 5147. 5150. 6473. 7004. 7007. 7270. Quod Influxus Domini sit in bonum apud hominem, & per bonum in verum, non autem vicissim, n : 5482. 5649. 6027. 8685. 8701. 10153. Quod bonum det facultatem recipiendi influxum a Domino, non autem verum absque bono, n : 8321. Quod nihil noceat quid intrat in cogitationem, sed quod in voluntatem, quoniam hoc appropriatur homini, n : 6308. Quod Divinum in supremis sit tacitum & pacificum, sed prout descendit versus inferiora apud hominem, quod fiat impacificum & tumultuosum, propter inordinata ibi, n : 8823. Influxus Domini apud Prophetas, qualis, n : 6212.

Quod Influxus communis sit, de quo, n : 5850. Quod ille sit continuus & conatus agendi secundum Ordinem, n : 6211. Quod ille Influxus sit in

vitas animalium, n : 5850. Et quoque in subjecta Regni vegetabilis, n : 3648. Quod etiam secundum Influxum communem cadat cogitatio in loquelam, & voluntas in gestus apud hominem, n : 5862. 5990. 6192. 6211.

278. *De Influxu vitæ apud hominem in specie.* Quod unica Vita sit, e qua omnes tam in Cœlo quam in Mundo vivunt, n : 1954. 2021. 2536. 2658. 2886 ad 2889. 3001. 3484. 3742. 5847. 6467. Quod illa Vita sit a Solo Domino, illustratum variis, n : 2886 ad 2889. 3344. 3484. 4319. 4320. 4524. 4882. 5986. 6325. 6468. 6469. 6470. 9276. 10196. Quod Dominus sit ipsa Vita, videatur Johan : 1 : 1. 4. Cap : v : 26. Cap : xiv : 6. Quod Vita a Domino influat apud Angelos, Spiritus & Homines mirabili modo, n : 2886 ad 2889. 3337. 3338. 3484. 3742. Quod Dominus influat ex Divino suo Amore, qui talis est, ut quod suum est velit esse alterius, n : 3742. 4320. Quod omnis amor talis sit, ita infinite magis Divinus Amor, n : 1820. 1865. 2253. 6872. Quod inde appareat vita sicut in homine, & non sicut influens, n : 3742. 4320. Quod vita appareat sicut in homine, est quoque quia causa principalis, quæ est vita a Domino, & causa instrumentalis quæ est forma recipiens, unam causam agunt, quæ sentitur in instrumentali, n : 6325. Quod præcipuum sapientiæ & intelligentiæ Angelorum sit percipere & scire, quod omne vitæ sit a Domino, n : 4318. De gaudio Angelorum percepto & confirmato per loquelam ad me, ex eo quod non vivant ex se sed ex Domino, n : 6469. Quod mali non velint convinci, quod vita influat, n : 3743. Quod dubia de Influxu vitæ a Domino non removeri possint, quamdiu fallaciæ, ignorantia, & negativum regnant, n : 6479. Quod omnes ab Ecclesia sciant, quod omne bonum & verum sit e Cœlo, hoc est, per Cœlum a Deo, & quod omne malum & falsum sit ab Inferno, & tamen omne vitæ se refert ad bonum & verum, & ad malum & falsum, usque adeo ut absque illis nihil vitæ sit, n : 2893. 4151. Quod id quoque dictet doctrinale Ecclesiæ quod ex Verbo, n : 4249. Quod nihilominus homo non credat, quod vita influat, n : 4249. Si communicatio & nexus auferretur cum spiritibus & angelis, quod homo ex tempore moreretur, n : 2887. Quod inde quoque pateat, quod omne vitæ a Primo Esse vitæ influat, quia nihil ex se, sed ex prioribus se exstitit, ita omnia & singula a Primo, & quia sicut exstitit etiam omnino subsistet, quoniam subsistentia est perpetua existentia, n : 4523. 5424. Quod Angeli, Spiritus & Homines creati sint ad recipiendum vitam, ita quod modo formæ recipientes vitæ sint, n : 2021. 3001. 3318. 3344. 3484. 3742. 4151. 5114. 5986. Quod tales formæ sint, qualiter recipiunt, n : 2888. 3001. 3484. 5847. 5986. 6467. 6472. Quod ideo homines, spiritus, & angeli tales sint, quales sunt formæ recipientes vitæ a Domino, n : 2888. 5847. 5986. 6467. 6472. Quod homo ita creatus sit, ut in intimis suis, & inde in subsequenti ordine recipere possit Divinum, & elevari ad Divinum, & conjungi Divino per bonum amoris & vera fidei, & quod ideo vivat in æternum, secus ac bestia, n : 5114.

Quod vita a Domino etiam influat apud malos, ita quoque apud illos qui in Inferno sunt, n : 2706. 3743. 4417. 10196. Sed quod illi bonum vertant in malum,

malum, ac verum in falsum, ita vitam in mortem spiritualem, nam qualis homo talis receptio vitæ, n: 4319. 4320. 4417. Quod bona & vera, a Domino etiam jugiter apud illos influant, sed quod illa vel rejiciant, vel suffocent, vel pervertant, n: 3743. Quod illis, qui in malis & inde falsis sunt; non vita realis sit, qualis illa, n: 726. 4623. 4742. 10284. 10286.

279. *De Ordine.* Quod Divinum Verum procedens a Domino, sit a quo Ordo, & quod Divinum Bonum sit essentiale Ordinis, n: 1728. 2258. 8700. 8988. Quod Dominus sit Ordo, quoniam Divinum Bonum & Divinum Verum sunt a Domino, imo sunt Dominus in cælis & in terris, n: 1919. 2011. 5110. 5703. 10336. 10619. Quod Divina Vera sint Leges ordinis, n: 2247. 7995. Ubi Ordo, quod ibi Dominus sit præsens, ubi autem non Ordo, quod ibi Dominus non sit præsens, n: 5703. Quoniam Divinum Verum est Ordo, ac Divinum Bonum essentiale Ordinis, quod ideo omnia & singula in universo se referant ad Bonum & Verum, ut sint aliquid, quia ad Ordinem, n: 2451. 3166. 4390. 4409. 5232. 7256. 10122. 10555. Quod Bonum, quia est essentiale Ordinis, disponat vera in Ordinem, & non vicissim, n: 3316. 3470. 4302. 5704. 5709. 6028. 6690. Quod Universum Cælum, quoad omnes Societates angelicas, a Domino dispositum sit secundum Divinum suum Ordinem, quoniam Divinum Domini apud Angelos facit Cælum, n: 3038. 7211. 9128. 9338. 10125. 10151. 10157. Quod inde Forma Cæli sit Forma secundum Divinum Ordinem, n: 4040 ad 4043. 6607. 9877.

Quod quantum homo secundum Ordinem vivit, ita quantum in bono secundum Divina Vera, quæ sunt leges Ordinis, tantum sit homo, n: 4839. Imo quantum ita vivit, quod tantum in altera vita appareat ut homo perfectus & pulcher, quantum autem non ita vivit, quod tantum appareat ut monstrum, n: 4839. 6605. 6626. Inde patet, quod homo sit, in quem omnia Ordinis Divini collata sunt, & quod ex creatione sit Divinus Ordo in forma, n: 4219. 4220. 4223. 4523. 4524. 5114. 5368. 6013. 6057. 6605. 6626. 9706. 10156. 10472. Quod unusquisque Angelus, quia est recipiens Divini Ordinis a Domino, sit in Humana forma, perfecta & pulchra secundum receptionem, n: 322. 1880. 1881. 3633. 3804. 4622. 4735. 4797. 4985. 5199. 5530. 6054. 9879. 10177. 10594. Quod etiam Cælum Angelicum in toto complexu sit in forma sicut Homo, & hoc quia universum Cælum quoad omnes Societates angelicas ibi a Domino dispositum est secundum Divinum Ordinem, n: 2996. 2998. 3624 ad 3649. 3636 ad 3643. 3741 ad 3745. 4625. Inde patet, quod Divinum Humanum sit a Quo omnia illa, n: 2996. 2998. 3624 ad 3649. 3741 ad 3745. Inde quoque sequitur, Quod Dominus sit Solus Homo, & quod illi homines sint, qui recipiunt Divinum ab Ipso, n: 1894. Quantum recipiunt, quod tantum imagines Domini sint, n: 8547.

Quod homo non nascatur in bonum & verum, sed in malum & falsum, ita non in Divinum Ordinem, sed in contrarium Ordini, & quod inde sit quod nascatur in meram ignorantiam, & quod ideo necessario e novo debeat nasci,

nasci, hoc est, regenerari, quod fit per Divina Vera a Domino, & per vitam secundum illa, ut in Ordinem inauguretur, & sic fiat homo, n: 1047. 2307. 2308. 3518. 3812. 8480. 8550. 10283. 10284. 10286. 10731. Quod Dominus, cum regenerat hominem, omnia apud illum disponat secundum ordinem, hoc est, secundum formam Cœli, n: 5700. 6690. 9931. 10303. Quod homo, qui ducitur a Domino, ducatur secundum Divinum Ordinem, n: 8512. Quod interiora, quæ mentis, aperta sint in Cœlum usque ad Dominum illi homini, qui in Divino ordine est, & clausa illi, qui non in Divino ordine, n: 8513. Quod quantum homo vivit secundum Ordinem, tantum ei intelligentia & sapientia, n: 2592.

Quod Dominus regat prima Ordinis & ultima, & quod prima ex ultimis & ultima ex primis, & quod sic omnia contineat in nexu & in ordine, n: 3702. 3739. 6040. 6056. 9828. De ordine successivo; & de Ultimo Ordinis, in quo successiva simul sunt etiam in suo ordine, n: 634. 3691. 4145. 5114. 5897. 6239. 6326. 6465. 8603. 9216. 9217. 9828. 9836. 10044. 10099. 10329. 10335.

Quod mala & falsa sint contra ordinem, & quod usque a Domino regantur, non secundum ordinem, sed ex ordine, n: 4839. 7877. 10778. Quod mala & falsa per leges permissionis regantur, & quod hoc sit propter ordinem, n: 7877. 8700. 10778. Quod impossibile sit quod contra Divinum Ordinem est, ut quod homo, qui in malo vivit, salvari possit ex sola Misericordia, tum quod in altera vita mali consociari possint bonis, & plura alia, n: 8700.



De Domino.

280. **D**EUS est unus, qui Creator Universi & Conservator Universi; ita qui Deus cœli & Deus terræ.

281. Sunt duo quæ faciunt vitam cœli apud hominem, Bonum amoris & Verum fidei; hæc vita est homini ex Deo, & prorsus nihil ex homine; quapropter primarium Ecclesiæ est, agnoscere Deum, credere in Deum, & amare Ipsum.

282. Qui intra Ecclesiam nati sunt, agnoscere debent Dominum, Divinum Ipsius & Humanum Ipsius, ac credere in Ipsum & amare Ipsum; nam a Domino omnis salus: hoc docet Dominus apud Johannem, "*Qui credit in Filium, habet Vitam æternam; qui vero non credit Filio, non videbit Vitam, sed ira Dei manet apud illum,*" III: 36. Apud Eundem, "*Hæc est voluntas Ipsius qui misit Me, ut omnis qui videt Filium, & credit in Ipsum, habeat vitam æternam, & resuscitabo illum in extremo die,*" VI: 40. Apud Eundem, "*Jesus dixit, Ego sum Resurrectio & Vita, qui credit in Me, etsi moritur, vivet; omnis vero qui vivit & credit in Me, non morietur in æternum,*" XI: 25. 26.

283. Quapropter illi, qui intra Ecclesiam non agnoscunt Dominum ac Ipsius Divinum, non possunt conjungi Deo, & sic non aliquam sortem habere cum Angelis in Cœlo: nemo enim conjungi potest Deo nisi a Domino & in Domino. Quod nemo possit conjungi Deo nisi a Domino, docet Dominus apud Johannem, "*Deum nemo vidit unquam, Unigenitus Filius, qui in sinu Patris est, Ille exposuit,*" I: 20. Apud Eundem, "*Non vocem Patris audivistis unquam, neque speciem Ipsius vidistis,*" V: 37. Apud Eundem, "*Nemo cognoscit Patrem nisi Filius, & cui voluerit Filius revelare,*" XI: 27. Et apud Eundem, "*Ego sum Via, Veritas, & Vita, nemo venit ad Patrem nisi per Me,*" XIV: 6. Quod nemo possit conjungi Deo nisi in Domino, est quia Pater est in Ipso, & unum sunt, sicut etiam docet apud Johannem, "*Si Me cognoscitis etiam Patrem meum cognoscitis: is qui Me videt, videt Patrem; Philippe, nonne credis, quod Ego in Patre, & Pater in Me; credite Mihi, quod Ego in Patre, & Pater in Me,*" XIV: 7 ad II. Et apud Eundem, "*Pater & Ego unum sumus; cognoscatis & credatis quod Ego in Patre & Pater in Me,*" X: 30. 38.

284. Quia Pater in Domino est, ac Pater & Dominus unum sunt,
&

& quia credendum est in Ipsum, & qui credit in Ipsum vitam æternam habet, patet quod Dominus sit Deus: quod Dominus sit Deus, docet Verbum, ut apud Johannem, "*In principio erat Verbum, & Verbum erat apud Deum, & DEUS ERAT VERBUM: omnia per Ipsum facta sunt, & sine Ipso factum est nihil quod factum est: & VERBUM CARO FACTUM EST, & habitavit inter nos, & vidimus gloriam Ipsius, gloriam ut Unigeniti a Patre,*" I: 1. 3. 14. Apud Esaiam, "*Puer natus est nobis, Filius datus est nobis, super cujus humero Principatus, & vocabitur Nomen Ipsius, DEUS, Heros, PATER ÆTERNITATIS, Princeps pacis,*" IX: 5. Apud Eundem, "*Virgo concipiet & pariet, & vocabitur Nomen Ipsius DEUS NOBISCUM,*" VII: 14. Matth: I: 23: Et apud Jeremiam, "*Ecce dies venient, cum suscitabo Davidi germen justum, qui regnabit Rex, & prosperabitur; & hoc Nomen Ipsius quod vocabunt Ipsum, JEHOVAH JUSTITIA NOSTRA,*" XXIII: 5. 6. Cap: XXXIII: 15. 16.

285. Omnes qui ab Ecclesia sunt, & in luce e Cælo, vident Divinum in Domino; at qui non in luce e Cælo sunt, non vident nisi quam Humanum in Domino; cum tamen Divinum & Humanum in Ipso ita unita sunt, ut sint unum; sicut docuit Dominus etiam alibi apud Johannem, "*Pater, omnia mea Tua sunt, & omnia Tua Mea,*" XVII: 10.

286. Quod Dominus conceptus sit a Jehovah Patre, & sic a conceptione Deus, notum est in Ecclesia; & quoque quod resurrexerit cum toto Corpore, nam nihil reliquit in Sepulchro; de quo etiam postea confirmavit discipulos, dicendo, "*Videte manus meas & pedes meos, quod Ipse Ego sim; palpate Me & videte; nam Spiritus carnem & ossa non habet, sicut Me videtis habere,*" Luc: XXIV: 39: & tamen fuit homo quoad carnem & ossa, usque intravit per fores clausas, ac postquam se manifestavit, invisibilis factus est, Joh: XX: 19. 26. Luc: XXIV: 3. Secus fit omni homini, homo enim modo quoad spiritum, & non quoad corpus resurgit; quare cum dixit, *quod non sit sicut spiritus*, dixit quod non sit sicut alius homo. Inde patet, quod etiam Humanum in Domino Divinum sit.

287. Omnis homo ex Patre habet suum Esse vitæ, quod vocatur Anima ejus, Existere vitæ inde est quod vocatur Corpus; inde Corpus est Effigies suæ Animæ, nam Anima per illud agit vitam suam ex nutu: inde est, quod homines nascantur in similitudinem suorum parentum, & quod familiæ internoscantur: exinde patet, quale Corpus seu quale Humanum Domino fuit, quod nempe sicut Ipsum Divinum,

quod fuit Eſſe vitæ Ipfius feu Anima ex Patre; quare dixit, "*Qui videt Me videt Patrem*," Joh : xiv : 9.

288. Quod Divinum & Humanum Domini fit una Persona, eſt ex fide recepta in toto Chriſtiano Orbe, quæ talis eſt, "*Quamvis Chriſtus eſt Deus & Homo, uſque tamen non eſt duo, ſed unus Chriſtus; imo eſt prorsus unus & unica Persona; quia ſicut Corpus & Anima ſunt unus homo, ita quoque Deus & Homo eſt unus Chriſtus*." Hæc e Symbolo Athanaſii.

289. Qui de Divinitate ideam trium Perſonarum habent, non poſſunt ideam unius Dei habere; ſi ore dicunt unum, uſque cogitant tres: at qui de Divinitate, ideam Trium in una Perſona habent, illi poſſunt ideam unius Dei habere, ac dicere unum Deum, & quoque cogitare unum Deum.

290. Idea Trium in una Perſona habetur, cum cogitatur quod Pater in Domino fit, & Spiritus Sanctus procedat ab Ipſo; Trinum tunc in Domino eſt, Ipſum Divinum quod Pater vocatur, Divinum Humanum quod Filius, & Divinum Procedens quod Spiritus Sanctus.

291. Quia in Domino omne Divinum eſt, ideo Ipſi omnis Potestas in cœlis & in terris eſt; quod etiam Ipſe dicit, apud Johannem, "*Pater dedit omnia in manum Filii*," III : 35. Apud Eundem, "*Pater dedit Filio poteſtatem omnis carnis*," XVII : 2. Apud Matthæum, "*Omnia Mibi tradita ſunt a Patre*," xi : 27. Apud Eundem, "*Data eſt Mibi omnis poteſtas in cœlo & in terra*," XXVIII : 16. Talis poteſtas Divinum eſt.

292. Qui faciunt Humanum Domini ſimile humano alius hominis, non cogitant de Conceptione Ipfius ex Ipſo Divino: nec expendunt, quod Corpus cujuſvis fit effigies ſuæ Animæ. Nec cogitant de Reſurrectione Ipfius cum toto Corpore: neque de Ipſo viſo cum transformatus, quod ſplenduerit facies Ipfius ſicut Sol. Nec cogitant de illis, quæ Dominus dixerat de fide in Ipſum, de uno cum Patre, de Glorificatione, deque Potestate ſuper Cœlum & Terram, quod hæc Divina ſint & dicta de Humano Ipfius. Nec recordantur, quod Dominus omnipræſens ſit etiam quoad Humanum, Matth : XXVIII : 20, inde tamen fides Omnipræſentiæ Ipfius in Sacra Cœna; Omnipræſentia eſt Divina. Imo forte non cogitant, quod Divinum, quod vocatur Spiritus Sanctus, procedat ex Humano Ipfius; cum tamen procedit ex Ipfius Humano gloriſicato, nam dicitur, "*Nondum erat Spiritus Sanctus, quia Jeſus nondum glorificatus erat*," Joh : VII : 39.

293. Dominus

293. Dominus in mundum venit, ut salvaret Genus humanum, quod alioquin periisset morte æterna; & per id salvavit, quod subjugaverit Inferna, quæ infestabant omnem hominem venientem in mundum, & exeuntem e mundo; & simul per id quod glorificaverit Humanum suum; sic enim Inferna potest tenere subjugata in æternum. Subjugatio Infernorum, & simul Glorificatio Humani Ipsius, facta est per Tentationes in Humanum, quod ei fuit ex matre, admissas, & per continuas tunc Victorias: Passio Ipsius in cruce fuit ultima Tentatio & plena Victoria.

294. Quod Dominus subjugaverit Inferna docet Ipse apud Johannem, cum instabat Passio Crucis, tunc dixit Jesus, "*Nunc Judicium est Mundi hujus, NUNC PRINCEPS MUNDI HUIUS EJICIETUR FORAS,*" XII: 27. 28. 31. Apud Eundem, "*Confidite EGO VICI MUNDUM,*" XVI: 33. Et apud Esaïam, "*Quis hic venit ex Edom, incedens in multitudine roboris sui, Magnus ad salvandum; salutem præstitit Mibi brachium meum; ideo factus est illis in Salvatorem,*" LXIII: 1 ad 20. Cap: LIX: 16 ad 21. Quod glorificaverit Humanum suum; & quod Passio crucis fuerit ultima Tentatio & plena Victoria, per quam glorificatus est, docet etiam apud Johannem, "*Postquam Judas exiit, dixit Jesus, nunc glorificatus est Filius hominis, & Deus glorificabit Ipsum in Se Ipso, & statim glorificabit Ipsum,*" XIII: 31. 32. Apud Eundem, "*Pater, venit hora, glorifica Filium tuum, ut etiam Filius tuus glorificet Te,*" XVII: 1. 5. Apud Eundem, "*Nunc anima mea turbata est, Pater glorifica tuum Nomen; & exiit vox e Cælo, & glorificavi & rursus glorificabo,*" XII: 27. 28. Et apud Lucam, "*Nonne hoc oportebat pati Christum, & ingredi in gloriam.*" XXIV: 30. Hæc dicta sunt de Passione Ipsius: Glorificare est Divinum facere. Inde nunc constat, quod nisi Dominus in mundum venerit, & Homo factus sit, & eo modo liberaverit ab Inferno omnes illos qui credunt in Ipsum, & amant Ipsum, nullus mortalium salvari potuerit: ita intelligitur, quod absque Domino nulla salus.

295. Quum Dominus plene glorificavit Humanum suum, tunc exiit Humanum ex matre, & induit Humanum ex Patre, quod est Divinum Humanum: quare tunc non amplius Mariæ filius fuit.

296. Primum & Primarium Ecclesiæ est, cognoscere & agnoscere suum Deum; nam absque cognitione & agnitione illa non est conjunctio; ita in Ecclesia absque agnitione Domini; hoc docet Dominus apud Johannem, "*Qui credit in Filium, vitam æternam habet; qui vero non credit Filio, non videbit vitam, sed ira Dei manet apud illum,*"

illum," III : 36. Et alibi, " *Nisi credideritis quod Ego sim, moriemini in peccatis vestris,*" VIII : 24.

297. Quod Trinum in Domino sit, nempe Ipsum Divinum, Divinum Humanum, & Divinum procedens, est arcanum e Cœlo, & pro illis qui in Sancta Hierosolyma erunt.

Ex Arcanis Cœlestibus.

298. *QUOD Divinum Domino fuerit ex ipsa conceptione.*

Quod Domino Divinum ex Patre fuerit, n : 4641. 4963. 8041. 5157. 6716. 10125. Quod Domino Soli fuerit semen Divinum, n : 1438. Quod Anima Ipsi fuerit Jehovah, n : 1999. 2004. 2005. 2018. 2025. Quod sic intimum Domini fuerit Ipsum Divinum, inductio a matre, n : 5041. Quod Ipsum Divinum fuerit Esse vitæ Domini, a Quo Humanum dein exivit, & factum. est Existere ex illo Esse, n : 3194. 3210. 10270. 10372.

299. *Quod Divinum Domini agnoscendum sit.* Quod intra Ecclesiam, ubi est Verbum, & per id notus est Dominus, non negandum sit Divinum Domini, nec Sanctum procedens ab Ipso, n : 2359. Qui non agnoscunt Dominum intra Ecclesiam, quod eis non conjunctio sit cum Divino ; aliter qui extra Ecclesiam sunt, n : 10205. Quod Essentiale Ecclesiæ sit agnoscere Divinum Domini, ac unionem Ipsi eum Patre, n : 10083. 10112. 10370. 10728. 10730. 10816. 10817. 10818. 10820.

300. *Quod Dominus glorificaverit Humanum suum in mundo.* Quod in Verbo multis agatur de Glorificatione Domini, n : 10828. Et quod ubivis in sensu Verbi interno, n : 2249. 2523. 3245. Quod Dominus Humanum suum glorificaverit, non Divinum, quia Hoc in se glorificatum fuit, n : 10057. Quod Dominus in mundum venerit, ut glorificaret Humanum suum, n : 3637. 4286. 9315. Quod Dominus glorificaverit Humanum suum per Divinum, quod fuit in Ipso ex conceptione, n : 4727. Quod idea de Glorificatione Humani Domini haberi possit ex idea Regenerationis hominis, quoniam Dominus ita regenerat hominem sicut glorificavit Humanum suum, n : 3043. 3138. 3212. 3296. 3490. 4402. 5688. Aliqua de Arcanis circa glorificationem Humani Domini, n : 10057. Quod Dominus salvaverit Genus humanum per id quod glorificaverit Humanum suum, n : 1676. 4180. De statu Glorificationis & Humiliationis Domini, n : 1785. 1999. 2159. 6866. Glorificatio ubi de Domino, quod sit unio. Ipsi Humani cum Divino, & Glorificare quod sit Divinum facere, n : 1603. 10053. 10828.

301. *Quod*

301. *Quod Dominus ex Humano subjugaverit Inferna cum fuit in mundo.* Quod Dominus subjugaverit omnia Inferna, cum fuit in mundo, & quod redegerit tunc omnia in ordinem in Cœlis & Infernis, n: 4075. 4286. 9937. Quod Dominus liberaverit tunc Mundum spiritualem ab Antediluvianis, n: 1266. Quales illi fuerunt, n: 310. 311. 560. 562. 563. 570. 581. 607. 660. 805. 808. 1034. 1120. 1265 ad 1272. Quod Dominus per subjugationem Infernorum, & simul Glorificationem Humani sui salvaverit homines, n: 4180. 10019. 10152. 10655. 10659. 10828.

302. *Quod Glorificatio Humani Domini, & subjugatio Infernorum facta sit per Tentationes.* Quod Dominus præ omnibus gravissimas Tentationes subiverit, n: 1663. 1668. 1787. 2776. 2786. 2795. 2816. 4295. 9528. Quod Dominus ex Divino Amore erga Genus humanum, pugnaverit, n: 1690. 1691. 1812. 1813. 1820. Quod Domini Amor fuerit Salus Generis humani, n: 1820. Quod Inferna contra Amorem Domini pugnaverint, n: 1820. Quod Dominus Solus & ex propria potentia contra Inferna pugnaverit, & illa vicerit, n: 1692. 1813. 2816. 4295. 8273. 9937. Quod inde Dominus Justitia & Meritum factus sit Solus, n: 1813. 2025. 2026. 2027. 9715. 9809. 10019. Quod Tentatio Domini ultima fuerit in Gethsemane & in Cruce, & tunc quoque plenaria Victoria, per quam subjugavit Inferna, & simul glorificavit Humanum suum, n: 2276. 2803. 2813. 2814. 10655. 10659. 10829. Quod Dominus non potuerit quoad Ipsum Divinum tentari, n: 2795. 2803. 2813. 2814. Quod ideo assumeret humanum ex matre infirmum, in quod admisit tentationes, n: 1414. 1444. 1573. 5041. 5157. 7193. 9315. Quod per Tentationes & Victorias expulerit omne hæreditarium ex matre, & exuerit humanum ex illa, usque tandem ut amplius non filius ejus esset, n: 2159. 2574. 2649. 3036. 10829. Quod Jehovah, Qui in Ipso, in Tentationibus apparuerit sicut absens, & hoc quantum fuit in Humano ex matre, n: 1815. Quod is status fuerit status humiliationis Domini, n: 1785. 1999. 2159. 6866. Quod Dominus per Tentationes & Victorias etiam disposuerit omnia in ordinem in cœlis, n: 4287. 9397. 9528. 9937. Quod etiam per easdem univerit Humanum suum Divino, hoc est, Humanum suum glorificaverit, n: 1725. 1729. 1733. 1737. 3318. 3381. 3382. 4286. 4287. 9397. 9528. 9937.

303. *Quod Humanum Domini fuerit Divinum Verum cum in Mundo.* Quod Dominus Humanum suum fecerit Divinum Verum, ex Divino Bono quod in Ipso, cum fuit in Mundo, n: 2803. 3194. 3195. 3210. 6716. 6864. 7014. 7499. 8127. 8724. 9199. Quod Dominus tunc disposuerit apud se omnia in formam cœlestem, quæ est secundum Divinum Verum, n: 1928. 3633. Consequenter quod Cœlum tunc fuerit in Domino, ac Dominus ut Cœlum, n: 911. 1900. 1982. 3624 ad 3631. 3634. 3884. 4041. 4279. 4523. 4524. 4525. 6013. 6057. 6690. 9279. 9632. 9931. 10303. Quod Dominus loquutus sit ex ipso Divino Vero,

n: 8127. Quod ideo Dominus in Verbo loquutus sit per correspondentias, n: 3131. 3472 ad 3485. 8615. 10687. Quod inde Dominus sit Verbum, & dicatur Verbum, quod est Divinum Verum, n: 2533. 2818. 2859. 2894. 3393. 3712. Quod in Verbo Filius hominis significet Divinum Verum, ac Pater Divinum Bonum, n: 2803. 3704. 7499. 8724. 9194. Quia Dominus fuit Divinum Verum, quod fuerit Divina Sapiencia, n: 2500. 2527. Quod Perceptio & Cogitatio Domino Soli fuerit ex Se Ipso, & supra omnem perceptionem & cogitationem Angelicam, n: 1904. 1914. 1915. Quod Verum Divinum potuerit tentari, non autem Divinum Bonum, n: 2814.

304. *Quod Dominus univerit Divinum Verum Divino Bono, ita Humanum suum Ipsi Divino.* Quod Dominus sicut alius homo instructus sit, n: 1457. 1461. 2523. 3030. Quod Dominus successive progressus sit ad unionem cum Patre, n: 1864. 2033. 2632. 3141. 4585. 7014. 10076. Quod quantum Dominus unitus est Patri, tantum loquutus sit ut cum Se Ipso, & quod alioquin sicut cum alio, n: 1745. 1999. 7058. Quod Dominus ex propria potentia univerit Humanum Divino, n: 1616. 1749. 1753. 1813. 1921. 2025. 2026. 2523. 3141. 5005. 5045. 6716. Quod Dominus univerit Divinum Verum, quod Ipse, cum Divino Bono quod in Ipso, n: 10047. 10052. 10076. Quod unio reciproca fuerit, n: 2004. 10067. Quod Dominus cum e mundo abivit, Humanum suum fecerit Divinum Bonum, n: 3194. 3210. 6864. 7499. 8724. 9199. 10076. Ita quod exierit ex Patre, & quod redierit ad Patrem, n: 3194. 3210. Quod sic unus factus sit cum Patre, n: 2751. 3704. 4766. Quod Dominus in unitione cum Ipso Divino, quod erat in Ipso, spectaverit sui conjunctionem cum Genere humano, n: 2034. Quod post unitionem, Divinum Verum procedat a Domino, n: 3704. 3712. 3969. 4577. 5704. 7499. 8127. 8241. 9199. 9398. Quomodo Divinum Verum procedit, illustratum, n: 7270. 9407.

Nisi Divinum fuisset in Humano Domini ex conceptione, quod Humanum non potuisset uniri Ipsi Divino, ob ardorem Infiniti Amoris, in quo est Ipsum Divinum, n: 6849. Quod ideo nusquam aliquis Angelus uniri possit Ipsi Divino, nisi ad distantiam & per obvelationem, quod alioquin consumeretur, n: 6849. Quod Divinus Amor talis sit, n: 8644. Inde constare potest, quod Humanum Domini non fuerit sicut humanum alius hominis, n: 10125. 10826. Quod unio Ipsi cum Patre, ex Quo Anima Ipsi, non fuerit sicut inter duos, sed sicut inter Animam & Corpus, n: 3737. 10824. Quod Unio dicatur de Humano Domini cum Divino, at conjunctio de homine cum Divino, n: 2021.

305. *Quod sic Dominus Humanum suum Divinum fecerit.* Quod Humanum Domini sit Divinum, quia ex Esse Patris quod Ipsi Anima, illustratum per similitudinem patris in liberis, n: 10270. 10372. 10823. Et quia ex Divino Amore, qui in Ipso, n: 6872. Quod unusquisque

quisque homo sit talis qualis ejus amor, & quod sit suus amor, n : 6872. 10177. 10284. Quod Dominus fuerit Divinus Amor, n : 2077. 2253. Quod Dominus omne Humanum tam Internum quam Externum, fecerit Divinum, n : 1603. 1815. 1902. 1926. 2093. 2803. Quod ideo quoad totum Corpus resurrexerit, secus ac ullus homo, n : 1729. 2083. 5078. 10825. Quod Humanum Domini sit Divinum, agnoscitur ex Omnipræsentia Humani Ipsius in Sacra Cœna, n : 2343. 2359. Et quod pateat ex transformatione Ipsius coram tribus discipulis, n : 3212. Et quoque ex Verbo, n : 10154. Et quod dicatur ibi Jehovah, n : 1603. 1736. 1815. 1902. 2921. 3035. 5110. 6303. 6281. 8864. 9194. 9315. Quod in sensu literæ distinguatur inter Patrem & Filium, seu Jehovah & Dominum, sed non in sensu Verbi interno, in quo sunt Angeli Cœli, n : 3035. Quod Christianus Orbis Humanum Domini non Divinum agnoscat, quod factum sit in Concilio propter Papam, ut pro Vicario Ipsius agnosceretur, ex loquela cum illis in altera vita, n : 4738.

Quod Divinum Humanum ab æterno fuerit Divinum Verum in Cœlo, ita Divinum Existere, quod postea in Domino factum est Divinum Esse, a Quo Divinum Existere in Cœlo, n : 3061. 6280. 6880. 10579. Status Cœli prius, qualis, n : 6371. 6372. 6373. Quod Divinum non perceptibile ita nec receptibile fuerit, nisi cum transivit Cœlum, n : 6982. 6996. 7004. Quod Dominus ab æterno, fuerit Divinum Verum in Cœlo, n : 2803. 3195. 3704. Quod id sit Filius Dei natus ab æterno, n : 2628. 2798.

Quod in Cœlo non aliud Divinum percipiatur quam Divinum Humanum, n : 6475. 9303. 9267. 10067. Quod Antiquissimi non adorare potuerint Infinitum Esse, sed Infinitum Existere, quod est Divinum Humanum, n : 4687. 5321. Quod Antiqui agnoverint Divinum, quia apparuit in Humana forma, & quod hoc fuerit Divinum Humanum, n : 5110. 5663. 6846. 10737. Quod Incolæ omnium Tellurum adorent Divinum sub Humana forma; & quod gaudeant cum audiunt, quod Deus actualiter Homo factus sit, n : 6700. 8541 ad 8547. 9361. 10736. 10737. 10738; *videatur in Opusculo de Telluribus in Mundo nostro Solari, & in Cælo astrifero*. Quod de Deo nisi in Humana forma non cogitari possit, & quod incomprehensibile est, in nullam ideam cadat, n : 9359. 9972. Quod homo colere possit, de quo aliquam ideam habet, & non de quo nullam, n : 4733. 5110. 5633. 7211. 9267. 10667. Quod ideo a plerisque in universo terrarum Orbe Divinum colatur sub Humana forma, & quod id sit per influxum e Cœlo, n : 10159. Quod omnes qui in bono sunt quoad vitam, cum cogitant de Domino, de Divino Humano cogitent, & non de Humano separato a Divino, n : 2326. 4724. 4731. 4766. 8878. 9193. 9198. Quod cogitent de Humano Domini absque Divino hodie in Ecclesia illi qui in malo quoad vitam sunt, tum qui in fide separata a charitate, & quoque quod non capiant quid Divinum Humanum, causæ, n : 3212. 3241. 4689. 4692. 4724. 4731. 5321. 6372. 8878. 9193. 9198.

306. *Quod Trinum sit in Domino.* Quod Christiani in altera vita explorati sint, qualem ideam de Deo uno haberent, & compertum, quod haberent ideam trium deorum, n : 2329. 5256. 10736. 10737. 10738. 10821. Quod Trinum Divinum in una Persona concipi possit, & sic unus Deus, non autem in tribus Personis, n : 10738. 10821. 10824. Quod Trinum in una Persona, ita in Domino, sit Ipsum Divinum quod Pater vocatur, Divinum Humanum quod Filius, ac Divinum Procedens quod Spiritus Sanctus, & quod sic Trinum sit Unum, n : 2149. 2156. 2288. 2321. 2329. 2447. 3704. 6993. 7182. 10738. 10822. 10823. Quod Divinum Trinum in Domino agnoscatur in Cœlo, n : 14. 15. 1729. 2005. 5256. 9303. Quod Dominus unus sit cum Patre, ita Ipsum Divinum & Divinum Humanum, n : 1729. 2004. 2005. 2018. 2025. 2751. 3704. 3736. 4706. Quod Divinum Ipsius procedens sit etiam Divinum Ipsius in Cœlo, quod Spiritus Sanctus vocatur, n : 3969. 4673. 6783. 6993. 7499. 8127. 8302. 9199. 9228. 9229. 9270. 9407. 9818. 9820. 10330. Ita quod Dominus sit Solus & unicus Deus, n : 1607. 2149. 2156. 2329. 2447. 2751. 3194. 3704. 3712. 3939. 4577. 4687. 5321. 6280. 6371. 6849. 6993. 7014. 7091. 7182. 7209. 8241. 8724. 8763. 8864. 8865. 9194. 9303.

307. *De Domino in Cœlo.* Quod Dominus appareat in Cœlo ut Sol & ut Luna, ut Sol illis qui in Regno Cœlesti, ac ut Luna illis qui in Regno spirituali, n : 1053. 1521. 1529. 1530. 1531. 3636. 3643. 4321. 5097. 7078. 7083. 7173. 7270. 8812. 10809. Quod Lux, quæ procedit ex Domino ut Sole, sit Divinum Verum, ex quo omnis sapientia & intelligentia Angelis, n : 1053. 1521 ad 1533. 2776. 3138. 3195. 3222. 3223. 3225. 3399. 3341. 3636. 3643. 3993. 4180. 4302. 4415. 5400. 9399. 9407. 9548. 9571. 9684. Et quod Calor, qui procedit ex Domino ut Sole, sit Divinum Bonum ex quo Amor Angelis, n : 3338. 3636. 3643. 5215. Quod Ipsum Divinum Domini sit longe supra Divinum Ipsius in Cœlo, n : 7270. 8760. Quod Divinum Verum non sit in Domino, sed quod procedat ex Domino, sicut Lux non est in Sole sed ex sole, n : 3969. Quod in Domino sit Esse, & a Domino Existere, n : 3938. Quod Dominus sit Centrum commune, ad quod omnes Angeli in Cœlo se vertunt, n : 3633. 9828. 10130. 10189. Quod tamen Angeli se non vertant ad Dominum, sed quod Dominus illos vertat ad Se, n : 10189 : quia non est præsentia Angelorum apud Dominum, sed Domini apud Angelos, n : 9415. Quod præsentia Domini apud Angelos se habeat secundum receptionem boni amoris & charitatis ab Ipso, n : 904. 4198. 4206. 4211. 4320. 6280. 6832. 7042. 8819. 9680. 9682. 9683. 10106. 10811. Quod Dominus præsens sit apud omnes in Cœlo, & quoque in Inferno, n : 2766. Quod Dominus ex Divino Amore velit adducere omnes homines ad Se in Cœlum, n : 6645. Quod Dominus sit in continuo conatu conjunctionis cum homine, sed quod influxus & conjunctio impediatur per proprios hominis amores, n : 2041. 2053. 2411. 5696.

Quod

Quod Divinum Humanum Domini influat in Cœlum & faciat Cœlum, quodque nulla conjunctio cum Ipso Divino sit in Cœlo, sed cum Divino Humano, n: 3038. 4211. 4724. 5633. Et quod Divinum illud influat e Cœlo & per Cœlum apud homines, n: 1925. Quod Dominus sit omne Cœli, & quod sit vita Cœli, n: 7211. 9128. Quod Dominus in Suo habitet apud Angelos, n: 9338. 10125. 10151. 10157. Inde, quod qui in Cœlo sunt, in Domino sint, n: 3637. 3638. Quod Cœlum correspondeat Divino Humano Domini, & quod Homo quoad omnia & singula Cœlo, & quod inde Cœlum in communi sit sicut unus Homo, qui ideo Maximus Homo vocatur, n: 2948. 2996. 3624 ad 3649. 3636 ad 3643. 3741 ad 3745. 4625. Quod Dominus sit Solus Homo, & quod illi modo homines sint qui recipiunt Divinum ab Ipso, n: 1894. Quod quantum recipiunt, tantum imagines Domini sint, n: 8547. Quod Angeli sint formæ amoris & charitatis in humana forma, & quod hoc a Domino, n: 3804. 4735. 4797. 4985. 5199. 5530. 9379. 10177.

308. *Quod a Domino omne Bonum & Verum.* Quod Dominus sit Ipsum Bonum & Ipsum Verum, n: 2011. 5110. 10336. 10619. Quod a Domino omne Bonum & Verum, proinde omnis Pax, Innocentia, Amor, Charitas, Fides, n: 1614. 2016. 2751. 2882. 2883. 2891. 2892. 2904. Et quod omnis Sapientia & Intelligentia, n: 109. 112. 121. 124. Quod a Domino nihil nisi quam bonum veniat, at quod mali vertant bonum quod a Domino in malum, n: 7643. 7679. 7710. 8632. Quod Angeli sciant, quod omne bonum & verum sit a Domino, sed quod mali hoc non scire velint, n: 6193. 9128. Quod Angeli ex præsentia Domini plus in bono sint, at infernales ex præsentia Domini plus in malo, n: 7989. Quod mali conjiciant se in Infernum ex sola præsentia Domini, n: 8137. 8266. Quod Dominus judicet omnes ex bono, n: 2335. Quod Dominus omnes aspiciat ex Misericordia, n: 223. Quod Dominus nusquam alicui irascatur, non alicui malum faciat, & non aliquem in Infernum mittat, n: 245. 1683. 2335. 8632. Quomodo intelligendum est, quod in Verbo dicatur, quod Jehovah seu Dominus irascatur, occidat, conjiciat in infernum, & plura similia, n: 592. 696. 1093. 1874. 1875. 2395. 2447. 3605. 3607. 3614. 6073. 6997.

309. *Quod Domino sit omnis Potestas in Cœlis & in Terris.* Quod universum Cœlum Domini sit, n: 2751. 7086. Et quod Ipsi potestas in cœlis & in terris sit, n: 1607. 10089. 10827. Quia Dominus regit universum Cœlum, quod etiam regat omnia quæ inde pendent, ita omnia in Mundo, n: 2026. 2027. 4523. 4524. Quod etiam regat Inferna, n: 3643. Quod Dominus omnia ex Divino per Divinum Humanum regat, n: 8864. 8865. Quod Dominus regat omnia secundum Divinum Ordinem, & quod Divinus Ordo se referat ad illa quæ sunt Voluntatis Ipsi, ad illa quæ fiunt ex Venia, & ad illa quæ fiunt ex Permissione, n: 1755. 2447. 3074. 9948; de Ordine vide supra n: 238. Quod Dominus

regat ultima ex primis, & prima ex ultimis, & quod inde sit quod dicatur Primus & Ultimus, n : 3702. 6040. 6056. Quod Domino Soli sit potentia removendi-Inferna, detinendi a malis, ac tenendi in bono, ita salvandi, n : 10019. Quod Domino sit Judicium, n : 2319. 2320. 2321. 10810. 10811. Quid Sacerdotale Domini, & quid Regium Ipsi, n : 1728. 2015.

310. *Quædam de Domino in Verbo, quomodo intelligenda.* Quid Semen mulieris, in Prophetico de Domino, n : 256. Quid significat Filius hominis & Filius Dei in Verbo, n : 2159. 2813. Quid significant bina Nomina Jesus Christus, n : 3004 ad 3011. Quid significat, quod de Domino dicatur Missus a Patre, n : 2397. 6831. 10561. Quomodo intelligendum est, quod Dominus portaverit omnium iniquitates, n : 9937. Quomodo intelligendum est, quod Dominus redemerit hominem per sanguinem suum, n : 10152. Quomodo intelligendum est, quod Dominus impleverit omnia legis, n : 10239. Quomodo intelligendum est, quod Dominus intercedat pro homine, n : 2250. 8573. 8705. Quomodo intelligendum est, quod absque Domino nulla salus, n : 10828. Quod non sit salvatio per intuitum Patris seu per precationem ad Ipsum, ut misereatur propter Filium; Dominus enim dicit, "*Ego sum via, veritas & vita, nemo venit ad Patrem nisi per Me,*" Joh : xiv : 6. n : 2854. Contradictoria quæ involvit recepta fides, quod Dominus per Passionem crucis reconciliaverit Humanum Genus Patri, n : 10659. Quod Adventus Domini sit præsentia Ipsi in Verbo, n : 3900. 4060. Quod Dominus non velit gloriam ab homine propter Se, sed propter hominis salutem, n : 5957. 10646. Quod Dominus in Verbo, ubi Dominus nominatur, significet Divinum Bonum, n : 4973. 9167. 9194. Quod ubi Christus, significet Divinum Verum, n : 3008. 3004. 3005. 3009.

Quod vera agnitio & verus cultus Domini sit facere præcepta Ipsi, ostensum ex Verbo, n : 10143. 10153. 10578. 10645. 10829.



De Regimine Ecclesiastico & Civili.

311. **S**UNT duo, quæ apud homines in ordine erunt, nempe quæ Cœli sunt, & quæ Mundi: illa quæ Cœli sunt, vocantur Ecclesiastica, quæ Mundi sunt, vocantur Civilia.

312. Ordo non potest teneri in Mundo absque Præfectis, qui observaturi omnia quæ secundum ordinem, & quæ contra ordinem fiunt; & qui remuneraturi illos qui secundum ordinem vivunt, & puniunt illos qui contra ordinem; si id non fit, peribit Genus humanum; nam cuius ex hæreditario connatum est, velle imperare aliis, ac possidere bona aliorum, unde inimicitia, invidia, odia, vindicta, doli, sævitia, & plura alia mala; quapropter nisi in vinculis teneantur per leges, & per remunerationes convenientes amoribus illorum, quæ sunt honores & lucra, pro illis qui bona faciunt, ac per punitiones contrarias amoribus illis, quæ sunt jactura honorum, possessionum, & vitæ, pro illis qui mala faciunt, perituum esset Genus humanum.

313. Erunt itaque Præfecti, qui Cætus hominum tenebunt in ordine, qui legisperiti, sapientes, & timentes Deum. Inter Præfectos etiam erit ordo, ne aliquis ex lubitu aut inscitia permittat mala contra ordinem, & sic destruat illum, quod cavetur cum Præfecti superiores & inferiores sunt, inter quos subordinatio.

314. Præfecti super illa apud homines quæ Cœli sunt, seu super Ecclesiastica, vocantur Sacerdotes, ac munus eorum Sacerdotium. Præfecti autem super illa apud homines quæ Mundi sunt, seu super Civilia, vocantur Magistratus, ac Summus eorum, ubi talia Imperia, Rex.

315. Quod concernit Sacerdotes, docebunt illi homines viam ad Cœlum, & quoque ducent illos; docebunt illos secundum Ecclesiæ suæ doctrinam ex Verbo, ac ducent ut vivant secundum illam. Sacerdotes, qui docent verum, & per illa ducunt ad bonum vitæ, & sic ad Dominum, sunt Pastores ovium boni; qui autem docent, & non ducunt ad bonum vitæ, & sic ad Dominum, sunt Pastores mali.

316. Sacerdotes non sibi aliquam potestatem super animas hominum vindicabunt, quia non sciunt in quo statu sunt interiora hominis; minus sibi vindicabunt potestatem aperiendi & claudendi Cœlum, quoniam ea potestas est Solius Domini.

317. Sacerdotibus erit dignitas & honor propter Sancta quæ obeunt; sed qui sapiunt, dant honorem Domino a Quo Sancta, & non sibi; qui autem non sapiunt, tribuunt honorem sibi; hi illum adimunt Domino. Qui honorem tribuunt sibi propter Sancta quæ obeunt, illi

præferunt honorem & lucrum salutis animarum, cui consulent; qui autem honorem dant Domino & non sibi, illi præferunt salutem animarum honori & lucro. Nullus honor alicujus functionis in persona est, sed ei adjungitur secundum dignitatem rei quam administrat; & quod adjungitur, hoc non ipsius personæ est, & quodque separatur cum functione: honor in persona est honor sapientiæ & timoris Domini.

318. Sacerdotes populum docebunt, ac ducent per vera ad bonum vitæ, sed usque nullum cogent, quoniam nullus cogi potest ad credendum contra id quod cogitavit ex corde esse verum; qui aliter credit quam Sacerdos, & non turbas facit, relinquetur in pace; at qui turbas facit, separabitur; nam hoc etiam est ordinis, propter quem Sacerdotium.

319. Sicut Sacerdotes præfecti sunt ad administrandum illa, quæ Legis Divinæ & Cultus sunt, ita Reges & Magistratus ad administrandum illa quæ Legis Civilis & Judicii sunt.

320. Quia Rex non solus potest administrare omnia, ideo sunt Præfecti sub illo, quorum unicuique data est provincia administrandi quod Rex non potest & valet; hi Præfecti simul sumti constituunt Regium, sed ipso Rex est Summus.

321. Ipsum Regium non est in persona, sed adjunctum est personæ: Rex qui credit quod Regium sit in sua persona, & Præfectus qui credit quod præfecturæ dignitas sit in sua persona, non sapit.

322. Regium consistit in administrando secundum leges Regni, & in judicando secundum illas ex justo: Rex qui spectat Leges supra se, is sapit, qui autem spectat se supra leges, is non sapit. Rex qui spectat Leges supra se, is Regium ponit in Lege, & Lex dominatur super illum, scit enim quod Lex sit Justitia, & omnis Justitia quæ justitia est Divina: qui autem spectat se supra leges, is Regium ponit in se, & credit se vel esse Legem, vel Legem quæ Justitia esse a se; inde, quod Divinum est, sibi arrogat, sub quo tamen erit.

323. Lex quæ Justitia a Legisperitis sapientibus & timentibus Deum in Regno ferenda est, secundum quam dein & Rex & subditi vivent: Rex qui secundum Legem latam vivit, & in eo præcedit subditis exemplo, is vere Rex est.

324. Rex, cui absoluta potestas, qui credit quod subditi ejus tales servi sint, ut jus habeat in eorum possessiones & vitas, & si id exercet, non Rex est sed Tyrannus.

325. Regi erit obedientia secundum leges Regni, nec factis & dictis ullo modo lædendus; inde enim pendet Securitas publica.

DE
ULTIMO JUDICIO,
ET DE
Babylonia Destructa:

ITA
Quod omnia, quæ in Apocalypsi prædicta sunt,
hodie impleta sint.

EX
Auditis & Visis.

Andr. Knös.



L O N D I N I:
MDCCLVIII.



D E

ULTIMO JUDICIO,

E T

Babylonia Destructa:

Quod Interitus Mundi non intellectus sit per
diem Ultimi Judicii.

I. **Q**UI non noverunt sensum spirituales Verbi, non aliud intellexerunt, quam quod die Ultimi Judicii interitura sint omnia quæ in Mundo coram oculis apparent, nam dicitur, quod tunc perituum Cælum cum terra, & quod Deus novum Cælum & novam Terram creaturus: in hac opinione etiam se confirmaverunt per id quod dicatur quod omnes tunc e sepulchris ascensuri sint, & quod tunc separandi sint boni a malis, & sic porro: sed ita dicitur in sensu literæ Verbi, quia sensus literæ Verbi est naturalis & in ultimo Ordinis Divini, ubi omnia & singula sensum spirituales in se continent; quapropter qui Verbum solum secundum sensum literæ comprehendit, is ferri potest in varias opiniones, ut quoque factum est in Orbe Christiano, ubi inde tot Hæreses sunt, & unaquævis confirmatur ex Verbo. Sed quia nemo adhuc noverat, quod omnibus & singulis Verbi insit sensus spiritualis, ne quidem quid sensus spiritualis, ideo ignoscendi sunt, qui hanc opinionem de Ultimo Judicio captaverunt; at usque nunc sciant, quod non Cælum coram oculis aspectabile perituum sit, neque

Terra habitabilis, sed quod utrumque permansurum sit; & quod per Novum Cœlum & Novam Terram intellecta sit Nova Ecclesia, tam in Cœlis quam in Terris: Nova Ecclesia in Cœlis dicitur, quia ibi æque Ecclesia est prout in Terris; ibi namque æque est Verbum, & æque sunt Prædicationes, & similis Cultus Divinus sicut in terris; sed cum differentia, quod ibi omnia sint in perfectiori statu, quia ibi non sunt in Mundo naturali sed in spirituali; inde omnes ibi sunt spirituales homines, & non naturales sicut fuerunt in Mundo. Quod ita sit, videatur in Opere de Cœlo; & in specie ibi de Conjunctione Cœli cum homine per Verbum, n: 303 ad 310: & de Cultu Divino in Cœlo, n: 221 ad 227, actum est.

2. Loca in Verbo, ubi dicitur de Interitu Cœli & Terræ, sunt sequentia, "*Attellite in Cælum oculos vestros, & intuemini in terram deorsum; Cæli velut fumus interituri sunt, & Terra ut pannus veteratura,*" Esai: LI: 6. "*Ecce Ego creaturus sum Cælos novos, & Terram novam; nec commemorabuntur priora,*" Esai: LXV: 17. "*Cælos novos & Terram novam facturum sum,*" Esai: LXVI: 22. "*Stellæ Cæli ceciderunt in terram, & Cælum abscessit sicut liber qui convolvitur,*" Apoc: VI: 13. 14. "*Vidi Thronum magnum, & Quendam insidentem, a cujus aspectu fugit Terra & Cælum, quorum locus non irventus est,*" Apoc: XX: 11. "*Vidi Cælum novum & Terram novam, primum Cælum & prima Terra abierat,*" Apoc: XXI: 1. In his locis per novum Cœlum non intelligitur Cœlum coram oculis nostris aspectabile, sed ipsum Cœlum, ubi Humanum genus collectum est; ex omni enim Genere humano, usque ab inchoatione Ecclesiæ Christianæ, collectum est Cœlum, sed qui ibi fuerunt non fuerunt Angeli, verum Spiritus ex varia religione; hoc Cœlum intelligitur per Primum Cœlum quod perituum: sed quomodo cum his se habet, in sequentibus in specie dicitur; hic solum id memoratur, ut sciatur quid per Primum Cœlum quod perituum, intelligitur. Quisque etiam qui ex ratione aliqua illustrata cogitat, percipere potest, quod non Cœlum sidereum, tam immensum Firmamentum Creationis, intellectum sit, sed quod Cœlum in spirituali sensu ubi Angeli & Spiritus.

3. Quod per Novam Terram intelligatur Nova Ecclesia in terris, hætenus ignotum fuit, quoniam unusquisque per Terram in Verbo intellexerat terram, cum tamen per illam intelligitur Ecclesia; in sensu naturali terra est terra, sed in sensu spirituali est Ecclesia, causa est, qui illi, qui in spirituali sensu sunt, hoc est, qui spirituales sunt prout sunt Angeli, cum nominatur terra in Verbo, non intelligunt ipsam terram, sed gentem quæ ibi, & ejus Divinum cultum, inde est quod per Terram significetur Ecclesia; quod ita sit videatur in ARCANIS CŒLESTIBUS infra (a). Unum alterumve locum ex Verbo velim adducere, ex quibus comprehendere aliquatenus potest, quod per Terram significetur Ecclesia. "*Cataractæ ab alto apertæ sunt, & concussa sunt fundamenta terræ; confringendo confracta est terra; commovendo commota est terra; nutando nutat terra sicut ebrius; vacillat sicut tugurium; & gravis super illam prævaricatio ejus,*" Esai: XXIV: 18. 19. 20. "*Rarum reddam hominem præ auro puro; propterea commovebo Cælum, & commovebitur terra e loco suo,*"

in die excandescentiæ iræ Jehovæ," Esai : XIII : 12. 13. "*Coram Ipso commota est terra ; contremuerunt cæli, sol & luna atrati sunt, & stellæ contraxerunt splendorem suum,*" Joel : II : 10. "*Concussa & commota est terra, & fundamenta montium trepidarunt, & concussa sunt,*" Psalm : XVIII : 7. 8 : & in pluribus aliis locis.

4. Per Creare etiam in sensu spiritali Verbi significatur formare, instaurare, & regenerare, ita per creare Novum Cœlum & Novam Terram significatur instaurare Novam Ecclesiam in Cœlo & in Terra ; ut constare potest ex his locis, "*Populus, qui creabitur, laudabit Jā,*" Psalm : CII : 19. "*Emittis spiritum, creantur, & renovas facies terræ,*" Psalm : CIV : 30. "*Sic dixit Jehovah, Creator tuus Jacob, Formator tuus Israel, nam redemi te, & vocavi nomine tuo, Mibi tu ; omnem vocatum a Nomine Tuo, & in gloriam meam creavi, formavi eum, etiamque feci eum,*" Esai : XLIII : 1. 7 : præter alibi ; inde est, quod nova Creatio hominis sit reformatio ejus, quoniam novus fit, nempe ex naturali spiritalis ; & inde est quod nova creatura sit homo reformatus (b).

5. De Sensu spiritali Verbi, videatur in Opusculo de Equo Albo, de quo in Apocalypsi.

EX ARCANIS CŒLESTIBUS (a) Quod per Terram in Verbo significetur Regnum Domini & Ecclesia, n : 662. 1066. 1067. 1262. 1413. 1607. 2928. 3355. 4447. 4535. 5577. 8011. 9325. 9643. Ex causa imprimis, quia per terram intelligitur terra Canaan, & ibi fuerat Ecclesia ab Antiquissimis temporibus ; inde quoque est quod Cœlum dicatur cœlestis Canaan, n : 567. 3686. 4447. 4454. 4516. 4517. 5136. 6516. 9325. 9327. Et quia in spiritali sensu per terram intelligitur Gens quæ ibi, & ejus Cultus, n : 1262. Quod inde terra significet varia, quæ sunt Ecclesiæ, n : 620. 636. 1067. 2571. 3368. 3379. 3404. 8732. Populus terræ quod sint qui ab Ecclesia spiritali, n : 2928. Terræ motus quod sit mutatio status Ecclesiæ, n : 3355. Quod Novum cœlum & nova terra significet Ecclesiam, n : 1733. 1850. 2117. 2118. 3355. 4535. 10373.

Quod Antiquissima Ecclesia, quæ fuit ante diluvium, & Antiqua Ecclesia quæ fuit post diluvium, fuerint in terra Canaane, n : 567. 3686. 4447. 4454. 4516. 4517. 5136. 6516. 9327. Quod tunc omnia loca ibi facta sint repræsentativa talium quæ in Regno Domini & Ecclesia, n : 1505. 3686. 4447. 5136. Quod ideo Abraham illuc ire jussus sit, quoniam apud posteros ejus ex Jacobo Ecclesia repræsentativa institueretur, ac Verbum conscriberetur, cujus sensus ultimus constaret ex repræsentativis & significativis quæ ibi, n : 3686. 4447. 5136. 6516. Inde est quod per terram & per terram Canaanem significetur Ecclesia, n : 3038. 3481. 3705. 4447. 4517. 5757. 10658.

(b) Quod creare sit e novo creare seu reformare & regenerare, n : 16. 88. 10373. 10634. Quod creare novum Cœlum & novam Terram sit instaurare novam Ecclesiam, n : 10373. Quod per creationem Cœli & Terræ in primis Capitibus Geneseos in sensu interno describatur instauratio Ecclesiæ cœlestis, quæ fuit Ecclesia Antiquissima, n : 8891. 9942. 10545.

Quod Procreationes Generis Humani in terris nusquam cessaturæ sint.

6. **Q**UI de Ultimo Judicio eam fidem ceperunt, quod tunc interitura sint omnia quæ in Cœlis & in Terris sunt, & quod loco eorum novum Cœlum & nova Terra exstitura sint, credunt, quia id ex nexu rerum sequitur, quod Generationes & Procreationes Generis Humani postea cessaturæ sint, cogitant enim quod omnia nunc peracta sint, & quod homines in alio statu futuri quam prius: sed quia interitus mundi non intellectus est per diem Ultimi Judicii, ut in præcedente Articulo ostensum est, sequitur etiam quod Genus Humanum permanens sit, & quod procreationes non cessaturæ sint.

7. Quod procreationes Generis Humani in æternum permanens sint, constare potest ex pluribus, quorum aliqua in Opere de Cœlo ostensa sunt, imprimis ex his, I. Quod Genus Humanum sit basis, super quo fundatur cœlum. II. Quod Genus Humanum sit Seminarium Cœli. III. Quod extensio cœli, quod pro Angelis, tam immensa sit, ut in æternum non impleri possit. IV. Quod pauci sint respectu, ex quibus adhuc Cœlum. V. Quod perfectio Cœli crescat secundum pluralitatem. VI. Et quod omne opus Divinum spectet infinitum & æternum.

9. *Quod Genus Humanum sit basis, super quo fundatur Cœlum*, est quia Homo ultimo creatus est, & quod ultimo creatum est, hoc est basis omnium quæ præcedunt: Creatio inchoavit a supremis seu intimis, quia ex Divino, & processit ad ultima seu extrema, & tunc primum substitit: ultimum creationis est Mundus naturalis, & in eo terraqueus Orbis cum omnibus quæ super illo. Quando hæc peracta sunt, tunc creatus est Homo, & in illum collata sunt omnia Ordinis Divini a primis ad ultima; in intima ejus collata sunt illa quæ in primis illius Ordinis sunt, in ultima ejus quæ in ultimis; sic ut Homo factus sit Divinus Ordo in forma: inde est, quod omnia quæ in homine & apud hominem sunt, tam ex Cœlo quam ex mundo sint, ex Cœlo illa quæ ejus Mentis sunt, & ex Mundo illa quæ ejus Corporis; influunt enim illa quæ Cœli sunt in ejus cogitationes & affectiones, ac sistunt illas secundum receptionem ab ejus spiritu, & ea quæ Mundi sunt influunt in ejus sensationes & voluptates, & sistunt illas secundum receptionem in ejus corpore, sed accommodatæ secundum convenientias cogitationum & affectionum ejus spiritus. Quod ita sit, videatur in pluribus Articulis, ubi actum est de Cœlo & Inferno, imprimis in his, Quod Universum Cœlum in uno complexu referat unum Hominem, n: 59 ad 67: Quod unaquævis Societas in Cœlis similiter, n: 68 ad 72: Quod inde unusquisque Angelus sit in perfecta forma humana, n: 73 ad 77. Et quod hoc sit ex Divino Humano Domini, n: 78 ad 86. Ac præterea in Articulo de Correspondentia omnium Cœli cum omnibus hominis,

hominis, n : 87 ad 112 : De Correspondentia Cœli cum omnibus Telluris n : 103 ad 115 : Et de forma Cœli, n : 200 ad 212. Ex hoc Creationis ordine constare potest, quod talis continens nexus sit a primis ad ultima, ut simul spectata constituent unum, in quo non separari potest prius a posteriori, prorsus sicut non causa a suo effectu, ita non Mundus spiritualis a Mundo naturali, nec hic ab illo, proinde non Cœlum Angelicum a Genere Humano, nec Humanum Genus a Cœlo Angelico : quapropter ita provisum est a Domino, ut unum mutuas operas præstat alteri, nempe Cœlum Angelicum Humano Generi, & Humanum Genus Cœlo Angelico. Inde est, quod Mansiones Angelicæ quidem sint in Cœlo, ad visum separatæ a mansionibus ubi sunt homines, sed usque sunt apud hominem in ejus affectionibus boni & veri : quod ad visum separatæ sistantur est ex apparentia, ut constare potest ex Articulo, ubi in Opere de Cœlo & Inferno actum est de Spatio in Cœlo, n : 191 ad 199. Quod Angelorum mansiones sint apud homines in eorum affectionibus boni & veri, intelligitur per hæc Domini verba, "*Ille qui amat Me, sermonem meum servat, & Pater meus amabit illum, & ad eum veniemus, & mansionem apud eum faciemus,*" Joh : xiv : 23, per Patrem & Dominum ibi etiam intelligitur Cœlum, nam ubi Dominus ibi Cœlum, Divinum enim procedens a Domino facit Cœlum, videatur in Opere de Cœlo n : 7 ad 12 : & n : 116 ad 125. Et quoque per hæc Domini verba, "*Paracletus spiritus veritatis apud vos manet, & in vobis est,*" Joh : xiv : 17 ; Paracletus est Divinum Verum procedens a Domino, unde etiam vocatur Spiritus veritatis, ac Divinum Verum facit Cœlum, & quoque Angelos, quia sunt recipientes ; quod Divinum procedens a Domino sit Divinum Verum, & inde Cœlum Angelicum, videatur in Opere de Cœlo, n : 126 ad 140. Simile etiam intelligitur per hæc Domini verba. "*Regnum Dei intus in vobis est,*" Luc : xvii : 21. Regnum Dei est Divinum Bonum & Verum, in quibus sunt Angeli. Quod Angeli & Spiritus apud hominem sint, & in ejus affectionibus, datum est millies videre ex illorum præsentia & mansionem apud me ; sed Angeli & spiritus non sciunt apud quos homines sunt, sicut nec homines cum quibus Angelis & spiritibus cohabitant, hoc enim novit & disponit solus Dominus : verbo est omnium affectionum boni & veri extensio in Cœlum, & communicatio & conjunctio cum illis ibi qui in similibus affectionibus sunt, & est extensio omnium affectionum mali & falsi in infernum, ac communicatio & conjunctio cum illis ibi qui in similibus affectionibus sunt ; est affectionum extensio in mundum spirituales, pæne sicut est visus in mundum naturalem ; communicationes utrobivis sunt pæne similes, cum differentia tamen, quod in mundo naturali sint objecta, at in mundo spirituali sint societates angelicæ. Ex his patet, quod talis sit nexus cœli Angelici & Humani Generis, ut unum subsistat ab altero, & quod Cœlum Angelicum absque Humano Genere sit sicut Domus absque fundamento, nam in illud definit Cœlum, & super eo requiescit. Hæc se habent sicut apud ipsum hominem in particulari, ejus spiritualia quæ sunt ejus cogitationis & voluntatis, influunt in ejus naturalia, quæ sunt ejus sensationum & actionum, & ibi

ibi desinunt & subsistunt; homo nisi his quoque gauderet, seu absque illis terminis seu ultimis esset, ejus spiritualia, quæ sunt cogitationum & affectionum ejus spiritus, diffuerent, sicut interminata seu quæ sunt absque fundo: similiter fit cum homo transit e naturali mundo in spiritualem, quod fit cum moritur, tunc, quia spiritus est, non subsistit super propria basi, sed super communi basi, quæ est Genus humanum. Qui non scit arcana Cœli, credere potest quod Angeli subsistant absque hominibus, & quod homines absque Angelis, sed asseverare possum ex omni experientia de Cœlo, & ex omni sermone cum Angelis, quod nullus Angelus seu spiritus subsistat absque homine, & nullus homo absque spiritu & angelo, & quod mutua & reciproca conjunctio sit. Ex his primum constare potest, quod Genus Humanum & Cœlum Angelicum unum faciunt, & subsistant a se mutuo & vicissim, & quod sic auferri unum alteri nequeat.

10. *Quod Genus Humanum sit Seminarium Cœli*, constabit ex Articulo sequente, ubi ostendendum, quod Cœlum & Infernum sint ex Humano Genere, ita quod Genus Humanum sit Seminarium Cœli. In antecessum memorabitur, quod sicut huc usque, hoc est, a prima Creatione, formatum est Cœlum ex Humano Genere, ita posthac formandum & locupletandum sit. Dari quidem potest, quod Humanum Genus super una Tellure pereat, quod fit cum id se prorsus separat a Divino, nam tunc homini non amplius est vita spiritualis, sed modo naturalis, qualis est bestiis, & cum homo talis est, non societas formari potest, & in vinculis teneri per leges, quoniam homo absque influxu cœli, ita absque regimine Divino, foret insanus, ac rueret effræne in omnia nefaria, unus contra alterum. Sed tametsi Humanum Genus per separationem a Divino super una tellure periret, quod tamen ne fiat providetur a Domino, usque tamē permanet super aliis; sunt enim Tellures in Universo ad aliquot centena millia, videatur in Opusculo de Telluribus in Mundo nostro Solari, quæ Planetæ vocantur, & de Telluribus in Cœlo Astrifero. Dictum mihi est e Cœlo, quod Genus Humanum super hac Tellure periisset, usque ut hodie non exstisset unus, nisi Dominus in Mundum venisset, ac in hac Tellure induisset Humanum, ac id Divinum fecisset; & quoque nisi Dominus dedisset hic tale Verbum, quod esset Cœlo Angelico pro basi & pro conjunctio; quod per Verbum sit conjunctio Cœli cum homine, videatur in Opere de Cœlo & Inferno n: 303 ad 310. Sed quod ita sit, non comprehendi potest quam ab illis qui spiritualiter cogitant, hoc est, ab illis qui per agnitionem Divini in Domino conjuncti sunt Cœlo, nam hi solum spiritualiter possunt cogitare.

11. *Quod Extensio Cœli, quod pro Angelis, tam immensa sit, ut in æternum non impleri possit*, constat ex illis quæ in Opere de Cœlo & Inferno, & ibi in Articulo, de Immensitate Cœli n: 415 ad 420 dicta sunt est; & quod pauci sint respective a quibus adhuc Cœlum, in Opusculo de Telluribus in Universo, n: 126.

12. *Quod perfectio Cœli crescat secundum pluralitatem*, constat ex ejus forma, secundum quam consociationes ibi ordinatæ sunt, & communicationes fluunt,

quod sit omnium perfectissima, & in forma perfectissima quo plures sunt eo plurium directio & consensus ad unum datur, & eo arctior & unanimior conjunctio; consensus & inde conjunctio crescit ex pluralitate, nam unumquodvis ibi inseritur ut affine intermedians duos aut plures, & quod inseritur, hoc confirmat & conjungit. Forma Cœli est similis formæ mentis humanæ, cujus perfectio crescit secundum incrementa veri & boni, unde intelligentia & sapientia; quod forma mentis humanæ, quæ est in sapientia & intelligentia cœlesti, sit similis formæ cœli, est quia mens est minima imago ejus formæ; inde est quod communicatio omnimoda sit cogitationum & affectionum boni & veri apud homines tales & apud angelos cum societatibus cœli circumcirca, & extensio secundum incrementa sapientiæ, ita secundum pluralitatem cognitionum veri quæ implantatæ sunt intellectui, & secundum copiam affectionum boni quæ implantatæ sunt voluntati, ita quæ menti, nam mens consistit ex intellectu & voluntate: Mens humana & angelica talis est, ut locupletari queat in æternum, & sicut locupletatur, ita perficitur; quod sit imprimis, cum homo ducitur a Domino, nam tunc introducitur in genuina vera quæ implan- (u. 413.)
tantur intellectui, & in genuina bona quæ implantantur voluntati, nam Dominus tunc disponit omnia Mentis talis in formam Cœli, usque tandem ut sit cœlum in minima forma. Ex hac comparatione patet, quia similis res est, quod pluralitas angelorum perficiat cœlum. Omnis etiam forma ex variis consistit, forma quæ non ex variis consistit, non est forma, quia non habet quale, nec aliquas mutationes status; quale cujusvis formæ est ex ordinatione variorum inibi inter se, & ex respectu eorum mutuo, exque consensu ad unum, ex quo omnis forma consideratur ut unum; talis forma, quo plura sunt taliter inibi ordinata, eo perfectior est, nam unumquodvis, ut supra dictum est, confirmat, corroborat, conjungit, & sic perficit. Sed hæc melius constare possunt ex illis quæ in Opere de Cœlo & Inferno ostensa sunt, imprimis ubi actum est de eo, quod unaquævis Societas cœli sit cœlum in minore forma, & unusquisque Angelus in minima, n: 51 ad 58; tum ubi actum est de Forma Cœli, secundum quam consociationes & communicationes ibi, n: 200 ad 212, & de sapientia Angelorum Cœli, n: 265 ad 275.

13. *Quod omne opus Divinum spectet Infinitum & Æternum*, constare potest ex multis tam quæ in Cœlo existunt quam quæ in mundo; utrobivis nusquam datur unum prorsus simile seu idem cum altero, non datur una facies prorsus similis seu eadem cum alterius, nec dabitur in æternum; pariter non datur unius animus prorsus similis alterius; quare quot homines, tum quot Angeli, tot facies & tot animi; nusquam datur in uno homine, in quo tamen innumerabiles partes sunt quæ constituunt corpus, & innumerabiles affectiones quæ constituunt animum, aliquod prorsus simile aut idem quod in altero; inde est, quod unusquisque vitam distinctam ab alterius vita agat: similis res est in omnibus & singulis naturæ: quod talis infinita varietas sit in omnibus & singulis, ducit causam ex omnium origine ex Divino, quod Infinitum est; inde est quædam imago Infiniti ubivis, ob finem ut omnia spectentur a Divino ut suum opus, & simul ut omnia spectent Divinum ut Ejus opus.

Quomodo unumquodvis in natura spectat Infinitum & Æternum, inserviat illustrationi leve quoddam argumentum; quodlibet semen, sive sit fructus arboris, sive messis, sive floris, ita creatum est, ut multiplicari possit in infinitum, & durare in æternum; ex uno enim semine nascuntur plura, usque ad 5. 10. 20. 100; ex singulis his etiam totidem, talis fructificatio ex uno semine continue perstans modo intra centum annos posset implere non solum unius telluris superficiem, sed etiam superficies tellurum usque ad myriades: eadem etiam ita creata sunt, ut durationes eorum sint æternæ: inde patet, quomodo in his est idea infiniti & æterni: similiter in reliquis. Cœlum Angelicum est, propter quod omnia in Universo creata sunt, nam Cœlum Angelicum est finis propter quod Genus humanum, & Genus humanum est finis propter quod cœlum aspectabile, & inibi tellures; quapropter id Opus Divinum, nempe Cœlum Angelicum, primario spectat Infinitum & Æternum, proinde multiplicationem ejus absque fine, nam ibi Ipsum Divinum habitat: inde quoque constare potest, quod Genus Humanum nusquam desitutum sit; nam si defineret, finiretur Opus Divinum per certum numerum, & sic periret respectus infiniti.

Quod Cœlum & Infernum sint ex Humano Genere.

14. **I**N Christiano Orbe prorsus nescitur, quod Cœlum & Infernum sint ex Humano Genere; creditur enim, quod Angeli fuerint a principio creati, & quod inde Cœlum; ac quod Diabolus seu Satanas fuerit lucis Angelus, sed quia rebellis factus est, cum turba sua dejectus sit, & quod inde Infernum. Quod talis fides in Christiano Orbe sit, mirantur Angeli quam maxime, & adhuc magis, quod prorsus nihil sciant de Cœlo, cum tamen id est primarium doctrinæ in Ecclesia; & quia talis ignorantia regnat, corde gavisi sunt, quod placuerit Domino nunc revelare illis plura de Cœlo & quoque de Inferno; & per id, quantum possibile est, discutere tenebras, quæ indies crescunt, quia Ecclesia ad suum finem pervenit: quare volunt, ut ex ore illorum asseverem, quod in Universo Cœlo non sit unus Angelus qui a principio creatus est, nec in Inferno aliquis Diabolus qui creatus lucis Angelus & dejectus, sed quod omnes tam in Cœlo quam in Inferno sint ex Humano Genere; in Cœlo illi qui in Mundo in Cœlesti amore & fide vixerunt, in Inferno qui in Infernali amore & fide, & quod Infernum in toto complexu sit quod vocatur Diabolus & Satanas, illud Infernum quod a tergo est, ubi sunt qui vocantur mali Genii, Diabolus, & illud Infernum quod anterius est, ubi sunt qui vocantur mali Spiritus, Satanas (c). Quale unum Infernum, & quale alterum, videatur in Opere de Cœlo & Inferno circa finem. Quod Orbis Christianus talem fidem de illis in Cœlo & de illis in Inferno cepit, dicebant Angeli, quod sit ex aliquibus locis in Verbo non intellectis

intellectis aliter quam secundum sensum literæ, & non illustratis & explicatis per genuinam Doctrinam ex Verbo; cum tamen sensus literæ Verbi, nisi genuina Doctrina Ecclesiæ præluceat, distrahit mentes in varia, unde ignorantia, hæreses, & errores (d).

15. Quod homo Ecclesiæ ita credat, etiam est causa, quia credit quod nullus homo in Cœlum aut in Infernum prius veniat quam tempore Ulimi Judicii, de quo illam opinionem cepit, quod interitura tunc sint omnia quæ coram oculis, & quod nova exstitura, & quod anima tunc reditura sit in suum corpus, ex qua conjunctione homo iterum vivet homo: hæc fides involvit alteram de Angelis quod sint a principio creati, nam non credi potest, quod Cœlum & Infernum sint ex Humano Genere, quum creditur quod nullus homo illuc veniat quam in fine Mundi. Sed ut evincatur homo quod non ita sit, datum est mihi consortium habere cum Angelis, & quoque loqui cum illis qui in Inferno sunt, & hoc nunc per plures annos, quandoque continue a mane usque ad vesperam, & sic informari de Cœlo & Inferno, & hoc ob causam, ne homo Ecclesiæ ulterius permaneat in sua erronea fide de Resurrectione tempore Judicii, ac de Animæ statu interea, tum de Angelis & de Diabolo; quæ fides, quia est fides falsi, involvit tenebras, & apud eos, qui ex propria intelligentia de illis cogitant, infert dubitationem, & tandem negationem; dicunt enim corde, quomodo potest tantum Cœlum cum tot Sideribus, & cum Sole & Luna, destrui & dissipari; & quomodo possunt Stellæ e Cœlo tunc cadere in terram, quæ tamen majores terra sunt; & quomodo possunt corpora a vermibus exesa, putredine consumta, & in omnes ventos dissipata, recolligi ad animam suam; ubinam interea anima, & qualis illa cum absque sensu qui ei fuit in corpore; præter plura similia, quæ quia incomprehensibilia, non cadunt in fidem, & apud plures destruunt fidem de hominis vita æterna, deque Cœlo & Inferno, & cum illis reliqua quæ fidei Ecclesiæ sunt: quod etiam destruxerint, patet ex illis qui dicunt, quis ex Cœlo ad nos venit & narravit quod sit; quid Infernum, num sit; quid hoc quod homo cruciabitur igne in æternum; quid dies Judicii, annon is per sæcula frustra expectatus est, præter plura, quæ negationis omnium sunt. Ne itaque illi qui talia cogitant, ut solent plures qui ex mundanis, quæ sapiunt, Eruditi & Docti audiunt, amplius perturbent & seducant simplices fide & corde, ac inducant infernales tenebras de Deo, de Cœlo, de Vita æterna, ac de cæteris quæ ex illis pendent, aperta sunt interiora, quæ spiritus mei sunt, a Domino, & sic loqui datum est cum omnibus, quos usquam notos habui in vita corporis, postquam defuncti sunt, cum quibusdam per dies, cum quibusdam per menses, & cum quibusdam per annum, & quoque cum aliis tam multis ut parum dicerem si centum millia, ex quibus plures fuerunt in cœlis, & plures in Infernis: loquutus etiam sum cum quibusdam post biduum ab obitu, & narraui quod nunc funeralia & exequiæ eorum parentur ut sepeliantur, ad quæ dixerunt, quod bene faciant ut rejiciant id quod illis pro corpore & ejus functionibus inserviverat in mundo, ac voluerunt ut dicerem quod non mortui sint, sed quod vivant æque homines nunc

sicut prius, & quod transmigraverint solum ab uno mundo in alterum, & quod non sciant quod aliquid perdiderint, quoniam in corpore & hujus sensualibus sunt ut prius, & quoque in intellectu & in voluntate ut prius, & quod similes illis cogitationes & affectiones, similes sensationes, tum similes voluptates, & similia desideria, qualia in mundo. Plerique ex recens mortuis, cum se viderunt vivere homines sicut prius, ac in simili statu, (nam post mortem primum cuius similis status vitæ est, qualis ei fuerat in mundo, sed ille successively apud eum mutatur vel in Cælum vel in Infernum) novo gaudio affecti sunt quod vivant, & dixerunt quod hoc non crediderint; sed valde mirati, quod in tali ignorantia & cæcitate de statu suæ vitæ post mortem fuerint: & magis quod in tali sit homo Ecclesiæ, qui tamen præ omnibus in universo terrarum Orbe in luce de illis potest esse (e). Causam illius cæcitatis & ignorantiae tunc primum videbant, quæ est quod externa, quæ sunt mundana & corporea, occupaverint & impleverint mentes eorum, in tantum ut non elevari possent in lucem cæli, ac intueri res Ecclesiæ ultra doctrinalia; ex corporeis enim & mundanis, cum tantum amantur quantum hodie, influunt meræ tenebræ, cum homo de rebus Cæli ultra dictamen doctrinæ fidei quæ suæ Ecclesiæ est, cogitare vult.

16. Permulti ex Eruditis e Christiano Orbe obstupescunt, cum se post obitum vident in corpore, in vestibus, inque domibus, sicut in mundo; & cum revocantur in memoriam quæ cogitaverunt de vita post mortem, de anima, de spiritibus, ac de cælo & inferno, pudore afficiuntur, & dicunt se fatue cogitavisse, ac simplices fide multo sapientius quam illi: explorati sunt Eruditi, qui confirmaverunt se in talibus, & qui omnia naturæ addixerunt, & compertum est, quod interiora mentis eorum clausa sint, & exteriora aperta, sic ut non spectaverint ad Cælum sed ad Mundum, proinde etiam ad Infernum; nam quantum interiora mentis aperta sunt, tantum spectat homo ad Cælum, quantum autem interiora clausa sunt & exteriora aperta, tantum spectat ad Infernum; interiora enim hominis ad receptionem omnium Cæli formata sunt, & exteriora ad receptionem omnium Mundi, & qui recipiunt mundum & non simul cælum, recipiunt infernum (f).

17. Quod spiritus hominis post solutionem a corpore sit homo & in simili forma, hoc mihi per quotidianam plurium annorum experientiam in testato est, nam illos millies vidi, audivi, & cum illis loquutus sum; etiam de eo, quod homines in mundo non tales effecerant, & quod illi qui credunt, ab Eruditis reputentur ut simplices: Spiritus doluerunt corde, quod talis ignorantia adhuc persistet in Orbe, & maxime intra Ecclesiam: sed hanc fidem dicebant emanavisse imprimis ab Eruditis, qui ex sensuali corporeo cogitaverunt de Anima, ex quo de illa non aliam ideam ceperunt, quam sicut de Cogitatione sola, quæ cum absque aliquo subjecto in quo & ex quo spectatur, est sicut quoddam volatile puri ætheris, quod moriente corpore non potest non dissipari: sed quia Ecclesia ex Verbo Animæ immortalitatem credit, non potuerunt aliter quam aliquod vitale, quale est cogitationis, ei addicere, sed usque non sensitivum quale homini, priusquam iterum conjuncta esset corpori:

super

super hac opinione fundatur Doctrina de Resurrectione, ac fides quod conjunctio futura sit, quando Ultimum Judicium venit; nam ex data illa hypothese de Anima, non aliud concludi potest, cum illa conjungitur fidei Ecclesiæ de vita hominis æterna: inde est, cum aliquis de Anima ex doctrina & simul ex hypothese cogitat, quod prorsus non capiat quod illa sit spiritus, & hic in forma humana; accedit, quod vix aliquis hodie sciat, quid spirituale est, & minus quod aliqua forma humana sit illis qui spirituales sunt, quales sunt omnes Spiritus & Angeli. Inde est, quod fere omnes qui e mundo veniunt, mirentur quam maxime quod vivant, & quod sint homines æque ac prius, & quod prorsus nihil differat: sed cum cessant se mirari, deim mirantur quod Ecclesia nihil sciat de tali statu hominum post mortem, cum tamen omnes quotcumque in mundo vixerunt, in altera vita sunt, ac vivunt homines: & quia etiam mirabantur, cur hoc non manifestatum fuit hominibus per visiones, dictum est illis e cœlo, quod hoc potuisset fieri, nam nihil facilius est quam Domino beneplacet, sed quod usque non credituri essent, quise in falsis contra illa confirmaverunt, etiamsi ipsi visuri; tum quod periculosum sit aliquid e cœlo manifestare apud illos qui in mundanis & corporeis sunt, quia sic primum credituri essent, & postea negaturi, ac ita ipsum illud verum prophanaturi; nam prophanare est credere & postea negare, & qui prophanant, illi in omnium infernorum infimum & gravissimum detruuntur. Hoc periculum est quod intelligitur per Domini verba, "*Excæcavit oculos eorum, & obduravit corda eorum, ne videant oculis & intelligant corde, & sese convertant, & sanem illos,*" Joh: xii: 40: & quod qui in mundanis & corporeis amoribus sunt, usque non credituri sint, per hæc, "*Dixit Abraham Diviti in Inferno, habent Moysen & Prophetas, audiant illos; ille vero dixit, non pater Abraham, sed si quis ex mortuis veniat ad eos, convertentur; Abraham autem dixit ei, si Moysen & Prophetas non audiunt, nec etiam si quis ex mortuis resurrexerit, credent,*" Luc: xvi: 29. 30. 31.

18. Quod Cœlum sit ex Humano Genere, constare etiam potest ex eo, quod Mentis Angelicæ & Mentis Humanæ similes sint, utræque gaudent facultate intelligendi, percipiendi, & volendi; utræque ad recipiendum Cœlum formatae sunt; nam Mens humana æque sapit ac Mens angelica; sed quod non tantum sapiat in mundo, est causa quia in corpore terrestri est, & in eo Mens ejus spiritualis cogitat naturaliter, nam spiritualis ejus cogitatio, quæ etiam illi est æque ac Angelo, tunc defluit in naturales ideas spiritualibus correspondentes, & sic ibi percipitur; aliter vero cum Mens hominis soluta est a vinculo cum illo corpore, tunc non amplius naturaliter sed spiritualiter cogitat, & cum spiritualiter, tunc incomprehensibilia & ineffabilia naturali homini cogitat, ita sicut Angelus: exinde constare potest, quod Internum hominis, quod vocatur ejus Spiritus, sit in essentia sua Angelus (g). Quod Angelus sit in perfecta forma humana, videatur in Opere de Cœlo & Inferno, n: 73 ad 77: cum autem Internum hominis non apertum est supra, sed modo infra, tunc usque illud post solutionem a corpore est in forma humana,

humana, sed dira & diabolica, nam non spectare potest sursum ad Cœlum, sed modo deorsum ad Infernum.

19. Quod Cœlum & Infernum fiat ex Humano Genere, potuisset etiam Ecclesia ex Verbo scire, ac id suæ Doctrinæ facere, si admisisset illustrationem e Cœlo, & attendisset ad Domini verba ad latronem, "*Quod hodie cum Ipso esset in Paradiso,*" Luc: xxiii: 43; & ad illa quæ Dominus dixit de Divite & Lazaro, "*Quod Ille in infernum venerit, & inde loquutus cum Abrahamo, & quod Hic in Cœlum,*" Luc: xvi: 19 ad 31: tum quæ Dominus loquutus est ad Sadducæos de Resurrectione, "*Quod Deus non sit Deus mortuorum, sed viventium,*" Matth: xxii: 32: ac præterea ex fide communi omnium, qui bene vivunt, imprimis ex fide eorum circa tempus mortis, quando non amplius in mundanis & corporeis sunt, quod credant se venturos in Cœlum, ut primum abit vita corporis eorum; hæc fides regnat apud omnes, dum non ex doctrina Ecclesiæ de Resurrectione tempore Ultimi Judicii cogitant: inquire numne ita sit, & confirmaberis.

20. Qui de Ordine Divino instructus est, etiam intelligere potest, quod homo creatus sit ut fiat Angelus, quia in eo est ultimum Ordinis, videatur supra n: 9, in quo formari potest id quod cœlestis & angelicæ sapientiæ est, & quod potest redintegrari & multiplicari: Divinus Ordo nusquam subsistit in medio, & ibi absque ultimo format aliquid, non enim est in suo pleno & perfecto, sed vadit ad ultimum: at cum est in suo ultimo, tunc format, & quoque per media ibi collata se redintegrat & producit ulterius, quod fit per procreationes: quapropter ibi est seminarium cœli. Hoc quoque intelligitur per illa quæ de Homine & ejus creatione dicuntur in Primo Capite Geneleos, Vers: 26. 27. 28. "*Dixit Deus, faciemus hominem in imaginem nostram, secundum similitudinem nostram: & creavit Deus Hominem in imaginem Ipsius, in imaginem Dei creavit illum; masculum & feminam creavit illos: & benedixit illis Deus, & dixit illis Deus, fructificate & multiplicare vos;*" creare in imaginem Dei, & in similitudinem Dei, est conferre in illum omnia Ordinis Divini a primis ad ultima, & sic facere illum quoad interiora mentis ejus Angelum.

21. Quod Dominus non modo quoad Spiritum, sed etiam quoad Corpus resurrexerit, est quia Dominus totum Humanum suum, cum fuit in mundo, glorificavit, hoc est, Divinum fecit: Anima enim, quæ Ipsi a Patre, ex se Ipsum Divinum fuit, & Corpus factum est similitudo Animæ, hoc est, Patris, ita quoque Divinum: inde est, quod Ipse secus ac ullus homo, quoad utrumque resurrexerit (*h*); quod etiam manifestavit Discipulis, qui credebant videre Spiritum cum Ipsum, dicendo, "*Videte manus meas & pedes meos, quod Ipse Ego sim: palpate Me & videte; nam Spiritus non carnem & ossa habet, sicut Me videtis habere,*" Luc: xxiv: 36. 37. 38; per quæ indicavit, quod non modo sit Homo quoad Spiritum, sed etiam quoad Corpus.

22. Præterea quod Cœlum & Infernum sint ex Humano Genere, in pluribus Articulis in Opere de Cœlo & Inferno ostensum est; ut in his sequentibus, De Gentibus & Populis extra Ecclesiam in Cœlo, n: 318 ad 328.

De Infantibus in Cœlo, n: 329 ad 345. De Sapientibus & Simplicibus in Cœlo, n: 346 ad 356. De Divitibus & Pauperibus in Cœlo, n: 357 ad 365. Quod unusquisque homo sit spiritus quoad interiora sua, n: 432 ad 444. Quod homo post mortem sit in perfecta forma humana, n: 453 ad 460. Quod homo post mortem sit in omni sensu, memoria, cogitatione, affectione, in quibus in mundo, & quod nihil relinquat præter terrestre suum corpus, n: 461 ad 469. De Primo statu hominis post mortem, n: 491 ad 498. De Secundo statu hominis post mortem, n: 499 ad 511. De Tertio ejus statu, n: 512 ad 517. Et porro quæ de Infernis, n: 536 ad 588. Ex quibus omnibus in specie constare potest, quod Cœlum non consistat ex aliquibus Angelis in principio creatis, nec Infernum ex aliquo Diabolo & ejus turba, sed solum ex illis qui nati sunt homines.

EX ARCANIS CŒLESTIBUS (c) Quod Inferna simul sumta, seu Infernales simul sumti, dicantur Diabolus & Satanas, n: 694. Quod qui diaboli fuerunt in mundo, diaboli fiant post mortem, n: 968.

(d) Quod Doctrina Ecclesiæ erit ex Verbo, n: 3464. 5402. 6832. 10763. 10765. Quod Verbum absque Doctrina non intelligatur, n: 9021. 9409. 9424. 9430. 10324. 10431. 10582. Quod vera Doctrina sit lucerna illis qui legunt Verbum, n: 10401. Quod genuina Doctrina erit ab illis qui in illustratione sunt a Domino, n: 2510. 2516. 2519. 9424. 10105. Quod, qui in sensu literæ Verbi absque doctrina sunt, in nullum intellectum veniant de Veris Divinis, n: 9409. 9410. 10582. Et quod in plures errores ferantur, n: 10431. Differentia inter illos qui docent & discunt ex Doctrina Ecclesiæ quæ ex Verbo, & inter illos qui ex solo sensu literæ Verbi, qualis, n: 9025.

(e) Quod hodie in Christianismo pauci credant, quod homo post mortem statim resurgat, Præfat: ad Cap: xvi Genes: & n: 4622. 10758. Sed quod tempore Ultimi Judicii, cum Orbis aspectabilis periturus est, n: 10594. Causa, quod ita credatur, n: 10594. 10758. Quod usque homo statim post mortem resurgat, & quod tunc sit homo quoad omnia & singula, n: 4527. 5006. 5078. 8939. 8991. 10594. 10758. Quod Anima quæ vivit post mortem, sit spiritus hominis, qui in homine est ipse homo, & quoque in altera vita in perfecta forma humana, n: 322. 1880. 1881. 3633. 4622. 4735. 5883. 6054. 6605. 6626. 7021. 10594. Ab experientia, n: 4527. 5006. 8939. Ex Verbo, n: 10597. Explicatur quid intelligitur per quod mortui visi in Sancta Urbe, Matth: xxvii: 53, n: 9229. Quomodo homo resuscitatur a mortuis, ab experientia, n: 168 ad 189. De statu ejus post resurrectionem, n: 317. 318. 319. 2119. 5070. 10596. Falsæ opiniones de Anima, & de Resurrectione, n: 444. 445. 4527. 4622. 4658.

(f) Quod in homine conjunctus sit Mundus spiritualis & Mundus naturalis, n: 6057. Quod Internum hominis sit ad imaginem Cœli formatum, Externum autem ad imaginem Mundi, n: 3628. 4523. 4524. 6057. 6314. 9706. 10156. 10472.

(g) Quod totidem gradus vitæ in homine sint, quot Cœli, & quod aperiantur post mortem secundum ejus vitam, n: 3747. 9594. Quod Cœlum sit in homine, n: 3884. Quod homines, qui amoris & charitatis vitam vivunt, in se habeant sapientiam angelicam, sed tunc absconditam, & quod in illam veniant post mortem, n: 2494. Quod homo in Verbo dicatur Angelus, qui recipit bonum amoris & fidel a Domino, n: 10528.

(h) Quod homo resurgat tantum quoad spiritum, n: 10593. 10594. Quod Solus Dominus etiam quoad Corpus resurrexerit, n: 1729. 2083. 5078. 10825.

Quod omnes quotcunque nati sunt homines
a principio creationis, & defuncti, sint
in Cœlo vel in Inferno.

23. **H**OC PRIMO consequitur ex illis quæ dicta & ostensa sunt in Articulo præcedente, quod nempe Cœlum & Infernum sint ex Humano Genere. SECUNDO ex eo, quod omnis homo post vitam in mundo vivat in æternum. TERTIO, quod sic omnes qui usque nati sunt homines a creatione Mundi, & defuncti, sint vel in Cœlo vel in Inferno. QUARTO, quia omnes qui nascentur posthac, etiam venturi sunt in Mundum spiritua-lem, quod is Mundus tantus sit & talis, ut ei Mundus naturalis, in quo sunt homines in terris, non æquiparari possit. Sed ut hæc omnia distinctius percipiantur, & evidentius pateant, velim ea singillatim exponere & describere.

24. Quod omnes quotcunque nati sunt homines a principio creationis, & defuncti, sint in Cœlo vel in Inferno, *consequatur ex illis quæ dicta & ostensa sunt in Articulo præcedente, quod nempe Cœlum & Infernum sint ex Humano Genere*, patet absque explicatione. Communis fides hætenus fuit, quod homines non prius venturi sint in Cœlum aut in Infernum, quam die Ultimi Judicii, quando Animæ reductæ sunt in sua corpora, & sic fruituræ talibus quæ propria corporis esse creduntur: in hanc fidem adducti sunt simplices ex illis qui professi sunt sapientiam, & inquisiverunt de interiori statu hominis; hi quia nihil cogitaverunt de spiritali mundo, sed solum de naturali, ita nec de spiritali homine, inde nesciverunt quod spiritalis homo, qui cuivis homini est in naturali, sit æque in forma humana, sicut naturalis homo; inde nec in mentem eorum venit, quod naturalis homo suam formam humanam trahat ex suo spiritali homine; tametsi videre potuerunt, quod spiritalis homo agat in omnia & singula naturalis hominis ad nutum, & quod naturalis homo prorsus nihil agat a se: Spiritalis homo est qui cogitat & vult, nam hoc naturalis homo ex se nequit, & cogitatio & voluntas est omne in omnibus naturalis hominis, agitur enim naturalis homo sicut vult spiritalis, & quoque loquitur sicut is cogitat, tam prorsus, ut actio non sit nisi quam voluntas, & loquela non sit nisi quam cogitatio, nam si auferas hanc & illam, cessat momento & loquela & actio. Ex his patet, quod spiritalis homo sit vere homo, & quod sit in omnibus & singulis naturalis hominis, ita quod ejus effigies sit similis, nam pars seu particula naturalis hominis, in qua non agit spiritalis, non vivit. Sed spiritalis homo non potest apparere coram naturali homine, nam naturale non videre potest spirituale, sed spirituale potest videre naturale, hoc enim juxta ordinem est, illud autem contra ordinem, datur enim influxus spiritalis in naturale, ita quoque visus,

visus, nam visus etiam est influxus, non autem vicissim. Spiritualis homo est qui vocatur Spiritus hominis, & qui apparet in Mundo spirituali in perfecta forma humana, & qui vivit post mortem. Quia Intelligentes non sciverunt aliquid de Spirituali Mundo, proinde nec aliquid de Spiritu hominis, ut supra dictum est, ideo ceperunt ideam, quod homo non vivere possit homo, priusquam ejus anima rediret in corpus, & reindueret ejus sensus: inde ortæ sunt tam vanæ ideæ de Resurrectione hominis, quod nempe corpora, etiam si a vermibus & piscibus exesa, & in pulverem prorsus dilapsa, ex Divina Omnipotentia recolligenda essent, & animabus reunienda; & quod hoc non existiturum sit, quam in fine mundi, quando universum aspectabile interituum est; præter plura similia, quæ omnia excedunt captum, & quæ ad primum intuitum mentis obveniunt impossibilia, & contra Divinum Ordinem; & inde quoque fidem plurium infirmant; nam qui ex sapientia cogitant, non credere possunt nisi quod aliquo modo comprehendunt, & fides impossibilium non datur, hoc est, fides talium quæ homo cogitat esse impossibilia: inde quoque argumentum negationis desumunt illi, qui non credunt vitam post mortem: sed quod homo statim post obitum resurgat, & quod sit tunc in perfecta forma humana, videatur in Opere de Cælo & Inferno, & ibi in pluribus Articulis. Hæc dicta sunt, ut adhuc confirmetur, quod Cælum & Infernum sint ex Humano Genere; ex quo consequitur, quod omnes quotcunque nati sunt homines a principio creationis, & defuncti, sint in Cælo vel in Inferno.

25. *Quod omnis homo post vitam in mundo vivat in æternum*, constat ex eo, quod tunc homo spiritualis sit, & non amplius naturalis, & quod spiritualis homo separatus a naturali maneat qualis est in æternum, nam status hominis non mutari potest post mortem. Præterea spirituale cujusvis hominis in conjunctione est cum Divino, quoniam id potest cogitare de Divino & quoque potest amare Divinum, & affici omnibus quæ a Divino sunt, qualia sunt quæ Ecclesia docet, proinde conjugi Divino cogitatione & voluntate, quæ binæ facultates sunt spiritualis hominis & faciunt ejus vitam; quod ita conjugi potest Divino, hoc in æternum non potest mori, Divinum enim apud eum est, & eum sibi conjungit. Est quoque homo creatus ad formam cæli quoad Mentem suam, & forma cæli est ex Ipso Divino, ut constare potest in Opere de Cælo & Inferno, ubi ostensum est, Quod Divinum Domini faciat & formet Cælum, n : 7 ad 12, & n : 78 ad 86. Quod homo creatus sit ut sit Cælum in minima effigie, n : 57. Quod Cælum in toto complexu referat unum Hominem, n : 59 ad 66. Quod inde Angelus sit in perfecta forma humana, n : 73 ad 77; Angelus est homo quoad spirituale suum. De hac re aliquoties etiam loquutus sum cum Angelis, qui valde mirati sunt, quod ex illis qui in Christiano Orbe Intelligentes dicuntur, & quoque ab aliis intelligentes esse creduntur, permulti sint, qui a fide sua prorsus rejiciunt vitæ suæ immortalitatem, credentes animam hominis æque dissipari post mortem sicut anima bestię, non percipientes vitæ discrimen inter hominem & bestiam, quod homo possit cogitare supra se, de Deo, de Cælo, de Amore, de Fide,

de Bono spirituali & morali, de Veris, & similibus, & sic quod elevari possit ad Ipsum Divinum, & Ipsi per omnia illa conjungi; at quod bestię non elevari supra naturale suum ad cogitandum talia possint, consequenter quod spirituale earum non possit separari a naturali earum post mortem (*i*), ac vivere per se, sicut spirituale hominis; quę etiam est causa, quod vita bestię cum vita naturali ejus dissipetur. Quod plures Intelligentes, ita dicti, in Christiano Orbe non credant immortalitatem suę vitę, dicebant Angeli causam, quia corde negant Divinum, & pro Divino agnoscunt Naturam, & illi qui ex talibus principiis cogitant, non possunt cogitare de aliqua æternitate per conjunctionem cum Divino, consequenter nec de dissimili statu hominis a statu bestiarum, nam cum Divinum a cogitatione rejiciunt, etiam rejiciunt æternum. Porro dicebant, quod apud unumquemvis hominem sit gradus vitę intimus seu supremus, seu intimum aut supremum quoddam, in quod Divinum Domini primum aut proxime influit, & ex quo disponit reliqua interiora, quę spiritualis & naturalis hominis sunt, & secundum gradus Ordinis apud illos succedunt: hoc intimum seu supremum vocabant introitum Domini ad hominem, ac ipsissimum Illius domicilium apud illum; & quod per hoc intimum seu supremum homo sit homo, & distinguatur a brutis animalibus, quę illud non habent; & quod inde sit, quod homines secus ac animalia possint quoad interiora, quę sunt mentis & animi eorum, elevari a Domino ad Se, possint credere in Ipsum, affici amore in Ipsum, & quod possint recipere intelligentiam & sapientiam, & loqui ex ratione. Ad interrogationem de illis qui negant Divinum, ac Divina Vera per quę conjunctio vitę hominis cum Ipso Divino, quod usque illi vivant in æternum, dicebant quod illis æque facultas sit cogitandi & volendi, proinde credendi & amandi talia quę ex Divino sunt, sicut est illis qui agnoscunt Divinum, & quod illa facultas sit quę facit quod æque in æternum vivant; addebant quod ea facultas illis sit ex intimo seu supremo illo, quod cuivis homini inest, de quo supra dictum est; quod etiam illis qui in Inferno sunt, sit illa facultas, & quod inde illis facultas ratiocinandi & loquendi contra Divina vera, multis ostensum est: inde est, quod omnis homo, qualiscunque est, vivat in æternum. Quia omnis homo post mortem vivit in æternum, ideo nusquam aliquis Angelus, nec aliquis Spiritus, cogitat de morte, imo prorsus nesciunt, quid sit mori: quapropter cum memoratur in Verbo mors, intelligitur ab Angelis vel damnatio, quę est mors in spirituali sensu, vel continuatio vitę & resurrectio (*k*.) Hęc dicta sunt, ut confirmetur, quod omnes homines, quotcunque nati sunt a principio creationis, & defuncti, vivant, quidam in cœlo, & quidam in inferno.

26. Ut scirem quod omnes quotcunque nati sunt homines a principio creationis, & defuncti, in Cælo vel in Inferno sint, datum est mihi loqui cum aliquibus qui vixerunt ante diluvium; & quoque cum aliquibus qui vixerunt post diluvium; ut & cum quibusdam ex Gente Judaica notis ex Verbo Veteris Testamenti; cum quibusdam qui vixerunt tempore Domini; cum pluribus, qui in sequentibus sæculis usque ad hodiernum; ac insuper cum omnibus, postquam

quam mortui sunt, quos in vita corporis eorum notos habui; & præterea cum Infantibus; & cum pluribus ex Gentibus. Ex qua experientia plene evictus sum, quod ne unus sit, qui usquam natus homo, a prima hujus Telluris creatione, qui non in cœlo vel in inferno est.

27. *Quia omnes, qui nascuntur posthac, etiam venturi sint in Mundum spiritua-*
lem, quod is Mundus tantus sit & talis, ut ei Mundus naturalis, in quo sunt
homines in terris, non æquiparari possit, constat ab immensa multitudine hominum, qui a prima creatione transiverunt in Mundum spiritualement, & ibi simul sunt; tum ex incrementis continuis posthac ex Humano Genere, quod illis accessurum est, & hoc absque fine, secundum illa quæ supra in suo Articulo n: 6 ad 13, ostensa sunt, quod nempe procreationes Generis Humani in terris nusquam cessaturæ sint. Quam immensa multitudo hominum jamdum ibi sit, aliquoties videre datum est; quum aperti mihi sunt oculi, erat tanta ut numerari vix posset, fuerunt aliquot myriades, & hoc solum in uno loco ad unam plagam; quid non in reliquis. Sunt enim ibi omnes collecti in Societates, & Societates sunt multo numero, & unaquævis Societas in suo loco format tres Cœlos, & sub illis tria Inferna; quare sunt qui in editis ibi, sunt qui in mediis, sunt qui infra illos, & sunt qui in infimis seu infernis sub illis; & superiores inter se habitant sicut habitant homines in Civitatibus, in quibus simul sunt ad centena millia; inde patet, quod Mundus naturalis, in quo sunt homines in terris, illi Mundo quoad copiam Generis Humani æquiparari nequeat; quapropter cum homo e mundo naturali transit in spiritualement, est sicut e villa in magnam Civitatem. Quod Mundus naturalis nec æquiparari queat Mundo spirituali quoad quale, constare etiam potest ex eo, quod non modo omnia existant ibi quæ in Mundo naturali, sed insuper innumerabilia plura, quæ nusquam visâ sunt in hoc Mundo, nec possunt ad visum sisti; nam ibi spiritualia effigiantur ad omnem suum typum in apparentia quasi naturali, & singula cum infinita varietate; nam spirituale excellentia excedit naturale in tantum, ut pauca sint quæ ad sensum naturalem possint produci; nam sensus naturalis non capit unum ex millibus quæ capit mens spiritualis; & omnia quæ sunt mentis spiritualis sistuntur etiam in formis coram visu eorum; inde est, quod Mundus spiritualis non describi possit qualis est quoad sua magnifica, & quoad sua stupenda: hæc quoque increscunt secundum multiplicationem Generis Humani in Cœlis, nam omnia sistuntur ibi in formis correspondentibus cujusvis statui quoad amorem & fidem, & inde intelligentiam & sapientiam; ita cum varietate continue increscunt secundum crescentem multitudinem: inde est, quod ab illis qui in Cœlum elevati sunt, dictum sit, quod ibi viderint & ibi audiverint quæ nusquam aliquis oculus vidit, nec aliqua auris audivit. Ex his constare potest, quod Mundus spiritualis talis sit, ut ei Mundus naturalis æquiparari nequeat; Porro, qualis est, videatur in Opere de Cœlo & Inferno, ubi actum est, de duobus Regnis Cœli, n: 20 ad 28: De Societatibus Cœli, n: 41 ad 50. De Repræsentativis & Apparentiis in Cœlo, n: 170

ad 176; Et de Sapientia Angelorum Cœli, n: 265 ad 275: sed ibi perpauca sunt, quæ descripta.

Ex ARCANIS CŒLESTIBUS, (i) Quod Influxus e Mundo spirituali etiam sit in vitas bestiarum, sed communis, non autem specialis, sicut apud hominem, n: 1633. 3646. Quod discrimen inter homines & bestias sit, quod homines possint elevari supra se ad Dominum, cogitare de Divino, amare Illud, sic conjungi Domino, unde ei vita æterna, aliter bestię, quæ elevari ad talia nequeunt, n: 4525. 6323. 9231.

(k) Cum Mors nominatur in Verbo, ubi de malis, quod in Cœlo intelligatur damnatio, quæ est mors spiritualis, tum infernum, n: 5407. 6119. 9008. Quod qui in bonis & veris sunt, dicantur vivi, qui autem in malis & falsis, mortui, n: 81. 290. 7494. Quod per Mortem, ubi agitur de bonis qui moriuntur, in Cœlo intelligatur resurrectio & continuatio vitæ, quoniam tunc homo refurgit, continuat vitam suam, ac ingreditur æternam, n: 3498. 3505. 4618. 4621. 6036. 6222.

Quod Ultimum Judicium futurum sit, ubi omnes simul sunt, ita in Mundo spirituali, & non in terris.

✓ 28. **D**E Ultimo Judicio creditur, quod Dominus tunc appariturus sit in nubibus Cœli cum Angelis in gloria, & exsuscitaturus omnes, quotcumque vixerunt a principio creationis, e sepulchris, ac induiturus animas eorum corpore, & sic in unum convocatos judicaturus, qui bene egerunt, ad vitam æternam seu cœlum, & qui male egerunt, ad mortem æternam seu infernum. Hæc fides est in Ecclesiis ex sensu literæ Verbi, nec potuit auferri, quamdiu ignotum fuit, quod sensus spiritualis insit unicuivis rei quæ dicitur in Verbo, & quod ille sensus sit ipsum Verbum, cui sensus literæ inservit pro fundamento seu basi, & quod absque tali litera non potuisset Verbum Divinum esse, ac inservire tam Cœlo quam mundo pro doctrina vitæ & fidei, & pro conjunctione: qui itaque novit spiritualia correspondentia naturalibus in Verbo, is scire potest, quod per adventum Domini in nubibus Cœli non intelligatur Ipsius apparitio talis, sed apparitio in Verbo; Dominus enim est Verbum, quia est Divinum Verum; Nubes cœli, in quibus venturus, est sensus literæ Verbi; & Gloria est sensus ejus spiritualis; Angeli sunt Cœlum ex quo apparitio, & quoque sunt Dominus quoad Divina Vera (l): inde patet quid per illa verba intelligitur, quod nempe Dominus, quando finis Ecclesiæ est, aperiturus sit sensum spirituales Verbi, & sic Divinum Verum, quale in se est: ita quod hoc sit signum, quod ultimum Judicium instet. Quod unicuivis rei quæ dicitur in Verbo, & unicuivis voci insit sensus spiritualis, & qualis ille est, videatur in ARCANIS CŒLESTIBUS, in quibus secundum illum sensum explicata sunt omnia & singula quæ in

Genesi

Genesi & Exodo continentur, ex quibus Collecta de Verbo & ejus sensu spirituali, videantur in Opusculo de Equo Albo, de quo in Apocalypsi.

29. Quod Ultimum Judicium exstiturum sit in Mundo spirituali, & non in Mundo naturali seu in terris, constat ex binis Articulis qui præcedunt, & quoque ex illis qui sequuntur; in binis Articulis qui præcedunt, ostensum est, quod Cælum & Infernum sint ex Humano Genere; & quod omnes, quotcunque a principio creationis nati sunt homines, & defuncti, sint vel in Cælo vel in Inferno, ita quod omnes ibi simul sint: in Articulis autem qui sequuntur, ostendendum venit, quod Ultimum Judicium jamdum peractum sit.

30. Præterea nullus judicatur ex naturali homine, ita non quamdiu in naturali mundo vivit, nam tunc homo in naturali corpore est, sed judicatur in spirituali homine, ita dum in spiritualem Mundum venit, nam tunc homo in spirituali corpore est: spirituale apud hominem est, quod judicatur, non autem naturale, hoc enim non reum alicujus culpæ aut criminis est, quia non vivit ex se, sed est modo administrum & instrumentale, per quod spiritualis homo agit, videatur supra n: 24: inde etiam est, quod judicium fiat super homines, quando exuerunt naturale suum corpus, ac induerunt spirituale: in hoc corpore homo etiam apparet qualis est quoad amorem & fidem, nam unusquisque in spirituali Mundo est effigies sui amoris, non modo quoad faciem & corpus, sed etiam quoad loquelam & actiones; videatur in Opere de Cælo & Inferno, n: 481. inde est, quod noscantur omnes quales sunt, ac illico separantur, quando Domino beneplacet. Ex his quoque patet, quod judicium fiat in Mundo spirituali, & non in naturali seu in terris.

31. Quod vita naturalis apud hominem nihil faciat, sed vita ejus spiritualis in naturali, quoniam naturale ex se est expers vitæ, & quod vita apparens in illo sit ex vita spiritualis hominis, ita quod hic sit qui judicatur, & quod etiam spirituale hominis intelligatur per judicari secundum facta, videatur in Opere de Cælo & Inferno, & ibi in Articulo inscripto, quod homo sit post mortem qualis ejus vita fuit in Mundo, n: 470 ad 484.

32. His adjicere velim aliquod Arcanum cœleste, quod quidem in Opere de Cælo & Inferno memoratum est, sed nondum descriptum: unusquisque post mortem est alligatus cuidam Societati, & alligatur ut primum in Mundum spiritualem venit, videatur in illo Opere n: 427 & 497; sed spiritus in primo suo statu id nescit, nam tunc in externis suis est, & nondum in internis; quando talis est, tunc vadit huc illuc, quo desideria animi eum ferunt; at usque actualiter est ubi suus amor, hoc est, in Societate, ubi sunt qui in simili amore. Cum spiritus in tali statu est, tunc apparet in multis aliis locis, ubivis etiam sicut corpore præsens, sed hoc est modo apparentia; quapropter ut primum perducitur a Domino in suum amorem regnantem, illico ab oculis aliorum evanescit, & est apud suos in Societate cui alligatus est: hoc peculiare est in Mundo spirituali, & mirabile illis qui causam ignorant. Inde nunc est, quod, ut primum Spiritus congregati sunt, & separati, etiam judicati sint, & quisque actutum in suo loco, boni in Cælo & in Socie-

tate ibi apud suos, ac mali in Inferno & in Societate ibi apud suos. Ex his etiam constare potest, quod Ultimum Judicium non alibi quam in Mundo spirituali existere possit, tam quia unusquisque ibi est in effigie suæ vitæ, quam quia est cum illis qui in simili vita sunt, ita quisque cum suis: aliter in naturali Mundo, ibi boni & mali simul possunt esse, nec unus scit qualis alter, nec separantur ex se secundum amorem vitæ suæ; imo nec potest aliquis homo cum naturali corpore esse in Cœlo, nec in Inferno, quare ut homo in unum aut alterum veniat, oportet eum exuere naturale suum corpus, & postquam exuit, in spirituali corpore judicari. Inde est, quod, ut supra dictum est, spiritualis homo judicetur, & non naturalis.

EX ARCANIS CŒLESTIBUS. (1) Quod Dominus sit Verbum, quia est Divinum Verum in Cœlo, n: 2533. 2818. 2859. 2894. 3393. 3712. Quod Dominus sit Verbum, etiam quia Verbum est ab Ipso, & de Ipso, n: 2859; ac de Solo Domino, imprimis de Glorificatione Humani Ipsi, in intimo sensu Verbi, ita Ipse Dominus ibi, n: 1873. 9357. Quod adventus Domini sit præsentia Ipsi in Verbo, ac revelatio, n: 3900. 4060. Quod Nubes in Verbo significet Verbum in litera, seu sensum literæ ejus, n: 4060. 4391. 5922. 6343. 6752. 8106. 8781. 9430. 10551. 10574. Quod Gloria in Verbo significet Divinum Verum, quale est in Cœlo, & quale est in sensu spirituali, n: 4809. 5292. 8267. 8427. 9429. 10574. Quod per Angelos in Verbo significantur Divina Vera quæ a Domino, quoniam Angeli sunt receptiones eorum, & non illa loquuntur ex se sed ex Domino, n: 1925. 2821. 3039. 4085. 4295. 4402. 6280. 8192. 8301. Quod tubæ seu buccinæ, quæ tunc Angelis, significant Divina Vera in Cœlo, & e Cœlo revelata, n: 8815. 8823. 8915.

✓ Quod Ultimum Judicium existat, quando finis Ecclesiæ est: & quod finis Ecclesiæ sit, quando non fides quia non charitas.

33. **Q**UOD Ultimum Judicium existat quando finis Ecclesiæ est, sunt plures causæ; primaria est, quod tunc perire incipiat æquilibrium inter Cœlum & Infernum, & cum Æquilibrium ipsam Liberum hominis; & cum Liberum hominis perit, tunc non amplius salvari potest; ex Libero enim tunc fertur ad infernum, & non in libero duci potest ad Cœlum; nam absque libero nemo reformari potest, & omne Liberum hominis est ex Æquilibrium inter Cœlum & Infernum: quod ita sit constare potest ex binis Articulis in Opere de Cœlo & Inferno, ubi actum est de Æquilibrium inter Cœlum & Infernum, n: 589 ad 596: & quod homo in Libero sit per æquilibrium inter Cœlum & Infernum, n: 597 ad 603; & quoque ibi, quod nemo reformari queat quam in Libero.

34. Quod Æquilibrium inter Cœlum & Infernum perire incipiat in fine Ecclesiæ, constare potest ex eo, quod Cœlum & Infernum sint ex Humano Genere,

Genere, de qua re videatur supra in suo Articulo; & cum homines rari in Cœlum veniunt, & multi in Infernum, quod malum ab una parte crescat super bonum ab altera; nam quantum Infernum crescit, tantum crescit malum; & omne malum homini est ex inferno, & omne bonum ei est e Cœlo: quia malum crescit super bonum in fine Ecclesiæ, quapropter a Domino tunc judicantur omnes, & separantur mali a bonis, ac rediguntur omnia in ordinem, ac instauratur novum Cœlum, & quoque nova Ecclesia in terris, & sic restauratur æquilibrium. Hoc nunc est, quod vocatur Ultimum Judicium, de quo plura in sequentibus.

35. Quod finis Ecclesiæ sit, quando non amplius intra Ecclesiam est Fides, notum est ex Verbo, sed nondum notum est, quod non aliqua Fides sit si non Charitas; quapropter de hac re aliqua in nunc sequentibus dicentur. Quod in fine Ecclesiæ nulla sit fides, prædicitur a Domino, "*Filius hominis cum venerit, num inveniet fidem in terra,*" Luc: xviii: 8: & quoque quod tunc nulla charitas, "*In Consummatione sæculi multiplicabitur iniquitas, refrigeret Charitas multorum: & prædicabitur id Evangelium in toto terrarum orbe; & tunc veniet finis,*" Matth: xxiv: 12. 14. Consummatio sæculi est Ultimum tempus Ecclesiæ; describitur in eo Capite a Domino status successive decrescens Ecclesiæ quoad amorem & fidem, sed describitur ibi per meras correspondentias; quare illa quæ ibi prædicta sunt a Domino non possunt intelligi, nisi sensus spiritualis correspondens singulis ibi sciatur, quapropter datum mihi est a Domino explicare omnia quæ in illo Capite, & aliqua quæ in sequente dicta sunt, de Consummatione sæculi, de Adventu Ipsius, deque successiva vastatione Ecclesiæ, & de Ultimo Judicio, in ARCANIS CŒLESTIBUS, quæ ibi videantur n: 3353 ad 3356. 3486 ad 3489. 3650 ad 3655. 3751 ad 3759. 3897 ad 3901. 4056 ad 4060. 4229 ad 4231. 4332 ad 4335. 4422 ad 4424. 4635 ad 4638. 4661 ad 4664. 4807 ad 4810. 4954 ad 4959. 5063 ad 5071.

36. Aliqua nunc dicentur de eo, quod nulla fides sit si non charitas: autumatur quod sit fides quamdiu creduntur doctrinalia Ecclesiæ, ita quod sit apud illos qui credunt; sed solum credere non est fides, at velle & facere id quod creditur est fides: doctrinalia Ecclesiæ quando solum creduntur, non sunt in vita hominis, sed solum in ejus memoria & inde in Externi hominis cogitatione, nec intrant in ejus vitam priusquam in ejus voluntatem & inde in actiones; tunc primum est in hominis spiritu, nam spiritus hominis, cujus vita est ipsa vita hominis, formatur ex voluntate ejus, ac tantum ex cogitatione, quantum hæc procedit ex voluntate: memoria hominis & inde cogitatio est modo atrium, per quod fit introductio. Sive dicas Voluntatem sive Amorem, idem est, quoniam unusquisque quod vult id amat, & quod amat id vult; ac Voluntas est receptaculum amoris, & intellectus, cujus est cogitare, est receptaculum fidei. Homo multa potest scire, cogitare & intelligere, sed illa quæ non concordant cum voluntate seu cum amore ejus, rejicit a se, cum sibi soli relictus ex sua voluntate seu ex suo amore meditatur, & ideo quoque illa rejicit post vitam corporis, cum in spi-

ritu vivit; nam id solum manet in spiritu hominis, quod intravit in ejus voluntatem seu amorem, ut mox supra dictum est, cætera post mortem spectantur sicut aliena, quæ quia non amoris ejus sunt, ejicit domo, & quoque averfatur. Alia res est, si homo doctrinalia Ecclesiæ, quæ ex Verbo sunt, non modo credit, sed etiam vult illa & facit illa, tunc fit fides; fides enim est affectio veri ex velle verum quia est verum, nam velle verum quia est verum est ipsum spirituale hominis, est enim abstractum a naturali, quod est velle verum non propter verum, sed propter sui gloriam, famam, & lucrum; verum enim abstracte a talibus spectatum est spirituale, quia in sua essentia est Divinum; quare velle verum quia est verum, est quoque agnoscere & amare Divinum; duo illa prorsus conjuncta sunt, & quoque spectantur ut unum in Cælo, Divinum enim quod procedit a Domino in Cælo est Divinum Verum, videatur in Opere de Cælo & Interno, n: 128. 129. 130. 131. 132, & illi sunt Angeli in Cælis, qui recipiunt illud, & faciunt suæ vitæ. Hæc dicta sunt, ut sciatur quod fides non sit solum credere, sed velle & facere, proinde quod nulla fides sit si non charitas; charitas seu amor est velle & facere.

37. Quod hodie intra Ecclesiam tam rara fides sit, ut vix dici queat aliqua, patuit a multis tam doctis quam simplicibus, qui, post mortem spiritus explorati qua fide fuerunt in mundo, & compertum est quod unusquisque autumaverit fidem esse solum credere & sibi persuadere quod ita sit; & doctiores esse solum ex fiducia seu confidentia credere quod salventur per Passionem Domini & Intercessionem Ipsius; & quod vix aliquis noverit, quod nulla fides sit nisi sit charitas seu amor; imo nec sciverunt quid charitas erga proximum; nec quæ differentia est inter cogitare & velle; plerique ex illis a tergo rejecerunt charitatem, dicentes quod charitas nihil faciat, sed solum fides: cum dictum est illis, quod charitas & fides unum sint, sicut voluntas & intellectus, & quod charitas resideat in voluntate & fides in intellectu, & quod separare unam ab altera, sit sicut separare voluntatem & intellectum, hoc non intellexerunt; inde patuit, quod hodie vix aliqua fides sit. Hoc quoque illis ad vivum ostensum est, adducti sunt illi, qui in persuasionem fuerunt quod fidem habuerint, ad Societatem angelicam, ubi genuina fides erat, & tunc data communicatione clare perceperunt, quod illis nulla fides; quod dein quoque coram pluribus fassi sunt: idem etiam ostensum est aliis modis penes illos qui professi sunt fidem, & putaverunt se credidisse, & non vixerunt vitam fidei quæ est charitas, & quisque ex illis fassus est, quod nulla eis fides fuerit, quia nihil ejus fuit in vita spiritus eorum, sed solum extra illam in aliqua cogitatione cum vixerunt in naturali mundo.

38. Talis status est Ecclesiæ hodie, quod nempe ibi non fides sit quia non charitas, & ubi non est charitas ibi nec est aliquod bonum spirituale, nam id bonum unice est ex charitate: dictum est e Cælo, quod apud aliquos adhuc sit bonum, at quod id non dici queat bonum spirituale, sed bonum naturale, ex causa quia ipsa Divina Vera in obscuro sunt, & Divina Vera introducunt ad charitatem, docent enim illam, & spectant illam ut finem ad quem, inde charitas non alia existere potest, quam prout sunt vera ex quibus: Divina Vera,

Vera, ex quibus Doctrinæ Ecclesiarum, spectant solam fidem, quapropter vocantur Doctrinæ fidei, & non spectant vitam, & Vera quæ modo spectant fidem & non vitam, non possunt facere hominem spirituales; & quamdiu extra vitam sunt, modo naturalia sunt, sciuntur enim & cogitantur modo sicut res aliæ; inde est, quod hodie non detur bonum spirituale, sed apud quosdam modo bonum naturale. Præterea omnis Ecclesia in principio est spiritualis, inchoat enim a charitate, sed temporis successu defleat a charitate ad fidem, & tunc ab Interna Ecclesia fit Externa, & quando fit Externa, tunc finis ejus est, quoniam tunc in scientia ponitur omne, ac parum si quicquam in vita; & quantum homo ab Interno fit Externus, tantum caligatur apud illum Lux spiritualis, usque ut non videat Divinum Verum ex ipso Vero, hoc est, ex Luce cœli, Lux cœli enim est Divinum Verum, sed solum ex luce naturali, quæ talis est, cum sola & non illustrata a Luce spirituali, ut videat Divinum Verum sicut in nocte, nec cognoscit aliunde num verum sit, quam quia ita dictum est ab Antistite, ac receptum a communi Cætu; inde est, quod intellectuale eorum non illustrari a Domino potuerit, nam quantum splendet lux naturalis in intellectuali, tantum obtenebratur lux spiritualis: lux naturalis in intellectuali splendet, quando mundana, corporea, & terrestria amantur præ spiritualibus, cœlestibus, & Divinis; tantum etiam homo Externus est.

39. Sed quia in Orbe Christiano non scitur, quod nulla fides sit si non charitas, nec quid Charitas erga proximum, ne quidem quod Voluntas faciat ipsum hominem, ac tantum ejus Cogitatio, quantum trahit a voluntate, quare ut illæ res in lucem intellectus perveniant, velim adjungere Collecta de illis ex ARCANIS COELESTIBUS, quæ inservire illustrationi possunt.

EX ARCANIS COELESTIBUS.

DE FIDE. Qui non sciunt quod omnia in Universo se referant ad VERUM & ad BONUM, & ad conjunctionem utriusque ut producat ali- quid, quod non sciant quod omnia Ecclesiæ se referant ad FIDEM & AMOREM, & ad conjunctionem utriusque, n: 7752 ad 7762. 9186. 9224. Quod omnia in universo se referant ad Verum & Bonum, & ad conjunctionem utriusque, n: 2451. 3166. 4390. 4409. 5232. 7256. 10122. 10555. Quod Vera sint Fidei, & quod Bona sint amoris, n: 4353. 4997. 7178. 10367.

Qui non sciunt quod omnia & singula apud hominem se referant ad INTELLECTUM & ad VOLUNTATEM, & ad conjunctionem utriusque, ut homo sit homo, quod nec sciant quod omnia Ecclesiæ se referant ad FIDEM & AMOREM, & ad conjunctionem utriusque, ut in homine sit Ecclesia, n: 2231. 7752. 7753. 7754. 9224. 9995, 10122. Quod binæ facultates homini sint, una quæ vocatur Intellectus, & altera quæ Voluntas, n: 641. 803. 3623. 3939. Quod Intellectus dicatur sit recipiendis Veris, ita quæ Fidei sunt, &

Voluntas dicata recipiendis Bonis, ita quæ amoris sunt, n: 9300. 9930. 10064. Quod inde sequatur, quod Amor seu Charitas faciat Ecclesiam, & non sola fides, seu fides separata ab illis, n: 809. 916. 1798. 1799. 1734. 1844. 4766. 5826.

Quod Fides separata a Charitate sit nulla Fides, n: 654. 724. 1162. 1176. 2049. 2116. 2340. 2349. 2419. 3849. 3868. 6348. 7039. 7842. 9782. Quod talis Fides in altera vita pereat, n: 2228. 5820. Quod doctrinalia de sola Fide destruant Charitatem, n: 6353. 8094. Quod qui Fidem separant a Charitate in Verbo repræsentati sint per Cainum, per Chamum, per Rubenem, per Ægyptiorum primogenitos, & per Philisthæos, n: 3325. 7097. 7317. 8093. Quod quantum Charitas recedit, tantum invaleat Religio de sola Fide, n: 2231. Quod Ecclesia successu temporis defleat a Charitate ad Fidem, & tandem ad solam Fidem, n: 4683. 8094. Quod ultimo tempore Ecclesiæ sit nulla Fides quia nulla Charitas, n: 1843. 3489. 4649. Qui solam Fidem salvificam faciunt, quod vitam mali excusent, & quod illis qui in vita mali sunt, nulla fides sit, quia nulla Charitas, n: 3865. 7766. 7778. 7790. 7950. 8094. Quod illi intus in falsis sui mali sint, tametsi hoc non sciunt, n: 7790. 7950. Quod ideo illis non possit conjungi Bonum, n: 8981. 8983. Quod etiam in altera vita sint contra Bonum, & contra illos qui in Bono sunt, n: 7097. 7127. 7317. 7502. 7945. 8096. 8313. Quod simplices corde præ sapientibus sciant quid bonum vitæ, ita quid Charitas, at non quid Fides separata, n: 4741. 4754.

Quod Bonum sit Esse, & Verum Existere inde, & sic quod Verum fidei suum Esse vitæ habeat ex Bono charitatis, n: 3049. 3180. 4574. 5002. 9144. Inde quod Verum fidei vivat ex Bono charitatis, ita quod vita fidei sit charitas, n: 1589. 1947. 1997. 2579. 4070. 4096. 4097. 4736. 4757. 4884. 5147. 5928. 9154. 9667. 9841. 10729. Quod Fides non vivat apud hominem, cum modo scit & cogitat illa quæ fidei sunt, sed cum vult illa & ex velle facit illa, n: 9224. Quod conjunctio Domini cum homine non sit per fidem, sed per vitam fidei quæ est charitas, n: 9380. 10143. 10153. 10578. 10645. 10648. Quod Cultus ex bono charitatis sit verus cultus, at ex vero fidei absque bono charitatis sit actus externus, n: 7724.

Quod sola Fides seu Fides separata a Charitate sit sicut lux hyemis, in qua omnia Telluris torpent, & nihil producit, at quod Fides cum Charitate sit sicut lux veris & æstatis, in qua omnia florent & producantur, n: 2231. 3146. 3412. 3413. Quod lux hyemalis, quæ est Fidei separatæ, in altera vita vertatur in densas tenebras cum influit lux e Cœlo; & quod illi, qui in illa fide sunt, tunc in cæcitatem & stupiditatem veniant, n: 3412. 3413. Quod qui fidem a charitate separant, in tenebris sint, ita in ignorantia veri, & inde in falsis, nam hæc sunt tenebræ, n: 9186. Quod se coniciant in falsa & inde mala, n: 3325. 8094. Errores & falsa in quæ se coniciunt, n: 4721. 4730. 4776. 4783. 4925. 7779. 8313. 8765. 9224. Quod Verbum illis sit occlusum, n: 3773. 4783. 8780. Quod non videant & attendant ad omnia illa quæ Dominus toties loquutus est de amore & charitate, de

quibus, n : 1017. 3416. Quod nec sciant quid Bonum, nec quid cœlestis Amor, nec quid Charitas, n : 2507. 3603. 4136. 9995.

Quod Charitas faciat Ecclesiam, & non Fides separata a Charitate, n : 809. 916. 1798. 1799. 1834. 1844. Quantum boni in Ecclesia, si Charitas spectaretur primo loco, n : 6269. 6272. Quod una Ecclesia foret, & non divisa in plures, si Charitas esset essentielle ejus; & quod tunc nihil faceret, si differrent doctrinalia fidei, & cultus externi, n : 1285. 1316. 2385. 2853. 2982. 3267. 3445. 3451. 3452. Quod spectentur omnes ex Charitate in Cœlo, & nullus ex fide absque illa, n : 1258. 1394. 2364. 4802.

Quod duodecim Discipuli Domini repræsentaverint Ecclesiam quoad omnia fidei & charitatis in uno complexu, similiter ac duodecim Tribus Israelis, n : 2129. 3354. 3488. 3858. 6397. Quod Petrus, Jacobus, & Johannes repræsentaverint fidem, charitatem, & bona charitatis, in suo ordine, n : 3750. Quod Petrus Fidem, n : 4738. 6000. 6073. 6344. 10087. 10580. Et quod Johannes bona charitatis, Præfat : ad Cap : XVIII & XXII Genes : Quod ultimis temporibus nulla esset fides in Dominum quia non charitas, repræsentatum est per quod Petrus ter abnegaverit Dominum antequam gallus tertio cecinit, Petrus enim in sensu repræsentativo ibi est Fides, n : 6000. 6073. Quod gallinaceum æque ac diluculum in Verbo significet ultimum tempus Ecclesiæ, n : 10134. Et quod tria vel ter significant completum ad finem, n : 2788. 4495. 5159. 5198. 10127. Simile significatur per quod Dominus dixit ad Petrum, cum videret Johannem sequi Dominum, *quid ad te Petre, tu sequere me Johannes*, Petrus enim dixit de Johanne, *hic quid*, Joh. XXI : 21. 22. n : 10087. Quia Johannes repræsentavit bona charitatis, quod accubuerit ad pectus Domini, n : 3934. 10081. Quod omnia nomina personarum & locorum in Verbo significant res abstracte ab illis, n : 758. 1888. 4310. 4442. 10329.

De CHARITATE. Quod Cœlum sit distinctum in duo Regna, quorum unum vocatur Regnum cœleste, alterum Regnum spirituale; Amor in Regno cœlesti est Amor in Dominum, & vocatur Amor cœlestis, & Amor in Regno spirituali est Charitas erga proximum, & vocatur Amor spiritualis, n : 3325. 3653. 7257. 9002. 9833. 9961. Quod Cœlum distinctum sit in Duo illa Regna, videatur in Opere de Cœlo & Inferno n : 20 ad 28. Et quod Divinum Domini in cœlis sit Amor in Ipsum, & Charitas erga proximum, n : 13 ad 19 ibi.

Quod non sciatur quid Bonum & quid Verum, nisi sciatur quid Amor in Dominum & Charitas erga proximum, quoniam omne Bonum est Amoris & Charitatis, & omne Verum est Boni, n : 7255. 7366. Quod scire vera, velle vera, & affici veris propter vera, hoc est, quia vera sunt, sit Charitas, n : 3876. 3877. Quod Charitas consistat in affectione interna faciendi verum, & non in externa absque illa, n : 2430. 2442. 3776. 4899. 4956. 8033. Ita quod Charitas consistat in usibus præstandis propter usus, & quod quale ejus sit secundum usus, n : 7038. 8253. Quod Charitas sit vita spiritualis hominis, n : 7081. Quod totum Verbum sit Doctrina Amoris & Charitatis,

n : 6632. 7262. Quod nesciatur hodie quid Charitas, n : 2417. 3398. 4776. 6632. Quod usque homo ex lumine rationis suæ scire possit, quod Amor & Charitas faciant hominem, n : 3957. 6273. Tum quod Bonum & Verum concordent, ac unum sit alterius, ita Charitas & Fides, n : 7627.

Quod Dominus in supremo sensu sit Proximus, quia Ille super omnia amandus est; inde quod omne id Proximus sit, quod ab Ipso est in quo Ipse, ita Bonum & Verum, n : 2425. 3419. 6706. 6819. 6823. 8124. Quod discrimen Proximi sit secundum quale Boni, ita secundum præsentiam Domini, n : 6707. 6708. 6709. 6710. Quod omnis homo, & omnis Societas, tum Patria & Ecclesia, ac in universali sensu Regnum Domini, sint Proximus, & quod illis benefacere ex amore boni secundum quale status illorum, sit amare proximum, ita proximus est bonum illorum, cui consulendum est, n : 6818 ad 6824. 8123. Quod etiam Bonum Civile quod est justum, & bonum morale quod est Bonum vitæ in societate, sit Proximus, n : 2915. 4730. 8120. 8121. 8122. Quod amare proximum non sit amare personam, sed id quod est apud illum ex quo ille, ita bonum & verum, n : 5025. 10336. Qui amant personam, & non quod est apud illam ex quo ille, quod ament æque malum ac bonum, n : 3820. Et quod benefaciant æque malis ac bonis, cum tamen benefacere malis est malefacere bonis, quod non est amare proximum, n : 3820. 6703. 8120. Judex qui punit malos ut emendentur, & ne contaminentur ab illis boni, is proximum amat, n : 3820. 8120. 8121.

Quod amare proximum sit facere bonum, justum & rectum in omni opere & in omni functione, n : 8120. 8121. 8122. Inde, quod Charitas erga proximum se extendat ad omnia & singula quæ homo cogitat, vult & facit, n : 8124. Quod facere bonum & verum propter bonum & verum, sit amare proximum, n : 10310. 10336. Quod illi qui hoc faciunt, ament Dominum, qui in supremo sensu est Proximus, n : 9212. Quod vita charitatis sit vita secundum præcepta Domini, ita quod vivere secundum Divina Vera, sit amare Dominum, n : 10143. 10153. 10310. 10578. 10648.

Quod genuina Charitas non sit meritoria, n : 2340. 2373. 2400. 3887. 6388 ad 6393. Quia est ex affectione interna, ita ex jucundo faciendi bonum, n : 2373. 2400. 3887. 6388. 6393. Qui fidem separant a charitate, quod in altera vita faciat fidem, & bona opera quæ in externa forma fecerunt, meritoria, n : 2373.

Quod Doctrina Antiquæ Ecclesiæ fuerit Doctrina vitæ, quæ est Doctrina charitatis, n : 2487. 2385. 3419. 3420. 4844. 6628. Quod Antiqui, qui ab Ecclesia, redegerint bona charitatis in ordinem, & distinxerint in classes, & singulis imposuerint nomina, & quod illis inde sapientia, n : 2417. 6629. 7259 ad 7262. Quod sapientia & intelligentia crescant in immensum in altera vita apud illos, qui vitam charitatis in mundo vixerunt, n : 1941. 5859. Quod Dominus cum Divino Vero influat in Charitatem, quia in ipsam vitam hominis, n : 2363. Quod homo sit sicut hortus, cum apud illum charitas & fides conjunctæ sunt, sed sicut desertum cum non conjunctæ, n : 7626.

Quod

Quod homo tantum recedat a sapientia, quantum a charitate, n : 6630. Quod in ignorantia de Veris Divinis sint, qui non in charitate sunt, utcunque se credunt sapere, n : 2416. 2435. Quod vita angelica consistat in bonis charitatis, quæ sunt usus, præstandis, n : 454. Quod Angeli spirituales sint formæ charitatis, n : 553. 3804. 4735.

De VOLUNTATE & INTELLECTU. Quod binæ facultates homini sint, una quæ vocatur Intellectus, altera quæ Voluntas, n : 35. 641. 3939. 10122. Quod binæ illæ facultates faciant ipsum hominem, n : 10076. 10109. 10110. 10264. 10284. Quod homo talis sit, quales illæ facultates apud illum sunt, n : 7342. 8885. 9282. 10264. 10184. Quod per illas homo etiam distinguatur a bestiis, ex causa quia Intellectus hominis elevari potest a Domino, & videre Vera Divina, pariter Voluntas & percipere Bona Divina, & sic homo conjungi Domino per binas suas facultates, quæ faciunt illum, secus autem bestię, n : 4525. 5302. 5114. 6323. 9231. Et quia homo in facultate illa est præ bestiis, quod non mori possit quoad interiora sua quæ ejus spiritus sunt, sed quod vivat in æternum, n : 5302.

Quod omnia in universo se referant ad Bonum & Verum, ita apud hominem ad Voluntatem & Intellectum, n : 803. 10122. Quia Intellectus est recipiens veri ac Voluntas boni, n : 3332. 3623. 5332. 6065. 6125. 7503. 9300. 9930. Eodem recidit, sive dicas Verum sive dicas fidem, nam fides est veri ac verum est fidei; & eodem recidit, sive dicas bonum sive dicas amorem, nam amor est boni & bonum est amoris, quod enim homo credit hoc verum dicit, & quod homo amat hoc bonum dicit, n : 4353. 4997. 7178. 10122. 10367. Inde sequitur quod Intellectus sit recipiens fidei, & quod Voluntas sit recipiens amoris, n : 7178. 10122. 10367. Et quia Intellectus hominis recipere potest fidem in Deum, ac voluntas amorem in Deum, quod possit fide & amore conjungi Deo, & qui conjungi potest Deo amore & fide, non potest mori in æternum, n : 4525. 6323. 9231.

Quod Voluntas hominis sit ipsum Esse vitæ illius, quia est receptaculum amoris seu boni, & quod Intellectus sit Existere vitæ inde, quia est receptaculum fidei seu veri, n : 3619. 5002. 9282. Ita quod vita Voluntatis sit vita principalis hominis, & quod vita Intellectus procedat inde, n : 585. 590. 3619. 7342. 8885. 9282. 10076. 10109. 10110. Similiter ut lux ex igne seu flamma, n : 6032. 6314. Quod quæ in Intellectum veniunt & simul in voluntatem, approprientur homini, non autem quæ solum in Intellectum, n : 9009. 9069. 9071. 9129. 9182. 9386. 9393. 10076. 10109. 10110. Quod illa fiant vitæ hominis quæ recipiuntur voluntate, n : 3161. 9386. 9393. Inde sequitur quod homo sit homo ex voluntate, & inde intellectu, n : 8911. 9069. 9071. 10076. 10109. 10110. Unusquisque etiam homo ab aliis amatur & æstimatur secundum bonum suæ voluntatis & inde Intellectus, amatur enim & æstimatur qui vult bene & intelligit bene, ac rejicitur & vilipenditur qui intelligit bene & non vult bene, n : 8911. 10076. Quod homo post mortem etiam maneat, sicut ejus Voluntas & inde Intellectus est, n : 9069. 9071. 9386. 10153. Et quod quæ Intellectus sunt, &

non:

non simul voluntatis, tunc evanescant, quia non sunt in homine, n : 9282. Seu quod eodem recidit, quod homo post mortem maneat sicut ejus amor est & inde fides, aut sicut ejus bonum & inde verum, & quod quæ fidei sunt & non simul amoris, seu quæ veri sunt & non simul boni, tunc evanescant, quia non sunt in homine, ita non hominis, n : 553. 2364. 10153. Quod homo possit intellectu capere, quod non ex voluntate facit, seu quod possit intelligere quod non potest velle, quia contra amorem ejus, n : 3539. Quod homo ægre sciat distinguere inter cogitare & velle, causa, n : 9991.

Quam perversus status est apud quos Intellectus & Voluntas non unum agunt, n : 9075. Quod talis status sit apud hypocritas, dolosos, assentatores & simulatores, n : 4326. 3573. 4799. 8250.

Quod omnis Voluntas boni & inde Intellectus Veri, sit a Domino, non ita Intellectus Veri separatus a Voluntate boni, n : 1831. 3514. 5483. 5649. 6027. 8685. 8701. 10153. Quod Intellectus sit qui illustratur a Domino, n : 6222. 6608. 10659. Quod Intellectus illustretur, quantum homo recipit verum voluntate, hoc est, quantum vult facere secundum id, n : 3619. Quod Intellectui sit lux e Cœlo, sicut visui lux e mundo, n : 1524. 5114. 6608. 9128. Quod Intellectus talis sit, qualia sunt vera ex bono, ex quibus formatus est, n : 10064. Quod Intellectus sit qui est ex veris quæ ex bono, non autem qui est ex falsis quæ a malo, n : 10675. Quod Intellectus sit videre ex illis quæ experientiæ & scientiæ sunt, vera, causas rerum, nexus & consequentia in serie, n : 6125. Quod Intellectus sit videre & percipere num verum sit antequam confirmatur, non autem posse confirmare quodcunque, n : 4741. 7012. 7680. 7950. 8521. 8780. Quod videre & percipere num verum sit antequam confirmatur, solum detur apud illos qui afficiuntur vero propter verum, ita qui in luce spiritali sunt, n : 8521. Quod lux confirmationis sit lux naturalis, dabilis etiam apud malos, n : 8780. Quod omnia dogmata etiam falsa confirmari possint, usque ut appareant sicut vera, n : 2482. 2490. 5033. 6865. 7950.

Quod omnia, quæ in Apocalypsi prædicta sunt,
hodie impleta sint.

40. **N**EMO scire potest quid significant & involvunt omnia illa quæ in Apocalypsi continentur, nisi sciat sensum internum seu spiritualem Verbi; nam quicquid ibi est, simili stylo conscriptum est, quo sunt Prophetica Veteris Testamenti, in quibus unaquævis vox significat spirituale, quod non apparet in sensu literæ: præterea illa, quæ in Apocalypsi sunt, nec possunt explicari quoad sensum spiritualem nisi ab illo qui scit quomodo cum Ecclesia transactum est usque ad finem ejus, & hoc sciri non potest quam in Cœlo, & id est quod in Apocalypsi continetur: agitur enim in sensu

sensu spirituali Verbi ubivis de Spirituali Mundo, hoc est, de statu Ecclesiæ tam in Cœlis quam in Terris, inde est Verbum spirituale & Divinum; ille status est qui in suo ordine ibi exponitur: inde constare potest, quod illa, quæ in Apocalypsi continentur, nusquam ab aliquo explicari queant, nisi cui revelatum est de successivis statibus Ecclesiæ in Cœlis: est enim Ecclesia in Cœlis æque ac in terris, de qua in sequentibus aliqua dicentur.

41. Qualis Ecclesia Domini in terris est, non videri potest ab aliquo homine, quamdiu is in mundo vivit, minus quomodo deflexit a bono ad malum progressu temporis; causa est, quia homo, dum in mundo vivit, in externis est, & non videt nisi quæ patent coram naturali ejus homine; qualis autem Ecclesia est quoad spiritualia, quæ sunt ejus interna, non in mundo apparet, verum apparet in Cœlo ut in clara die, quoniam Angeli in spirituali cogitatione & quoque in spirituali visu sunt, & inde non nisi quam spiritualia vident; & præterea omnes homines ibi simul sunt qui in mundo nati a principio creationis, ut supra ostensum est, & quoque omnes ibi distincti in Societates secundum bona amoris & fidei, videatur in Opere de Cœlo & Inferno n: 41 ad 50, inde est, quod status Ecclesiæ, & quoque progressionem ejus in Cœlo coram Angelis pateant. Nunc quia Ecclesiæ status quoad amorem & fidem in Apocalypsi in sensu ejus spirituali describitur, ideo non potest aliquis scire, quid omnia ibi in serie involvunt, nisi cui revelatum est e Cœlo, & simul cui datum est scire internum seu spirituale sensum Verbi. Hoc asseverare possum, quod singula ibi, usque ad unamquamvis vocem, contineant in se sensum spirituale, & quod in illo sensu omnia Ecclesiæ quoad spirituale ejus statum a principio ad finem plene descripta sint: & quia unaquævis vox ibi spirituale significat, ideo nulla vox potest deesse, quin series rerum in sensu interno inde mutationem patiatur; idcirco in fine illius Libri dicitur, "*Si quis abstulerit ex verbis Libri prophetiæ hujus, auferet Deus partem ejus e libro vitæ, & ex Civitate illa sancta, & ex iis quæ scripta sunt in Libro illo*," Cap: xxii: 19. Simile est cum Libris Verbi Veteris Testamenti; in illis etiam unaquævis res, & unaquævis vox continet sensum internum seu spirituale, quapropter nec ibi aliqua vox auferri potest; inde est, quod ex Divina Providentia Domini illi Libri integri conservati sint usque ad jotham a tempore quo conscripti, per curam plurium qui singularissima ibi numeraverunt; hoc provisum est a Domino ob sanctitatem, quæ cuivis jothæ, literæ, voci, & rei ibi inest.

42. Quia sensus internus seu spiritualis similiter inest omni voci in Apocalypsi, & quia sensus ille continet arcana status Ecclesiæ in cœlis & in terris, & quia illa non alicui revelari possunt, nisi qui illum sensum novit, & simul nisi cui datum est consortium habere cum Angelis, & spiritualiter cum illis loqui, ideo, ne illa quæ ibi scripta sunt, lateant coram hominibus, & in posterum deferantur ob non intellecta, mihi detecta sunt quæ inibi continentur; quæ quia sunt multa, non possunt in hoc Opusculo describi; quare velim totum illum Librum a principio ad finem explicare, ac retegere arcana, quæ intus inibi sunt: quæ Explicatio publico sistetur intra biennium; &

simul

simul ibi aliqua quæ in Daniele, quæ ob non cognitum sensum spirituales, huc usque recondita latuerunt.

43. Qui non sensum internum seu spirituales novit, nusquam divinare potest quid in Apocalypsi intelligitur per Draconem, & per Michaelis & Angelorum ejus pugnam cum illo; quid per caudam qua Draco detraxit e Cœlo tertiam partem stellarum; quid per Mulierem quæ peperit filium masculum, qui raptus est ad Deum, & quam persecutus est draco; quid per Bestiam ascendentem a mari, & per Bestiam ascendentem a terra, quibus tot cornua; quid per Meretricem cum qua scortati sunt Reges terræ; quid per Resurrectionem primam & secundam, perque mille annos; quid per Stagnum sulphuris & ignis, in quod draco, bestia, & pseudopropheta conjecti sunt; quid per Equum Album; tum quid per prius Cœlum & priorem Terram, quæ transiverunt: & quid per novum Cœlum & novam Terram, quæ loco priorum; perque Mare quod non amplius; tum quid per Civitatem Hierosolymam novam descendentem e Cœlo, perque ejus mensuras, murum, portas, & fundamentum ex lapidibus pretiosis; quid per varios numeros; præter reliqua, quæ arcanissima sunt illis qui nihil de spiritali sensu Verbi norunt. Sed singula detecta videbuntur in promissa Explicatione super illum Librum.

44. In antecessum memorandum est, quod omnia quæ inibi in cœlesti sensu continentur, nunc impleta sint: communia aliqua velim in hoc Opusculo tradere, de Ultimo Judicio; de Babylonia destructa; de primo Cœlo & prima Terra quæ transiverunt: de novo Cœlo, deque nova Terra, & de nova Hierosolyma, ob causam ut sciatur quod omnia nunc peracta sint: sed specifica non tradi queunt, nisi ubi explicantur singula secundum descriptiones in Libro Revelationis de illis.

Quod Ultimum Judicium peractum sit.

45. **S**UPRA in suo Articulo ostensum est, quod Ultimum Judicium non existat in terris, sed in Mundo spiritali, ubi omnes a principio creationis simul sunt; & quia ita est, non potest ad cognitionem ullius hominis venire, quum Ultimum Judicium peractum est, quisque enim expectat id in terris, & simul tunc omnium mutationem in Cœlo quod coram oculis, & in Terris, cumque Humano Genere ibi: ne itaque homo Ecclesiæ in tali fide, ex ignorantia vivat, & illi, qui de Ultimo Judicio cogitant, præstolentur illud in perpetuum, unde tandem peritura sit fides de illis quæ in sensu literæ Verbi de illo dicta sunt, & ne forte ideo plures recessuri sint a fide de Verbo, datum est mihi oculis meis videre, quod Ultimum Judicium nunc peractum sit, & quod mali conjecti sint in Inferna, ac boni elevati in Cœlum, & sic quod omnia in ordinem redacta sint, & inde restitutum Æquilibrium spirituale, quod est inter bonum & malum, seu inter Cœlum & Infernum. Quo-
modo

modo Ultimum Judicium peractum est, datum est mihi videre a principio ad finem, tum quoque quomodo Babylonica destructa est, ut & quomodo illi, qui intelliguntur per Draconem, coniecti sunt in abyssum; tum etiam quomodo formatum est novum Cœlum, & instaurata est nova Ecclesia in Cœlis, quæ intelligitur per Novam Hierosolymam. Hæc omnia data mihi sunt oculis meis videre, ob finem ut possim testari. Ultimum hoc Judicium inchoatum est in principio Anni præcedentis 1757, & in fine illius Anni plene peractum est.

46. Sed sciendum est, quod Ultimum Judicium factum sit super illos qui vixerunt a tempore Domini ad hunc diem, non autem super illos qui antea vixerunt: in hac Tellure enim Ultimum Judicium prius bis exstiterat, unum quod in Verbo describitur per Diluvium; alterum ab Ipso Domino cum fuit in mundo, quod etiam intelligitur per Domini verba, "*Nunc Judicium est Mundi hujus, nunc princeps mundi hujus ejicitur foras,*" Joh: xii: 31; & alibi, "*Hæc loquutus sum vobis, ut in Me pacem habeatis; confidite, Ego vici mundum,*" Joh: xvi: 33. Et quoque per hæc apud Esaiam, "*Quis hic qui venit ex Edom, incedens in multitudine roboris sui, magnus ad salvandum; torcular calcavi Solus, propterea calcavi eos in ira mea, unde sparsa est victoria eorum super vestes meas, nam dies vindictæ in corde meo, & annus redemptorum meorum venit; ideo factus est in Salvatore,*" LXIII: 1 ad 8: & alibi pluries. Quod bis in hac Tellure prius exstiterit Ultimum Judicium est causa, quia omne Judicium existit in fine Ecclesiæ, ut supra in suo Articulo ostensum est; & in hac Tellure fuerunt binæ Ecclesiæ, Prima ante Diluvium, & Altera post Diluvium; Ecclesia ante Diluvium describitur in Primis Capitibus Geneseos per novam Creationem Cœli & Terræ, & per Paradisum; & ejus finis per esum ex Arbore scientiæ, ac postea in specie; & ejus Ultimum Judicium describitur per Diluvium, & omnia illa secundum stylum Verbi per meras correspondencias; in cujus sensu interno seu spiritali per Creationem Cœli & Terræ intelligitur instauratio novæ Ecclesiæ, videatur supra in primo Articulo; per Paradisum in Edene cœlestis illius Ecclesiæ sapientia; per Arborem scientiæ scientificum quod illam Ecclesiam destruxit, simile per serpentem ibi; & per Diluvium intelligitur Ultimum Judicium super illos qui fuerunt ab illa Ecclesia. Altera autem Ecclesia, quæ fuit post Diluvium, describitur etiam aliquibus in locis in Verbo, ut Deut: xxxii: 7 ad 14, & alibi; hæc per multum Orbis Asiatici extensa fuit, & continuata apud posteros ex Jacobo; finis ejus fuit cum Dominus in mundum venit, ab Ipso tunc Ultimum Judicium factum est super omnes a prima illius Ecclesiæ instaurazione, & simul tunc super residuos a prima Ecclesia: Dominus ob illum finem in Mundum venit, ut omnia in ordinem redigeret in Cœlis, & per Cœlos in Terris, & simul ut Humanum suum Divinum faceret, quod nisi factum fuisset, nemo potuisset salvari. Quod binæ Ecclesiæ ante Domini adventum in hac Tellure fuerint, ostensum est variis in locis in ARCANIS COELESTIBUS, ex quibus Collecta videantur ad finem hujus Articuli (1): & quod Dominus in mundum venerit, ut redigeret omnia in ordinem in cœlis & per illos in terris, utque

Humanum suum Divinum faceret (*m*). Tertia Ecclesia in hac Tellure est Christiana; super hanc, & simul super omnes quæ tempore Domini in Primo Cœlo fuerunt, factum est Ultimum Judicium, de quo nunc agitur.

47. Quomodo hoc Ultimum Judicium factum est, non potest in hoc Opusculo in specie describi, quia plura sunt, sed describentur in Explicatione super Apocalypsin: Judicium enim non solum peractum est super omnes qui ab Ecclesia Christiana fuerunt, sed etiam super omnes qui vocantur Mahumedani, & quoque super omnes Gentes in hoc terrarum Orbe; & factum est hoc ordine; primum super illos qui a Pontificia religione fuerunt; dein super Mahumedanos, postea super Gentes, & ultimo super Reformatos. De Judicio super illos qui a Pontificia religione fuerunt, videbitur in sequente Articulo de Babylonia destructa; de Judicio super Reformatos in Articulo de priori Cœlo quod transivit; de Judicio autem super Mahumedanos & super Gentes aliqua in hoc Articulo dicentur.

48. Ordinationes omnium Gentium & Populorum, super quos Judicium, in Mundo spirituali, visæ sunt ut sequitur. In medio collecti apparuerunt illi, qui Reformati vocantur, & ibi quoque distincti secundum Patrias eorum; Germani ibi versus Septentrionem; Sueci ibi versus Occidentem; Dani in Occidente; Hollandi versus Orientem & Meridiem; Angli in medio. Circum totum hoc Medium, ubi omnes Reformati erant, collecti apparuerunt illi qui a Pontificia Religione erant, maxima pars in Plaga occidentali, aliqua in Meridionali. Ultra illos erant Mahumedani, etiam distincti secundum Patrias eorum, omnes tunc apparuerunt in Occidente juxta Meridiem. Ultra illos congregatæ erant Gentes ingenti numero, quæ sic constituebant ipsum ambitum: extra has apparuit sicut Mare, quod terminus. Quod Nationes ita ordinatæ secundum Plagas fuerint, erat secundum cujusvis communem facultatem recipiendi Divina Vera; quapropter in Mundo spirituali quisque cognoscitur a Plaga & loco ibi ubi habitat, & quoque in Societate cum pluribus ex commoratione respective ad plagas, de qua re videatur in Opere de Cœlo & Inferno n: 148. 149. Similiter fit cum vadunt a loco ad locum, tunc omnis progressio fit ad plagas secundum status successivos cogitationum ex affectionibus quæ sunt vitæ propriæ illorum: secundum illas deducti sunt ad loca sua illi, de quibus sequitur. Verbo, in Mundo spirituali viæ, quas quisque ambulat, sunt determinationes actuales cogitationum mentis; inde est, quod Viæ, Ambulationes, & similia, in sensu spirituali in Verbo significant determinationes & progressiones vitæ spiritualis.

49. Quatuor Plagæ in Verbo vocantur quatuor Venti, & congregatio eorum congregatio a quatuor Ventis, ut apud Matthæum, ubi agitur de Ultimo Judicio, "*Mittet Angelos suos, & congregabunt electos a quatuor Ventis, a Cælorum extremo ad eorum extremum,*" xxiv: 31. Et alibi, "*Congregabuntur ante Filium hominis omnes Gentes, & separabit illos unum ab altero, sicut separat Pastor Oves & Hircis; & statuet oves ad dextrum, & hircos ad sinistram,*" xxv: 31. 32, significat quod Dominus separaturus sit illos qui in veris sunt & simul in bono, ab illis qui in veris sunt & non in bono, nam in

Verbi sensu spirituali per dextrum significatur bonum, & per sinistrum verum, similiter per oves & per hircos; super alios nec factum est iudicium; nam mali qui in nullis veris, jam pridem in infernis erant, illuc enim conjiciuntur omnes mali post mortem, ita ante iudicium, qui corde negant Divinum & a fide rejiciunt Ecclesiæ vera. Ex illis qui in Veris & non in bono fuerunt, existit prius Cælum quod transivit; & ab illis qui in Veris sunt & simul in bono formatum est novum Cælum.

50. Quod Iudicium super Mahumedanos & Gentes, de quo in hoc Articulo, attinet, factum est sicut sequitur. Mahumedani a suis locis, ubi congregati sunt, quæ erant juxta Meridiem in Occidente, deducti sunt per viam circum Christianos, ab Occidente per Septentrionem ad Orientem usque ad confinium ubi Meridies; ac in via separati sunt mali a bonis; mali coniecti sunt in Paludes & Stagna; multi etiam dispersi in quoddam desertum quod ultra erat; boni autem ducebantur per Orientem ad terram magni spatii prope Meridiem, ac ibi datæ illis habitationes: illi, qui huc, perducti fuerunt, erant qui in mundo agnoverunt Dominum pro Maximo Propheta, & pro Filio Dei, & crediderunt Ipsum missum a Patre ut informaret Genus humanum, & simul vixerunt vitam moralem spiritualem secundum religiosum suum. Plerique ex illis, cum informati, recipiunt fidem in Dominum, & agnoscunt Ipsum esse unum cum Patre: datur etiam illis communicatio cum Cælo Christiano per influxum a Domino, sed non commiscetur, quia Religio separat. Omnes ex illa Religione, ut primum inter suos in alteram vitam veniunt, quærent primo Mahumedem, sed ille non apparet, verum loco ejus bini alii, qui se vocant Mahumedes; hi sedem nacti sunt in Medio sub Christiano Cælo, ad sinistrum ibi; causa, quod illi bini loco Mahumedis sint, est quia omnes, ex quacunque religione sunt, post mortem primum perducuntur ad illos; quos coluerunt in mundo, religio enim sua adhæret unicuique, sed cum percipiunt quod nihil opis ferre possint, recedunt ab illis; nullus enim aliter abduci a suo religioso potest, quam ut primum in illud immittatur. Ubinam ipse Mahumedes, & qualis ille, tum undenam sunt bini illi, qui loco Mahumedis, in Libro, ubi explicabitur Apocalypsis, dicitur.

51. Iudicium super Gentes simili pæne modo, quo super Mahumedanos, factum est, sed non perductæ sunt simili modo per circuitum, solum per aliquantum viæ in Occidente, ubi mali separati sunt a bonis, mali coniecti sunt ibi in binos hiatus magnos, qui oblique tendebant in profundum, boni autem deducti sunt supra Medium ubi Christiani, versus terram in Plaga Orientali ubi erant Mahumedani, & habitationes sortiti sunt post illos, ac ulterius ad multam extensionem in Plaga meridionali. Illi autem ex Gentilibus, qui in Mundo coluerunt Deum sub Humana forma, & charitatis vitam secundum Religiosum suum egerunt, conjunguntur Christianis in Cælo, nam Dominum præ reliquis agnoscunt & adorant: illorum intelligentissimi sunt ex Africa. Tanta multitudo Gentium & Mahumedanorum visa est, ut non nisi quam per myriades numerari posset. Iudicium super tantam Multitudinem per

aliquot dies factum est; nam unusquisque cum mittitur in suum amorem & in suam fidem, illico designatus est, & ad similes fertur.

52. Ex his constat veritas prædictionis Domini de Ultimo Judicio, quod *tunc venient ab Oriente & Occidente, & a Septentrione & Meridie, & discumbent in Regno Dei,*" Luc: XIII: 29.

EX ARCANIS CŒLESTIBUS. (1) Quod Prima & Antiquissima Ecclesia in hac Tellure fuerit, quæ describitur in Primis Capitibus Geneseos, & quod illa fuerit Ecclesia Cœlestis, omnium præcipua, n: 607. 895. 920. 1121. 1122. 1123. 1124. 2896. 4493. 8891. 9942. 10545. Quales illi, qui ab illa Ecclesia fuerunt, in Cœlo sunt, n: 1114 ad 1125. Quod ibi in summa luce sint, n: 1117. Quod variæ Ecclesiæ fuerint post diluvium, quæ una voce Ecclesia Antiqua vocantur, n: 1125. 1126. 1127. 1327. 10355. Ipsa Antiqua Ecclesia per quot Regna Asiæ fuit extensa, n: 1238. 2385. Quales fuerunt homines Antiquæ Ecclesiæ, n: 609. 895. Quod Ecclesia Antiqua fuerit Ecclesia Repræsentativa, n: 519. 521. 2896. Qualis Antiqua Ecclesia fuit, cum cæpit declinare, n: 1128. Discrimen inter Ecclesiam Antiquissimam & Antiquam, n: 597. 607. 640. 641. 765. 784. 895. 4493. De Ecclesia inchoata ab Ebero, quæ Ecclesia Hebræa dicta fuit, n: 1238. 1241. 1343. 4516. 4517. Discrimen inter Ecclesiam Antiquam & Hebræam, n: 1343. 4874. De Ecclesia instituta apud posteros Jacobi seu filios Israelis, n: 4281. 4288. 4310. 4500. 4899. 4912. 6304. 7048. 9320. 10396. 10526. 10531. 10698. Quod statuta, judicia, leges, quæ mandata sunt apud filios Israelis, fuerint quoad partem similia illis quæ in Ecclesia Antiqua, n: 4449. Ritus repræsentativi Ecclesiæ apud filios Israelis institutæ qualiter differebant a ritibus repræsentativis Antiquæ Ecclesiæ, n: 4288. 10149. Quod in Antiquissima Ecclesia fuerit Revelatio immediata e Cœlo; in Antiqua Ecclesia per correspondentias; in Ecclesia apud filios Israelis viva voce, & in Ecclesia Christiana per Verbum, n: 10355. Quod Dominus fuerit Deus Antiquissimæ Ecclesiæ, & quoque Antiquæ, & vocatus Jehovah, n: 1343. 6848.

(m) Quod Dominus redegerit omnia in Cœlis & in Infernis in ordinem, cum fuit in mundo, n: 4075. 4286. 9937. Quod Dominus tunc liberaverit Mundum spiritua-lem ab Antediluvianis, n: 1266. Quales illi fuerunt, n: 310. 311. 560. 562. 563. 570. 581. 586. 607. 660. 805. 808. 1034. 1120. 1265 ad 1272. Quod Dominus per Tentationes & Victorias subjugaverit Inferna, ac redegerit omnia in ordinem, & simul glorificaverit Humanum suum, n: 4287. 9397. Quod Dominus ex Se seu ex propria potentia id fecerit, n: 1692. 9937. Quod Dominus Solus pugnaverit, n: 8273. Quod Dominus inde Justitia & Meritum factus sit Solus, n: 1813. 2025. 2026. 2027. 9715. 9809. 10019. Quod Dominus sic univerit Humanum suum Divino, n: 1725. 1729. 1733. 1737. 3318. 3381. 3382. 4286. Quod Passio crucis fuerit ultima Tentatio, & plenaria Victoria, per quam se glorificavit, hoc est, Humanum suum Divinum fecit, ac subjugavit inferna, n: 2776. 10655. 10659. 10829. Quod Dominus non potuerit quoad ipsum Divinum tentari, n: 2795. 2803. 2813. 2814. Quod ideo assumerit Humanum a matre, in quod admisit tentationes, n: 1414. 1444. 1573. 5041. 5157. 7193. 9315. Quod expulerit omne hæreditarium ex matre, & exuerit humanum ex illa, usque tandem ut non filius ejus esset, & quod induerit Humanum Divinum, n: 2159. 2574. 2649. 3036. 10829. Quod Dominus per subjugationem Infernorum, & per glorificationem Humani sui, salvaverit homines, n: 4180. 10019. 10152. 10655. 10659. 10828.

De Babylonia, & ejus Destructione.

53. **Q**UOD omnia, quæ in Apocalypsi prædicta sunt, hodie impleta sint, videatur supra n: 40 ad 44; tum quod Ultimum Judicium jamdum peractum sit, in Articulo præcedente, ubi etiam ostensum est, quomodo Judicium factum est super Mahumedanos & Gentiles; hic nunc sequitur, quomodo factum est super Pontificios, qui sunt qui intelliguntur per Babyloniā, de qua in Apocalypsi multis agitur, & de ejus destructione in specie in Capite XVIII, quæ ita describitur, "*Angelus exclamavit vehementer voce magna, cecidit, cecidit Babylon, & facta est domicilium demoniorum, & custodia omnis spiritus impuri, & custodia omnis avis immundæ exosæ,*" Vers: 2. Sed antequam narratur, quomodo illa destructio facta est, præmittentur, I. Quid intelligitur per Babyloniā, & qualis illa. II. Quales sunt in altera vita illi qui ex Babylonia sunt; III. Ubinam Habitationes eorum hætenus fuerunt. IV. Cur usque ad diem Ultimi Judicii ibi tolerati sunt. V. Quomodo destructi, & Habitationes eorum Desertum factæ sunt. VI. Quod conservati sint, qui ex illis in affectione veri ex bono fuerunt. VII. De statu eorum posthac, qui inde e terris veniunt.

54. *Quid intelligitur per Babyloniā & qualis illa.* Per Babyloniā intelliguntur omnes, qui per religiosum dominari volunt; per religiosum dominari, est super animas hominum, ita super ipsam vitam spirituales illorum, ac pro mediis uti Divinis quæ in Religioso: omnes illi, qui pro fine habent Dominium, & pro mediis Religionem, in genere sunt Babylonia. Quod Babylonia dicantur, est quia antiquis temporibus tale dominium inchoatum est, sed in principio ejus destructum; inchoatio ejus describitur per Urbem & per Turrim, cujus caput esset in cælo; & ejus destructio per confusionem labiorum, unde nomen ejus BABEL, Genes: XI: 1 ad 9; quid per singula illa intelligitur in sensu interno seu spirituali Verbi, videatur explicatum in ARCANIS CŒLESTIBUS, n: 1283 ad 1328. Quod etiam tale Dominium cæptum & institutum sit in Babele, constat apud Danielelem, ubi dicitur de Nebuchadnezare, quod erexerit Imaginem, quam omnes adorarent, Cap: III: 1 ad fin: Et quoque intelligitur per quod Belschazzar cum proceribus biberit ex vasis aureis & argenteis, quæ Nebuchadnezar exportaverat ex Templo Hierosolymæ, & simul tunc coluerit deos auri, argenti, cupri, ferri; quare scriptum est in pariete, *numeravit, appendit, divisit*, & ipse Rex eadem nocte intersectus est, Cap: V: 1 ad fin: per vasa auri & argenti Templi Hierosolymæ significantur Ecclesiæ bona & vera; per bibere ex illis, & simul colere deos auri, argenti, cupri, ferri, significatur prophanatio; ac per scripturam super pariete, & per mortem regis, significatur visitatio & destructio, denuntiata illis qui usi sunt Divinis bonis & veris pro mediis. Quales illi sunt, qui Babylonia dicuntur, describitur etiam passim apud Prophetas, ut apud Esaïam, "*Proferas parabolam hanc de Rege BABYLONIÆ;*

fragit:

fregit Jehovah baculum impiorum, sceptrum dominantium: decidisti de Cælo, Lucifer; succisus es usque in terram: tu dixisti animo tuo, in cælos ascendam, super stellas Dei exaltabo thronum meum, & sedabo in monte conventus, in lateribus septentrionis, similis fiam Altissimo. Verumtamen in Infernum dejicieris, ad latera foveæ; excindam BABYLONIÆ nomen & residuum, & disponam eam ut sit hæreditaria possessio anataria;” XIV: 4. 12. 13. 14. 15. 22: & alibi apud Eundem, “*Dixit Leo, cecidit, cecidit Babylon, & omnes sculptiles dei ejus dejecti sunt;*” XXII: 9: & præterea apud Eundem Cap: XLVII: 1 ad fin: Cap: XLVIII: 14 ad 20; & apud Jeremiam Cap: L: 1. 2. 3: Ex his nunc patet, quid *Babylonia*. Sciendum est, quod Ecclesia fiat *Babylonia*, cum cessat Charitas & Fides, & loco earum regnare incipit Amor sui; hic enim Amor in tantum ruit in quantum ei laxatur frænum, ita non solum ad dominandum super omnes, quotcunque sibi subicere potest, in tellure, sed etiam super cælum; nec tunc quiescit, scandit usque ad thronum Dei, ac Divinam Ipsius potestatem in se transfert. Quod hoc factum sit etiam ante adventum Domini, constat ex locis e Verbo supra allatis. Sed illa *Babylonia* destructa est a Domino, cum fuit in mundo, tam per id quod prorsus idololatræ facti sint, quam per Ultimum Judicium tunc super illos in Mundo spirituali; id intelligitur per Prophetica illa, quod Lucifer, qui ibi est *Babylonia*, ad infernum dejectus sit, & quod Babylon ceciderit; & quoque per scripturam super pariete, & per mortem Belschazaris; tum etiam per Lapidem e Petra excisum, qui destruxit statuam, de qua somniavit Nebuchadnezar.

55. Sed *Babylonia*, de qua agitur in Apocalypsi, est hodierna *Babylonia*, quæ cæpta est post adventum Domini; quæ quod sit apud Pontificios, notum est: hæc præ illa, quæ fuit ante adventum Domini, magis perniciofa & nefanda est, quia prophanat Ecclesiæ bona & vera interiora, quæ Dominus, cum Semet Ipsum, revelavit mundo. Quam perniciofa ac interius nefaria est, constare potest in summa ex his sequentibus. Dominum agnoscunt & adorant absque ulla potestate salvandi; separant Divinum Ipsius prorsus ab Humano Ipsius, ac Divinam Ipsius potestatem, quæ fuit Humano Ipsius, in se transferunt (n); remittunt enim peccata, immittunt in cælum, conjiciunt in infernum, salvant quemcunque volunt, vendunt salutem, ita arrogant sibi talia quæ sunt solius Divinæ potestatis; & quia illam exercent, sequitur quod se faciant deos, quisque in suo loco per translationem a Supremo eorum, quem vocant Vicarium Christi, ad postremos; ita se spectant Dominum, ac Ipsum adorant non Ipsius sed sui causa. Verbum non modo adulterant & falsificant, sed etiam auferunt populo, ne in aliquam lucem veri intret; nec hoc satis, etiam illud annihilant, Divinum agnoscetes in statutis e Roma supra Divinum in Verbo; ita præcludunt omnibus viam ad Cælum, via enim

(n) Quod Ecclesia Domino binas naturas attribuat, & sic Divinum Ipsius separet ab Humano Ipsius, factum sit in Concilio propter Papam, ut pro Vicario Ipsius agnosceretur, detectum e Cælo, in ARCANIS CŒLESTIBUS, n: 3035.

enim ad Cœlum est agnitio Domini, ac fides & amor in Ipsum, ac Verbum est quod docet viam, unde absque Domino, medio Verbo, nulla salus: omni studio connituntur, ut lux cœli, quæ est ex Divino Vero, exstinguatur, ac ut loco ejus sit ignorantia, quæ quo densior eo illis acceptius: lucem cœli exstinguunt per inhibitionem lectionis Verbi, & lectionis librorum in quibus doctrinæ ex Verbo; cultum instituentes per Missas in idiomate a simplicibus non intellecto, & in quibus non verum Divinum; & præterea implent Orbem suum falsis, quæ sunt ipsæ tenebræ, quæ remonent & dissipant lucem; persuadent etiam ut vulgus in illorum fide vitam habeat, ita in aliena & non in sua. Insuper omnem cultum ponunt in Sancto externo absque interno, internum faciunt ut vacuum sit, quia absque cognitionibus boni & veri; & tamen cultus Divinus tantum externus est quantum est internus, ex hoc enim ille procedit. Præter illa inducunt quoque idololatrias plurium generum, Sanctos faciunt & multiplicant, quorum adorationes vident & tolerant, & quoque preces ad illos pæne sicut ad deos, idola eorum exponunt undequaque, miracula ab illis multa copia venditant, præficiunt illos civitatibus; templis & monasteriis, ossa eorum sepulchris exemta sancta faciunt, quæ tam abjectissima sunt; avertentes sic omnium animos a cultu Dei ad cultum hominum. Præterea ne aliquis ex caligine illa in lucem veniat, & ne a cultu idololatrico ad cultum Divinum, multa arte præcavent; multiplicant enim Monasteria, ex quibus exploratores ubivis & custodes ponunt; confessiones cordis, quæ etiam sunt cogitationum & intentionum, extorquent, & si non faciant, territant animos igne infernali, & cruciatibus in Purgatorio; & illos, qui contra Papale solium, & contra dominium eorum, audent loqui, horrendo carceri, qui Inquisitionis vocatur, includunt. Hæc omnia ob solum finem, ut possideant mundum, & ejus thesauros, ac vivant genio, & illi maximi sint, ac reliqui servi: sed talis dominatus non est Cœli super Infernum, sed est Inferni super Cœlum; nam quantum amor dominandi apud hominem, imprimis apud hominem Ecclesiæ, invalescit, tantum regnat infernum; quod ille amor regnet in inferno ac faciat infernum, videatur in Opere de Cœlo & Inferno, n: 551 ad 565. Ex his constare potest, quod ibi non sit Ecclesia sed Babylonia; nam ibi Ecclesia est, ubi Ipse Dominus colitur, & Verbum legitur.

56. *Quales sunt in altera vita illi qui ex Babylonia sunt*, non constare alicui potest, quam cui datum est a Domino una esse cum illis qui in Mundo spiritali sunt; hoc quia mihi concessum est, possum ab experientia loqui, nam vidi illos, audivi illos, & loquutus sum cum illis. Unusquisque homo post mortem in simili vita est, in qua fuit in mundo, hæc non mutari potest, solum quoad jucunda quæ sunt amoris, quæ vertuntur in correspondentia; ut constare potest ex binis Articulis in Opere de Cœlo & Inferno, n: 470 ad 484; & n: 485 ad 490: vita horum, de quibus nunc agitur, similiter, quæ prorsus talis est qualis in mundo, cum differentia, quod tunc reteganur abscondita cordis eorum, sunt enim in spiritu, in quo interiora, quæ sunt cogitationum & intentionum, resident, quæ in mundo celaverunt, & sancto

externo.

externo obtexerunt; hæc quia tunc patuerunt, apperceptum est, quod ultra dimidiam partem ex illis, qui usurpaverunt potestatem aperiendi & claudendi cœlum, prorsus Athei sint; sed quia animo insidet dominatus qualis in mundo, & ille fundatur super eo principio, quod Domino fuerit omnis potestas Ipsi data a Patre, ac illa translata in Petrum, & per successionis ordinem in Primores Ecclesiæ, ideo adjuncta atheismo eorum permanet confessio oralis de Domino; sed hoc usque non diutius, quam dum per id in aliquo dominio sunt: reliqui autem, qui non Athei sunt, tam vacui sunt, ut prorsus nihil sciant de vita spirituali hominis, de mediis salvationis, de Divinis Veris quæ ducunt ad cœlum, nec aliquid de cœlesti fide & amore, credentes cœlum cuivis, qualiscunque est, donari posse ex gratia Pontificis. Quoniam unusquisque in simili vita est in Mundo spirituali, in quali fuit in Mundo naturali, cum nulla differentia quamdiu non sunt vel in Cœlo vel in Inferno, ut ostensum videatur in Opere de Cœlo & Inferno, n: 453 ad 480; & quia Mundus spiritualis quoad externam apparentiam prorsus similis est Mundo naturali, n: 170 ad 176, ideo illis similis est vita moralis & vita civilis, imprimis similis cultus, quia ille irradicatur & inhæret homini in ejus intimis, nec ab illo aliquis post mortem abduci potest, si non in bono ex veris est & in veris ex bono: hæc autem Gens, de qua nunc agitur, ægrius quam reliquæ gentes a suo cultu abduci potest, quia non in bono ex veris sunt, minus in veris ex bono; sunt enim vera illorum non ex Verbo, modo pauca, quæ falsificaverunt per applicationem ad dominatum, inde nec illis bonum, nisi quam spurium; nam qualia sunt vera tale fit bonum. Hæc dicta sunt, ut sciatur, quod cultus hujus Gentis prorsus similis sit in Mundo spirituali, qualis fuit in Mundo naturali. His præmissis, nunc aliquid de eorum Cultu ibi, deque eorum Vita, memorare velim: Synedrium quoddam habent, loco Synedrii seu Consistorii in Roma, ubi illorum Primores conveniunt, & consultant de variis quæ Religionis eorum sunt, imprimis quomodo vulgus tenendum est in cæca obedientia, & quomodo dominatus eorum ampliandus; locus hujus Synedrii est in Plaga meridionali juxta Orientalem: sed non audet aliquis, qui in mundo fuerat Pontifex, intrare, nec aliquis qui fuerat Cardinalis, ob causam quia insidet animis eorum instar auctoritatis Divinæ, ex eo quod arrogaverint sibi potestatem Domini in mundo, quapropter ut primum se sistunt ibi præsentem, auferuntur & eji-ciuntur ad similes in deserto; qui autem ex illis animo probò fuerunt, & non usurpaverunt ex fide confirmata talem potestatem, illi post id Synedrium in Camera quadam obscura sunt. Alius Conventus est in Plaga occidentali prope septentrionem, negotium ibi est credulum vulgus intromittere in cœlum; disponunt ibi circum se plures societates, quæ in variis jucundis externis sunt, in quibusdam ludunt, in quibusdam saltant, in quibusdam componunt faciem in varii generis hilaritates & lætities, in quibusdam loquuntur amice, alicubi de rebus civilibus, alicubi de religiosis, alicubi de lasciviis, & sic porro; in aliquam ex his societatibus, secundum cujusvis desiderium, immittunt clientes, vocantes id cœlum; sed omnes post paucas horas,

horas, cum ibi fuerunt, tædio afficiuntur & abscedunt, quia jucunda illa sunt externa, & non interna; ita quoque plures abducuntur a fide doctrinalis illorum de intromissione in Cœlum. Quod Cultum eorum in specie attinet, ille est pæne similis cultui eorum in mundo; consistit ille in Missis ut in mundo, quæ fiunt in lingua non communi spirituum, sed conflata ex vocibus alte sonantibus, quæ Sanctum externum & tremorem incutiant, quæ prorsus non intelliguntur. Similiter adorant Sanctos; ac Idola exponunt; sed illorum Sancti nullibi apparent; nam omnes ex illis qui ambiverunt coli ut Numina, in Inferno sunt; reliqui qui non ambiverunt coli, inter vulgares spiritus sunt; Antistites eorum id sciunt, nam inquirunt illos & inveniuntur, quare vilipendunt eos; sed hoc occultant populo, ut usque colantur sicut dii tutelares, at ipsi Primates, qui populo præfecti sunt, ut domini cœli. Similiter quoque sicut in mundo multiplicat Templâ & Monasteria: similiter corradunt opes, & cumulant pretiosa, ac in cellariis abscondunt; nam in Mundo spirituali, æque ut in Mundo naturali, sunt pretiosa, ac in illo multa plura. Similiter ibi emittunt Monachos ad pelliciendum Gentes ad suum religiosum, & sic ad subjiciendum illos suo imperio. Commune est, quod Turres speculatorias in medio congregationis exstructas habeant, ex quibus visum in omnes vicinias possunt extendere; communicationes etiam sibi faciunt variis modis & artibus cum propinquis & remotis, ac fœdera cum illis ligant, & in suas partes trahunt. Talis est status eorum in genere; in specie autem plerique Præsules illius religionis derogant omnem potestatem Domino, & sibi illam vindicant; & quia hoc faciunt, nec agnoscunt aliquod Divinum; mentiuntur usque in externis sanctum, quod sanctum tamen in se est prophanum, quia in internis eorum non est aliqua agnitio Divini: inde est, quod cum aliquibus societatibus Cœli ultimi communicent per sanctum externum, & cum infernis per prophanum internum, sic ut sint utrobivis; quapropter etiam allestant spiritus simplices bonos, & illis dant habitationes juxta se, & congregant malitiosos, quos disponunt circumcirca congregationem; sic etiam per simplices bonos se conjungunt Cœlo, & per malitiosos inferno; inde est quod moliri possint nefanda, quæ patrant ab inferno; simplices enim boni, qui in ultimis cœli sunt, non ultra spectant quam ad sanctum externum, & ad sanctissimam eorum adorationem Domini in externis, & non vident eorum flagitia, quapropter favent illis; inde est illorum maximum tutamen: sed usque omnes illi successu temporis recedunt a sancto externo, & tunc separati a Cœlo conjiciuntur in infernum. Ex his aliquantum sciri potest, quales in altera vita sunt illi qui ex Babylonia. Sed scio, quod miraturi sint, quod talia ibi existant, qui in mundo sunt, & non aliquam ideam de statu hominis post mortem, deque Cœlo & Inferno, quam inanem & vacuam habent; sed quod homo æque homo sit post mortem, vivat in confortiis ut in mundo, habitet in domibus, audiat prædicationes in Templis, functiones obeat, ac similia videat in eo mundo quæ in priori quem reliquerat, constare potest ex illis quæ ex visis & auditis in Opere de Cœlo & Inferno dicta & ostensa sunt.

57. Loquutus sum cum quibusdam ex illa Gente de Clavibus Petro datis, num credant in illum potestatem Domini super Cœlum & Infernum translatam esse, quod quia erat fundamentale religionis eorum, vehementer instabant, dicentes quod de eo nihil dubii sit, quia manifeste dicitur: sed ad interrogationem, num sciant quod singulis Verbi insit sensus spiritualis, qui est sensus Verbi in Cœlo, dicebant primum quod non sciant, sed postea dicebant quod inquisituri sint, & cum inquirebant instructi sunt, quod sensus spiritualis sit in singulis Verbi, qui a sensu literæ differt sicut spirituale a naturali; & insuper instructi sunt, quod non aliqua persona nominata in Verbo nominetur in cœlo, sed quod loco ejus aliquid spirituale ibi intelligatur: informati denique sunt, quod pro Petro in Verbo intelligatur Ecclesiæ Verum fidei quod ex bono charitatis, similiter per Petram, quæ tunc nominatur cum Petro, nam dicitur, "*Tu es Petrus, & super hanc Petram ædificabo Ecclesiam meam,*" Matth: xvi: 18 seq: per quæ non intelligitur, quod Petro data sit aliqua potestas, sed quod sit Vero quod ex Bono, nam omnis potestas in cœlis est Vero ex Bono, seu Bono per Verum; & quia omne Bonum & Verum sunt a Domino, & nihil ex homine, quod omnis potestas sit Domino. His auditis indignati dixerunt, quod velint scire num is sensus spiritualis sit in illis verbis, quapropter datum est illis Verbum quod in Cœlo, in quo Verbo non est sensus naturalis sed spiritualis, quia pro Angelis qui spirituales; quod tale Verbum in Cœlo sit, videatur in Opere de Cœlo & Inferno n: 259. 261; & cum id legebant, manifeste videbant non ibi Petrum nominari, sed loco ejus Verum ex Bono quod a Domino (o): hoc viso ex ira rejecerunt illud, pæne dilaniassent dentibus, nisi eo momento ablatum fuisset: inde convicti sunt, tametsi non voluerunt convinci, quod Soli Domino illa potestas sit, & eo minus alicui homini, quia est potestas Divina.

58. *Ubinam Habitationes eorum hætenus fuerunt in Mundo spirituali:* dictum est supra n: 48; quod ordinationes omnium Gentium & Populorum in Mundo spirituali ita visæ sint, ut sequitur: in Medio collecti apparuerunt qui

Ex ARCANIS CŒLESTIBUS. (o) Quod duodecim Discipuli Domini repræsentaverint Ecclesiam quoad omnia veri & boni, seu fidei & amoris, similiter ac duodecim Tribus Israelis, n: 2179. 3354. 3488. 3858. 6397. Quod Petrus, Jacobus & Johannes repræsentaverint Fidem, Charitatem, & Bona charitatis, n: 3750. Quod Petrus Fidem, n: 4738. 6000. 6073. 6344. 10087. 10580. Quod Petro dati sint claves Regni cœlorum, significet quod omnis potentia sit Vero ex Bono, seu Fidei ex Charitate quæ ex Domino, ita quod omnis potestas sit Domino, n: 6344. Quod Clavis sit potestas aperiendi & claudendi, n: 9410. Quod omnis potentia sit bono per vera, seu veris ex bono, quæ a Domino, n: 3091. 3563. 6344. 6413. 6948. 8200. 8304. 9327. 9410. 9639. 9643. 10019. 10182. Quod Petra in Verbo significet Dominum quoad Divinum Verum, n: 8581. 10580. Quod omnia Nomina personarum & locorum in Verbo significant res & status, n: 768. 1888. 4310. 4442. 10329. Quod Nomina illorum non intrent cœlum, sed vertantur in res quas significant, & quod nomina illorum nec enuntiari possint in Cœlo, n: 1878. 5225. 6516. 10216. 10282. Quam elegans sensus internus Verbi ubi mera Nomina, illustratum ab exemplis, n: 1224. 1264. 1888.

qui Reformati vocantur; circum hoc Medium illi qui a Pontificia religione; ultra illos Mahumedani, ultimo variæ Gentes; inde constare potest, quod Pontificii peripheriam proximam circum Reformatos, qui in medio, fecerint: quod illi proximam, est causa, quod in Medio sint qui in luce veri ex Verbo sunt; & qui in luce veri ex Verbo sunt, illi etiam in Cœli luce sunt, nam Lux Cœli est ex Divino Vero, ac Verbum est in quo illud; quod Lux Cœli sit ex Divino Vero, videatur in Opere de Cœlo & Inferno n: 126 ad 140; & quod Verbum sit Divinum Verum, n: 303 ad 310; a medio etiam procedit lux versus peripherias, ac illuminat; inde est, quod proxime circum Medium sint qui e Pontificia religione, nam Verbum habent, & quoque legitur ab illis qui e Regimine Ecclesiastico sunt, tametsi non a populo; hæc causa est, quod Pontificia Gens in Spirituali mundo circum illos qui in luce veri ex Verbo sunt, habitationes suas nacta sit. Nunc dicetur, quomodo habitaverunt antequam habitationes eorum prorsus destructæ sunt, ac desertum factæ. Maxima pars habitavit in Meridie & Occidente, aliqua modo in Septentrione & Oriente. In MERIDIE habitaverunt, qui præ cæteris in mundo polluerunt ingenio, & se confirmaverunt in suo religioso; & simul ibi habitaverunt Nobiles & Divites multo numero, habitaverunt non supra terram ibi, sed sub terra ob timorem pro latronibus, custodias ponentes ad introitus: in illa Plaga etiam erat magna Urbs, cujus extensio erat pæne ab Oriente ibi ad Occidentem, & quoque paulo in Occidentem, sita proxime ad Medium ubi Reformati; in illa Urbe myriades hominum seu spirituum commorabantur; plena erat Templis & Monasteriis; Ecclesiastici etiam omnia pretiosa, quæ per varias artes potuerunt corrådere, in illam Urbem contulerunt, & in cellis suis & cryptis subterraneis recondiderunt; quæ cryptæ ita elaboratæ erant, ut nemo præter illos intrare posset; erant in labyrinthi formas circumductæ; in thesauris ibi congestis, cor eorum erat, ac fiducia ne usquam in æternum destruerentur, visæ mihi sunt, & miratus artem condendi illas, & ampliandi absque fine: plerique ex illis qui se vocant e Societate Jesu ibi erant, & cum divitibus, qui circum circa erant, amica consortia fovebant. Versus Orientem in illa Plaga erat Synedrium, ubi consultabant de amplificatione domini sui, ac de modis continendi populum in cæca obedientia, de quo supra n: 56: hæc de Habitationibus illorum in Plaga meridionali. In SEPTENTRIONE habitabant illi qui minus polluerunt ingenio, & minus se confirmaverunt in suo religioso, ex eo quod in obscura facultate perspicendi fuerint, & inde in cæca fide: ibi non tanta erat multitudo, ut in Meridie; plerique ex illis erant in magna Urbe, in longum extensa ab angulo orientis ad occidentem, & quoque paulum in occidentem; illa etiam plena erat Templis & Monasteriis; in extremo ejus latere, quod prope orientem, erant plures ex varia religione, & quoque aliqui ex Reformatis: pauca etiam loca a Papali Gente occupata erant in illa Plaga ultra Urbem. In ORIENTE habitaverunt, qui in maximo jucundo imperandi in mundo ex illa Gente fuerunt, & quoque in aliquo naturali lumine; apparue-

runt ibi in montibus, sed modo in Plaga illa quæ spectat ad septentrionem; non autem aliqui in altera parte quæ spectat ad meridiem. In angulo ad septentrionem erat Mons, in cujus capite quendam mentis non compotem posuerunt, quem ad jubendum quodcunque vellent, per communicationes cogitationum, in mundo spirituali notas sed in mundo naturali ignotas, inspirare potuerunt, vulgantes quod ille esset ipse deus cœli apparens sub forma humana, & sic illi Divinum cultum addixerunt; & hoc ex causa, quia populus recedere volebat a cultu eorum idololatrico, quare excogitabant id medium ut contineretur in obedientia; ille mons est qui intelligitur apud Esaiam Cap: xiv: Vers: 13, per *Montem conventus in lateribus septentrionis*; & illi qui in montibus ibi per *Luciferum*, Vers: 12, nam qui ex Babylonica turba in Oriente fuerunt, in lumine fuerunt præ reliquis, quod lumen etiam sibi arte pararunt: visi etiam sunt qui Turrim ædificabant, quæ pertingeret usque in cœlum, ubi Angeli; sed hoc modo repræsentativum eorum machinationum erat; machinationes enim sistuntur in Mundo spirituali per plura coram oculis eorum qui e longinquo stant, quæ tamen non actualiter existunt apud illos qui in machinationibus sunt, hoc commune est ibi; per illam apparentiam usque datum mihi est scire, quid significatur per *Turrim cujus caput esset in cœlo, unde locus Babel dictus est*, Genes: xi: 1 ad 10: hæc de Habitationibus eorum in Oriente. In Occidente habitaverunt antea illi qui ex ea religione in Sæculis obscuris vixerunt, plerique sub terris ibi, una propago sub altera, totus Tractus anterior, quæ spectat septentrionem, erat quasi excavatus, & impletus Monasteriis; introitus ad illos patebant per antra supra operta tegmine, per illa exibant & intrabant, sed raro loquuti sunt cum illis qui in sequentibus sæculis vixerunt, alio enim genio erant, & non tam malitiosi, quia illis temporibus nulla contentio fuit cum Reformatis, inde nec tanta astutia & malitia ex odio & vindicta. In occidentali Plaga ultra illum Tractum erant plures montes, super quibus erant malitiosissimi ex illa Gente, qui corde negabant Divinum, & tamen id ore sanctius reliquis profitebantur & gestu adorabant; illi qui ibi erant, nefandas artes excogitaverunt, ut sub jugo imperii sui tenerent vulgus, & quoque alios cogerent ad se submittendum illi jugo; artes illas describere non licet, quia nefandæ sunt, erant quales in genere memorantur in Opere de Cœlo & Inferno, n: 580: Montes super quibus erant, sunt qui in Apocalypsi intelliguntur per septem montes, & illi qui ibi describuntur per Mulierem insidentem bestię coccineæ, his verbis, "*Vidi Mulierem insidentem Bestię coccineæ, plenæ nominibus blasphemiarum, habenti capita septem, & cornua decem; habebat in fronte nomen scriptum, mysterium, Babylon magna, mater fornicationum & abominationum terræ: septem capita sunt septem montes, super quibus mulier sedet,*" Cap: xvii: 3. 5. 9: per mulierem in sensu interno intelligitur Ecclesia, ibi in opposito sensu Religiosum prophanum; per bestiam coccineam prophanatio amoris cœlestis; & per septem montes prophanus amor imperandi: hæc de Habitationibus eorum in Occidente. Causa, quod secundum plagas distincti habitent, est quia

omnes in Mundo spirituali feruntur in Plagam & in locum plagæ, qui correspondet eorum affectionibus & amoribus, & nullus alio, de quibus videatur in Opere de Cælo & Inferno, ubi actum est de quatuor Plagis cæli, n : 141 ad 153. In genere, omnes consultationes Babylonice hujus Gentis eo tendunt, ut dominantur non modo super cælum, sed etiam super omnem terram, sic ut possideant & cælum & terram, per illud hanc, & per hanc illud; ut id obtineant, continue nova statuta & nova doctrinalia excogitant & excludunt: simile quod in mundo etiam moliantur in altera vita, nam unusquisque post mortem talis est qualis fuit in mundo, imprimis quoad religiosum: datum est mihi audire quosdam ex Primoribus consultants de Doctrina, quæ populis esset pro norma; Articuli plures erant, sed omnes tendebant eo, ut imperium super Cælos & super Terras aucuparent; & quod illis omnis potestas esset, & nulla Domino: illa doctrinalia postea legebantur coram adstantibus, & cum lecta sunt, audiverunt vocem e Cælo, quod illa dictata fuerint ex profundissimo Inferno, tametsi id nesciebant; quod etiam confirmabatur per id, quod turba diabolica ex illo Inferno, quæ aspectu nigerrima & dirissima erat, ascenderet, ac doctrinalia illa non manibus sed dentibus ab illis evelleret, ac deferret in suum infernum: populus, qui videbat, obstupescibat.

59. *Cur usque ad diem Ultimi Judicii ibi tolerati sint*, causa erat, quia ex Ordine Divino, est quod omnes, quocunque conservari possunt, conserventur, & hoc usque dum non amplius inter bonos esse possunt; quapropter omnes illi conservantur, qui æmulari possunt vitam spirituales in externis, ac illam sistere in vita morali sicut inibi foret, qualescunque sint quoad fidem & amorem in internis; tam quoque conservantur illi qui in sancto externo sunt, tametsi in nullo interno: tales multi ex illa Gente fuerunt, potuerunt enim pie cum vulgo loqui, sancte adorare Dominum, religiosum animis implantare, ac ducere ad cogitandum de Cælo & Inferno, ac tenere in bonis faciendis per prædicationem operum; inde potuerunt plures ducere ad vitam boni, ita in viam ad Cælum; quapropter etiam multi ex illa religione salvati sunt, tametsi pauci ex ductoribus; sunt enim hi, quales a Domino intelliguntur per *Pseudopphetas, qui veniunt in indumentis ovium, ac intus sunt lupi rapaces*, Matth. vii : 15; per Prophetas in sensu Verbi interno intelliguntur qui docent verum, & per id ducunt ad bonum, ac per Pseudopphetas, qui docent falsum, & per id seducunt: sunt etiam sicut Scribæ & Pharisei, qui a Domino describuntur his verbis, "*In Cathedra Moysi sedent; omnia quæ dicunt vobis ut servetis, servate & facite, sed secundum opera eorum ne facite; dicunt enim & non faciunt; omnia opera sua faciunt ut ab hominibus spectentur; præcludunt Regnum calorum hominibus, illi autem non introeunt: exedunt domos viduarum, in speciem fundentes longas preces. Væ vobis hypocritæ, mundatis exteriores partem poculi & patinæ, intus autem sunt plena rapina & iniquitate; mundate primum interius poculi & patinæ, ut sit etiam exterius mundum: similes estis sepulchris dealbatis, quæ foris apparent speciosa, intus vero plena sunt ossibus*

mortuorum : sic vos extra apparetis hominibus justī, intus vero pleni estis hypocrisis & iniquitate,” Matth : xxiii : 1 ad 34. Quod tolerati sint, etiam est causa, quia unusquisque post mortem retinet suum religiosum, quod in mundo imbuat, quapropter etiam immittitur in illud ut primum in alteram vitam venit ; & religiosum apud hanc Gentem implantatum est a talibus, qui prætulerunt ore & finxerunt gestu sanctum, & quoque imprefferunt fidem, quod salvari possint per eos ; inde quoque erat, quod tales non illis ablati sint, sed quod inter suos conservati. Primaria causa est, quod ab uno Judicio ad alterum conserventur omnes, qui vitam similem spirituali in externis agunt, ac pium & sanctum sicut internum æmulantur, a quibus simplices possunt erudiri & duci, non enim ulterius spectant simplices fide & corde, quam ad externum & coram oculis apparens ; inde est, quod tolerati sint omnes qui tales fuerunt a tempore inchoatæ Ecclesiæ Christianæ usque ad diem Judicii ; quod ultimum Judicium bis prius exstiterit, & nunc tertio ostensum est supra ; illi omnes sunt qui prius cælum constituerunt, & qui in Apocalypsi, Cap : xx : 5. 6, intelliguntur per illos qui non ex prima Resurrectione ; sed quia illi tales fuerunt, ut supra descriptum est, ideo id cælum destructum est, & illi qui a secunda Resurrectione ejecti. At sciendum est, quod solum illi conservati fuerint, qui se in vinculis teneri passi sunt per leges tam civiles quam spirituales, quoniam hi in Societate simul esse potuerunt, verumtamen non conservati sunt illi, qui non per illas leges in vinculis teneri potuerunt, hi in infernum coniecti sunt longe ante diem ultimi Judicii, nam societates continue purificatæ & repugnatæ sunt a talibus ; inde est, quod illi qui scelestam vitam egerunt, & ad mala facienda pellexerunt vulgus, & intraverunt in nefandas artes, quales sunt apud illos qui in infernis, de quibus in Opere de Cælo & Inferno, n : 580, ejecti sint e societatibus, & hoc per vices : pariter etiam auferuntur e societatibus illi qui interius boni sunt, ne contaminentur ab illis qui interius mali ; nam illi qui boni sunt, percipiunt interiora, & ideo non spectant ad exteriora, nisi quantum cum interioribus concordant, hi per vices ante iudicium mittuntur ad loca instructionis, de quibus videatur in Opere de Cælo & Inferno, n : 512 ad 520, & inde auferuntur in Cælum ; hi enim sunt ex quibus novum Cælum, & qui intelliguntur per illos qui a prima Resurrectione sunt. Hæc dicta sunt, ut sciatur cur tot ab illis, qui ex Pontificia religione fuerunt, usque ad diem ultimi Judicii tolerati & conservati sunt ; sed plura de eadem re dicentur in sequente Articulo, ubi de priori Cælo quod transivit, agendum est.

60. *Quomodo destructi, & habitationes eorum desertum factæ sunt,* velim hic paucis describere, pluribus in Explicatione super Apocalypsin. Quod Babyloniam, de qua ibi agitur, destructa sit, nemo alius potest scire, quam qui vidit, & mihi datum est videre quomodo Ultimum Judicium super omnes, & in specie super illos qui e Babylonia fuerunt, factum & peractum est, quare descriptionem faciam ; hoc mihi concessum est, imprimis ob causam,

ut reveleetur mundo, quod omnia, quæ in Apocalypsi prædicta sunt, Divinitus inspirata sint, & quod sit Liber propheticus Verbi; nam nisi id revelaretur mundo, & simul sensus internus, qui est in singulis ibi, sicut in singulis Prophetarum Veteris Testamenti, potuisset ille Liber ob non intellectum rejici; quod secum id incredulum ferret, quod illa, quæ ibi dicuntur, non mereantur fidem, imo quod non Ultimum aliquod Judicium venturum sit, in qua fide se confirmarent illi qui e Babylonia, præ aliis: hoc ne fiat, placuit Domino, me facere testem ocularem. Sed omnia, quæ visa sunt de Ultimo Judicio super illos qui e Babylonia, seu de destructione Babyloniæ, non possunt hic afferri, quia tam multa sunt, ut Librum facerent, quapropter hic solum aliquot communia tradam, reservando particularia ad Explicationem super Apocalypsin. Quoniam Babylonica Gens confedit & extensa fuit super plures tractus in Orbe spirituali, & societates sibi formavit in omni plaga ibi, ut ostensum est supra n: 58, velim singillatim describere quomodo destructi sunt in qualibet Plaga.

61. Post Visitationem facta est destructio; nam Visitatio semper præcedit; Visitatio est exploratio quales sunt, & quoque separatio bonorum a malis, ac boni inde auferuntur & mali relinquuntur. Illa peracta facti sunt ingentes motus terræ; ex quibus animadverterunt, quod Ultimum Judicium instaret, tremor etiam tunc occupavit omnes; visi tunc illi qui in MERIDIONALI PLAGA habitabant, imprimis qui in magna Urbe ibi, de qua supra n: 58, quod discurrerent huc illuc, quidam ut proriperent se in fugam, quidam ut absconderent se in cryptis, quidam in cellis & foveis ubi thesauri eorum, quidam inde exportabant quicquid manibus obvenit: sed post terræ motus erupit ebullitio ab inferiori, quæ evertit omnia quæ in Urbe & in circumjacente tractu: post ebullitionem venit vehemens ventus ab oriente, qui denuclavit, concussit & evertit funditus omnia; & tunc omnes qui ibi erant ex omni loco & ex omni latebra educti sunt, & coniecti in Mare, cujus aqua erat nigra; illi qui in id coniecti sunt erant ad plures myriades. Postea ex toto illo tractu abscedebat fumus, qualis post incendium, ac ultimo densus pulvis, qui per ventum orientalem delatus est ad Mare, & superinstructus; in pulverem enim versa sunt thesauraria eorum, & omnia quæ quia possidebant dixerunt sancta: quod pulvis ille superinstructus esset Mari, erat quia talis pulvis significat damnatum. Ultimo visum est sicut nigrum volans super totum tractum illum, quod inspectum apparebat sicut Draco, signum quod ex tota illa Urbe magna & ex toto illo Tractu, Desertum factum sit; quod id visum sit, erat quia per Dracones significantur falsa talis religionis, & per domicilium eorum significatur desertum post everisionem, ut Jerem: 1x: 11. Cap: x: 22. Cap: XLIX: 33. Malach: 1: 3. Visum etiam est, quod quidam haberent sicut lapidem molarem circum brachium sinistrum, quod erat repræsentativum quod e Verbo confirmaverint nefanda sua dogmata, lapis molaris significat talia; inde patuit quid in Apocalypsi per hæc significatur, "*Angelus sustulit lapidem instar molæ magnæ, & projecit in mare, dicens,*

dicens, ita cum impetu projicietur Babylon urbs illa magna, nec amplius invenietur," XVIII : 21. Illi autem, qui in Synedrio erant, etiam in eadem Plaga sed propius ad orientem, in quo consultabatur de modis amplificandi dominium, & de modis continendi populum in ignorantia & inde in cæca obedientia, de quo synedrio videatur supra n : 58 ; illi non coniecti sunt in mare nigrum, sed in Voraginem quæ se aperuit in longum & profundum sub illis & circum illos. Ita Ultimum Judicium peractum est super Babylonicos in Plaga meridionali. Ultimum Judicium autem super illos qui *anterius in* PLAGA OCCIDENTALI, & super illos qui in PLAGA SEPTENTRIONALI, ubi etiam magna Urbs, ita factum est. Post ingentes terræ motus, qui convulserunt omnia usque ad fundum (hi terræ motus sunt qui intelliguntur in Verbo, Matth : xxiv : 7. Luc : xxi : 11. ac similes Apoc : vi : 12. Cap : viii : 5. Cap : xi : 13. Cap : xvi : 18, & in Prophetis Veteris Testamenti, & non terræ motus in hac terra) quæ ibi erant, pergebat Ventus orientalis a Meridie per Occidentem in Septentrionem, ac denudabat omnem illam Regionem, primum illam quæ antè in Plaga occidentali erat, ubi sub terris habitabant qui in Sæculis obscuris vixerunt, postea Urbem magnam, quæ extensa fuit ab illa Plaga usque per Septentrionem ad Orientem, ex quibus denudatis apparuerunt omnia ; sed quia ibi non tantæ gazæ erant, non visa est aliqua ebullitio & igneum sulphureum consumens thesauros, sed modo everasio & destructio, & dein exhalatio omnium in fumum ; Ventus enim orientalis pergebat eundo & redeundo, ac evertit & destruxit, & quoque abstulit : Monachi cum plebe educebantur ad plures myriades, & partim coniecti sunt in Mare nigrum a latere ejus quod spectat occidentem, partim in hiatus magnum meridionalem, de quo supra, partim in Voraginem Occidentalem, & partim in Inferna gentilium, nam qui e sæculis obscuris erant, quoad partem erant idololatræ similes gentilibus ; fumus etiam inde visus est ascendens, & pergens usque ad Mare, & super id volans, & crustam inducens nigram ; nam illa pars maris, quo coniecti sunt, incrustabatur pulvere & fumo, in quos fathiscebant habitationes & divitiæ eorum, quare Mare illud non amplius ad visum existit, sed loco ejus sicut solum nigrum, sub quo Infernum eorum. Ultimum Judicium super illos, qui in PLAGA ORIENTALI super montibus habitabant, de quibus etiam videatur supra n : 58, ita peractum est : Montes illi visi sunt subsidere in profundum, & omnes, qui super illis, deglutiti : ac visus est ille, quem super uno Monte ibi posuerunt, quem proclamaverunt pro deo, quod niger factus sit, & dein ignitus, & cum illis in Infernum præceptus dejectus : monachi enim ex vario Ordine, qui super illis montibus erant, illum dixerunt esse deum, & se Christum, & ubicunque iverunt, secum tulerunt nefandam persuasionem quod Christus essent. Ultimo factum est Judicium super illos qui remotius in PLAGA OCCIDENTALI habitabant, & ibi super montibus, qui intellecti sunt per Mulierem infidentem bestię coccinæ, cui septem capita quæ septem montes, de qua etiam supra n : 58, relatum est : illorum Montes etiam visi sunt, quidam aperti in medio, ubi

ubi ingens hiatus factus circumductus in spiram, & ii, qui super illis, in illum coniecti; quidam Montes evulsi sunt funditus, & prorsus inverfi, ut quod supremum ibi erat, imum factum sit; illi qui inde in planitiebus erant, inundati sunt sicut diluvio & obteſti; at qui apud eos ex aliis Plagis erant, illi coniecti sunt in Voragines. Sed hæc quæ nunc dicta sunt, pauca sunt ex omnibus quæ vidi, plura dabuntur in Explicatione super Apocalypſin. Hæc facta & peracta sunt in principio Anni 1757. Quod VORAGINES attinet, in quas coniecti sunt omnes, præter illos qui in Mare Nigrum, sunt plures; Quatuor mihi detectæ sunt; una magna in Plaga meridionali ad orientem ibi; altera in Plaga occidentali ad meridiem; tertia in Plaga occidentali ad septentrionem ibi: quarta ulterius in angulo inter Occidentem & Septentrionem: Voragines & Mare sunt Inferna eorum. Hæc viſa sunt, at præter illa sunt plura alia, quæ non viſa; Gentis enim Babylonicae Inferna sunt distincta secundum varias prophanationes spiritualium, quæ sunt boni & veri Ecclesiæ.

62. Ita nunc Mundus spiritualis a talibus liberatus est, & ob liberationem ab illis gavisi sunt Angeli, quoniam illi, qui ex Babylonia erant, omnes quotcunque potuerunt, infestabant ac seducebant, & ibi plus quam in mundo; nam astutiæ illorum ibi maligniores sunt, quia tunc spiritus sunt, & in spiritu cujusvis se recondit omnis malitia; nam spiritus hominis est qui cogitat, vult, intendit & machinatur: multi ex illis explorati sunt ac inventi, quod prorsus nihil crediderint, quodque insiderit animis eorum nefanda cupiditas seducendi, divites propter divitias, & pauperes propter dominium; & quod ob illum finem tenuerint omnes in densissima ignorantia, & sic præstruxerint viam ad lucem, ita ad cælum; nam via ad lucem & ad cælum præstruitur, cum cognitiones spiritualium obfunduntur per idololatræ, & cum Verbum adulteratur, infirmatur, & aufertur.

63. *Quod conservati sint qui ex illis qui in affectione veri ex bono fuerunt.* Illi ex Pontificia Gente qui pie vixerunt, & fuerunt in bono, tamen non in veris, & usque ex affectione desideraverunt scire vera, exempti sunt, & delati sunt in Tractum quendam antè in Plaga occidentali juxta septentrionalem, & ibi datæ illis sunt habitationes, ac institutæ societates, & dein ad illos missi sunt sacerdotes ex Reformatis, qui instruerent illos ex Verbo, & sicut instruuntur acceptantur in Cælum.

64. *De statu illorum posthac qui inde ex terris veniunt.* Quoniam nunc Ultimum Judicium peractum est, & per id a Domino omnia in ordinem redacta sunt, ac omnes qui interius boni fuerunt in Cælum sublatis sunt, & qui interius mali in Infernum dejecti, non finitur posthac sicut hætenus, ut consocientur infra cælum & supra infernum, nec ut commune habeant cum aliis, sed ut primum illuc veniunt, quod sit post cujusvis obitum, prorsus separentur, & post transactum tempus in Mundo spirituum, in loca sua ferantur, quare illi qui sancta prophanant, qui sunt

qui vindicant sibi potestatem aperiendi & claudendi cœlum, ac remittendi peccata, quæ tamen solius Domini sunt, & qui bullas papales Verbo pares faciunt, & pro fine habent dominium, posthac feruntur illico in Mare nigrum, vel in Voragines ubi Inferna prophanatorum sunt. Sed dictum mihi est e cœlo, quod illi qui tales sunt ex illo religioso, nihil spectent ad vitam post mortem, quia eam corde negant, sed solum ad vitam in mundo, & quod inde talem eorum sortem post obitum, quæ tamen in æternum mansura est, floccipendant, & ad illam, sicut ad rem nihili rideant.

De priori Cœlo, & ejus abolitione.

65. **D**ICITUR in Apocalypsi, "*Vidi Thronum magnum, & Quendam insidentem, a Cujus aspectu fugit Terra & Cœlum, quorum locus non inventus est,*" xx: 10. Et dein, "*Vidi Cœlum novum & Terram novam; primum Cœlum & prima Terra transiverant,*" xxi: 1. Quod per novum Cœlum & novam Terram, & per transitionem prioris Cœli & prioris Terræ, non intellectum sit Cœlum aspectabile ac Terra nostra habitata, sed Cœlum Angelicum & Ecclesia, ostensum est in Articulo Primo supra, & quoque in sequentibus: Verbum enim in se est spirituale, & ideo de spiritualibus agit, ac spiritualia sunt quæ sunt Cœli & Ecclesiæ; hæc in sensu literæ exponuntur per naturalia, quia naturalia inserviunt spiritualibus pro basi, ac Verbum absque tali basi non foret Divinum Opus, quia non completum, naturale, quod est ultimum in Ordine Divino, complet, & facit, interiora, quæ sunt spiritualia & cœlestia ut super illo subsistant, sicut domus super suo fundamento: nunc quia homo ex naturali & non ex spirituali cogitavit de illis quæ sunt in Verbo, ideo per Cœlum & Terram in illis locis, & quoque in aliis, non aliud intellexit quam Cœlum quod existit in Mundo naturæ, nec aliam Terram: inde est, quod unusquisque expectet transitionem & destructionem eorum, & tunc quoque creationem novorum: sed ne illa expectentur in perpetuum, & quovis sæculo frustra, apertus est sensus spiritualis Verbi, ut sciatur quid intelligitur per plura in Verbo, quæ ad intellectum non veniunt dummodo naturaliter de illis cogitatur, & simul quid per Cœlum & Terram quæ transibunt.

66. Sed antequam manifestatur, quid per primum Cœlum & primam Terram intelligitur, sciendum est, quod per primum Cœlum non intelligatur Cœlum quod fuit ex illis qui facti sunt Angeli a prima Creatione hujus Mundi ad hoc usque tempus, nam id Cœlum constans est & permanet in æternum; omnes enim qui in Cœlum veniunt, sub tutela Domini sunt, & a Domino, qui semel receptus est, nullus evelli potest; sed per primum Cœlum intelligitur id quod constatum ex aliis quam qui Angeli

facti sunt, & quoad plurimam partem ex illis qui non Angeli fieri potuerunt: quinam illi fuerunt, & quales, in sequentibus dicitur: id Cœlum est de quo dicitur quod transierat. Id vocatur Cœlum, quia illi qui in eo fuerunt, in Alto super petris & montibus consociati degerunt, & in jucundis naturalium similibus, sed usque in nullis spiritualibus; nam plerique, qui ex terris in Mundum spiritualem veniunt, credunt in Cœlo esse cum in Alto, & in cœlesti gaudio cum in jucundis in qualibus fuerunt in mundo: inde est, quod id vocatum sit Cœlum, sed Cœlum primum quod transiret.

67. Porro sciendum est, quod hoc Cœlum, quod vocatur Primum, non fuerit ab aliquibus, qui ante adventum Domini in mundum vixerunt, sed omnes ab illis qui post adventum Ipsius; nam, ut supra n: 33 ad 39 ostensum est, in fine cuiusvis Ecclesiæ sit ultimum Judicium, & tunc abolitur prius Cœlum, & creatur seu formatur novum; a principio enim ad finem Ecclesiæ tolerati sunt omnes qui in Morali vita externa, & qui in Pio & Sancto externo vixerunt, tametsi in nullo interno, modo interna quæ sunt cogitationum & intentionum in vinculis teneri potuerint per leges societatis civiles & morales; sed in fine Ecclesiæ reteguntur interna, & tunc super illos fit Judicium. Inde est, quod Ultimum Judicium super habitatoribus hujus Telluris bis prius factum sit, & nunc tertio, videatur supra n: 46, ita quoque bis prius Cœlum cum terra transiverat, ac novum Cœlum cum nova Terra creatum est; Cœlum enim & Terra sunt Ecclesia utrobivis, ut supra n: 1 ad 5 ostensum est. Inde patet, quod Novum Cœlum & Nova Terra, quæ memorantur apud Prophetas Veteris Testamenti, non sint id Novum Cœlum & Nova Terra quæ memorantur in Apocalypsi, sed quod illa exstiterint a Domino cum fuit in mundo, & quod hoc nunc ab Ipso: de illis apud Prophetas Veteris Testamenti ita legitur, "*Ecce Ego creaturus sum Cœlum novum & Terram novam, nec commemorabuntur priora,*" Esai: LXV: 17. & alibi, "*Cœlum novum & Terram novam facturum sum,*" Esai: LXVI: 22; præter apud Danielelem.

68. Quia hic nunc agitur de Primo Cœlo quod transivit, & nemo aliquid de eo scit, velim ordine describere, I. Primum Cœlum a quibus exstiterat. II. Quale id fuit. III. Quomodo transivit.

69. *Primum Cœlum a quibus exstiterat.* Primum Cœlum ab omnibus illis conflatum est, super quos Ultimum Judicium est factum, non enim factum est super illos qui in Inferno, nec super illos qui in Cœlo, nec super illos qui in Mundo spirituum, de quo Mundo videatur in Opere de Cœlo & Inferno, n: 421 ad 520; & non super aliquo homine adhuc vivente, sed solum super illos, qui sibi instar cœli fecerunt, quorum plurima pars erat super montibus & petris; hi etiam sunt qui a Domino intellecti sunt per Hircos, quos statuit a sinistro, Matth: xxv: 32. 33 seq: inde constare potest, quod Primum Cœlum exstiterit non modo a Christianis, sed etiam a Mahumedanis & Gentibus, quorum omnes formaverant sibi tales cœlos in suis locis. Quales illi fuerunt, paucis dicitur: fuerunt qui in sancto externo vixerunt in mundo, & usque in nullo sancto interno; & qui propter,

leges civiles & morales iusti & sinceri fuerunt, & non propter leges Divinas, ita qui Externi seu Naturales homines fuerunt, ac non Interni seu Spirituales; & quoque qui in doctrinalibus Ecclesiæ, & docere potuerunt, tametsi non in vita secundum illa; tum qui in variis functionibus fuerunt, & usus fecerunt, sed non propter usus: hi & horum similes ex omnibus in universo terrarum orbe, qui post adventum Domini vixerunt, Primum Cælum constituerunt: hoc Cælum ideo tale erat, qualis est Mundus & Ecclesia in terris ex illis, qui non bonum agunt quia est bonum, sed quia timent leges ac jacturam famæ, honoris & lucri; qui non ex alia origine agunt bonum, illi non timent Deum sed homines, nec Conscientiam habent. In primo Cælo, quod a Reformatis, multa pars erat, qui crediderunt salvari hominem per solam fidem, & non vitam fidei, quæ est charitas, vixerunt; & qui amaverunt multum ab hominibus videri. Omnibus illis, dum consociati erant, interiora clausa fuerunt ut non patuerint, sed aperiebantur cum instaret Ultimum Judicium, & tunc compertum est, quod intus obsiderentur ab omnis generis malis & falsis, & quod contra Divinum essent, & quod actualiter in Inferno: nam unusquisque post mortem statim alligatur similibus, boni similibus in Cælo, mali autem similibus in Inferno, sed non veniunt ad illos, priusquam interiora reteguntur; interea consociari possunt illis, qui eis similes sunt in externis. Sed sciendum est, quod omnes qui interius boni fuerunt, ita qui spirituales, ab illis separati sint, & elevati in cælum; & quod omnes, qui non modo interius sed etiam exterius mali fuerunt, etiam ab illis separati sint, & coniecti in Infernum; & hoc a primo tempore post adventum Domini usque ad ultimum, quando Judicium; ac relictæ solum, ut societates inter se formarent, ex quibus primum Cælum, qui tales fuerunt quales supra descripti sunt.

70. Quod tales Societates toleratæ sint, seu tales Cæli, sunt plures causæ; primaria est, quod per externum sanctum, & per externum sincerum & justum, conjuncti fuerint cum simplicibus bonis qui in Ultimo Cælo, & qui adhuc in Mundo spirituum & nondum introducti in cælum fuerunt; nam in Mundo spirituali communicatio omnium est & inde conjunctio cum similibus, ac simplices boni qui in ultimo Cæli sunt, & qui in Mundo spirituum, spectant imprimis ad externa, sed usque non interius mali sunt, quare si ab illis divellerentur ante tempus præstitutum pateretur Cælum in suis ultimis, & tamen ultimum est super quo superius Cælum sicut super sua basi subsistit. Quod illa causa fuerit, quod tolerati sint usque ad ultimum tempus, docet Dominus his verbis, *“Accedentes servi Patris familias dixerunt ei, nonne bonum semen seminasti in agro tuo, unde ergo sunt zizania, & dixerunt, vis ergo abeamus & colligamus ea; at ille dixit, non, ne colligendo zizania eradicetis simul cum eis triticum; finite itaque utraque simul crescere usque ad messem, & tempore messis dicam messoribus, colligite primum zizania, & ligate ea in fasciculos ad comburendum; triticum vero colligite in horrea. Qui seminavit bonum semen est Filius hominis; Ager est mundus; Semen bonum*

sunt filii regni, zizania filii mali; Messis est consummatio sæculi: sicut ergo colliguntur zizania, & comburuntur igne, sic erit in consummatione sæculi hujus," Matth: XIII: 27 ad 30. 37 ad 42; Consummatio sæculi hujus est ultimum tempus Ecclesiæ; Zizania sunt qui interius mali sunt; Triticum qui interius boni; Collectio illorum & ligatio in fasciculos ad comburendum est ultimum Judicium (o). Simile intelligitur in eodem Capite per parabolam Domini de Piscibus ex omni genere congregatis, ac bonis injectis in vasa, malis autem ejectis foras, de quibus etiam dicitur, "Sic erit in Consummatione sæculi; exhibunt Angeli, & separabunt malos e medio justorum," Vers: 47. 48. 49; comparantur piscibus, quia per pisces in Verbi sensu spirituali, significantur naturales & externi, tam boni quam mali; quid per Justos videatur infra lineam (p).

71. *Quale Primum Cælum fuit*, ex illis, quæ supra nunc dicta sunt, concludi potest; tum ex eo quod illi, qui non spirituales sunt per agnitionem Divini, vitam boni, & affectionem veri, & usque ut spirituales apparent per sanctum externum, per fermocinationes de Divinis, & per sinceritates propter se & mundum, dum relictis internis suis, ruant in nefaria secundum libidines suas; nihil enim detinet, non timor Dei, non fides, non conscientia: inde erat, quod utprimum illi, qui in primo Cælo erant, immissi sunt in interiora sua, apparuerint conjuncti Infernis.

72. *Quomodo Primum Cælum transiit*, descriptum est prius, ubi de Ultimo Judicio super Mahumedanos & super Gentes, n: 50. 51; & super Pontificios, n: 61. 62. 63, actum est, quoniam illi etiam in suis locis Primum cælum constituerunt: superest ut aliquid dicatur de Ultimo Judicio super Reformatos, qui etiam Protestantes & Evangelici vocantur, seu quomodo
Primum

EX ARCANIS CŒLESTIBUS. (o) Quod Manipuli in Verbo significant dispositiones verorum & falsorum apud hominem in series, ita quoque hominum in quibus vera & falsa, n: 4686. 4687. 5339. 5530. 7408. 10303. Quod Filius hominis sit Dominus quoad Divinum Verum, n: 1729. 1733. 2159. 2628. 2803. 2813. 3255. 3704. 7499. 8897. 9087. Quod filii sint affectiones veri ex bono, n: 489. 491. 533. 2623. 3373. 4257. 8649. 9807; ita filii Regni sunt qui in affectionibus veri ex bono, & filii mali qui in affectionibus falsi ex malo; unde hi dicuntur zizania, & illi semen bonum, nam per zizania significatur falsum ex malo, & per semen bonum verum ex bono: quod semen agri sit verum ex bono apud hominem a Domino, n: 1940. 3038. 3310. 3373. 10248. 10249. Quod semen in opposito sensu sit falsum ex malo, n: 10248. Quod etiam semen agri sit nutritio mentis per Divinum Verum ex Verbo, & quod seminare sit instruere, n: 6158. 9272. Quod Consummatio sæculi sit ultimum tempus Ecclesiæ, n: 4535. 10622.

(p) Quod per Pisces in Verbi sensu spirituali significantur scientifica quæ naturalis seu externi hominis, & inde quoque naturales seu externi, tam mali quam boni, n: 40. 991. Quod animalia omnis generis correspondeant talibus quæ apud hominem, n: 45. 46. 246. 714. 716. 719. 2179. 2180. 3519. 9280. 10609. Quod Justi in Verbo dicantur, quibus addicatur justitia & meritum Domini, Injusti autem quibus justitia propria & meritum sui, n: 3648. 5069. 9263.

Primum cœlum ex illis compositum transivit; nam, ut supra dictum est, non super alios factum est Judicium, quam super illos, ex quibus erat Primum cœlum. Hi postquam visitati sunt, ac immissi in interiora sua, partiti sunt & divisi in classes secundum mala & inde falsa, & secundum falsa & inde mala, & coniecti in Inferna amoribus eorum correspondentia; Inferna eorum erant ab omni latere circum Medium, nam in Medio fuerunt Reformati, circum illos Pontificii, & circum hos Mahumedani, & in ultimo ambitu Gentes, videatur supra n : 48; illi qui non in Inferna, ejecti sunt in deserta: quidam autem demissi erant in Planities in Plaga meridionali & septentrionali, ut Societates formarent, ac instruerentur & præpararentur ad Cœlum; hi sunt qui conservati. Sed quomodo omnia hæc peracta sunt, hic in specie describi non potest, Judicium enim super illos diutius perstitit, & factum est successive per vices; & quia tunc multa memoratu digna visa & audita sunt, velim illa in suo ordine sistere in Explicatione super Apocalypsin.

De statu Mundi & Ecclesiæ posthac.

73. **S**TATUS Mundi posthac prorsus similis erit qualis fuerat hætenus; nam magna illa mutatio, quæ facta est in Mundo spirituali, non inducit aliquam mutationem Mundo naturali quoad externam formam; quare æque posthac erunt Civilia ut prius, erunt Paces, Foedera, & Bella, ut prius, & cætera quæ sunt societatum in genere & in specie. Quod Dominus dixerit, quod ultimis temporibus erunt Bella, ac tunc insurget Gens contra gentem, & Regnum contra regnum, & erunt Fames, Pestes, & Terræ motus singulis locis, Matth : xxiv : 6. 7, non significat talia in Naturali mundo, sed correspondentia in Spiritualis; Verbum enim in Prophetis non agit de Regnis in terra, nec de Gentibus ibi, ita nec de Bellis eorum, & quoque non de fame, peste, & terræ motibus ibi, sed de talibus quæ eis correspondent in Spiritualis mundo, quæ qualia sunt, explicatum est in ARCANIS CŒLESTIBUS, ex quibus Collecta videantur sub linea (q).

Quod

EX ARCANIS CŒLESTIBUS. (q) Quod Bella in Verbo significant pugnas spirituales, n : 1659. 1664. 8295. 10455. Quod inde omnia Arma belli aliquid pugnae spiritualis significant, sicut arcus, gladius, clypeus, n : 1788. 2686. Quod Regna significant Ecclesias quoad vera & quoad falsa, n : 1672. 2547. Quod Gentes significant illos ibi qui in bonis & qui in malis, n : 1059. 1159. 1205. 1258. 1260. 1416. 1849. 4574. 6005. 6306. 7830. 8054. 8317. 9320. 9327. Quod Fames significet defectum cognitionum boni & veri, n : 1460. 3364. 5277. 5279. 5281. 5300. 5360. 5376. 5893. Quod etiam desolationem Ecclesiæ, n : 5279. 5415. 5576. 6110. 6144. 7102. Quod Pestis significet vastationem & consummationem boni & veri, n : 7102. 7505. 7507. 7511. Quod Terræmotus significant mutationes status Ecclesiæ, n : 3355.

Quod autem statum Ecclesiæ attinet, ille est qui non erit similis posthac, similis quidem quoad externam apparentiam, sed dissimilis quoad internam; quoad externam apparentiam erunt Ecclesiæ divisæ ut prius, doctrinæ earum docebuntur ut prius, similiter religiosa apud Gentes; sed homo Ecclesiæ erit posthac in liberiori statu cogitandi de rebus fidei, ita de spiritualibus quæ sunt Cœli, quia Liberum spirituale restitutum est; omnia enim nunc in ordinem redacta sunt in cœlis & in Infernis, & inde influit omnis cogitatio de Divinis & contra Divina, cum Divinis e Cœlis, & contra Divina ex Infernis: sed hanc status mutationem homo nec in se animadvertet, quoniam non reflectit super id, nec scit aliquid de Libero spirituali, nec de Influxu: verumtamen in Cœlo id percipitur, & quoque ab ipso homine post mortem ejus. Quia homini Liberum spirituale restitutum est, ideo Sensus spiritualis Verbi nunc detectus est, ac per id Divina vera interiora revelata sunt; illa enim homo in priori statu non intelleturus esset, & qui intelleturus, is prophanaturus. Quod homini liberum sit per æquilibrium inter Cœlum & Infernum, & quod homo non nisi quam in libero reformari possit, videatur in Opere de Cœlo & Inferno, n : 597 ad finem.

74. Loquutus sum cum Angelis varia de statu Ecclesiæ posthac, qui dixerunt quod ventura non sciant, quia ventura scire est solius Domini, sed quod sciant, quod id servum & captivum, in quo fuit homo Ecclesiæ antehac, sublatum sit, & quod nunc ex Libero restituto melius percipere possit vera interiora, si vult percipere, & sic interior fieri, si vult fieri; sed quod usque exilem spem habeant de hominibus Ecclesiæ Christianæ, ast multam de aliqua Gente ab orbe Christiano dissita & ab infestatoribus inde remota, quæ talis est, ut lucem spirituales possit recipere, ac cœlestis spiritualis homo fieri; & dixerunt, quod hodie revelentur apud illam Gentem Divina Vera interiora, & quoque recipiantur spirituali fide, hoc est, vita & corde, & quod Dominum adorent.

F I N I S.

DE
EQUO ALBO
DE QUO
In Apocalypsi, Cap: XIX.

ET DE IN
De Verbo & Ejus Sensu Spirituali seu Interno,
ex Arcanis Cœlestibus.



L O N D I N I:
MDCCLVIII.

THE

OF THE

IN APPOINTMENT

OF THE

THE HOUSE OF COMMONS
IN THE YEAR 1790



LONDON:
PRINTED BY



D E

E Q U O A L B O

D E Q U O

In Apocalypsi, Cap: XIX.

I. **A**PUD Johannem in Apocalypsi ita describitur Verbum quoad Sensum Spiritualem seu Internum, "*Vidi Cælum apertum, & ecce EQUUS ALBUS, & qui Sedens super illo vocabatur fidelis & verus, & in Justitia judicat & pugnat: Oculi Ipsius flamma ignis; & super Capite Ipsius diademata multa; habens Nomen scriptum, quod nemo novit nisi Ipse: & circumindutus vestimento tincto sanguine, & vocatur Nomen Ipsius VERBUM DEI. Et Exercitus qui in Cælis, sequebantur Ipsum super equis albis, induti byssino albo mundo: & habet super vestimento & super femore suo Nomen scriptum, REX REGUM & DOMINUS DOMINORUM,*" XIX: 11. 12. 13. 14. 16. Quid singula hæc involvunt, nemo scire potest nisi ex sensu interno; manifestum est, quod unumquodvis aliquod Repræsentativum & Significativum sit, nempe Cælum quod apertum, Equus qui albus, Sedens super illo, quod in Justitia judicans & pugnans, quod oculi

C. A. C.
p. 137. &
le Vire
l'entur
Pawle
Pawle

sens in

Ipsius flamma ignis, quod super capite diademata multa, quod Nomen haberet quod nemo novit nisi Ipse, quod circumindutus vestimento tincto sanguine, quod Exercitus qui in Cœlis sequerentur Ipsum super equis albis, quod illi induti byssino albo mundo, & quod super vestimento & super femore haberet Nomen scriptum; aperte dicitur quod sit Verbum, & quod sit Dominus qui Verbum, nam dicitur, "*Vocatur Nomen Ipsius VERBUM DEI;*" & dein, "*Habet super vestimento & super femore suo Nomen scriptum, REX REGUM & DOMINUS DOMINORUM.*" Ex interpretatione singularum vocum patet, quod hic describatur Verbum quoad Sensum Spiritualem seu Internum; quod Cœlum sit apertum, repræsentat & significat, quod Internus sensus Verbi videatur in Cœlo, & inde ab illis in Mundo quibus Cœlum est apertum; Equus qui Albus repræsentat & significat intellectum Verbi quoad interiora ejus, quod Equus Albus id significet, patebit a sequentibus; Sedens super illo, quod sit Dominus quoad Verbum, ita Verbum, constat, nam dicitur, *vocatur Nomen Ipsius Verbum Dei;* Qui Fidelis & in Justitia judicans vocatur ex Bono, ac Verus & in Justitia pugnans vocatur ex Vero, nam Ipse Dominus est Justitia; Oculi ejus flamma ignis, significant Divinum Verum ex Divino Bono Divini Amoris Ipsius; super capite Ipsius diademata multa, significant omnia bona & vera fidei; Habens Nomen scriptum quod nemo novit nisi Ipse, significat quod quale est Verbum in sensu interno nemo videat quam Ipse, & cui Ipse revelat; circumindutus vestimento tincto sanguine, significat Verbum in litera cui violentia illata; Exercitus in Cœlis qui sequebantur Ipsum super equis albis, significant illos qui in intellectu Verbi quoad interiora sunt; Induti byssino albo mundo, significat eosdem in vero ex bono; super vestimento & super femore suo Nomen scriptum, significat verum & bonum & eorum quale. Ex his & ex illis quæ præcedunt & sequuntur, patet, quod ibi prædicatur, quod circa ultimum tempus Ecclesiæ Sensus spiritualis seu internus Verbi aperiatur; sed quid tunc eveniet, etiam describitur ibi Vers: 17. 18. 19. 20. 21. Quod illa significantur per ea verba, non opus est ut hic ostendatur, quoniam singula ostensa sunt in ARCANIS CÆLESTIBUS, ut quod Dominus sit Verbum, quia est Divinum Verum, n: 2533. 2803. 2884. 5272. 7835. Quod Verbum sit Divinum Verum, n: 4692. 5075. 9987. Quod dicatur Sedens super Equo in Justitia judicans & pugnans, quia Dominus est Justitia, quod Dominus dicatur Justitia ex eo quod ex propria potentia salvaverit Genus humanum; n: 1813. 2025. 2026. 2027. 9715. 9809. 10019. 10152:

Et

Et quod Justitia sit Meritum quod Soli Domino, n : 9715. 9979. Quod Oculi flamma ignis significant Divinum Verum ex Divino Bono Divini Amoris, est quia Oculi significant Intellectum & Verum fidei, n : 2701. 4403 ad 4421. 4523 ad 4534. 6923. 9051. 10569; Et flamma ignis bonum amoris, n : 934. 4906. 5215. 6314. 6832. Quod diademata quæ super capite significant omnia bona & vera fidei, n : 114. 3858. 6335. 6640. 9863. 9865. 9868. 9873. 9905. Quod habens Nomen scriptum, quod nemo novit nisi Ipse, significet quod quale est Verbum in sensu interno nemo videat quam Ipse, & cui Ipse revelat, est quia Nomen significat quale rei, n : 144. 145. 1754. 1896. 2009. 2724. 3006. 3237. 3421. 6674. 9310. Quod circumindutus vestimento tincto sanguine significet Verbum in litera cui violentia illata, est quia Vestimentum significat verum quia investit bonum, n : 1073. 2576. 5319. 9248. 5319. 5954. 9212. 9216. 9952. 10536; imprimis verum in ultimis, ita Verbum in litera, n : 5248. 6918. 9158. 9212; & quia sanguis significat violentiam a falso illatam vero, n : 374. 1005. 4735. 5476. 9127. Quod Exercitus in Cœlis sequeretur Ipsum super equis albis significant illos qui in intellectu Verbi quoad interiora sunt, est quia Exercitus significant illos qui in veris & bonis Cœli & Ecclesiæ sunt, n : 3448. 7236. 7988. 8019, Et Equus intellectum, n : 3217. 5321. 6125. 6400. 6531. 6534. 7024. 8146. 8318. Et album, verum quod est in luce Cœli, ita verum interius, n : 3301. 3993. 4007. 5319. Quod induti byssino albo mundo significant eisdem in vero ex bono, est quia byssus seu byssinum significat verum ex origine cœlesti, quod est verum ex bono, n : 5319. 9469. Quod super vestimento & super femore Nomen scriptum significet verum & bonum, & eorum quale, est quia vestimentum significat verum, & nomen quale, ut supra, & femur significat bonum amoris, n : 3021. 4277. 4280. 9961. 10485. Rex regum & Dominus dominorum est Dominus quoad Divinum Verum & quoad Divinum Bonum; quod Dominus dicatur Rex ex Divino Vero, n : 3009. 5068. 6148. Et quod dicatur Dominus ex Divino Bono, n : 4973. 9167. 9194. Ex his apparet, quale est Verbum in Sensu spirituali seu interno, & quod nulla ibi vox sit quæ non aliquid spirituale, quod est Cœli & Ecclesiæ, significat.

2. In Prophetis Verbi multoties nominatur Equus, sed hactenus nemini notum fuit, quod Equus Intellectum & Eques Intelligentem significet, & hoc forsan quia alienum & mirabile apparet, quod per Equum tale in sensu spirituali & inde in Verbo intelligatur; sed usque
bes. Gall.
Cherub.
tendentes
l' intelli
 quod

quod ita sit, ex plurimis locis ibi constare potest, ex quibus velim solum aliqua hic afferre. In Prophetia Israelis de Dane, "*Dān serpens super via, serpens jaculus super semita, mordens calcaneos Equi, & cadet Eques ejus retrorsum,*" Genes: XLIX: 17. 18; quid hoc Prophetium de una Tribu Israelis significat, nemo intellecturus est, nisi sciat quid significat serpens, tum quid Equus & Eques; quod spirituale sit quod involvitur, nemo non scit; quid itaque singula significant, videatur in ARCANIS CŒLESTIBUS, n: 6398. 6399. 6400. 6401, ubi explicatur hoc Prophetium. Apud Habakuk, "*Deus equitas super Equis tuis, Currus tui salus, calcare fecisti in mari Equos tuos,*" III: 8. 15; quod Equi hic significant spirituale, patet, quia illa dicuntur de Deo; quid alioquin foret, quod Deus equitaret super Equis suis, & quod calcare faceret super mari Equos suos. Apud Sachariam, "*In die illo erit super tintinnabulis Equi Sanctitas Jehovæ,*" XIV: 20, similiter. Apud Eundem, "*In die illo, dictum Jehovæ, percutiam omnem Equum stupore, & Equitem amentia, & super domum Jehudæ aperiam oculos meos, & omnem Equum populorum percutiam cæcitate,*" XII: 4. 5; agitur ibi de Ecclesiæ vastatione, quæ fit quando non amplius alicujus veri intellectus; hoc describitur ita per Equum & Equitem; quid alioquin foret quod omnis Equus percuteretur stupore, & quod Equus populorum percuteretur cæcitate, quid hoc ad Ecclesiam. Apud Hiobum, "*Oblivisci fecit Deus eum Sapientiam, & non impetit ei Intelligentiam, juxta tempus in altum elevarit se, deridet Equum & Equitem illius,*" xxxix: 17. 18. 19 seq: quod hic per Equum significetur Intellectus, manifeste patet; similiter apud Davidem, ubi dicitur *Equitare super verbum veritatis*, Psalm: XLV: 5; præter plurimis aliis in locis. Præterea quis sciturus est, unde est, quod Elias & Elisæus dicti fuerint Currus Israelis & Equites ejus; & cur puero Elisæi visus fuerit mons plenus Equis & Curribus igneis, nisi sciatur quid significant Currus & Equites, & quid repræsentaverunt Elias & Elisæus; nam Elisæus dixit ad Eliam, "*Pater mi, Pater mi, Currus Israelis & Equites ejus,*" 2 Reg: II: 11. 12: Et Joas Rex ad Elisæum, "*Pater mi, Pater mi, Currus Israelis & Equites ejus,*" 2 Reg: XIII: 14. Et de puero Elisæi, "*Aperuit Jehovah oculos pueri Elisæi, & vidit & ecce Mons plenus Equis & Curribus igneis circumcirca Elisæum,*" 2 Reg: VI: 17. Quod Elias & Elisæus dicti fuerint Currus Israelis & Equites ejus, est quia uterque repræsentavit Dominum quoad Verbum, & per Currus significatur Doctrina e Verbo, & per Equites Intelligentia: quod Elias & Elisæus repræsentaverint Dominum, (ut in act. 2 Reg. 13: 14) 6125. — Et cadit eques retrorsum significat minimum quod sit recedere, nempe a vero. — equus sign. fallacis ex infirmis naturis equis in fallaciis sunt — per dūm qui fallax ex fallacis excludunt & circumspargunt —

minum quoad Verbum, videatur in ARCANIS CŒLESTIBUS, n: 5247. 7643. 8029. 9327, & quod Currus significant Doctrinam e Verbo, n: 5321. 8215.

3. Quod Equus Intellectum significet, non aliunde venit quam ex *Ver. Gam* Repræsentativis in Mundo spiritali; multoties ibi apparent Equi & Infidentes equis, tum etiam Currus, & sciunt ibi omnes quod significant Intellectualia & Doctrinalia; visum est mihi sæpius, cum aliqui ibi ex Intellectu suo cogitarent, quod apparerent sicut equitantes equis; ita repræsentabat se Meditatio eorum coram aliis, iis nescientibus. Est quoque ibi Locus, ubi conveniunt multi qui ex Intellectu cogitant & loquuntur de Veris doctrinæ; & cum alii illuc veniunt, vident totum illum Campum plenum Curribus & Equis, & novitii, qui mirantur undenam hoc, instruuntur quod Apparentia illa sit ex intellectuali cogitatione eorum; Locus ille vocatur Conventus Intelligentium & Sapientium. Visi etiam mihi sunt Equi lucidi & Currus ignei, cum quidam sublati sunt in Cælum, quod indicium erat quod tunc illi instructi fuerint in Veris doctrinæ cœlestis, ac Intelligentes facti, & sic sublati: ex quo viso, in mentem venit, quid significatum est per Currum igneum & Equos igneos quibus Elias sublati sunt in Cælum; & quid per Equos & Currus igneos visos puero Elisæi, cum oculi ejus aperti sunt.

4. Quod Currus & Equi talia significaverint, notissimum fuit in *ib. p. 141.* Ecclesiis Antiquis, quoniam Ecclesiæ illæ fuerunt Ecclesiæ Repræsentativæ, & apud eos, qui in illis, Scientia Correspondentiarum & Repræsentationum fuit primaria scientia: ex illis Ecclesiis significatio Equi, quod sit Intellectus, derivata est ad sapientes circumcirca, etiam in Græciam: inde habuerunt, cum describerent Solem, ubi posuerunt Sapientiæ & Intelligentiæ suæ deum, quod ei tribuerint Currum & quatuor Equos igneos. Et cum describerent deum Maris, quia per Mare significatæ sunt scientiæ quæ sunt ex intellectu, quod etiam illi dederint Equos. Et cum describerent ortum Scientiarum ex Intellectu, quod finxerint Equum alatum, qui ungula rupit fontem, ad quem novem Virgines quæ Scientiæ; ex Antiquis enim Ecclesiis notum illis fuit, quod per Equum significatus sit Intellectus, per Alas spirituale verum, per Ungulam scientificum ex intellectu, & per Fontem Doctrina ex qua Scientiæ. Per Equum Trojanum nec aliud significatum est quam Artificiale ex intellectu eorum destruendi muros. Hodie quidem cum describitur Intellectus ex recepto ab Antiquis illis more, describi solet per Equum volentem seu Pegasus, Doctrina

al signifie
ment d'ay le
lique, et
une que les
livres agent
anciennes
representative
utis, fin.

per fontem, & Scientiæ per virgines, sed vix aliquis novit, quod Equus in sensu mystico significet Intellectum; minus quod significativa illa ab Ecclesiis Antiquis Repræsentativis ad Gentiles derivata fuerint.

5. Quoniam per Equum Album significatur Intellectus Verbi quoad sensum spirituales seu internum, sequentur nunc illa quæ de Verbo & de illo Sensu in ARCANIS CŒLESTIBUS ostensa sunt; nam ibi omnia, quæ continentur in Genesi & in Exodo, secundum Sensum spirituales seu internum Verbi explicata sunt.



De Verbo & Ejus Sensu Spirituali seu Interno ex Arcanis Cœlestibus.

6. *DE Verbi Necessitate & Præstantia.* Quod ex lumine naturæ nihil sciatur de Domino, de Cœlo & Inferno, de Vita hominis post mortem, & de Divinis Veris per quæ homini vita spiritualis & æterna, n : 8944. 10318. 10319. 10320. Quod id constare possit ex eo, quod plures, & inter eos Eruditi, non credant illa, tametsi nati sunt ubi Verbum, & per id instructi de illis, n : 10319. Quod ideo necessum fuerit, ut aliqua Revelatio esset e Cœlo, *necessit.* quia homo ad Cœlum natus est, n : 1775. Quod ideo omni tempore fuerit Revelatio, n : 2895. De variis Revelationis speciebus in hac Tellure successive, n : 10355. 10632. Quod Antiquissimis, qui vixerunt ante Diluvium, quorum Tempus vocatum est Sæculum aureum, fuerit Revelatio immediata, & inde Divinum Verum inscriptum cordibus eorum, n : 2896. Quod Antiquis Ecclesiis, quæ fuerunt post Diluvium, fuerit Verbum Historicum & Propheticum, n : 2686. 2897; *de quibus Ecclesiis videatur in NOVA. HIEROSOLYMA & EJUS DOCTRINA,* n : 247. Quod Historica ejus dicta fuerint Bella Jehovahæ, & Prophetica Enuntiata, n : 2897. Quod id Verbum fuerit simile nostro Verbo quoad Inspirationem, sed accommodatum illis Ecclesiis, n : 2897. Quod id memoratum sit a Mose, n : 2686. 2897. Sed quod id Verbum deperditum sit, n : 2897. Quod etiam Propheticae Revelationes apud alios fuerint, sicut patet a Prophetis Bileami, n : 2898.

Quod Verbum sit Divinum in omnibus & singulis, n : 639. 680. 10321. 10637. Quod Verbum sit quoad omnem apicem & jotham Divinum & Sanctum, ab experientia, n : 1349. Quomodo explicatur hodie, quod Verbum quoad omnem jotham sit inspiratum, n : 1886.

Quod Ecclesia in specie sit ubi Verbum, & per id Dominus notus, ac Divina Vera revelata, n : 3857. 10761. At quod ideo ab Ecclesia non sint, qui nati ubi Verbum, & per id Dominus notus, sed qui per Vera ex Verbo a Domino regenerantur, qui sunt qui
B. vivunt.

vivunt secundum Vera ibi, ita qui vivunt vitam amoris & fidei, n : 6637. 10143. 10153. 10578. 10645. 10829.

7. *Quod Verbum non intelligatur quam ab illustratis.* Quod Rationale humanum non capere possit Divina, ne quidem Spiritualia, nisi a Domino illustretur, n : 2196. 2203. 2209. 2654. Ita quod modo Illustrati capiant Verbum, n : 10323. Quod Dominus illis, qui illustrantur, det intelligere vera, ac discernere illa quæ sibi apparent contradicere, n : 9382. 10659. Quod Verbum in sensu literæ non sibi simile sit, & aliquoties appareat sibi contradicens, n : 9025. Et quod ideo a non illustratis possit explicari & trahi ad confirmandum quamcunque opinionem & hæresin, & ad patrocinandum cuicunque amoris mundano & corporeo, n : 4738. 10339. 10401. Quod illi ex Verbo illustrentur, qui legunt illud ex amore veri & boni, non autem qui ex amore famæ, lucri, honoris, ita ex amore sui, n : 9382. 10548. 10549. 10550. Quod illi illustrentur qui in bono vitæ sunt, & inde in affectione veri, n : 8694. Quod illustrentur, quibus Internum apertum est, ita qui quoad Internum suum hominem possunt elevari in lucem cæli, n : 10401. 10402. 10691. 10694. Quod Illustratio sit actualis aperitio interiorum quæ mentis, & quoque elevatio in lucem cæli, n : 10330. Quod Sanctum ab Interno, hoc est, per Internum a Domino, influat apud illos qui sanctum habent Verbum, illis nescientibus, n : 6789. Quod illustrentur illi, & in Verbo videant vera, qui a Domino ducuntur, non autem qui a semet, n : 10638. Quod illi a Domino ducantur, qui amant verum quia est verum, qui etiam sunt qui amant vivere secundum Divina vera, n : 10578. 10645. 10829. Quod Verbum vivificetur apud hominem secundum ejus amoris & fidei vitam, n : 1776. Quod illa quæ a propria intelligentia sunt, non vitam in se habeant, quia a proprio hominis nihil bonum, n : 8941. 8944. Quod non illustrari possint, qui se multum confirmaverunt in Doctrina falsa, n : 10640.

Quod Intellectus sit qui illustratur, n : 6608. 9300. Quod Intellectus sit recipiens veri, n : 6242. 6608. 10659. Quod de omni Doctrinali Ecclesiæ sint ideæ quæ intellectus & cogitationis inde, secundum quas Doctrinale percipitur, n : 3310. 3825. Quod ideæ hominis, quamdiu vivit in mundo, sint naturales, quia tunc homo cogitat in naturali, sed quod usque spirituales ideæ in illis reconditæ sint apud illos qui in affectione veri propter verum sunt, & quod in eas veniat homo post mortem, n : 3310. 5510. 6201. 10236. 10240.

10550. Quod absque ideis intellectus & inde cogitationis de quacunque re nulla perceptio, n: 3825. Quod ideæ de rebus fidei aperiantur in altera vita, & ibi ab Angelis videantur quales sunt, & quod homo tunc jungatur aliis secundum illas quantum ex affectione quæ amoris procedunt, n: 1869. 3320. 5510. 6201. 8885. Quod ideo Verbum non intelligatur quam à Rationali homine; nam credere aliquid absque idea rei & absque rationis intuitione, est modo memoriter retinere vocem omni vita perceptionis & affectionis destitutam, quod non est credere, n: 2533. Quod Sensus literalis Verbi fit qui illustratur; n: 3619. 9824. 9905. 10548.

8. *Quod Verbum non intelligatur nisi per Doctrinam ex Verbo.* Quod Doctrina Ecclesiæ erit ex Verbo, n: 3464. 5402. 6832. 10763. 10765. Quod Verbum absque Doctrina non intelligatur, n: 9025. 9409. 9424. 9430. 10324. 10431. 10582. Quod vera Doctrina sit Lucerna illis qui legunt Verbum, n: 10401. Quod genuina Doctrina erit ab illis qui in illustratione sunt a Domino, n: 2510. 2516. 2519. 2424. 10105. Quod Verbum per Doctrinam ab Illustrato factam intelligatur, n: 10324. Quod qui in illustratione sunt, ex Verbo sibi faciant doctrinam, n: 9382. 10659. Discrimen inter illos qui docent & discunt ex Doctrina Ecclesiæ, & inter illos qui ex solo sensu literæ Verbi, quale, n: 9025. Quod illi, qui in sensu literæ Verbi absque doctrina sunt, in nullum intellectum veniant de veris Divinis, n: 9409. 9410. 10582. Quod in plures errores cadant, n: 10431. Quod qui in affectione veri propter verum sunt, cum adulti fiunt, & ex suo intellectu videre possunt, non simpliciter maneat in Doctrinalibus suæ Ecclesiæ, sed quod ex Verbo scrutentur num vera sint, n: 5402. 5432. 6047. Quod alioquin foret cuivis verum ex alio, & ex natali solo sive natus Judæus sive Græcus, n: 6047. Quod usque quæ fidei facta sunt ex sensu literalis Verbi non extinguenda sint, nisi post plenam intuitionem, n: 9039.

Quod vera Doctrina Ecclesiæ sit Doctrina charitatis & fidei, n: 2417. 4766. 10763. 10765. Quod Doctrina fidei non faciat Ecclesiam, sed vita fidei, quæ est charitas, n: 809. 1798. 1799. 1834. 4468. 4677. 4766. 5826. 6637. Quod Doctrinalia nihil sint nisi vivatur secundum illa, & quod quisque videre possit quod sint propter vitam, & non propter memoriam & inde aliquid cogitationis, n: 1515. 2049. 2116. Quod hodie in Ecclesiis Doctrina fidei sit, & non charitatis, & quod Doctrina charitatis rejecta sit in Scientiam, quæ vocatur Theo-

logia moralis, n: 2417. Quod Ecclesia esset una, si agnoscerentur pro hominibus Ecclesiæ ex vita, ita ex charitate, n: 1285. 1316. 2982. 3267. 3445. 3451. 3452. Quantum valet Doctrina charitatis præ Doctrina fidei separatæ a charitate, n: 4844. Quod in ignorantia de cœlestibus sint, qui non sciunt aliquid de charitate, n: 2435. Qui modo habent Doctrinam fidei & non charitatis, quod in errores labantur, de quibus etiam, n: 2417. 2383. 3146. 3325. 3412. 3413. 3416. 3773. 4672. 4730. 4783. 4925. 5351. 7623 ad 7677. 7752 ad 7762. 7790. 8094. 8313. 8530. 8765. 9186. 9224. 10555. Quod illi, qui solum in Doctrina fidei sunt, & non in vita fidei quæ charitas, olim dicti fuerint Præputiati seu Philisthæi, n: 3412. 3413. 3463. 8313. 8093. 9340. Quod apud Antiquos fuerit Doctrina amoris in Dominum & Charitatis erga proximum, & quod Doctrina fidei inserviverit ei, n: 2417. 3419. 4844. 4955.

Quod Doctrina per Illustratum facta postea per rationalia & scientifica confirmari possit, & quod sic plenius intelligatur, & quod corroboretur, n: 2553. 2719. 2720. 3052. 3310. 6047. *Plura de hac re videantur in NOVA HIEROSOLYMA ET EJUS DOCTRINA*, n: 51. Quod illi, qui in fide separata a charitate sunt, velint ut doctrinalia Ecclesiæ simpliciter credantur absque aliqua intuitione rationali, n: 3394.

Quod confirmare dogma non sapientis sit, sed videre num verum sit antequam confirmatur, & quod hoc fiat apud illos qui in illustratione sunt, n: 1017. 4741. 7012. 7680. 7950. Quod lux confirmationis sit lux naturalis, non spiritualis, dabilis etiam apud malos, n: 8780. Quod omnia, etiam falsa, confirmari possint usque ut appareant sicut vera, n: 2482. 2490. 5033. 6865. 8321.

9. *Quod in Verbo sensus spiritualis sit, qui vocatur Sensus internus.* Quod nemo scire possit quid Sensus spiritualis seu internus Verbi, nisi sciat quid Correspondentia, n: 2895. 4322. Quod omnia & singula, usque ad singularissima, quæ in Naturali mundo sunt, respondeant Spiritualibus, & inde significant illa, n: 2890 ad 2893. 2897 ad 3003. 3213 ad 3227. Quod spiritualia, quibus correspondent naturalia, sub alia facie appareant in naturali, ut non internoscantur, n: 1887. 2396. 8920. Quod vix aliquis sciat, ubinam Divinum in Verbo, cum tamen in Sensu ejus interno & spirituali, qui nescitur hodie quod sit, n: 2980. 4989. Quod mysticum Verbi non aliud sit, quam quod Sensus ejus internus seu spiritualis

tualis continet, in quo agitur de Domino, de Glorificatione Humani Ipsius, de Regno Ipsius, & de Ecclesia, & non de naturalibus quæ in mundo, n : 4923. Quod Prophetica plurimis in locis non intelligantur, & sic nullius usus sint, absque Sensu interno, ab exemplis, n : 2508. 8020. 8398. Sicut quid significatur per Equum Album in Apocalypsi, n : 2760 seq: Quid per Claves Regni cœlorum Petro datas, Præf: ad Cap: xxii Genes: & n : 9410. Quid per Carnem, Sanguinem, Panem, Vinum, in Sancta Cœna, n : 8682. Quid per Prophetica Jacobi de filiis suis Genes: Cap: xlix, n : 6306. 6333 ad 6465. Quid per plura Prophetica de Jehudah & Israele, quæ non cum illa gente quadrant, nec coincidunt secundum sensum literæ, n : 6331. 6361. 6415. 6438. 6444. Præter perplura alia, n : 2608. Porro, quid Correspondentia, videatur in Opere DE CÆLO & INFERNO, n : 87 ad 102, n : 103 ad 115; & n : 303 ad 310.

De Sensu interno seu spirituali Verbi in summa, n : 1767 ad 1777. 1869 ad 1879. Quod in omnibus & singulis Verbi sit Sensus internus, n : 1143. 1984. 2135. 2333. 2395. 2495. 2619. Quod illa non appareant in sensu literæ, sed quod usque sint intus in eo, n : 4442.

10. *Quod Sensus Internus Verbi imprimis sit pro Angelis, & quod quoque sit pro hominibus.* Ut sciatur quid Sensus Internus, qualis ille, & unde, dicendum hic est in summa. Quod cogitent & loquantur aliter in Cœlo quam in Mundo, in Cœlo spiritualiter in Mundo naturaliter; quapropter cum homo legit Verbum, quod Angeli qui apud hominem, percipiant illud spiritualiter, cum homines naturaliter; quod inde Angeli in Sensu Interno sint, cum homines in Sensu Externo; sed quod usque unum faciant per Correspondentiam. Quod Angeli non modo spiritualiter cogitent, sed etiam spiritualiter loquantur; tum quod sint apud hominem; & quod Conjunctio illorum sit per Verbum, videatur in Opere DE CÆLO & INFERNO, ubi agitur de *Sapientia Angelorum Cœli*, n : 265 ad 275. De *Loquela illorum*, n : 234 ad 245. De *Conjunctio illorum cum homine*, n : 291 ad 302. Et de *Conjunctio per Verbum*, n : 303 ad 310.

Quod Verbum aliter intelligatur ab Angelis in Cœlis, quam ab Hominibus in terris, & quod Angelis sit sensus internus seu spiritualis, hominibus autem sensus externus seu naturalis, n : 1887. 2396. Quod Angeli percipiant Verbum in Sensu interno, & non in Sensu externo,

ab experientia illorum qui mecum e Cœlo loquuti sunt, cum legi Verbum, n: 1769. 1770. 1771. 1772. Quod ideæ cogitationis & quoque loquelæ angelicæ sint spirituales, ideæ autem & loquelæ humanæ naturales, quod ideo Sensus internus qui spiritualis pro Angelis fit, illustratum ab experientia, n: 2333. Quod tamen sensus literæ Verbi inserviat ideis spiritualibus Angelorum pro mediis, comparative sicut faciunt voces loquelæ sensui rei apud hominem, n: 2143. Quod illa, quæ sunt Sensus interni Verbi, cadant in talia quæ sunt lucis cœli, ita in perceptionem angelicam, n: 2618. 2619. 2629. 3086. Quod ideo illa, quæ Angeli e Verbo percipiunt, illis pretiosa sint, n: 2540. 2541. 2545. 2551. Quod Angeli ne quidem unam vocem Sensus literæ Verbi intelligant, n: 64. 65. 1434. 1929. Quod nec sciant Nomina personarum & locorum quæ in Verbo, n: 1434. 1888. 4442. 4480. Quod Nomina non intrare possint in Cœlum, nec ibi enuntiari, n: 1876. 1888. Quod omnia Nomina in Verbo significant res, & quod in ideas rei vertantur in Cœlo, n: 768. 1888. 4310. 4442. 5225. 5287. 10329. Quod etiam Angeli cogitent abstracte a personis, n: 6613. 8343. 8985. 9007. Quam elegans Sensus internus Verbi, tametsi mera Nomina, ab exemplis e Verbo, n: 1224. 1888. 2395. Quod etiam plura Nomina in serie in sensu interno unam rem expriment, n: 5905. quod etiam omnes Numeri in Verbo significant res, n: 482. 487. 647. 648. 755. 813. 1963. 1988. 2075. 2252. 3152. 4264. 6175. 9488. 9659. 10217. 10253. Quod Spiritus etiam percipiant Verbum in Sensu interno, prout interiora eorum in Cœlum aperta sunt, n: 1771. Quod Sensus literæ Verbi, qui naturalis, transmutetur momento in Spiritualem apud Angelos, quia est Correspondentia, n: 5648. Et hoc absque auditione & cognitione quid in Sensu literæ seu externo, n: 10215. Sic quod Sensus literæ seu externus fit modo apud hominem, nec pergat ultra, n: 2015.

Quod fit Sensus Internus Verbi, & quoque Sensus Intimus seu Supremus, de quibus, n: 9407. 10604. 10614. 10627. Quod Angeli spirituales, hoc est, qui in Regno spirituali Domini sunt, percipiant Verbum in Sensu interno, & quod Angeli cœlestes, hoc est, qui in Regno cœlesti Domini sunt, percipiant Verbum in Sensu intimo, n: 2157. 2275.

Quod Verbum fit pro hominibus, & quoque pro Angelis, utriusque accommodatum, n: 7381. 8862. 10322. Quod Verbum fit uniens cœli & terræ, n: 2310. 2493. 9212. 9216. 9357. Quod Conjunctio Cœli cum homine fit per Verbum, n: 9396. 9400. 9401.

10452. Quod ideo Verbum dicatur fœdus, n: 9396. Quoniam fœdus significat conjunctionem, n: 665. 666. 1023. 1038. 1864. 1996. 2003. 2021. 6804. 8767. 8778. 9396. 10632. Quod Sensus Internus in Verbo fit, quia Verbum a Domino per tres Cœlos descenderat usque ad hominem, n: 2310. 6397. Et quod sic accommodatum factum sit Angelis trium Cœlorum, & quoque Hominibus, n: 7381. 8862. Quod inde fit, quod Verbum Divinum fit, n: 2980. 4989. Et quod sit Sanctum, n: 10276. Et quod sit Spirituale, n: 4480. Et quod sit a Divino Inspiratum, n: 9094. Quod id sit Inspiratio, n: 9094.

Quod etiam Homo, qui Regeneratus est, actualiter fit in Sensu interno Verbi, tametsi id nescit, quoniam ei Internus homo apertus est, cui perceptio spiritalis, n: 10401. Sed quod apud illum Spirituale Verbi influat in ideas naturales, ac ita naturaliter sistatur, quoniam cum vivit in Mundo, in naturali homine, quantum ad perceptionem, cogitat, n: 5614. Quod inde Lux veri apud illos, qui illustrantur, fit ab Interno eorum, ita per Internum a Domino, n: 10691. 10694. Quod etiam per illam viam Sanctum influat apud illos qui sanctum habent Verbum, n: 6789. Quoniam homo Regeneratus actualiter in Sensu Interno Verbi est, & id in sancto ejus, tametsi id nescit, quod ideo post mortem in illum ex se veniat, & quod non amplius sit in sensu literæ, n: 3226. 3342. 3343. Quod ideæ Interni hominis sint spirituales, sed quod homo, cum in mundo vivit, non animadvertat illas, quoniam insunt cogitationi ejus naturali; cui dant facultatem rationalem, n: 10236. 10240. 10550. Sed quod homo post mortem, in illas suas, quia sunt propriæ spiritus ejus, veniat, & ex illis tunc non modo cogitet sed etiam loquatur, n: 2470. 2478. 2479. 10568. 10604. Inde est, quod dictum sit, quod Homo regeneratus nesciat quod in sensu spiritali Verbi fit, & quod inde ei illustratio.

II. *Quod in Sensu Interno seu Spirituali Verbi innumerabilia Arcana sint.* Quod Verbum in Sensu Interno innumerabilia contineat, quæ captum humanum excedunt, n: 3085. 3086. Quod etiam ineffabilia & inexplicabilia, n: 1965. Quæ solum sistuntur Angelis, & ab illis intelliguntur, n: 167. Quod Sensus Internus Verbi contineat Arcana Cœli, quæ concernunt Dominum ac Regnum Ipsius in Cœlis & in Terris, n: 1. 2. 3. 4. 937. Quod Arcana illa non appareant in Sensu literæ, n: 937. 1502. 2161. Quod plura, quæ apud Prophetas sunt, appareant sicut sparsa, quæ in Sensu

Sensu Interno in pulchra serie continenter cohærent, n: 7153. 9022. Quod non unica vox, ne quidem unica jotha in Lingua sua originali, abesse queat in Verbi Sensu literæ absque interruptione in Sensu interno; & quod ideo ex Divina Domini Providentia Verbum tam integrum conservatum sit ad omnem apicem, n: 7933. Quod innumerabilia insint singulis Verbi, n: 6637. 8920. Et unicuique voci, n: 1689. Quod innumerabilia sint in Oratione Dominica, & in singulis ejus, n: 6619. Et in præceptis Decalogi; in quorum tamen sensu externo aliqua talia sunt, quæ nota sunt unicuique Genti absque Revelatione, n: 8867. 8900. Quod in quovis Corniculo literæ Verbi in Lingua originali sit sanctum, ostensum e Cælo, videatur in Opere DE CÆLO ET INFERNO, n: 260, ubi explicantur Domini verba, *quod non jotha unum & corniculum unum præterebit de Lege*, Matth: v: 18.

Quod in Verbo imprimis Prophetico sint binæ expressiones sicut ejusdem rei, sed quod una se referat ad bonum & altera ad verum, n: 683. 707. 2516. 8339. Quod in Verbo bona & vera conjuncta sint mirabiliter, & quod illa conjunctio solum appareat ei qui scit Sensum Internum, n: 10554. Et sic quod in Verbo & in singulis ejus sit Conjugium Divinum & Conjugium cœleste, n: 683. 793. 801. 2173. 2516. 2712. 5138. 7022. Conjugium Divinum, quod est Conjugium Divini Boni & Divini Veri, ita Dominus in Cælo, in Quo Solo ibi id Conjugium, n: 3004. 3005. 3009. 4158. 5194. 5502. 6343. 7945. 8339. 9263. 9314. Quod per Jesum etiam significetur Divinum Bonum, & per Christum Divinum Verum, & sic per utrumque Conjugium Divinum in Cælo, n: 3004. 3005. 3009. Quod hoc Conjugium sit in singulis Verbi in Sensu ejus Interno, ita Dominus quoad Divinum Bonum & Divinum Verum, n: 5502. Quod Conjugium boni & veri a Domino in Cælo & in Ecclesia sit quod vocatur Conjugium cœleste, n: 2508. 2618. 2803. 3004. 3211. 3952. 6179. Ita quod in eo respectu Verbum sit quasi Cælum, n: 2173. 10126. Quod Cælum assimiletur Conjugio in Verbo ex Conjugio boni & veri ibi, n: 2758. 3132. 4434. 4834.

Quod Sensus internus sit ipsa genuina Doctrina Ecclesiæ, n: 9025. 9430. 10401. Quod qui intelligunt Verbum secundum Sensum internum, illi sciant ipsam veram Doctrinam Ecclesiæ, quia Sensus internus illam continet, n: 9025. 9430. 10401. Quod Internum Verbi etiam sit Internum Ecclesiæ, ut & Internum Cultus, n: 10460. Quod

Quod Verbum sit Doctrina amoris in Dominum, & charitatis erga proximum, n: 3419. 3420.

Quod Verbum in litera sit sicut Nubes, & quod in Sensu interno sit Gloria, Præfat: ad Genes: Cap: xviii: & n: 5922. 6343; ubi explicatur, *quod Dominus venturus sit in Nubibus Cæli cum Gloria.* Quod etiam Nubes in Verbo significet Verbum in sensu literæ, & Gloria Verbum in Sensu interno, Præf: ad Cap: xviii: Genes: & n: 4060. 4391. 5922. 6343. 6752. 8106. 8781. 9430. 10551. 10574. Quod illa, quæ in Sensu literæ sunt, ad illa quæ in Sensu interno, se habeant sicut projectiones rudes circum Cylindrum opticum politum, ex quibus tamen in Cylindro sistitur pulchra imago hominis, n: 1871. Repræsentati in Mundo spirituali, qui solum Sensum literæ volunt & agnoscunt, per Vetulam deformem, qui autem simul Sensum internum, per Virginem decore amictam, n: 1774. Quod Verbum in toto complexu sit imago Cæli, quia Verbum est Divinum Verum, ac Divinum Verum facit Cælum, & Cælum refert unum Hominem, & quod in eo respectu Verbum sit sicut imago Hominis, n: 187. *Quod Cælum in uno complexu referat unum Hominem*, videatur in Opere DE CÆLO & INFERNO, n: 59 ad 67. *Et quod Divinum Verum procedens a Domino faciat Cælum*, n: 126 ad 140: 200 ad 212. Quod Verbum pulchre & amæne sistatur coram Angelis, n: 1767. 1768. Quod Sensus literæ sit quasi corpus, & quod Sensus Internus sit quasi anima illius corporis, n: 8943. Quod inde Vita Verbo sit ex Sensu interno, n: 1405. 4857. Quod Verbum sit purum in Sensu Interno, & quod ita non appareat in Sensu literæ, n: 2362. 2396. Quod illa, quæ in Sensu literæ sunt, sancta sint ab Internis, n: 10126. 10728.

Quod in Historicis Verbi etiam sit Sensus Internus, sed intus in illis, n: 4989. Ita quod Historica Verbi æque ac Prophetica contineant Arcana cæli, n: 755. 1659. 1709. 2310. 2333. Quod Angeli non Historice percipiant illa, sed dogmatice quia spiritualiter, n: 6884. Quod Arcana interiora, quæ in Historicis sunt, minus pateant homini, quam in Prophetis, causa quia Mens in intentione ac intuitione de Historicis est, n: 2176. 6597.

Porro, qualis Sensus Internus Verbi est, ostensum, n: 1756. 1984. 2004. 2663. 3033. 7089. 10604. 10614. Illustratum per comparationes, n: 1873.

12. *Quod Verbum conscriptum sit per Correspondentias, & sic per Repræsentativa.* Quod Verbum quoad:

Sensum literæ conscriptum sit per meras Correspondentias, ita per talia quæ repræsentant & significant spiritualia, quæ sunt Cœli & Ecclesiæ, n: 1404. 1408. 1409. 1540. 1619. 1659. 1709. 1783. 2179. 2763. 2899. Quod hoc factum sit propter Sensum Internum in singulis, n: 2899. Ita propter Cælum, quoniam illi, qui in Cœlo sunt, Verbum non intelligunt secundum Sensum literæ ejus, qui naturalis, sed secundum Sensum internum; qui spiritualis, n: 2899. Quod Dominus loquutus sit per Correspondentias, Repræsentativa & Significativa, quia a Divino, n: 9409. 9063. 9086. 10126. 10728. Quod Dominus sic loquutus sit coram Mundo & simul coram Cœlo, n: 2533. 4807. 9049. 9063. 9086. Quod illa, quæ Dominus loquutus est, pervaserint totum cælum, n: 4637. Quod Historica Verbi sint Repræsentativa, verba Significativa, n: 1540. 1659. 1709. 1783. 2687. Quod Verbum non alio stylo conscribi potuerit, ut per id communicatio & conjunctio cum Cœlis esset, n: 2899. 6943. 9481. Quod valde errent, qui Verbum propter stylum simplicem & rudem ad apparentiam contemnunt, & qui cogitant quod recepturi Verbum si alio stylo conscriptum fuisset, n: 8783. Quod etiam modus scribendi & stylus Antiquissimis fuerit per Correspondentias, & Repræsentativa, n: 605. 1756. 9942. Quod Sapientes Antiqui delectati sint Verbo, quia ibi Repræsentativa & Significativa, ab experientia, n: 2592. 2593. Si homo Antiquissimæ Ecclesiæ legisset Verbum, quod clare vidisset illa quæ in Sensu interno sunt, & obscure illa quæ in Sensu externo, n: 449. Quod filii Jacobi in terram Canaanem deducti fuerint, quia omnia loca in illa Terra ab Antiquissimis temporibus repræsentativa facta sunt, n: 1585. 3686. 4441. 5136. 6516. Et sic ut Verbum ibi conscriberetur, in quo Loca nominanda erant propter Sensum Internum, n: 3686. 4447. 5136. 6416. Sed quod usque Verbum quoad Sensum Externum immutatum sit propter illam Gentem, non autem quoad Sensum Internum, n: 10453. 10461. 10603. 10604. Plura loca e Verbo de illa Gente allata, quæ tamen intelligenda sunt secundum Sensum Internum, ita aliter quam secundum literam, n: 7051. Quoniam Gens illa repræsentabat Ecclesiam, & quia Verbum apud illam & de illa conscriptum est, quod ideo Divina Cœlestia per Nomina illorum significata sint, ut per Rubenem, Schimeonem, Levi, Jehudam, Ephraïmum, Josephum, & reliquos: & quod per Jehudam in Sensu Interno significetur Dominus quoad Amorem Cœlestem, ac Regnum Cœleste Ipsius, n: 3654. 3881. 3583. 5782. 6362 ad 6382. *Ut sciatur quid sunt & quales sunt Correspondentiæ, & qualia sunt*

sunt Repræsentativa in Verbo, ideo aliquid de illis quoque dicetur.

Quod omnia quæ Correspondent, etiam Repræsentent, & inde significant, sic ut Correspondentiæ & Repræsentationes unum sint, n: 2890. 2897. 2971. 2987. 2989. 2990. 3002. 3225. Quid Correspondentiæ & Repræsentationes, ab experientia & ab exemplis, n: 2703. 2987 ad 3002. 3213 ad 3226. 3337 ad 3352. 3472 ad 3485. 4218 ad 4228. 9280. Quod Scientia Correspondentiarum & Repræsentationum fuerit præcipua Scientia apud Antiquos, n: 3021. 3419. 4280. 4749. 4844. 4964. 4965. 6004. 7729. 10252. Imprimis apud Orientales, n: 5702. 6692. 7097. 7779. 9391. 10252. 10407. Quod in Ægypto præ aliis, n: 5702. 6692. 7097. 7779. 9391. 10407. Quod etiam apud Gentiles, ut in Græcia, & alibi, n: 2762. 7729. Sed quod hodie inter Scientias deperditas sit, imprimis in Europa, n: 2894. 2895. 2994. 3630. 3632. 3747. 3748. 3749. 4581. 4966. 10252. Quod usque illa Scientia præstet omnibus Scientiis, quoniam absque illa non intelligitur Verbum, nec quid significant Ritus Ecclesiæ Judaicæ de quibus in Verbo, nec scitur quale Cælum, nec quid Spirituale, nec quomodo se habet cum Influxu spirituali in naturale, nec quomodo de Influxu animæ in corpus, & plura alia, n: 4180, & *in locis supra citatis*. Quod omnia quæ apud Spiritus & Angelos apparent, sint Repræsentativa secundum correspondentias, n: 1971. 3213 ad 3226. 3457. 3475. 3485. 9481. 9574. 9576. 9577. Quod Cœli sint pleni Repræsentativis, n: 1521. 1532. 1619. Quod Repræsentativa eo pulchriora & perfectiora existant, quo interiorius in cœlis, n: 3475. Quod Repræsentativa ibi sint Apparentiæ reales, quia a Luce Cœli, quæ est Divinum Verum: & hoc est ipsum essentiale existentia omnium, n: 3485.

Causa, quod omnia & singula, quæ in Spirituali Mundo sunt, in Mundo Naturali, repræsententur, est quia Internum se induit convenientibus in Externo, per quæ se visibile sistit & apparet, n: 6275. 6284. 6299. Ita Finis se induit convenientibus, ut se sistat ut Causa in inferiori sphæra, & dein ut se sistat ut Effectus in adhuc inferiore; & cum Finis per Causam fit Effectus, tunc fit visibilis, seu coram oculis apparet, n: 5711. Hæc illustrata per Influxum animæ in corpus, quod nempe anima induatur talibus in corpore, per quæ omnia quæ cogitat & vult, possunt visibiliter sisti & apparere; quare cogitatio cum defluit in corpus, repræsentatur per tales gestus & affectiones, quæ correspondent, n: 2988. Manifeste affectiones, quæ mentis sunt, repræsentantur in facie per varios ejus vultus, adeo ut ibi videantur,

n: 4791 ad 4805. 5695. Inde patet, quod in omnibus & singulis naturæ lateat interius causa & finis e Spirituali Mundo, n: 3562. 5711. Quoniam illa, quæ in Natura sunt, ultimi effectus sunt, quibus insunt priora, n: 4240. 4939. 5051. 6275. 6284. 6299. 9216. Quod Interna sint quæ repræsentantur, & Externa quæ repræsentant, n: 4292. *Quid porro Correspondentiæ & Repræsentationes, videatur in Opere DE CÆLO & INFERNO, ubi actum est de Correspondentia omnium Cæli cum omnibus hominis*, n: 87 ad 102. *De Correspondentia Cæli cum omnibus Telluris*, n: 103 ad 115. *Et de Repræsentativis & Apparentiis in Cælo*, n: 170 ad 176.

Quoniam omnia in Natura Repræsentativa Spiritualium & Cœlestium sunt, quod ideo Antiquis temporibus Ecclesiæ fuerint, in quibus omnia Externa, quæ erant Ritualia, repræsentativa erant; ideo illæ Ecclesiæ dictæ fuerunt Ecclesiæ Repræsentativæ, n: 519. 521. 2896. Quod Ecclesia apud Filios Israelis instituta fuerit Ecclesia Repræsentativa, n: 1003. 2179. 10149. Quod omnia Ritualia ibi fuerint Externa, quæ repræsentaverunt Interna, quæ Cæli & Ecclesiæ sunt, n: 4288. 4874. Quod Repræsentativa Ecclesiæ & Cultus cessaverint, cum Dominus in mundum venit, & se manifestavit, quia Dominus Interna Ecclesiæ aperuit, & quia omnia Ecclesiæ illius in supremo sensu Ipsum spectaverunt, n: 4832.

13. *De Sensu literæ seu Externo Verbi.* Quod Sensus literæ Verbi sit secundum apparentias in mundo, n: 584. 926. 1719. 1720. 1832. 1874. 2242. 2520. 2533. Et ad captum simplicium, n: 2533. 9049. 9063. 9086. Quod Verbum in sensu literæ sit naturale, n: 8783. Ex causa, quia Naturale est ultimum, in quod desinunt spiritualia & cœlestia, & super quo, sicut domus super suo fundamento, subsistunt, & quod alioquin Sensus internus absque Externo foret sicut domus absque fundamento, n: 9360. 9430. 9824. 9433. 10044. 10436. Quod Verbum quia tale sit continens sensus spiritualis & cœlestis, n: 9407. Et quia tale, quod sit sanctum Divinum in sensu literæ quoad omnia & singula ibi, usque ad unamquamque jotham, n: 639. 680. 1319. 1870. 9198. 10321. 10637. Quod Leges pro Filiis Israelis latæ, tametsi abrogatæ, usque sanctum Verbum sint, ob sensum internum in illis, n: 9210. 9259. 9349. Quod Leges, Judicia, & Statuta pro Ecclesia Israelitica seu Judaica, quæ fuit Ecclesia Repræsentativa, sint quæ adhuc in utroque sensu, Externo & Interno valent, sint quæ secundum Sensum externum omnino custodienda sunt, sint quæ possunt esse usui si libet, & sint quæ prorsus

prorsus abrogata, de quibus, n : 9349. Quod Verbum Divinum fit etiam quoad illa quæ abrogata sunt, propter cœlestia quæ in sensu interno eorum latent, n : 10637.

Quale Verbum est in sensu literæ, si non intelligitur simul quoad Sensum internum, seu quod idem, secundum veram doctrinam e Verbo, n : 10402. Quod ex Sensu literæ absque Sensu Interno, seu absque genuina Doctrina ex Verbo, hæreses immenso numero scaturiant, n : 10401. Quod illi, qui in Externis absque Internis sunt, non sustineant interiora Verbi, n : 10694. Quod Judæi tales fuerint, & quoque hodie sint, n : 301. 302. 303. 3479. 4429. 4433. 4680. 4844. 4847. 10396. 10401. 10407. 10695. 10701. 10707.

14. *Quod Dominus sit Verbum.* Quod in Sensu intimo Verbi agatur unice de Domino, ac describantur omnes status Glorificationis Humani Ipsius, hoc est, Unionis cum Ipso Divino, & quoque omnes status subjugationis Infernorum, & ordinationis omnium ibi, & in Cœlis, n : 2249. 7014. Ita quod in illo Sensu describatur omnis vita Domini in Mundo, & quod per id præsentia Domini continua sit apud Angelos, n : 2523. Proinde quod Solus Dominus sit in intimo Verbi, & quod inde Divinum & Sanctum Verbi sit, n : 1873. 9357. Quod Dominus dixerit, quod impleta sit Scriptura de Ipso, significet quod omnia quæ in Sensu intimo, n : 7933.

Quod Verbum significet Divinum Verum, n : 4692. 5075. 9987. Quod Dominus sit Verbum, quia est Divinum Verum, n : 2533. Quod Dominus sit Verbum, etiam quia Verbum est ab Ipso, & de Ipso, n : 2859. Ac de Solo Domino in Sensu intimo, ita Ipse Dominus ibi, n : 1873. 9357. Et quia in omnibus & singulis Verbi est Conjugium Divini Boni ac Divini Veri, quod conjugium est in Solo Domino, n : 3004. 3005. 3009. 4158. 5194. 5502. 6343. 7945. 8339. 9263. 9314. Quod Divinum Verum sit unicum reale, & quod id in quo est, quod est ex Divino, sit unicum substantiale, n : 5272. 6880. 7004. 5200. Et quia Divinum Verum procedens a Domino ut Sole in Cœlo, est Lux ibi, & Divinum Bonum est Calor ibi, & quia ex illis omnia ibi existunt, sicut ex luce & calore omnia in mundo, quæ etiam sunt in suis substantiis & per illas agunt, & quia per Cælum seu Mundum spiritualem existit Mundus naturalis, patet quod omnia quæ creata sunt, ex Divino Vero, ita ex Verbo, creata sint, secundum hæc verba apud Johannem, "*In principio erat Verbum, & Verbum erat apud Deum, & Deus erat Verbum, & per illud omnia facta sunt. quæ facta ;* & VERBUM CARO FACTUM EST, I: 1.

2. 3. 14, n: 2803. 2884. 5272. 7830. Porro de Creatione omnium ex Divino Vero, ita a Domino, videatur in Opere de CÆLO & INFERNO, n: 137; & plenius in Articulo, ubi agitur de Sole in Cælo, quod sit Dominus, & quod sit Divinus Ipsius Amor, n: 116 ad 125. Et quod Divinum Verum sit Lux, & Divinum Bonum sit Calor, ex illo Sole in Cælo, n: 126 ad 140.

Quod conjunctio Domini cum homine sit per Verbum, medio Sensu interno, n: 10375. Quod per omnia & singula Verbi sit conjunctio, & quod inde Verbum sit mirabile præ omni scripto, n: 10632. 10633. 10634. Quod Verbum, postquam conscriptum est, Dominus loquatur per id cum hominibus, n: 10290. Videantur insuper quæ in Opere de CÆLO & INFERNO allata sunt de Conjunctioe Cæli cum homine per Verbum, n: 303 ad 310.

15. *De illis, qui contra Verbum sunt.* De illis qui contemnunt, blasphemant, & prophanant Verbum, n: 1878. Quales sunt in altera vita, n: 1761. 9222. Quod referant viscosa sanguinis, n: 5719. Quantum periculi a prophanatione Verbi, n: 571 ad 582. Quantum nocet, si principia falsi, imprimis quæ favent amoris sui & mundi, confirmentur per Verbum, n: 589. Qui in nulla affectione veri propter verum sunt, quod plane rejiciant illa quæ sunt Sensus interni Verbi, & ad illa nauseant, ab experientia a talibus in Mundo spirituum, n: 5702. De quibusdam in altera vita, qui prorsus rejicere conati sunt interiora Verbi, quod rationalitate orbatu sint, n: 1879.

16. *Libri Verbi quinam.* Quod Libri Verbi sint omnes qui Sensum internum habent; qui autem non habent, quod non sint Verbum. Quod Libri Verbi in Veteri Testamento sint; QUINQUE LIBRI MOSIS; LIBER JOSUÆ; LIBER JUDICUM; DUO LIBRI SAMUELIS; DUO LIBRI REGUM; PSALMI DAVIDIS; Prophetæ, ESAIAS, JEREMIAS, THRENI, EZECHIEL, DANIEL, HOSEAS, JOEL, AMOS, OBADIAS, JONAS, MICHAH, NAHUM, HABAKUK, ZEPHANIAS, HAGGAI, ZACHARIAS, MALACHIAS. In Novo Testamento Quatuor Evangelistæ, MATTHÆUS, MARCUS, LUCAS, JOHANNES; & APOCALYPSIS. Reliqui non Sensum internum habent, n: 10325.

Quod Liber Hiobi sit Liber Antiquus, in quo quidem Sensus internus, sed non in serie, n: 3570. 9942.

17. *Plura de Verbo.* Quod VERBUM in Lingua Hebræa varia significet, nempe Sermonem, Cogitationem mentis, omnem rem quæ realiter existit, tum aliquid, n: 9987. Quod Verbum significet Divinum Verum & Dominum, n: 2533. 4692. 5075. 9987. Quod Verba significant vera, n: 4692. 5075. Quod significant doctrinalia, n: 1288. Quod Decem verba significant omnia Divina Vera, n: 10688.

Quod binæ expressiones unius rei in Verbo imprimis Prophético sint, & quod una se referat ad bonum, & altera ad verum, quæ sic conjunguntur, n: 683. 707. 5516. 8339. Quænam expressio ad bonum se refert & quænam ad verum, quod non sciri queat nisi ex Sensu interno Verbi, quoniam voces propriæ sunt quibus exprimuntur illa quæ boni sunt, & propriæ quibus illa quæ veri, n: 793. 801. Et hoc usque, ut noscatur solum ex prædicatione vocum, num de bono & num de vero agitur, n: 2722. Quod etiam quandoque una expressio involvat commune, & altera determinatum quid a communi, n: 2212. Quod sit species reciprocationis in Verbo, de qua n: 2240. Quod pleraque in Verbo etiam sensum oppositum habeant, n: 4816. Quod Sensus internus prædicabiliter sequatur suum subiectum.

Quod, qui delectati sunt Verbo, in altera vita accipiant calorem cœli, cui inest amor cœlestis, secundum quale & quantum delectationis ex amore, n: 1773.

F I N I S.

D E
T E L L U R I B U S

I N
M U N D O nostro S O L A R I,

Quæ vocantur

P L A N E T Æ:

E T D E
T E L L U R I B U S

I N
C O E L O A S T R I F E R O:

Deque illarum Incolis; tum de Spiritibus &
Angelis ibi;

E X

Auditis & Vifis.

Traduit du Latin par A. P. J. Grenville du fief de l'enfer Tour.

L O N D O N I:

M D C C L V I I I.

THE UNIVERSITY

OF

THE STATE OF NEW YORK

THE LIBRARY

PLANE TABLE

ET AL

THE UNIVERSITY

OF

COLUMBIA ASTORIA

THE LIBRARY OF THE UNIVERSITY OF COLUMBIA

ASTORIA

OF

ASTORIA

ASTORIA

ASTORIA



D E

TELLURIBUS in UNIVERSO. Teste Alm 2: 2

I. **Q**Uoniam ex Divina Domini Misericordia, mihi aperta sunt interiora, quæ spiritus mei sunt; & per id datum est, loqui cum Spiritibus & Angelis, qui non solum prope nostram Tellurem sunt, sed etiam cum illis qui juxta alias, idcirco, quia desiderium mihi fuit scire num aliæ Tellures sint, & quales illæ, & quales Incolæ illarum, a Domino datum est cum Spiritibus & Angelis, qui ex aliis Telluribus sunt, loqui & conversari, cum quibusdam per diem, cum quibusdam per septimanam, & cum quibusdam per menses, & ab illis instrui de Telluribus, ex quibus & juxta quas erant, & de Incolarum ibi vita, moribus & cultu, & de rebus variis memoratu dignis ibi: & quia illa eo modo scire datum est, licet describere illa ex auditis & visis. Sciendum est, quod omnes Spiritus & Angeli ex Humano Genere sint (*a*); & quod juxta suam Tellurem sint (*b*); ac quod sciant quid ibi: & quod ab illis instrui possit homo, cui interiora adeo aperta sunt ut loqui & conversari possit cum illis; homo enim in sua essentia est spiritus (*c*), & una cum spiritibus quoad sua interiora (*d*), quapropter is, cui in-

A 2

teriora

*Ex ARCANIS COELESTIBUS: ubi hæc & sequentia, quæ
sub linea, explicata & ostensa sunt.*

(*a*) Quod non dentur Spiritus & Angeli, qui non ex Humano genere, n: 1880.

(*b*) Quod Spiritus cujusvis Telluris sint juxta suam Tellurem, ex causa quia ex incolis sunt, ac simili cum illis genio; & quod incolis inservituri sint, n: 9968.

(*c*) Quod anima, quæ vivit post mortem, sit spiritus hominis, qui in homine est ipse homo, & quoque apparet in altera vita in perfecta forma humana, n: 322. 1880. 1881. 3633. 4622. 4735. 6054. 6605. 6626. 7021. 10594.

(*d*) Quod homo, etiam cum in mundo est, quoad sua interiora, ita quoad spiritum seu animam, in medio spirituum & angelorum sit, talium qualis ipse est, n: 2378. 3645. 4067. 4073. 4077.

teriora aperiuntur a Domino, cum illis, sicut homo cum homine, loqui potest (e): hoc mihi concessum est nunc per duodecim annos quotidie.

2. Quod plures Tellures sint, & super illis homines, & inde spiritus & angeli, notissimum est in altera vita, nam cuivis ibi, qui ex amore veri & inde usus desiderat, cum spiritibus aliarum Tellurum loqui conceditur, & inde confirmari de pluralitate mundorum, ac informari, quod Genus Humanum non solum ex una Tellure sit, sed ex innumeris; & insuper quali genio & vita sunt; & qualis cultus eorum Divinus.

3. Loquutus sum cum nostræ Telluris Spiritibus aliquoties de ea re, & dictum quod homo, qui intellectu pollet, scire possit ex multis quæ novit, quod plures Tellures sint, & ibi homines; nam ex ratione concludi potest, quod tantæ Moles, quales sunt Planetæ, quarum aliquæ magnitudine excedunt hanc Tellurem, non sint moles vacuæ, & creatæ ut modo ferantur ac spatientur circum Solem, & luceant paucis suo lumine pro una Tellure, sed quod illarum usus insignior, quam talis, oporteat esse. Qui credit, sicut quisque credere debet, quod Divinum non creaverit universum propter alium finem, quam ut Humanum Genus existat, & inde Cælum; nam Genus Humanum est seminarium Cœli; is non potest non credere, quam quod homines sint, ubicunque aliqua Tellus. Quod Planetæ, qui coram oculis nostris visibiles sunt, quia intra terminos Mundi hujus Solis, Tellures sint, manifeste sciri potest ex eo, quod corpora terrestres materiæ sint, quia Solis lumen reflectunt, & inspecti per vitra optica apparent non sicut stellæ rutilæ e flamma, sed sicut terræ ex obscuris variegati: tum ex eo, quod illi, similiter ac nostra Tellus, circum Solem ferantur & progrediantur via Zodiaci, ac inde faciant annos & anni tempora, quæ sunt Ver, Æstas, Autumnus, & Hyems: similiter quod circum axem suum, similiter ac nostra Tellus, rotentur, ac inde faciant dies & diei tempora, nempe Mane, Meridiem, Vesperam & Noctem: ac insuper, quod aliqui eorum habeant Lunas, quæ vocantur Satellites, & circum orbem suum statis temporibus vagantur, sicut Luna circum nostrum; & quod Planeta Saturnus, quia longissime a Sole distat, habeat quoque Cingulum magnum luminosum, quod multam lucem, tametsi reflexam, Telluri isti dat. Quis usquam, qui hæc novit, & ex ratione cogitat, dicere potest, quod hæc inania corpora sint.

4. Insuper cum spiritibus loquutus sum, quod ab homine credi queat, quod in universo sint Tellures plures quam una, ex eo, quod Cælum Astriferum tam immensum sit, ac tot innumerabiles ibi stellæ, quarum unaquævis in suo loco seu in suo mundo est Sol, ac instar nostri Solis, in varia magnitudine: qui rite expendit, is concludit, quod totum illud tam immensum non possit non esse quam medium ad finem, qui ultimus creationis, qui finis est Regnum cœleste, in quo Divinum cum angelis & hominibus habitare potest: univers-

(e) Quod homo loqui possit cum spiritibus & angelis, & quod antiqui in nostra Tellure frequenter cum illis loquuti sint, n: 67. 68. 69. 784. 1634. 1636. 7802. Sed quod hodie periculosum sit loqui cum illis, nisi homo in vera fide sit, & ducatur a Domino, n: 784. 9438. 10751.

universum enim aspectabile, seu Cœlum illustre tot innumerabilibus stellis, quæ sunt totidem Soles, est modo medium ut existant Tellures, & super illis homines, ex quibus Regnum Cœleste. Ex his Rationalis homo non aliter cogitare potest, quam quod tam immensum medium ad tantum finem, non factum sit pro Humano genere & inde Cœlo ex una Tellure; quid hoc foret pro Divino, quod Infinitum, cui parum & vix aliquid essent millia, imo myriades Tellurum, & omnes plenæ incolis.

5. Præterea Cœlum Angelicum tam immensum est, ut correspondeat singulis apud hominem, & myriades cuivis Membro, Organo, & Visceri, & cuivis ejus affectioni; & scire datum est, quod Cœlum illud quoad omnes suas Correspondentias nequaquam existere possit nisi ex Incolis permultarum Tellurum (f).

6. Sunt Spiritus, quorum unicum studium est, sibi acquirere cognitiones, quia illis solis delectantur, illis Spiritibus ideo licet circumvagari, & quoque extra hujus Solis mundum transire in alios, ac sibi cognitiones comparare: hi dixerunt, quod non solum sint Tellures, super quibus homines, in hoc Solari Mundo, sed etiam extra eum in Cœlo Astrifero, immenso numero. Hi Spiritus sunt ex Planeta Mercurii.

7. Quod Cultum Divinum incolarum aliarum Tellurum in genere concernit, illi, qui ibi non idololatræ sunt, omnes agnoscunt Dominum pro Unico Deo; adorant enim Divinum non ut Divinum invisibile, sed ut visibile, ex causa etiam, quia cum Divinum illis apparet, in Humana forma apparet, sicut etiam olim Abrahamo & aliis in hac Tellure (g): & qui Divinum sub Humana forma adorant, illi omnes acceptantur a Domino (h). Dicunt etiam, quod nemo possit rite colere Deum, ac minus Ipsi conjungi, nisi aliqua idea comprehendat Illum, & quod non comprehendere possit nisi in Forma Humana; & si non ita, quod dissipetur visus interior, qui est cogitationis, de Deo, sicut visus oculi cum spectatur universum absque limite; & quod tunc cogitatio non aliter possit quam labi in naturam, & hæc coli pro Deo.


8. Cum

(f) Quod Cœlum correspondeat Domino, & quod homo quoad omnia & singula cœlo, & quod inde Cœlum coram Domino sit in magna effigie Homo, & vocandum Maximus Homo, n. 2996. 2998. 3624 ad 3649. 3636 ad 3643. 3741 ad 3745. 4625. De correspondentia hominis & omnium ejus cum Maximo Homine, qui est Cœlum, in summa, ab experientia, n: 3021. 3624 ad 3649. 3741 ad 3751. 3883 ad 3896. 4039 ad 4051. 4218 ad 4228. 4318 ad 4331. 4403 ad 4421. 4527 ad 4533. 4622 ad 4633. 4652 ad 4660. 4791 ad 4805. 4931 ad 4953. 5050 ad 5061. 5171 ad 5189. 5377 ad 5396. 5552 ad 5573. 5711 ad 5727. 10030.

(g) Quod Incolæ omnium Tellurum adorent Divinum sub Humana Forma, ita Dominum, n: 8541 ad 8547. 10159. 10736. 10737. 10738. Et quod gaudeant, cum audiunt quod Deus actualiter Homo factus sit, n: 9361. Quod de Deo nisi in Humana Forma non cogitari possit, n: 8705. 9359. 9972. Quod homo colere possit & amare de quo aliquam ideam habet, & non de quo nullam, n: 4733. 5110. 5633. 7211. 9267. 10067.

(h) Quod Dominus recipiat omnes qui in bono sunt, & adorant Divinum sub Humana Forma, n: 9359. 7173.

8. Cum dictum est illis, quod Dominus in nostra Tellure assumserit Humanum, pensaverunt aliquantum, & mox dixerunt, quod hoc propter salvationem Generis humani factum sit.



De Tellure seu Planeta MERCURII, & de ejus Spiritibus & Incolis.

9. QUOD universum Cœlum referat Unum Hominem, qui ideo Maximus Homo vocatur, & quod omnia & singula apud hominem, tam ejus exteriora quam interiora, illi Homini seu Cœlo respondeant, est Arcanum nondum in mundo notum, sed quod ita sit, multis ostensum est (f). Sed ad Maximum illum Hominem constituendum, non sufficiunt qui ex nostra Tellure in Cœlum veniunt, sunt hi pauci respective, erunt ex pluribus aliis Telluribus; & providetur a Domino, quod, ut primum deest alicubi quale aut quantum Correspondentiæ, illico ex alia Tellure arceffantur, qui impleant, ut ratio constet, ac ita cœlum consistat.

10. Quid Spiritus e Planeta Mercurii referunt in Maximo Homine, mihi quoque e Cœlo detectum est, quod nempe Memoriam, sed Memoriam rerum abstractarum a terrestribus & mere materialibus. Verum, quia cum illis datum est loqui, & hoc per plures septimanas, & audire quales sunt, & explorare, quomodo cum illis, qui in Tellure illa sunt, se habet, velim ipsas experientias adducere.

11. Venerunt ad me Spiritus, & dictum e Cœlo quod ex Tellure proxima Soli, quæ in nostra tellure Planeta nomine Mercurii vocatur, essent, & statim, ut venerunt, e memoria mea inquisiverunt quæ novi; (hoc Spiritus solertissime possunt facere, cum enim ad hominem veniunt, in memoria ejus vident singula, quæ ibi sunt :) (i) cum inquirerent varia, & inter illa Urbes & loca ubi fueram, animadverti, quod Tempia, Palatia, Domos, plateas, non vellent scire, sed modo illa quæ novi facta in locis illis, tum quæ erant regiminis ibi, quæ geniorum & morum illis qui ibi, & similia; talia enim cum locis cohærent in memoria apud hominem, quapropter cum loca excitantur, etiam subeunt illa. Quod tales essent, miratus sum, quare interrogabam, cur præterirent magnifica locorum, & modo res & facta ibi inquirerent, dicebant quod illis nulla delectatio sit spectare Materialia, Corporea & Terrestria, sed solum Realia: inde confirmatum est, quod illius Telluris spiritus

(i) Quod spiritus intrent in omnia memoriæ hominis, & quod non e sua in hominis, n: 2488. 5863. 6192. 6193. 6198. 6199. 6214: quod angeli in affectiones & fines ex quibus & propter quos homo ita non aliter cogitat, vult & agit, n: 1317. 1645. 5844.

ritus in Maximo Homine referrent memoriam rerum abstractarum a materialibus & terrestribus.

12. Dictum est mihi, quod talis incolarum vita in Tellure illa sit, quod nempe nihil curent terrestria & corporea, sed gentium ibi statuta, leges, regimina; tum quoque quæ coeli sunt, quæ innumerabilia: & quoque dictum, quod plures ex hominibus illius Telluris loquantur cum Spiritibus, & quod inde illis cognitiones rerum spiritualium, & statuum vitæ post mortem; ac inde etiam contemptus corporeorum & terrestrium; qui enim pro certo sciunt, & credunt vitam post mortem, cœlestia illis curæ sunt, quia æterna & felicia, non autem mundana, modo quantum necessitates vitæ requirunt. Quia incolæ tales sunt, ideo etiam spiritus, qui inde, tales sunt (*b*).

13. Quam avide inquirunt & hauriunt cognitiones rerum, quales sunt Memoriarum elevatæ supra sensualia corporis, constare mihi potuit ex eo, quod cum inspicerent in illa, quæ ego sciebam de rebus cœlestibus, percurrerent omnia, & continue dicerent, quod tale sit quod tale sit: cum enim spiritus ad hominem veniunt, intrant in omnem ejus memoriam, & excitant inde sibi convenientia; imo, quod sæpe animadverti, legunt, quæ ibi sunt, quasi e libro (*k*). Hi Spiritus hoc solertius & celerius faciebant, quia non morati sunt circa talia, quæ gravia & lenta sunt, & coarctant & consequenter retardant visum internum, ut sunt omnia terrestria & corporea cum pro fine sunt, hoc est, cum unice amantur; sed intuiti sunt ipsas res; res enim, quibus non adhærent terrestria, ferunt animum sursum, ita in latum campum; mere materialia autem ferunt animum deorsum, limitant & claudunt. Aviditas eorum acquirendi sibi cognitiones & memoriam locupletandi, ex his etiam patuit; quondam cum scriberem aliquid de venturis, & illi essent e longinquo ut non possent inspicere illa e memoria mea, quia illa non legere vellem in præsentia illorum, valde indignati sunt, & volebant contra morem solitum invehere in me, dicentes quod pessimus essem, & similia; utque iracundiam suam indicarent, dextræ parti Capitis mei usque ad aurem inducebant speciem contractionis cum dolore; sed talia nihil nocebant mihi; at quia malum fecerunt, elongabant se adhuc magis, sed usque mox subsistebant, volentes scire quid scripseram: talis illis est cupido cognitionum.

14. Spiritus Mercurii præ reliquis spiritibus cognitiones rerum, tam quæ in hujus Solis mundo, quam quæ extra hunc in Cœlo Astrifero sunt, possident; & quæ semel sibi acquisiverunt, illa retinent, & quoque illorum reminiscuntur, quoties similia occurrunt: inde quoque manifeste constare potest, quod memoria spiritibus sit, & quod illa multo perfectior sit memoria hominum; tum quod quæ spiritus audiunt, vident, & appericiunt, retineant, & maxime talia, quibus delectantur, ut hi spiritus cognitionibus rerum; nam quæ delectationi sunt & amori, ea quasi sponte sua influunt, & remanent; cætera non intrant, sed modo superficiem tangunt, & præterlabuntur.

15. Quum

(*k*) Quod spiritus, qui apud hominem, in possessione omnium ejus memoriarum sunt, n: 5853. 5857. 5859. 5860.

15. Quum Spiritus Mercurii ad alias societates veniunt, ab illis explorant quæ sciunt, quibus exploratis discedunt: datur etiam talis communicatio inter spiritus, imprimis inter Angelos, ut cum in societate sunt, si accepti sunt & amati, communicentur omnia quæ norunt (1).

16. Ex cognitionibus suis sunt spiritus Mercurii præ aliis fastuosi; quare illis dictum est, quod, licet in numerâ sciunt, usque tamen infinita sint quæ non sciunt; & si cognitiones apud illos in æternum auferentur, quod ne quidem in notitiâ omnium communium venire queant: quod illis fastus & elatio animi, dictum est, & quod hoc non deceat; sed responderunt, quod non fastus sit, sed modo gloriatio ex memoriæ suæ facultate: ita possunt nævos suos exsculpare.

17. Loquela vocum, quia illa materialis est, aversantur, quare cum illis, cum absque spiritibus intermediis, non aliter quam per speciem cogitationis activæ loqui potui. Memoria illorum, quia est rerum, non imaginum purè materialium, propius subministrat cogitationi objecta sua; cogitatio enim, quæ supra imaginationem est, requirit pro objectis res a materialibus abstractas: sed tametsi ita est, usque tamen spiritus Mercurii parum facultate judicii pollent; rebus, quæ judicii sunt, ac conclusionum ex cognitionibus, non delectantur; sunt enim nudæ cognitiones illis delectationi.

18. Dicebatur illis, annon ex cognitionibus suis aliquem usum facere vellet, nam delectari cognitionibus non satis est, quia cognitiones spectant usus, & usus erunt fines; ex solis cognitionibus non illis est usus, sed aliis cum quibus cognitiones suas communicare velint, & quod nequaquam conveniat homini, qui sapiens vult esse, in solis cognitionibus subsistere, quia hæ sunt modo causæ administræ inservituræ indagandis rebus quæ vitæ erunt: sed responderunt, quod delectentur cognitionibus, & quod cognitiones illis usus sint.

19. Quidam etiam ex illis non volunt apparere ut homines, sicut spiritus aliarum Tellurum, sed ut globi ChrySTALLINI; quod ita apparere velint, tametsi non apparent, est quia cognitiones rerum immaterialium repræsentantur in altera vita per ChrySTALLA.

20. Mercurii spiritus differunt prorsus a spiritibus nostræ telluris, nam spiritus nostræ telluris res non ita curant, sed mundana, corporea & terrestria, quæ sunt materialia; quapropter Mercurii spiritus cum nostræ telluris spiritibus non simul esse possunt, ideo ubicunque hos offendunt, aufugiunt; sphaeræ enim spirituales, quæ ex utrisque exhalantur, sunt pæne contrariæ. Spiritus Mercurii in ore ferunt, quod non spectare velint vaginam, sed res a vagina sua nudatas, ita interiora.

21. Apparebat flamma satis candida flagrans læte, & hoc per aliquantum horæ; flamma illa significabat adventum spirituum Mercurii, qui in pervi-
dendo,

(1) Quod in cœlis detur communicatio omnium bonorum, quoniam amor cœlestis communicat omnia suâ cum aliis; & quod inde illis sapientia & felicitas, n: 549. 550. 1390. 1391. 1399. 10130. 10723.

dendo, cogitando loquendoque promptiores erant prioribus: cum venerunt, illico percurrerant illa quæ in Memoria mea erant, sed quæ observabant, non appercipere potui ob promptitudinem illorum; audiebam subinde dicentes, quod tale sit; ad illa quæ videram in cœlis & in mundo spirituum, dicebant se prius nosse: percipiebam quod multitudo spirituum illis consociatorum esset a tergo paulo ad sinistrum in plano occipitis.

22. Alio tempore vidi multitudinem talium spirituum, sed ad aliqualem distantiam: a me, antrorsum paulo ad dextrum, & inde loquebantur mecum, sed per spiritus intermedios; nam loquela eorum tam cita est sicut cogitatio, quæ in loquelam humanam non cadit, nisi mediantibus aliis spiritibus; & quod miratus sum, loquebantur volumatim, & usque tam prompte & cito: appercipiebatur loquela, quia plurimum simul, ut undulatoria: & quod memorabile, labebatur illa versus sinistrum meum oculum, tametsi illi erant ad dextrum; causa erat, quia sinister oculus correspondet cognitionibus rerum a materialibus abstractarum, ita talibus quæ sunt intelligentiæ, dexter autem oculus talibus quæ sunt sapientiæ (*m*). Simili promptitudine, qua loquebantur, etiam res auditas percipiebant, & de illis judicabant, dicendo hoc ita esse, hoc non ita; iudicium eorum quasi instantaneum est.

23. Erat spiritus ex alia Tellure, qui cum illis dextre loqui potuit, quia prompte & celeriter, sed qui affectabat in sermone elegantiam; momento judicabant de illis quæ is loquebatur, dicendo hoc nimis eleganter; hoc nimis scite; sic ut modo attenderent, num aliquid illis nondum notum ab eo audirent, rejiciendo sic talia quæ inumbrabant, quæ sunt præcipue affectationes elegantiae sermonis & eruditionis, nam illæ ipsas res abscondunt, & loco illarum sistunt voces, quæ sunt formæ rerum materiales; loquens enim in illis animum tenet, ac vult ut voces præ sensu vocum audiantur, inde afficitur alterius auditus plus quam mens.

24. Spiritus Telluris Mercurii non morantur in uno loco, seu intra cætus spirituum unius mundi, sed vagantur per universum; causa est, quia Memoriam rerum referunt, quæ continue locupletabitur; inde illis conceditur circumvagari, & sibi cognitiones ubivis acquirere. Cum ita peregrinantur, si offendunt Spiritus, qui materialia, hoc est, corporea & terrestria amant, eos fugiunt, seque conferunt illuc ubi talia non audiunt. Exinde constare potest, quod animus eorum elevatus sit supra sensualia, & sic quod in lumine interiori sint: hoc quoque dabatur actualiter percipere, cum prope me erant, & mecum loquebantur; animadverti tunc, quod abducerer a sensualibus, usque adeo ut inciperet lumen oculorum meorum hebetari & obscurum fieri.

25. Spiritus Telluris illius vadunt per cohortes & phalanges; & cum congregati

B

(*m*) Quod oculus correspondeat Intellectui, quia Intellectus est visus internus & rerum non materialium, n: 2701. 4410. 4526. 9051. 10569. Quod visus Oculi sinistri correspondeat veris, ita intelligentiæ, & visus oculi dextri bonis veri, ita sapientiæ, n: 4410.

gregati sunt, formant quasi globum; ita a Domino conjunguntur ut unum agant, utque cognitiones cujuslibet communicentur cum omnibus, & cognitiones omnium cum quolibet, sicut fit in cœlo (1). Quod vagentur per universum, ut conquirant rerum cognitiones, constabat mihi etiam ex eo, quod semel, cum a me admodum remoti apparebant, loquerentur inde mecum, & dicerent, quod nunc congregati sint, & vadant extra sphæram hujus mundi in Cœlum stelliferum, ubi sciunt dari tales, qui non curant terrestria & corporea, sed res ab illis elevatas, cum quibus esse volunt. Dicebatur, quod non sciant ipsi quo vadant, sed quod ex Auspicio Divino ferantur illuc, ubi possunt instrui de talibus quæ nondum sciunt, & quæ cum cognitionibus, quas habent, conveniunt: dicebatur etiam, quod nec sciant quomodo inveniunt socios, cum quibus conjunguntur, & quod hoc quoque fiat ex Auspicio Divino.

25. Quia ita per universum vadunt, & inde præ aliis scire possunt de Mundis & Telluribus extra sphæram Mundi nostri Solis, idcirco cum illis etiam de ea re loquutus sum; dicebant quod in Universo perplures essent Tellures, & ibi homines; & quod mirarentur quod aliqui putarent, quos exigui judicii homines vocabant, Cœlum Omnipotentis Dei solummodo constare ex Spiritibus & Angelis qui ex una Tellure veniunt, cum illi tam pauci sunt, ut respectivè ad Omnipotentiam Dei vix aliquid sint, etiam si forent myriades mundorum & myriades tellurum: porro dicebant, quod sciant Tellures in universo ultra aliquot centena millia dari; & tamen quid hoc ad Divinum quod Infinitum.

27. Spiritus Mercurii, cum apud me essent, cum scriberem & explicarem Verbum quoad sensum ejus internum, & perciperent quid scriberem, dicebant quod illa quæ scriberem admodum crassa essent, & quod expressiones pæne omnes sicut materiales apparent; sed respondere dabatur, quod homines nostræ Telluris usque videant hæc quæ scripta sunt, sicut subtilia & elevata, quorum plura non capiunt: addebam quod plures in hac Tellure non sciant, quod Internus homo sit qui agit in Externum, & facit ut hic vivat, persuadeantque sibi ex fallaciis sensuum, quod corpori sit vita, & quod ideo illi, qui mali & infideles sunt, vitam post mortem in dubio ponant: tum quod non vocent spiritum, sed animam, illud hominis quod victurum post mortem corporis; & quod litigent quid anima, & ubinam sedes ejus, credantque, quod ei corpus materiale, tametsi dissipatum in omnes ventos, iterum conjungendum sit, ut homo vivat homo; præter plura similia. Cum hæc audirent Spiritus Mercurii, quærebant an tales possunt Angeli fieri, ad quæ respondere datum est, quod angeli fiant qui in bono fidei & charitatis vixerunt, & quod tunc non amplius in externis & materialibus sint, sed in internis & spiritualibus; & cum in illum statum veniunt, quod sint in luce supra illam, in qua sunt spiritus ex Mercurio: ut scirent quod ita esset, dabatur ut Angelus qui in Cœlo e nostra tellure, qui talis fuerat cum vixit in mundo, cum illis loqueretur, de quo in sequentibus.

28. Postea mihi a Spiritibus Mercurii mittebatur charta longa, inæqualis, a pluribus chartis conglutinata, quæ apparebat sicut impressa typis, qualibus in hac Tellure; quævisi num talia haberent apud se, sed dicebant quod non habeant, verum quod sciant tales chartas in nostra Tellure dari; non volebant plura dicere; sed percipiebam quod cogitarent quod cognitiones in nostra Tellure essent super chartis, & non ita in homine, ita subsannando quod chartæ quasi scirent quæ non homo: sed instruebantur quomodo cum hoc se haberet. Post aliquod tempus redierunt, & ad me mittebant aliam chartam etiam sicut typis exaratam, ut erat prior, sed non ita conglutinatam & incomitam, verum decentem & nitidam; dicebant quod informati ulterius essent, quod in hac tellure tales chartæ sint, & inde libri.

29. Ex his quæ nunc dicta sunt, constat manifeste, quod Spiritus, quæ vident & audiunt in altera vita, memoria retineant, & quod illi æque ac cum fuerunt homines in mundo, instrui queant, proinde in illis quæ fidei sunt, & sic perfici: quo interiores spiritus & angeli sunt, eo promptius & plenius hauriunt, & perfectius retinent; & quia hoc in æternum, patet quod illis crescat sapientia continue: apud Mercurii spiritus continue crescit scientia rerum, sed inde non sapientia, quia cognitiones, quæ media sunt, amiant, non autem usus qui fines.

30. Porro, qualis est genius spirituum, qui ex Planeta Mercurio sunt, ex sequentibus adhuc constare potest. Sciendum, quod omnes, quotcunque sunt spiritus & angeli, fuerint homines; humanum enim genus est seminarium cœli; tum quod spiritus tales prorsus sint quoad affectiones & inclinationes, quales fuerunt cum vixerunt homines in mundo; nam unumquemque sequitur vita ejus (*n*): quia ita est, genius hominum cujusvis Telluris, cognosci potest a genio spirituum qui inde sunt.

31. Quia Spiritus Mercurii in Maximo Homine referunt memoriam rerum a materialibus abstractarum, idcirco quando aliquis cum illis de terrestribus, corporeis & mere mundanis loquitur, nolunt prorsus audire; sique audire de illis coguntur, transmutant ea in alia, & plerumque in contraria, ut evitent.

32. Ut pro certo scirem, quod talis eorum genius esset, licuit repræsentare illis prata, novalia, hortos, sylvas, flumina, (repræsentare talia, est imaginative sistere illa coram alio, quæ in altera vita apparent ad vivum) sed illico transmutabant illa, prata & novalia obscurabant, & per repræsentationes implebant anguibus; flumina denigrabant ut aqua non limpida appareret: cum quærerem, cur ita facerent, dicebant, quod non velint cogitare de talibus, sed de realibus, quæ sunt cognitiones rerum a terrestribus abstractarum, imprimis talium quæ existunt in cœlis.

33. Postea repræsentabam illis volucres majores & minores, quales in

B 2

nostra

(*n*) Quod vita sua unumquemvis maneat & sequatur post mortem, n: 4227. 7440. Quod externa vitæ clausa teneantur post mortem, ac interna vitæ aperiantur, n: 4314. 5128. 6495. Quod tunc omnia & singula cogitationis pateant, n: 4633. 5128.

nostra Tellure sunt : nam in altera vita repræsentari possunt talia ad vivum : cum volucres illas repræsentatas viderent, primum volebant illas mutare, sed dein delectabantur illis, & quiescebant ; causa erat, quia volucres significant cognitiones rerum, cujus rei perceptio quoque tunc influebat (*o*) ; ita desisteant ab illis transmutandis, & sic ab ideis memoriæ suæ avertendis. Postea repræsentare licebat coram illis amænissimum Hortum plenum lampadibus & lucernis ; tunc morabantur & detinebantur, ex causa quia lampades cum lucernis significant veritates quæ lucent ex bono (*p*). Inde patuit, quod teneri potuerint in spectandis materialibus, modo simul insinuatur significatio illorum in sensu spirituali ; quæ enim sensus spiritualis sunt, a materialibus non ita abstracta sunt, quoniam sunt horum repræsentativa.

34. Præterea loquutus sum cum illis de Ovis & Agnis, sed talia non volebant audire, quia ea illis percepta sunt ut terrestria : causa erat, quia non intelligebant quid Innocentia, quam Agni significant ; quod apperceptum est ex eo, cum dicerem quod Agni in Cælo repræsentati significant Innocentiam (*q*), tunc dicebant, se non scire quid Innocentia, sed modo scire quoad vocem ; causa est, quia modo cognitionibus, non autem usibus, qui sunt cognitionum fines, afficiuntur, ita nec scire possunt ex perceptione interna, quid Innocentia.

35. Aliqui ex spiritibus Telluris Mercurii ad me veniebant missi ab aliis, ut audirent quid apud me ageretur, quibus unus ex spiritibus nostræ Telluris dicebat, quod diceret suis, ut non aliud quam verum loquerentur, & non, ut solent, interrogantibus opposita objicerent ; nam si aliquis ex nostræ telluris spiritibus ita faceret, plecteretur ; sed tunc respondebat cohors, quæ remota erat, e qua spiritus illi emissi erant, quod, si ideo plecterentur, omnes plecterentur, quoniam aliter facere nequeunt ex continuo usu : dicebant, quod cum loquuntur cum hominibus suæ Telluris, ita quoque faciant ; at hoc non animo fallendi, sed ut inspirent desiderium sciendi ; cum enim opposita objiciunt, & occultant res certo modo, tunc cupido sciendi excitatur, & sic ex studio explorandi illa, memoria perficitur. De eadem re cum illis alia vice quoque loquebar ; & quia sciebam, quod loquerentur cum hominibus suæ telluris, quærebam quomodo incolas suos instruunt ; dicebant quod non instruant illos quomodo se res habet, sed usque insinuant aliquam rei apperceptionem, ut inde cupido explorandi & sciendi alatur & crescat ; nam si responderent ad omnia, periret cupido : addebant quod opposita objiciant etiam ob causam, ut veritas dein melius appareat ; nam omnis veritas apparet ex relatione ad opposita.

36. Pro

(*o*) Quod aves significant rationalia, intellectualia, cogitationes, ideas, cognitiones, n : 40. 745. 776. 778. 866. 988. 993. 5149. 7441. Et hoc cum varietate secundum avium genera & species. n : 3219.

(*p*) Quod lampades cum lucernis significant veritates quæ lucent ex bono, n : 4638. 9548. 9783.

(*q*) Quod Agni in Cælo & in Verbo significant Innocentiam, n : 3994. 7840. 10132.

36. Pro more habent, ut non dicant alicui quæ sciunt, sed usque ab omnibus scire volunt quæ ipsi sciunt : sed cum sua societate communicant omnia, usque adeo, ut quæ unus scit omnes sciant, & quæ omnes quisque ibi (1).

37. Quia Spiritus Mercurii abundant cognitionibus, in aliqua specie fastus sunt ; inde putant, quod tam multa sciunt, ut vix plus sciri possit : sed illis a nostræ Telluris spiritibus dictum est, quod non multa sciunt, sed pauca, & quod illa quæ non sciunt sint infinita respective : quodque illa, quæ non sciunt, ad illa quæ sciunt, sint sicut aquæ maximi Oceani ad aquas pusilli fontis ; tum quod primum limen ad sapientiam, sit scire, agnoscere, & percipere, quod quæ scit tam parum sit ut vix aliquid sit ad illa quæ non scit. Ut scirent quod ita esset, dabatur ut quidem angelicus spiritus cum illis loqueretur, & diceret illis in genere, quid scirent & non scirent, & quod infinita essent quæ non scirent, tum quod in æternum ne quidem communia rerum scire possent : loquebatur ille per ideas angelicas, multo promptius quam illi, & quia detegebat quid scirent, & quid non scirent, stupore perculsi sunt. Postea vidi alium angelum cum illis loquentem, apparuit ille in aliqua altitudine dextrorsum ; erat ille ex nostra Tellure, is enumerabat perplurima quæ non scirent ; & postea loquebatur cum illis per mutationes status, quas dicebant se non intelligere ; tunc illis dicebat, quod unaquævis mutatio status infinita contineat, & quoque unumquodvis minimum ejus. Cum hæc audiverunt, quia fuerunt in fastu propter cognitiones, cæperunt se humiliare : humiliatio repræsentabatur per voluminis eorum demissionem deorsum, (nam apparebat cohors illa tunc sicut volumen, antrorsum versus sinistrum ad distantiam, in plano regionis infra umbilicum) sed volumen apparebat sicut incavatum in medio, & a lateribus elevatum ; reciproca etiam motitatio ibi animadvertēbatur : dicebatur etiam illis, quid id significaret, hoc est, quid cogitarent in sua humiliatione, & quod illi, qui a lateribus elevati apparebant, nondum in aliqua humiliatione essent : & vidi quod separaretur volumen, & quod illi, qui non in humiliatione erant, relegarentur versus suum orbem, reliquis remanentibus.

38. Veniebant spiritus Mercurii ad quendam Spiritum ex nostra Tellure, qui dum vixit in mundo, propter eruditionem famigeratissimus fuit, erat Christianus Wolfius, cupientes ab illo informari de rebus variis ; sed cum perceperunt quod quæ dixit non elevata essent supra sensuality naturalis hominis, quia in loquendo cogitabat de honore, & quod vellet sicut in mundo, (quisque enim sibi similis est in altera vita) compingere in series varia, & ex illis iterum & continue concludere alia, & sic concatenare plura ex talibus, quæ non viderunt aut agnoverunt vera esse, dicendo sic catenas non cohærere in se nec cum conclusis, & vocando illas obscurum auctoritatis, tunc destiterunt interrogare illum, quærendo solum, *quemodo hoc vocatur, quemodo illud*, & quia ad hæc quoque respondebat per ideas materiales, & nullas spirituales, ab illo recesserunt : unusquisque enim in altera vita tantum

spiritualiter seu per ideas spirituales loquitur, quantum in mundo crediderat in Deum, & tantum materialiter, quantum non crediderat. Quia hic datur anſa, licet memorare quomodo in altera vita ſe habet cum Eruditis, qui intelligentiam hauriunt ex propria meditatione accenſa amore ſciendi vera propter vera, ita propter uſus a mundanis abſtractos, & quomodo cum illis, qui ex aliis abſque propria meditatione, ut ſolent qui cupiunt ſcire vera propter ſolam eruditionis famam, & inde honorem aut lucrum in mundo, ita non propter uſus a mundanis abſtractos, licet hic inferere quandam experientiam de talibus. Appercipiebatur ſonorum quoddam penetrans ab infra juxta ſiniſtrum latus uſque ad aurem ſiniſtram: animadverti quod eſſent ſpiritus qui ibi eniti conabantur, at quales eſſent non potui ſcire; quando autem eniſi ſunt, loquebantur mecum, dicentes quod fuerint Logici & Metaphyſici, & quod talibus immerſerint cogitationes ſuas, abſque alio fine quam ut Eruditi audirent, & ſic ad honores & opes venirent, lamentantes quod nunc miſeram vitam agant, ex cauſa quia abſque alio fine hauſerunt illa; & ſic non Rationale ſuum per illa excoluerunt; erat loquela illorum tarda & mute ſonans. Interea loquuti ſunt inter ſe bini ſupra caput meum, & cum quaſitum quinam eſſent, dictum, quod unus illorum eſſet famigeratiſſimus quidam in orbe literato, & dabatur mihi credere quod eſſet Ariſtoteles; alter quinam eſſet, non dicebatur: Ille tunc mittebatur in ſtatum, in quo fuit cum vixit in mundo; quilibet enim in ſtatum ſuæ vitæ, quem habuit in mundo, facile mitti poteſt, quia omnem vitæ ſuæ ſtatum ſecum habet: at, quod miratus, applicabat ſe ad dextram aurem, & ibi loquebatur, ſed rauce at uſque ſane: ex loquelæ ejus ſenſu appercepi, quod is prorſus alio genio eſſet quam Scholaſtici illi qui primum aſcenderunt, quod nempe is ex cogitatione ſua excluſerit illa quæ ſcripſerat, & inde Philoſophica ſua produxerit; ſic ut termini, quos invenit, & quos impoſuit rebus cogitationis, eſſent formulæ vocum quibus deſcripſit interiora; tum quod ex jucundo affectionis & deſiderio ſciendi illa quæ eſſent cogitationis & intellectus ad talia excitatus fuerit; & quod ſequutus obedienter quæ dictaverat ejus ſpiritus; quapropter is ad dextram aurem ſe applicuit, aliter quam affectæ ejus, qui Scholaſtici vocantur, qui non ex cogitatione ad terminos, ſed a terminis ad cogitationes eunt, ita via contraria; & plures illorum nequidem ad cogitationes, ſed ſolum hærent in terminis; quos ſi applicant, eſt ad confirmandum quicquid volunt, & ad imponendum falſis ſpeciem veri ſecundum cupidinem perſuadendi: inde illis Philoſophica ſunt media inſaniendi potius, quam media ſapiendi; & inde illis tenebræ loco lucis. Loquutus ſum dein cum illo de ſcientia analytica, dicens, quod puerulus per dimidium horæ plus philoſophice, analytice & logice loquatur, quam ille potuiſſet per volumen deſcribere, ex cauſa quia omnia cogitationis & inde loquelæ humanæ ſunt analytica, quorum leges ſunt ex mundo ſpiritali; & qui artificialiter ex terminis cogitare vult, quod is non abſimilis ſit ſaltatori, qui vult diſcere ſaltare ex ſcientia motricium fibrarum & muſculorum, in qua ſi hæreret animus ejus cum ſaltat, tunc vix
movere

movere posset pedem; & tamen is absque scientia illa movet omnes fibras motrices sparsas circum universum corpus; & applicate pulmones, diaphragma, latera, brachia, collum, & reliqua, quibus omnibus describendis non sufficerent volumina; & quod similiter se habeat cum illis, qui ex terminis volunt cogitare: hæc Ille approbavit, dicens si illa via discatur cogitare, quod inverso ordine procedatur; addens si quis fatuus esse velit, ita procedat; sed cogitet jugiter de usu, & ex interiori. Dein mihi ostendit, qualem ideam habuerat de Summo Numine, quod nempe sibi repræsentaverit Illum facie humana circum caput cinctum circulo radiofo; & quod nunc sciat, quod Dominus sit Ipse Ille Homo, & quod circulus radiofus sit Divinum ab Ipso, quod non modo influit in Cælum sed etiam in universum, ac disponit & regit illa: addens, qui cælum disponit & regit, etiam disponit & regit universum, quia unum ab altero separari nequit: & quoque dixit, quod crediderit solum Unum Deum, cujus Attributa & Qualitates insigniverant tot Nominibus, quot alii deos coluerunt. Visa mihi est mulier, quæ exporrigebat manum, volens genam mulcere; quod cum miratus sum, dixit, quod, cum in mundo fuit, talis mulier ei sæpe visa sit, quæ quasi mulceret ejus genam, & quod ejus manus pulchra fuisset: spiritus angelici dicebant, quod tales præcis quandoque visæ fuerint, & ab illis vocatæ Pallades; & quod apparuerit ei ex spiritibus, qui, cum homines antiquis temporibus vixerunt, delectati fuerunt ideis & indulserunt cogitationibus, sed absque Philosophia; & quia tales spiritus apud illum fuerunt, & delectati illo quia cogitavit ab interiori, repræsentative talem mulierem stiterunt. Ultinio indicavit, qualem ideam habuerat de Anima seu Spiritu hominis, quem vocabat Pneuma, quod nempe esset inconspicuum vitale, sicut aliquid ætheris; & dixit, quod noverit Spiritum suum victurum post mortem, quoniam esset essentia ejus interior, quæ non potest mori, quia potest cogitare; & quod præterea de eo non clare cogitare potuerit, sed modo obscure, quia aliunde de illo aliquam cognitionem non habuerat quam ex se, & parumper etiam ex antiquis. Præterea Aristoteles est inter sanos spiritus in altera vita, & plures ejus Affectus inter fatuos.

39. Quondam vidi quod nostræ Telluris spiritus essent apud Spiritus telluris Mercurii, & audiavi illos inter se colloquentes, & tunc nostræ Telluris spiritus inter alia interrogabant illos, in quem crederent, respondebant quod crederent in Deum; sed cum quærerent ulterius de Deo in quem crederent, nolebant dicere: quoniam ex more illorum est, ut non directe ad quæstiones respondeant. At tunc Spiritus ex tellure Mercurii vicissim interrogabant Spiritus ex nostra tellure, in quem illi crederent, dicebant hi, quod in Dominum Deum; spiritus Mercurii tunc ajebant, quod perciperent illos in nullum Deum credere, & pro more habere ore dicere quod credant, & tamen utique non credere: (habent spiritus Mercurii exquisitam perceptionem, ex eo quia continue media perceptione explorant quid alii sciunt) spiritus nostræ telluris erant inter illos, qui in mundo confessi sunt fidem ex doctrina Ecclesiæ, sed usque non vixerunt vitam fidei, & qui non vivunt vitam

fidei.

fidei, in altera vita non habent fidem, quia non est in homine (*r*): cum hæc audiverunt, obmutescabant, quia ex apperceptione illis tunc data agnoscebant quod ita esset.

40. 7173.

40. Quidam spiritus sciebant ex cœlo, quod spiritibus Telluris Mercurii quondam promissum fuerit videre Dominum; quare interrogabantur a spiritibus circum me, num recordarentur illius promissi, dicebant, quod recorderentur; sed quod non sciant, an ita promissum sit, ut de eo nihil dubii haberi possit. Cum ita loquebantur inter se, tunc apparuit illis Sol cœli: (Solem cœli, qui est Dominus, non alii vident quam qui in intimo seu tertio cœlo sunt reliqui vident lucem inde) viso Sole dicebant, quod hoc non esset Dominus Deus, quia faciem non videbant. At interea spiritus inter se loquebantur, sed quid loquuti sunt, non audiui. Subito autem tunc iterum apparuit Sol, & in ejus medio Dominus circumcinctus solari circulo; hoc viso, Spiritus Mercurii humiliabant se profunde, & subsidebant. Tunc quoque Dominus ex Sole illo visus est spiritibus hujus telluris, qui, cum homines fuerunt, Ipsum in mundo viderunt, ex quibus unus post alterum fassi sunt, & sic ordine plures, quod Ipse Dominus esset; & hoc fassi sunt coram omni cœtu. Tunc quoque Dominus e Sole visus est Spiritibus Planetæ Jovis, qui manifesta voce dicebant, quod Ipse esset, Quem in Tellure sua, cum apparuit illis Deus universi, viderant (*s*).

41. Quidam, postquam visus est Dominus, deducti sunt versus anteriora dextrorsum, & cum progredierentur dicebant, quod viderent Lucem multo clariorem & puriorem, quam usquam prius viderant, & quod major Lux nusquam videri queat: & tunc erat hic tempus vespæræ: qui id dicebant erant plures (*t*).

42. Sciendum est, quod Sol mundi prorsus non appareat alicui spiritui, nec aliquid lucis inde; lux illius solis est spiritibus & angelis sicut densa caligo:

(*r*) Quod illis qui fidem ex doctrina continentur, & non vivunt vitam fidei, nulla fides sit, n: 3865. 7766. 7778. 7790. 7950. 8094. Et quod interiora eorum contra vera fidei sint, tametsi hoc in mundo nesciunt, n: 7790. 7950.

(*s*) Quod Dominus sit sol cœli, ex quo omnis Lux ibi, n: 1053. 3636. 4060. Et quod Dominus ita appareat illis, qui in Regno cœlesti Ipsius sunt, ubi amor in Ipsum regnat, n: 1521. 1529. 1530. 1531. 1837. 4696. Quod appareat ad mediam altitudinem supra planum oculi dextri, n: 4321. 7078. Quod ideo per solem in Verbo significetur Dominus quoad Divinum amorem, n: 2495. 4060. 7083. Quod sol mundi non appareat spiritibus & angelis, sed loco ejus sicut tenebricosum quid a tergo ex opposito ad Solem cœli seu ad Dominum, n: 9755.

(*t*) Quod Lux magna sit in cœlis, quæ multis gradibus excedit lucem meridianam in terra, n: 1117. 1521. 1533. 1619 ad 1632. 4527. 5400. 8644. Quod omnis Lux in cœlis sit a Domino ut Sole ibi, n: 1053. 1521. 3195. 3341. 3636. 3643. 4415. 9548. 9684. 10809. Quod Divinum Verum procedens ex Divino Bono Divini Amoris Domini appareat in Cœlis ut Lux, & sistat omnem lucem ibi, n: 3195. 3222. 5400. 8644. 9399. 9548. 9684. Quod Lux cœli illuminet Angelorum & visum & intellectum, n: 2776. 3138. Quod cœlum in luce & calore dicatur esse, quod significet in sapientia & in amore, n: 3643. 9399. 9401.

caligo: sol ille solum in perceptione apud spiritus ex illo viso cum fuerunt in mundo, remanet, & sistitur illis in idea sicut caliginosum quid, & hoc a tergo ad insignem distantiam, altitudine paulo supra planum Capitis. Planetæ, qui intra Solis illius mundum sunt, apparent secundum certum situm respective ad solem; Mercurius a tergo paulo versus dextrum; Planeta Veneris ad sinistrum paulo retro; Planeta Martis ad sinistrum antrorsum; Planeta Jovis similiter ad sinistrum antrorsum sed ad majorem distantiam; Planeta Saturni prorsus antrorsum ad insignem distantiam; Luna ad sinistrum satis alte: Satellites etiam ad sinistrum respective ad suum Planetam. Talis est situs Planetarum illorum in ideis spirituum & angelorum: & quoque spiritus apparent juxta suum Planetam, extra illum. Quod autem Spiritus Mercurii in specie attinet, illi non apparent ad certam plagam, nec ad certam distantiam, sed apparent nunc antrorsum, nunc sinistrorsum, nunc paulo ad tergum; causa est, quia licet illis pervagari Universum ad comparandum sibi cognitiones.

43. Apparebant quondam Spiritus Mercurii ad sinistrum in globo, & dein in volumine extendente se in longum; & miratus quo vellent, num ad hanc Tellurem, vel num alio, & mox animadvertēbam, quod flecterent se dextrorsum, & se revolvendo approximarent ad Tellurem seu Planetam Veneris, ad plagam ejus anteriorem; sed cum illuc venirent, dicebant, quod ibi esse nollent, quia mali; quare se circumflectebant ad posteriorem partem illius telluris, & tunc dicebant, quod ibi morari vellent, quia illi, qui ibi, sunt boni. Hoc cum fiebat, sentiebam in Cerebro mutationem insignem, & operationem fortem inde. Exinde concludere dabatur, quod Spiritus Veneris, qui ab illa parte Planetæ sunt, concordarent cum Spiritibus Mercurii, & quod illi referrent Memoriam rerum immaterialium concordantem cum Memoria immaterialium, quam spiritus Mercurii referunt: inde operatio fortior sentita est ab illis cum ibi erant.

44. Desiderabam scire, qua facie & corpore sunt homines in Tellure Mercurii, num similes hominibus in nostra; tunc sistebatur coram oculis meis foemina prorsus similis illis quæ in tellure; illa erat pulchra facie, at minore quam foeminis nostræ telluris; corpore etiam gracilior erat, sed altitudine æquali; capite erat amicta linteo non arte posito, sed usque decenter: sistebatur etiam vir, qui quoque erat corpore graciliore, quam sunt viri nostræ telluris; ille indutus erat veste obscure cærulea, ad corpus stricte aptata, absque plicis & prominentiis hinc inde: dictum quod homines illius telluris tali forma & habitu corporis essent. Sistebantur dein species eorum boum & vaccarum, quæ quidem non multum differebant ab illis in nostra tellure, sed minores erant, & quodammodo accedebant ad speciem cervarum & cervorum.

45. Interrogati etiam sunt de Sole mundi, qualiter ille ex tellure illorum apparet, aiebant quod magnus, & quod major ibi appareat quam ex aliis telluribus; dicebant hoc se scire ex idea aliorum spirituum de sole. Ulterius dicebant, quod temperies illis esset media, nec calida nimis nec frigida;

dicere illis tunc dabatur, quod ita provisum sit illis a Domino, ut non illis nimius calor ex eo quod Tellus illorum propinquior Soli esse quam tellures aliæ, quoniam calor non venit ex propinquitate ad solem, sed ab atmosphæreæ aeræ altitudine & densitate, ut patet a frigore super montibus altis etiam in climatibus calidis; tum quoque quod calor varietur secundum radiorum solis incidentiam rectam & obliquam, ut patet a temporibus hyemis & æstatis in unaquavis regione. Hæc sunt quæ de Spiritibus & Incolis telluris Mercurii datum est scire.

*in Pla-
Jupiter
244.*

De Tellure seu Planeta Jovis, deque ejus Spiritibus & Incolis.

46. **C**UM Spiritibus & Angelis Planetæ Jovis diutius sociare commercium datum est, quam cum Spiritibus & Angelis qui ex reliquis Planetis, quapropter de statu vitæ illorum ac incolarum illius Planetæ plura memorare licet. Quod inde Spiritus illi fuerint, patuit a multis, & quoque dictum e coelo.

47. Ipsa Tellus seu Planeta Jovis non quidem apparet Spiritibus & Angelis; nam nusquam aliquibus ibi apparet aliqua Tellus, sed modo spiritus & angeli qui inde sunt: qui e Planeta Jovis sunt, apparent antrorsum ad sinistram ad aliqualem distantiam, & hoc constanter, vide supra n: 42, ibi quoque est Planeta; sunt spiritus cujusvis telluris juxta suam tellurem, ex causa quia ex incolis sunt, (nam omnis homo post mortem fit spiritus) & quia sic simili genio sunt, & possunt apud incolas esse, & illis inservire.

48. Narrabant, quod in regione Telluris ubi illi vixerunt dum in mundo, magna multitudo hominum esset, quantam Tellus posset nutrire; quodque fertilis esset, & omnibus abundaret; & quod ibi non plus cuperent quam quantum ad necessitates vitæ; & quæ non ad necessitates, nec ad utilitates referrent; & quod inde multitudo hominum tam magna. Dicebant, quod cura illorum maxima esset educatio infantum, & quod illos tenerrime amarent.

49. Porro narrabant, quod ibi distincti sint in gentes, familias & domos, & quod omnes separatim cum suis habitent; quodque conversationes sint inde intra affinitates: tum quod nusquam aliquis alterius bona cupiat; & quod nec in animum veniat aliquid ex alterius bonis concupiscere, minus aliqua arte sibi vindicare, & adhuc minus invadere & diripere; hoc ut facinus contra naturam humanam, ac ut horrendum, reputant. Cum dicere vellem, quod in hac Tellure sint bella, deprædationes, & neces, tunc avertabant se, & avertabantur audire. Quod Antiquissimi in hac Tellure similiter habitaverint, mihi ab angelis dictum est, nempe quod distincti in Gentes, Familias & Domos, & quod omnes tunc contenti suis bonis fuerint; & quod ex bonis aliorum ditescere, ut & dominari ex amore sui prorsus ignotum fuerit: & quod ideo Antiqua tempora, ac imprimis Antiquissima Domino præ

præ sequentibus accepta fuerint: & quia talis status fuit, quod etiam tunc regnaverit Innocentia, & cum illa Sapientia; quod quisque tunc bonum egerit ex bono, ac iustum ex iusto; quid facere bonum & iustum propter honorem sui, aut propter lucrum, quod non sciverint; & quod tunc non loquuti sint nisi verum, & hoc non ita ex vero quam ex bono, hoc est, non ex intellectu separato, sed ex voluntario cum intellectu conjuncto. Talia fuerunt Tempora antiqua; quapropter tunc potuerunt Angeli conversari cum hominibus, ac illorum mentes pæne separatas a corporeis in cælum auferre, imo illas ibi circumducere, & magnifica ibi & felicia monstrare, ut & felicia sua & jucunda cum illis communicare: hæc Tempora etiam Scriptoribus antiquis fuerunt nota, & ab illis appellata Aurea, & quoque Saturnina. Causa, quod illa Tempora talia fuerint, erat, ut dictum, quod vixerint distincti in gentes, ac gentes in familias, & familiæ in domos, ac unaquævis domus per se habitaverit; quodque tunc non alicui in mentem venerit, hæreditatem alterius invadere, ac inde opulentiam sibi & dominium acquirere; longe aberat tunc amor sui & amor mundi; quisque tunc lætus erat ex suo, & non minus ex alterius bono. Sed hæc scena mutata est, & in contrarium versa, succedente tempore, cum animus invasit cupiditas dominandi & multa possidendi; tunc Genus humanum se tutandi causa congregavit in Regna & Imperia; & quia cessaverunt leges charitatis & conscientiæ, quæ inscriptæ cordibus fuerunt, leges ad compescendas violentias ferre necessum fuit, in quibus honores & lucra erant præmia, ac privationes illorum pœnæ. Cum ita status mutatus est, ipsum cælum se removit ab homine, & hoc magis & magis usque ad hæc sæcula, dum non amplius scitur num Cælum & num Infernum sint, imo ab aliquibus negatur quod sint. Hæc dicta sunt, ut per paralelismum illustretur, qualis status illorum est qui in tellure Jovis, ac unde illorum probitas, & quoque sapientia, de qua plura in sequentibus.

50. Per diutinam conversationem cum Spiritibus Telluris Jovis, constabat mihi quod probiores essent spiritibus plurium aliarum Tellurum; allapsus eorum cum veniebant, commoratio & influxus tunc, erat tam lenis & suavis, ut exprimi nequeat; qualitas cujusvis spiritus per influxum, qui est communicatio ejus affectionis, in altera vita se manifestat, probitas per lenitudinem & suavitatem, per lenitudinem quia timet nocere, & per suavitatem quia amat facere bonum: lenitudinem & suavitatem influxus a spiritibus bonis nostræ telluris ab illorum perclare distinguere potui. Dicebant, quando leve aliquod diffidium inter illos existit, quod appareat sicut tenuis radius candidus, qualis solet esse fulguris, vel fasciola in qua stellæ coruscantes & erratiles; sed diffidium inter illos cito refarcitur: stellæ coruscantes & simul erraticæ significant falsum, at stellæ coruscantes & fixæ significant verum, ita illæ diffidium (u).

(u) Quod stellæ in Verbo significent cognitiones boni & veri, ita vera, n: 2495-2849. 4697. Et quod in altera vita Veræ repræsententur per stellæ fixas, falsa autem per stellæ errantes, n: 1128.

51. Præsentiam Spirituum Jovialium non modo cognoscere potui ex al. lapsus & influxus lenitudine & suavitate, sed etiam ex eo quod influerent quam maxime in faciem, & illam disponerent hilarem & ridentem, & id continue dum aderant: dicebant, quod ita disponant facies incolarum telluris suæ, cum ad illos veniunt, volentes sic eis inspirare tranquillitatem & jucunditatem cordis: tranquillitas & jucunditas illa, quæ ab illis mihi inspirabatur, implebat sensibilibiter thoracem & cor; removebantur tunc cupiditates & sollicitudines de futuris, quæ intranquillum & jucundum inducunt, & animum in varios motus excitant. Inde constare mihi potuit, qualis vita Incolarum Telluris Jovis esset; ex spiritibus enim cognoscitur indoles incolarum, nam unusquisque vitam suam secum habet e mundo, ac vivit illam cum sit spiritus. Animadversum est quod illis esset status beatitudinis seu felicitatis adhuc interioris; hoc animadversum est per quod perceptum quod interiora eorum non clausa essent sed aperta ad cælum; quo enim apertiora ad cælum sunt interiora, eo sunt susceptibilia recipiendi Divinum Bonum, & cum illo beatitudinem ac interiorem felicitatem: aliter prorsus apud illos, qui non in ordine cœli vivunt, apud eos interiora clausa sunt, & exteriora aperta ad mundum.

52. Quali facie sunt Incolæ Telluris Jovis, etiam mihi ostensum est: non quod ipsi Incolæ mihi visi sint, sed quod Spiritus in simili facie in qua fuerunt cum in sua Tellure: sed antequam id ostensum est, apparebat unus ex Angelis illorum post nubem candidam, qui dabat veniam: & tunc binæ facies ostensæ sunt; erant sicut facies hominum nostræ Telluris, candidæ, pulchræ; eluxit ex illis sincerum & modestum. Cum spiritus Joviales apud me erant, apparebant mihi facies hominum nostræ Telluris solito minores; quod inde venit, quia ex spiritibus illis influebat idea quam habebant de suis faciebus, quod majores essent; credunt enim, cum vivunt homines in Tellure sua, quod post obitum facies suæ majores futuræ sint, & quoad formam rotundæ; & quia hæc idea illis impressa est, inde quoque illa permanet; & cum fiunt spiritus, apparent sibi majore facie. Quod credant facies suas majores futuras, est quia dicunt faciem non esse corpus, ex causa quia per illam vident, audiunt, ac loquuntur, & sistunt cogitata; & quia sic per illam mens transparet; inde de facie habent ideam sicut de mente in forma: & quia sciunt, quod sapientiores futuri sint post vitam in mundo, ideo mentis formam seu faciem, ampliorem fieri credunt. Credunt etiam quod post obitum percepturi sint ignem, qui calefacturus facies illorum; hoc inde ducunt, quia sapientiores illorum sciunt, quod ignis in spirituali sensu significet amorem, & quod amor sit ignis vitæ, & quod ex hoc igne sit vita angelis (x): etiam qui ex illis in amore cœlesti vixerunt, optato suo potiuntur, &

(x) Quod Ignis in Verbo sit Amor in utroque sensu, n: 934. 4906. 5215. Quod Ignis sacer & cœlestis sit Divinus amor, & omnis affectio quæ illius amoris, n: 934. 6314. 6832. Quod Ignis infernalis sit amor sui & mundi, & omnis concupiscentia quæ illorum amorum, n: 965. 1861. 5071. 6314. 6832. 7575. 10747. Quod amor sit ignis vitæ, & quod ipsa vita actualiter inde sint, n: 4906. 5071. 6032.

& percipiunt calefcere faciem fuam, & tunc interiora mentis illorum amore incenduntur. Propter illam caulam incolæ telluris etiam faciem fuam multum lavant & mundant, & quoque follicite tutantur a folis æftu: habent indumentum factum ex libro feu cortice cærulefcen- te, quo circumcingunt caput, & fic faciem contegunt. De faciebus hominum noſtræ telluris, quas per meos oculos videbant (y), dixerunt, quod non pulchræ eſſent; & quod pulchritudo illis in cute externa, non autem in fibris ab interno conſiſteret; mirati quod aliquorum facies eſſent verrucoſæ & puſtulatæ, aut aliter deformatæ, dicebant quod apud illos nuſquam tales facies appareant: quædam facies uſque arridebant, nempe quæ hilares & ridentes; & quæ circum labra paulum prominebant.

53. Quod facies arriderent quæ circum labra prominebant, erat cauſa, quia plurimum loquelæ eorum fit per faciem, & imprimis per regionem ejus circum labra, & quoque quia nuſquam ſimulant, hoc eſt, aliter loquuntur quam cogitant, idcirco faciem ſuam non cogunt, ſed libere emittunt: aliter apud illos, qui a pueritia didicerunt ſimulare; eorum facies inde contrahitur ab interiori, ne inde aliquid cogitationis eluceat; ab exteriori nec emittitur, ſed tenetur parata ad ſe emittendum & contrahendum, prout calliditas ſuadet. Ex inſpectis fibris labrorum & circum circa illa, veritas poteſt conſtare; ſunt enim fibrarum ſeries ibi multiplices, complicatæ & conſertæ, quæ non ſolum ad manducationem & ad loquelam per voces creatæ ſunt, ſed etiam ad exprimendas animi ideas.

54. Oſtenſum quoque eſt, quomodo cogitationes per faciem ſiſtuntur; affectiones quæ amoris manifeſtantur per vultus & eorum mutationes, & cogitationes in illis per variationes quoad formas interiorum ibi; amplius deſcribi nequeunt. Eſt quoque Incolis telluris Jovis loquela vocum, ſed non ita ſonora ſicut apud nos; adjuvat una loquela alteram, & loquelæ vocum inſinuatur vita per loquelam faciei. Informatus ſum ab angelis, quod omnium prima loquela in unaquavis Tellure fuerit loquela per faciem, & hoc ex binis ibi originibus, a fibris & ab oculis: cauſa quod talis loquela fuerit prima, eſt quia facies formata eſt ad effigiandum illa quæ homo cogitat & quæ vult; inde etiam facies vocata eſt effigies & index animi; tum quia antiquiſſimis ſeu primis temporibus ſincerum fuit, & non aliud cogitavit homo, nec cogitare voluit, quam quod vellet ut eluceret ex facie: ita quoque potuerunt affectiones animi & inde cogitationes ſiſti ad vivum & plene; ſic etiam apparebant ad oculum, ſicut in forma per plura ſimul: quæ loquela tantum ideo excellebat præ loquela vocum, quantum viſus præ auditu, hoc eſt, ſicut eſt videre campum, aut audire & capere illum per voces deſcriptum. Addebant, quod talis loquela conveniret cum loquela angelorum, cum quibus homines illis temporibus etiam communicabant; etiam cum facies loquitur ſeu mens per faciem, eſt loquela angelica apud hominem in
forma

(y) Quod Spiritus & Angeli non videant quæ in mundo hoc ſolari, ſed quod per meos oculos viderint, n: 1881.

forma ultima naturali, non autem cum os loquitur per voces. Quisque etiam comprehendere potest, quod loquela vocum non potuerit esse Antiquissimis, quoniam voces Linguae non sunt immediate infusae, sed inveniendae & applicandae rebus; quod non fieri nisi successu temporis potuit (z). Quamdiu sincerum & rectum fuit apud hominem, tamdiu etiam talis loquela perman- sit; sed ut primum mens aliud cogitare cepit & aliud loqui, quod factum cum homo se cepit amare & non proximum, tunc loquela vocum incrementa cepit, silente vel mentiente facie; inde interna faciei forma mutata est, contraxit se, induruit, & pæne vitae expers cepit fieri, at externa ex igne amoris sui inflammata sicut viva coram oculis hominum videri: nam vitae illud expers quod subest, non apparet coram oculis hominum, sed coram oculis angelorum, quoniam hi vident interiora. Tales sunt facies illorum qui aliud cogitant & aliud loquuntur; simulatio enim, hypocrisis, astus & dolus, quæ hodierna prudentia sunt, talia inducunt. Sed aliter se res habet in altera vita, ibi non licet aliter loqui & aliter cogitare; dissidentia etiam ibi luculenter percipitur in unaquavis voce; & cum percipitur, ejicitur spiritus, in quo talis dissidentia, e consortio, & mulctatur; postea redigitur variis modis ad loquendum sicut cogitat, & ad cogitandum sicut vult, usque ut una ei mens sit, & non divisa; si bonus ut bonum velit, & verum ex bono cogitet & loquatur, & si malus ut malum velit & falsum ex malo cogitet & loquatur; bonus non prius in cœlum elevatur, ac malus nec prius in infernum conjicitur; & hoc ob finem, ut in inferno non sit nisi quam malum ac falsum mali, ac in cœlo non sit nisi quam bonum & verum boni.

55. Porro a Spiritibus, qui ex illa Tellure, informati sum de variis quæ apud incolas ibi, ut de eorum Gressu, de Cibis, & Domiciliis. Quod Gressum eorum concernit, non ambulant erecti, sicut incolæ hujus telluris & plurium aliarum, nec repunt more animalium, sed cum gradiuntur, adjuvant se palmis, & alternis vicibus ad dimidium super pedes elevant, & quoque in gradiendo quovis tertio passu facie spectant ad latus & post se, & tunc etiam paulum inflectunt corpus, quod fit repente; nam apud illos indecorum est ab aliis spectari quam a facie. Cum ita ambulant, semper tenent faciem elevatam, ut apud nos, ut sic spectent etiam cœlum cum terram; non demissam tenent ut spectent terram, hoc vocant damnatum; vilissimi apud illos ita faciunt, qui si non assuescunt elevare faciem, e societate illorum exterminantur. Cum autem sedent, apparent sicut homines nostræ telluris quoad superiorem partem corporis erecti, sed sedent decussatim quoad pedes: sollicite cavent, non modo cum ambulant, sed etiam cum sedent, ne spectentur a tergo, sed a facie: libenter etiam volunt, ut facies suæ videantur, quia inde mens eorum apparet; nam nusquam alienam a mente

(z) Quod Antiquissimis in hac Tellure fuerit loquela per faciem & labia, media aspiratione interna, n: 607. 1118. 7361. Quod similis loquela sit incolis in quibusdam aliis Telluribus, n: 4799. 7359. 8248. 10587. De perfectione & excellentia istius loquelæ, n: 7360. 10587. 10708.

mente faciem ostendunt, quod nec possunt; præsentes sciunt etiam manifeste inde, quo animo erga se sunt, quod nec abscondunt; imprimis num apparens amicum ex sincero sit, vel num ex coacto. Hæc mihi ostensa sunt ab eorum spiritibus, & confirmata ab eorum angelis: inde quoque eorum spiritus videntur non sicut alii erectim ambulare, sed pæne sicut natatores progressum adjuvare manibus, ac per vices circumspicere.

56. Qui in Zonis illorum calidis vivunt, nudi vadunt, usque tamen cum velamine circum lumbos, nec erubescunt nuditatem, nam mentes illorum castæ sunt, nec amant nisi conjuges, & adulteria abhorrent. Maxime mirati sunt, quod Spiritus nostræ Telluris, cum audirent illos ita ambulare, & quoque esse nudos, subsannarent, & cogitarent lascive; & quod prorsus nihil attenderint ad vitam illorum cœlestem, sed modo ad talia: dicebant, quod hoc signum sit, quod corporea & terrestria præ cœlestibus curæ illis sint, & quod indecentia occupent mentes. Dictum est illis, quod nuditas non pudori sit nec scandalo illis qui in castitate & statu innocentiae vivunt, sed quod illis qui in lascivia & impudicitia.

57. Quando Incolæ telluris illius cubant in lecto, convertunt faciem suam antrosum seu in conclave, non autem retrorsum seu ad parietem: hoc mihi spiritus illorum narrabant, & dicebant causam, quod credant se faciem sic ad Dominum vertere, si autem retrorsum quod illam averterent. Tale mihi aliquoties obvenerat, cum essem in lecto, sed unde id non prius sciveram.

58. Delectant se diu comedendo, non ita ex jucundo cibi, quam ex jucundo sermonis tunc. Dum ad mensam sedent, non sedent super sellis aut scamnis, aut elevatis toris gramineis, nec super herba, verum super foliis cujusdam arboris; non dicere volebant cujus arboris folia essent, sed cum plures ex conjectura nominarem, affirmabant tandem cum dicerem folia ficus. Insuper dicebant, quod non præparent cibum secundum gustum, sed imprimis secundum usum; ajebant, quod cibus utilis illis sapidus sit. De hac re inter spiritus sermo factus est, & dictum, quod hoc conveniat homini, nam sic ei cordi est, quod mens sana in corpore sano sit; aliter ac apud illos, apud quod gustus imperat, inde corpus ægrotat, ad minimum intus languet, consequenter etiam mens, nam hæc se gerit secundum statum interiorem partium recipientium quæ sunt corporis, sicut visus & auditus secundum statum oculi & auri; inde infania quod in luxurie & voluptate ponatur omne vitæ jucundum; ex eo etiam obesitas in talibus quæ cogitationis & judicii sunt, & solertia in talibus quæ sunt corporis & mundi; ex hoc fit similitudo hominis cum animali bruto, cum quo etiam tales non incongrue se comparant.

59. Habitacula illorum etiam mihi ostensa sunt; sunt humilia ex ligno, sed intus circumducta libro seu cortice albe cæruleo, ac circumcirca & supra punctata sicut stellulis ad imaginem cœli; nam volunt intus inducere domibus suis instar cœli aspectabilis cum suis sideribus, causa est, quia sidera credunt domicilia Angelorum esse. Habent etiam Tentoria, quæ superne
rotun-

rotundata sunt, ac protensa in longum, etiam intus punctata stellulis in plano cæruleo; in illa se conferunt interdiu, ne ab æstu solis lædantur facies illorum: illorum multa cura est, Tentoria hæc sua formare & mundare: in illis etiam comedunt.

60. Spiritus Joviales cum viderent Equos hujus telluris, apparebant Equi mihi solito minores, tametsi erant satis robusti & alti; hoc fuit ex idea illorum Spirituum de Equis ibi, dicebant, quod etiam apud illos essent similes, at multo majores, sed quod sint feri seu in sylvis, & quod cum visuntur terrificent illos, tametsi nihil nocent; addebant quod pro illis sit timor insitus seu naturalis: inde dabatur occasio cogitandi de causa illius timoris; Equus enim significat in spirituali sensu Intellectuale formatum ex scientificis (aa); & quia timent excolere Intellectuale per scientias e mundo, inde influxus timoris. Quod scientifica, quæ eruditionis humanæ sunt, non curent, videbitur in sequentibus.

61. Spiritus illius Telluris non volunt in consortio esse cum spiritibus nostræ Telluris, quia differunt animis & moribus; dicunt, quod spiritus nostræ Telluris sint astuti, ac ad machinanda mala prompti & ingeniosi: & quod parum sciant & cogitent de bono. Præterea spiritus Telluris Jovis multo sapientiores sunt spiritibus nostræ Telluris; de nostris etiam dicunt, quod multa loquantur & parum cogitent, & sic quod non multa possint interiorius percipere, & ne quidem quid bonum: concludunt inde, quod homines nostræ Telluris, homines externi sint. Quondam etiam permittebatur Spiritibus malis nostræ Telluris agere per artes suas malas, & infestare Spiritus Joviales, qui apud me; hi illos admodum diu sustinebant, sed tandem fassi sunt quod non possent amplius, & quod crederent pejores non dari, nam pervertebant illorum imaginationem, & quoque cogitationem ita, ut sibi viderentur quasi ligati, & non nisi quam ope Divina inde extricandi & liberandi. Cum legerem in Verbo aliqua de Passione Salvatoris nostri, tunc Spiritus Europæi inferebant dira scandala, animo seducendi Spiritus Joviales: inquirebatur quinam essent, & quid in mundo obiverant, & compertum quod quidam eorum fuerint Prædicatores, & plures ex illis qui se ex Societate Domini seu Jesuitas vocant; dicebam, quod illi, cum in mundo vixerunt, tunc per Prædicationes de Passione Domini commovere potuerint vulgus ad lachrymas; addebam etiam causam, quod in mundo aliter cogitaverint & aliter loquuti sint, ita aliud corde gefferint, & aliud ore tulerint, & quod nunc non ita fraudulenter illis liceat loqui; nam cum fiunt spiritus, adiguntur ad loquendum prorsus sicut cogitant. Obstupuerunt Spiritus Jovis maxime, quod tale diffidium interiorum & exteriorum apud hominem dari posset, nempe prorsus aliter loqui & aliter cogitare, quod sibi impossibile esset. Mirabantur, cum audirent, quod plures, qui ex nostra Tellure, etiam Angeli fiant, &

(aa) Quod Equus significet Intellectuale, n: 2760. 2761. 2762. 3217. 5321. 6125. 6400. 6534. 7024. 8146. 8148. Et quod Equus albus in Apocalypsi sit Intellectus Verbi, n. 2760.

& quod illi prorsus alio corde sint; autumabant tunc, quod in nostra Tellure omnes essent illis similes; sed dictum quod multi non tales sint, & quod etiam sint qui ex bono cogitant, & non ex malo sicut illi, & quod qui ex bono, angeli fiant. Ut scirent quod ita esset, ex cœlo ab angelis e nostra Tellure veniebant Chori, unus post alterum, qui simul una voce & cum concentu glorificabant Dominum (*bb*): Chori illi tantopere oblectabant Spiritus Joviales qui apud me, ut viderentur sibi quasi in cœlum rapti: glorificatio illa per choros perstabat per unam horam circiter: delicias illorum, quas inde capiebant, mecum communicatas, sentire dabatur: dicebant quod id dicerent suis qui alibi.

62. Incolæ Telluris Jovis sapientiam ponunt in cogitando bene & juste de rebus quæ in vita obveniunt; sapientiam illam hauriunt a parentibus ab infantia, quæ successive in posteritatem transfertur, & ex amore ejus quia apud parentes crescit. De scientiis, quales in nostra Tellure sunt, prorsus nihil sciunt, nec scire volunt, vocant illas umbras, & comparant nubibus quæ inter solem: ideam hanc de scientiis duxerunt ex aliquibus e nostra Tellure, qui se coram illis venditarunt sapientes ex scientiis. Spiritus e nostra Tellure, qui se ita venditarunt, fuerunt qui sapientiam posuerunt in talibus quæ sunt meræ Memorix, ut in Linguis præcipue Hebræa, Græca, & Latina, in Memorabilibus quæ sunt Orbis literarii, in Criticis, in nudis experimentalibus, inque terminis imprimis Philosophicis, & similibus aliis, nec illis ut mediis ad sapiendum usi sunt, quoniam in illis ipsis sapientiam posuerunt; hi quia per scientias, ut per media, non excoluerunt facultatem suam rationalem, in altera vita parum perceptionis habent, nam solum vident in terminis & ex terminis, ac qui ita vident, sunt illa sicut grumi, ac sicut nubes ante visum intellectualem, vide supra n: 38; & qui fastuosi fuerunt ex eruditione inde, adhuc minus percipiunt; ac qui scientiis usi sunt ut mediis infirmandi & annihilandi illa quæ Ecclesiæ & fidei sunt, illi Intellectuale suum prorsus destruxerunt, ac vident in caligine sicut noctuæ, falsum pro vero & malum pro bono. Spiritus Joviales ex conversatione cum talibus concluderunt, quod scientiæ umbram inducant & occæcent: sed illis dictum est, quod in hac Tellure scientiæ sint media aperiendi visum intellectualem, qui visus est in luce cœli, sed quia regnant talia quæ sunt vitæ mere naturalis ac sensualis, ideo scientiæ illis sunt media insaniendi, nempe confirmandi pro Natura contra Divinum, & pro Mundo contra Cœlum: porro dictum est, quod scientiæ in se sint divitiæ spirituales, & quod ii qui possident illas, sint sicut qui possident divitias mundanas, quæ similiter sunt media usus præstandi sibi, proximo, & patriæ, & quoque media malefaciendi; tum quod sint sicut vestes, quæ pro usu & ornatu inserviunt, & quoque pro fastu, ut apud eos qui ab illis solis volunt honorari. Spiritus Telluris Jovis hæc bene

D

intel-

(*bb*) Quod dicatur Chorus, cum plures spiritus simul & unanimiter loquuntur, de quibus, n: 2595. 2596. 3350: quod in loquela eorum sit concentus, de quo, n: 1648. 1649. Quod per choros in altera vita fiat inauguratio in unanimitem, n: 5182.

intellegerunt; sed mirati sunt, quod, cum homines essent, substiterint in mediis, ac prætulerint talia quæ ad sapientiam ducunt, ipsi sapientiæ; & quod non viderint quod immèrgere illis mentem, & non ultra se elevare, esset inumbrare & occæcare.

63. Quidam spiritus ex inferiore terra ascendens ad me venit, & dixit, quod audiverit illa quæ cum aliis spiritibus loquutus sum, sed quod non aliquid intellexerit quæ dicta sunt de vita spirituali & ejus luce; interrogabatur num de illa instrui vellet, dicebat quod non eo animo venerit; ex quo concludere potui, quod non talia caperet; erat valde stupidus: dicebatur ab Angelis, quod ille, cum in mundo vixit homo, fuerit inter celebratiores propter eruditionem: erat frigidus, quod ab afflatu manifeste sentiebatur; quod signum erat luminis mere naturalis, & nullius spiritualis; ita quod per scientias non aperuerit, sed occluserit sibi viam ad lucem cœli.

64. Quia incolæ Telluris Jovis per aliam viam sibi intelligentiam comparant, quam incolæ nostræ Telluris, & præterea alia indole sunt ex vita, ideo non possunt diu simul esse, sed vel fugiunt illos vel remonent illos. Sunt sphæræ, quæ sphæræ spirituales vocandæ, quæ ex unoquoque spiritu continue emanant, imo exundant; fluunt ex activo affectionum & inde cogitationum, ita ex ipsa vita (cc); consociationes in altera vita omnes fiunt secundum sphæras, quæ concordant conjunguntur secundum concordantiam, quæ discordant remonentur secundum discordantiam. Spiritus & Angeli, qui a Tellure Jovis sunt, referunt in Maximo Homine IMAGINATIVUM COGITATIONIS, & sic statum activum partium interiorum; nostræ autem Telluris spiritus referunt variâs functiones partium exteriorum corporis, quæ cum dominari volunt, activum seu imaginativum cogitationis ab interiori non influere potest: inde oppugnantia inter sphæras vitæ utriusque.

65. Quod cultum eorum Divinum attinet, principale est, quod agnoscant Dominum nostrum pro Supremo, Qui regit Cœlum & Terram, Illum vocant Unicum Dominum; & quia in vita corporis Ipsum agnoscunt & colunt, inde Ipsum quærunt post mortem, ac inveniunt; est idem cum nostro Domino. Interrogati sunt, num sciant quod Unicus Dominus sit Homo, responderunt, quod sciant omnes quod Homo sit, quia in orbe illorum a multis visus est ut Homo; & quod Ille instruat illos de veritate, conservet illos, & quod det vitam æternam illis, qui ex bono colunt Ipsum. Dicebant amplius, quod ab Ipso illis revelatum sit, quomodo vivent, & quomodo credent: & quod id quod revelatum est, a parentibus tradatur liberis, & inde emanet doctrina ad omnes familias, & sic in totam gentem quæ ab uno patre. Addebant, quod videatur illis sicut habeant doctrinam mentibus suis inscriptam; quod concludunt ex eo, quia percipiunt illico & agnoscunt sicut ex se,

(cc) Quod sphæra spiritualis, quæ est sphæra vitæ, effluat & exundet ex unoquoque homine, spiritu, & angelo, & circumstipet illos, n: 4464. 5179. 7454. Quod effluat ex vita affectionis & inde cogitationis eorum, n: 2489. 4464. 6206. Quod in altera vita consociationes fiant secundum sphæras, & quoque dissociationes, n: 6206. 9606. 9607. 10312.

se, num verum sit vel non quod ab alijs de vita cœli apud hominem dicitur. Non sciunt, quod unicus illorum Dominus natus sit Homo in nostra Tellure; dicebant, quod id scire non illis curæ sit, modo quod Ipse Homo sit, & regat universum. Cum dicebam, quod in nostra Tellure nominetur Christus Jesus, & quod Christus significet Unctum seu Regem, & Jesus Salvatorem, dicebant quod Ipsum non colant ut Regem, quia Regium sapit ex mundano; sed quod colant Ipsum ut Salvatorem. Quia e nostræ Telluris spiritibus injiciebatur dubium, num Unicus illorum Dominus esset idem cum nostro Domino, removebant illud per id, quod recordati sint, quod viderint Ipsum in Sole, & quod agnoverint quod Ipse esset quem viderunt in sua Tellure; videatur supra n: 40. Quondam etiam apud Spiritus Jovis, qui apud me, momento influebat dubium, num Unicus illorum Dominus esset idem cum nostro Domino; sed dubium hoc, quod momento influebat, momento etiam dissipabatur; influebat ex aliquibus spiritibus e nostra Tellure; & tunc, quod miratus sum, tanto pudore, solum quod momento de hoc dubitaverint, suffusi sunt, ut dicerent ad me, ne hoc propalarem, ne ideo insimularentur aliqujus incredulitatis; cum tamen nunc illi id sciant præ alijs. Spiritus illi maxime afficiebantur & gavisi sunt, cum audirent dictum, quod Unicus Dominus sit Solus Homo, & quod omnes ab Ipso habeant ut homines dicantur; at quod tantum sint homines, quantum Ipsius imagines sunt, hoc est, quantum amant Ipsum, & amant proximum, ita quantum in bono sunt; nam Bonum amoris & fidei est imago Domini.

66. Erant apud me spiritus Telluris Jovis cum legerem xvii Caput apud Johannem, de Domini Amore & de Ipsius Glorificatione; cumque audiverunt illa quæ ibi, sanctum illos occupabat, & confessi quod omnia ibi essent Divina: at tunc spiritus nostræ Telluris, qui infideles fuerunt, jugiter suggeriebant scandala, dicendo, quod natus infans, vixerit homo, apparuerit sicut alius homo, quod crucifixus, & alia similia: sed spiritus Telluris Jovis ad illa nihil attendebant; dicebant, quod tales sint eorum diaboli, quos abhorrent; addentes, quod prorsus nihil cœleste infideat mentibus illorum, sed modo terrenum, quod vocabant scorias: quod ita sit, dicebant se quoque compertos fuisse ex eo, quod, cum audirent quod in Tellure sua ambularent nudi, illico tunc obscœnum occupaverit cogitationes illorum, & quod prorsus nihil cogitaverint de cœlesti illorum vita, de qua etiam tunc audiverunt.

67. Spiritus Joviales in quam clara perceptione de rebus spiritualibus sunt, constare mihi potuit ex repræsentatione illorum, quomodo Dominus convertit pravæ affectiones in bonas: repræsentabant Mentem intellectualem ut formam pulchram, ac ei indebant activitatem formæ convenientem pro affectionis vita: quod fecerunt modo qui vocibus describi nequit, tam dextre ut collaudati ab angelis. Aderant tunc eruditi ex nostra Tellure, qui intellectualem immerferant terminis scientificorum, & multa scripserunt & cogitaverunt de forma, de substantia, de materiali & immateriali, & de similibus,

ac talia ad nullum usum applicuerunt; hi ne quidem repræsentationem illam comprehendere potuerunt.

68. In Tellure illorum quam maxime cavetur, ne aliquis labatur in pravas opiniones de Unico Domino; & si animadvertunt quod aliqui incipiant de Ipso sinistre cogitare, primum admonent illum, dein per minas, & tandem per pœnas absterrent: dixerunt, quod observaverint, si tale quid irreperit in aliquam familiam, quod illa tollatur e medio, non per pœnas mortis a sodalibus, sed per privationem respirationis & inde vitæ a spiritibus, postquam ii primum mortem illis denuntiaverunt: nam in illa tellure loquuntur spiritus cum illis, & castigant illos si malum fecerunt, & quoque si malum intendunt facere, de qua re in sequentibus; inde si male cogitant de Unico Domino, si non respiscunt, denuntiatur illis mors: hoc modo conservatur ibi Cultus Domini, qui illis est Supremum Divinum.

69. Dicebant, quod non habeant festos dies, sed quod quolibet mane, oriente sole, & qualibet vespera, occidente sole, cultum sanctum Unico Domino in Tentoriis suis faciant; & quod etiam suo modo psallant.

70. Porro instructus sum, quod in illa Tellure etiam sint qui se Sanctos vocant, ac imperant sub pœna famulis, quos multiplicant, ut se dominos appellent; prohibent etiam illis ut adorent Dominum Universi, dicentes quod illi domini mediatores sint, & quod supplicationes eorum ad Dominum: universi allaturi sint. Dominum universi, qui est Dominus noster, non vocant: Unicum Dominum, sicut reliqui, sed Supremum Dominum, ex causa quia etiam illi se dicunt dominos. Vocant illi Solem mundi faciem Supremi Domini, & ibi credunt domicilium Ipsius esse, quapropter etiam Solem adorant. Illos reliqui incolæ averfantur, & cum illis conversari non volunt, tam quia Solem adorant, quam quia dominos se vocant, & a famulis suis coluntur sicut dii mediatores. Ostensum mihi erat a Spiritibus Tegumentum Capitis illorum, quod fuit pileus turritus coloris, obscuri. In altera vita tales apparent ad sinistram in aliqua altitudine, ac ibi sedent sicut idola, & quoque initio a famulis, qui apud tales fuerunt, coluntur; sed postea ab iis quoque derisui habentur. Quod miratus, ibi lucent facie, sicut ab igne, quod trahunt ex eo, quod crediderint se sanctos fuisse; sed tametsi apparent facie sicut ignei, usque sunt frigidi, & impense cupiunt calefieri; inde patet, quod ignis, ex quo lucent, sit ignis amoris sui & fatuus. Idem, ut calefiant, ligna secare sibi videntur, & cum secant, sub lignis apparet quid hominis, quem tunc simul conantur percutere; hoc fit inde, quia sibi tribuunt meritum & sanctitatem; qui hoc faciunt in mundo, in altera vita videntur sibi ligna secare; ut quoque aliqui e nostra Tellure, de quibus alibi actum est; ut res illustretur, licet experientiam de his quoque adducere, "In inferiore terra sub plantis pedum, sunt etiam illi qui meritum posuerunt in beneactis & operibus; plures eorum apparent sibi ligna secare; locus, ubi sunt, est frigidior, & videntur sibi calorem acquirere per laborem suum: cum illis etiam loquutus sum, & illis dicere datum, numne vellent ex loco

“ loco illo exire, dicebant quod adhuc per laborem non meruerint: at cum
 “ status ille peractus est, inde eximuntur; sunt illi naturales, quia velle me-
 “ reri salutem, non est spirituale, venit enim a proprio, non a Domino; &
 “ præterea præferunt se aliis, & quidam eorum contemnunt alios: illi si non
 “ gaudium præ reliquis in altera vita recipiunt, indignantur contra Domi-
 “ num, quapropter cum secant ligna, apparet quasi quid Domini sub lignis;
 “ hoc ex indignatione (*dd*).

71. Commune est in illa Tellure, quod Spiritus loquantur cum incolis, & instruunt eos, & quoque castigant si male egerant; de qua re quia plura mihi ab Angelis eorum relata sunt, velim ordine illa memorare. Quod Spiritus ibi cum hominibus loquantur, est causa quia multum cogitant de cœlo, & de vita post mortem; & quod de vita mundi respective parum solliciti sint; sciunt enim quod victuri cum obeunt, & in statu felici secundum statum Interni sui hominis formatum in mundo. Loqui cum Spiritibus & Angelis etiam commune fuit in hac Tellure antiquis temporibus, ex simili causa, quod nempe cogitaverint de cœlo & parum de mundo: sed communicatio illa viva cum cœlo tempore clausa est, sicut homo ab Interno factus est. Externus, sive quod idem, sicut cogitare cœpit multum de mundo, & parum de cœlo; & magis cum non amplius crederet dari cœlum nec infernum, nec in se esse hominem spiritum qui vivat post mortem: hodie enim creditur, quod corpus vivat ex se, & non ex suo spiritu; quare nisi homo nunc fidem haberet, quod cum corpore resurrecturus esset, nullam de resurrectione fidem haberet.

72. Quod præsentiam spirituum apud incolas Telluris Jovis in specie attingit, sunt spiritus qui castigant, sunt qui instruunt, & sunt qui regunt illos: spiritus qui castigant, applicant se lateri sinistro, & se inclinant versus tergum, & cum ibi, depromunt ex memoria hominis omnia ejus facta & cogitata: hoc enim spiritibus facile est, nam cum ad hominem alluunt, in omnem ejus memoriam veniunt (*i*). Si inveniunt quod male egerit, aut male cogitaverit, redarguunt illum, & quoque castigant dolore artuum, pedum sive manuum, aut dolore circa epigastricam regionem; hoc quoque possunt spiritus dextre quando permittitur; tales cum ad hominem veniunt, incutiunt horrorem cum timore, inde scit homo adventum eorum: incutere timorem possunt mali spiritus cum aliquem adeunt, imprimis illi, qui dum vixerunt in mundo, fuerunt latrones. Ut scirem, quomodo illi spiritus faciunt, cum ad hominem suæ Telluris veniunt, permissum fuit, ut talis spiritus etiam me adiret; quando prope erat, horror cum timore me occupavit manifeste; at non interius sed exterius horruì, quia novi quod talis spiritus esset;

(*dd*) Quod soli Domino Meritum & Justitia, n: 9715. 9975. 9979. 9981. 9982. Qui meritum ponunt in operibus, seu per bona quæ faciunt, volunt mereri cœlum, quod in altera vita velint serviri, & quod nusquam contenti sint, n: 6393. Quod contemnunt proximum, & irascantur Ipsi Domino, si non mercedem recipiunt, n: 9976. Sors illorum in altera vita qualis; n: 942. 1774. 1877. 2027. Quod sint ex illis qui in terra inferiore apparent ligna secare, n: 1110. 4943.

esset; visus etiam est, & apparuit sicut nubes obscura cum stellis mobilibus in nube; stellæ mobiles significant falsitates, at stellæ fixæ veritates (*u*): is se applicuit sinistro meo lateri versus tergum; & quoque incepit me redarguere ex factis & cogitatis, quæ deprompsit ex memoria mea, & quoque sinistra interpretabatur; sed impeditus est ab angelis: cum appercepit quod apud alium quam suæ Telluris hominem esset, cæpit mecum loqui & dicere, quod omnia & singula, quæ homo egit & cogitavit, cum venit ad illum, sciat; tum quod severe redarguat illum, & quoque castiget variis doloribus. Alio tempore etiam venit ad me talis spiritus castigator, & applicuit se lateri meo sinistro infra medium corporis, ut prior, qui etiam voluit punire; sed etiam is arcebatur ab angelis: ostendebat mihi usque punctionum genera, quæ illis permittuntur inferre hominibus suæ Telluris, si male agunt & male agere intendunt; erant, præter dolorem artuum, etiam coarctatio dolorifica circa medium ventrem, quæ sentitur sicut compressio a cingulo acuto; tum etiam erat respirationis sublatio per vices usque ad angustias; & quoque inhibitio ne aliquid præter panem ederent ad tempus; demum denuntiatio mortis, si similia facere non intermitterent, & tunc privatio gaudii ex conjugio, liberis & confociis; dolor inde tunc quoque insinuat.

73. Spiritus autem qui instruunt, applicant se quoque lateri eorum sinistro, sed magis antrorsum, redarguunt etiam, sed leniter, & mox docent quomodo victuri: apparent illi etiam obscuro, at non ut priores sicut nubes, sed sicut faccis induti: hi vocantur Instructores, priores autem Castigatores. Cum Spiritus illi adsunt, etiam Spiritus Angelici adsunt, hi assident capiti, & id peculiari modo implent; percipitur etiam præsentia illorum ibi sicut lenis aspiratio, nam timent ne homo ex illorum allapsu & influxu vel minimum doloris aut anxietatis percipiat: illi regunt spiritus castigatores & instructores, illos ne homini pejus faciant quam permittitur a Domino, hos ut verum dicant. Cum spiritus castigator apud me erat, etiam tunc spiritus angelici aderant, & tenebant faciem meam continue bilarem & ridentem, ac regionem circa labra prominentem, ac os meum paulo apertum; hoc faciunt angeli per influxum facile, cum a Domino permittitur: dicebant quod talem vultum inducant incolis Telluris suæ cum adsunt.

74. Si homo post castigationem & instructionem iterum malum facit, aut malum cogitat facere, & semet non ex præceptis veri inhibet, tunc, cum redit spiritus castigator, severius punitur: sed Angelici Spiritus moderantur punitionem secundum intentionem in factis, & secundum voluntatem in cogitatis. Ex his constare potuit, quod Angeli eorum, qui capiti assident, speciem iudicationis habeant super hominem, quoniam permittunt, moderantur, inhibent, & influunt: sed dictum est, quod illi non iudicent, verum quod Solus Dominus sit Iudex, & quod ab Ipso influant penes illos omnia quæ Spiritibus castigatoribus & instructoribus præcipiunt, & quod id appareat sicut ab illis.

75. Spiritus ibi loquuntur cum homine, non autem vicissim homo cum spiritibus, solum hæc verba quando instruitur, *quod non amplius ita faciet:*

nec

nec licet ei dicere alicui, quod spiritus cum illo loquutus sit, si hoc facit, postea punitur. Putabant Spiritus illi Joviales, cum apud me erant, principio, quod essent apud hominem suæ telluris; sed cum loquerer vicissim cum illis, & quoque quod cogitarem talia velle publico dare, & sic dicere aliis, & quia tunc non licebat illis castigare nec instruere, animadvertabant quod apud alium essent.

76. Sunt bina signa, quæ apparent spiritibus illis, cum apud hominem sunt; vident virum albensis faciei antiquum, hoc signum est, ne aliud dicant quam verum, ac faciant quam justum: vident etiam faciem in fenestra, hoc signum est ut inde discedant. Visus est mihi etiam antiquus ille; & quoque visa facies in fenestra; qua visa spiritus illi statim a me discesserunt.

77. Præter spiritus, de quibus nunc memoratum est, dantur etiam spiritus qui contraria suadent; sunt illi, qui, dum vixerunt in mundo, e societate aliorum exterminati sunt, quia mali: quando alluunt, apparet quasi ignis volans, qui prope faciem delabitur: se locant infra ad posteriora hominis, & inde versus superiora loquuntur. Loquuntur contraria illis, quæ spiritus instructor ab angelis dixit, quod nempe non vivendum secundum instructionem, sed ex arbitrio & in licentia, & similia. Ut plurimum veniunt postquam abiverunt priores spiritus: at homines ibi sciunt, quinam & quales illi spiritus sunt, & ideo nihil curant illos; sed usque ita discunt quid malum, & sic quid bonum; nam per malum discitur quid bonum, quippe quale boni ex suo contrario noscitur; omnis perceptio rei est secundum reflexionem relativam ad discrimina ex contrariis vario modo & vario gradu.

78. Spiritus castigatores & instructores, non adeunt illos qui se vocant sanctos & dominos mediatores, de quibus supra n: 70, sicut alios in illa Tellure, quia non se instrui patiuntur, nec emendantur per disciplinam; sunt inflexibiles, quia ex amore sui id faciunt: spiritus dicebant, quod ex frigore cognoscant quod illi sint, & quod cum appercipiunt frigus, ab illis discedant.

79. Sunt etiam Spiritus inter Joviales, quos caminorum purgatores vocant, quia in veste illis simili apparent & quoque facie fuliginosa; quinam illi sint, & quales, licet etiam describere. Venit quidam talis spiritus ad me, & sollicite petiit ut intercederem pro illo ut venire posset in cælum; dicebat, quod non sciat quod malum egerit, solum quod increpaverit incolas telluris, adjecit quod postquam increpavit, illos instruxerit: applicuit se ad latus meum sinistrum sub ulna, & loquebatur quasi bisfide; is etiam potuit miserationem movere: sed non aliud potui respondere, quam quod nihil opis ferre possim, & quod id unice Domini sit; nec intercedere, quia non scio num utile, vel non; at si dignus, quod posset sperare: tunc remissus est inter spiritus probos qui ex sua tellure; sed ii dicebant, quod non posset esse in eorum confortio, quia non talis; at quia usque ex intenso desiderio flagitabat ut intromitteretur in cælum, missus est in societatem proborum spirituum hujus telluris; verum etiam hi dicebant, quod cum illis non esse posset: erat etiam nigri coloris in luce coeli, verum dixit ipse quod non esset coloris nigri sed murrhini.

murrhini. Dictum mihi, quod tales sint principio, qui dein recipiuntur inter illos qui constituunt provinciam VESICULARUM SEMINALIUM in Maximo Homine seu Cœlo; in Vesiculis enim illis colligitur semen, ac circuminduitur materia conveniente, apta ad conservandum feminis prolificum ne dissipetur, at quæ exui potest in cervice uteri, ut sic quod intus reservatum est inferviat conceptioni, seu impregnationi ovuli; inde quoque est seminali illi materiæ conatus & quasi flagrans desiderium se exuendi, & relinquendi semen ut præstet usum: simile quid etiam apparuit apud illum spiritum: is venit adhuc ad me, in vestitu vili, & dicebat iterum quod arderet venire in cœlum, & quod nunc apperciperet se talem esse ut posset; dicere ei tunc dabatur, quod forte id indicium sit quod brevi recipiatur: dicebatur tunc ei ab angelis, ut rejiceret vestem, is ex desiderio tam cito illam rejiciebat, ut vix aliquid citius: per quod repræsentabatur qualia illorum desideria sunt, qui in provincia, cui Vesiculæ seminales correspondent. Dictum, quod tales, cum præparati ad cœlum, exuantur vestibus suis, ac induantur novis splendentibus, ac fiant angeli. Hos assimilabant vermiculis, qui peracto statu vili mutantur in nymphas & sic in papiliones, quibus tunc datur amictus alius, & quoque dantur alæ coloris cærulei, flavi, argentei aut aurei; & tunc libertas volandi in aere ut in suo cœlo, ac conjugia celebrandi, ponendique ova, & sic prospiciendi propagationi sui generis; ac tunc simul addicantur illis victus dulces & amæni ex succis & odoribus variorum florum.

80. In præcedentibus nondum dictum est, quales sunt Angeli qui ex illa Tellure; qui enim ad homines suæ telluris veniunt & assident capiti, de quibus supra n: 73, non sunt angeli in eorum cœlo interiori, sed sunt spiritus angelici seu angeli in cœlo eorum exteriori; & quia mihi detectum est, quales etiam sunt Angeli illi, licet memorare, quæ de illis quoque scire datum est. Quidam ex spiritibus Jovis, qui timorem incutiunt, appulit ad sinistrum meum latus sub ulna, ac inde loquebatur, sed loquela ejus erat stridens, voces nec erant admodum discretæ ac inter se separatæ, adeo ut diu expectare deberem antequam colligerem sensum, & cum loquebatur, etiam interjiciebat aliquid timoris; monens etiam sic ut ego Angelos, cum veniunt, bene excipiam; sed respondere dabatur, quod hoc meum non sit, sed quod apud me excipiantur omnes sicut ipsi sunt. Mox veniebant Angeli illius telluris, & dabatur percipere ex loquela mecum, quod prorsus differrent ab Angelis nostræ telluris; loquela enim eorum fiebat non per voces, sed per ideas quæ se per interiora mea undequaque diffundebant; & inde quoque influxum habebant in faciem, sic ut facies ad singula concurreret, incipiendo a labiis, & pergendo versus circumferentiam undequaque: ideæ, quæ loco vocum erant, discretæ erant, sed perparum. Postea loquebantur mecum per ideas adhuc minus discretas, adeo ut vix aliquid interstitiale perciperetur; erat in mea perceptione sicut sensus vocum apud illos qui solum ad sensum abstracte a vocibus attendunt; hæc loquela mihi intelligibilior priori erat, & quoque erat plenior: influebat similiter ac prior in faciem; sed influxus erat secundum quale loquelæ magis continuus; verum non incepit ut prior a labiis,

labiis, sed ab oculis. Postea loquebantur adhuc continuius & plenius; & tunc facies non potuit conveniente motione concurrere; sed sentiebatur influxus in Cerebrum, & quod illud tunc similiter ageretur. Ultimo loquebantur ita, ut sermo solum caderet in intellectum interiorem; erat volubilitas ejus sicut auræ tenuis; ipsum influxum sentiebam, sed non distincte singula. Loquelæ hæc genera se habebant sicut fluida, primum genus sicut aqua fluens, altera sicut aqua tenuior; tertium sicut atmosphæra respectivè; & quartum sicut aura tenuis. Spiritus, qui a latere sinistro erat, de quo supra, quandoque interloquebatur, imprimis monens ut cum angelis suis modeste agerem; erant enim spiritus e nostra tellure quæ inferebant talia quæ displicerent: dicebat, quod non intellexerit quid angeli loquebantur, sed quod postea quando admotus auri meæ sinistræ: tunc quoque ei loquela erat non stridens ut prius sed qualis est aliis spiritibus.

81. Postea loquebar cum angelis de memorialibus in nostra Tellure, præcipue de Typis hic, de Verbo, de Doctrinalibus Ecclesiæ ex Verbo variis, & dicebam, quod Verbum & Doctrinalia existent vulgata & sic discantur; mirabantur valde, quod talia vulgari possent per scripta & per typos.

82. Datum est videre, quomodo fit cum Spiritus illius telluris, postquam præparati sunt, auferuntur in cælum, & fiunt angeli: apparent tunc Currus & Equi lucidi sicut ignei, a quibus similiter ac Elias auferuntur: quod currus & equi lucidi sicut ignei appareant, est quia ita repræsentatur, quod instructi & præparati sint ut intrent cælum; quoniam Currus significant doctrinalia Ecclesiæ, & Equi lucidi intellectum illustratum (*ee*).

83. Cælum, in quod auferuntur, apparet a dextro ad tellurem eorum, ita separatum a cælo angelorum nostræ telluris. Angeli, qui in illo cælo, apparent induti cæruleo splendente aureis stellulis punctato; & id ex causa, quia in mundo amaverunt illum colorem, crediderunt etiam eum esse ipsissimum cœlestem, imprimis quia in tali bono amoris sunt, quali ille color correspondet (*ff*).

84. Visum est mihi Calvitium, sed modo suprema ejus pars, quæ ossæ; & dicebatur, quod tale videant illi, qui intra annum morituri sunt, & quod tunc se præparent. Ibi mortem non timent, nisi propter quod relinquunt conjugem, liberos, aut parentes, nam sciunt quod post mortem victuri sint; & quod e vita non abeant quia in cælum; quapropter mori non vocant mori, sed cœlificari. Qui in illa tellure vixerunt in amore vere conjugiali,

E

&

(*ee*) Quod currus significant doctrinalia Ecclesiæ, n: 2760. 5321. 8215. Quod Equi intellectuale, n: 2760. 2761. 2762. 3217. 5321. 6125. 6400. 6534. 7024. 8146. 8148. 8381. Quod Equus albus in Apocalypsi intellectum Verbi, n: 2760. Quod per Eliam in sensu repræsentativo intelligatur Verbum, n: 2762. 5247. Et quia ex Verbo omnis doctrina Ecclesiæ & ejus intellectus, quod Elias dictus sit Currus Israelis & Equites ejus, n: 2762. Quod ideo ille per currum igneum & equos igneos sit sublatus, n: 2762. 8029.

(*ff*) Quod Cæruleum ex rubro seu flammeo correspondeat bono amoris cœlestis; & cæruleum ex albo seu lucido correspondeat bono amoris spiritualis, n: 9868.

& curam liberorum, sicut parentes decet, habuerunt, illi non moriuntur per morbos, sed tranquille sicut in somno; ac ita transmigrant e mundo in cœlum. Ætas hominum ibi ut plurimum est triginta annorum, secundum annos nostræ telluris: causa quod intra spatium temporis tam breve moriantur, est ex Providentia Domini, ne copia hominum ibi crescat ultra numerum quam qui a tellure illa sustentari possit; & quia postquam impleverunt illos annos, non patiuntur se duci per spiritus & angelos, sicut qui nondum impleverunt, quapropter spiritus & angeli raro adultiores adeant; maturescunt etiam citius quam in nostra tellure; etiam in primo flore juventutis sociant conjugia; & tunc illorum delitiæ sunt amare conjugem, & curam liberorum habere; cæteras delicias quidem delicias vocant, sed respective externas.

mete
& de
n. Bern.

De Tellure seu Planeta MARTIS, deque ejus Spiritibus & Incolis.

85. **S**piritus Martis sunt inter Spiritus, qui ex telluribus Mundi hujus Solis sunt, omnium optimi, sunt enim quoad plurem partem ut Cœlestes homines, non absimiles illis qui ab Antiquissima Ecclesia in hac Tellure fuerunt (gg). Quando repræsentantur quales sunt, repræsentantur facie in cœlo & corpore in mundo spirituum; & qui eorum angeli sunt, facie versus Dominum, & corpore in cœlo.

86. Planeta Martis apparet in idea spirituum & angelorum, sicut planetæ alibi, in suo loco constanter, & quidem ad sinistrum antrorsum ad aliquam distantiam in plano pectoris, & sic extra sphæram ubi sunt spiritus nostræ Telluris. Spiritus unius Telluris separati sunt a spiritibus alius telluris, ex causa, quia spiritus cujusvis Telluris referunt aliquam peculiarem provinciam in Maximo Homine (f): ac inde in alio & diverso statu sunt; & diversitas status facit, ut a se mutuo vel ad dextrum vel ad sinistrum, ad distantiam majorem vel minorem, separati appareant (bb).

87. Spiritus inde ad me veniebant, & se applicabant sinistro meo tempori, & ibi me affabant loquela, sed illam non intelligebam; erat quoad fluxum molliuscula; molliorem non prius perceperam, erat sicut molliissima aura; affabat illa primum sinistrum tempus, & sinistram aurem superne; & affatus inde pergebat ad sinistrum oculum, & paulatim ad dextrum, & defluebat dein,

(gg) Quod Prima & Antiquissima Ecclesia in hac Tellure fuerit Ecclesia cœlestis, quæ omnium primaria, de qua, n: 607. 895. 920. 1121. 1122. 1123. 1124. 2896. 4493. 8891. 9942. 10545. Quod Ecclesia cœlestis dicatur, in qua principale est amor in Dominum, Ecclesia autem spiritualis in qua principale est charitas erga proximum & fides, n: 3691. 6435. 9468. 9680. 9683. 9780.

(bb) Quod distantia in altera vita sint apparentiæ reales, quæ a Domino sistuntur videndæ secundum status interiorum Angelorum & Spirituum, n: 5604. 9104. 9440. 10146.

dein, imprimis a sinistro oculo, ad labia; & cum ad labia, intrabat per os, & per viam intra os, & quidem per Tubam Eustachianam, in Cerebrum; cum afflatus illuc pervenit, tunc loquelam eorum intellexi, & loqui datum est cum illis: observabam, cum loquerentur mecum, quod labia apud me moverentur, & parumper etiam lingua, hoc propter correspondentiam loquelæ interioris cum loquela exteriori: exterior loquela est soni articulati labentis versus membranam auris externam, & exinde mediis organulis, membranis & fibris, quæ intus in aure, aufertur in Cerebrum. Ex his scire datum est, quod loquela incolarum Martis diversa esset a loquela incolarum nostræ Telluris, quod nempe non sonora, sed pæne tacita, se in auditum & visum interioriorem per breviorē viam insinuans; & quia talis, quod perfectior esset, plenior ideis cogitationis, ita propius accedens ad loquelam spirituum & angelorum; ipsa etiam loquelæ affectio repræsentatur apud illos in facie, & ejus cogitatio in oculis; nam cogitatio & loquela, tum affectio & facies, apud illos unum agunt; reputant pro nefario aliud cogitare & aliud loqui, ac aliud velle & aliud facie ostendere; non sciunt quid hypocrisis, ac quid simulatio fraudulenta & dolus. Quod talis loquela etiam fuerit Antiquissimis in nostra Tellure, per conversationem cum quibusdam ex illis in altera vita datum est scire; utque hæc res elucidetur, licet referre quæ audita sunt, quæ sunt sequentia, “Ostensum est mihi per influxum, quem “describere non possum, qualis loquela fuerat illis qui ab Antiquissima Ec- “clesia (gē): quod nempe non articulata, sicut loquela vocum nostri tempo- “ris, sed tacita, quæ fiebat non per respirationem externam sed per internam, “ita erat loquela cogitativa; appercipere etiam datum est, qualis illorum “respiratio interna fuit; quod processerit ab umbilico versus cor, & sic per “labia absque sonoro cum loquebantur; & quod non intraverit in alterius “aurem per viam externam, & pulsaverit in quoddam, quod vocatur tym- “panum auris, sed per viam quandam internam, & quidem per quoddam “ibi, quod vocatur hodie Tuba Eustachiana. Ostensum, quod per talem “loquelam multo plenius potuerint exprimere sensa animi & ideas cogita- “tionis, quam usquam fieri potest per sonos articulatos aut voces sonoras, “quæ loquela similiter dirigitur per respirationem, sed externam, nam nulla “vox est, imo nec quicquam in voce, quæ non dirigitur per applicationes “respirationis; sed apud illos multo perfectius, quia per respirationem inter- “nam, quæ quia interior etiam perfectior est, & ipsis ideis cogitationis ap- “plicabilior ac conformior; præter etiam per labiorum motiunculas, & cor- “respondentes faciei mutationes; nam, quoniam Cœlestes homines fuerunt, “quicquid cogitabant, hoc e facie & oculis eorum elucebat, quæ confor- “miter variabantur, facies quoad formam secundum vitam affectionis, & “oculi quoad lucem; nusquam potuerunt alium vultum præferre, quam “secundum illa quæ cogitabant: quia illis loquela fuit per internam respi- “rationem, quæ est ipsius spiritus hominis, ideo cum angelis potuerunt con- “fortium habere & loqui.” Respiratio spirituum Martis etiam mecum

communicata fuit (ii), & perceptum, quod illorum respiratio procederet e regione thoracis versus umbilicum, & inde flueret sursum per pectus cum imperceptibili halitu versus os: ex quibus constare mihi potuit, tum quoque ab aliis experientiae documentis, quod coelesti genio essent, ita quod non essent ab similes illis qui ab Antiquissima Ecclesia in hac Tellure.

88. Instructus sum, quod Martis Spiritus in Maximo Homine referant medium inter Intellectuale & Voluntarium, ita COGITATIONEM EX AFFECTIONE, & qui optimi illorum sunt, AFFECTIONEM COGITATIONIS: inde est, quod facies illorum unum agat cum cogitatione illorum, nec coram aliquo simulare possint. Et quia illud in Maximo Homine referunt, Provincia media, quæ est inter Cerebrum & Cerebellum illis correspondet: nam apud quos Cerebrum & Cerebellum conjuncta sunt quoad operationes spirituales, apud illos facies unum agit cum cogitatione, sic ut e facie ipsa affectio cogitationis eluceat, & ex affectione, aliquibus signis ex oculis quoque prodeuntibus, commune cogitationis: quapropter cum apud me erant, sensibiliter appercepi retractionem anterioris partis capitis versus occiput, ita cerebri versus cerebellum (kk).

89. Quondam cum spiritus Martis apud me essent, & occuparent sphaeram mentis meæ, adveniebant spiritus e nostra Tellure, & se quoque in sphaeram illam infundere volebant: sed tunc spiritus nostræ Telluris facti sunt sicut insani; ex causa, quia prorsus non conveniebant; Spiritus enim nostræ Telluris in Maximo Homine referunt Sensum Externum, inde erant hi in idea versa ad mundum & ad se, spiritus autem Martis in idea versa a se ad cælum & ad proximum; inde erat contrarietas: sed tunc adveniebant Spiritus Angelici Martis, ex quorum adventu communicatio adempta est; & sic Spiritus nostræ Telluris recesserunt.

90. Angelici spiritus loquuti sunt mecum de vita incolarum in Tellure sua, quod non sub imperiis sint, sed quod distincti in societates majores & minores, & quod ibi sibi consociant tales qui conveniunt animis; & quod hoc sciant illico ex facie & loquela; quodque id illos raro fallat; sunt tunc illico amici. Dicebant etiam, quod consociationes illorum sint jucundæ; & quod inter se loquantur de iis rebus quæ in societatibus fiunt; imprimis quæ in cælo, nam plures illorum manifestam communicationem habent cum Angelis cæli. Qui in societatibus illorum incipiunt sinistre cogitare, & inde male velle, illi dissociantur, relinquunt illos sibi solis, unde degunt extra societatem admodum misere, in petris aut alibi, nam illos non amplius curant. Quædam societates variis modis ad resipiscentiam tales cogere tentant; sed cum

(ii) Quod Spiritibus & Angelis respiratio sit, n: 3884. 3885. 3891. 3893..

(kk) Quod facies humanæ in nostra Tellure antiquis temporibus influxum receperint ex Cerebello, & quod tunc facies cum affectionibus interioribus hominis unum egerint; sed quod postea receperint influxum ex Cerebro, quando homo cæpit simulare ac mentiri facie affectiones non suas; de mutationibus faciebus inductis inde successu temporis, n: 4325 ad 4328..

cum hoc incassum fit, ab illis se dissociant. Ita præcavent, ne cupiditas domini & cupiditas lucri irreparent, hoc est, ne aliqui ex cupiditate domini sibi subiciant societatem aliquam, & dein plures alias, & ne aliqui ex cupiditate lucri bona aliis eripiant; quisque ibi suis bonis contentus vivit, & quisque suo honore, quod audiat justus & proximi amans; hoc jucundum & tranquillum animi perituum foret, nisi illi qui male cogitant & male volunt, ejicerentur, & nisi prudenter & severe obviam irent in ipsis initiis amoris sui & amoris mundi; hi enim amores sunt, propter quos Imperia & Regna facta sunt, intra quæ pauci sunt qui non dominari volunt, ac possidere bona aliorum, nam pauci sunt qui justum & æquum ex amore justus & æqui faciunt, minus qui bonum ex ipsa charitate, sed ex timore legis, vitæ, jacturæ lucri, honoris, & famæ propter illa.

91. De cultu habitatorum terræ Divino dicebant, quod Dominum nostrum agnoscant & adorent, dicentes quod Ipse sit Solus Deus, & quod Ipse regat & Cælum & Universum; quodque omne bonum ab Ipso sit, & quod Ipse illos ducat; tum quod apud illos in Tellure sæpius appareat: illis tunc dicere dabatur, quod etiam Christiani in nostra Tellure sciant quod Dominus regat cælum & terram, ex Ipsius Domini verbis apud Matthæum, "*Data est Mibi omnis potestas in Cælo & in Terra,*" xxviii: 18; sed quod id non credant sicut illi qui ex Tellure Martis. Dicebant etiam, quod ibi credant, quod apud illos nihil nisi quam spurcum & infernale sit, & quod omne bonum sit Domini; imo amplius dicebant, quod ex se sint diaboli, & quod Dominus ex inferno illos extrahat, & continue detineat. Quondam, cum nominabatur Dominus, vidi quod spiritus illi humiliarent se tam intime & profunde, ut describi nequeat: in humiliatione enim illis erat cogitatio, quod illi ex se in inferno sint, & quod sic prorsus indigni ut spectent ad Dominum, Qui Ipsum Sanctum est; in illa cogitatione ex fide ita profunde erant, ut essent quasi extra se, inque illa permanserunt super genibus, usque dum Dominus elevarer illos, & tunc quasi extraheret ab inferno; cum sic ex humiliatione emergunt, sunt pleni bono & amore, & inde gaudio cordis. Cum ita se humiliant, non faciem convertunt ad Dominum, hoc enim tunc non audent, sed avertunt. Spiritus qui circum me erant, dicebant quod talem humiliationem nusquam viderint.

92. Mirabantur quidam Spiritus, qui ex illa Tellure, quod circum me essent tot spiritus ex inferno, & quod illi ad me quoque loquerentur; sed respondere datum est, quod hoc illis permittatur, ob causam, ut sciam quales sunt, & cur in inferno sunt, & quod hoc sit secundum vitam eorum: etiam dicere datum est, quod plures inter illos essent, quos cognoveram cum vixerunt in mundo, & quod quidam eorum tunc in magna dignitate constituti fuerint, quibus tunc nihil nisi quam mundus cordi fuit: sed quod nusquam aliquis malus spiritus, etiam maxime infernalis, mihi damnum inferre possit, quia continue tutatus a Domino.

93. Sistebatur mihi Incola telluris illius; non quidem erat incola, sed similis ei; facies ejus erat qualis facies incolarum nostræ telluris, sed regio inferior.

inferior faciei erat nigra, non ex barba, quam non habebat, sed ex nigredine loto ejus: nigredo illa se usque sub aures utrinque extendebat; superior pars faciei erat flavescens, sicut facies incolarum nostræ Telluris, qui non prorsus candidi sunt. Porro dicebant, quod in tellure vescantur fructibus arborum, imprimis fructu quodam rotundo, qui ex terra illorum egerminat; præter etiam leguminibus. Quod vestiantur ibi vestibus, quas ex fibris corticeis quarundam arborum conficiunt, quæ illam consistentiam habent, ut contexi queant, & quoque conglutinari per genus gummi quod apud illos. Narrabant insuper quod ignes fluidos ibi sciant facere, ex quibus lucem temporibus vesperæ & noctis habent.

94. Videbam flammeum quoddam pulcherrimum, erat varii coloris, purpureum, tum ex candido rubescens, colores etiam ex flamma pulchre rutilabant: quandam etiam manum videbam, cui flammeum hoc adhæsit, primum inversæ ejus parti, postea palmæ seu volæ, & inde lambebat manum circumcirca: hoc aliquanto tempore perstitit: dein manus hæc cum flammeo removebatur ad distantiam, & ubi substitit, erat lucidum; in lucido illo recessit manus; & tunc flammeum illud mutabatur in Avem, quæ principio erat similibus coloribus cum flammeo, & colores similiter coruscabant, sed colores illi successive mutati sunt, & cum coloribus vitæ vigor in Ave: volabat circumcirca, & primum circum caput meum, dein antrorsum in angustum quoddam conclave, quod apparebat instar adyti, & sicut volabat antrorsum magis ita vita recessit, & facta est demum lapidea; primum tunc colore margaritico, postea obscuro; sed tametsi absque vita, usque volabat. Cum avis illa volabat circum caput, & adhuc in vitæ vigore erat, visus est spiritus ex inferiori per regionem lumborum ad regionem pectoris assurgens, is inde volebat auferre avem illam; sed quia tam pulchra erat, spiritus, qui circum me, inhibebant, visum enim suum in illa omnes tenebant: sed spiritus ille, qui ex inferiori assurrexit, fortiter illis persuasit, quod apud illum esset Dominus, & sic quod ex Domino id ageret; hoc tametsi plerique non credebant, usque tamen non amplius inhibebant, quin auferret Avem: at quia eo momento influebat cælum, non potuit retinere illam, sed mox remisit e manu liberam. Cum hoc peractum est, Spiritus qui circum me, qui Avem illam & successivas ejus mutationes intense sunt intuiti, de illa inter se loquebantur, & hoc per insigne tempus: percipiebant quod tale visum non potuerit non quam Cœleste quoddam significare; sciebant quod flammeum significet amorem cœlestem & ejus affectiones; quod manus, cui flammeum adhærebat, vitam & ejus potentiam; colorum mutationes, vitæ varietates quoad sapientiam & intelligentiam; simile etiam Avis, sed cum differentia quod flammeum significet amorem cœlestem & quæ illius amoris sunt, & quod Avis significet amorem spirituales & quæ illius amoris sunt; (Amor cœlestis est amor in Dominum, & Amor spiritualis est Charitas erga proximum (gg): & quo mutationes colorum & simul vitæ in Ave, usque dum facta lapidea, significet mutationes successivas vitæ spiritualis quoad intelligentiam: sciebant etiam, quod spiritus, qui ex inferiori per regionem lumborum

borum ad regionem pectoris ascendunt, in forti persuasivo sint, quod in Domino sint, & inde credant, quod omnia quæ faciunt, etiamsi mala, volente Domino faciant. Sed tamen non inde scire potuerunt, quinam per Visum hoc intelligerentur: tandem instructi sunt e cœlo, quod incolæ Martis intellecti sint; quod cœlestis eorum amor, in quo adhuc plures sunt, significatus sit per flammeum quod adhæsit manui; & quod avis in principio, cum in pulchritudine colorum suorum ac in vigore vitæ suæ esset, significaret amorem illorum spirituales: quod autem avis illa facta sit sicut lapidea ac nullius vitæ, & tandem coloris obscuri, quod id significaret incolas, qui a bono amoris se removerunt, ac in malo sunt, & tamen usque credunt quod sint in Domino; simile significatum est per spiritum, qui assurgebat, & auferre volebat avem.

95. Per Avem lapideam etiam repræsentati sunt Incolæ illius telluris, qui vitam Cogitationum & Affectionum suarum peregrino modo transmutant in pæne nullam vitam, de qua re sequentia audiui. Erat quidem Spiritus supra caput meum, qui mecum loquutus est, ex sono appercepiebatur quasi in statu somni esset; in hoc statu loquebatur plura, & hæc tali prudentia ut vigil non prudentius: percipere dabatur, quod subjectum esset per quod Angeli loquerentur, & is in illo statu apperciperet id & produceret (II): non enim loquebatur nisi quod verum erat: si aliunde quid influeret, quidem admittebat, sed non producebat. Interrogavi illum de statu suo, dicebat, quod status ille ei esset status pacificus; & quod esset absque omni sollicitudine de futuris; & quod simul usus præstaret, per quos ei communicatio cum cœlo. Dictum mihi quod tales in Máximo Homine referant *Sinum Longitudinalem*, qui in cerebro inter bina ejus hæmisphæria jacet, & ibi in statu quieto, utcumque tumultuatur cerebrum utrinque. Cum in colloquutione cum hoc Spiritu eram, inferebant se Spiritus versus anteriorem partem Capitis, ubi ille, quem premebant, quare ille ad unum latus secessit, & illis locum dedit. Spiritus advenæ inter se loquebantur, sed nec spiritus circum me intelligebant, nec ego quid loquebantur: instruebar ab angelis, quod essent spiritus ex tellure Martis, qui callebant ita inter se loqui, ut præsentēs spiritus non aliquid intelligerent, nec perciperent: mirabar, quod talis loquela dari posset, quia una loquela est omnibus spiritibus, quæ fluit ex cogitatione, & consistit ex ideis, quæ ut voces audiuntur in spirituali mundo: dicebatur, quod spiritus illi forment certo modo ideas expressas per labia & per faciem, aliis non intelligibiles, & quod eo momento subtrahant arte cogitationes, cavendo imprimis ne aliquid affectionis se manifestet, ex causa, si quid affectionis percipitur, quod tunc cogitatio pateret, cogitatio enim fluit ex affectione & quasi in illa. Instruebar porro, quod incolæ telluris Martis, qui vitam cœlestem in solis cognitionibus, & non in vita amoris, ponunt, talem loquelam

(II) Quod per spiritus a societatibus Spirituum & Angelorum ad alias societates emissos fiant communicationes, & quod spiritus illi emissarii appellentur Subjecta, n. 4403. 5856. 5983. 5985 ad 5989.

loquelam effinxerint, non tamen omnes; & quod illi, cum fiunt spiritus, hoc retineant. Hi sunt, qui in specie per Avem lapideam significati sunt; nam per formationes vultus, & volutiones labiorum, cum remotione affectionum, & subtractione cogitationum ab aliis, sistere loquelam, est loquelam exanimare, & illam facere instar simulachri, & per gradus se quoque similes. Sed tamen putant, quod non intelligantur ab aliis, quid inter se loquuntur, usque tamen Spiritus Angelici omnia & singula, quæ loquuntur percipiunt; causa est, quia ab illis subtrahi cogitatio aliqua non potest. Hoc quoque illis ostendebatur per vivam experientiam; cogitabam de eo, quod spiritus mali nostræ telluris non afficiantur pudore, cum infestant alios; hoc influebat apud me a spiritibus angelicis qui percipiebant illorum loquelam; spiritus illi Martis tunc agnoscebant, quod id esset de quo inter se loquebantur, ac mirati sunt: præterea a Spiritu Angelico detegebantur plura, quæ & loquebantur & quæ cogitabant, utcumque satagebant cogitationes illi subducere. Postea influebant spiritus illi a superiori in faciem meam; influxus sentiebatur instar tenuis pluvie striatæ, quod signum erat, quod non in affectione veri ac boni essent, id enim per striatum repræsentatur: loquebantur tunc mecum manifeste, dicendo, quod incolæ telluris illorum similiter inter se loquuntur. Dicebatur tunc illis, quod hoc malum sit, quia sic obstruunt interna, & ab illis recedunt ad externa, quæ quoque privant sua vita; & imprimis, quia non sincerum est ita loqui; nam qui sinceri sunt, nihil volunt loqui, ne quidem cogitare, nisi tale quod sciant alii, imo si forent omnes, etiam totum cælum; at qui non volunt, ut alii sciant quid loquuntur, illi judicant de aliis, male sentiunt de illis, & bene de se, & tandem ex habitu trahuntur usque illuc, ut male sentiant & loquantur de Ecclesia, de Coelo, imo de Ipso Domino. Dictum, quod illi qui amant cognitiones & non ita vitam secundum illas, in Maximo Homine referant interiorem Membranam Cranii; at illi qui assuescunt loqui absque affectione, & cogitationem attrahere ad se & subtrahere aliis, quod referant Membranam illam, sed osseam factam, quia ab aliqua vita spiritali fit illis nulla vita.

96. Quia per Avem lapideam etiam repræsentati sunt, qui in solis cognitionibus sunt, & in nulla vita amoris, & quia inde nulla illis vita spiritalis, ideo hic appendicis loco licet ostendere, quod illis solis vita spiritalis sit, qui in amore cœlesti sunt, & inde in cognitionibus; & quod amor in se contineat omne cognitivum quod amoris illius est. Sint pro exemplo animalia terræ, & quoque animalia cœli seu Aves, illis est scientia omnium quæ amoris illorum sunt, amores illorum sunt, se nutrire, tute habitare, propagare sobolem, pullos alere, quorundam sibi prospicere pro hyeme; quare est illis omnis scientia requisita; hæc enim amoribus illis inest, & in illos influit ut in ipsa sua receptacula; quæ scientia quibusdam animalibus talis est, ut homo non possit aliter quam obstupescere: scientia illis est connata, & vocatur instinctus, sed est amoris naturalis in quo sunt. Si homo in suo amore esset, qui est Amor in Deum & erga proximum; (hic amor est hominis proprius, per quem distinguitur a bestiis, estque amor cœlestis) tunc homo non

solum foret in omni scientia requisita, sed etiam in omni intelligentia & sapientia, nam hæc in amores illos influerent e cœlo, hoc est, per cœlum a Divino. Sed quia homo non in amores illos nascitur, sed in contrarios, nempe in amores sui & mundi, idcirco non potest aliter quam nasci in omnem ignorantiam & inscitiam; at per media Divina perducitur ad aliquid intelligentiæ & sapientiæ, sed usque non actualiter in aliquid, nisi amores sui & mundi removeantur, & sic aperiatur via pro amore in Deum & erga proximum. Quod amor in Deum & amor erga proximum in se habeant omnem intelligentiam & sapientiam, constare potest ex illis qui in mundo in amoribus illis fuerunt, illi cum post mortem in cœlum veniunt, ibi sciunt & sapiunt talia, quæ nusquam prius noverant; imo cogitant & loquuntur ibi ut reliqui angeli, quæ talia sunt, quæ nusquam auris audivit, nec mens scivit, quæ ineffabilia sunt: causa est, quia amores illi facultatem recipiendi talia in se habent.

De Tellure feu Planeta SATURNI, deque ejus Spiritibus & Incolis.

*De la
nate
Gem.*

97. **S**piritus ex illa Tellure, ubi ipsa Tellus, apparent antrorsum ad insignem distantiam, inferius in plano genuum: & cum aperitur illuc oculus, in conspectum venit multitudo spirituum, qui omnes sunt ex illa Tellure: conspiciuntur ab hac Telluris illius parte, & ad dextrum ejus. Datum est quoque cum illis loqui, & inde cognoscere, quales sunt respective ad alios: sunt probi, & sunt modesti; & quia se parvos æstimant, ideo quoque in altera vita apparent parvi.

98. In cultu sunt perquam humiles, nam in illo se pro nihilo æstimant. Colunt Dominum nostrum, & Ipsum pro unico Deo agnoscunt: Dominus etiam apparet quandoque illis sub forma Angelica, & sic ut Homo, & tunc Divinum elucet ex facie, & afficit animum. Incolæ etiam, cum ad ætatem perveniunt, loquuntur cum Spiritibus, a quibus instruuntur de Domino, & quomodo colendus, tum quomodo vivendum. Quando aliqui volunt spiritus, qui inde, seducere, & a fide in Dominum abstrahere, aut ab humilia-tione erga Ipsum, & a probitate vitæ, dicunt se mori velle; apparent tunc in manibus illorum parvi cultri, per quos pectora sua percutere velle videntur: cum interrogantur cur ita faciunt, dicunt quod potius mori velint, quam abduci a Domino: spiritus nostræ Telluris quandoque irrident illos propterea, & infestant probris quod ita faciant; sed tunc respondent, se probe scire quod semet non interimant, sed quod hoc solum apparentia sit effluens ex voluntate animi eorum, quod potius mori velint, quam abstrahi a cultu Domini.

99. Dicebant, quod aliquoties ad illos veniant spiritus a nostra Tellure, qui eos quærunt, quem Deum colunt, quibus respondent, quod insaniant, &

quod major infania non possit esse quam quærere quem Deum aliquis colit, cum tamen est unicus Deus omnibus in universo, & quod adhuc magis insaniant in eo, quod non dicant Dominum esse Unicum illum Deum; & quod is regat universum cœlum, & inde universum mundum; nam qui regit cœlum, etiam regit mundum, quia mundus regitur per cœlum.

100. Dicebant, quod in Tellure sua etiam sint, qui Lumen nocturnum, quod magnum est, vocant Dominum, sed quod illi separentur a reliquis, & ab illis non tolerentur. Lumen illud nocturnum venit a magno illo Cingulo, quod ad distantiam ambit Tellurem illam, & a Lunis, quæ satellites Saturni vocantur.

101. Narrabant, quod aliud genus spirituum, qui turmatim vadunt, frequenter ad illos veniant, desiderantes scire quomodo res apud illos se habet; & quod variis modis eliciant ab illis quæ sciunt; de his dicebant, quod non insaniant, modo in eo, quod tantum desiderant scire non propter alium usum, quam ut sciant. Postea instructi sunt, quod spiritus illi sint ex Planeta Mercurii seu ex Tellure proxima Soli, & quod illos cognitiones solum delectent, & non ita usus ex illis.

102. Incolæ & spiritus planetæ Saturni referunt in Maximo Homine SENSUM MEDIUM INTER SPIRITUALEM ET NATURALEM HOMINEM, at qui recedit a naturali & accedit ad spiritualem: inde est, quod spiritus illi appareant auferri aut rapi in cœlum, ac mox remitti; nam quicquid sensus spiritualis est, id in cœlo est, at quicquid sensus naturalis est, id infra cœlum est. Quoniam nostræ Telluris Spiritus in Maximo Homine referunt Sensem naturalem & corporeum, a manifesta experientia scire datum est, quomodo pugnant & collidunt inter se spiritualis homo ac naturalis, cum hic non in fide & charitate est. Spiritus Telluris Saturni e longinquo in conspectum veniebant, & tunc dabatur viva communicatio inter illos & inter Spiritus nostræ Telluris tales: hi illis sic perceptis fiebant sicut insani, & incipiebant infestare illos, infundendo indigna de fide, & quoque de Domino; cumque in invectivis & injuriis erant, etiam se conjiciebant in medium eorum, & ex infania, in qua erant, conabantur malum inferre; sed Spiritus Saturni nihil timebant, quia tuti erant, & in tranquillo: at spiritus illi nostræ Telluris, cum in medio eorum erant, incipiebant angi, ac ægre respirare, & sic ejiciebant se unus huc & alter illuc, ac disparabantur. Adstantes inde appercepiebant, qualis est Naturalis homo separatus a spirituali, cum venit in sphæram spiritualem, quod nempe insaniat; Naturalis enim homo separatus a spirituali solum ex mundo sapit, & nihil ex cœlo; & qui solum ex mundo sapit, is nihil credit nisi quod sensus capiunt, & quod credit ex fallaciis sensuum credit, quæ nisi removentur per influxum ex spirituali mundo, producunt falsa: inde est, quod spiritualia ei non sint aliquid, usque adeo ut vix sustineat audire Spirituale nominari; quapropter tales insaniant, cum tenentur in sphæra spirituali; aliter cum vivunt in mundo, tunc vel naturaliter de spiritualibus cogitant, vel avertunt aurem, hoc est, audiunt & non attendunt. Ab experientia illa etiam constabat, quod Naturalis homo non

possit inferre se in spiritualem, hoc est, ascendere; sed cum homo in fide est, & inde in vita spirituali, quod spiritualis homo influat in naturalem, & ibi cogitet; influxus enim datur spiritualis, hoc est, e spirituali mundo in naturalem, non autem vicissim (*mm*).

103. Porro a spiritibus illius Telluris informabar de Incolis, quales illorum consociationes sunt, præter alia; dicebant, quod vivant distincti in familias, unaquævis familia separata ab alia; ita vir & uxor cum suis liberis; & quod hi, cum conjugia jungunt, separentur a domo parentum, nec eam amplius curent: quapropter Spiritus ex illa Tellure apparent bini & bini. Quod de Victu & Amictu parum solliciti sint; quod vescantur fructibus & leguminibus, quæ Tellus eorum producit; & quod vestiantur leviter, quoniam crassa cute seu tunica, quæ repellit frigus, cincti sunt. Præterea, quod omnes in sua Tellure sciant, quod victuri sint post mortem; & quod ideo etiam corpora sua nihili faciant, modo quantum propter vitam, quam dicunt permanfuram & servituram Domino; quod ideo quoque corpora mortuorum non sepeliant, sed projiciant, & tegant ramis arborum e sylva.

104. Interrogati de Magno illo Cingulo, quod a nostra Tellure apparet se elevare supra horizontem Planetæ istius, & variare situs, dicebant, quod id illis non appareat ut Cingulum, sed solum ut Niveum in cœlo varia directione.

De Tellure seu Planeta VENERIS, deque ejus Spiritibus & Incolis.

De la
de Vén
2: 30

105. **P**laneta Veneris in idea Spirituum & Angelorum apparet ad finitrum paulo retro, ad aliquantam distantiam a nostra Tellure: in idea spirituum dicitur, quia nulli spiritui apparet Sol mundi, nec aliquis Planeta, sed Spiritus modo habent ideam quod sint; ex sola idea de illis sistitur Sol mundi a tergo sicut caliginosum quid, planetæ non sicut in mundo errantes, sed in suis locis constanter, videatur supra n: 42.

106. In Planeta Veneris sunt duo hominum genera, indole sibi contraria; sunt qui mites & humani, & sunt qui immites & pæne ferini; qui mites & humani, apparent a parte altera Telluris, qui immites & pæne ferini, apparent a parte ejus huc spectante. At sciendum, quod ita appareant secundum status vitæ eorum, nam status vitæ sistit omnem apparentiam spatii & distantiae ibi.

F 2

107. Quidam

(*mm*) Quod Influxus spiritualis sit, & non physicus seu naturalis, ita quod influxus sit e spirituali mundo in naturalem & non e naturali in spiritualem, n: 3219. 5119. 5259. 5427. 5428. 5477 6322. Quod appareat sicut influxus sit ab externis in interna hominis, sed quod sit fallacia, n: 3721.

107. Quidam ex illis, qui ab altera parte Planetæ apparent, & sunt mites & humani, ad me veniebant, & sistebantur mihi videndi supra caput, cum quibus varia loquutus sum; inter alia dicebant, quod, cum in mundo fuerunt, agnoverint, & quod magis nunc agnoscant Dominum nostrum pro suo Unico Deo; aiebant, quod in Tellure sua viderint Ipsum, & quoque quomodo Ipsum viderant, repræsentabant. Hi Spiritus in Maximo Homine referunt *Memoriam rerum materialium concordantem cum Memoria rerum immaterialium*, quam spiritus Mercurii referunt: quapropter spiritus Mercurii, cum his spiritibus Veneris maximopere concordant, ideo cum simul erant, sentita est ex influxu inde mutatio insignis, & operatio fortis in meo cerebro videatur supra n: 43.

108. Cum illis autem spiritibus, qui a parte huc spectante apparent, ac sunt immites & pæne ferini, non loquutus sum, sed relatum est ab angelis, quales sunt, & unde illis tam ferina natura; quod nempe ibi admodum delectentur rapinis, & quam maxime edere ex rapinis: jucunditas inde, cum cogitant de edere ex rapinis, mecum communicata fuit, & appercepta quod summa esset. Quod Incolæ tali natura ferina etiam in nostra Tellure fuerint, patet ex Historicis variarum gentium; tum ex Incolis terræ Canaanis 1 Sam: xxx: 16: & quoque ex Gente Judaica & Israelitica etiam tempore Davidis, quod quotannis excursiones fecerint, & deprædati gentes, & lætati ex præda comederint. Dictum etiam, quod Incolæ illi quoad plurem partem sint gigantes, & quod nostræ telluris homines modo ad umbilicum eorum pertingant. Tum quoque, quod sint stupidi, non quærentes quid cælum, aut quid vita æterna, sed quod solum illa curent quæ sunt eorum terræ, & eorum pecorum.

109. Quia tales sunt, etiam cum in alteram vitam veniunt, infestantur ibi quam maxime a malis & falsis. Inferna, quæ illis, apparent juxta Tellurem, nec communicant cum Infernis malorum nostræ Telluris, ex causa quia prorsus alio genio & alia indole sunt; inde quoque mala & falsa illorum sunt ex prorsus alio genere.

110. Qui autem tales sunt, ut salvari possint, sunt in locis vastationis, ac ibi ad ultimum desperationis rediguntur; nam illius generis mala & falsa non aliter possunt domari & removeri: cum in statu desperationis sunt, clamant quod bestię sint, quod abominationes, quod odia, & sic quod damnati: quidam eorum, cum in tali statu sunt, etiam contra cælum clamant; sed hoc illis ignoscitur, quia ex desperatione; Dominus moderatur, ne in vituperia se effundant nisi ad statos limites. Hi cum extrema passi sunt, quia corporea tunc apud illos quasi mortua sunt, demum salvantur. De his quoque dictum est, quod, cum in sua Tellure vixerunt, crediderint in quendam summum Creatorem absque Mediatore, sed cum salvantur, etiam instruuntur, quod Dominus sit Solus Deus, Salvator & Mediator. Vidi quosdam ex illis, postquam extrema passi sunt, sublato in cælum, & cum ibi recepti sunt, appercepi teneritudinem lætitiæ ab illis talem, ut exprimeret lachrymas ex oculis meis.

De Spiritibus & Incolis LUNÆ.

111. **A**liqui Spiritus apparebant supra caput, & inde auditæ sunt voces sicut tonitrua, nam non aliter tonabant voces eorum, quam sicut e nubibus tonitrua post fulmina: autumabam, quod esset ingens multitudo spirituum, qui callebant arte voces edere cum tali sonitu. Spiritus simplices, qui apud me erant, illos irridebant; quod valde miratus sum: causa irrisuonis mox detegebatur, quæ erat, quod Spiritus, qui tonabant, non multi essent sed pauci, & quoque parvi sicut pueri; & quod illi eis prius per tales sonitus terrorem incusserint; & tamen prorsus nihil damni possent inferre. Ut scirem, quales essent, demiserunt se quidam ab alto ubi tonabant; & quod mirum, unus portabat alterum a tergo, & sic appropinquabant bini ad me: apparebant facie non inuenta, sed longiori quam facies reliquorum spirituum; statura simili staturæ pueri septem annorum, sed corpore robustiore; ita erant homunciones. Dicebatur mihi ab angelis, quod essent e Luna. Qui portatus ab altero veniebat ad me, se applicans sinistro lateri sub ulna, & inde loquebatur, dicens, quod cum vocem edunt, ita tonent; & quod sic spiritus, qui illis malum inferre volunt, territent, & quosdam in fugam agant, & quod ita tuti vadant quo volunt. Ut pro certo scirem, quod talis illorum sonus esset, recedebat ille a me ad quosdam alios, sed non plane extra conspectum, & similiter tonabat. Et porro ostendebant, quod vox eorum ex abdomine ad instar eructationis emissa ita intonaret. Perceptum est, quod hoc inde existeret, quia incolæ Lunæ non ita ex pulmone, sicut incolæ aliarum tellurum, sed ex abdomine loquantur, & sic ex aliquo aere ibi collecto; ex causa, quia Luna non simili Athmosphæra, qua aliæ tellures, circumfusa est. Instructus sum, quod spiritus Lunæ in Maximo Homine referant Cartilaginem scutiformem seu Xiphoiden, cui antè annectuntur Costæ, & e qua descendit Fascia alba, quæ est fulcrum musculis abdominis.

112. Quod etiam in Luna sint Incolæ, sciunt spiritus & angeli, pariter quod in Lunis seu Satellitibus circum tellurem Jovis, & tellurem Saturni. Qui non spiritus inde viderant, ac cum illis loquuti sunt, usque non dubitant, quin etiam super illis homines sint, quia æque sunt tellures; & ubi tellus ibi est homo; homo enim est finis propter quem tellus, & a Summo Creatore nihil sine fine factum est: quod finis creationis sit Humanum genus, ut ex eo Cælum, cuius, qui ex ratione aliquantum illustrata cogitat, constare potest.

*Des ef
bitan
Perm
A. (9)*

le Sei-
volutu
ex fur
re & non
audre
: 312.
50.

Causæ cur Dominus in nostra Tellure, & non in alia, nasci voluit.

113. **Q**UOD Domino placuerit nasci, & Humanum assumere in nostra Tellure; & non in alia, sunt plures causæ, de quibus e cœlo informatus sum. CAUSA PRINCIPALIS fuit propter Verbum, quod hoc in nostra Tellure potuerit conscribi; & scriptum dein per universam Tellurem vulgari; & semel vulgatum conservari in omnem posteritatem; & quod sic manifestari potuerit, quod Deus Homo factus sit, etiam omnibus in altera vita.

114. Quod Causa principalis fuerit propter Verbum, est quia Verbum est ipsum Divinum Verum, quod docet hominem, quod Deus sit, quod Cœlum sit & quod Infernum, quod vita post mortem; & insuper docet, quomodo vivet & credet, ut in cœlum veniat, & sic in æternum felix sit. Hæc omnia absque Revelatione, ita in hac Tellure absque Verbo, prorsus ignota fuissent, & tamen homo ita creatus est, ut quoad interiora sua non mori possit (nn).

115. Quod Verbum in nostra Tellure potuerit conscribi, est quia ars scribendi hic ab antiquissimo tempore fuit, primum super codicibus, dein super membranis, postea super chartis, & demum vulgari typis. Hoc provifum est a Domino propter Verbum.

116. Quod Verbum dein per universam hanc tellurem vulgari potuerit, est quia commercium omnium gentium hic datur, non modo per peregrinationes, sed etiam per navigationes ad omnia loca totius orbis; inde Verbum semel conscriptum transferri potuit ab una gente ad alteram, & ubivis doceri.

117. Quod Verbum semel conscriptum potuerit conservari in omnem posteritatem, proinde in millia & millia annorum, & quoque quod conservatum sit, notum est.

118. Quod sic manifestari potuerit, quod Deus Homo factus sit; hoc enim primum & essentialissimum est propter quod Verbum; nam nemo potest credere in Deum, & amare Deum, quem non sub aliqua specie comprehendere potest, quapropter qui invisibile & sic incomprehensibile agnoscunt, labuntur

(nn) Quod ex solo lumine naturali nihil sciatur de Domino, de Cœlo & Inferno, de vita hominis post mortem, ac de Divinis Veris, per quæ homini vita spiritalis & æterna, n : 8944. 10318. 10319. 10320. Quod id constare possit ex eo, quod plures, ac inter eos eruditi, non credant illa, tametsi nati sunt, ubi Verbum, ac per id instructio de illis, n : 10319. Quod ideo necessum fuerit, ut revelatio esset e cœlo, quia homo ad cœlum natus est, n : 1775.

labuntur cogitatione in naturam, & sic in nullum Deum credunt: quapropter placuit Domino hic nasci, & hoc manifestum facere per Verbum, ut non modo id notum fieret in hoc orbe, sed etiam ut *per id manifestum fieret Spiritibus & Angelis etiam ex aliis Telluribus, & quoque gentibus ex nostra (oo).*

119. Sciendum est, quod Verbum in nostra Tellure per cœlum a Domino datum, sit unio cœli & mundi; ob quem finem est correspondentia omnium quæ in litera in Verbo cum Divinis in cœlo; & quod Verbum in supremo ac intimo suo sensu agat de Domino, de Regno Ipsius in cœlis & in terris, deque amore & fide ab Ipso & in Ipsum, proinde de vita ab Ipso & in Ipso; talia sistuntur angelis in cœlo, quando Verbum nostræ telluris legitur & prædicatur (*pp*). A.C. 93

120. In omni alia Tellure manifestatur Verum Divinum oretenus per Spiritus & Angelos, sicut in præcedentibus, ubi de Incolis Tellurum in Solari hoc mundo, dictum est, sed hoc fit intra familias; nam Humanum genus in plerisque Telluribus distinctum habitat secundum familias; quapropter Verum Divinum per Spiritus & Angelos ita revelatum non transfertur longe ultra familias, & nisi jugiter succedat nova Revelatio, id pervertitur vel perit: aliter in nostra Tellure, ubi Divinum Verum, quod est Verbum, manet in sua integritate in perpetuum.

121. Sciendum est, quod Dominus omnes, e quacunque Tellure sint, agnoscat & recipiat, qui Deum sub Humana forma agnoscunt & colunt, quoniam Deus sub Humana forma est Dominus: & quia Dominus incolis in Telluribus in forma Angelica, quæ est forma humana, apparet, ideo cum Spiritus & Angeli ex illis Telluribus audiunt a nostræ telluris Spiritibus & Angelis, quod Deus actualiter Homo sit, recipiunt id Verbum, agnoscunt, & gaudent quod ita sit.

122. Ad causas quæ supra allatæ sunt, accedit, quod incolæ & spiritus nostræ telluris referant in Maximo Homine Sensum naturalem & externum, ac sensus naturalis & externus est ultimum in quod desinunt interiora vitæ, & in quo ut in suo communi requiescunt: simile est Divinum Verum in litera, quod vocatur Verbum, quod ob illam causam etiam A.C. 93

(oo) Quod Gentes in altera vita instruantur ab Angelis, & quod illi, qui secundum religiosum suum bene vixerunt, recipiant vera fidei, & agnoscant Dominum, n: 2049. 2595. 2598. 2600. 2601. 2603. 2661. 2863. 3263.

(pp) Quod Verbum aliter intelligatur ab angelis in cœlis, quam ab hominibus in terris, & quod illis sit sensus internus seu spiritualis, his autem externus seu naturalis, n: 1769 ad 1772. 1887. 2143. 2333. 2396. 2540. 2541. 2545. 2551. Quod Verbum sit uniens cœli & terræ, n: 2310. 2495. 9212. 9216. 9357. 10375. Quod Verbum ideo per meras correspondentias scriptum sit, n: 1404. 1408. 1409. 1540. 1619. 1659. 1709. 1783. 8615. 10687. Quod in sensu intimo Verbi agatur unice de Domino ac de Ipsius Regno, n: 1873. 2249. 2523. 7014. 9357.

etiam in hac Tellure, & non in alia, datum est (qq): & quia Dominus est Verbum, & ejus Primum & Ultimum, ut omnium secundum ordinem existerent, etiam ideo voluit in hac Tellure nasci, & fieri Verbum; secundum hæc apud Johannem, “In principio erat Verbum, & Verbum erat apud Deum, & Deus erat Verbum: hoc erat in principio apud Deum: omnia per Ipsum facta sunt, & sine Ipso factum est nihil quod factum est: *Et Verbum Caro factum est, & habitavit inter nos, & vidimus gloriam Ipsius, gloriam ut Unigeniti a Patre.* Deum nemo vidit usquam, Unigenitus Filius, qui in sinu Patris est, Ipse exposuit,” I: 1. 2. 3. 4. 14. 18; Verbum est Dominus quoad Divinum Verum, ita Divinum Verum a Domino (rr.) Sed hoc arcanum est, quod in intellectum modo pauciorum cadit.

(qq) Quod Verbum in sensu literæ sit naturale, n: 8783: Ex causa, quia naturale est ultimum, in quod desinunt spiritualia & cœlestia, & super quo sicut super suo fundamento subsistunt, & quod alioquin Verbi sensus internus seu spiritualis absque externo seu naturali foret sicut domus absque fundamento, n: 9430. 9433. 9824. 10044. 10436.

(rr) Quod Verbum sit Dominus quoad Divinum Verum, ita Divinum Verum a Domino, n: 2859. 4692. 5075. 9987. Quod per Divinum Verum omnia creata & facta sint, n: 2803. 2884. 5272. 7835.





D E

TELLURIBUS in COELO ASTRIFERO.

Des ter
Firma

123. **Q**UI in Cœlo sunt, illi loqui & conversari possunt cum Angelis & Spiritibus, qui non solum ex Telluribus in Solari hoc Mundo sunt, sed etiam cum illis qui ex Telluribus extra hunc Mundum in Universo; nec modo cum Spiritibus & Angelis ibi, sed etiam cum ipsis incolis, sed modo cum illis quibus interiora aperta sunt, ut possint audire loquentes e cœlo: similiter potest homo cum vivit in mundo, cui datum est a Domino loqui cum Spiritibus & Angelis; nam homo est spiritus quoad interiora sua, corpus quod in mundo circumfert, modo inservit ei pro functionibus in naturali seu terrestri hac sphæra, quæ est ultima. Sed cum angelis & spiritibus nulli datur sicut spiritus loqui, nisi talis sit, ut consociari possit angelis quoad fidem & amorem; nec consociari potest, nisi fides & amor sint in Dominum, nam homo per fidem & amorem in Ipsum, hoc est, per vera doctrinæ, & per bona vitæ ab Ipso, conjungitur; & cum conjunctus est, tutus est ab insultu malorum spirituum qui ab inferno: apud alios interiora usque adeo aperiri nequeunt, quoniam non in Domino sunt. Hæc causa est, quod pauci sint hodie, quibus datur loqui & conversari cum Angelis; cujus rei manifestum indicium est, quod vix credatur hodie quod spiritus & angeli sint, minus quod sint apud unumquemque hominem; & quod per illos nexus sit homini cum cœlo, & per cœlum cum Domino; & quod adhuc minus credatur, quod homo, cum quoad corpus moritur, vivat spiritus, etiam in humana forma sicut prius.

124. Quia hodie in Ecclesia apud multos nulla fides est de vita post mortem, & vix aliqua de cœlo, nec de Domino quod sit Deus cœli & terræ; ideo interiora, quæ sunt spiritus mei, a Domino aperta sunt, ut possim, dum in corpore sum, simul cum angelis in cœlo esse, & non modo loqui cum illis, sed etiam ibi videre stupenda, & eadem describere; ne forte posthac etiam dicturi sint, quis ex cœlo ad nos venit & narravit, quod sit, & quæ ibi. Sed scio, quod qui corde prius negaverunt Cœlum & Infernum, ac vitam post mortem, etiam contra illa se obfirmaturi sint, & negaturi; nam facilius est corvum album facere, quam efficere ut credant qui semel corde rejecerunt fidem, causa est, quia de talibus semper cogitant ex negativo, & non ex affirmativo. Sint usque hæc, quæ de Angelis & Spiritibus hætenus dicta sunt, & ulterius dicenda, pro paucis illis qui in fide sunt: ut autem reliqui etiam perducantur ad aliquid agnitionis, concessum

G

est

est memorare talia, quæ delectant & allectant hominem sciendi cupidum, quæ nunc quoque erunt de Telluribus in Cœlo Astrifero.

125. Qui non scit arcana Cœli, non credere potest quod homo possit videre Tellures tam diffitas, & per experientiam sensualem aliquid de illis referre: sed sciat, quod spatia & distantiae, & inde progressiones, quæ existunt in mundo naturali, in sua origine & prima causa sint mutationes status interiorum, & quod apud Angelos & Spiritus secundum eas appareant (ss); & quod illi sic per eas apparenter transferri possint ab uno loco in alterum, & ab una tellure ad alteram, etiam ad tellures quæ in fine universi: Similiter etiam homo quoad suum spiritum, manente usque corpore ejus in suo loco. Ita mecum factum est; quoniam, ex Divina Domini Misericordia, mihi datum est conversari cum spiritibus sicut spiritus, & simul cum hominibus sicut homo. Quod homo quoad spiritum ita transferri possit, sensualis homo non capere potest, quoniam is in spatio & in tempore est, & progressiones suas secundum illa mensurat.

126. Quod plures Mundi sint, unicuivis constare potest ex eo, quod tot Sidera in universo appareant; & notum est in Erudito Orbē, quod unumquodvis Sidus sit instar Solis in suo loco, manet enim fixum sicut Sol nostræ telluris in suo; & quod distantia faciat ut appareat in parva forma sicut Stella: consequenter quod similiter ac Sol nostri mundi circum se habeat planetas, quæ sunt tellures; & quod hæ non appareant coram nostris oculis, est ex immensa distantia, & ex luce solum ex sua stella, quæ lux non iterum potest usque huc reflecti. Ad quid aliter tantum Cœlum cum tot Astris; finis enim creationis universi est homo, ut ex homine sit Cœlum Angelicum; quid pro Infinito Creatore foret Genus Humanum, & inde Cœlum Angelicum ex una Tellure, pro Quo non satis essent mille Tellures, imo nec myriades. Calculus initus est, si forent 1000,000 Tellures in Universo, & in unaquavis Tellure homines numero 300,000,000, seu 300 Milliones, & 200 generationes intra 6000 annos, & cuique homini seu spiritui daretur spatium 3 ulnarum cubicarum, quod numerus tot hominum seu spirituum in unam summam collectus non usque impleteret spatium millesimæ partis hujus Telluris, ita forte spatium unius satellitis circum Planetam Jovis vel Saturni, quod foret spatium in universo parvitatē inconspicuæ, nam satelles coram nudo oculo vix apparet: quid hoc pro Creatore Universi; Cui non satis foret si totum Universum foret impletum, est enim Infinitus. De his cum Angelis loquutus sum, qui dixerunt, quod illi similem ideam de paucitate Generis humani respective ad Infinitatem Creatoris habeant, sed usque quod illi non ex spatiis, sed ex statibus; cogitent, & quod secundum eorum ideam Tellures numero tot myriadum, quot usquam cogitari possent, usque prorsus nihil forent ad Dominum. Verum de Telluribus in Cœlo Astrifero in
nunc

(ss) Quod motus, progressiones, & mutationes loci in altera vita sint mutationes status interiorum vitæ, & quod usque realiter appareat spiritibus & angelis sicut actualiter sint, n: 1273 ad 1277. 1377. 3356. 5606. 10734.

nunc sequentibus ex ipsa experientia dicitur; ex quâ etiam constabit, quomodo translationes illuc quoad spiritum meum, manente corpore in suo loco, factæ sunt.

De Prima Tellure in Cœlo Astrifero, & de ejus spiritibus & incolis; ex auditis & visis.

127. **D**ucebar per Angelos a Domino ad Tellurem quandam in Cœlo Astrifero, ubi datum est inspicere in ipsam Tellurem, sed non loqui cum incolis ibi, verum cum Spiritibus qui inde; omnes incolæ seu homines cujuscunque Telluris, post transactam vitam in mundo, fiunt spiritus, & manent juxta suam Tellurem: ex illis tamen informatio datur de Tellure, & de statu incolarum ibi; nam homines, qui decedunt e corpore, secum ferunt omnem vitam priorem, & omnem memoriam (ii). Duci ad Tellures in Universo, non est duci & transferri illuc quoad corpus sed quoad spiritum, & spiritus ducitur per variationes status vitæ interioris, quæ apparent ei sicut progressiones per spatia (ss). Appropinquationes etiam fiunt secundum statuum vitæ convenientias seu similitudines, nam vitæ convenientia seu similitudo conjungit, & disconvenientia & dissimilitudo disjungit. Inde constare potest quomodo translatio fit quoad spiritum, & ejus appropinquatio ad dissita, manente usque homine in suo loco. Sed ducere spiritum per variationes status interiorum ejus extra suum orbem, & facere ut variationes progrediantur successive usque ad statum convenientem seu similem illis ad quos ducitur, in potentia solius Domini est; erit enim directio continua & prævisio a primo ad ultimum, cis & retro; imprimis ut hoc fiat cum homine, qui adhuc quoad corpus in mundi natura est, & per id in spatio. Quod ita factum sit, illi qui in sensualibus corporeis sunt, & ex illis cogitant, non induci possunt ad credendum; causa est, quia sensuality corporea non possunt capere progressionem absque spatiis: at usque illi qui ex sensuali spiritus sui aliquantum remotò seu subducto a sensuali corporis, ita interius in se, cogitant, possunt induci ad credendum & capere, quoniam in idea cogitationis interioris non est spatium nec tempus, sed pro illis talia ex quibus spatia & tempora. Pro his itaque sint hæc quæ sequuntur de Telluribus in Cœlo Astrifero, & non pro aliis, nisi tales sint ut se instrui patiantur.

128. In statu vigili ducebar quoad spiritum per angelos a Domino ad quandam Tellurem in Universo, comitantibus spiritibus quibusdam ex hoc orbe.

G 2

(ii) Quod homo post mortem secum habeat memoriam omnium suarum rerum in mundo, n: 2476 ad 2486

De la
Du
De
De
à
mes
2: 132

orbe: progressio fiebat dextrorsum, & perstabat duabus horis. Circa finem Mundi nostri Solis apparuit primum nubes candicans, sed densa; & post illam fumus igneus ascendens ex magno hiato: erat ingens Vorago separans ab illa parte Mundum nostrum solarem a Mundis quibusdam Cœli sideri: igneus ille fumus ad satis multam distantiam apparuit. Trans illum medium ferebar; & tunc apparuerunt subter in Hiato illo seu Voragine perplures homines, qui erant spiritus; (Spiritus enim apparent omnes in humana forma, & actualiter sunt homines) audiui etiam illos inter se loquentes; sed unde erant, & quales, non scire dabatur: unus tamen ex illis mihi dicebat, quod essent Custodiæ, ne Spiritus transeant ab hoc Mundo in alterum in Universo absque data copia. Quod ita esset, etiam confirmabatur; aliqui enim Spiritus, qui in comitatu erant, quibus non permissum fuit transire, cum ad Magnam illam intercapedinem venerunt, cæperunt clamare valde quod pereant: erant enim sicut illi qui in agone cum morte luctantur, quare ab illa parte Voraginis illius subsistebant, nec ulterius transferri potuerunt; igneus enim fumus exhalatus ex voragine occupabat illos, ac ita cruciabat.

129. Postquam per magnum illum Hiatum translatus fui, tandem perveni ad locum ubi morabar; & tunc apparebant mihi Spiritus superne, cum quibus loqui datum est: ex loquela eorum, & ex genio appercipiendi res & exponendi illas, clare animadverti quod essent ex alia Tellure, nam prorsus differebant a spiritibus mundi nostri Solis: illi etiam ex mea loquela appercepiebant, quod e longinquo essem.

130. Postquam de variis aliquantisper loquuti fumus; quærebam quem Deum colerent, dicebant quod aliquem Angelum, qui sicut Divinus homo illis apparet, fulget enim ex luce; & quod is instruat illos, & det appercipere quid faciendum. Dicebant porro, quod sciant quod Maximus Deus sit in Sole Cœli Angelici, & quod Is appareat Angelo suo, & non sibi; & quod Ille major sit, quam ut ausint Ipsum adorare. Angelus, quem colebant, erat Societas angelica, cui a Domino datum est præesse illis, ac docere viam iusti & recti; ideo illis lux est ex quadam flamma, quæ instar faculæ apparet, satis ignea & flava; causa venit ex eo, quod non adorent Dominum, inde non est lux illis ex Sole Cœli angelici, sed ex Societate angelica; nam Societas angelica, cum datur a Domino, talem lucem potest sistere spiritibus qui in regione inferiore sunt. Societas illa Angelica etiam mihi visa est, erat alte supra illos; & quoque visum est ibi flammeum unde lux.

131. Cæteroquin erant modesti, aliquantum simplices, sed usque satis bene cogitabant. Ex luce apud illos concludi potuit, quale illis intellectuale, nam secundum receptionem lucis, quæ in cœlis, est intellectus, quoniam Divinum Verum procedens a Domino ut Sole est quod ibi lucet & dat angelis non modo videre sed etiam intelligere (uu).

132. In-

(uu) Quod Lux magna in cœlis sit, n: 1117. 1521. 1522. 1533. 1619. ad 1632. 4527. 5400. 8644. Quod omnis Lux in cœlis sit a Domino ut Sole ibi, n: 1053. 1521.

132. Instruebar, quod incolæ & spiritus illius telluris referant in Maximo Homine aliquid in LIENE, de quo confirmatus sum per influxum in Lienem, quum mecum loquebantur.

133. Interrogati sunt de Sole mundi eorum, qui illuminat Tellurem eorum, dicebant quod Sol ibi appareat flammeus; & cum magnitudinem Solis nostræ Telluris repræsentarem, ajebant, quod minor sit; nam Sol illis est coram nostris oculis Stella; & ab angelis audiui, quod esset Stella inter minores. Dicebant etiam, quod e tellure sua quoque cælum stelliferum videatur: & quod Stella reliquis major appareat illis versus occidentem, dictum e cælo, quod illa sit noster Sol.

134. Postmodum aperiebatur mihi visus, ut aliquantum spectare possem in ipsam Tellurem; & apparebant prata plura, ac sylvæ cum arboribus foliaceis; tum lanigeræ oves. Postea videbam aliquot incolas, qui ex viliori forte erant, amicti vestitu pœne quali rustici in Europa. Visus etiam est Vir cum sua muliere; hæc apparebat pulchra statura, & gestu decoro; Vir similiter; sed quod mirabar, ille ambulabat magnificus, gressu quasi fastuoso; sed mulier vicissim gressu humili: dicebatur ab angelis, quod talis mos in illa Tellure sit, & quod viri, qui tales, amentur, quia usque boni sunt. Dictum porro, quod non liceat illis plures uxores habere, quia id contra leges. Mulier quæ visa, ante pectus habebat latum indumentum, post quod se abscondere potuit, quod ita factum erat, ut inferere brachia posset, ac illo se induere, & sic abire; id quoad inferiorem partem subduci potuit, & subductum & corpori applicatum apparuit instar pectoralis, quale scæminis nostræ Telluris: sed idem etiam inserviebat viro pro indumento, visum quod sumeret id a muliere, & applicaret tergo suo, & solveret inferiorem partem, quæ sic defluebat ad pedes sicut toga, & ita ambulabat vestitus. Quæ visa sunt in Tellure illa, non visa sunt oculis corporis mei, sed oculis spiritus mei, & spiritus potest videre illa quæ in Tellure sunt, quando id datur a Domino.

135. Quoniam scio, quod dubitaturi sint, num usquam possibile sit, quod homo oculis spiritus sui possit videre aliquid in tellure tantum distante, licet dicere quomodo res se habet: Distantiæ in altera vita non sunt sicut distantiae in Tellure; distantiae in altera vita se habent prorsus secundum status interiorum cujusvis; qui in simili statu sunt, illi simul sunt in una societate & in uno loco; omne præsens ibi est ex similitudine status, & omne distans ex dissimilitudine ejus; inde erat, quod juxta illam tellurem essem, cum a Domino perductus sum in statum similem statui spirituum & incolarum ibi, & quod tunc præsens loquerer cum illis: inde patet, quod Tellures in mundo spirituali non distent sicut in mundo naturali, sed modo apparenter secundum

1521. 3195. 3341. 3636. 4415. 9548. 9684. 10809. Quod Divinum Verum procedens a Domino appareat in Cœlis & Lux, n: 3195. 3222. 5400. 8644. 9399. 9548. 9684. Quod Lux illa illuminet angelorum ac spirituum & visum & intellectum: n: 2776. 3138. Quod Lux cœli etiam illuminet intellectum hominis, n: 1524. 3138. 3167. 4408. 6608. 8707. 9126. 9399. 10569.

secundum status vitæ incolarum & spirituum ibi: status vitæ est status affectionum quoad amorem & fidem. Quod spiritus possit videre illa quæ in Tellure sunt, seu quod idem, homo quoad spiritum, licet exponere, quomodo etiam hæc res se habet; Spiritus non possunt, nec Angeli suo visu videre quicquam quod in mundo; illis enim lux mundi seu solaris est velut densa caligo; sicut homo visu sui corporis nec videre potest quicquam quod in altera vita, ei enim lux cœli est, velut densa caligo: sed usque Spiritus & Angeli, quando Domino beneplacet, possunt videre illa quæ in mundo per oculos hominis; sed hoc non concedit Dominus apud alios, quam quibus dat Dominus loqui cum spiritibus & angelis, & esse simul cum illis: per meos oculos datum est illis videre illa quæ in mundo, & tam manifeste sicut ego; tum etiam audire homines mecum loquentes: contigit aliquoties, quod aliqui amicos suos, quos habuerunt in vita corporis, per me viderint ita præsentibus prorsus sicut prius, & obstupuerunt; viderunt etiam suos maritos & infantes, & voluerunt dicere quod adessent & viderent eos, utque referrem de suo statu in altera vita; sed dicere illis & revelare, quod sic visi, mihi interdictum erat, etiam ex ea causa, quod dixissent me insanire, aut cogitavissent deliria animi esse, quia notum mihi fuit, quod tametsi ore dicerent, usque corde non crederent, dari spiritus, ac mortuos resurrexisse & esse inter spiritus, & hos videre & audire posse per hominem. Quando primum mihi apertus fuit visus interior, ac illi qui in altera vita per oculos meos viderunt mundum, & quæ in mundo erant, ita obstupefacti sunt, ut dicerent hoc miraculum miraculorum esse, & affecti sunt novo gaudio, quod sic communicatio daretur terræ cum cœlo, ac cœli cum terra; at hoc gaudium persistebat per menses; sed postquam familiare factum est, nunc nihil mirantur. Instructus sum, quod Spiritus & Angeli apud alios homines nihil videant quæ in mundo, sed modo percipiant cogitationes & affectiones eorum, apud quos sunt. Ex his constare potuit, quod homo ita creatus sit, ut cum vivit in mundo inter homines, simul etiam viveret in cœlo inter angelos, & vicissim, sic ut Cœlum & Mundus apud hominem simul essent & unum agerent, & scirent homines quid in Cœlo, & Angeli quid in mundo; & cum homines decedunt, transirent sic e Regno Domini in Terris in Regnum Domini in Cœlis, non sicut in aliud, sed sicut in idem, in quo etiam fuerunt cum vixerunt in corpore; sed quia homo ita corporeus factus est, sibi Cœlum clausit.

136. Ultimo loquutus sum cum Spiritibus qui ex illa Tellure de variis in nostra Tellure, imprimis de eo quod Scientiæ hic sint quæ non alibi, ut Astronomica, Geometrica, Mechanica, Physica, Chymica, Medica, Optica, Philosophica; & præterea Artes, quæ non alibi cognitæ, ut Naves construendi, Metalla fundendi, scribendi super chartis, & eadem vulgandi typis, & sic communicandi cum aliis in Tellure, etiam conservandi in posteritatem millium annorum, & quod ita factum sit cum Verbo quod a Domino, & quod ideo Revelatio constanter manens sit in nostra Tellure.

137. Tandem mihi ostensum est Infernum illorum qui ab illa Tellure, illi qui

qui inde visi terrebant quam maxime; monstrosas eorum facies non describere ausim. Visæ etiam ibi Magæ, quæ diras exercent artes; hæ indutæ apparebant viridi, & incutiebant horrorem.

De Secunda Tellure in Cœlo Astrifero, & de ejus Spiritibus & Incolis.

*De la
terre
L. 2.*

138. **P**OSTEA ductus sum a Domino ad Tellurem in Universo, quæ distabat a nostra Tellure longinquius quam Prima illa, de qua nunc actum est; quod distaret longinquius, patecebat ex eo, quod illuc quoad spiritum meum perductus sum per binos dies: erat illa Tellus ad sinistrum, prior autem ad dextrum. Quia longinquitas in mundo spirituali non est ex distantia loci, sed ex differentia status, ut supra dictum est, quapropter ex mora progressionis illuc, quæ erat duorum dierum, concludere potui, quod status interiorum apud illos, qui est status affectionum & inde cogitationum, tantum differret a statu interiorum, qui est apud spiritus e nostra Tellure. Quoniam perlatus sum illuc quoad spiritum per mutationes status interiorum, datum est observare ipsas mutationes successivas, antequam illuc perventum est: Factum est hoc cum vigil eram.

139. Quando illuc perventum est, non visa est Tellus, sed visi Spiritus ex illa Tellure; nam, ut prius quoque dictum, Spiritus cujusvis Telluris apparent circa suam Tellurem, ex causa quia simili genio sunt cum indigenis, nam ex illis sunt, utque inserviant illis. Visi sunt spiritus illi admodum alte supra caput, & inde me pervenientem perspexerunt: sciendum, quod qui in altera vita in alto stant, perspicere possint illos qui infra sunt, & quo in altiori, eo latius, & quod non modo possint perspicere illos, sed etiam loqui cum illis. Observabant inde, quod non ex eorum Tellure essem, sed e longinquo aliunde; quapropter me inde alloquuti sunt, interrogando de variis, ad quæ etiam respondere datum est; & inter alia narrabam illis ex qua Tellure essem, & qualis ea esset: & postea dicebam de Telluribus in Mundo nostro solari: & tunc quoque de spiritibus Telluris seu Planetæ Mercurii, quod illi pervagentur ad plures Tellures ad comparandas sibi cognitiones rerum variarum; cum id audiebant, dicebant quod etiam illos apud se viderint.

140. Dicebatur mihi ab Angelis e nostra Tellure, quod illius Telluris Incolæ & Spiritus referrent in Maximo Homine ACIEM VISUS, & quod ideo in alto appareant; & quod etiam sint acie admodum perspicaci. Quia id referebant, & quia perspicaciter videbant quæ infra erant, inter loquendum etiam illos comparabam Aquilis, quæ alte volant, ac perspicaciter & late circumspiciunt: sed ad hæc indignati sunt, putantes quod crederem illos Aquilis similes quoad rapinam, & sic quod mali essent; sed respondebam, quod non assimilarem illos Aquilis quoad rapinam, sed quoad aciem visus.

141. Interrogati sunt de Deo quem colerent, ad quod respondebant, quod colerent Deum visibilem & invisibilem, Deum visibilem sub Humana forma, ac Deum invisibilem non sub aliqua forma; & compertum est ex loquela eorum, & quoque ex ideis cogitationis eorum mecum communicatis, quod Deus visibilis esset Ipse noster Dominus, & quoque Ipsum vocabant Dominum. Ad hæc respondere datum est, quod etiam in nostra Tellure colatur Deus invisibilis & visibilis, & quod Deus invisibilis dicatur Pater, & visibilis Dominus; sed quod uterque unum sint, sicut Ipse docuit, dicendo, quod speciem Patris nunquam viderint, at quod Pater & Ipse unum sint, & quod qui videt Ipsum videat Patrem, & quod Pater in Ipso & Ipse in Patre sit; consequenter quod utrumque id Divinum in una Persona sit. Quod illa Ipsius Domini verba sint, videatur Johan: Cap: v: 37. Cap: x: 30. Cap: xiv: 7. 9. 10. 11.

142. Postmodum videbani alios spiritus ex eadem Tellure, qui apparebant in loco infra illos, cum quibus etiam loquebar; sed illi erant idololatræ, colebant enim idolum ex saxo, simile homini sed non pulchro: sciendum est, quod omnes qui in alteram vitam veniunt, in principio cultum habeant similem cultui suo in mundo, sed quod successive ab illo removeantur; causa quod ita fiat, est quia omnis cultus manet implantatus interiori vitæ hominis, e qua non removeri & eradicari nisi successive potest. Cum id visum, dicere illis dabatur, quod non oporteat adorare mortuum sed vivum; ad quod respondebant, quod sciant quod Deus vivat & non saxum, sed quod cogitent de Deo Vivo, cum intuentur saxum simile homini, & quod aliter ideæ cogitationis suæ non possint figi ac determinari ad Deum invisibilem; tunc illis dicere datum est, quod ideæ cogitationis possint figi & determinari ad Deum invisibilem, cum ad Dominum, qui est Deus visibilis in cogitatione sub Humana forma; & sic quod homo possit conjungi Deo invisibili cogitatione & affectione, proinde fide & amore, cum conjungitur Domino, non autem aliter.

143. Quærebantur spiritus, qui ex alto visi sunt, num in Tellure vivant sub imperiis Principum aut Regum; ad hæc respondebant, quod nesciant quid imperia, & quod vivant sub se, distincti in gentes, familias, & domos: quærebantur, num sic securi, dicebant quod securi, quoniam una familia alteri nihil invidet, & nihil derogare vult: indignati quod talia quærerentur, sicut insimularentur hostilitatis, aut alicujus tutelæ contra prædones; quid magis opus est, aiebant, quam habere victum & amictum, & sic contenti & quieti sub se habitare.

144. Porro interrogati de Tellure sua dicebant, quod illis prata sint, floreta, sylvæ plenæ arboribus fructiferis, & quoque lacus in quibus pisces; quodque aves coloris cærulei cum aureis pennis; & quod animalia majora & minora; inter minora memorabant, quæ dorsum elevatum instar camelorum in nostra Tellure haberent; & tamen quod non vescantur carne eorum sed solum carne piscium; & præterea fructibus ex arboribus, & leguminibus ex terra. Dicebant porro, quod non habitent in exstructis

omnibus,

domibus, sed in Lucis, in quibus inter frondes faciunt sibi tecta pro imbre & pro æstu solis.

145. Interrogati sunt de Sole suo, qui est Stella coram oculis ex nostra Tellure, dicebant quod ille appareat igneus, ad visum non major quam Caput hominis: ab angelis mihi dicebatur, quod Stella, quæ illis Sol, inter minores esset, non procul distans ab Æquatore cœli.

146. Visi sunt spiritus, qui similes sibi cum homines in sua tellure fuerunt; erant facie non absimili faciei hominum nostræ Telluris, præter quod Oculi eorum parvi essent, & quoque Nasus parvus: hoc quia videbatur mihi ut aliquantum deforme, dicebant quod parvi oculi & parvus nasus illis pulchritudo sint. Fœmina visa est, induta toga, in qua rosæ varii coloris: quærebam unde in tellure illa sibi parant vestes, respondebant, quod legant ex herbis talia quæ contexunt in fila; & quod fila dein statim componant duplici ac triplici ordine, ac humectent aqua glutinosa, & sic consistentiam inducant; colorando illam telam postea ex succis herbaceis. Ostensum quoque est, quomodo parant fila; sedent desupinatæ in folio, & per digitos pedum convolvunt illa, & convoluta trahunt ad se, & subigunt per manus.

147. Dicebant etiam, quod in illa Tellure Maritus solum unam uxorem habeat, & non plures; & quod procreent liberos ad numerum decem usque ad quindecim. Addebant, quod etiam inveniantur ibi scorta, sed quod illæ post vitam corporis, cum fiunt spiritus, sint magæ, & conjiciantur in infernum.

De Tertia Tellure in Cœlo Astrifero, deque ejus Spiritibus & Incolis.

148. **A**pparebant spiritus e longinquo, qui non appropinquare volebant, causa erat, quia non simul potuerunt esse cum spiritibus nostræ Telluris, qui circum me tunc erant; inde appercepi, quod ex alia Tellure essent; & postea mihi dictum est, quod ex Tellure quadam in Universo; sed ubi illa Tellus, non mihi indicatum est. Spiritus illi nolebant prorsus cogitare de suo corpore, ne quidem de aliqua re corporea & materiali, secus ac spiritus e nostra Tellure; inde erat, quod non appropinquare vellent: sed usque post remotionem aliquorum spirituum nostræ telluris, propius accedebant, & mecum loquebantur. Verum tunc sentita est anxietas, oriunda ex collisione sphaerarum; sphaeræ enim spirituales circumdant omnes spiritus & spirituum societates (cc), & quia emanant ex vita affectionum & inde cogitationum, ideo ubi contrariæ affectiones sunt, fit collisio, & inde anxietas. Narrabant nostræ Telluris spiritus, quod nec illi ausint ad illos appropinquare, quoniam cum approximant, non modo anxietate corripiuntur, sed etiam apparent sibi sicut ligati quoad manus & pedes serpentibus, e quibus non solvi possunt, priusquam recedunt; quod ita appareat, causam ducit

ex Correspondentia; nam nostræ Telluris spiritus in Maximo Homine referunt sensum Externum, ita Sensuale corporeum, & hoc sensuale repræsentatur in altera vita per serpentes (**).

149. Quia Spiritus illius Telluris tales sunt, ideo apparent coram oculis aliorum spirituum non sicut alii in perspicua forma humana, sed sicut nubes, plerique instar nubis nigricantis, cui candidum humanum inspersum est; sed dicebant, quod intus candidi sint, & quod cum angeli fiunt, nigricans illud vertatur in pulchrum cæruleum; quod etiam mihi ostendebatur. Interrogabam num in tali idea de corpore suo etiam fuerint, cum vixerunt homines in mundo; dicebant quod homines telluris suæ nihili faciant corpora sua, sed modo spiritum in corpore, quia sciunt hunc victurum in æternum, at corpus perituum: ajebant etiam, quod plures in tellure sua credant, spiritum corporis ab æterno fuisse, infusum corpori dum concepti; sed addebant, quod nunc sciant non ita esse, & quod pæniteat illos in tali falsa opinione etiam fuisse.

150. Cum quærerem num vellent videre aliqua in nostra Tellure, & quod id posset fieri per meos oculos, (vide supra n: 135.) sed respondebant primum quod non possent, dein quod non vellent, quoniam non alia forent quæ visuri quam terrestria & materialia, a quibus cogitationes, quantum possunt, remouent. Sed usque repræsentabantur coram illis magnifica Palatia, ad similitudinem eorum quæ in nostra Tellure apud Reges & Principes sunt; nam talia coram spiritibus repræsentari possunt, & cum repræsentantur apparent prorsus sicut forent; verum Spiritus ex illa Tellure nihil illa æstimabant, vocabant illa simulacra marmorea: & tunc narrabant, quod apud eos magnificentiora sint, & quod illa essent Ædes eorum sacræ, non ex lapide sed ex ligno. Quum illis dicebatur, quod ea usque essent terrestria, respondebant quod non essent, sed cœlestia, quia cum illas inspiciunt non ideam terrestrem sed cœlestem habent; credentes quod etiam visuri similia in Cœlo post mortem.

151. Repræsentabant tunc sacras suas Ædes coram spiritibus nostræ Telluris, qui dicebant quod magnificentiora non viderint; & quoniam mihi etiam visæ sunt, ideo describere eas possum: construuntur ex arboribus non cæsis, sed in nativo suo solo crescentibus; dicebant, quod in Tellure illa essent arbores admiranda proceritate & altitudine; illas a suis initiis disponunt in ordines, ut sint in porticus & in ambulacra, & ramos earum a teneris aptant & parant per sectiones & putationes, ut dum crescunt, consertent se & jungant pro Ædis construendæ solo & pavimento, & ad latera se eleuent pro parietibus, ac superne inflectant se in arcus pro tecto; inde construunt Ædem admiranda arte, elevatam alte super terram; in quam etiam ascensum parant per continuos ramos arborum exporrectos & firmiter connexos. Insuper exornant

(**) Quod Sensuale externum hominis in mundo spirituali repræsentetur per serpentes, quia id in infimis est, & respectu ad interiora apud hominem jacet humi & quasi serpit; & quod inde illi vocati sint serpentes, qui ex sensuali illo ratiocinati sunt, n: 195. 196. 197. 6398. 6949.

ornant Ædem illam extra & intra variis modis per applicationes frondium in formas: ita ædificant integros lucos. Sed quales sunt illæ Ædes intus, non videre datum est, solum dictum, quod lux solis eorum intromittatur per aperturas inter ramos, ac passim transmittatur per chrystalla, per quæ lux variegatur in colores quasi iridis circum parietes, imprimis in colores cæruleos & aurantios, quos præ reliquis amant. Hæc sunt illorum Architectonica, quæ præferunt Palatiis magnificentissimis nostræ Telluris.

152. Dicebant porro, quod incolæ non habitent in altis, sed super terra in humilibus casis, ex causa quoniam alta sunt pro Domino qui in Cœlo, & humilia pro hominibus qui in terra: etiam casæ eorum mihi ostensæ sunt, erant oblongæ, intus juxta parietes Lectus continuus, in quo cubant unus post alterum; in parte opposita ostio est locus sinuatus in rotundum, ante quem mensa, ac post illam focus, ex quo illuminatur tota illa camera: in foco illo non est ignis ardens, sed est lignum luminosum, quod ex se tantum luminis effundit, quantum flamma focalis; ajebant quod ligna illa ad vespertas appareant sicut in illis esset ignis prunofus.

153. Dicebant, quod non vivant societates, sed domus per se; & quod societates sint quando conveniunt ad cultum; & quod tunc infra Ædem ambulent qui docent, ac reliqui in porticibus ad latera; & quod in conventibus illis sint iis gaudia interiora, ex conspecta Æde, & ex cultu in illa.

154. De Cultu Divino dicebant, quod agnoscant Deum sub Humana forma, ita Dominum nostrum; nam quicumque Deum universi sub Humana forma agnoscunt, acceptantur a Domino nostro & ducuntur, reliqui non duci possunt, quia cogitant absque specie. Addebant, quod incolæ telluris eorum instruantur de rebus cœli per commercium aliquod immediatum cum angelis & spiritibus, in quod facilius quam alii a Domino induci possunt, quia ex cogitatione & affectione sua rejiciunt corporea. Quæsi, quid sit cum illis, qui apud eos mali sunt; dicebant, quod in Tellure sua non liceat improbum esse; at si quis male cogitat & male facit, quod increpetur a spiritu quodam, qui ei denuntiat mortem, si in illis persistit; & quum persistit, quod moriatur per deliquium; & quod eo modo homines illius telluris conserventur a contagiis malorum. Quidam etiam talis spiritus ad me missus est, mecum loquens sicut cum illis; is insuper induxit regioni abdominis mei aliquid doloris, dicens quod sic faciat illis qui male cogitant & male faciunt, & quibus denuntiat mortem si persistant. Dicebant, quod graviter puniantur illi qui sancta prophanant: & quod antequam venit spiritus punitor, appareat illis in visione rictus leonis latus, lividi coloris, qui videtur quasi velle deglutire caput, & divellere id a corpore, inde horror occupat eos: spiritum punitorem vocant diabolum.

155. Quia desiderabant scire, quomodo cum Revelatione se habet in nostra Tellure, dicebant quod id fiat per scripturam & prædicationem ex Verbo, & non per immediatum commercium cum spiritibus & angelis; & quod scriptura possit typis vulgari, ac ab universis cætibz legi & comprehendendi, & sic vita emendari: mirabantur valde, quod talis ars, ignotissima alibi, detur:

sed comprehendebant, quod in hac Tellure, ubi corporea & terrestria tantum amantur, Divina e Cœlo non aliter possint influere & recipi; & quod discriminosum foret illis loqui cum angelis.

156. Apparent spiritus illius Telluris superne in plano Capitis, versus dextrum: omnes spiritus dignoscuntur ex situ respective ad corpus humanum; quod fit, quia universum cœlum correspondet omnibus hominis (*f*); hi spiritus se tenent in illo plano, & ad illam distantiam, quia correspondentia illorum non est cum externis apud hominem, sed cum interioribus. Actio illorum est in sinistrum Genu, supra & infra paulum, cum quadam vibratione perquam sensibili; quod signum est, quod respondeant *Conjunctioni Naturalium & Cœlestium*.

atriem
strale
44.

De Quarta Tellure in Cœlo Astrifero, deque ejus Spiritibus & Incolis.

157. **P**Erductus sum adhuc ad aliam Tellurem quæ in Universo extra Mundum nostrum Solarem, quod factum est per mutationes status mentis meæ, ita quoad spiritum; nam, ut prius aliquoties dictum est, spiritus non aliter perducitur e loco in locum quam per mutationes status interiorum ejus, quæ mutationes apparent ei prorsus sicut promotiones e loco in locum seu sicut profectiones: perstabant illæ mutationes continue per decem horas circiter, antequam pervenirem a statu vitæ meæ ad statum vitæ illorum; ita antequam quoad spiritum meum illuc productus sum. Ferebar versus orientem, sinistrorsum, & videbar sensim elevari a plano horizontali: etiam observare dabatur perspicue progressionem & promotionem a priori loco, usque tandem ut non apparerent amplius illi a quibus discessi: ac interea cum spiritibus, qui una mecum erant, de variis loquutus sum. Quidam Spiritus etiam nobiscum erat, qui dum in mundo vixit, Antistes & Prædicator fuerat, & quoque Scriptor valde patheticus: ex idea de illo in me putabant spiritus comites, illum fore Christianum corde præ reliquis; nam in mundo capitur idea, & judicatur ex prædicatione & scriptis, & non ex vita si hæc non exstat, & si aliquid vitæ non concordantis apparet, usque excusatur; nam idea seu cogitatio & perceptio de aliquo trahit omnia in partes sui.

158. Postquam animadverti me esse in Cœlo Astrifero quoad Spiritum longe extra mundum nostri Solis; hoc enim animadverti potest ex mutationibus status & inde apparente progressionem continua, quæ erat, pæne decem horarum; tandem audiui Spiritus loquentes juxta aliquam Tellurem, quæ postea etiam mihi visa est: ad quos cum appropinquavi, post aliquam colloquutionem, dicebant, quod ad illos quandoque hospites aliunde veniant, qui loquuntur cum illis de Deo, & confundunt ideas cogitationis eorum: monstrabant etiam viam per quam veniunt, ex qua perceptum, quod essent

essent ex spiritibus e nostra Tellure: interrogabantur tunc in quo confunderent, aiebant per id quod dicant credendum esse in Divinum distinctum in tres Personas, quas usque vocant unum Deum; & cum explorant ideam cogitationum eorum, sistitur illa sicut Trinum non continuum sed discretum, & apud quosdam sicut tres Personæ inter se loquentes, unus ad alterum, & apud quosdam ut bini assidentes, unus prope alterum, & tertius audiens illos & ab illis vadens; & tametsi unamquamvis Personam vocant Deum, & de unaquavis aliam ideam habent, usque dicunt Unum Deum: questi valde, quod per id confundant eos, quod cogitent tres & dicant unum, cum tamen cogitandum sit sicut dicitur, & dicendum sicut cogitatur. Spiritus, qui in mundo antistes & prædicator fuerat, & quoque mecum erat, tunc etiam explorabatur, qualem ille ideam de uno Deo & tribus Personis haberet, repræsentabat tres Deos, at illos unum per continuum; sed sistebat Trinum hoc Unum ut invisibile quia Divinum; & cum hoc sistebat, perceptum est quod tunc modo cogitaret de Patre & non de Domino, & quod idea ejus de Deo invisibili non alia esset quam sicut de natura in suis primis, ex qua resultabat quod intimum naturæ ei fuerit suum Divinum, & sic quod inde facile perducere posset ad agnoscendum naturam pro Deo. Sciendum est, quod idea cujusvis de quacunque re in altera vita sistatur ad vivum, & quod per id exploretur unusquisque, qualis ei cogitatio & perceptio de rebus fidei est; & quod idea cogitationis de Deo sit principalis omnium; nam per illam, si genuina, conjunctio fit cum Divino, & inde cum Cælo. Interrogati dein qualem illi ideam haberent de Deo, respondebant quod non concipiant Deum invisibilem, sed Deum visibilem sub Humana forma; & quod hoc non modo sciant ex interiore perceptione, sed etiam ex eo quod apparuerit illis ut Homo; addentes, quod si secundum quorundam advenarum ideam conciperent Deum ut invisibilem, ita absque forma & quali, nequaquam possent cogitare de Deo, quoniam invisibile tale non cadit in ideam cogitationis. His auditis, dicere illis dabatur, quod bene faciant quod cogitent de Deo sub Humana forma, & quod multi ex nostra Tellure similiter cogitent, imprimis cum de Domino; & quod antiqui non aliter cogitaverint; narrabam tunc de Abrahamo, de Lotho, de Gideone, deque Manoacho & ejus uxore, & quid de illis memoratur in nostro Verbo, quod nempe viderint Deum sub Humana forma, & visum agnoverint pro Creatore Universi, & vocaverint Jehovam, & hoc quoque ex interiore perceptione: sed quod hodie interior illa perceptio in Orbe Christiano perierit, ac modo remaneat apud simplices qui in fide.

159. Antequam hæc dicta sunt, crediderunt quod etiam noster comitatus esset inter illos qui vellent confundere eos per ideam Trium de Deo, quapropter his auditis gaudio affecti sunt & dixerunt, quod a Deo, Quem tunc vocabant Dominum, etiam missi sint qui docent eos de Ipso, & quod non admittere velint advenas qui perturbant eos; imprimis per tres Personas in Divinitate, quoniam sciunt quod Deus unus sit, proinde quod Divinum unum, & non ex Tribus unanimum, nisi velint cogitare de Deo sicut de Angelo,

Angelo, in quo Intimum vitæ est quod invisibile ex quo cogitat & sapit, & Externum vitæ quod visibile sub humana forma ex quo videt & agit, & Procedens vitæ quod est sphaera amoris & fidei ab illo, nam ab unoquoque Spiritu & Angelo procedit sphaera vitæ, ex qua ad distantiam noscitur (cc); & quoad Dominum, quod Procedens vitæ ab Ipso sit Ipsum Divinum quod implet Caelos & facit illos, quia procedit ex Ipso Esse vitæ Amoris & Fidei; dicebant, quod sic non aliter possint percipere Trinum & Unum simul. His auditis dicere dabatur, quod talis idea de Trino & simul Uno concordet cum idea Angelica de Domino; & quod sit ex ipsa Doctrina Domini de Se Ipso; nam docet quod Pater & Ipse unum sint, quod Pater in Ipso & Ipse in Patre; quod qui videt Ipsum videat Patrem; ac qui credit in Ipsum eredit in Patrem & cognoscat Illum; tum quod Paracletus, quem vocat Spiritum veritatis, ut & Spiritum Sanctum, procedat ab Ipso, & non loquatur a Se sed ab Ipso, per quem intelligitur Divinum procedens. Porro, quod idea de Trino & simul Uno concordet cum Esse & Existere vitæ Domini cum fuit in mundo; Esse vitæ Ipsius fuit Ipsum Divinum, nam conceptus est a Jehovah; & Esse vitæ cujuscvis est a quo concipitur; Existere vitæ ex illo Esse est Humanum in forma; esse vitæ cujuscvis hominis quod ei a patre, vocatur Anima, & existere vitæ inde vocatur Corpus; Anima & Corpus unum hominem constituunt; similitudo inter utrumque est sicut inter id quod est in Conatu & quod est in Actu inde, est enim actus conatus agens, & sic duo unum: Conatus in homine vocatur Voluntas, & conatus agens vocatur actio; Corpus est instrumentale per quod Voluntas quæ est principale agit, ac instrumentale & principale in agendo unum sunt; ita Anima & Corpus: talem ideam de anima & corpore habent Angeli in Cælo; inde sciunt, quod Dominus Humanum suum fecerit Divinum ex Divino in Se quod fuit Ipsi Anima ex Patre. Fides etiam recepta ubivis in Christiano Orbe nec dissentit, nam illa docet, "*Quamvis Christus est Deus & Homo, usque tamen non est duo, sed unus Christus; imo est prorsus unus & unica Persona; quia sicut Corpus & Anima sunt unus homo, ita quoque Deus & Homo est unus Christus* (yy). Quia talis unio fuit, seu tale Unum in Domino, ideo non modo quoad animam, sed etiam quoad corpus, quod in mundo glorificavit, resurrexit, secus ac ullus homo; de quo etiam instruit discipulos, dicens, "*Palpate Me & videte, nam Spiritus Carnem & Ossa non habet, sicut Me videtis habere*" (zz). Hæc bene intellexerunt Spiritus illi, nam talia cadunt in intellectum Spirituum Angelicorum; addebant tunc, quod Soli Domino sit potestas in Cælis, & quod Cæli sint Ipsius; ad quæ respondere datum est, quod etiam id sciat Ecclesia in nostra Tellure ex Ipsius Domini ore antequam ascendit

(yy) Ex Athanasii symbolo.

(zz) Quod homo statim post mortem resurgat quoad spiritum; & quod ille sit in humana forma, & quod sit homo quoad omnia & singula, n: 4527. 5006. 5078. 8939. 8991. 10594. 10597. 10758. Quod homo resurgat tantum quoad spiritum, & non quoad corpus, n: 10593. 10594. Quod Solus Dominus etiam quoad Corpus resurrexerit, n: 1729. 2083. 5078. 10825.

ascendit in Cœlum, dixit enim tunc “ *Data est Mibi omnis potestas in Cœlo & in Terra.*”

160. Postea loquutus sum cum Spiritibus illis de sua Tellure; nam hoc sciunt omnes Spiritus, quando memoria eorum naturalis seu externa aperitur a Domino; hanc enim secum habent e mundo, sed non aperitur nisi ex beneplacito Domini. Dicebant tunc Spiritus de Tellure sua, e qua erant, quod, cum illis venia datur, appareant incolis Telluris suæ, ac loquantur cum illis sicut homines; & quod id fiat per id quod mittantur in memoriam suam naturalem seu externam, & inde cogitationem in quali fuerunt cum vixerunt in mundo, & quod incolis tunc aperiatur visus interior seu visus spiritus illorum, ex quo illi videntur: addebant, quod incolæ non aliter sciant, quam quod sint homines suæ telluris, & quod tunc primum appercipiant quod non sint, quando ex oculis eorum subito auferuntur. Dicebam illis, quod similiter in nostra Tellure antiquis temporibus factum sit, sicut coram Abrahamo, Sarah, Lotho, Incolis Sodomæ, Manoacho & ejus uxore, Joschua, Maria, Elisabetha, ac in genere coram Prophetis: & quod Dominus similiter apparuerit, & qui viderunt non sciverint aliter quam quod homo telluris esset, antequam Se revelavit. Sed quod hodie hoc raro fiat, ex causa ne homines per talia cogantur ad credendum, nam fides coacta, qualis est quæ intrat per miracula, non inhæret, & quoque damno foret illis apud quos fides per Verbum in statu non coacto implantari potest.

161. Spiritus qui in mundo fuerat Antistes & Prædicator, prorsus non credebat quod aliæ Tellures darentur quam nostra, ex causa quia cogitaverat in mundo, quod Dominus solum in hac Tellure natus sit, & nulli absque Domino salus; quapropter redactus est in similem statum, in quem rediguntur spiritus quando apparent in Tellure sua sicut homines, de quo mox supra, & sic missus est in Tellurem illam, ut non modo videret eam, sed etiam loqueretur cum incolis ibi: quo facto, dabatur etiam communicatio inde mecum, ut similiter viderem incolas, & quoque aliqua super Tellure illa: (videatur supra n: 135). Apparebant tunc quatuor Genera hominum, sed unum genus post alterum successive; primum visi sunt homines vestiti; dein nudi colore humano carneo: postea nudi sed corpore inflammato; demum nigri.

162. Cum Spiritus qui fuerat Antistes & Prædicator, erat apud illos qui vestiti erant, apparebat fœmina perquam bellâ facie, induta veste simplici, tunica pendente a tergo decenter, inducâ etiam super brachia; tegumentum capitis ejus pulchrum erat in forma ferti ex floribus: Spiritus ille visa ea virgine delectabatur valde, & loquebatur cum illa, & quoque prehendebat ejus manum; sed quia illa appercipiebat quod spiritus esset; & non ex illa Tellure, proripiebat se ab illo: postea apparebat ei a dextro plures aliæ fœminæ, quæ pascebant oves & agnos, quos tunc ducebant ad canalem potatorium, in quem aqua deducta erat per fossulam ex aliquo lacu; illæ similiter vestitæ erant, manibus tenentes baculos pastoritios, per quos ducebant oves & agnos ad potum; dicebant quod oves illuc vadant quo baculis suis monstrant: Oves, quæ visæ, erant grandes, caudis lanigeris, latis & protensis.

Facies fœminarum visæ sunt propius, erunt plenæ & pulchræ. Viri etiam visi sunt, eorum facies erant colore humano carneo, sicut in nostra Tellure; sed cum differentia, quod inferior pars faciei eorum loco barbæ esset nigra, & nasus plus niveo colore quam carneo. Postea Spiritus, qui ut dictum, in mundo fuerat prædicator, perducebatur ulterius, sed invito, quia adhuc in cogitatione illius fœminæ, qua delectabatur, erat, quod patebat ex eo quod usque aliquid umbræ ex illo appareret in priori loco; veniebat tunc ad illos qui Nudi erant: hi visi sunt bini & bini ambulantes una, erant maritus & uxor, cincti velamine circum lumbos, ac quodam tegmine circum caput: Spiritus ille, cum apud hos erat, perducebatur in statum, in quo fuit in mundo cum vellet prædicare, & tunc dixit, quod coram illis vellet prædicare Dominum crucifixum, sed dicebant quod non vellent audire tale, quia nesciunt quid hoc, & quod sciant quod Dominus vivat: ajebat tunc, quod prædicare vellet Dominum vivum, sed hoc quoque recusabant, dicentes quod apperiperent in loquela ejus non cœleste, quia multum propter se, sui famam & honorem, & quod audiant ex ipso sono loquelæ num ex corde, vel non; & quia talis, quod non docere eos posset; quapropter tacebat: fuerat in mundo, cum vixit, maxime patheticus, sic ut perquam movere potuerit auditores ad sanctum; sed patheticum illud fuerat arte acquisitum, ita a se & e mundo, & non e cœlo.

163. Dicebant porro, quod perceptionem habeant, num Conjugiale sit apud illos ex sua gente qui nudi sunt; & ostendebatur quod id percipiant ex idea spirituali de Conjugio, quæ mecum communicata erat talis, ut similitudo interiorum esset formata per conjunctionem boni & veri, ita amoris & fidei, & quod ex illa conjunctione defluente in corpus existat amor conjugialis; nam omnia quæ animi sunt, sistuntur in aliqua specie naturali in corpore, ita in specie amoris conjugialis, cum interiora duorum se mutuo amant, & quoque ex amore illo desiderant velle & cogitare unus sicut alter, ita quoad interiora quæ mentis simul esse & conjungi; inde affectio spiritualis quæ mentium fit naturalis in corpore, ac induit se sensu amoris conjugialis: affectio spiritualis quæ mentium est affectio boni & veri, ac conjunctionis eorum, nam omnia mentis, seu cogitationis & voluntatis, se referunt ad verum & bonum. Dicebant etiam, quod prorsus non conjugiale detur inter unum virum & plures uxores, quoniam conjugium boni & veri, quod est mentium, non dabile est quam inter binos.

164. Deinde veniebat Spiritus, de quo supra, ad illos qui erant nudi sed corpore inflammato: & ultimo ad illos qui nigri, quorum aliqui erant nudi, aliqui vestiti: sed hi & illi alibi in eadem Tellure habitabant: spiritus enim momento potest duci in dissita Telluris, quoniam non progreditur & fertur sicut homo per spatia sed per mutationes status, vide supra n: 125. 127 (ss).

165. Demum loquutus sum cum spiritibus illius Telluris de fide incolarum nostræ Telluris de Resurrectione, quod non possint concipere, quod homines statim post mortem in alteram vitam veniant, & tunc appareant ut homines quoad faciem, corpus, brachia, pedes, & quoad omnes sensus externos & internos;

internos; & adhuc minus quod vestibis tunc sint induti; & quod mansiones & habitacula illis sint; & hoc solum ex causa, quia plerique ibi ex sensualibus quæ sunt corporis cogitant, ac ideo credunt nihil esse quæ non vident & tangunt: & quod pauci eorum subduci a sensualibus externis queant ad interiora, & sic elevari in lucem cœli, in quâ talia percipiuntur: inde est, quod de Anima seu Spiritu suo non aliquam ideam hominis habere possint, sed ideam sicut de vento, aere aut pneumate nullius formæ, in quo tamen aliquid vitale: hæc causa est, quod non credant se resurrecturos quam in fine mundi, quem ultimum Judicium vocant, & tunc quod corpus tametsi collapsum in pulverem & dissipatum in omnes ventos, reducendum sit & conjungendum Animæ suæ seu spiritui suo: addebam, quod hoc permittatur illis credere, quoniam non aliter capere possunt, qui ex sensualibus externis, ut dictum est, cogitant, quam quod anima seu spiritus ejus non possit vivere homo in humana forma, nisi recipiat id corpus quod circumtulit in mundo; quare nisi diceretur id resurgere, Doctrinam de Resurrectione & de Vita æterna ut incomprehensibilem e corde rejicerent. Sed usque illa cogitatio de Resurrectione secum id utile habet, quod credant vitam post mortem, ex qua fide sequitur, quod cum jacent ægroti in lecto, & non ex mundanis & corporeis, ita non ex sensualibus, ut prius, cogitant, tunc credant se statim post obitum victuros; loquuntur etiam tunc de cœlo, ac de spe vitæ ibi statim post mortem remotive a Doctrinali de Ultimo Judicio: narrabam porro, quod aliquoties miratus sim, quod quando illi qui in fide sunt loquuntur de vita post mortem, deque suis qui obeunt vel obiverunt, & tunc non simul cogitant de Ultimo Judicio, credant illos victuros aut vivere homines statim post obitum; sed hæc idea, ut primum insinuat cogitatio de Ultimo Judicio, mutatur in ideam materiale[m] de terrestri suo corpore, quod iterum conjungendum suæ animæ sit: nesciunt enim, quod unusquisque homo sit spiritus quoad interiora sua, & quod ille sit qui vivit in corpore & in singulis ejus, & non corpus ex se; & quod spiritus cujuscvis sit, ex quo corpus formam suam humanam habet, consequenter qui principaliter homo est, & in simili forma, sed invisibili coram oculis corporis, at visibili coram oculis spirituum: inde etiam, cum aperitur visus spiritus hominis, quod fit per remotionem visus corporis, apparent Angeli ut homines: ita Angeli apparuerunt antiquis, de quibus in Verbo. Loquutus etiam sum aliquoties cum Spiritibus, quos, cum vixerunt homines in mundo, novi, quærendo num velint reindui terrestri suo corpore, sicut cogitaverunt prius, quo audito ad solam ideam conjunctionis ejus longe aufugerunt, perculsi stupore, quod in mundo ex cæca fide absque omni intellectu ita cogitaverint.

166. Præterea in Tellure illa visa sunt eorum habitacula, quæ erant Domus humiles in longum productæ, cum fenestris a lateribus secundum numerum mansionum seu camerarum in quas erant divisæ; tectum erat rotundum; & janua utrinque in extremitate; dicebant quod exstructæ essent ex humo, & tectæ cespitibus; & quod fenestræ ex filis gramineis, ita contextæ, ut lux transpareret. Infantes quoque visi sunt, dicebant quod vicini ad illos veniant,

imprimis propter infantes, ut in consortio sint cum infantibus aliis sub conspectu & auspicio parentum. Apparebant etiam agri tunc albescentes ex messe pæne matura; ostensa sunt semina seu grana istius messis, quæ similia erant granis tritici Chinenſis: ostensi etiam sunt panes ex illis, qui parvi in frustis quadratis. Præterea etiam apparebant campi graminei cum floribus ibi; & quoque arbores cum fructibus qui similes malogranatis; tum arbuſta, quæ non vites, sed usque ferentia baccas, ex quibus vinum præparant.

167. Sol ibi, qui nobis stella, apparet ibi flammeus, magnitudine fere quartæ partis nostri Solis; Annus illis est 200 dierum circiter, ac Dies 15 horarum respective ad tempus dierum in nostra Tellure: ipsa Tellus inter minimas est in Cœlo astrifero, vix 500 milliarium Germanicorum in circumferentia: hæc dixerunt Angeli ex comparatione facta cum talibus in nostra Tellure, quæ in me seu in mea memoria videbant; concludebant illa per ideas angelicas, per quas illico sciuntur mensuræ spatiorum & temporum in justa ratione respective ad spatia & tempora alibi: ideæ angelicæ quæ spirituales, in talibus immensum excedunt ideas humanas, quæ naturales.

De Quinta Tellure in Cœlo Astrifero, deque ejus Spiritibus & Incolis.

168. **P**Erductus sum iterum ad aliam Tellurem, quæ extra Mundum nostrum solarem in Universo erat, & hoc quoque per mutationes status pæne duodecim horis continuatas. In comitatu mecum erant Spiritus & Angeli ex nostra Tellure plures, cum quibus in via seu progressionem illa loquebar: ferebar nunc oblique sursum & oblique deorsum, continue versus dextrum, quod in altera vita est versus meridiem; modo in duobus locis videbam Spiritus, & in uno cum illis loquebar. In via seu in progressionem illa observare dabatur, quam immensum esset cœlum Domini quod pro angelis & spiritibus; ex non habitatis enim concludere dabatur, quod tam immensum esset, ut si darentur plures myriades Tellurum, & in qualibet tanta multitudo hominum quanta in nostra, quod usque habitatio foret pro illis in æternum, & nusquam impleretur: hoc concludere potui ex comparatione facta cum extensione cœli quod circum nostram Tellurem & pro illa, quæ extensio erat tam parva respective, ut non æquaret unam myriadis myriadam partem extensionis non habitatæ.

169. Cum Spiritus Angelici, qui ab illa Tellure, venerunt in conspectum, alloquebantur nos, quærentes quinam essemus, & quid vellemus, dicebamus quod peregrinationis causa, & quod illuc delati, & ne timeant a nobis: timebant enim quod essemus ex illis qui perturbant eos de Deo, de Fide, & de similibus, propter quos in illam plagam ad Tellurem suam se contulerunt, fugientes eos quocunque possent. Interrogati per quæ perturbant, respondebant per ideam Trium, & per ideam Divini absque Humano, in Deo, cum tamen

tamen sciunt & percipiunt quod Deus sit Unus, & quod sit Homo. Perceptum tunc quod illi qui perturbant eos, & quos fugerunt, fuerint ex nostra Tellure; tum ex eo quod ex nostra Tellure sint qui ita circumvagantur in altera vita ex studio & jucundo peregrinationis quod contraxerunt in mundo; in aliis enim Telluribus non tales peregrinationes sunt: compertum deinde est, quod essent Monachi, qui ex studio convertendi gentes in nostro Orbe peregrinati sunt: quapropter dicebamus eis, quod bene faciant quod fugiant illos, quia intentio illorum non est docere, sed lucrari & dominari; & quod per varia primum captare animos studeant, sed deinde subicere illos sibi ut servos. Præterea, quod bene faciant, quod non patiantur ideam suam de Deo a talibus perturbari. Porro dicebant, quod etiam confundant illos per id, quod dicant se oportere fidem habere ac credere quæ dicunt: at quod responderint illis, quod non sciant quid Fides seu quid sit credere, quum in se percipiunt quod ita sit; erant e Regno cœlesti Domini, ubi omnes ex interiore perceptione sciunt vera, quæ apud nos vocantur fidei; sunt enim in illustratione a Domino; secus ac illi qui in Regno spirituali sunt. Quod spiritus angelici illius Telluris ex Regno cœlesti essent, videre etiam dabatur ex flammeo, ex quo idæ eorum; lux enim flammea est in Regno cœlesti, & lux candida in Regno spirituali. Qui e Regno cœlesti sunt, illi cum sermo est de Veris, non plus dicunt quam ita ita, vel non non, & nusquam ratiocinantur de illis num ita sit vel non ita sit; illi sunt, de quibus Dominus dicit, "*Sermo vester erit ita ita, non non, quod ultra est ex malo est*;" inde est quod spiritus illi dixerint, quod non sciant quid sit fidem habere seu credere; considerant hoc, sicut si aliquis diceret ad socium, qui oculis suis videt domos aut arbores, quod fidem habere debeat seu credere quod sint domus ac arbores, cum clare videt quod ita sit: tales sunt qui e Regno cœlesti Domini sunt, & tales erant hi spiritus angelici (aaa). Dicebamus illis, quod pauci in nostra Tellure sint qui interiorum perceptionem habent, ex causa quia in juventute sua discunt vera & non faciunt illa: sunt enim binæ facultates homini, quæ vocantur Intellectus & Voluntas; qui non ultra quam in memoriam & inde aliquantum in Intellectum admittunt vera, & non in vitam, hoc est, in voluntatem, illi quia in nulla illustratione aut interiori visu a Domino possunt esse, dicunt quod credenda sint seu quod fides habenda, & quoque ratiocinantur de illis num vera sint vel non, imo nec volunt ut percipiantur aliquo visu interiori seu quadam illustratione per intellectum; ita dicunt, quia vera apud illos sunt absque luce e cœlo, & illis, qui absque luce e cœlo vident, falsa possunt

(aaa) Quod Cœlum in duo Regna distinctum sit, quorum unum vocatur Regnum cœleste, alterum Regnum spirituale, n: 3887. 4138. Quod Angeli in Regno cœlesti innumerabilia sciunt & immensum sapiant præ angelis in Regno spirituali, n: 2718. Quod Cœlestes Angeli non cogitent & loquantur ex fide prout Angeli spirituales, sed ex perceptione interna, quod ita sit, n: 202. 597. 607. 784. 1121. 1387. 1398. 1442. 1919. 7680. 7877. 8780. Quod Angeli cœlestes de veris fidei modo dicant ita ita, aut non non, at quod Angeli spirituales ratiocinentur num ita sit vel non ita sit, n: 202. 337. 2715. 3246. 4448. 9196.

possunt apparere ut vera, ac vera ut falsa: inde plures ibi tanta occupavit cæcitas, ut tametsi homo non faciat vera, seu vivat secundum illa, usque dicant cum per solam fidem posse salvari, sicut quod homo non foret homo ex vita & secundum illam, sed ex scientia talium quæ fidei absque vita. Postea loquebamur cum illis de Domino, de amore in Ipsum, de amore erga proximum, deque regeneratione; dicendo, quod amare Dominum sit amare præcepta, quæ ab Ipso, quod est, ex amore vivere secundum illa (*bbb*). Quod amor erga proximum sit velle bonum & inde facere bonum Concivi, Patriæ, Ecclesiæ, Regno Domini, non propter se ut videatur vel ut mereatur, sed ex affectione boni (*ccc*). De Regeneratione, quod illi qui regenerantur a Domino, & immittunt vera illico in vitam, in interiorem perceptionem de illis veniant; at quod illi qui recipiunt vera primum in memoria, & dein volunt illa & faciunt illa, sint qui in fide sunt; nam ex fide, quæ tunc vocatur conscientia, agunt. Hæc dixerunt se percipere quod ita sit, proinde etiam quid fides. Loquutus sum cum illis per ideas spirituales, per quas sisti & comprehendendi possunt talia in luce.

170. Hi Spiritus, cum quibus nunc loquutus sum, erant a parte septentrionali suæ Telluris: dein perductus sum ad alios, qui erant a parte occidentali; hi quoque volentes explorare quinam essem & qualis, statim dicebant, quod apud me nihil nisi quam malum esset, cogitabant quod sic deterrerer a propius accedendo; apperceptum, quod ita ad omnes, qui adveniunt, primum dicant: sed respondere dabatur, quod sciam bene quod ita sit, & quod apud illos similiter nihil nisi quam malum sit, ex causa quia omnis nascitur in malum, & ideo quicquid ab homine, spiritu, & angelo ut a suo seu proprio venit, non est nisi quam malum, quoniam omne bonum, quod apud unumquemvis, est a Domino: inde appercepiebant, quod in veritate essem; & admittebar ad loquendum cum illis: tunc ostendebant mihi suam ideam de malo apud hominem, & de bono a Domino, quomodo ab invicem separantur; ponebant unum juxta alterum, pœne ut contigua, sed usque distincta, at quasi vincta ineffabili modo, ita ut bonum duceret malum & frænaret illud; ut non liceret ei agere ex lubitu, & quod bonum sic flecteretur malum, quo vellet, præterquam quod malum id resciret: ita sistebant dominium boni super malum, & simul statum liberum. Deinde interrogabant, quomodo Dominus apparet apud Angelos e nostra Tellure, dicebam quod appareat in Sole ut Homo, circumdatus ibi Igneo solari, ex quo est omnis Lux angelis in Cælis, & quod Calor qui procedit inde sit Divinum Bonum, & quod Lux quæ inde sit Divinum Verum, utrumque ex Divino Amore, qui est Igneum apparens circum Dominum in illo Sole: sed quod Sol ille modo Angelis in Cælo appareat, & non spiritibus qui infra sunt, quoniam hi remotiores sunt

(*bbb*) Quod amare Dominum sit vivere secundum præcepta Ipsius, n: 10143. 10153. 10310. 10578. 10648.

(*ccc*) Quod amare proximum sit facere bonum, justum & rectum in omni opere & in omni functione ex affectione boni, justi & recti, n: 8120. 8121. 8122. 10310. 10336. Quod vita amoris erga proximum sit vita secundum præcepta Domini, n: 3249.

sunt a receptione boni amoris & veri fidei, quam angeli qui in cœlis (vide supra n : 40). Quod quæsierint de Domino, & de Ipsius apparentia coram Angelis a nostra Tellure, dabatur illis, quoniam tunc placuit Domino se præsentem sistere apud illos, ac in ordinem redigere illa quæ ex spiritibus malis ibi deturbata sunt, de quibus conquesti sunt; ut hæc viderem, causa etiam erat quod illuc perductus sim.

171. Visa tunc est Nubes obscura versus ortum ex alto descendens, quæ in descendendo apparebat per gradus lucida & in Humana forma, tandem Hæc in Jubare flammeo, circum quod stellulæ ejusdem coloris: sic Dominus præsentem se stitit apud Spiritus cum quibus loquebar. Ad præsentiam tunc congregabantur ab undique omnes Spiritus qui ibi, ac cum venerunt, separabantur boni a malis, boni ad dextrum & mali ad sinistrum, & hoc illico sicut sua sponte; & qui ad dextrum, ordinabantur secundum quale boni, & qui ad sinistrum secundum quale mali, apud illos; qui boni erant, relictæ sunt, ut Societatem cœlestem inter se formarent; mali autem coniecti sunt in inferna. Postea videbam, quod flammeum illud Jubar descenderet in inferiora terræ ibi satis profunde, & tunc illud apparebat nunc in flammeo vergente ad lucidum, nunc in lucido vergente ad obscurum, & nunc in obscuro; & dicebatur mihi ab Angelis, quod apparentia illa sit secundum receptionem veri a bono, ac falsi a malo, apud illos qui inferiora terræ illius incolunt, & prorsus non quod Jubar flammeum tales varietates subiret; dicebant etiam quod inferiora terræ illius incoherentur tam a bonis quam a malis, sed probe separati, ob causam ut mali regerentur per bonos a Domino; addebant, quod boni per vices inde eleventur in Cœlum a Domino, & loco illorum alii succedant, & sic jugiter. In descensu illo separabantur similiter boni a malis, & redigebantur omnia in ordinem: mali enim per varias artes & astutias se intulerunt ibi in domicilia bonorum, ac infestaverunt illos; ob quam causam illa Visitatio. Nubes illa, quæ in descendendo apparebat per gradus lucida & in Humana forma, & dein ut Jubar flammeum, erat Societas Angelica, in cujus medio Dominus. Inde scire dabatur, quid intelligitur per Domini verba, ubi de Ultimo Judicio, apud Evangelistas, "*Quod Venturus sit cum Angelis in nubibus cœli cum gloria & virtute*".

172. Postea visi sunt spiritus Monachales, qui nempe fuerunt Monachi peregrinatores seu Missionarii in mundo, de quibus supra dictum est, & quoque visa est Turba spirituum, qui erant ex illa Tellure, plerique mali, quos in sui partes traxerunt & seduxerunt: hi visi sunt ad plagam orientalem illius Telluris, e qua abegerunt bonos qui se ad septentrionale latus Telluris, de quibus prius, contulerunt: illa turba una cum suis seductoribus in unum collecta est ad aliquot millia, & separata, mali ex illa coniecti sunt in inferna. Cum uno spiritu Monacho dabatur etiam loqui, & quærere quid faceret ibi, dicebat ut illos doceret de Domino; quid porro, de Cœlo & Inferno; quid porro, de Fide omnium quæ dicturus; quid porro, de Potestate remittendi peccata, ac aperiendi & claudendi Cœlum; explorabatur tunc quid sciret de Domino, de veris fidei, de remissione peccatorum, de salvatione hominis, ac

de cœlo & inferno, & compertum est, quod vix aliquid sciret, & quod esset in obscuro & in falso de omnibus & singulis; & quod solum insideret ei lucrandi & dominandi cupiditas, quam in mundo contraxit, & inde secum tulit; quare dicebatur ei, quod quia ex illa cupiditate usque illuc peregrinatus est, & quia talis est quoad doctrinam, non aliter potuisset quam apud spiritus illius Telluris auferre lucem cœlestem, & inferre tenebras inferni, & sic efficere quod infernum apud illos dominaretur, & non Dominus. Præterea astutus erat in seducendo, sed stupidus quoad illa quæ cœli: is quia talis erat, dein coniectus est in infernum. Ita spiritus illius Telluris ab illis liberati sunt.

173. Spiritus illius Telluris inter alia quoque dicebant, quod advenæ illi, qui ut dictum est, erant spiritus Monachi, omni studio persuaserint ut in societate simul viverent, & non separati & solitarii: spiritus enim & Angeli habitant & cohabitant similiter ut in mundo; qui congregati habitaverunt in mundo, etiam congregati in altera vita habitant, & qui separati in domos & familias, etiam separati ibi habitant; hi Spiritus in tellure sua, cum ibi vixerunt homines, habitaverunt separati, domus & domus, familiæ & familiæ, & sic gentes & gentes, & inde nesciverunt quid esset habitare in societate simul: quare cum dicebatur illis, quod advenæ illi ita persuaderent ob causam ut imperarent seu dominarentur super illos, & quod non aliter possent subjicere illos sibi & facere illos servos; respondebant, quod prorsus nesciant quid sit imperare & dominari; quod fugiant ad solam ideam imperii & dominatus, animadvertēbam ex eo, quod unus ex illis, qui nos comitabatur retro, cum ostenderem illi urbem, in qua habitabam, ad primum aspectum ejus aufugeret, & amplius non visus.

174. Tunc loquutus sum cum Angelis, qui apud me erant, de Dominiis, quod duo genera dominii sint, unum amoris erga proximum, & alterum amoris sui; & quod dominium amoris erga proximum sit inter illos qui separati in domos, familias, & gentes habitant; at dominium amoris sui inter illos qui in societate simul habitant: inter illos qui separati in domos, familias & gentes vivunt, dominatur ille qui Pater gentis est, & sub illo Patres familias, & sub his Patres cujusvis domus: Pater gentis dicitur, ex quo familiæ, & ex familiis domus; sed omnes illi dominantur ex amore, sicut Patris erga liberos, docet illos quomodo vivant, benefacit illis, & quantum potest ex suo illis dat; & nusquam in animum ejus venit subjicere illos sibi ut subditos aut sicut famulos, sed amat ut obediant illi sicut filii patri suo; & quia hic amor crescit in descendendo, ut notum est, ideo Pater gentis ex interiori amore agit quam ipse pater ex quo filii proxime sunt: tale etiam dominium est in cœlis, quoniam tale dominium est Domini; est enim dominium Ipsius ex Divino Amore erga universum genus humanum. At dominium amoris sui, quod oppositum est dominio amoris, erga proximum, incepit cum homo se abalienavit a Domino; nam quantum homo Dominum non amat & colit, tantum se amat & colit, & tantum quoque amat mundum: ex necessitate tunc, ut tuti essent, contulerunt se gentes cum familiis

& domibus in unum; & iniverunt Regimina sub variis formis; quantum enim ille amor crevit, tantum increverunt omnis generis mala, sicut inimicitiae, invidiae, odia, vindictae, saevitiae, doli, contra omnes qui se opponebant; a proprio enim, in quo sunt qui in amore sui, non aliud scaturit quam malum, nam proprium hominis non est nisi quam malum, & proprium quia malum, non recipit bonum e caelo; inde amor sui, dum est regnans, est pater omnium talium malorum (*ddd*): & quoque ille amor talis est, ut quantum ei laxantur fraena, ruat, usque tandem ut unusquisque talis dominari velit super omnes alios in universo terrarum orbe, & unusquisque velit possidere omnia aliorum bona; imo nec hoc satis est, dominari vult super universum caelum; ut constare potest ex hodierna Babylonia. Hoc nunc est dominium amoris sui, a quo tantum differt dominium amoris erga proximum, quantum Caelum ab Inferno. Sed quantumvis dominium amoris sui tale est in societatibus, seu in Regnis & Imperiis, usque tamen datur dominium amoris erga proximum etiam in illis, apud eos qui sapientes sunt ex fide & amore in Deum, hi enim amant proximum: quod hi etiam in Coelis habitent distincti in gentes, familias, & domos, tametsi in societatibus simul, sed secundum affinitates spirituales, quae sunt boni amoris & veri fidei, alibi, ex Divina Domini Misericordia, dicitur.

175. Postea interrogabam Spiritus illos de variis quae in Tellure, e qua erant; primum de Cultu eorum Divino, & de Revelatione; de Cultu dicebant, quod Gentes cum familiis suis quovis trigesimo die ad unum locum conveniant, & audiant praedicationes; & quod Praedicator tunc e Pulpito aliquantum e terra elevato doceat illos Vera Divina, quae ducunt ad bonum vitae. De Revelatione ajebant, quod illa fiat tempore matutino in statu medio inter somnum & vigiliam, quando in luce interiore nondum interpolata a sensibus corporeis & a mundanis sunt; & quod tunc audiant Angelos Coeli loquentes de Veris Divinis, ac de vita secundum illa; & quod cum in vigiliam veniunt, appareat illis Angelus in veste alba ad lectum, qui tunc subito ab oculis illorum disparatur; & quod inde sciant, quod ex Caelo sint quae audiverunt: ita internoscitur Visio Divina a visione non Divina, nam in visione non Divina Angelus non apparet: addebant quod tali modo Revelationes fiant apud Praedicatores eorum, quandoque etiam apud alios.

176. Ad

(*ddd*) Quod hominis proprium, quod trahit a parentibus, non sit nisi quam densum malum, n: 210. 215. 731. 874. 876. 987. 1047. 2307. 2318. 3518. 3701. 3812. 8480. 8550. 10283. 10284. 10286. 10731. Quod hominis proprium sit amare se pra Deo, & mundum pra caelo, & nihili facere proximum respective ad se, nisi modo propter se, ita semet, sic quod sit amor sui & mundi, n: 694. 731. 4317. 5660. Quod ex amore sui & mundi, dum praedominantur, omnia mala, n: 1307. 1308. 1321. 1594. 1691. 3413. 7255. 7376. 7480. 7488. 8318. 9335. 9348. 10038. 10742. Quae sunt contemptus aliorum, inimicitia,odium, vindicta, saevitia, dolus, n: 6667. 7372. 7373. 7374. 9348. 10038. 10742: & quod ex his malis omne falsum, n: 1047. 10283. 10284. 10286.

176. Ad interrogationem de domibus eorum, dicebant, quod illæ humiles sint, ex lignis, cum tecto plano, circum quod limbus obliquatus deorsum; & quod antè ibi habitent Maritus & Uxor, in contiguo proximo liberi, post ancillæ & famuli. De Cibo dicebant, quod bibant lac cum aqua; & quod lac illis sit ex vaccis, quæ lanigeræ sicut oves. De vita eorum dicebant, quod ambulent nudi, & quod nuditas illis non pudori sit: tum quod conversationes illorum sint cum illis qui intra familias.

177. De Sole illius telluris narrabant, quod ille appareat incolis flammeus; quod tempus annum illis sit 200 dierum; & quod dies æquet 9 horas nostri temporis; quod ex diuturnitate dierum nostræ telluris in me percepta concludere potuerunt: & porro, quod illis verum & æstivum perpetuum sit, & inde quod campi floreat, & arbores fructus ferant perenniter: causa quod ita sit, est quia Annus eorum tam brevis est, æquans modo tempus 75 dierum nostri anni; & ubi anni tam breves sunt, ibi non frigus moratur hyemé, nec æstus ætate, unde vernat humus continue.

178. De Desponsationibus & Conjugiis in illa Tellure referebant, quod Filia circa ætatem ejus nubilem teneatur domi, nec liceat ei exire usque ad diem quo maritanda; & quod tunc perducatur ad domum quandam connubialem, quo etiam plures aliæ adolescentulæ, quæ nubiles, deductæ sunt, ac ibi ponantur post tabulatum usque ad mediam corporis eorum partem elevatum; apparentes sic nudæ quoad partem pectoralem & faciem: & quod tunc Juvenes illuc veniant, ut sibi eligant aliquam in uxorem; & cum Juvenis videt quandam sibi conformem, ad quam animus ejus illum trahit, manu illamprehendit; si illa tunc sequitur, ducit illam in domum præparatam, & fit ejus uxor: ex faciebus enim vident, num animis conveniant, nam facies cujusvis ibi est index animi, nihil simulat & mentitur. Ut omnia decenter fiant; & absque lascivia, post puellas virgines sedet vir senex, & ad latus mulier vetula, & observant. Talia loca sunt plura, ad quæ adolescentulæ ducuntur; & quoque stata tempora, ut juvenibus sit electio; si enim non in uno loco puellam sibi convenientem vident, abeunt in alium; & si non eo tempore, sequenti redeunt. Porro dicebant, quod Maritus modo unam uxorem habeat, & nusquam plures, quia hoc contra ordinem Divinum.

mi con-
ordine
Sic me-
77. Fin.

F I N I S.

DOCTRINA
NOVÆ HIEROSOLYMÆ
DE
DOMINO.




AMSTELODAMI:

MDCCLXIII.

A. J. T. O. O. D.
MAY 1860

D. O. M. I. N. O.



WEST LONDON
MUSEUM



P R Æ F A T I O.



Nte aliquot annos edita sunt quinque Opuscula, quæ sunt 1. DE CÆLO ET INFERNO. 2. DOCTRINA NOVÆ HIEROSOLYMÆ. 3. DE ULTIMO JUDICIO. 4. DE EQUO ALBO. 5. DE PLANETIS ET TELLURIBUS IN UNIV-
VERSO : in quibus manifestata sunt plura , quæ hæcenus ignota fuerunt. Nunc ex mandato DOMINI, qui mihi revelatus est, pu-
blico sistenda sunt sequentia.

DOCTRINA NOVÆ HIEROSOLYMÆ DE DOMINO.

DOCTRINA NOVÆ HIEROSOLYMÆ DE SCRIPTURA SACRA.

DOCTRINA VITÆ PRO NOVA HIEROSOLYMA EX PRÆCEPTIS DECA-
LOGI.

DOCTRINA NOVÆ HIEROSOLYMÆ DE FIDE.

CONTINUATIO DE ULTIMO JUDICIO.

SAPIENTIA ANGELICA DE DIVINA PROVIDENTIA.

SAPIENTIA ANGELICA DE DIVINA OMNIPOTENTIA, OMNIPRAESENTIA,
OMNISCIENTIA, INFINITATE ET ÆTERNITATE.

SAPIENTIA ANGELICA DE DIVINO AMORE ET DE DIVINA SAPIENTIA.

SAPIENTIA ANGELICA DE VITA.

Dicitur Doctrina Novæ Hierosolymæ, ac intelligitur Doctrina pro Nova Ecclesia, quæ hodie a Domino instauranda est, vetus enim Ecclesia ad finem suum pervenit, ut constare potest ex illis, quæ in Opusculo de ULTIMO JUDICIO n. 33. ad 39, dicta sunt., & quæ in Sequentibus Opusculis mox nominatis ulterius dicenda sunt. Quod per Novam Hierosolymam, quæ in Apocalypsi Cap. XXI. prædicitur ventura post Judicium, intelligatur Nova Ecclesia, videatur hic infra in ultimo Articulo.





DOCTRINA NOVÆ HIEROSOLYMÆ

D E

DOMINO.



Quod universa Scriptura Sacra sit de Domino;
& quod Dominus sit Verbum.

1.



Egitur apud Johannem. *In principio erat Verbum, & Verbum erat apud Deum, & Deus erat Verbum: hoc erat in principio apud Deum. Omnia per Ipsum facta sunt, & sine Ipso factum est nihil quod factum est. In Ipso Vita erat, & vita erat Lux hominum: & Lux in tenebris apparet, sed tenebræ illam non comprehenderunt. Cæterum Verbum Caro factum est, & habitavit inter nos, & vidimus gloriam Ipsius, gloriam sicut Unigeniti a Patre, plenus gratia & veritate; I: 1. 2. 3. 4. 5. 14. Apud Eundem, Lux venit in mundum, sed dilexerunt homines magis tenebras quam lucem; erant enim opera eorum mala, III: 19: & alibi apud Eundem, Quousque Lucem habetis, credite in Lucem, ut filii Lucis sitis. Ego Lux in mundum veni, ut omnis qui credit in Me, in tenebris non maneat, XII: 36. 46. Ex his patet, quod Dominus sit ab æterno Deus, & quod Ipse Ille Dominus sit, qui natus est in mundo; dicitur enim, Verbum erat apud Deum, & Deus erat Verbum; tum sine Ipso factum est nihil quod factum est: & postea, quod Verbum Caro factum sit, & viderint Ipsum. Quod Dominus dicatur Verbum, parum in*

Ecclesia intelligitur; sed dicitur Verbum, quia Verbum significat Divinum Verum seu Divinam Sapientiam, & Dominus est Ipsum Divinum Verum seu Ipsa Divina Sapientia, quare etiam vocatur Lux, de qua etiam dicitur quod in mundum venerit. Quia Divina Sapientia & Divinus Amor unum faciunt, & in Domino unum ab æterno fuerant, ideo etiam dicitur, *in Ipso vita erat, & vita erat lux hominum*, Vita est Divinus Amor, & Lux est Divina Sapientia. Hoc unum est, quod intelligitur per quod in principio esset Verbum apud Deum, & quod Deus esset Verbum; apud Deum est in Deo, nam sapientia est in amore, & amor in sapientia; similiter alibi apud Johannem, *Glorifica me Tu Pater apud Te Ipsum, gloria, quam habui antequam mundus esset apud Te*, XVII: 5; apud Te Ipsum est in Te Ipso; quare etiam dicitur, & Deus erat Verbum: & alibi, quod Dominus sit in Patre & Pater in Ipso, tum quod Pater & Ipse unum sint. Nunc quia Verbum est Divina Sapientia Divini Amoris, sequitur quod sit Ipse Jehovah, ita Dominus, a Quo omnia facta sunt quæ facta, nam ex Divino Amore per Divinam Sapientiam omnia creata sunt.

2. Quod sit idem Verbum, quod manifestatum est per Mosen & Prophetas, & per Evangelistas, quod hic in specie intelligitur, manifeste constare potest ex eo, quod illud sit ipsum Divinum Verum, ex quo omnis sapientia est Angelis, & intelligentia spiritualis hominibus; est enim idem hoc Verbum, quod est apud homines in mundo, etiam apud Angelos in cælis, at in mundo apud homines est illud naturale, in cælis autem est spirituale: & quia est Divinum Verum, est etiam Divinum procedens, & hoc non modo est a Domino, sed etiam est Ipse Dominus. Quia illud est Ipse Dominus, ideo omnia & singula Verbi de solo Ipso scripta sunt; ab Esaia usque ad Malachiam non datur aliquid quod non de Domino, aut in opposito sensu contra Dominum. Quod ita sit, nemo adhuc viderat, sed usque omnis id videre potest, modo id scit, & dum legit, id cogitat, ac insuper scit, quod in Verbo non modo sit sensus naturalis, sed etiam spiritualis, & quod in hoc sensu per nomina Personarum & Locorum significetur aliquid Domini, & inde aliquid cæli & Ecclesiæ ab Ipso, aut aliquod oppositum. Quoniam omnia & singula Verbi de Domino sunt, & Verbum est Dominus quia est divinum Verum, patet cur dicitur, *Et Verbum Caro factum est, & habitavit inter nos, & vidimus gloriam Ipsius*. Tum cur dicitur, *Quousque, Lucem habetis, credite in Lucem, ut filii Lucis sitis: Ego Lux in mundum veni, qui credit in Me, in tenebris non manet*; Lux est Divinum Verum, ita Verbum. Propter hoc, omnis, etiam hodie, qui Dominum solum adit, dum legit Verbum, & orat ad Ipsum, illustratur in eo.

3. Paucis hic etiam dicitur, quid de Domino apud omnes Prophetas Veteris Testamenti, ab ESAIA usque ad MALACHIAM in genere & in specie agitur I. Quod Dominus in mundum venerit in plenitudine temporum, quæ erat quando Ipse non amplius a Judæis cogoscebatur, & ex eo quando non aliquid Ecclesiæ supererat, & nisi tunc Dominus in Mundum venisset & se revelavisset, homo morte æterna periisset; dicit Ipse apud Johannem, *Nisi credideritis quod Ego sim, moriemini in peccatis vestris*, VIII: 24. II. Quod Dominus in mundum venerit, ut Ultimum Judicium faceret, & per id Inferna tunc dominan-

tia subjugaret, quod factum est per Pugnas, seu per Tentationes in Humanum suum a Matre, admissas, & per continuas tunc victorias: quæ nisi subjugata fuissent, nullus homo potuisset salvari. —III. Quod Dominus in Mundum venerit, ut glorificaret Humanum, hoc est, uniret illud Divino, quod in Ipso ex conceptione erat. IV. Quod Dominus in mundum venerit, ut novam Ecclesiam instauraret, quæ Ipsum agnosceret Redemptorem & Salvatorem, ac per amorem & fidem in Ipsum redimeretur & salvaretur. V. Quod simul tunc ordinaret Cælum, ut unum faceret cum Ecclesia. VI. Quod Passio crucis fuerit ultima pugna seu tentatio, per quam plene vicit Inferna, & plene glorificavit Humanum suum. Quod Verbum non de alijs rebus agat, videbitur in sequente Opusculo de Scriptura sacra.

4. Ad confirmandum quod ita sit, velim in Primo hoc Articulo solum adducere loca e Verbo, ubi dicitur DIES ILLE, in DIE ILLO, inque TEMPORE ILLO, in quibus per Diem & per Tempus intelligitur Adventus Domini. Apud ESAJAM: Fiet in POSTERITATE DIERUM, stabilis erit mons Jehovah in capite montium. Exaltabitur Jehovah solus in DIE ILLO. DIES JEHOVÆ Zebaoth super omnem magnificum & altum. In DIE ILLO projiciet homo idola argenti & auri sui. Cap. II. 2. 11. 12. 20. In DIE ILLO removebit Dominus Jehovahi ornatum: Cap. III. 18. In DIE ILLO erit germen Jehovah in decus & gloriam; Cap. IV. 2. Fremet contra eum in DIE ILLO, ac despiciet in terram, quæ ecce tenebræ, anxietas, & lux obtenebrescet in ruinis; Cap. V. 30. Fiet in DIE ILLO, sibilabit Jehovah muscæ in extremitate fluviorum Ægypti. In DIE ILLO detondebit Dominus in transitibus fluvii. In DIE ILLO vivificabit. Erit in DIE ILLO omnis locus in senticetum & vepretum; Cap. VII. 18. 20. 21. 23. Quid facietis in DIE visitationis, qui veniet. In DIE ILLO Israel innitetur Jehovah, Sancto Israelis in veritate; Cap. x. 3. 20. Fiet in DIE ILLO, radicem Jischaji, quæ stans in signum populorum, Gentes quærent, & erit quies Ipsi gloria. Imprimis in DIE ILLO Dominus requirit reliquias populi sui; Cap. XI. 10. 11. Dices in DIE ILLO, confitebor tibi Jehovah. Dicetis in DIE ILLO, constemini Jehovah, invocate Nomen Ipsi; Cap. XII. 1. 4. Propinquus est DIES JEHOVÆ, sicut devastatio a Schaddai veniet. Ecce DIES JEHOVÆ venit crudelis, & indignationis, & excandescentiæ, & iræ. Commovebo Cælum, & trepidabit terra e loco suo, in DIE excandescentiæ iræ Ipsi. Propinquum est TEMPUS Ipsi, & veniet, & dies non extrahentur; Cap. XIII. 6. 9. 13. 22. Fiet in DIE ILLO, atteretur gloria Jacobi. In DIE ILLO respiciet homo ad Factorem suum, & oculi ad Sanctum Israelis. In DIE ILLO erunt urbes refugii in derelicta sylvæ, Cap. XVII. 4. 7. 9. Dicit habitator insulæ in DIE ILLO, ecce expectatio nostra. In DIE ILLO erunt quinque civitates in terra Ægypti, loquentes labia Canaanis. In DIE ILLO erit Altare Jehovah in medio Ægypti. In DIE ILLO erit semita ex Ægypto in Aschutem, & Israël erit in medio terræ: Cap. XX: 6. 18. 21. 24. DIES tumultus, & conculcationis & perplexitatis Domino Jehovahi Zebaoth; Cap. XXII. 5. 11. In DIE ILLO visitabit Jehovah super exercitum altitudinis, & super reges terræ. Post multitudinem DIERUM visitabuntur, tunc erubescet Luna, & pudesiet Sol; Cap. XXIV. 21. 23. Jehovah dicet in DIE ILLO, ecce Deus non

ster hic, quem expectavimus, ut liberet nos; Cap. XXV. 9. In DIE ILLO cantabitur Canticum hoc in terra Jehovah, urbs valida nobis; Cap. XXV. 1. In DIE ILLO visitabit Jehovah gladio suo. In DIE ILLO respondete illi vinea meri. Cap. XXVII. 1. 2. 12. 13. In DIE ILLO erit Jehovah Zebaoth in coronam ornatus & in cidarim; Cap. XXVIII. 5. Tunc audient in DIE ILLO surdi verba Libri, eque tenebris oculi cæcorum videbunt; Cap. XXIX. 18. Erunt ductus aquarum in DIE cædis magnæ; cum cadent turre, & lux lunæ sicut lux solis. In DIE quo obligabit Jehovah fracturam populi sui; Cap. XXX. 25. 26. In DIE ILLO rejicient vir idola argenti & auri sui Cap. XXXI. 7. DIES vindictæ Jehovah, ANNUS retributionum Ipsius; Cap. XXXIV. 8. Venient tibi duo illa in uno DIE, orbitas & viduitas; Cap. XLVII. 9. Cognoscet populus meus nomen meum, & in DIE ILLO Ego Ille, qui loquens, ecce Me; Cap. LII. 6. Unxit Jehovah me, ad proclamandum ANNUM bene placiti Jehovah & DIEM vindictæ Deo nostro, ad consolandum omnes lugentes; Cap. LXI. 1. 2. DIES vindictæ in corde meo, & ANNUS redemptorum meorum venit; Cap. LXIII. 4.

Apud JEREMIAM. In DIEBUS ILLIS non dicetis amplius Arca fæderis Jehovah. In TEMPORE illo vocabunt Hierosolymam thronum Jehovah. In DIEBUS ILLIS ibunt domus Jehudæ ad domum Israelis; Cap. III. 16. 17. 18. In DIE ILLO peribit cor regis, & cor principum, & obstupefcent sacerdotes & prophetæ; Cap. IV. 9. Ecce DIES VENIENTES, quibus in vastitatem evadet terra; Cap. VII. 32. Cadent inter cadentes in DIE visitationis eorum; Cap. VIII. 12. Ecce DIES VENIENTES, visitabo omnem circumcisum in præputio; Cap. IX. 24. In TEMPORE visitationis eorum peribunt; Cap. X. 5. Reliquiæ non erunt eis, adducam malum super illos ANNO visitationis illorum; Cap. XI. 13. Ecce DIES VENIENTES, quibus non dicetur amplius, Cap. XVI. 14. Cervice & non faciebus respiciam eos in DIE exitii illorum; Cap. XVIII. 17. Ecce DIES VENIENTES, quibus dabo locum hunc in devastationem; Cap. XIX. 6. Ecce DIES VENIENTES, quibus suscitabo Davidi germen justum, qui regnet Rex. In DIEBUS ILLIS salvabitur Jehudah, & Israel habitabit secure. Quare ecce DIES VENIENTES, quibus non dicent amplius. Adducam super illos malum ANNO visitationis illorum. In EXTREMITATE DIERUM intelligetis intelligentiam; Cap. XXIII. 5. 6. 7. 12. 20. Ecce DIES VENIENTES, quibus conversurus. Heu magnus DIES HIC, & non erit sicut ille. Fiet in DIE ILLO frangam jûgum & vincula avellam; Cap. XXX. 3. 7. 8. DIES erit, quo clamabunt custodes in monte Ephraim, fugite, ascendamus Sionem, ad Jehovah Deum nostrum. Ecce DIES VENIENTES, quibus pangam fædus novum. Ecce DIES VENIENTES, quibus ædificabitur urbs Jehovah; Cap. XXXI. 6. 27. 31. 38. DIES VENIENTES, quibus stabiliam verbum bonum. In DIEBUS ILLIS, & in TEMPORE ILLO germinare faciam Davidi germen justum. In DIEBUS ILLIS salvabitur Jehudah; Cap. XXXIII. 14. 15. 16. Adducam verba contra urbem hanc in malum in DIE ILLO. Te autem eripiam in DIE ILLO; Cap. XXXIX. 16. 17. DIES ILLE Domino Jehovah Zebaoth DIES ultionis, vindictam sumet de hostibus suis. DIES exitii venit super eos, TEMPUS visitationis eorum; Cap. XLVI. 10. 21. Propter DIEM VENIENTEM ad vastandum; Cap. XLVII. 4. Adducam super illum

ANNUM

ANNUM visitationis. Reducam tamen captivitatem ejus in EXTREMITATE DIERUM; Cap. XLVIII. 44. 47. Exitium adducam super eos TEMPORE visitationis eorum. Cadent juvenes ejus in plateis, & omnes viri belli excidentur in DIE ILLO. In EXTREMITATE DIERUM reducam captivitatem illorum; Cap. XLIX. 8. 26. 39. In DIEBUS ILLIS & in TEMPORE ILLO venient filii Israelis & filii Jehudæ simul, & Jehovah Deum suum quærent. In DIEBUS ILLIS & in TEMPORE ILLO quæretur iniquitas Israelis, & non illa. Væ illis, quia venit DIES illorum, TEMPUS visitationis illorum: Cap. L. 4. 20. 27. 31. Vanitas illa, opus errorum, in TEMPORE visitationis illorum peribunt; Cap. LI. 18.

Apud EZECHIELEM. Finis venit, venit finis, venit mane super te, venit TEMPUS, propinquus est DIES tumultus. Ecce DIES, ecce venit, exivit mane, effloruit virga, germinavit violentia. Advenit DIES, advenit TEMPUS super omni multitudine ejus. Non argentum & aurum eripient illos in DIE iræ JEHOVÆ; Cap. VII. 6. 7. 10. 12. 19. Dicebant de Propheta, visio quam ille videns, fiet post dies multos; in TEMPORA LONGINQUA ille prophetans; Cap. XII. 27. Non stabunt in bello in DIE iræ Jehovæ; Cap. XIII. 5. Tu confossus impius, princeps Israelis, cujus venit DIES, in TEMPORE iniquitatis finis; Cap. XXI. 30. 34. Urbs effundens sanguinem in medio tui, ut veniat TEMPUS ejus; & appropinquare fecisti dies, ut venias ad amores tuos; Cap. XXII. 3. 4. Nonne in DIE, quo abstulero ab iis robur; in DIE ILLO veniet ereptus ad te ad informationem aurium. In DIE ILLO aperietur os tuum cum erepto; Cap. XXIV. 25. 26. 27. In DIE ILLO crescere faciam cornu domui Israelis; Cap. XXIX. 21. Ejulate, heu DIEM, nam propinquus DIES JEHOVÆ, propinquus DIES JEHOVÆ, DIES nubis, TEMPUS gentium erit. In DIE ILLO exhibunt nuntii a Me; Cap. XXX. 2. 3. 9. In DIE, quo descensurus es in infernum, Cap. XXXI. 15. Ego quæram gregem meum, in DIE quo erit in medio gregis tui, & eripiam eos ex omnibus locis quo dispersi fuerunt. In DIE nubis & caliginis; Cap. XXXIV. 11. 12. In DIE, quo mundavero vos ab omnibus iniquitatibus vestris; Cap. XXXVI. 33. Propheta & dic, nonne in DIE ILLO, quo sedebit populus meus Israel secure, cognosces. In POSTERITATE dierum deducam te in terram meam. In DIE ILLO, in DIE quo veniet Gog super terram. In zelo meo, in DIE indignationis meæ, si non in DIE hoc fuerit terræ motus magnus super terra Israelis; Cap. XXXVIII. 14. 16. 18. 19. Ecce venit, hic DIES de quo loquutus sum. Fiet in DIE ILLO dabo Gogo locum sepulchro in terra Israelis; ut cognoscat domus Israelis, quod Ego Jehovah Deus illorum ex DIE ILLO & deinceps; Cap. XXXIX. 8. 11. 12.

Apud DANIELEM. Deus in Cœlis revelavit arcana, quid futurum in POSTERITATE DIERUM; Cap. II. 28. TEMPUS advenit, ut Regnum confirmarent sancti; Cap. VII. 22. Attende, quia ad TEMPUS FINIS visio. Dixit, ecce ego notum faciam tibi, quod futurum in EXTREMITATE iræ, quia ad statum TEMPUS FINIS. Visio vespere & mane veritas est; tu reconde visionem, quia in DIES MULTOS; Cap. VIII. 17. 19. 26. Veni ad faciendum te intelligere, quid obveniet populo tuo in EXTREMITATE DIERUM, quia adhuc visio in dies; Cap. X. 14. 15. Intelligentes probabuntur ad purgandum & mundandum, usque ad

TEMPUS FINIS, nam adhuc ad statum TEMPUS; Cap. XI. 35. In TEMPORE ILLO surget Michael princeps magnus, qui stat pro filiis populi tui, & erit TEMPUS angustiae, quale non fuit, ex quo gens. In TEMPORE HOC tamen eripietur populus tuus, omnis qui invenietur scriptus in Libro; Cap. XII. 1. Tu Daniel occlude verba, & obliqua librum usque ad TEMPUS FINIS. A TEMPORE vero, quo removebitur iuge, & dabitur abominatio devastans, dies mille ducenti nonaginta. Surges in sortem tuam sub FINEM DIERUM, Cap. XIII. 4. 9. 11. 13.

Apud HOSCHEAM. FINEM faciam regni domus Israelis. In DIE ILLO frangam arcum Israelis. Magnus DIES Israelis; Cap. I. 5. 11. In DIE ILLO, vocabis, maritate mi. Feriam illis fœdus in DIE ILLO. In DIE ILLO exaudiam; Cap. II. 16. 18. 21. Rervertentur filii Israelis, & quærent Jehovam Deum, & Davidem Regem suum in EXTREMITATE DIERUM; Cap. III. 5. Ecce in DIEBUS ILLIS, & in tempore illo, quibus reducam; Cap. IV. 1. Ite & revertamur ad Jehovam, vivificabit nos post biduum, & in DIE TERTIO eriget nos, & vivemus coram Ipso; Cap. VI. 1. 2. Venerunt DIES visitationis, venerunt DIES retributionis; Cap. IX. 7.

Apud JOELEM. Heu DIES, quia propinquus DIES JEHOVÆ, & sicut devastatio a Schaddai veniet; Cap. I. 15. Venit DIES JEHOVÆ. propinquus DIES tenebrarum & caliginis, DIES nubis & obscuritatis. Magnus DIES JEHOVÆ & terribilis valde, & quis sustinebit illum; Cap. II. 1. 2. 11. Super servos & ancillas in DIEBUS ILLIS effundam spiritum meum. Sol vertetur in tenebras, & luna in sanguinem, antequam veniat DIES JEHOVÆ magnus & terribilis; Cap. III. 2. 4. In DIEBUS ILLIS, & in TEMPORE ILLO congregabo omnes gentes. Propinquus est DIES JEHOVÆ. Fiet in DIE ILLO stillabunt montes mustum; Cap. IV. 1. 14. 18.

Apud OBADIAM. In DIE ILLO perdam sapientes ex Edomo. Ne læteris super illis in DIE interitus eorum, in DIE angustiae eorum. Propinquus namque DIES JEHOVÆ super omnes gentes; Vers. 8. 12. 13. 14. 15.

Apud AMOSUM. Fortis corde suo fugiet nudus in DIE ILLO; Cap. II. 16. In DIE quo visitaturus prævaricationes Israelis super illum; Cap. III. 14. Væ considerantibus DIEM JEHOVÆ: quid vobis DIES JEHOVÆ, ille tenebrarum & non lucis. Nonne tenebræ erit DIES JEHOVÆ, & non lux, & caligo, non autem splendor illi; Cap. V. 13. 18. 20. Ejulabunt cantica Templi in DIE ILLO. In DIE ILLO occidere faciam solem in meridie: & obtenebrabo terram in die lucis. In DIE ILLO deficient virgines pulchræ & juvenes siti; Cap. VIII. 3. 9. 13. In DIE ILLO erigam tentorium Davidis collapsum. Ecce DIES VENIENTES ut stillent montes mustum; Cap. IX. 11. 3.

Apud MICHAM. In DIE ILLO lamentabitur, vastando vastati sumus; Cap. II. 4. In EXTREMITATE DIERUM erit mons domus Jehovæ constitutus in caput montium. In DIE ILLO colligam claudum; Cap. IV. 1. 6. In ILLO DIE excindam equos tuos & currus tuos; Cap. V. 9. DIES speculatorum tuorum, visitatio tua venit. DIES adest ad ædificandum macerias: DIES hic usque ad te veniet; Cap. VII. 5. 11. 12.

Apud HABAKUK. Adhuc visio in TEMPUS constitutum, & effatur in finem; si morabitur, expecta illud quia veniendo veniet, nec procrastinabitur; Cap. II.

3. Jehovah, in MEDIO ANNORUM fac opus tuum; in MEDIO ANNORUM notum facias; Deus veniet; Cap. III. 2.

Apud ZEPHANIAM. Propinquus est DIES JEHOVÆ. In DIE sacrificii JEHOVÆ visitabo super principes, & super filios regis. In DIE ILLO erit vox clamoris. In TEMPORE ILLO perscrutabor Hierosolymam lucernis. Propinquus DIES JEHOVÆ magnus. DIES excandescentiæ DIES HIC. DIES angustiae & coarctationis. DIES vastationis & devastationis. DIES tenebrarum & caliginis. DIES nubis & obnubilationis. DIES buccinae & clangoris. In DIE excandescentiæ JEHOVÆ commedetur tota terra, & consummationem festinatam faciet cum omnibus habitatoribus terræ; Cap. I. 7. 8. 9. 10. 12. 14. 15. 16. 18. Cum nondum venit super nos DIES iræ JEHOVÆ. Forte abscondemini in DIE iræ JEHOVÆ; Cap. II. 2. 3. Exspectate Me usque ad DIEM surgere meum ad prædam, nam judicium meum. In DIE ILLO non pudefies ab operibus tuis. In DIE ILLO dicetur Hierosolymæ, ne time. Conficiam oppressores tuos in TEMPORE ILLO. In TEMPORE ILLO adducam vos. In TEMPORE ILLO congregabo vos, quia dabo vos in nomen & in laudem; Cap. III. 11. 16. 19. 20.

Apud SACHARIAM. Removebo iniquitatem terræ in DIE UNO. In DIE ILLO clamabitis vir ad socium suum, sub vitem & sub ficum; Cap. III. 9. 10. Tunc adhærebunt gentes multæ JEHOVÆ in DIE ILLO; Cap. II. 15. In DIEBUS ILLIS apprehendent decem viri alam viri Judæi; Cap. VIII. 23. Servabit illos. Jehovah Deus illorum in DIE ILLO sicut gregem populum suum; Cap. IX. 16. Fædus meum ruptum est in DIE ILLO; Cap. XI. 11. In DIE ILLO ponam Hierosolymam lapidem oneris omnibus populis. In DIE ILLO percutiam omnem equum stupore. In DIE ILLO ponam duces Jehudæ sicut fornacem ignis in lignis. In DIE ILLO proteget Jehovah habitatores Hierosolymæ. In DIE ILLO quæram perdere omnes gentes. In DIE ILLO crescet planctus in Hierosolyma; Cap. XII. 3. 4. 6. 8. 9. 11. In DIE ILLO fons erit apertus domui Davidis & habitatoribus Hierosolymæ. Fiet in DIE ILLO exscindam nomina idolorum in terra. In DIE ILLO pudefient prophetae; Cap. XIII. 1. 2-4. Ecce DIES VENIENS JEHOVÆ. Stabunt pedes Ipsi in DIE ILLO super monte olivarum. In DIE ILLO non erit lux & splendor. DIES UNUS qui notus erit JEHOVÆ, non dies non nox, circa tempus vespere erit lux. In DIE ILLO exibunt aquæ vivæ ex Hierosolyma. In DIE ILLO erit Jehovah unus, & nomen Ipsi unum. In DIE ILLO erit tumultuatio JEHOVÆ magna. In DIE ILLO erit super tintinnabulis equorum sanctitas JEHOVÆ. Non erit amplius Cananæus in domo JEHOVÆ in DIE ILLO; Cap. XIV. 1. 4. 6. 7. 8. 13. 20. 21.

Apud MALACHIAM. Quis sustinet DIEM adventus Ipsi, & quis consistet cum apparuerit. Ut sint mihi in DIE, quem facio, in peculium. Ecce DIES VENIENS ardens sicut clibanus. Ecce Ego mitto vobis Eliam Prophetam, antequam venit DIES JEHOVÆ magnus & terribilis; Cap. III. 2. 17. 19. 23.

Apud DAVIDEM. Florebit in DIEBUS IPSIUS justus & multa pax; & dominabitur a mari ad mare, & a fluvio usque ad fines terræ; Psalm. LXXII. 7. 8. præter alibi.

5. In his locis per DIEM & per TEMPUS, intelligitur Adventus Domini: per

DIEM aut TEMPUS Tenebrarum, Caliginis, Obscuritatis, non Lucis, Devastationis, Iniquitatis finis, Interitus, intelligitur Adventus Domini, quando non amplius cognoscebatur, & inde quando non amplius aliquid Ecclesiæ supererat. Per DIEM Crudelem, Terribilem, Excandescentiæ, iræ, tumultus, visitationis, sacrificii, retributionis, angustiae, belli, clamoris, intelligitur Adventus Domini ad Judicium. Per DIEM, quo exaltabitur Jehovah solus: quo unus erit & nomen Ipsius unum: quo erit germen Jehovah in decus & gloriam: quo florebit justus: quo vivificabit: quo quæret gregem suum: quo feriet fœdus novum: quo stillabunt montes mustum: quo exhibunt aquæ vivæ ex Hierosolyma: quo respicient ad Deum Israelis, & plura similia, intelligitur Adventus Domini ad instaurandam Ecclesiam novam, quæ Ipsum agnoscet Redemptorem & Salvatorem.

6. His adjicere licet aliqua loca quæ apertius de Adventu Domini loquuntur, quæ sunt: *Dat Dominus Ipse vobis signum, ecce virgo concipiet & pariet Filium, & vocabit Nomen Ipsius DEUS NOBISCUM*, Esaj. VII. 14. Matth. I. 22. 23. *Puer natus est nobis, Filius datus est nobis, super cujus humero principatus: & vocabit nomen Ipsius, Mirabilis, Consiliarius, Deus, Heros, Pater æternitatis, Princeps pacis: multiplicanti principatum & pacem non erit finis, super throno Davidis, & super Regno ejus, ad stabiliendum illud in judicio & justitia, a nunc & usque in æternum*; Esaj. IX. 5. 6. *Exibit virga de trunco Jisbaji, & surculus e radicibus ejus fructum feret; quiescet super Eo spiritus Jehovah, spiritus sapientiæ & intelligentiæ, spiritus consilii & virtutis. Erit justitia cingulum lumborum Ejus, & veritas cingulum feminum Ejus. Fiet ergo in die illo, Radicem Jisbaji, quæ stans in signum populorum, gentes quærent; & erit quies Ejus gloria*; Esaj. XI. 1. 2. 5. 10. *Mittite Agnum Dominatoris terræ de petra versus desertum, ad montem filiæ Zionis. Firmatus est per misericordiam Thronus, & sedit super eo in veritate in tabernaculo Davidis, judicans & quærens judicium, & festinans justitiam*; Esaj. XVI. 1. 5. *Dicitur in die illo, ecce Deus noster Hic, quem expectavimus ut liberet nos; Hic JEHOVAH, quem expectavimus; exultemus & lætemur in salute Ipsius*; Esaj. XXV. 9. *Vox clamantis in deserto, parate viam JEHOVÆ, complanate in solitudine semitam DEO NOSTRO: Revelabitur enim gloria JEHOVÆ, & videbunt omnis caro simul. Ecce DOMINUS JEHOVIH in forti venit, & brachium Ipsius dominabitur Ipsi; ecce merces Ipsius cum Ipso: sicut Pastor gregem suum pascet*; Esaj. XL. 3. 5. 10. 11. *Electus meus, in quo beneplacitum habet anima mea. Ego JEHOVAH vocavi Te in Justitia, & dabo Te in fœdus populo, in lucem gentium, ad aperiendum oculos cæcos, ad educendum e carcere vinctum, e domo claustrisedentes in tenebris: Ego JEHOVAH, hoc nomen meum, gloriam meam non alteri dabo*; Esaj. XLII. 1. 6. 7. 8. *Quis credidit verbo nostro, & brachium Jehovah super quo revelatum est: non forma Ipsi, vidimus Ipsum, sed non aspectus: morbos nostros Ille tulit, & dolores nostros portavit*; Esaj. LIII. ad fin. *Quis Hic, qui venit ex Edom, conspersus vestes ex Bozra, incedens in multitudine roboris sui, qui loquor in Justitia, magnus ad salvandum: nam dies vindictæ in corde meo, & annus redemptorum meorum venit; ideo factus est illis in Salvatore*; Esaj. LXIII. 1 ad 8. *Ecce dies venientes, cum suscitabo Davidi germen justum, qui regnet Rex, & prosperetur, faciatque judicium & justitiam in terra: & hoc no-*

men Ipsi, quod vocabunt Ipsum, JEHOVAH JUSTITIA NOSTRA; Jerem. XXIII. 5. 6. Cap. XXXIII. 15. 16. Exulta valde, filia Zionis, clange filia Hierosolymæ, ecce Rex tuus venit tibi, justus & servatus Ille; loquetur pacem gentibus; dominari Ipsi a mari ad mare, & a flumine usque ad fines terræ; Sach. IX. 9. 10. Jubila & letare filia Zionis; ecce Ego venio, ut habitem in medio tui; tunc adhærebunt gentes multæ JEHOVÆ in die illo, et erunt Mibi in populum, Sachar. II. 14. 15. Tu Bethlechem Ephratæa, parum est ut sis inter millenas Jebudæ; ex te Mibi exibat, qui erit Dominator in Israele, & cujus exitus ab antiquo, a diebus æternitatis. Stabit & pascet in robore JEHOVÆ; Mich. V. 1. 3. Ecce Ego mitto Angelum meum, qui præparabit viam ante Me, & subito veniet ad Templum suum DOMINUS, Quem vos quaeritis, & Angelus fæderis, quem vos desideratis, ecce venit; quis sustinet diem adventus Ipsi. Ecce Ego mitto vobis Eliam Prophetam, antequam venit dies JEHOVÆ magnus & terribilis; Malach. III. 1. 2. 23. Vidi & ecce cum nubibus cælorum sicut Filius hominis veniens fuit: Huic datum est dominium, & gloria, & regnum, & omnes populi, gentes & linguæ Ipsum colent: dominium Ipsi dominium sæculi, quod non transibit, & regnum Ipsi, quod non peribit: & omnia dominia colent Ipsum, & obediunt Ipsi, Dan. VII. 13. 14. 27. Septimanæ septuaginta decisæ sunt super populum tuum, & super urbem sanctitatis tuam, ad consummandum prævaricationem, & ad obfignandum visionem & prophetam, & ad ungendum Sanctum sanctorum. Scito ergo & percipito, ab exitu Verbi usque ad restituendum & ad ædificandum Hierosolymam, usque ad Messiam Principem, septimanæ septem; Dan. IX. 24. 25. Ponam in mari manum Ipsi, & in fluviis dextram Ipsi: Ille vocabit me, Pater meus Tu, Deus meus, & Petra salutis meæ. Etiam Ego Primogenitum dabo Ipsum, altum regibus terræ. Ponam in æternum semen Ipsi, & Thronum Ipsi sicut dies cælorum; Psalm. LXXXIX. 26. 27. 28. 30. Dictum JEHOVÆ ad DOMINUM meum, sede ad dextram meam, usque dum posuero inimicos tuos scabellum pedum tuorum. Sceptrum roboris Tui mittet JEHOVAH e Zione, dominare in medio inimicorum tuorum. Tu Sacerdos in æternum juxta modum Malchizedechi, Psalm. CX. 1. 2. 4. Matth. XXII. 44. Luc. XX. 41. Ego innunxi Regem meum super Zionem, montem sanctitatis meæ: annuntiabo de statuto, JEHOVAH dixit ad me, Filius meus Tu, Ego hodie genui Te, dabo gentes hæreditatem tuam, & possessionem tuam fines terræ. Osculami Filium ne irascatur, ne pereatis in via, beati omnes confidentes in Ipso; Psalm. II. 6. 7. 8. 12. Carere quidem Ipsum fecisti paululum præ Angelis; sed gloria & honore coronasti Ipsum; dominari fecisti Ipsum super opera manuum tuarum; omnia posuisti sub pedes Ipsi; Psalm. VII. 6. 7. memento JEHOVAH Davidis, qui juravit JEHOVÆ, vovit forti Jacobi; si intravero intra tentorium domus meæ, si ascendero super spondam strati mei, si dederom somnum oculis meis, usque dum invenero locum JEHOVÆ, habitacula forti Jacobi: ecce audivimus de Eo in Ephrata, invenimus Eum in agris sylvæ: intrabimus in habitacula Ejus, incurvabimus nos scabello pedum Ejus: sacerdotes tui induantur justitia; & sancti tui jubilent; Psalm. CXXXII. 1 ad 9. Sed hæc pauca sunt quæ allata.

7. Quod universa Scriptura sacra de solo Domino scripta sit, plenius ex sequentibus constabit, imprimis ex illis, quæ in Opusculo de Scriptura sacra afferenda sunt: inde & non aliunde est sanctitas Verbi; hoc quoque intelligitur per hæc in Apocalypsi, Testimonium Jesu est spiritus Prophetiæ, XIX. 10.

Quod Dominus impleverit omnia Legis, sit quod impleverit omnia Verbi.

8. **C**reditur a multis hodie, quod ubi dicitur de Domino, quod impleverit Legem, intelligatur quod impleverit omnia præcepta decalogi, & quod sic Justitia factus sit, ac justificaverit homines mundi etiam per illud fidei. Attamen non intelligitur illud, sed quod impleverit omnia quæ de Ipso scripta sunt in Lege & Prophetis, hoc est, in universa Scriptura sacra, quia hæc de Solo ipso agit, ut in superiore Articulo dictum est. Quod multi aliter crediderint, est causa, quia non scrutati sunt scripturas, & viderunt quid per Legem ibi intelligitur. Per Legem ibi intelliguntur in stricto sensu decem præcepta decalogi; in latiori sensu omnia quæ a Mose in quinque ejus Libris scripta sunt; & in latissimo sensu omnia Verbi. Quod *per Legem in stricto sensu intelligentur decem præcepta decalogi*, notum est.

9. *Quod per Legem in latiori sensu intelligentur omnia quæ a Mose in quinque ejus Libris scripta sunt*, patet ex his sequentibus: apud Lucam,, Abraham dixit ad divitem in inferno, habent *Mosen & Prophetas*, audiunt illos; si *Mosen & Prophetas* non audiant, neque si quis ex mortuis resurrexerit, persuadebuntur, XVI. 29. 31. Apud Johannem,, Philippus dixit ad Nathanaelem, quem scripsit *Moses in Lege, & Prophetæ*, invenimus,, I. 46. Apud Matthæum,, Noli te putare, quod venerim ad solvendum *Legem & Prophetam*, non veni ad solvendum, sed ad implendum,, V. 17. 18. Apud Eundem,, Omnes *Prophetæ & Lex* usque ad Johannem prophetarunt,, XI. 13. Apud Lucam,, *Lex & Prophetæ* usque ad Johannem, abhinc Regnum Dei evangelizatur,, XVI. 17. Apud Matthæum,, Omnia quæcunque volueritis ut faciant vobis homines, sic & vos facite illis, hæc est *Lex & Prophetæ*, VII. 12. Apud Eundem,, Jesus dixit, amabis Dominum Deum tuum ex toto corde tuo, & in tota anima tua, & amabis proximum tuum ut teipsum: ex his duobus mandatis *Lex & Prophetæ* pendent,, XXII. 35. 37. 38. In illis locis per Mosen & Prophetas, tum per Legem & Prophetas intelliguntur omnia quæ in Libris Mosis & in Libris Prophetarum scripta sunt. Quod per Legem in specie intelligentur omnia quæ per Mosen scripta sunt, patet adhuc ex his: apud Lucam,, Impleti sunt dies purificationis juxta *Legem Moysi*, deduxerunt Jesum Hierosolymam, ut sisterent Domino, quemadmodum scriptum est in *Lege Domini*, quod omnis masculus aperiens uterum sanctum Domino vocandus esset, ac ut darent sacrificium juxta quod dictum est in *Lege Domini*, par turturum & duos pullos columbarum. Et adducebant parentes Jesum in Templum, ut facerent juxta consuetum *Legis* pro Ipso. Cum perfecissent omnia quæ juxta *Legem Domini*, II. 22. 23. 24. 27. 39. Apud Johannem,, In *Lege* Moses præcepit tales lapidare,, VIII. 5. apud Eundem,, *Lex per Mosen* data est,, I. 17. inde patet, quod nunc Lex nunc Moses nominetur, ubi agitur de talibus, quæ in Libris ejus scripta sunt, ut quoque Matth. VIII. 4. Marc. X. 2. 3. 4. Cap. XII. 19. Luc. XX. 28. 37. Johan. III. 14. Cap. VII. 19. 51. Cap. VIII. 17. Cap. XIX.

XIX. 7. Plura etiam a Mose dicuntur *Lex*, quæ mandata sunt, ut de Hælocauftis, Levit. VI. 2. Cap. VII. 37. De Sacrificiis, Levit. VI. 18. Cap. VII. 1-11. De Mincha, Levit. VI. 7. De Lepra, Levit. XIV. 2. De Zelotypia, Num. V. 29. 30. De Naziræatu, Num. VI. 13. 21. Et ipse Moses vocat Libros suos *Legem*, Scripsit Moses *Legem hanc*, & dedit eam sacerdotibus filiis Levi portantibus arcam fæderis Jehovah: & dixit illis, accipiendo *Librum Legis* hujus, ponite eum a latere Arcæ fæderis Jehovah, Deut. XXXI. 9. 11. 26; a latere positus est, intus enim in Arca erant Tabulæ lapideæ, quæ in stricto sensu sunt Lex. Libri Moysis vocantur Liber Legis postea, Dixit Chilkia sacerdos magnus ad Schaphanem Scribam, *Librum Legis* inveni in domo Jehovah: cum audivit Rex verba *Libri Legis*, rupit vestes suas, II Reg. XXII. 8. 10. Cap. XXIII. 24.

10. Quod omnia Verbi per Legem in latissimo sensu intelligantur, constare potest ex his locis, Jesus dixit, nonne scriptum est in *Lege Vestra*, Ego dixi, dii estis, Joh. X. 34. hoc scriptum est Psalm. LXXI. 6. Respondit turba, nos audivimus ex *Lege*, quod Christus maneat in æternum, Joh. XII. 34. hoc scriptum est Psalm. LXXXIX. 30. Psalm. CX. 4. Dan. VII. 14., Ut impleretur verbum scriptum in *Lege illorum*, odio habuerunt Me sine causa, Joh. XV. 25; hoc scriptum est Psalm. XXXV. 19. Dixerunt Pharisei, num quis ex Principibus credidit in Ipsum, sed turba hæc quæ non novit *Legem*, Joh. VII. 48. 49. Facilius est cælum & terram transire, quam *Legis* unum apicem cadere, Luc. XVI. 17. Per Legem ibi intelligitur tota Scriptura Sacra.

11. Quod Dominus impleverit omnia Legis, sit quod impleverit omnia Verbi, patet a locis, ubi dicitur, quod ab Ipso impleta sit Scriptura, & quod omnia consummata sint, ut ex his: Jesus intravit in Synagogam, & surrexit ad legendum, tunc traditus est Ipsi Liber Esajæ Prophetæ, & evolvit Librum, & invenit locum scriptum; Spiritus Domini super Me, propter quod unxit Me, ad evangelizandum pauperibus misit Me, ad sanandum contritos corde, ad evangelizandum vinctis remissionem, & cæcis visum, ad prædicandum annum Domini acceptum: postea convolvens Librum, & dixit, *hodie impleta est scriptura hæc* in auribus vestris, Luc. IV. 16 ad 21. Scrutamini Scripturas, atque illi testantur de Me, Joh. V. 39. Ut *scriptura impleretur*, qui comedit Mecum panem, sustulit super Me calcaneum, Joh. XIII. 18., Nemo ex illis periit, nisi filius perditionis, ut *Scriptura impleretur*, Joh. XVII. 12. Ut *impleveretur Verbum*, quod dixit, quos dedisti Mihi, non perdidi ex illis unum, Joh. XVIII. 19. Dixit Jesus Petro, absconde tuum gladium in loco, quomodo ergo *implerentur Scripturæ*, quod sic oporteat fieri. Hoc totum factum est ut *implerentur Scripturæ Prophetarum*, Matth. XXVI. 54. 56. Filius hominis abit, sicut Scriptum est de Ipso, ut *impleantur Scripturæ*, Marc. XIV. 21. 24. Sic *impleta est Scriptura*, quæ dixit, cum impiis reputatus est, Marc. XV. 28. Luc. XXII. 37. Ut *Scriptura impleretur*, diviserunt vestimenta sua sibi, & super tunicam meam jecerunt sortem, Joh. XIX. 24. Post hoc sciens Jesus, quod omnia jam consummata essent, ut *impleretur Scriptura*, Joh. XIX. 28. Cum accepisset acetum Jesus, dixit *consummatum est*, hoc est *impletum*, Joh. XIX. 30. Facta hæc

hæc sunt, ut *Scriptura impleretur*, os non confringetis Ipsi: & rursus *alia Scriptura dicit*, videbunt, quem transfoderunt, Joh. XIX. 36. 37. præter alibi, ubi loca Prophetarum adducuntur, & non simul dicitur, quod Lex seu Scriptura impleta sit. Quod omne Verbi de Ipso scriptum sit, & quod in Mundum venerit ut illud impleret, docuit etiã Discipulos antequam abivit, his verbis, „Jesus ad discipulos, stulti & tardi corde ad credendum omnibus, quæ loquuti sunt Prophetæ; nonne hoc oportebat pati Christum, & ingredi in gloriam: incipiens porro a *Mosè & ab omnibus Prophetis*, interpretatus est illis in *omnibus Scripturis de Ipso*, Luc. XXIV. 25. 26. 27. Porro, „Jesus dixit discipulis, hæc sunt verba, quæ loquutus sum ad vos, cum adhuc essem vobiscum, *quod oporteret impleri omnia quæ scripta sunt in Lege Mosi & Prophetis & Psalmis de Me*, Luc. XXIV. 44. 45. Quod Dominus in Mundo impleverit omnia Verbi, usque ad singularissima ejus, patet ab his Ipsiis verbis, „Amen dico vobis, usque dum prætereat cælum & terra, *jotha una, aut unum corniculum non præteribit de Lege, donec omnia fiant*, Matth. V. 18. Ex his nunc clare videri potest, quod per id quod Dominus impleverit omnia Legis, non intelligatur quod impleverit omnia præcepta decalogi, sed quod omnia Verbi.

Quod Dominus in Mundum venerit, ut subjugaret Inferna & glorificaret Humanum; & quod Passio crucis fuerit ultima pugna, per quam plene vicit inferna & plene glorificavit Humanum suum.

12. **N**otum est in Ecclesia, quod Dominus vicerit Mortem, per quam intelligitur Infernum, & quod postea cum gloria ascenderit in cælum; sed nondum notum est, quod Dominus per Pugnas, quæ sunt Tentationes, vicerit Mortem seu Infernum, & simul per illas glorificaverit Humanum suum, & quod Passio crucis fuerit Ultima Pugna seu Tentatio, per quam vicit & glorificavit. De his, multis agitur apud Prophetas & apud Davidem, sed non ita multis apud Evangelistas; apud hos, Tentationes, quas a pueritia sustinuit, in summa descriptæ sunt per Tentationes Ipsi in deserto, & postea a diabolo, ac ultimæ per illa quæ passus est in Gethsemane & super Cruce. De Tentationibus Ipsi in deserto, & postea a diabolo, videatur apud Matthæum Cap. IV. 1. ad II. Apud Marcum, Cap. I. 12. 13. & apud Lucam Cap. IV. 1 ad 13; sed per illas intelliguntur omnes usque ad ultimas; non plura de illis revelavit discipulis, nam dicitur apud Esajam, „*Exactionem sustinuit, non tamen aperuit os suum: sicut Agnus ad macerationem, & sicut ovis coram tonsoribus suis, obmutescit, & non aperuit os suum*, LIII. 7. de Tentationibus Ipsi in Gethsemane, videatur apud Matthæum Cap. XXVI. 36 ad 44. apud Marcum Cap. XIV. 31 ad

ad 41. & apud Lucam, Cap. XXII. 39 ad 46. Et de Tentationibus super-crucē, apud Matthæum Cap. XXVII. 33 ad 57. apud Marcum Cap. XV. 22 ad 38. apud Lucam Cap. XXIII. 33. ad 49. & apud Johannem Cap. XIX. 17 ad 37. Tentationes non aliud sunt quam pugnae contra Inferna: de Tentationibus seu pugnis domini, videatur in Opusculo de NOVA HIEROSOLYMA & ejus DOCTRINA CÆLESTI, Londini edita, n. 201 & 302; & de Tentationibus in genere n. 189 ad 200 ibi.

13. Quod Dominus per Passionem crucis plene vicerit Inferna, docet Ipse apud Johannem,, Nunc judicium est Mundi hujus, *nunc Princeps mundi hujus ejicietur foras*, XII, 31; hæc loquutus est Dominus, cum instabat Passio crucis. Apud Eundem, *Princeps hujus mundi judicatus est*: Cap. XVI. 11. Apud Eundem,, *Confidite, Ego vici mundum*, XVII. 33. & apud Lucam,, *Dixit Jesus, Vidi Satanam sicut fulmen e caelo cadentem*, X. 18; per mundum, principem mundi, satanam & diabolum, intelligitur infernum.

Quod Dominus per Passionem Crucis etiam plene glorificaverit Humanum suum, docet apud Johannem,, Postquam Judas exivit, dixit Jesus, *nunc glorificatus est Filius hominis, & Deus glorificatus est in Ipso*: si Deus *glorificatus est in Ipso*, etiam Deus *glorificabit Ipsum in se Ipso*, & statim *glorificabit Ipsum*, Cap. XIII. 31. 32. Apud Eundem,, *Pater venit hora, glorifica Filium tuum*, ut etiam Filius tuus *glorificet Te*, XVII. 1. 5. Apud Eundem,, *Nunc anima mea turbata est*, & dixit, *Pater glorifica nomen tuum*, & exiit vox e Cælo, & *glorificavi*, & rursus *glorificabo*, XII. 27. 28. Apud Lucam,, *Nonne hoc oportebat pati Christum, & ingredi in gloriam suam*, XXIV. 26; hæc dicta sunt de Passione; Glorificatio est Unitio Divini & Humani, quare dicitur, & Deus glorificabit Ipsum in se Ipso.

14. Quod Dominus in mundum venerit, ut omnia in cælis & inde in terris in ordinem redigeret, & quod hoc factum sit per pugnas contra Inferna, quæ tunc infestabant omnem hominem venientem in mundum & exeuntem e mundo, & quod per id Justitia factus sit, ac salvaverit homines, qui absque eo non salvari potuerunt, multis in locis apud Prophetas prædicitur, quorum modo aliqua afferrentur. Apud Esajam,, *Quis Hic qui venit ex Edom, conpersus vestes ex Bozra; Hic honorabilis in vestitu suo, incedens in multitudine roboris sui: Ego qui loquor in Justitia, magnus ad salvandum. Quare rubicundus quoad vestem tuam, & vestis tua sicut calcantis in terculari, torcular calvavi solus, & de populo non vir Mecum: propterea calcavi illos in ira mea, & conculcavi eos in excandescencia mea, inde sparsa est victoria eorum super vestes meas; nam dies vindictæ in corde meo, & annus redemptorum meorum venit. Salutem præstitit Mibi brachium meum; descendere feci in terram victoriam eorum. Dixit, ecce populus meus illi, filii, ideo factus est illis in Salvatore, ob Amorem suum, & ob Clementiam suam ille redemit eos*, LXIII. 1 ad 9; hæc de pugnis Domini contra Inferna: per vestem in qua honorabilis fuit & quæ rubicunda, intelligitur Verbum, cui violentia a populo Judaico illata est; ipsa pugna contra Inferna, & victoria super illa, describitur per quod calcaverit illos in ira sua, & conculcaverit in excandescencia sua; quod solus & ex propria potentia pugnaverit, describitur per hæc, de populo non vir

Mecum; salutem præstitit mihi brachium meum, descendere feci in terram victoriam eorum; quod per id salvaverit & redemerit describitur per hæc, ideo factus est illis in Salvatorem, ob amorem & clementiam suam Ille redemit eos; quod hoc fuerit causa Adventus Ipsius, describitur per hæc, dies vindictæ in corde meo, & annus redemptorum meorum venit. Apud Esaiam, *Vidit quod non quisquam, & obstupuit quod non esset intercedens, ideo salutem præstitit Ipsi brachium suum, & Iustitia Ipsius suscitavit Ipsum: inde induit Iustitiam sicut lorica, & galeam Salutis super caput suum, & induit vestes vindictæ, & texit se sicut pallio zelo: tunc venit Ziōni Redemptor*, LIX. 16. 17. 20; hæc quoque de pugnis Domini, cum fuit in mundo, contra inferna: quod solus ex propria potentia pugnaverit contra illa, intelligitur per hæc, vidit quod non quisquam ideo salutem præstitit Ipsi brachium suum: quod inde iustitia factus sit, per hæc, iustitia Ipsius suscitavit Ipsum, unde induit iustitiam sicut lorica; quod ita redemerit, per hæc, tunc venit Ziōni Redemptor. Apud Jeremiam, *Illi consternati sunt, fortes eorum contusi sunt, fugam fugerunt, nec respexerunt: Dies ille Domino Jehovih Zebaoth, dies ultionis, ut vindictam sumat de hostibus suis, comeditque gladius, & saturetur*, XLVI. 5. 10; pugna Domini cum Infernis & victoria super illa, describitur per quod consternati sint, quod fortes eorum contusi fugam fugerint, & non respexerint; fortes eorum & hostes sunt Inferna, quia omnes ibi odio habent Dominum; adventus Ipsius in mundum propterea, intelligitur per hæc, dies ille Domino Jehovih Zebaoth, dies ultionis ut vindictam sumat de hostibus suis. Apud Jeremiam, *Cadent juvenes in plateis, & omnes viri belli exscindentur in Die illo*, XLIX. 26. Apud Joelem, *Jehovah edidit vocem coram Exercitu suo; magnus dies Jehovæ, terribilis valde, quis ergo sustinebit illum*, II. 11. Apud Zephaniam, *In die sacrificii Jehovæ visitabo super principes, super filios regis, super omnes indutos indumento alienigenæ: Dies hic, dies angustiae, dies buccinae & clangoris*, I. 8. 9. 15. 16. Apud Sachariam, *Jehovah exibit, & pugnabit contra gentes, juxta diem pugnare Ipsum in die prælii. Stabunt pedes Ipsius in Die illo super monte Olivarum, quæ ante facies Hierosolymæ. Tunc fugietis in vallem montium meorum. In die illo non erit lux & splendor. Jehovah autem erit in Regem super tota Terra: in Die illo erit Jehovah unus, & Nomen Ipsius unum*, XIV. 3. 4. 5. 6. 9: in his locis etiam agitur de Pugnis Domini: per Diem illum intelligitur Adventus Ipsius: Mons olivarum, qui ante facies Hierosolymæ erat, ubi Dominus solito commoratus est, videatur Marc. XIII. 3. 4. Cap. XIV. 26. Luc. XXI. 37. Cap. XXII. 39. Joh. VIII. 1: & alibi. Apud Davidem, *Circumdederunt Me funes mortis, funes Inferni circumdederunt Me, prævenerunt Me laquei mortis: ideo misit tela, & fulmina multa, & conturbavit illos. Persequar hostes meos, & comprehendam eos, nec revertar usque dum consumfero, percussero eos, ut resurgere non possint. Accinges Me robore ad bellum, & dabis hostes in fugam, conteram eos sicut pulverem coram faciebus venti, sicut cænum platearum attenuabo eos*, Psalm XVIII. 5. 15. 38. 39. 41. 43; funes & laquei mortis, qui circumdederunt & prævenerunt, significant tentationes, quæ quia ab Inferno sunt, etiam vocantur funes inferni: hæc & reliqua in toto illo Psalmo agunt de pugnis & de victoriis Domini, quare etiam dicitur, Pones Me

in caput gentium, populus non noveram, servient Mihi,, Vers. 44. 45. Apud Davidem,, *Accinge gladium super femur, Potens; tela tua acuta, populi celeret sub Te, e corde hostes Regis. Thronus tuus in sæculum & in æternum: amasti Justitiam, propterea unxit Te Deus*, Psalm. XLV. 4. 5. 6. 7; hæc quoque de pugna cum Infernis, & de subjugatione illorum, nam in toto ille Psalmo agitur de Domino, nempe de Ipsius pugnis, de Ipsius glorificatione, & de salvatione fidelium ab Ipso. Apud Davidem,, *Ignis coram Ipso ibit, inflammabit circumcirca hostes Ipsius, videbit & timebit terra: montes sicut cera liquefient coram Domino totius terræ. Annuntiabunt cæli justitiam Ipsius, & videbunt omnes populi gloriam Ipsius*, Psalm. XCVII. 3. 4. 5. 6; pariter in hoc Psalmo agitur de Domino, & de similibus. Apud Davidem,, *Dictum Jehovah ad Dominum meum, sede ad dextram meam, usque dum posuero inimicos tuos scabellum pedum tuorum; dominare in medio inimicorum tuorum: Dominus ad dextram tuam, percussit in die iræ suæ reges; implevit cadaveribus, percussit caput super terram multam*, Psalm. CX. 1 ad fin: quod hæc de Domino dicta sint, constat ex Ipsius Domini verbis apud Matthæum Cap. XXII. 44: apud Marcum Cap. XII. 36: & apud Lucam Cap. XX. 42: per sedere ad dextram, significatur omnipotentia; per inimicos significantur inferna; per reges, illi ibi qui in falsis mali sunt; per ponere illos scabellum pedum, percutere in die iræ, implere cadaveribus, significatur destruere potentiam illorum, & per percutere caput super terram multam, significatur destruere omnem. Quoniam Dominus solus vicit Inferna, cum nulla ope alicujus Angeli, idéo vocatur HEROS & VIR BELLORUM, Esaj. XLII. 15. REX GLORIÆ, JEHOVAH FORTIS, HEROS BELLI, Psalm. XIV. 8. 10. FORTIS JACOBI, Psalm. CXXXII. 2: ac multis in locis JEHOVAH ZÉBAOTH, hoc est, Jehovah exercituum belli. Et quoque vocatur Adventus Ipsius DIES JEHOVÆ terribilis, crudelis; indignationis; excandescentiæ, iræ, vindictæ, exitii, belli, buccinæ, clangoris, tumultus, ut ex locis supra n. 4 allatis videri potest. Quoniam Ultimum Judicium a Domino, cum fuit in mundo, factum est per pugnas cum Infernis, & per subjugationem illorum, ideo multis in locis agitur de Judicio quod facturus est; ut apud Davidem,, *Jehovah venit ad judicandum terram, judicabit orbem in justitia, & populos in veritate*, Psalm. XCV. 13; sic pluries alibi. Hæc e Prophetici Verbi. In Historicis Verbi autem similia repræsentata sunt per bella filiorum Israelis cum variis gentibus: nam in Verbo tam Prophetico, quam Historico, omne quod scriptum est, de Domino scriptum est; inde Verbum est Divinum. In Ritualibus Ecclesiæ Israeliticæ, ut in Holocaustis & Sacrificiis, tum in Sabbathis & Festis ejus, ac in Sacerdotio Aharonis & Levitarum, multa Arcana glorificationis Domini continentur; similiter in reliquis apud Mosen, quæ vocantur Leges, Judicia, & Statuta; quod etiam intelligitur per Domini verba ad Discipulos, *quod oporteret Ipsum implere omnia quæ de Ipso scripta sunt in Lege Moysi*, Luc. XXIV. 45. tum ad Judæos,, *quod Moyses de Ipso scripserit*, Joh. V. 46. Ex his nunc patet, quod Dominus in mundum venerit, ut subjugaret Inferna, & glorificaret Humanum suum; & quod Passio crucis fuerit ultima Pugna, per quam plene vicit Inferna, & plene glorificavit Humanum. Sed plura de hac re

videbuntur in sequente Opusculo de SCRIPTURA SACRA, ubi in unum colliguntur omnia loca e Verbo Prophetico, quæ de Pugnis Domini cum Infernis, & de victoriis super ea, seu quod idem, quæ de Ultimo Judicio ab Ipso facto, cum fuit in Mundo, agunt, tum quæ de Passione & de Glorificatione Humani Ipsius, quæ tot sunt, ut si adducerentur, implerent membranas.

Quod Dominus per Passionem crucis non abstulerit peccata, sed quod portaverit illa.

15. **S**unt quidam intra Ecclesiam, qui credunt, quod Dominus per Passionem crucis peccata abstulerit, ac satisfecerit Patri, & sic redemerit: quidam etiam, quod peccata illorum, qui fidem in Ipsum habent, in se transtulerit, portaverit, ac in profundum maris, hoc est, in Infernum conjecerit: confirmant illa apud se per Johannis verba de Jesu, *Ecce Agnus Dei qui tollit peccata mundi*, Joh. I. 29. & per Domini verba apud Esajam, *Ille morbos nostros tulit, & dolores nostros portavit: confusus ob prævaricationes nostras, contusus ob iniquitates nostras, castigatio pacis nostræ super Illo: vulnere Ipsius sanitas data est nobis. Jehovah incurere fecit in Ipsum iniquitates omnium nostrum. Exactionem sustulit, atque afflictus est, non tamen aperuit os suum, sicut agnus ad mactationem ducitur. Excisus est e terra viventium ob prævaricationem populi mei, plagam illis, ut daret impios in sepulchro suo, & divites in mortibus suis; ex labore animæ suæ videbit, saturabitur. Per scientiam suam justificabit multos, eo quod iniquitates eorum Ipse portaverit. Exinanivit ad mortem usque animam suam, & cum prævaricatoribus numeratus est, & peccatum multorum tulit, & pro prævaricatoribus intercessit*, LIII. I ad fin: hæc & illa dicta sunt de Tentationibus Domini & de Passione Ipsius, ac per tollere peccata & morbos, perque incurrere facere in Ipsum iniquitates omnium, simile intelligitur quod per portare dolores & iniquitates. Primum itaque dicetur, quid intelligitur per portare iniquitates, & postea quid per tollere illas; per portare iniquitates non aliud intelligitur, quam graves tentationes sustinere, tum suffere ut Judæi cum Ipso facerent quemadmodum fecerunt cum Verbo, & quod Ipsum similiter tractarent, quia Ipse fuit Verbum: fuit enim Ecclesia, quæ tunc erat apud Judæos, prorsus devastata, & devastata erat per id, quod perverterint omnia Verbi, adeo ut non aliquod verum residuum esset, quare nec agnoverunt Dominum: hoc intellectum & significatum est per omnia Passionis Domini. Similiter factum est cum Prophetis, quia illi repræsentabant Dominum quoad Verbum & inde quoad Ecclesiam, & Dominus fuit Ipse Propheta. Quod Dominus fuerit Ipse Propheta constare potest ex his locis; Jesus dixit, non est PROPHETA minus honoratus, quam in patria sua, & in domo sua, Matth. XIII. 57. Marc. VI. 4. Luc. IV. 24., Jesus dixit, non conveniens est PROPHETAM interire extra Hierosolymam, Luc. XIII. 33. Dixerunt de Jesu, Ille PROPHETA a Nazareth, Matth. XXI. 26., Joh. VII. 40. 41. Cepit timor omnes, laudantes Deum, dicentes, quod PROPHETA MAGNUS suscitatus sit inter illos, Luc. VII. 16., Quod PROPHETA excitaretur e medio

medio fratrum, cujus verbis obedirent, Devtr: XVIII. 15 ad 19. Quod simile factum sit cum Prophetis, constat ex his quæ nunc sequuntur., Mandatum est Esajæ prophetæ, ut Ecclesiæ statum repræsentaret, per quod dissolveret saccum desuper lumbis suis, & calceum exueret desuper pede suo, ac iret nudus & discalceatus tres annos, in signum & prodigium; Esaj. XX. 2. 3. Mandatum est Jeremiæ prophetæ, ut repræsentaret statum Ecclesiæ, per quod emeret sibi cingulum, & poneret super lumbis suis, quod per aquam non duceret, & absconderet illud in foramine petrae juxta Euphratem; quod post dies invenit corruptum; Jerem. XIII. 1 ad 7. Idem etiam propheta repræsentavit statum Ecclesiæ per id, quod non acciperet sibi uxorem in loco illo, nec intraret in domum luctus, neque abiret ad plangendum, nec intraret domum convivii, Jerem. XVI. 2. 5. 8. Mandatum est Ezechieli prophetæ, ut repræsentaret statum Ecclesiæ, per quod novaculam tonforum traduceret super caput suum, & super barbam suam, & postea divideret illa, tertiam partem combureret in medio urbis, tertiam percuteret gladio, tertiam dispergeret in ventum, & parum ex illis alligaret in alis, tandem projiceret in medium ignis, & combureret; Ezech. V. 1 ad 4. Eidem prophetæ mandatum est, ut repræsentaret statum Ecclesiæ, per quod faceret vasa migrationis, & migraret in locum alium in oculis filiorum Israelis, & educeret vasa interdiu, & exiret in vespera per effossum parietem, ac obtegeret facies ut non videret terram; & quod sic prodigium esset domui Israelis: & diceret propheta, ecce ego prodigium vestrum, quemadmodum feci, sic fiet illis; Ezech. XII. 3 ad 7. 11. Mandatum est Hoschæ prophetæ, ut repræsentaret statum Ecclesiæ per quod acciperet sibi meretricem in uxorem; & quoque accepit, & illa peperit ei tres filios, quorum unum vocavit Jisreel, alterum non Miserandum, & tertium non Populum; Hosch. I. 2 ad 9. Ac iterum ei mandatum est, ut abiret & amaret Mulierem amatam socio & adulteram, quam etiam sibi comparavit per quindecim argenti; Hosch. III. 2. 3. Mandatum est Ezechieli prophetæ, ut repræsentaret statum Ecclesiæ, per quod sumeret laterem, & sculperet super eo Hierosolymam, & poneret obsidionem, & daret vallum & aggerem contra illam, poneret sartagine ferri inter se & urbem, & cubaret super latere sinistro, & postea super dextro 390 dies: Tum sumeret tritica, hordea, lentes, milium & zeas, & ex illis sibi faceret panem, quem tunc ederet, juxta mensuram. Et quoque quod faceret sibi placentam hordeorum cum stercore fimi hominis, & quia hoc deprecatus est, mandatum est ut faceret illam cum excrementis bovis; Ezech. IV 1 ad 15. Præter quod prophetæ etiam alia repræsentarent, ut Zedkiah per cornua ferri, quæ sibi fecit; 1 Reg. XXII. 11. Et alius propheta, per quod percuteretur & vulneraretur, ac cinerem super oculis mitteret; 1 Reg. XX. 35. 37. In genere repræsentabant prophetæ Verbum in sensu ultimo, qui est sensus literæ, per tunicam pili, Sach. XIII. 4. quare Elias tali tunica indutus fuit, ac cinctus cingulo coriaceo circum lumbos, II. Reg. I. 6. similiter Johannes Baptista, qui habebat indumentum ex pilis cameli, & cingulum coriaceum circum lumbum suum, & comedit locustam & mel agreste; Matth. III. 4. Ex his patet, quod Prophetæ repræsentaverint

statum Ecclesiæ & Verbum; qui enim unum, etiam alterum repræsentat, nam Ecclesia est ex Verbo, & secundum receptionem ejus vita & fide: quare etiam per Prophetas in utroque Testamento, ubi nominantur, significatur doctrina Ecclesiæ ex Verbo; per Dominum autem ut maximum Prophetam, significatur ipsa Ecclesia & ipsum Verbum.

16. Status Ecclesiæ ex Verbo repræsentatus in Prophetis, erat quod intelligitur per portare iniquitates & peccata populi; quod ita sit, patet ex illis quæ dicuntur de Esaja propheta, *Quod iret nudus & discalceatus tres annos, in signum & prodigium*, Es. XX. 3. De Ezechiele propheta, *Quod educeret vasa migrationis, & obtegeret facies ut non videret terram, & quod sic prodigium esset domui Israelis, & quoque diceret, ego prodigium vestrum*, Ezech. XII. 6. 11. Quod hoc fuerit illis portare iniquitates, manifeste constat apud Ezechielem, cum ille iussus est cubare 390 & 40 dies super latere sinistro & dextro contra Hierosolymam, ac edere placentam hordeorum factam cum excrementis bovis, ubi hæc etiam leguntur, *Tu cuba super latere tuo sinistro, & pone INIQUITATEM DOMUS ISRAELIS super illud, numerum dierum, quibus cubabis super illo, PORTABIS INIQUITATEM eorum. Ego namque dabo tibi annos iniquitatis eorum juxta numerum dierum 390 dies, ut PORTES INIQUITATEM DOMUS ISRAELIS. Quum vero absolveris hos, jacebis super latere tuo dextro secundum, ut PORTES INIQUITATEM DOMUS JEHUDÆ 40 dies*; Ezech. IV. 4. 5. 6. Quod Propheta per quod sic portaverit iniquitates domus Israelis & domus Jehudæ, non abstulerit illas, & sic expiaverit, sed modo repræsentaverit & monstraverit, patet a sequentibus ibi, *Sic inquit Jehovah, comedent filii Israelis panem suum immundum, inter gentes quo depulsurus sum eos. Ecce Ego frangens baculum panis in Hierosolyma, ut carzant pane & aqua, & desolentur vir & frater ejus, & contabescant propter iniquitatem eorum*, Vers. 13. 16. 17. in eodum Capite. Similiter cum idem Propheta obtenderet se & diceret, *Ecce ego prodigium vestrum*, etiam dicitur, *quemadmodum feci sic fiet illis*, Ezech. XII. 6. 11. Simile itaque intelligitur de Domino, ubi dicitur, *Morbos nostros Ille tulit: dolores nostros portavit: Jehovah incurere fecit in illum iniquitates omnium nostrum: per scientiam suam justificavit multos, eo quod iniquitates eorum Ipse portaverit*, Esaj. LIII; ubi in toto Capite agitur de Passione Domini. Quod Ipse sicut Maximus Propheta repræsentaverit statum Ecclesiæ quoad Verbum, patet a singulis Passionis Illius, ut *Quod a Juda proditus fuerit. Quod a principibus sacerdotum & a senioribus comprehensus & condemnatus sit. Quod colaphos impeerint. Quod caput calamo percusserint. Quod imposuerint coronam ex spinis. Quod vestimenta Ipsius dividerint, & super tunicam jecerint sortem. Quod crucifixerint. Quod dederint Ipsi acetum ad bibendum. Quod transfoderint latus. Quod Sepultus; & tertio die resurrexerit. Quod a Juda proditus fuerit, significabat quod a gente Judaica, apud quam tunc erat Verbum; nam Judas illam repræsentabat: quod a principibus sacerdotum & a senioribus comprehensus & condemnatus sit, significabat quod ab omni illa Ecclesia; quod flagellaverint, spuerint in faciem, colaphos impeerint, & caput calamo percusserint, significabat quod similiter fecerint cum Verbo quoad Divina Vera ejus, quæ omnia agunt de Domino: quod imposuerint coronam ex spinis, significabat quod illa falsifica-*

ficaverint & adulteraverint: quod vestimenta diviserint, & super tunicam jecerint sortem, significabat quod omnia vera Verbi disperferint, sed non sensum ejus spirituatem, tunica Domini hoc Verbi significabat: quod crucifixerint, significabat quod totum Verbum destruxerint & prophanaverint: quod præbuerint Ipsi acetum ad bibendum, significabat quod mere falsificata & falsa, quare illud non bibit, & tunc dixit, consummatum est: quod transfoderint latus, significabat quod plane exstinxerint omne verum Verbi & omne bonum ejus: quod sepultus, significabat rejectionem humani residui a matre; quod tertio die resurrexerit, significabat Glorificationem. Similia per illa significantur apud Prophetas & apud Davidem, ubi prædicta sunt. Quapropter postquam flagellatus & eductus portans spinosam coronam, & vestimentum purpureum a militibus impositum, dixit, ecce Homo, Joh. XIX. 1. 5; hoc dictum est, quia per Hominem significatur Ecclesia; per Filium enim hominis significatur Verum Ecclesiae, ita Verbum. Ex his nunc patet, quod per portare iniquitates, intelligatur peccata contra Divina vera Verbi, in se repræsentare & effigiare. Quod Dominus talia sustinuerit & passus sit ut Filius hominis, & non ut Filius Dei, videbitur in sequentibus; Filius hominis enim significat Dominum quoad Verbum.

17. Aliquid nunc dicetur, quid per tollere peccata intelligitur: per tollere peccata simile intelligitur, quod per redimere hominem, & salvare illum; nam Dominus in mundum venit, ut salvari posset homo, absque Ipsius adventu nemo mortalium potuit reformari & regenerari, ita salvari; sed hoc potest fieri, postquam Dominus omnem potentiam Diabolo, hoc est, Inferno ademerat, & Humanum suum glorificaverat, hoc est, univerat Divino Patris sui: si hæc non facta fuissent, nullus hominum potuisset recipere aliquod Divinum Verum manens apud illum, & adhuc minus aliquod Divinum bonum, nam diabolus, cui prius potentia superior erat, e corde illa evulsisset. Ex his patet, quod Dominus per Passionem crucis non abstulerit peccata, sed quod auferat illa, hoc est, removeat apud illos, qui credunt in Ipsum, vivendo secundum præcepta Ipsius: ut quoque Dominus docet apud Matthæum, *Nolite putare, quod venerim ad solvendum Legem & Prophetas. Quisquis solverit præceptorum horum minimum, & docuerit ita homines, minimus vocabitur in Regno cælorum; qui vero facit & docet, hic magnus vocabitur in Regno cælorum.*, V. 17. 19. Quis-que potest videre ex sola ratione, modo in aliqua illustratione sit, quod peccata non possint auferri homini, nisi quam per pœnitentiam actualem, quæ est, quod homo videat sua peccata, ac Domini opem imploret, & desistat ab illis: aliud videre, credere & docere, non est ex Verbo, nec est ex sana ratione, sed ex cupiditate & prava voluntate, quæ sunt proprium hominis, ex quo infatuatur intelligentia.

Quod Imputatio meriti Domini non aliud sit, quam remissio peccatorum post pæ- nitentiam.

18. **I**N Ecclesia creditur, quod Dominus missus sit a Patre, ut expiaret pro Genere humano, & quod hoc factum sit per impletionem Legis, & per Passionem crucis, & quod sic sustulerit damnationem & satisfecerit, & quod absque illa Expiatione, Satisfactione & Propitiatione, Genus humanum æterna morte periisset; & hoc ex Justitia, quæ ab aliquibus etiam vocatur Vindicativa. Verum est, quod absque Adventu Domini in mundum omnes periissent: sed quomodo intelligendum est, quod Dominus impleverit omnia Legis, videatur supra in suo Articulo: & cur passus est crucem, etiam supra in suo; ex quibus videri potest, quod non fuerit ex aliqua Justitia vindicativa, quia hæc non est Attributum Divinum; Attributa Divina sunt, Justitia, Amor, Misericordia & Bonum, & Deus est ipsa Justitia, ipse Amor, ipsa Misericordia, & ipsum Bonum, & ubi hæc sunt, non est aliquid vindictæ, ita non Justitia vindicativa. Quoniam Impletio Legis & Passio crucis hætenus a multis non aliter intellectæ sunt, quam quod Dominus per illa bina satisfecerit pro Humano Genere, & ei damnationem prævisam aut destinatam abstulerit, ex ne-
xu & simul ex principio, quod homo salvetur ex sola fide quod ita sit, sequutum est dogma de Imputatione meriti Domini, accipiendo illa duo, quæ fuerunt Meriti Domini, pro satisfactione: sed hoc cadit ex illis, quæ dicta sunt de Impletionem legis a Domino, & de Passione crucis Ipsius; & simul tunc videri potest, quod imputatio meriti sit vox nullius rei, nisi per illam intelligatur Remissio peccatorum post pænitentiam; nam non aliquid Domini potest imputari homini, sed potest addicari salus a Domino, postquam homo pænitentiam egerat, hoc est, postquam viderat & agnoverat sua peccata, & dein desistat ab illis, & hoc ex Domino; tunc addicatur ei salus eo modo, quod homo non ex suo merito, & ex propria justitia salvetur, sed ex Domino, qui solus pugnavit & vicit inferna, & qui postea etiam solus pugnat pro homine, & vincit inferna pro illo; hæc sunt Meritum & Justitia Domini; & hæc nusquam possunt imputari homini; nam si imputarentur, forent Meritum & Justitia Domini appropriata homini sicut ejus, & hoc nusquam sit, nec fieri potest: si Imputatio dabilis foret, potuisset homo impænitens & impius imputare sibi Meritum Domini, & ex eo cogitare se justificatum, quod tamen foret conspurcare sanctum prophanis, & piophanare Nomen Domini; nam foret tenere cogitationem in Domino, & voluntatem in Inferno, & tamen voluntas est omne hominis. Est fides DEI, & est fides hominis, fidem DEI habent qui pænitentiam agunt, fidem autem hominis qui non pænitentiam agunt, & utque de imputatione cogitant; ac fides Dei est fides viva, at fides hominis est fides mortua. Quod Ipse Dominus & Discipuli Ipsius prædicaverint Pænitentiam ac Remissionem

nem peccatorum, constat ex his sequentibus: „ *Jesus incepit prædicare & dicere*, PÆNITEAT VOS, appropinquavit enim Regnum Cælorum „ Matth. IV. 17. „ *Jesus dixit, facite fructus dignos PÆNITENTIA*, jamjam securis ad radicem arborum jacet: omnis arbor non faciens fructum bonum, exscinditur & in ignem conjicitur „ Luc. III. 8. 9. „ *Jesus dixit, nisi PÆNITENTIAM egeritis, omnes peribitis* „ Luc. XIII. 3. 5. „ *Jesus prædicans Evangelium Regni Dei; dicens, impletum est tempus, & appropinquavit Regnum Dei, PÆNITENTIAM agite, & credite Evangelio* „ Marc. I. 14. 15. „ *Jesus emisit discipulos, qui exeuntes prædicarunt ut PÆNITENTIAM agerent* „ Marc. VI. 12. „ *Jesus dixit ad Apostolos, quod illos oporteat prædicare in Nomine Ipsius PÆNITENTIAM & REMISSIONEM PECCATORUM, in omnibus gentibus, incipiendo a Hierosolyma* „ Luc. XXIV. 47. „ *Johannes prædicavit Baptisma PÆNITENTIÆ in REMISSIONEM PECCATORUM* „ Luc. III. 3. Marc. I. 4. per Baptisma intelligitur Lavatio spiritualis, quæ est a peccatis, & vocatur Regeneratio. Describitur Pænitentia & Remissio peccatorum a Domino ita apud Johannem „ *In propria venit, sed proprii Ipsum non receperunt: quotquot vero receperunt, dedit illis potestatem, ut filii Dei essent, credentibus in Nomen Ipsius: qui non ex sanguinibus, neque ex voluntate carnis, neque ex voluntate viri, sed ex Deo nati sunt* „ I. 11. 12. 13; per proprios intelliguntur, qui tunc ab Ecclesia, ubi erat Verbum: per filios Dei, & credentes in Nomen Ipsius, intelliguntur qui in Dominum credunt, & qui Verbo credunt: per sanguines intelliguntur falsificationes Verbi, & confirmationes falsi per illud: Voluntas carnis, est proprium voluntarium hominis, quod in se est malum: Voluntas viri, est proprium intellectuale hominis, quod in se est falsum: nati a Deo, sunt qui a Domino regenerati sunt: Ex his patet, quod illi salventur, qui in bono amoris & in veris fidei sunt a Domino, & non qui in proprio.

*Quod Dominus quoad Divinum Humanum
dicatur Filius Dei, & quoad Verbum
dicatur Filius hominis.*

19. **I**n Ecclesia non aliud scitur, quam quod Filius Dei sit altera Persona Divinitatis, distincta a Persona Patris, inde est fides de Filio Dei nato ab æterno. Hoc quia universaliter receptum est, & de Deo, non data est copia ac venia cogitandi de eo ex aliquo intellectu, ne quidem ita, quid est nasci ab æterno; nam qui cogitat de eo ex intellectu, omnino secum dicet, hoc transcendit, sed usque dico quia dicunt, & credo quia credunt. At sciant, quod non sit Filius ab æterno, sed quod sit Dominus ab æterno: dum scitur, quid Dominus, & quid Filius, potest etiam ex intellectu cogitare de Deo Truino, & non prius. Quod Humanum Domini conceptum a Jehovah Patre, & natum a Maria virgine, sit Filius Dei, patet manifeste ex his sequentibus: apud Lucam „ *Missus est Angelus Gabriel a Deo in urbem Galilææ, cui nomen Nazareth, ad Virginem desponsatam viro, cui nomen Joseph e domo Davidis, nomen autem Vir-*

ginis Maria. Quum ingressus est Angelus ad illam, dixit, *salve, gratiam consequuta, Dominus tecum est, benedicta inter mulieres. Illa videns conturbata est super verbo ejus, & cogitavit, quanta esset salutatio illa. Sed dixit Angelus illi, ne timeto Maria, invenisti gratiam apud Deum: ecce concipies & paries Filium, & vocabis Nomen Ipsius Jesum: Hic erit magnus & FILIUS ALTISSIMI vocabitur. Maria vero dixit ad Angelum, quomodo fiet hoc, quoniam virum non cognosco: cui respondens Angelus dixit; SPIRITUS SANCTUS VENIET SUPER TE, & VIRTUS ALTISSIMI OBUMBRABIT te,, unne etiam quod nascitur ex te SANCTUM, vocabitur FILIUS DEI,, I. 26 ad 35; dicitur hic, concipies & paries Filium. Hic erit Magnus, & vocabitur FILIUS ALTISSIMI; ac iterum, Quod nascetur ex te Sanctum, vocabitur FILIUS DEI; ex quo patet, quod Humanum conceptum a Deo, & natum a Maria virgine, sit, quod vocatur Filius Dei. Apud Esajam,, *Dat Dominus: Ipse vobis signum, ecce virgo concipiet & pariet FILIUM, & vocabit Nomen Ipsius: LEUS NOBISCUM,, VII. 14;* quod Filius natus a virgine, & conceptus a Deo, sit qui vocabitur Deus nobiscum, ita qui est Filius Dei, patet; quod sit, etiam confirmatur apud Matthæum Cap. I. 22. 23. Apud Esajam,, *Puer natus est nobis, FILIUS datus est nobis; super cujus humero Principatus; & vocabit Nomen Ipsius, Mirabilis, Consiliarius, Deus, Heros, PATER ÆTERNITATIS, Princeps pacis,, IX. 5. 6;* similiter hic, nam dicitur Puer natus est nobis, Filius datus est nobis, qui non est Filius ab æterno; sed Filius natus in mundo; quod etiam patet a Prophetæ verbis vers. 6 ibi, & a Gabrielis Angeli verbis ad Mariam, Luc. I. 32. 33, quæ similia sunt. Apud Davidem,, *Annuntiabo de statuto, Jehovah dixit, FILIUS MEUS TU, Ego hodie genui Te. Osculamini FILIUM, ne irascatur, & pereatis in via, Psalm. II. 7. 12,* hic nec intelligitur Filius ab æterno, sed Filius natus in mundo, nam est Propheticum de Domino venturo, quare vocatur statutum, de quo Jehovah annuntiavit Davidi; hodie non est ab æterno, sed est in tempore. Apud Davidem,, *Ponam in mari marum Ipsius, Ille vocabit Me, Pater meus Tu, Ego PRIMOGENITUM dabo Ipsum,, Psalm. LXXXIX. 27. 28. 37;* in toto hoc Psalmo agitur de Domino venturo, quare intelligitur Ipse, qui vocabit Jehovah Patrem suum, & qui erit Primogenitus, ita qui est Filius Dei. Pariter alibi, ubi vocatur *Virga e trunco Jishaji, Esaj. XI. 1. 2. 20. germen Davidis, Jerem. XXIII. 5. 6. Semen Mulieris, Gen. III. 15. Unigenitus, Gen. I. 18. Sacerdos in æternum & Dominus, Psalm. CX. 4. 5.**

In Ecclesia Judaica per Filium Dei intellectus est Messias, quem expectaverunt, de quo sciebant, quod nasceretur in Bethlechem. Quod per Filium Dei ab illis intellectus sit Messias, patet ex his locis: apud Johannem,, *Dixit Petrus, credimus & agnoscimus, quod Tu sis CHRISTUS FILIUS DEI viventis,, VII. 69.* Apud Eundem,, *Tu es CHRISTUS FILIUS DEI, qui in mundum venturus es,, XI. 27.* Apud Matthæum,, *Princeps sacerdotum interrogavit Jesum, num esset CHRISTUS FILIUS DEI; Jesus dixit, Ego sum,, XXVI. 63.* Marc. XI. 27. Apud Johannem,, *Hæc scripta sunt, ut credatis, quod Jesus sit CHRISTUS FILIUS DEI,, XX. 31:* tum Marc. I. 1. Christus est vox græca, & significat Unctum, similiter Messias in Lingua Hebræa; quare dicit Johannes,, *Invenimus Messiam; quod est, si interpreteris, CHRISTUS,, I. 42.* Et alibi,, *dixit Mulier, scio quod*
MESSIAS

MESSIAS veniat, qui dicitur CHRISTUS,, IV. 25. Quod Lex & Prophetæ, seu totum Verbum Veteris Testamenti sit de Domino, in Primo Articulo indicatum est, quare non alius per Filium Dei venturum potest intelligi, quam Humanum quod Dominus suscepit in mundo. Ex quo sequitur, quod hoc intellectum sit per Filium a Jehovah e cælo dictum, cum baptizabatur, *Hic est FILIUS MEUS DILECTUS, in quo complacuit Mihi*, Matth. XIII. 17. Marc. I. 11. Luc. III. 22.; nam Humanum Ipsius, baptizabatur. Et quando transformatus,, *Hic est FILIUS MEUS DILECTUS, in quo Mihi complacuit, Ipsum audite*, Matth. XVII. 5. Marc. IX. 7. Luc. IX. 35. Tum etiam alibi, ut Matth. VIII. 29. Cap. XIV. 33. Cap. XVIII. 43. 54. Marc. III. 11. Cap. XV. 39. Joh. I. 18. 34. 50. Cap. III. 18. Cap. V. 25. Cap. X. 36. Cap. XI. 4.

20. Quoniam per Filium Dei intelligitur Dominus quoad Humanum, quod in Mundo suscepit, quod est Divinum Humanum, patet quid intelligitur per quod Dominus toties dixerit, quod *Missus sit a Patre in mundum, & per quod exiverit a Patre*: per quod missus sit a Patre in mundum, intelligitur quod a Jehovah Patre conceptus sit. Quod non aliud per mitti & missum a Patre intelligatur, constat ex omnibus locis, ubi etiam dicitur, quod voluntatem Patris & opera Ipsius faceret, quæ erant, quod vinceret Inferna, glorificaret Humanum, doceret Verbum, & novam Ecclesiam instauraret; quæ non potuerunt fieri, nisi quam per Humanum conceptum a Jehovah, & natum a Virgine; hoc est, nisi Deus Homo factus sit. Evolve loca, ubi dicitur *mitti & missus*, & videbis, ut Matth. X. 40. Cap. XV. 24. Marc. IX. 37. Luc. IV. 43. Cap. IX. 48. Cap. X. 16. Joh. III. 17. 34. Cap. IV. 34. Cap. V. 23. 24. 36. 37. 38. Cap. VI. 29. 39. 40. 44. 57. Cap. VII. 16. 18. 28. 29. Cap. VIII. 16. 18. 29. 42. Cap. IX. 4. Cap. XI. 41. 42. Cap. XII. 44. 45. 49. Cap. XIII. 20. Cap. XIV. 24. Cap. XV. 21. Cap. XVI. 5. Cap. XVII. 3. 8. 21. 23. 25. Cap. XX. 20. Tum etiam loca, ubi Dominus Jehovah appellat Patrem.

21. Multi hodie non-aliter cogitant de Domino, quam sicut de vulgari homine, sui simili, quia solum de Humano Ipsius, & non simul de Divino, cum tamen Divinum & Humanum Ipsius non separari possunt: *Est enim Dominus Deus & Homo; ac Deus & Homo in Domino non sunt duo, sed una Persona, ita prorsus una, sicut Anima & Corpus sunt unus homo*; secundum doctrinam in toto Christiano Orbe, quæ est ex Conciliis, ac Doctrina fidei Athanasianæ vocatur. Ne itaque homo posthac cogitatione separet Divinum & Humanum in Domino, legat quæso illa, quæ ex Luca supra allata sunt; tum etiam hæc apud Matthæum,, *Jesu Christi Nativitas talis est; desponsata matre Ipsius Josepho, antequam illi congregarentur, inventa est in utero habens, ex SPIRITU SANCTO. Et Josephus sponsus ejus, quum justus esset, & non vellet illam diffamare, voluit clam dimittere illam. Verum cum ille hæc cogitaret, ecce Angelus Domini in somnio apparuit illi, dicens, Joseph, fili Davidis, ne timeas accipere Mariam sponsam tuam, nam quod in illa natum, ex SPIRITU SANCTO est: & pariet Filium, & vocabis Nomen Ipsius Jesum. Ille salvabit populum suum a peccatis eorum. Et expegefactus Josephus a somno, fecit sicut præcepit illi Angelus Domini, & accepit sponsam suam: AT NON COG-*

NOVIT ILLAM, usque dum peperit Filium suum primogenitum, & vocavit nomen Ipsius *Jesum*, I 18 ad 25. Ex his & ex illis quæ apud Lucam de Nativitate Domini scripta sunt, & ex supra allatis, constat, quod Filius Dei sit *Jesus* conceptus à *Jehovah* Patre, & natus a virgine *Maria*, de quo omnes Prophetæ & Lex usque ad *Johannem* prophetarunt.

22. Qui novit quid apud Dominum Filius Dei significat, & quid apud Ipsum Filius hominis, ille plura Arcana Verbi videre potest, nam Dominus nunc se vocat Filium, nunc Filium Dei, nunc Filium hominis, ubivis secundum rem, de qua agitur. Cum agitur de Divinitate Ipsius, de uno cum Patre, de Divina potestate, de Fide in Ipsum, de vita ab Ipso, tunc vocat se Filium & Filium Dei, ut Joh. V. 17 ad 26, & alibi: ubi autem agitur de Passione, de Judicio, de Adventu, & in genere de Redemptione, Salvatione, Reformatione, Regeneratione, tunc vocat se Filium hominis, causa est, quia Ipse quoad Verbum tunc intelligitur. Dominus variis nominibus insignitur in Verbo Veteris Testamenti. nominatur ibi *Jehovah*, *Jah*, Dominus, Deus, Dominus *Jehovih*, *Jehovah* *Zebaoth*, Deus *Israelis*, Sanctus *Israelis*, Fortis *Jacobi*, *Schaddai*, *Petra*, tum Creator, Formator, Salvator, Redemptor, ubivis secundum rem, de qua agitur; in Verbo Novi Testamenti similiter, ubi nominatur *Jesus*, *Christus*, Dominus, Deus, Filius Dei, Filius hominis, Prophetæ, Agnus, & quoque aliter, etiam ubivis secundum rem, de qua ibi agitur.

23. Ex quo Dominus vocatur Filius Dei, hætenus dictum est, nunc ex quo Dominus vocatur Filius hominis, dicetur. Vocatur Filius hominis, ubi agitur de Passione, de Judicio, de Adventu, & in genere ubi de Redemptione, Salvatione, Reformatione & Regeneratione; causa est, quia Filius hominis est Dominus quoad Verbum; ac Ipse ut Verbum, passus est, judicat, venit in mundum, redimit, salvat, reformat & regenerat. Quod ita sit, ex nunc frequentibus constare potest.

24. Quod Dominus dicatur Filius hominis, cum agitur de Passione, constat ex his: „ *Jesus* dixit ad Discipulos, ecce ascendimus Hierosolymam, & Filius HOMINIS tradetur Principibus Sacerdotum & scribis, qui condemnabunt Ipsum mortis, & tradent Ipsum gentibus, & flagellabunt Ipsum, & exspuent in Ipsum, & occident Ipsum; tertia tamen die resurget., Marc. X. 33. 34. similiter alibi, ubi prædicat Passionem suam, ut Matth. XX. 18. 19. Marc. VIII. 31. Luc. IX. 22., *Jesus* dixit ad Discipulos, ecce adest hora, & Filius HOMINIS tradetur in manus peccatorum., Matth. XXVI. 45., Angelus dixit ad mulieres venientes ad monumentum, mementote quod loquutus est vobis, quod oporteat FILIUM HOMINIS prodi in manus hominum peccatorum, & crucifigi, & tertia die resurgere., Luc. XXIV. 6. Quod Dominus tunc se vocaverit Filium hominis, est quia passus est sibi fieri similiter, quemadmodum illi fecerunt cum Verbo, ut multis supra ostensum est.

25. Quod Dominus dicatur Filius hominis, cum agitur de Judicio, constat ex his: „ Quando venerit Filius HOMINIS in gloria sua, tunc sedebit super throno gloriæ suæ, ac statu et oves a dextris, & hircos a sinistris., Matth. XXV. 31. 33., Quando sedebit Filius HOMINIS super throno gloriæ suæ judicaturus duo-

de-

decim tribus Israelis,, Matth. XIX. 28., Venturus est FILIUS HOMINIS in gloria Patris sui, & tunc reddet unicuique secundum facta ejus,, Matth. XVI. 27., Vigilate omni tempore, ut digni habeamini ad consistendum coram FILIO HOMINIS., Luc. XXI. 36. Qua hora non putatis FILIUS HOMINIS venit, Matth. XXII. 44. Luc. XII. 40. Pater non judicat quemquam, sed omne judicium dedit Filio, quia FILIUS HOMINIS est,, Joh. V. 27. Causa, quod Dominus, cum de Judicio agitur, se dicat Filium hominis, est quia omne Judicium fit secundum Divinum Verum, quod est in Verbo; quod hoc judicet unumquemvis, dicit Ipse apud Johannem,, Si quis non audiverit verba mea, non tamen crediderit, Ego non judico illum, non enim veni ut judicem mundum, VERBUM QUOD LOQUUTUS SUM, illud judicabit illum in extrema die,, XII. 47. 48. Et alibi,, non venit FILIUS HOMINIS ut judicet mundum, sed ut salvetur per Ipsum; qui credit in Ipsum non judicatur, qui autem non credit, jam judicatus est, quia non credidit in Nomen unigeniti Filii Dei,, III. 17. 18. Quod Dominus neminem ad Infernum judicet, seu in Infernum deiciat, sed quod ipse malus spiritus semet, videatur in Opere de CÆLO ET INFERNO n. 545 ad 550. 574. per NOMEN Jehovæ, Domini, Filii dei intelligitur Divinum Verum, ita quoque Verbum, quod est ab Ipso, de Ipso, & sic Ipse.

26. *Quod Dominus dicatur Filius hominis, ubi agitur de Adventu Ipsius*, constat ex his: Discipuli dicebant ad Jesum, quodnam signum tui Adventus & Consummationis sæculi, & tunc Dominus prædixit status Ecclesiæ successivos usque ad finem, & de fine ejus hæc,, Tunc apparebit signum FILII HOMINIS: & videbunt FILIUM HOMINIS venientem in nubibus cæli cum virtute & gloria,, Matth. XXIV. 3. 30. Marc. XIII. 26. Luc. XXI. 27; per consummationem sæculi intelligitur ultimum tempus Ecclesiæ: per advenum in nubibus cæli cum gloria, intelligitur aperitio Verbi, & manifestatio quod Verbum de Ipso solo scriptum sit. Apud Daniele,, Vidi & ecce cum nubibus cælorum FILIUS HOMINIS veniens,, VII. 13. In Apocalypsi,, Ecce venit cum nubibus, & videbit Ipsum omnis oculus,, I. 7., hoc etiam de FILIO HOMINIS, ut patet a Vers. 13, ibi. tum alibi in Apocalypsi,, Vidi cum ecce nubes alba, & super nube sedens similis FILIO HOMINIS., XIV. 14. Quod Dominus aliud apud se intellexerit per Filium Dei, & aliud per Filium hominis, patet a responso Ipsius ad Principem sacerdotum,, Sacerdos magnus dixit ad Jesum, adjuro Te per Deum viventem, ut nobis dicas, num Tu sis Christus FILIUS DEI; dixit illi Jesus, tu dixisti, Ego sum; veruntamen dico vobis, a nunc videbitis FILIUM HOMINIS sedentem a dextris potentiae, & venientem in nubibus cæli., Matth. XXVI. 63. 64. hic primum confessus est, quod sit Filius Dei, & postea dicit, quod visuri sint Filium hominis sedentem a dextris potentiae, & venientem in nubibus cæli; per quæ intelligitur, quod post Passionem crucis in Divina Potentia esset aperiendi Verbum, & instaurandi Ecclesiam; quod non prius fieri potuit, quia non prius vicerat Infernum, & glorificaverat Humanum suum. Quid per sedere super nubibus cæli, & venire in gloria, significatur, in Opere de CÆLO ET INFERNO n. 1. explicatum est.

27. *Quod Dominus dicatur Filius hominis, ubi agitur de Redemptione, Salvatione, Reformatione & Regeneratione*, constat ex his,, FILIUS HOMINIS venit, ut

det animam Redemptionem pro multis,, Matth. XX. 28. Marc. X. 45. Venit FILIUS HOMINIS ad salvandum & non ad perdendum,, Matth. XVIII. 11. Luc. IX. 56. Venit FILIUS HOMINIS ad quærendum & salvandum id quod perierat, Luc. XIX. 10. Venit FILIUS HOMINIS, ut mundus salvetur per Ipsum,, Joh. III. 17. Qui seminat bonum semen est FILIUS HOMINIS,, Matth. XIII. 37; ibi de Redemptione & Salvatione agitur, quæ quia a Domino fiunt per Verbum, ideo se vocat ibi Filium hominis. Dicit Dominus, quod FILIUS HOMINIS potestatem habeat remittendi peccata,, Marc. II. 10. Luc. V. 24, hoc est, salvandi: Tum,, Quod sit Dominus Sabbathi, quia est FILIUS HOMINIS,, Matth. XII. 8. Marc. II. 28. Luc. VI. 5, quia est Verbum, quod Ipse tunc docet. Præterea dicit apud Johannem,, Operamini cibum, non qui perit, sed cibum qui manet in vitam æternam, quem FILIUS HOMINIS vobis dabit,, VI. 27; per cibum intelligitur omne verum & bonum doctrinæ ex Verbo, ita a Domino: hoc quoque ibi intelligitur per mannam & per panem, qui e Cælo descendit; & quoque per hoc in eodem Capite,, Nisi comederitis carnem FILII HOMINIS, & biberitis Ipsiùs sanguinem, non habebitis vitam in vobis,, Vers. 53; caro seu panis est bonum amoris ex verbo, sanguis seu vinum est bonum fidei ex Verbo, utrumque a Domino.

Simile per Filium hominis in aliis locis, ubi dicitur, significatur; ut in his,, Vulpes foveas habent, & volucres nidos, FILIUS vero HOMINIS non habet ubi caput inclinet,, Matth. VIII. 20. Luc. IX. 58; per hoc intelligitur quod Verbum non haberet locum apud Judæos, ut quoque dicit Dominus, Joh. VIII. 37; nec esset manens apud illos, quia non agnoverunt Ipsum, Joh. V. 38. 39. Per Filium hominis intelligitur Dominus quoad Verbum, etiam in Apocalypsi,, In medio septem Candelabrorum vidi similem FILIO HOMINIS, indutum talari, & circumcinctum ad ubera Zona aurea,, I. 13 seq: ibi per varia repræsentatus est Dominus ut Verbum, quare etiam vocatur Filius hominis. Apud Davidem,, Sit manus tua pro Viro dextræ tuæ, pro FILIO HOMINIS confortasti Te; tunc non recedemus a Te, vivifica nos,, Psalm. LXXX. 18. 19. 20; Vir dextræ est quoque hic Dominus quoad Verbum, similiter Filius hominis: vocatur Vir dextræ, quia Domino ex Divino Vero, quod etiam est Verbum, est potentia, ac Ipsi Divina Potentia fuit, quando totum Verbum implevit; inde etiam dixerat, quod visuri sint FILIUM HOMINIS sedentem a dextris Patris cum potentia,, Marc. XIV. 62.

28. Quod Filius hominis significet Dominum quoad Verbum, erat quia Prophetæ etiam dicti sunt Filii hominis; quod Prophetæ filii hominis dicti sint, erat quia repræsentabant Dominum quoad Verbum, & inde significabant Doctrinam Ecclesiæ ex Verbo; non aliud in cælo per Prophetas, ubi nominantur in Verbo, intelligitur, significatio enim spiritualis Prophetæ, tum etiam Filii hominis, est doctrina Ecclesiæ ex Verbo, & cum de Domino, est ipsum Verbum. Quod Prophetæ Daniel vocatus sit Filius hominis, videatur apud illum Cap. VIII. 17. Quod Prophetæ Ezechiel vocatus sit Filius hominis, videatur apud illum Cap. II. 1. 3. 6. 8. Cap. III. 1. 3. 4. 10. 17. 25. Cap. IV. 1. 16. Cap. V. 1. Cap. VI. 2. Cap. VII. 2. Cap. VIII. 5. 6. 8. 12. 15. Cap. XI. 2. 4. 15. Cap. XII.

2. 3. 9. 18. 22. 27. Cap. XIII. 2. 17. Cap. XIV. 3. 13. Cap. XV. 2. Cap. XVI. 2. Cap. XVII. 2. Cap. XX. 3. 4. 27. 46. Cap. XXI. 2. 6. 9. 12. 14. 19. 28. Cap. XXII. 18. 24. Cap. XXIII. 2. 36. Cap. XXIV. 2. 16. 25. Cap. XXV. 2. Cap. XXVI. 2. Cap. XXVII. 2. Cap. XXVIII. 2. 12. 21. Cap. XXIX. 2. 18. Cap. XXX. 2. 21. Cap. XXXI. 1. 2. Cap. XXXII. 2. 18. Cap. XXXIII. 2. 7. 10. 12. 24. 30. Cap. XXXIV. 2. Cap. XXXV. 2. Cap. XXXVI. 1. 17. Cap. XXXVII. 3. 9. 11. 16. Cap. XXXVIII. 2. 24. Cap. XXXIX. 1. 17. Cap. XL. 4. Cap. XLIII. 7. 10. 18. Cap. XLIV. 1. 4. Ex his nunc patet, quod Dominus quoad Divinum Humanum dicatur Filius Dei, & quoad Verbum Filius hominis.

Quod Dominus Humanum suum fecerit Divinum ex Divino in Ipso, & quod sic unum factus sit cum Patre.

29. EX DOCTRINA ECCLESIAE recepta in universo Christiano Orbe est, QUOD NOSTER DOMINUS JESUS CHRISTUS FILIUS DEI, SIT ET DEUS ET HOMO; ET QUAMVIS EST DEUS ET HOMO, USQUE NON SUNT DUO, SED EST UNUS CHRISTUS, EST UNUS, QUIA DIVINUM SUSCIPIT AD SE HUMANUM; IMO EST PRORSUS UNUS, EST ENIM UNA PERSONA: QUONIAM SICUT ANIMA ET CORPUS FACIUNT UNUM HOMINEM, ITA DEUS ET HOMO EST UNUS CHRISTUS; hæc verba ex Doctrina fidei Athanasianæ, quæ in universo Christiano orbe recepta est, desumpta sunt; hæc ibi sunt essentialia de unitione Divini & Humani in Domino; reliqua quæ in eadem Doctrina de Domino dicuntur, in suo Articulo explicabuntur. Ex illis clare patet, quod ex FIDE ECCLESIAE CHRISTIANÆ sit, quod Divinum & Humanum in Domino non sint duo sed unum, sicut Anima & Corpus est unus homo, & quod Divinum in Ipso susceperit Humanum. Ex hoc sequitur, quod non Divinum ab Humano, nec Humanum a Divino possint separari; nam illa separare, foret sicut separare Animam & Corpus. Quod ita sit, etiam omnis agnosceat, qui legit illa, quæ supra n. 19 & 21 ex binis Evangelistis, nempe ex Luca Cap. I. 26 ad 35, & ex Matthæo Cap. I. 18 ad 25, de Nativitate Domini, allata sunt; ex quibus manifestum est, quod Jesus conceptus sit a Jehovah Deo, & natus a Maria virgine; ita quod in Ipso fuerit Divinum, & illud Anima Ipsius. Nunc quia Anima Ipsius fuit Ipsum Divinum Patris, sequitur quod Corpus seu Humanum Ipsius etiam factum sit Divinum, nam ubi unum est, etiam erit alterum: ita & non aliter Pater & Filius unum sunt, Pater in Filio & Filius in Patre, tum omnia Filii Patris sunt & omnia Patris Filii, ut Ipse Dominus in Verbo suo docet. Sed quomodo Unitio facta est, dicetur hoc ordine; I. Quod Dominus ab æterno, sit Jehovah. II. Quod Dominus ab æterno seu Jehovah susceperit Humanum ad salvandum homines. III. Quod Humanum Divinum fecerit ex Divino in Se. IV. Quod Humanum Divinum fecerit per Tentationes in se admissas. V. Quod plena unitio Divini & Humani in Ipso facta

facta sit per Passionem crucis, quæ fuit Tentationum ultima. VI. Quod Humanum ex matre susceptum successive exuerit, & Humanum ex Divino in Ipso induerit, quod est Divinum Humanum & Filius Dei. VII. Quod ita Deus factus sit Homo, ut in Primis etiam in Ultimis.

30. *Quod Dominus ab æterno, sit Jehovah*, notum est ex Verbo; nam Dominus dixit Judæis, Amen dico vobis, priusquam Abrahamus fuit, Ego sum, Joh. VIII. 58. Et alibi, Glorifica Me Tu Pater, gloria; quam habui antequam mundus esset apud Te, Joh. XVII. 5. per quæ intelligitur Dominus ab æterno, & non Filius ab æterno, nam Filius est Humanum Ipsius conceptum a Jehovah Patre & natum a Maria virgine in tempore, ut supra ostensum est. Quod Dominus ab æterno, sit Ipse Jehovah, constat a multis locis in Verbo, ex quibus hæc pauca in præsentī adducentur, Dicetur in die illo, DEUS NOSTER HIC, quem expectavimus, ut liberet nos; JEHOVAH, quem expectavimus; exultemus & lætemur in Salute Ipsius, Esaj. XVI. 10. 14; ex quibus patet, quod Ipse Deus Jehovah expectatus sit, Vox clamantis in deserto, parate viam JEHOVÆ; complanate in solitudine semitam DEO NOSTRO: revelabitur gloria JEHOVÆ; & videbit omnis caro simul. Ecce DOMINUS JEHOVIH in forti venit, Esaj. XL. 3. 5. 10. Matth. III. 3. Marc. I. 3. Luc. III. 4; hic etiam Dominus dicitur Jehovah, qui venturus est, Ego Jehovah, dabo Te in fædus populo, in lucem gentium: Ego JEHOVAH, HOC NOMEM MEUM; ET GLORIAM MEAM NON ALTERI DABO, Esaj. XLII. 6. 7. 8; fædus populo, & lux gentium est Dominus quoad Humanum; quia Hoc est a Jehovah, ac factum unum cum Jehovah, dicitur Ego Jehovah hoc Nomen meum, & gloriam meam non alteri dabo, hoc est, non alteri quam sibi Ipsi; gloriam dare est glorificare seu unire sibi, Subito veniet ad Templum suum DOMINUS, quem vos queritis, Malach. III. 1; per Templum intelligitur Templum Corporis Ipsius, ut Joh. II. 19. 21., Visitavit nos ORTUS AB ALTO, Luc. I. 78, ortus ab alto etiam est Jehovah, seu Dominus ab æterno. Ex his patet, quod per Dominum ab æterno, intelligatur Divinum Ipsius a Quo, quod in verbo est Jehovah: ex locis autem infra afferendis patebit, quod per Dominum & quoque per Jehovaham, postquam glorificatum est Humanum Ipsius, intelligatur Divinum & Humanum simul, ut unum; & quod per Filium solum intelligatur Divinum Humanum.

31. *Quod Dominus ab æterno, seu Jehovah, susceperit Humanum ad salvandum homines*, confirmatum est ex Verbo in antecedentibus Articulis; quod homo non aliter salvari potuerit, alibi dicitur. Quod susceperit Humanum, constat etiam ex locis in Verbo, ubi dicitur, quod exiverit ex Deo, descenderit e cælo, & quod missus sit in mundum; ut ex his, EXIVI a Patre & VENI in mundum, Joh. XVI. 28., Ego a DEO EXIVI & VENIO, neque a Me Ipso veni, sed Ille Me MISIT, Joh. VIII. 42., Pater vos amat, quia credidistis, quod Ego a DEO EXIVERIM, Joh. XVI. 26. 27., Nemo ascendit e cælo, nisi qui e CÆLO DESCENDIT, Joh. III. 13. Panis Dei est, qui DESCENDIT e CÆLO, & vitam dat mundo, Joh. VI. 33. 35. 41. 50. 51. Qui DESUPER VENIT, supra omnes est; qui e CÆLO VENIT, supra omnes est, Joh. III. 31., E-

go novi Patrem, quia AB ILLO SUM, & ILLE MISIT ME,, Joh. VII. 27: quod per mitti a Patre in mundum, intelligatur suscipere Humanum, videatur supra n. 20

32. *Quod Dominus Humanum suum Divinum fecerit ex Divino in Se*, constare potest ex multis locis e Verbo, ex quo nunc illa loca adducentur, quæ confirmant, *quod hoc successive factum sit*, quæ sunt,, Jesus crevit & corroboratus est spiritu & sapientia, & gratia Dei erat super Ipsum,, Luc. II. 40., Jesus profecit sapientia, ætate, & gratia apud Deum & homines. II. *Quod Divinum operatum sit per Humanum, sicut anima per corpus*, ex his,, Non potest Filius facere a Se Ipso quicquam, nisi viderit Patrem facientem,, Joh. V. 19., A Me Ipso facio nihil, sed sicut docuit me Pater meus, hæc loquor; qui misit Me, Mecum est, non reliquit Me solum,, Joh. VIII. 28. 29. Cap. V. 30. Ego non ex Me Ipso loquutus sum, sed qui misit Me Pater, Mihi præceptum dedit, quid dicere & quid loqui debeam,, Joh. XII. 49. 50. Verba, quæ Ego loquor vobis, a Me Ipso non loquor. Pater, qui in Me manet, Ille facit opera,, Joh. XIV. 10. Non sum solus, quia Pater Mecum,, Joh. XVI. 32. III. *Quod Divinum & Humanum unanimiter operatum sit*, ex his,, Quæ Pater facit, hæc etiam Filius similiter facit,, Joh. V. 19., Quemadmodum Pater suscitavit mortuos & vivificat, ita etiam Filius, quos vult, vivificat,, Joh. V. 21., Quemadmodum Pater habet vitam in Se Ipso, ita dedit etiam Filio vitam habere in Se Ipso,, Joh. V. 26. Nunc cognoverunt, quod omnia, quæ dedisti Mihi, a Te sint,, Joh. XVII. 6. IV. *Quod unitum sit Divinum Humano & Humanum Divino*, ex his,, Si cognovistis Me, etiam Patrem meum cognovistis, & vidistis Ipsum. Dixit ad Philippum volentem videre Patrem; tantum tempus vobiscum sum, & non nosti Me, Philippe, qui vidit Me, vidit Patrem; nonne credis, quod Ego in Patre, & Pater in Me sit: credite Mihi, quod Ego in Patre & Pater in me sit,, Joh. XIV. 6 ad 11., Si non facio opera Patris mei, ne credite Mihi, si facio, operibus credite; ut cognoscatis & credatis, quod Pater in Me, & Ego in Patre,, Joh. X. 36. 38., Ut omnes unum sint, sicut Tu Pater in Me, & Ego in Te,, Joh. XVII. 22., In illo die cognoscetis, quod Ego in Patre meo,, Joh. XIV. 20., Non rapiet quis oves e manu Patris mei, Ego & Pater unum sumus,, Joh. X. 30., Pater amat Filium, & omnia dedit in manum Ipsius,, Joh. III. 35., Omnia quæcunque Pater habet, Mea sunt,, Joh. XVI. 15., Omnia Mea Tua sunt, & Tua Mea,, Joh. XVII. 10., Dedisti Filio potestatem omnis carnis, Joh. XVIII. 2., Data est Mihi omnis potestas in Cælo & in Terra,, Matth. XXVIII. 18. V. *Quod Divinum Humanum adeundum sit*, patet ex his,, Ut omnes honorent Filium, quemadmodum honorant Patrem, Joh. V. 23., Si Me nossetis, etiam Patrem meum nossetis,, Joh. VIII. 19., Qui videt Me, videt Ipsum qui misit Me,, Joh. XII. 45., Si cognovistis Me, etiam Patrem meum cognovistis, & abhinc cognovistis Ipsum, & vidistis Ipsum,, Joh. XIV. 7., Qui Me suscipit, suscipit Ipsum, qui misit Me,, Joh. XIII. 20: causa est, quia nemo potest Ipsum Divinum, quod Pater vocatur, videre, sed Divinum Humanum; dicit enim Dominus,, Deum nemo vidit unquam, Unigenitus Filius, qui in sinu Patris est, Ille exposuit,,

Joh. I. 18., Non Patrem vidit quis, nisi qui est apud Patrem, Hic vidit Patrem., Joh. VI. 46., Non vocem Patris audivistis unquam, neque speciem Ipsius vidistis., Joh. V. 37. VI. *Quia Dominus Humanum suum fecit Divinum ex Divino in Se, & quia Illud ascendendum est, & Hoc est Filius Dei, ideo in Dominum, qui & Pater & Filius est; credendum est; hoc patet ex his.*, Jesus dixit quotquot receperunt Ipsum, dedit illis potestatem ut filii Dei essent, CREDITIBUS IN NOMEN IPSIUS., Joh. I. 11. Ut omnis qui CREDIT IN IPSUM non pereat, sed vitam æternam habeat., Joh. III. 15., Adeo dilexit Deus mundum, ut Filium suum Unigenitum dederit, ut omnis qui CREDIT IN IPSUM, vitam æternam habeat., Joh. III. 16., Qui CREDIT IN FILIUM, non judicatur; qui autem NON CREDIT, jam judicatus est, quia NON CREDIDIT IN NOMEN UNIGENITI FILII DEI., Joh. III. 18., Qui CREDIT IN FILIUM, habet vitam æternam; qui vero NON CREDIT FILIO, non videbit vitam; sed ira Dei manet super illo., Joh. III. 36., Panis Dei est, qui descendit e cælo, & vitam dat mundo; qui venit ad Me, non esuriet, & qui CREDIT IN ME, non sitiet unquam., Joh. VI. 33. 35., Hæc est voluntas Ipsius qui misit Me, ut omnis qui videt Filium, & CREDIT IN IPSUM, habeat vitam æternam, & resuscitem illum Ego in extremo die., Joh. VI. 40., Dixerunt ad Jesum, quid faciemus ut operemur opera Dei, respondit Jesus, hoc est opus Dei, ut credatis in Eum, quem misit Ille., Joh. VI. 28. 29., Amen dico vobis, qui CREDIT IN ME, habet vitam æternam., Joh. VI. 47., Jesus clamavit dicens, si quis sitiverit, venito ad Me, & bibito, quisquis CREDIT IN ME, sicut dixit Scriptura, flumina e ventre illius fluent aquæ viventis., Joh. VII. 37. 38., NISI CREDIDERITIS quod Ego sim, moriemini in peccatis vestris., Joh. VIII. 24., Jesus dixit, Ego sum resurrectio & vita, qui CREDIT IN ME, etsi moriatur, vivet: omnis vero qui vivit, & CREDIT IN ME, non morietur in æternum., Joh. XI. 25. 26., Jesus dixit, Ego Lux in mundum veni, ut omnis, qui CREDIT IN ME, in tenebris non maneat., Joh. XII. 46. Cap. VIII. 12., Quotque Lucem habetis, CREDITE IN LUCEM, ut filii Lucis sitis., Joh. XII. 36., Amen dico vobis, quod mortui audient vocem Filii Dei, & qui audient, vivent., Joh. V. 25., Manete in Me, etiam Ego in vobis; Ego sum vitis, vos palmites, qui manet in Me, & Ego in illo, hic fert fructum multum; quia sine Me non potestis facere quicquam., Joh. XV. 1. ad 5., Quod mansuri sint in Domino, & Dominus in illis., Joh. XIV. 20. Cap. XVII. 23., Ego sum Via, Veritas & Vita; nemo venit ad Patrem, nisi per Me., Joh. XIV. 6. In his locis; & in omnibus aliis, ubi nominatur Pater, intelligitur Divinum, quod ex conceptione fuit in Domino, quod secundum Doctrinam fidei Christiani Orbis, fuit sicut anima in corpore apud hominem; Ipsum Humanum ex hoc Divino est Filius Dei. Nunc quia Hoc quoque Divinum factum est, ne homo adeat Patrem solum, & per id in cogitatione, fide, & inde in cultu separet Patrem a Domino, in quo est, ideo postquam Dominus docuit, quod Pater & Ipse unum sint, & quod Pater in Ipso & Ipse in Patre sit, & quod mansuri sint in Ipso; & quod nemo veniat ad Patrem nisi per Ipsum, etiam docet quod in Ipsum credendum sit, & quod homo ex fide directa in Ipsum salvetur. Quod Hu-

Humanum in Domino Divinum factum sit, in Christianismo apud plures non potest aliqua idea capi, ex causa imprimis, quia de Homine cogitant ex materiali ejus corpore, & non ex spiritali, cum tamen omnes Angeli, qui spirituales sunt, etiam in plena forma homines sunt, & omne Divinum, quod procedit a Jehovah Deo, a Primis Ejus in cælo, ad Ultimum Ejus in mundo, in formam humanam tendit. Quod Angeli sint Formæ Humanæ, & quod omne Divinum tendat in formam humanam, videatur in Opere de CÆLO ET INFERNNO n. 73 ad 77. & n. 453 ad 460; ac plenius videbitur in sequentibus Operibus, quæ erunt ex Sapientia Angelica de Domino.

33. *Quod Dominus Humanum suum Divinum fecerit per Tentationes in se admittas, & per continuas tunc victorias*, actum est supra, n. 12. 13. 14; quibus hoc solum addendum est. Tentationes non aliud sunt, quam pugnae contra mala & falsa, & quia mala & falsa ab Inferno sunt, sunt quoque pugnae contra Infernum; etiam apud hominēs, qui Tentationes spirituales subeunt, sunt mali spiritus ab Inferno, qui illas inducunt: quod mali spiritus inducant Tentationes, homo nescit, quod tamen sint, ex multa Experientia datum est scire. Ex eo est, quod homo, dum ex Domino vincit in Tentationibus, ab Inferno extrahatur, ac in Cælum eleveatur: inde est, quod homo per Tentationes seu pugnas contra mala fiat spiritalis, ita angelus. Dominus autem ex propria potentia pugnavit contra omnia Inferna, & illa prorsus domavit & subjugavit; & per id, quod simul glorificaverit Humanum suum, illa in æternum domata & subjugata tenet. Inferna enim ante Domini adventum usque ad illam altitudinem succreverunt, ut ipsos Angelos cæli inciperent infestare, & similiter omnem hominem venientem in mundum & exeuntem e mundo: quod Inferna in talem altitudinem succreverint, erat causa, quia Ecclesia prorsus devastata fuit, & homines mundi ex idololatriis in meris falsis & malis fuerunt, & ex hominibus sunt Inferna: inde fuit, quod nisi Dominus in Mundum venisset, nemo hominum potuisset salvari. De his Domini pugnis, multis agitur in Psalmis Davidis & in Prophetis, at parum in Evangelistis. Pugnae illæ sunt, quæ intelliguntur per Tentationes, quas Dominus sustinuit, quarum ultima fuit Passio crucis. Ex illis est, quod Dominus dicatur Salvator & Redemptor. Hoc in Ecclesia in tantum notum est, ut dicant, quod Dominus vicerit Mortem seu Diabolum, hoc est, Infernum, & quod cum Victoria resurrexerit: tum etiam quod absque Domino nulla salus. Quod etiam glorificaverit Humanum suum, & quod per id Salvator, Redemptor, Reformator & Regenerator in æternum factus sit, in sequentibus videbitur. Quod Dominus per Pugnas seu Tentationes Salvator factus sit, ex locis supra n. 12. 13. 14 in copia allatis, patet; & ex hoc apud Esajam, „Dies vindictæ in corde meo, & ANNUS REDEMPTORUM meorum venerat, conculcavi illos in ira mea, descendere feci in terram victoriam illorum, IDEO FACTUS EST ILLIS IN SALVATOREM,„ LXIII. 4. 6. 8; agitur in eo Capite de pugnis Domini. Et apud Davidem, „Attollite portæ capitâ vestra, extollimini ostia mundi, ut ingrediatur REX GLORIÆ. Quis Hic REX GLORIÆ, JEHOVAH FORTIS ET HEROS, JEHOVAH HEROS BELLI,„ Psalm. XXIV. 7. 8, hæc etiam de Domino.

34. *Quod plena Unitio Divini & Humani in Ipso facta sit per Passionem crucis, quæ fuit Tentationum ultima*, confirmatum est in suo Articulo supra, in quo ostensum est, quod Dominus in Mundum venerit, ut subjugaret Inferna, & glorificaret Humanum suum, & quod Passio crucis fuerit ultima pugna, per quam plene vicit Inferna, & plene glorificavit Humanum suum. Nunc quia Dominus per Passionem crucis plene glorificavit Humanum suum, hoc est, univit Illud Divino suo, & sic Humanum suum etiam fecit Divinum, sequitur quod Ipse sit Jehovah & Deus quoad utrumque: quare in Verbo multis in locis vocatur Jehovah, Deus & Sanctus Israelis Redemptor, Salvator & Formator, ut in sequentibus his: „ Maria dixit, magnificat anima mea DOMINUM: & exultavit spiritus meus super DEO SALVATORE MEO,, Luc. I. 46. 47., Angelus dixit ad pastores, ecce, evangelizo vobis gaudium magnum, quod fiet omni populo, quod natus sit hodie SALVATOR, qui est CHRISTUS DOMINUS in urbe Davidis,, Luc. II. 10. 11., „Dixerunt, Hic est vere SALVATOR MUNDI CHRISTUS,, Joh. IV. 42., „Ego Jehovah Deus adjuvo te, & REDEMPTOR SANCTUS ISRAELIS,, Esaj. XLI. 14., „Dixit JEHOVAH Creator tuus, Jacob, & FORMATOR TUUS, Israel, nam REDEMI TE. Ego JEHOVAH DEUS TUUS, SANCTUS ISRAELIS SALVATOR TUUS,, Esaj. XLIII. 1. 3., „Dixit, JEHOVAH REDemptor vester SANCTUS ISRAELIS. Ego JEHOVAH SANCTUS VESTER, Creator Israelis REX VESTER, Esaj. XLIII. 14. 15., „Sic dixit JEHOVAH SANCTUS ISRAELIS, & FORMATOR ejus,, Esaj. XLV. II. 15., „Sic dixit JEHOVAH REDemptor tuus SANCTUS ISRAELIS,, Esaj. XLVIII. 17., „Ut sciat omnis caro, quod Ego JEHOVAH SALVATOR TUUS, & REDemptor TUUS FORTIS JACOBI,, Esaj. XLIX. 26., „Tunc veniet Zioni REDemptor,, Esaj. LIX. 20. Ut scias, quod Ego JEHOVAH SALVATOR TUUS, & REDemptor TUUS, POTENS JACOBI,, Esaj. LX. 16., „JEHOVAH FORMATOR TUUS ab utero,, Esaj. XLIX. 5. JEHOVAH Petra mea, & REDemptor MEUS,, Psalm. XIX. 15., „Recordati sunt, quod Deus esset Petra eorum, & DEUS EXCELSUS REDemptor EORUM,, Psalm. LXXXVIII. 35., „Dixit JEHOVAH REDemptor TUUS, & FORMATOR TUUS ab utero,, Esaj. XLIV. 4., „Quod ad REDemptorem nostrum, JEHOVAH ZEBAOth nomen Ipsi, Sanctus Israelis,, Esaj. XLVII. 4., „Cum misericordia æternitatis miserebor tui, sic dixit REDemptor TUUS JEHOVAH,, Esaj. LIV. 8., „REDemptor EORUM FORTIS, JEHOVAH NOMEN Ipsi, „Jerem. L. 34., „Speret Israel in JEHOVAH, quia cum JEHOVAH Misericordia, plurima cum Ipso REDemptio; ILLE REDimet Israel ab omnibus iniquitatibus ejus,, Psalm. CXXX. 7. 8., „JEHOVAH DEUS Petra mea, propugnaculum meum, cornu salutis meæ, SALVATOR MEUS,, II. Sam. XXII. 2. 3., „Sic dixit JEHOVAH REDemptor Israelis, Sanctus Ipsi, Reges videbunt & subsistent propter Jehovah, qui fidelis, Sanctum Israelis, qui elegit te,, Esaj. XLIX. 7., „Tanquam modo inter te Deus, & PRÆTEREA NON ALIUS DEUS; profecto Tu Deus occultus, DEUS ISRAELIS SALVATOR,, Esaj. XLV. 14. 15., „Dixit Jehovah Rex Israelis, & REDemptor ejus JEHOVAH ZEBAOth, PRÆTER ME NON DEUS, Esaj. XLIV. 6., „EGO JEHOVAH, ET PRÆTER ME NON SALVATOR,, Esaj. XLIII. 11., „NONNE EGO JEHOVAH, ET NON AMPLIUS PRÆTER ME, ET SALVATOR NON EST PRÆTER ME,, Esaj.

Eſaj. XLV. 21. Ego JEHOVAH DEUS TUUS,, & Deum præter Me non agnoſces, & SALVATOR NON EST PRÆTER ME,, Hoſch. XIII. 4., Nonne Ego JEHOVAH, & non amplius Deus præter Me, DEUS juſtus & SALVATOR NON EST PRÆTER ME; Reſpicite ad Me, ut SALVEMINI omnes fines terræ, quia EGO DEUS ET NON PRÆTEREA,, Eſaj. XLV. 21. 22., JEHOVAH ZEBAOth NOMEN IPSIUS, ET REDEMPTOR TUUS SANCTUS ISRAELIS, DEUS TOTIUS TERRÆ VOCABITUR,, Eſaj. LIV. 5. Ex his videri poteſt, quod Divinum Domini, quod Pater vocatur, & hic Jehovah & Deus, ac Divinum Humanum, quod Filius vocatur, & hic Redemptor & Salvator, tum Formator, hoc eſt, Reformator & Regenerator, non duo ſint ſed unum, nam non ſolum dicitur, Jehovah Deus & Sanctus Israelis Redemptor & Salvator, ſed etiam dicitur Jehovah Redemptor & Salvator, imo etiam dicitur Jehovah Salvator & non præter Me: ex quibus manifeſte patet, quod Divinum & Humanum in Domino ſint una Perſona, & quod Humanum etiam Divinum ſit, nam Redemptor & Salvator Mundi non alius eſt, quam Dominus quoad Divinum Humanum, quod Filius vocatur: Redemptio & Salvatio enim eſt Attributum proprium Humini Ipſius, quod vocatur Meritum & Juſtitia, nam Humanum Ipſius ſuſtinuit Tentationes & Paſſionem crucis, ita per Humanum redemit & ſalvavit. Nunc quia poſt unionem Humani cum Divino in Se, quæ fuit ſicut animæ & corporis apud hominem, non amplius erant duo ſed una Perſona, ſecundum Doctrinam Chriſtiani Orbis, ideo Dominus quoad utrumque eſt Jehovah & Deus, quare dicitur nunc Jehovah & Sanctus Israelis Redemptor & Salvator, nunc Jehovah Redemptor & Salvator, ut ex adductis locis videri poteſt; quod ibi dicatur SALVATOR CHRISTUS, Luc. II. 10. 11. Joh. IV. 42. DEUS ET DEUS ISRAELIS SALVATOR ET REDEMPtor, Luc. I. 47. Eſaj. XLV. 14. Cap. LIV. 5. Pſalm. LXXVIII. 31. JEHOVAH SANCTUS ISRAELIS SALVATOR ET REDEMPtor, Eſaj. XLI. 14. Cap. XLIII. 3. 11. 14. 15. Cap. XLVIII. 17. Cap. XLIX. 7. Cap. LIV. 5. JEHOVAH SALVATOR, REDEMPtor ET FORMATOR, Eſaj. XLIV. 4. Cap. XLVII. 4. Cap. XLIX. 26. Cap. LIV. 8. Cap. LXIII. 10. Jerem. L. 34. Pſalm. XIX. 15. Pſalm. CXXX. 7. 8. II. Sam. XXII. 2. 3. JEHOVAH DEUS REDEMPTOR, ET SALVATOR, ET PRÆTER ME NON ALIUS, Eſaj. XLIII. 11. Cap. XLIV. 6. Cap. XLV. 14. 15. 21. 22. Hoſch. XIII. 4.

35. *Quod Dominus Humanum ex matre ſuſceptum ſucceſſive exuerit, & Humanum ex Divino in Ipſo induerit, quod eſt Divinum Humanum & Filius Dei.* Quod Domino fuerit Divinum & Humanum, Divinum ex Jehovah Patre, & Humanum ex Maria virgine, notum eſt; inde eſt, quod fuerit Deus & Homo, & ſic ipſi Eſſentia Divina & natura Humana, Eſſentia Divina ex Patre, Natura Humana ex Matre, & inde æqualis Patri quoad Divinum, & minor Patre quoad Humanum, tum quod Humanam hanc ex matre naturam non tranſmutaverit in Eſſentiam divinam, nec ei commiſcuerit illam, ut docet DOCTRINA FIDEI, quæ ATHANASIANA vocatur; nam Natura Humana in Eſſentiam Divinam non poteſt tranſmutari, nec poteſt ei commiſceri. Et tamen ex eadem noſtra doctrina eſt, quod Divinum ſuſceperit Humanum, hoc eſt, univerit ſe illi, ſicut anima ſuo corpori, uſque ut non duo eſſent, ſed una Perſona: ex eo ſequi-

quitur, quod Humanum ex Matre, quod in se erat simile Humano alterius hominis, & sic materiale, exuerit, ac Humanum ex Patre, quod in se simile Divino suo, & sic substantiale, induerit, ex quo Humanum etiam factum est Divinum. Inde est quod Dominus in Verbo Prophetarum etiam quoad Humanum dicatur Jehovah & Deus, ac in Verbo Evangelistarum Dominus, Deus, Messias seu Christus & Filius Dei, in quem credendum est, & a quo salvandi sunt. Nunc quia Domino fuit ab initio Humanum ex matre, & hoc successive exiit, ideo, dum in Mundo erat, fuerunt Ipsi duo Status, qui vocantur Status humiliationis seu exinanitionis, & Status glorificationis seu unionis cum Divino quod Pater vocatur; Status humiliationis, quantum & quando fuit in Humano ex matre, & Status glorificationis, quantum & quando fuit in Humano ex Patre: in statu humiliationis oravit Patrem sicut alium a Se; in statu glorificationis autem loquutus est cum Patre ut cum Se; in hoc statu dixit, quod Pater esset in Se & Ipse in Patre, & quod Pater & Ipse unum essent; in statu autem humiliationis subiit tentationes, & passus est crucem, & oravit ne Pater Ipsum desereret; nam Divinum non potuit tentari, & minus adhuc crucem pati. Ex his nunc patet, quod per tentationes & continuas tunc victorias, ac per Passionem crucis, quæ fuit ultima tentationum, plene vicerit Inferna & plene glorificaverit Humanum, ut prius ostensum est. Quod Dominus exuerit Humanum ex matre, & induerit Humanum ex Divino in Ipso, quod Pater vocatur, patet etiam ex eo, quod Dominus quoties Ipse ex suo ore loquutus est ad matrem, non vocaverit illam Matrem, sed Mulierem: apud Evangelistas legitur modo ter, quod ex suo ore loquutus sit ad Matrem & de illa, & tunc bis quod appellaverit illam Mulierem, & semel quod non agnovit illam pro Matre: bis quod appellaverit illam mulierem, legitur apud Johannem, *Dixit Mater Jesu ad Ipsum, vinum non habent, dicit illi Jesus, quid Mibi & tibi, MULIER, nondum venit hora mea*, II. 4. Et apud Eundem, *Jesus a cruce videt matrem, & discipulum adstantem, quem amabat, dicit Matri suæ, MULIER ecce Filius tuus, deinde dicit discipulo, ecce Mater tua*, XIX. 26. 27. Semel quod non agnovit illam, apud Lucam, *Nuntiatur est Jesu a dicentibus, Mater tua & fratres tui foris stant, & volunt te videre: Jesus respondens dixit ad illos, Mater mea & fratres mei hi sunt, qui audiunt Verbum Dei, & faciunt illud*, VIII. 20. 21. Matth. XII. 46 ad 49. Marc. III. 31 ad 35: in aliis locis vocatur Maria Ipsius mater, sed non ab Ipsius ore. Hoc etiam confirmatur per id, quod non agnovit se esse Filium Davidis; legitur enim apud Evangelistas, *Interrogavit Jesus Phariseos, dicens, quid vobis videtur de Christo, cujus Filius est, dicunt Ipsi, Davidis; dixit illis, quomodo ergo David Ipsum in spiritu Dominum suum vocat, dicens, dixit Dominus Domino meo, sede a dextris meis, donec posuero inimicos tuos scabellum pedum tuorum: si ergo David vocat Ipsum Dominum, quomodo Filius ejus est: & nemo poterat Ipsi respondere verbum*, Matth. XXI. 39 ad 44. Marc. XII. 35. 36. 37. Luc. XX. 41 ad 44. Psalm. CX. 1; ex his patet, quod Dominus quoad Humanum glorificatum non fuerit Mariæ nec Davidis filius. Quale fuit Humanum Ipsius glorificatum, ostendit Petro, Jacobo & Johanni, cum transfotmatus est coram illis, *Quod splenderit facies Ipsius sicut Sol, & vestimen-*

ta *Ipsius fuerint sicut Lux: & tunc vox e nube dixit, Hic est Filius meus dilectus, in quo Mibi complacuit.*, *Ipsium audite*, Matth. XVIII. 1 ad 8. Marc. IX. 2. ad 8. Luc. IX. 28 ad 36. Dominus etiam est visus Johanni, *Sicut Sol lucens in virtute sua*, Apoc. 1. 16.

Quod Humanum Domini glorificatum sit, constat ex illis, quæ de Glorificatione *Ipsius* apud Evangelistas dicuntur, ut ex his; apud Johannem, *Venit hora ut glorificetur Filius hominis: dixit, Pater, glorifica tuum Nomen: exiit vox e Cælo, & glorificavi & rursus glorificabo*, XII. 23. 28; quia Dominus successively glorificatus est, ideo dicitur, & glorificavi, & rursus glorificabo. Apud Eundem, *Postquam Judas exiit, dixit Jesus, nunc glorificatus est Filius hominis; & Deus glorificatus est in Ipso, etiam Deus glorificabit Ipsum in Se Ipso, & statim glorificabit Ipsum*, XIII. 31. 32. Apud Eundem, *Jesus dixit, Pater venit hora, glorifica Filium tuum, ut etiam Filius glorificet Te*, XVII. 1. 6. Et apud Lucam, *Nonne hoc oportebat pati Christum, & ingredi in gloriam suam*, XXIV. 26; hæc dicta sunt de Humano *Ipsius*. Dixit Dominus, Deus glorificatus est in Ipso, etiam Deus glorificabit Ipsum in Se Ipso: tum, glorifica Filium tuum, ut etiam Filius tuus glorificet Te; hæc Dominus dixit, quia unitio fuit reciproca, Divini cum Humano ac Humani cum Divinó; quare etiam dixerat, *Ego in Patre, & Pater in Me*, Joh. XIV. 10. 11; tum, omnia mea Tua sunt, & omnia Tua mea, Joh. XVII. 10: inde fuit unitio plenaria. Simile est cum omni unitione, quæ nisi sit reciproca, non est plena; qualis etiam erit Domini cum homine, & hominis cum Domino, ut docet apud Johannem, *In illa die cognoscetis, quod vos in Me, & Ego in vobis*, XIV. 20. Et alibi, *Manete in Me, etiam Ego in vobis: qui manet in Me, & Ego in illo, hic fert fructum multum*, XV. 4. 5.

Quoniam Humanum Domini glorificatum est, hoc est, Divinum factum est, ideo post mortem tertiâ die cum toto corpore resurrexit: quod non fit alicui homini, nam homo solum quoad spiritum, non autem quoad corpus resurgit: Ut homo sciret, & nemo dubitaret, quin Dominus cum toto Corpore resurrexerit, non modo dixit id per Angelos, qui erant in sepulchro, sed etiam ostendit Se in Humano suo corpore coram discipulis, dicens illis, cum crediderunt se videre spiritum, *Videte manus meas & pedes meos, quod Ipse Ego sim: palpate Me & videte. nam Spiritus carnem & ossa non habet, sicut Me videtis habere. Hoc quoque cum dixisset, ostendit illis manus & pedes*, Luc. XXIV. 39. 40. Joh. XX. 20. Et porro, *Jesus dixit Thomæ, mitte digitum tuum huc, & vade manus meas; & mitte manum tuam, ac immitte in latus meum, & non esto incredulus sed credulus: tunc dixit Thomas, Domine mi & Deus mi*, Joh. XX. 27. 28. Ut Dominus adhuc confirmaret, quod non spiritus, sed Homo esset, dixit discipulis, *Habetis ne aliquid edulii hic; illi dederunt Ipsi piscis assi partem, & de favo apiario; quæ accipiens coram illis comedit*, Luc. XXIV. 41. 42. 43. Quoniam Corpus *Ipsius* nunc non materiale, sed substantiale Divinum fuit; ideo venit ad discipulos januis clausis, Joh. XX. 19. 26: & postquam visus est, *Invisibilis factus est*, Luc. XXIV. 31. Talis nunc Dominus sublatus est, & consedit a dextris Dei; nam dicitur apud Lucam, *Factum est, cum benediceret Jesus Discipulis, secessit ab illis, & subla-*

tus est in Cælum, XXIV. 51: & apud Marcum, *Postquam loquutus est illis, sublatuſ est in Cælum, & conſedit a dextris Dei*, XVI. 19; ſedere a dextris Dei, ſignificat Divinam Omnipotentiam.

Quoniam Dominus cum Divino & Humano unito in unum aſcendit in Cælum, & conſedit a dextris Dei, per quod ſignificatur Divina Omnipotentia, ſequitur quod Humana Ipſius Subſtantia ſeu Eſſentia ſit ſicut Ipſius Divina. Si homo aliter cogitaret, foret ſicut cogitaret, quod Divinum Ipſius ſublatus eſſet in Cælum, ac federet a dextris Dei, & non ſimul Humanum, quod contra Scripturam eſt, & quoque contra Doctrinam Chriſtianam, quæ eſt quod Deus & Homo in Chriſto ſint ſicut anima & corpus, quæ ſeparare foret contra ſanam rationem. Hæc unitio Patris cum Filio, ſeu Divini cum Humano, intelligitur etiam in his ſequentibus, *Exivi a Patre, & veni in mundum, iterum relinquo mundum, & vado ad Patrem*, Joh. XVI. 28., *Adeo & venio ad Illum, qui miſit Me*, Joh. VII. 33. Cap. XVI. 5. 16. Cap. XVII. 11. 13. Cap. XIX. 27., *Si ergo videritis Filium hominis aſcendentem, ubi erat prius*, Joh. VI. 62., *Nemo aſcendit in cælum, niſi qui e cælo deſcendit*, Joh. III. 13; quiſque homo, qui ſalvatur, aſcendit in cælum, ſed non a ſe; verum a Domino; ſolus Dominus aſcendit a ſe.

36. Quod ita Deus factus ſit Homo, ut in primis, etiam in ultimis. Quod Deus ſit Homo, & quod ex Deo omnis Angelus & Spiritus ſit homo, in Opere de CÆLO ET INFERNŌ, aliquibus oſtenſum eſt, & ulterius in Opusculis de SAPIENTIA ANGELICA, oſtendetur: Sed Deus ab initio fuit Homo in Primis, non autem in Ultimis; at poſtquam ſuſcepit Humanum in mundo, etiam factus eſt Homo in Ultimis: hoc ſequitur ex ſuprà confirmatis, quod Dominus univerſit Humanum ſuum Divino ſuo, & ſic Humanum ſuum etiam Divinum fecerit. Ex eo eſt, quod Dominus dicatur Principium & Finis, Primus & Ultimus, atque Alpha & Omega; hoc in Apocalypſi: *Ego ſum Alpha & Omega, Principium & Finis, inquit Dominus, Ille qui Eſt, & qui Fuit, & qui Venturus eſt, Omnipotens*, I. 8. 11., Johannes cum vidit Filium hominis in medio ſeptem candelabrorum, *Cecedit ad pedes Ipſius ſicut mortuus; ſed impoſuit dextram ſuam ſuper illum, dicens, Ego ſum Primus & Ultimus*, I. 13. 17. Cap. II. 8. Cap. XXI. 6., *Ecce venio cito, ut dem unicuique ſecundum opus ejus: Ego ſum Alpha & Omega, Principium & Finis, Primus & Ultimus*, XXII. 12. 13. Et apud Eſaiam, *Sic dixit Jehovah Rex Iſraelis, & Redemptor ejus Jehovah Zebaoth, Ego ſum Primus & Ultimus*, XLIV. 6. Cap. XLVIII. 12.

Quod Dominus ſit Ipſe Deus, a Quo & de Quo Verbum.

37. **I**N Primo Articulo cæptum eſt demonſtrare, quod univerſa Scriptura Sacra ſit de Domino, & quod Dominus ſit Verbum; hic ulterius demonſtrabitur ex locis e Verbo, ubi Dominus vocatur Jehovah, Deus Iſraelis &

& Jacobi, Sanctus Israelis, Dominus & Deus, ut & Rex, Unctus Jehovah, David. In antecessum memorare licet, quod mihi datum sit omnes Prophetas & Davidis Psalmos percurrere, ac singulos versus lustrare & videre, de quo ibi agitur, & visum est, quod non de aliis rebus agatur, quam de Ecclesia a Domino instaurata & instauranda, de Domini Adventu, Pugnis, Glorificatione, Redemptione & Salvatione, & de Cælo ab Ipso, & simul de oppositis: quia omnia illa sunt Domini opera, patuit, quod universa Scriptura Sacra sit de Domino, & inde quod Dominus sit Verbum. Verum hoc non videri potest, nisi quam ab illis, qui in illustratione sunt a Domino, & qui sensum spirituales Verbi etiam norunt: omnes Angeli cæli in hoc sensu sunt, quare illi, cum legitur Verbum ab homine, non aliud comprehendunt; sunt enim Spiritus & Angeli apud hominem jugiter, & illi, quia spirituales sunt, spiritualiter omnia intelligunt, quæ homo naturaliter. Quod tota Scriptura sacra sit de Domino, solum in obscuro & sicut per transennam videri potest ex illis, quæ supra in Articulo Primo a n. 1 ad 6 ex Verbo adducta sunt, & nunc ex his quæ adducuntur de Domino, quod toties dicatur Dominus & Deus; ex quo potest elucere, quod Ipse sit qui loquutus est per Prophetas, apud quos ubivis dicitur, LOQUUTUS EST JEHOVAH, DIXIT JEHOVAH, & DICTUM JEHOVÆ *Quod Dominus ante adventum suum in mundum fuerit*, patet ab his,, Johannes Baptista dixit de Domino, Ille est, qui post me venturus est, qui ante me fuit, cujus ego non sum dignus, ut solvam Ipsius corrigiam calcei. Hic est, de Quo ego dixi, qui post me venit, qui ante me fuit, & qui prior me fuit,, Joh. I. 27. 30. in Apocalypsi,, Ceciderunt coram throno, super quo erat Dominus, dicentes, gratias agimus Tibi, Domine Deus, Omnipotens, Qui es, & Qui eras, & Qui venturus es,, XI. 16. 17. tum apud Micham,, Tu Bethlehem Ephrathæa, parum est ut sis inter millenas Jehudæ; ex te Mihi exibit, qui erit Dominator in Israele, & Cujus exitus ab antiquo, a diebus æternitatis,, V. 1. præter a Domini verbis apud Evangelistas, quod ante Abrahamum fuerit, quod gloriam apud Patrem habuerit ante mundi foundationem, quod exiverit ex Patre, & quod a principio fuerit Verbum apud Deum, & quod Deus esset Verbum, & quod hoc Caro factum sit. Quod Dominus dicatur Jehovah, Deus Israelis & Jacobi, Sanctus Israelis, Deus & Dominus, tum Rex, Unctus Jehovah, David, constare potest ex his sequentibus.

38. *Quod Dominus dicatur Jehovah, patet ex his:*,, Dixit JEHOVAH Creator tuus Jacob; & Formator tuus Israel, nam REDEMI te. Ego JEHOVAH Deus tuus Sanctus Israelis SALVATOR tuus,, Esaj. XLIII 1. 3., Ego JEHOVAH Sanctus, Creator Israelis Sanctus vester, & FORMATOR ejus,, Esaj. XLV. 11. 15., Ut sciat omnis caro, quod Ego JEHOVAH SALVATOR tuus, & REDEMPTOR tuus Fortis Jacobi,, Esaj. XLIX. 26., Ut scias, quod Ego JEHOVAH SALVATOR tuus, & REDEMPTOR tuus Potens Jacobi,, Esaj. LX. 16., JEHOVAH FORMATOR tuus ab utero,, Esaj. XLIX. 5., JEHOVAH Petra mea, & REDEMPTOR meus,, Psalm. XIX. 15., Dixit JEHOVAH Factor tuus, & FORMATOR ab utero. Sic dixit JEHOVAH Rex Israelis, & REDEMPTOR ejus JEHOVAH ZEBAOth,, Esaj. XLIV. 2. 6., Quod ad REDEMPTOREM nostrum, JEHOVAH ZEBAOth NOMEN

IPSIUS, Sanctus Israelis,, Esaj. XLVII. 4., Cum misericordia æternitatis miserebor, sic dixit REDemptor tuus Jehovah,, Esaj. LIV. 8., REDemptor eorum FORTIS JEHOVAH NOMEN IPSIUS,, Jerem. L. 34., JEHOVAH Deus, Petra mea, propugnaculum meum, cornu salutis meæ, SALVATOR meus,, II. Sam. XXII. 2. 3., Dixit JEHOVAH REDemptor vester Sanctus Israelis,, Esaj. XLIII. 14. Cap. XLVIII. 17., Sic dixit JEHOVAH REDemptor Israelis Sanctus Ipsius, Reges videbunt,, Esaj. XLIX. 7., Ego JEHOVAH, & præter Me non SALVATOR,, Esaj. XLIII. 11. Nonne Ego JEHOVAH, & non amplius præter Me, & SALVATOR non est præter Me; respicite ad Me, ut SALVEMINI omnes fines terræ,, Esaj. XLV. 21. 22., Ego JEHOVAH Deus tuus, & SALVATOR non præter Me,, Hosch. XIII. 4., REDemeris me JEHOVAH veritatis,, Psalm. XXXI. 6., Speret Israel in JEHOVAH, quia cum JEHOVAH misericordia, plurima cum Ipso REDemptio; Ille REDimet Israelem ab omnibus iniquitatibus ejus,, Psalm. CXXX. 7. 8., JEHOVAH ZEBaoth nomen Ipsius, & REDemptor tuus Sanctus Israelis; Deus totius terræ vocabitur,, Esaj. LIV. 51. In his locis vocatur Jehovah Redemptor & Salvator; & quia solus Dominus est Redemptor & Salvator, est Ipse qui per Jehovah intelligitur. Quod Dominus sit Jehovah, hoc est, quod Jehovah sit Dominus, etiam patet ex his,, Virga de trunco Jishaji, & surculus e radicibus ejus, fructum feret; quiescet super Illo SPIRITUS JEHOVÆ,, Esaj. XI. 1. 2., Dicatur in die illo, ecce Deus noster Hic, quem expectavimus ut liberet nos, JEHOVAH quem expectavimus, exultemus & lætemur in Salute Ipsius,, Esaj. XXV. 9., Vox clamantis in deserto, parate viam JEHOVÆ, complanate in solitudine semitam Deo nostro. Revelabitur enim GLORIA JEHOVÆ, & videbunt omnis caro. Ecce DOMINUS JEHOVAH in forti venit, & brachium Ipsius dominabitur Ipsi,, Esaj. XL. 3. 5. 10., Ego JEHOVAH, dabo Te in sædus populo, in lucem gentium: Ego JEHOVAH hoc Nomen meum, & GLORIAM MEAM ALTERI NON DABO,, Esaj. XLII. 6. 7. 8., Ecce dies, quum suscitabo Davidi germen justum, qui regnabit Rex, & prosperabitur, & faciet judicium & justitiam in terra; & hoc Nomen Ipsius quod vocabunt Ipsum, JEHOVAH JUSTITIA NOSTRA,, Jerem. XXIII. 5. 6. Cap. XXXIII. 15. 16., Tu Bethlechem Ephrataë, ex te Mihi exibit, qui sit Dominator in Israele; stabit & pascet in ROBORE JEHOVÆ,, Mich. V. 1. 3., Puer natus est nobis, Filius datus est nobis, super cujus humero principatus, & vocabitur Nomen Ipsius, Deus, Heros, PATER ÆTERNITATIS: super throno Davidis, ad stabiliendum & fundandum illud in Judicio & Justitia, a nunc & usque in æternum,, Esaj. IX. 5. 6., JEHOVAH exibit, & pugnabit contra gentes; & stabunt pedes Ipsius super Montem olivarum ante facies Hierosolymæ,, Sach. XIV. 3. 4., Attollite portæ capita vestra, & extollimini ostia mundi, ut ingrediatur Rex gloriæ: quis Hic Rex gloriæ, JEHOVAH fortis & Heros, JEHOVAH Heros belli,, Psalm. XXIV. 7 ad 10., In die illo erit JEHOVAH ZEBaoth in coronam ornatus, & in cidarim decoris reliquiis populi sui,, Esaj. XXVIII. 5., Ego mittam vobis Eliam Prophetam, antequam venit DIES JEHOVÆ magnus,, Malach. III. 23. præter alibi, ubi dicitur DIES JEHOVÆ magnus & propinquus, ut Ezech. XXX. 12. Joel II. 11. Amos V. 18. 20. Zephan. I. 7. 14 15. 18.

39. *Quod Dominus dicatur Deus Israelis & Deus Jacobi; patet ex his;,,* Sum-
 fit Moses sanguinem, & sparfit super populum, & dixit, ecce sanguis fæde-
 ris, quod pepigit Jehovah vobiscum: & viderunt DEUM ISRAELIS, sub cujus
 pedibus erat quasi opus lapidis Sapphiri, & quasi substantia Cæli,, Exod. XXIV.
 8. 9. 10., Turbæ miratæ sunt, cum viderunt mutos loquentes, claudos am-
 bulantes, cæcos videntes, & glorificabant DEUM ISRAELIS,, Matth. XV. 31.,
 Benedictus DOMINUS DEUS ISRAELIS, quia visitavit, & fecit liberationem po-
 pu'o suo Israeli, cum erexit cornu salutis nostræ in domo Davidis,, Luc. I. 68.
 69., Dabo Tibi thesauros tenebrarum, & occultas opes latibulorum, ut cog-
 noscas quod Ego Jehovah, qui vocavi Nomine tuo DEUS ISRAELIS,, Esaj.
 XLV. 3., Domus Jacobi, qui jurant in Nomen Jehovah & Dei Israelis: nam
 ab urbe sanctitatis vocantur, & super DEO ISRAELIS nituntur, Jehovah Ze-
 baioth nomen Ipsius,, Esaj. XLVIII. 1. 2., Jacob videbit natos suos, in me-
 dio ejus sanctificabunt Nomen meum, & sanctificabunt Sanctum Jacobi,
 DEUMQUE ISRAELIS timebunt,, Esaj. XXIX. 23., In extremitate dierum ibunt
 populi multi & dicent, ite & ascendamus ad montem Jehovah; ad domum
 DEI JACOBI, qui docebit nos de viis suis, ut eamus in semitis Ipsius,, Esaj II.
 3. Mich. IV. 2., Ut sciat omnis caro, quod Ego Jehovah Salvator tuus, &
 REDENTOR tuus FORTIS JACOBI,, Esaj. XLIX. 26., Ego Jehovah Salvator
 tuus, & Redemptor tuus POTENS JACOBI,, Esaj. LX. 16., A coram Domino
 parturis terra, a coram DEO JACOBI,, Psalm. CXIV. 7., David juravit Jeho-
 vae, vovit FORTI JACOBI, si intravero intra tentorium domus meæ, usque dum
 invenero locum Jehovah, habitacula FORTI JACOBI; audivimus de Eo in Ephra-
 ta (:Bethlechem:), Psalm. CXXXII. 2. 3. 5. 6., Benedictus DEUS ISRAELIS,
 implebitur gloria Ipsius omnis terra,, Psalm. LXXII. 19. 20. Præter alibi, ubi
 Dominus vocatur Deus Israelis Redemptor & Salvator, ut Luc. I. 47. Esaj.
 XLV. 15. Cap. LIV. 5. Psalm. LXXXVIII. 31. Ac multis aliis in locis, ubi so-
 lum Deus Israelis, ut Esaj. XVII. 6. Cap. XXI. 10. 17. Cap. XXIV. 15.
 Cap. XIX. 23. JEREM. VII. 3. Cap. IX. 14. Cap. XI. 3. Cap. XIII. 12. Cap.
 XVI. 9. Cap. XIX. 3. 15. Cap. XXIII. 2. Cap. XXIV. 5. Cap. XXV. 15. 27.
 Cap. XXIX. 4. 8. 21. 25. Cap. XXX. 2. Cap. XXXI. 23. Cap. XXXII. 14.
 15. 36. Cap. XXXIII. 4. Cap. XXXIV. 2. 13. Cap. XXXV. 13. 17. 18. 19.
 Cap. XXXVII. 7. Cap. XXXVIII. 17. Cap. XXXIX. 16. Cap. XLII. 9. 15.
 18. Cap. XLIII. 10. Cap. XLIV. 2. 7. 11. 25. Cap. XLVIII. 1. Cap. L. 18.
 Cap. LI. 33. EZECHIEL, VIII. 4. Cap. IX. 3. Cap. X. 19. 20. Cap. XI. 2. Cap.
 XLIII. 2. Cap. XLIV. 2. ZEPHAN. II. 9. Psalm. XLI. 14. Psalm. LIX. 6.
 Psalm. LXVIII. 9.

40. *Quod Dominus dicatur Sanctus Israelis, patet ab his;,,* Angelus dixit ad
 Mariam, SANCTUM quod nascetur ex te, vocabitur Filius Dei,, Luc. I. 35.,
 Videns sui in visionibus, ecce Vigil & SANCTUS e Cælo descendens,, Dan. IV.
 10. 20., Deus a Themane veniet, & SANCTUS a monte Paran,, Habak. III.
 3., Ego Jehovah SANCTUS, Creator Israelis SANCTUS VESTER, & Formator
 ejus,, Esaj. XLIV. 11. 15., Sic dixit Jehovah Redemptor Israelis SANCTUS
 Ipsius,, Esaj. XLIX. 7. Ego Jehovah Deus tuus, SANCTUS ISRAELIS Salvator

tuus,, Esaj. XLIII. 1. 3., Quod ad Redemptorem nostrum, Jehovah Zebaoth nomen Ipsius SANCTUS ISRAELIS,, Esaj. XLVII. 4., Dixit Jehovah Redemptor vester SANCTUS ISRAELIS,, Esaj. XLIII. 14. Cap. XLVIII. 17., Jehovah Zebaoth nomen Ipsius, & Redemptor tuus SANCTUS ISRAELIS,, Esaj. LIV. 5., Tentarunt Deum, & SANCTUM ISRAELIS,, Psalm. LXXXVIII. 41., Dereliquerunt Jehovah, & provocarunt SANCTUM ISRAELIS,, Esaj. I. 4., Dixerunt, cessare facite a faciebus nostris SANCTUM ISRAELIS: propterea sic dixit SANCTUS ISRAELIS,, Esaj. XXX. 11. 12., Qui dicunt, propter opus Ipsius ut videamus, & appropinquet & veniat consilium SANCTI ISRAELIS,, Esaj. V. 19., In die illo innitentur Jehovah, SANCTO ISRAELIS in veritate,, Esaj. X. 20., Exclama & jubila filia Sionis, quia magnus in medio tui SANCTUS ISRAELIS,, XII. 6., Dictum Dei Israelis, in die illo respiciet homo ad Factorem suum, & oculi ejus ad SANCTUM ISRAELIS spectabunt,, Esaj. XVII. 7., Addent mansueti in Jehovah gaudium, & egeni hominum in SANCTO ISRAELIS exultabunt,, Esaj. XXIX. 19. Cap. XLI. 16., Gentes ad te current propter Jehovah Deum tuum, & propter SANCTUM ISRAELIS,, Esaj. LV. 5., Mihi insulæ confident, ad adducendum filios tuos e longinquo Nomini Jehovah Zebaoth, & SANCTO ISRAELIS,, Esaj. LX. 9., Terra plena est reatu contra SANCTUM ISRAELIS,, Jerem. L. 29. & pluries alibi. Per Sanctum Israelis intelligitur Dominus quoad Divinum Humanum; nam Angelus Gabriel ad Mariam dixit,, SANCTUM, *quod nascetur ex te, vocabitur Filius Dei*, Luc. I. 35. Quod Jehovah & Sanctus Israelis unum sint, tametsi distincte nominantur, constare potest a locis etiam hic allatis, in quibus dicitur, quod Jehovah sit Ille Sanctus Israelis.

41. Quod Dominus dicatur Dominus & Deus, patet a tam multis locis, ut si afferrentur, paginas impleant; hæc pauca sufficiant; apud Johannem,, Quando Thomas ex mandato Domini vidit manus Ipsius. & tetigit latus Ipsius, dixit, DOMINE MI ET DEUS MI,, XX. 27. 28. Apud Davidem,, Recordati sunt, quod DEUS esset Petra eorum, & DEUS EXCELSUS REDEMPTOR eorum,, Psalm. LXXXVIII. 35. Et apud Esajam,, Jehovah Zebaoth nomen Ipsius, & REDEMPTOR tuus Sanctus Israelis; DEUS TOTIUS TERRÆ VOCABITUR,, LIV. 5. Hoc quoque patet ex eo, quod adoraverint Ipsum, & ceciderint super facies suas coram Ipso, Matth. IX. 19. Cap. XIV. 33. Cap. XV. 25. Cap. XXVIII. 9. Marc. I. 40. Cap. V. 22. Cap. VII. 25. Cap. X. 17. Luc. XVII. 15. 16. Joh. X. 17. Et apud Davidem,, Audivimus de Illo in Ephrata, intremus in Habitacula Illius, & incurvemus nos Scabello pedum Illius,, Psalm. CXXXII. 6. 7. Similiter in Cælo, de quo in Apocalypsi,, Fui in spiritu, & ecce Thronus positus in cælo, & super Throno sedens similis lapidi Jaspidi & Sardino, & Iris circa Thronum similis aspectu Smaragdino: & CECIDERUNT viginti & quatuor Seniores ante Sedentem super Throno, & Adorabant Viventem in secula seculorum, & projecerunt coronas suas ante Thronum,, IV. 2. 3. 10. Et alibi,, Vidi in dextra Sedentis super Throno Librum scriptum intus & a tergo, obsignatum septem sigillis, & nemo potuit illum aperire. Tunc dixit unus ex Senioribus, ecce vicit Leo; qui est ex Tribu Jehudæ, radix Davidis, ut aperiat Librum, & solvat septem sigilla ejus: & vidi in medio Throni Agnus stans, hic venit & sum-

sumsit Librum, & ceciderunt coram Agno, & adorarunt Viventem in sæcula sæculorum,, V. 1. 5. 6. 7. 14.

42. *Quod Dominus dicatur Rex & Unctus*, est quia erat Messias seu Christus, ac Messias seu Christus, significat Regem & Unctum, inde est quod Dominus etiam per Regem in Verbo intelligatur: *Similiter per Davidem*, qui erat Rex super Jehudam & super Israelem. Quod Dominus Rex & Unctus Jehovah dicatur, patet a multis locis in Verbo: ideo dicitur in Apocalypsi,, Agnus vincet eos, quia est DOMINUS DOMINORUM, ET REX REGUM, XVII. 14. Et alibi,, Sedens super Equo albo habebat super vestimento suo Nomen scriptum, REX REGUM ET DOMINUS DOMINORUM,, XIX. 16. Ex eo, quod Dominus dicatur Rex, est, quod Cælum & Ecclesia dicantur REGNUM IPSIUS; & quod adventus Ipsi in mundum dicatur EVANGELIUM REGNI. *Quod Cælum & Ecclesia dicantur Regnum Ipsi*, videatur Matth. XII. 28. Cap. XVI. 28. Marc. I. 14. 15. Cap. IX. 1. Cap. XV. 43. Luc. I. 33. Cap. IV. 43. Cap. VIII. 1. 10. Cap. IX. 2. 11. 60. Cap. X. 11. Cap. XVI. 26. Cap. XIX. 11. Cap. XXI. 31. Cap. XXII. 18. Cap. XXIII. 51: & apud Daniele,, Surgere faciét Deus REGNUM, quod in sæcula non peribit: conteret & consumet omnia alia Regna, Illud autem stabit in sæcula,, II. 44. Apud Eundem,, Videns fui in visionibus noctis, & ecce cum nubibus cælorum sicut Filius hominis veniens fuit. Et Huic datum est DOMINIUM, & gloria & REGNUM, ut omnes populi gentes & linguæ Ipsum colent; DOMINIUM Ipsi DOMINIUM sæculi, & REGNUM Ipsi quod non peribit,, VII. 13. 14. 27. *Quod adventus Ipsi dicatur Evangelium Regni*, videatur Matth. IV. 23. Cap. IX. 35. Cap. XXIV. 14.

43. *Quod Dominus dicatur David*, patet ex his;,, In die illo servient Jehovah Deo suo, & Davidi Regi suo, quem excitabo eis,, Jerem. XXX. 9,, Dein revertentur filii Israelis, & quærent Jehovah Deum suum,, & Davidem Regem suum, & cum timore venient ad Jehovah, & ad bonum Ipsi, in extremitate dierum,, Hofch. III. 5,, Excitabo super illis Pastorem unum, qui pascet eos, servum meum Davidem, hic pascet eos, & hic erit illis in Pastorem: & Ego Jehovah ero illis in Deum, & David princeps in medio eorum,, Ezech. XXXIV. 23. 24. 25,, Ut sint Mihi in populum, & Ego sim illis in Deum, servus meus David Rex super illos, ut Pastor unus sit omnibus illis: tunc habitabunt super terra, illi & filii illorum ac filii filiorum illorum, usque in æternum: & David Princeps illis in æternum; & pangam fœdus pacis, & fœdus æternitatis erit cum illis,, Ezech. XXXVII. 23 ad 26,, Pangam vobis fœdus æternitatis, misericordias Davidis firmas: en Testem populis dedi Ipsum, Principem & Legislatorem gentibus,, Esaj. LV. 3. 4,, In die illo erigam tentorium Davidis collapsum, & obsepiani rupturas ejus, destructa ejus restituiam, & ædificabo eam juxta dies æternitatis,, Amos. IX. 11,, Domus Davidis sicut Deus, sicut Angelus Jehovah coram illis,, Sach. XII. 8,, In die illo erit fons apertus domui Davidis,, Sach. XIII. 1.

44. Qui novit, quod Dominus per Davidem intelligatur, ille scire potest, cur David in suis Psalmis toties de Domino scripsit, cum de semet, ut in Psalmo LXXXIX; ubi hæc,, Pepigi fœdus Electo meo, juravi Davidi servo meo;

„ in æternum usque firmabo semen tuum, & ædificabo in generationem & generationem thronum tuum, & confitebuntur Cæli mirabile-tuum, etiam veritatem in congregatione sanctorum. Tunc loquutus es in visione Sancto tuo, & dixisti, posui auxilium super Potentem; exaltavi Electum e populo: inveni Davidem servum meum, oleo sanctitatis meæ unxi Eum: cum quomanius mea firma erit: etiam brachium meum corroborabit Eum: veritas mea, & misericordia mea cum Eo, & in Nomine meo exaltabitur cornu Ejus: & ponam in mari manum Ejus, & in fluviis dextram Ejus: Ille vocabit Me, Pater meus Tu, Deus meus & Petra salutis meæ: etiam Ego Primogenitum dabo Eum, altum regibus terræ: fœdus meum stabile Illi: ponam in æternum semen Ejus; & Thronum Ejus sicut dies cælorum: Semel juravi per Sanctitatem meam, si Davidi mentiar; semen Ejus in æternum erit, & Thronus Ejus sicut Sol coram Me, sicut Luna firmus erit in æternum, & Testis in nubibus fidelis, Verf. 4. 5. 6. 20. 21. 22. 25. 26. 27. 28. 29. 30. 36. 37. 38. similiter in aliis Psalmis, ut Psalm. XLV. 2 ad 18. Psalm. CXXII. 4. 5. Psalm. CXXXII. 8 ad 18.

Quod Deus unus sit; & quod Dominus sit Ille Deus.

45. Ex illis quæ in mox præcedente Articulo in aliqua copia ex Verbo allata sunt, constare potest quod Dominus dicatur Jehovah, Deus Israelis & Jacobi, Sanctus Israelis, Dominus & Deus, tum Rex, Unctus & David; ex quibus videri potest, sed adhuc sicut per transfennam, quod Dominus sit Ipse Deus, a Quo & de Quo Verbum. Verumtamen notum est in universo terrarum orbe; quod Deus unus sit, nec ullus homo, cui sana ratio est, id negat, superest itaque nunc ut id ex Verbo confirmetur, & insuper, quod Dominus sit ille Deus. I. *Quod Deus unus sit, confirmatur ex his Verbi*, Jesus dixit, primum omnium præceptorum est, audi Israel, DOMINUS DEUS NOSTER, DOMINUS UNUS EST; ideo amabis Dominum Deum tuum ex toto corde & ex tota anima, Marc. XII. 29. 30., Audi Israel, JEHOVAH DEUS NOSTER JEHOVAH UNUS, amabis Jehovah Deum tuum ex toto corde tuo & ex tota anima tua, Deutr. V. 4. 5., Unus accedens ad Jesum dixit, Magister bone, quid boni facere debeo, ut habeam vitam æternam: Jesus dixit ei, cur Me dicis Bonum, NEMO BONUS EST NISI UNUS DEUS, Matth. XIX. 16. 17., Ut cognoscant omnia Regna terræ, quod Tu JEHOVAH SOLUS, Esaj. XXXVI. 20., EGO JEHOVAH ET NON PRÆTEREA; PRÆTER ME NON DEUS: ut cognoscant ab ortu solis & ab occasu, quod NON DEUS PRÆTER ME: EGO JEHOVAH ET NON PRÆTEREA, Esaj. XLV. 5. 6., Jehovah Zebaoth Deus Israelis habitans Cherubis, Tu DEUS ES SOLUS super omnia Regna terræ, Esaj. XXXVII. 21., Num est Deus præter Me, & Petra, non novi, Esaj. XLIV. 8., Quis Deus præter Jehovah, & quæ Petra, nisi Deus noster, Psalm. XVIII. 32.

II. *Quod*

II. *Quod Dominus sit Ille Deus, confirmatur ex his Verbi:* „Tantummodo inter te Deus, ET NON PRÆTEREA, NON DEUS: profecto, Tu Deus occultus, Deus Israelis SALVATOR,, Esaj. XLV. 14. 15., Nonne Ego Jehovah, & NON AMPLIUS DEUS PRÆTER ME; Deus justus & SALVATOR NON PRÆTER ME. Respicite ad Me, ut SALVEMINI omnes fines terræ, quia EGO DEUS ET NON PRÆTEREA,, Esaj. XLV. 21. 22., Ego Jehovah, & PRÆTER ME NON SALVATOR,, Esaj. XLIII. 11., Ego Jehovah Deus tuus, & Deum præter Me non agnosces, & SALVATOR NON PRÆTER ME,, Hosch. XIII. 4., Sic dixit Jehovah Rex Israelis, & REDEMPTOR ejus Jehovah Zebaoth, Ego Primus & Ultimus, & PRÆTER ME NON DEUS,, Esaj. XLIV. 6., Jehovah Zebaoth nomen Ipsius, & REDEMPTOR Sanctus Israelis, Deus totius terræ vocabitur,, Esaj. LIV. 5., In die illo erit Jehovah in Regem super totam terram; in die illo erit Jehovah Unus, & Nomen Ipsius Unum,, Sach. XIV. 9. Quia solus Dominus est Salvator & Redemptor, & quia dicitur quod Jehovah sit Ille, & non præter Ipsum, sequitur quod Deus unus non alius sit quam Dominus.

Quod Spiritus Sanctus sit Divinum Procedens a Domino, & quod Illud sit Ipse Dominus.

46. Dixit Jesus apud Matthæum,, *Data est Mibi omnis potestas in Cælo & in Terra: euntes ergo discipulos facite omnes gentes, baptizantes eos in Nomen Patris, & Filii & Spiritus Sancti; docentes eos servare omnia quæcunque mandavi vobis: & ecce Ego vobiscum sum omnibus diebus usque ad consummationem sæculi.*, XXVIII. 18. 19. 20. Antehac ostensum est, quod Divinum, quod Pater vocatur & Divinum quod Filius, in Domino sint unum; ostendetur itaque nunc, quod Spiritus Sanctus sit idem cum Domino. Quod Dominus dixerit, quod baptizarent in nomen Patris, Filii & Spiritus Sancti, est quia Trinum seu Trinitas est in Domino; est enim Divinum quod Pater vocatur, est Divinum Humanum quod Filius, & Divinum Procedens quod Spiritus Sanctus: Divinum quod Pater & Divinum quod Filius, est Divinum ex Quo, ac Divinum Procedens quod Spiritus Sanctus, est Divinum per Quod. Quod non aliud Divinum sit quod procedit a Domino, quam Divinum quod Est Ipse, in Opusculis de DIVINA PROVIDENTIA, OMNIPOTENTIA, OMNIPRÆSENTIA & OMNISCIENTIA, videbitur, est enim altioris indaginis. Quod Trinum sit in Domino, illustrari potest per comparisonem cum Angelo; huic est anima & corpus, & quoque procedens, quod procedit ex illo, est ipse extra illum: de hoc Procedente datum est scire multa, sed non hujus loci est, illa adducere. Quisque homo qui spectat ad Deum, post mortem ab angelis primum docetur, quod Spiritus Sanctus non alius sit a Domino, & quod Exire & Procedere non aliud sit, quam illustrare & docere per Præsentiam, quæ est secundum receptionem Domini; unde plerique post mortem exuunt ideam in mundo conceptam de Spiritu Sancto, & recipiunt ideam quod sit Domini præsentia apud hominem per Angelos & Spiritus, ex qua

qua & secundum quam homo illustratur & docetur. Præterea solenne est in Verbo, nominare duo Divina, & quandoque tria, quæ tamen unum sunt, ut Jehovah & Deus, Jehovah & Sanctus Israelis, Jehovah & Potens Jacobi, tum Deus & Agnus; quæ quia unum sunt, etiam in aliis locis dicitur, Jehovah solus est Deus, Jehovah solus est Sanctus, & Ille Sanctus Israelis, & non præter Ipsum; tum quod pro Deo nunc dicatur Agnus, & pro Agno Deus, hoc in Apocalypsi, illud in Prophetis. Quod sit Dominus solus, qui intelligitur per Patrem, Filium & Spiritum Sanctum, Matth. XXVIII. 19, patet a præcedentibus & sequentibus ibi: in præcedente Versu dicit Dominus, *data est Mibi omnis potestas in Cælo & in Terra*; & in sequente Versu dicit Dominus, *Ecce Ego vobiscum sum omnibus diebus, usque ad consummationem sæculi*, ita de se Solo: quare illud dixit, ut scirent quod in Ipso sit Trinitas.

Ut sciatur, quod Spiritus Sanctus non sit aliud Divinum quam Ipse Dominus, ostendetur quid in Verbo intelligitur per Spiritum. Per Spiritum intelligitur I. Vita hominis in communi II. Quia Vita hominis est varia secundum status ejus, ideo per Spiritum intelligitur varia affectio vitæ apud hominem III. Tum Vita regenerati, quæ vocatur Vita spiritualis. IV. Ubi autem dicitur Spiritus de Domino, intelligitur Divina Ipsius Vita, ita Ipse Dominus. V. In specie Vita Sapientiæ Ipsius, quæ vocatur Divina Veritas. VI. Quod Ipse Jehovah, hoc est, Dominus loquutus sit Verbum per Prophetas.

47. *Quod per Spiritum intelligatur Vita hominis*, constare potest ex communi loquela, quod homo dicatur emitte spiritum, cum moritur; quare per spiritum in hoc sensu intelligitur Vita respirationis; trahit etiam vox Spiritus derivationem suam a Respiratione; inde est, quod in Lingua Hebræa una vox sit spiritus & venti. Sunt bini fontes vitæ apud hominem, unus est motus cordis & alter est respiratio pulmonis; vita ex respiratione pulmonis est, quæ proprie intelligitur per spiritum, & quoque per animam; quæ quod unum agat cum cogitatione hominis ex intellectu, at quod vita ex motu cordis unum agat cum amore voluntatis hominis, in suo loco videbitur. Quod vita hominis per spiritum in Verbo intelligatur, constat ex his; „ Colligis spiritum eorum, expirant, & in pulverem revertuntur, „ Psalm. CIV. 29., „ Recordatus, quod caro illi, spiritus qui abiret, non reverteretur, „ Psalm. LXXXVIII. 39., „ Cum exiverit spiritus ejus, redibit in terram, „ Psalm. CXLVI. 4., „ Hiskias lamentatus est, quod exiret vita spiritus ejus, „ Esaj. XXXVIII. 16., „ Revixit spiritus Jacobi, „ Gen. XLV. 28., „ Fusile mendacium est, nec spiritus in eo, „ Jerem. LI. 17., „ Dixit Dominus Jehovah ossibus aridis, Ego adducam SPIRITUM in vos, ut vivatis. A quatuor ventis veni spiritus, & inspira in occisos hos, & vivant: & venit in eos spiritus, & revixerant, „ Ezech. XXXVII. 5. 6 9. 10 „, Jesus apprehendens manum filiæ, & reversus est spiritus ejus, & surrexit extemplo, Luc. VIII. 54. 55.

48. *Quia vita hominis est varia secundum status ejus, quod ideo per spiritum intelligatur varia affectio vitæ apud hominem*, ut I. VITA SAPIENTIÆ: „ Bezaleel impletus spiritu sapientiæ, intelligentiæ & scientiæ, „ Exod. XXXI. 3., „ Tu loqueris ad omnes Sapientes corde, quemcunque implevi spiritu sapientiæ, „ Exod. XXVIII.

XXVIII: 3., Impletus est Joschua Spiritu Sapientiae,, Deutr. XXXIV: 9., Nebuchadnezar de Daniele, quod Spiritus excellens, scientiae, intelligentiae & sapientiae esset in eo,, Dan. IV: 5., Scient errantes Spiritu intelligentiam,, Esaj. XXIX: 24. II. VITÆ EXCITATIO., Excitavit Jehovah Spiritum regum Mediæ, Jerem: LI. 11., Excitavit Jehovah Spiritum Serubabelis, & Spiritum omnium reliquiarum populi, Hagg. I: 14., Do in regem Aschuris Spiritum, ut audiat famam, & revertatur in terram suam,, Esaj. XXXVII: 7., Aggravavit Jehovah Spiritum Sichonis regis,, Deutr. II: 30., Quod ascendit super Spiritum vestrum, non fiet unquam, Ezech. XX: 32. III. VITÆ LIBERTAS: quatuor animalia, quæ erant Cherubi, visa Prophetæ, quorsum erat Spiritus ad eundum, ibant,, Ezech. I: 12. 20. IV. VITA IN TIMORE, DOLORE ET IRA., Ut liquefcât omne cor, & remittantur omnes manus, & contrahatur omnis Spiritus,, Ezech. XXI: 12., Defecit super me Spiritus meus, in medio mei obstupescit cor meum, Psalm CXLII: 4. Psalm CXLVII: 4., Consumtus est Spiritus meus, Psalm CXLIII: 7., Indoluit Spiritus meus, quod me Daniele attinet,, Dan. VII: 15., Spiritus Pharaonis turbatus est,, Gen. XLI: 8. Nebuchadnezar dixit, turbatus est Spiritus meus,, Dan. II: 3., Jvi tristis in exardescencia Spiritus mei,, Ezech. III: 14. V. VITA VARIARUM AFFECTIONUM MALARUM:, Modo non in Spiritu ejus dolus,, Psalm XXXII: 2., Jehovah commiscuit in medio ejus Spiritum perversitatum,, Esaj. XIX: 14., Dixit Prophetis stultis, qui abeunt post Spiritum suum, Ezech. XIII: 3., Stultus propheta, insanus vir Spiritus,, Hoseh. IX: 7., Observate vos per Spiritum vestrum, nec agite perfide,, Malach II: 16., Spiritus scortationum seduxit,, Sach. IV: 12. Spiritus scortationum in medio illorum,, Hoseh. V. 4., Cum transivit super illum Spiritus Zelotypiæ,, Num. V. 14., Vir qui vagabundus Spiritu, & mendacium effudit,, Mich. II: 11., Generatio, cujus non constans cum Deo Spiritus, Psalm LXXVIII: 8., Effusus super illos Spiritus somnolentiæ,, Esaj. LXXX. 10., Concipite quisquilias, parite stipulam, quod ad Spiritum vestrum, ignis comedet vos,, Esaj. XXXIII. 11. VI. VITA INFERNALIS:,, Spiritum immundum transire faciam e terra,, Sach. XIII. 2., Quando Spiritus immundus exit ab homine, perambulat loca arentia, & postea adjungit sibi septem Spiritus pejores se, & ingressi habitant ibi,, Matth. XII. 43. 44. 45., Babylon facta est custodia Spiritus immundi,, Apoc. XVIII. 2. VII. Præter ipsos Spiritus infernales, a quibus homines vexati sunt, Matth. VIII. 16 Cap. X. 1. Cap. XII. 43. 44. 45. Marc. I. 23. ad 29. Cap. IX. 17 ad 29. Luc. IV. 33. 36. Cap. VI. 17. 18. Cap. VII. 21. Cap. VIII. 2. 29. Cap. IX. 39. 42. 55. Cap. X. 24. 25. 26. Cap. XIII. 11. Apoc. XIII. 15. Cap. XVI. 13. 14.

49. Quod per Spiritum intelligatur vita Regenerati, quæ vocatur vita Spiritualis., Jesus dixit, nisi quis generatus fuerit ex aqua & Spiritu, non potest ingredi in Regnum Dei,, Joh. III. 5., Dabo vobis cor novum, & Spiritum novum. Spiritum meum dabo in medio vestri, & faciam ut in statutis meis ambuletis,, Ezech. XXXVI. 26. 27., Dare novum cor & novum Spiritum,, Ezech. XI. 19. Cor mundum crea in me Deus, & Spiritum firmum innova in medio mei. Reduc mihi gaudium salutis tuæ; & Spiritus spontaneus sustentet me,, Psalm. LI.

12. 13. 14., Facite vobis cor novum, & Spiritum novum, quare moriemini domus Israel, Ezech. XVIII. 31., Emittere Spiritum tuum, creantur, & renovas facies terræ, Psalm. CIV. 30., Venit hora, & nunc est, quando veri adoratores adorabunt Patrem in Spiritu & veritate, Joh. IV. 23., Jehovah Deus dat animam populo, & Spiritum ambulantes in ea, Esaj. XLII. 5., Jehovah format Spiritum hominis in medio ejus, Sach. XII. 1., Anima mea expectavi Te nocte, Spiritu meo in medio mei expectavi Te mane, Esaj. XXXVI. 9., In die illo erit Jehovah in Spiritum judicii sedenti in judicio, Esaj. XXVIII. 6., Exultavit Spiritus meus super Deo Salvatore meo, Luc. I. 17., Quiescere fecerunt Spiritum meum in terra septentrionis, Sach. VI. 8., In manum tuam commendo Spiritum meum, redemeris me, Psalm XXXI. 6., Non fuit unus, & reliqui quibus Spiritus, Malach. II. 15., Post tres dies & dimidium Spiritus vite a Deo intravit in binos testes occisos a bestia, Apoc. XI. 11., Ego Jehovah formator montium, & creator Spiritus, Amos IV., Deus, Deus Spirituum quoad omnem carnem, Num. XVI. 22. Cap. XXVII. 18., Effundam super domum Davidis, & super habitatorem Hierosolymæ, Spiritum ex alto, Sach. XII. 10., Usque dum effuderit super nos Spiritum ex alto, Esaj. XXXII. 16., Effundam aquas super sitientem, & rivulos super aridam, effundam Spiritum meum super semen tuum, Esaj. XLIV. 3., Effundam Spiritum meum super omnem carnem, etiam super servos & ancillas, in diebus illis effundam Spiritum, Joel III. 1. 2. Per effundere Spiritum intelligitur regenerare; similiter per dare cor novum & Spiritum novum.

Quod per Spiritum intelligatur vita Spiritualis illis qui in humiliatione sunt., Habito in contrito & humili Spiritu, & ad vivificandum Spiritum humilium, & ad vivificandum cor contritorum, Esaj. LVII. 15., Sacrificia Dei Spiritus infractus, cor infractum & contritum Deus non spernit, Psalm. LI. 19., Dabit oleum gaudii loco luctus, & pallium laudis loco Spiritus contracti, Esaj. LXI. 3., Mulier deserta & afflicta Spiritu, Esaj. LIV. 6., Beati pauperes Spiritu, quia illorum est Regnum cælorum, Matth. V. 3.

50. Quod ubi dicitur Spiritus de Domino, intelligatur Divina Ipsius Vita, ita Ipse Dominus, constat ex his;., Quem misit Pater, verba Dei loquitur, non ex mensura dedit Deus ei Spiritum; Pater amat Filium, & omnia dedit in manum Ipsius, Joh. III. 34. 35., Exhibet virga de trunco Jishaji, quiescet super Ipso Spiritus Jehovæ, Spiritus Sapientiae & intelligentiae, Spiritus Consilii & virtutis, Esaj. XI. 1. 2., Dedi Spiritum meum super illum, judicium gentibus proferet, Esaj. XLII. 1., Veniet sicut flumen angustum, Spiritus Jehovæ signum inferet in illo; tunc veniet Zioni Redemptor, Esaj. LIX. 19. 20., Spiritus Domini Jehovih super Me, unxit Jehovah Me ad evangelizandum pauperibus, Esaj. LXI. 1. Luc. IV. 18., Jesus cognoscens Spiritu suo, quod sic cogitarent intra se, Marc. II. 8., Exultavit Spiritus Jesu & dixit, Luc. X. 21., Jesus turbatus Spiritu suo, Joh. XIII. 21., Jesus suspirans Spiritu Suo, Marc. VIII. 12.

Spiritus pro Ipso Jehovah seu Domino., Spiritus Deus est, Joh. IV. 24., Quis direxit Spiritum Jehovæ, aut quis vir consilii Ipsius, Sach. IV. 6., Spiritus Jehovæ duxit illos per manum Moysi, Esaj. LXIII. 14. Quo abivero a Spiritu tuo,

tuo, & quo avolavero, Psalm CXXXIX. 7., Dixit Jehovah, non per robur, sed per Spiritum meum faciet, Sach. IV. 6., Illi exacerbarunt Spiritum Sanctitatis Ipsi; unde conversus est illis in hostem, Psalm CVI. 33., Non arguet Spiritus meus hominem in perpetuum, quia caro est, Gen. VI. 3., Non in æternum litigabo, quia Spiritus coram Me deficeret,, Esaj. LVII. 17., Blasphemia contra Spiritum Sanctum non remittetur, sed qui dixerit verbum contra Filium hominis remittetur,, Matth. XII. 31. 32. Marc. III. 28. 29. 30. Luc. XII. 10. Blasphemia contra Spiritum Sanctum, est blasphemia contra Divinum Domini; contra Filium hominis, est aliquid contra Verbum, sensum ejus aliter interpretando; Filius hominis enim est Dominus quoad Verbum, ut supra offensum est.

51. *Quod per Spiritum, ubi de Domino, in specie intelligatur vita Sapientiæ Ipsi, quæ est Divina Veritas., Ego Veritatem vobis dico, prodest vobis ut Ego abeam: si enim non abirem, Paracletus non veniet ad vos; si vero abivero, mittam illum ad vos,, Joh. XVI. 7., Quando venerit ille Spiritus Veritatis, ducet vos in omnem Veritatem. Non loquetur a Se ipso, sed quæcunque audierit, loquetur,, Joh. XVI. 13., Ille Me glorificabit, quia ex Meo accipiet & annuntiabit vobis: omnia quæcumque Pater habet, Mea sunt: propter hoc dixi, quod de Meo accepturus sit, & annuntiaturus vobis,, Joh. XVI. 14. 15. Ego rogabo Patrem, ut alium Paracletum det vobis, Spiritum Veritatis, quem mundus non potest accipere, quoniam non videt illum, nec cognoscit illum, vos autem cognoscitis illum, quia apud vos manet, & in vobis erit: non relinquam vos orphanos, venio ad vos, vos videbitis Me,, Joh. XIV. 26. 27., Quando venerit Paracletus, quem Ego missurus sum vobis a Patre, Spiritus Veritatis, Ille testabitur de Me, Joh. XV. 26., Jesus clamavit, dicens, si quis sitiverit, venito ad Me & bibito; quisquis credit in Me, sicut dixit Scriptura, flumina e ventre Ipsi fluent aquæ viventis: hoc dixit de Spiritu, quem accepturi erant credentes in Ipsum. Nondum erat Spiritus Sanctus, quia Jesus nondum glorificatus erat,, Joh. VII. 37. 38. 39., Jesus inspiravit in Discipulos, & dixit, accipite Spiritum Sanctum, Joh. XX. 22. Quod Dominus per Paracletum, Spiritum Veritatis, & Spiritum Sanctum intellexerit Se Ipsum, patet ab illis Domini verbis, quod Mundus illum adhuc non cognosceret, non enim adhuc cognoscebant Dominum; & cum dixit, quod missurus sit illum, addit, non relinquam vos orphanos, venio ad vos, & videbitis Me,, Joh. XIV. 16 ad 19. 26. 28: & alibi,, Ecce Ego vobiscum sum omnibus diebus usque ad consummationem sæculi,, Matth. XXVIII. 20: & cum Thomas dixit, non scimus quo abis, dicit Jesus, Ego sum Via & Veritas,, Joh. XIV. 6. Quia Spiritus Veritatis seu Spiritus Sanctus est idem cum Domino, Qui est ipsa Veritas, ideo etiam dicitur,, Nondum erat Spiritus Sanctus, quia Jesus nondum glorificatus erat,, Joh. VII. 39; nam post Glorificationem seu plenariam Unionem cum Patre, quæ facta est per Passionem crucis, tunc erat Dominus ipsa Divina Sapientia ac Divina Veritas, ita Spiritus Sanctus. Quod Dominus inspiraverit in discipulos, & dixerit, accipite Spiritum Sanctum, erat quia omnis Respiratio cæli est a Domino; Angelis enim æque ac hominibus est Respiratio & Micatio cordis, illis*

illis Respiratio est secundum receptionem Divinæ Sapientiæ a Domino, & illis Micatio cordis seu pulsus est secundum receptionem Divini Amoris a Domino: quod ita sit, videbitur in suo loco.

Quod Spiritus Sanctus sit Divina Veritas a Domino, patet adhuc ex his locis:,, Quando tradiderint vos Synagogis, ne solliciti estote, quid dicturi, *Spiritus Sanctus* docebit vos in eadem hora, quæ oporteat dicere,, Luc. XII. 12. Cap. X. 20. Marc. XIII. 11., Dixit Jehovah, *Spiritus Meus* qui super te, & verba mea, quæ posui in ore tuo, non recedent ex ore tuo, Esaj. LIX. 21., Exhibit virga de trunco Jischaji: percutiet terram virga oris sui, & *Spiritu labiorum suorum* occidet impium: erit *Veritas* cingulum feminum Ejus,, Esaj. XI. 1. 4. 5., Nunc ore Ille præcepit, & *Spiritus Ipsius* collegit illa,, Esaj. XXXIV. 16., Qui adorant Deum, in *Spiritu & Veritate* oportet adorare,, Joh. IV. 25., Spiritus est qui vivificat, caro non prodest quicquam: verba, quæ Ego loquor vobis, *Spiritus & Vita sunt*, Joh. VI. 63., Johannes dixit, Ego vos baptizo aqua in pœnitentiam: Qui vero post me venturus est, baptizabit *Spiritu Sancto & Igne*, Matth. III. 11. Marc. I. 8. Luc. III. 16; Baptizare Spiritu Sancto & Igne, est Regenerare per Divinum Verum quod est fidei, & per Divinum Bonum quod est amoris., Cum Jesus baptizabatur,, aperti sunt cæli, & vidit *Spiritum Sanctum* descendentem sicut Columbam,, Math. III. 16. Marc. I. 10. Luc. III. 21. Joh. I. 32. 33; Columba est repræsentativum purificationis & regenerationis per Divinum Verum.

Quoniam per Spiritum Sanctum, ubi de Domino, intelligitur Divina Ipsius Vita, ita Ipse; & in specie Vita Sapientiæ Ipsius, quæ vocatur Divina Veritas, ideo per Spiritum Prophetarum, qui etiam vocatur Spiritus Sanctus, intelligitur Divinum Verum a Domino; ita in sequentibus his locis:,, *Spiritus* dixit Ecclesiis, Apoc. II. 7. 11. 29. Cap. III. 1. 3. 6. 13. 22., Septem lampades ignis ardentes coram throno, sunt *Septem Spiritus Dei*, Apoc. IV. 5., In medio seniorum Agnus stans, habens oculos septem, qui sunt *Septem Spiritus Dei* emissi in omnem terram,, Apoc. V. 6. lampades ignis, & oculi Domini significant Divina Vera, ac septem significant sanctum., Dixit *Spiritus*, ut requiescant a laboribus suis,, Apoc. XIV. 13., Spiritus & sponsa dicunt, veni,, Apoc. XXII. 17., Cor suum posuerunt adamantem, ut non audirent legem aut verba, quæ misit Jehovah in *Spiritu suo* per manum Prophetarum,, Sachar. VII. 12., Spiritus Eliæ venit super Elisæum,, 1 Reg. II. 15., Johannes prævit in *Spiritu* & virtute Eliæ,, Luc. I. 17., *Spiritu Sancto* impleta est Elisabetha, & prophetavit, Luc. I. 41., Zacharias impletus *Spiritu Sancto* prophetavit,, Luc. I. 67., David dixit in *Spiritu Sancto*, dixit Dominus Domino meo, sede a dextris meis,, Marc. XII. 36., *Testimonium Jesu est Spiritus prophetiæ*, Apoc. XIX. 10. Quia nunc per Spiritum Sanctum in specie intelligitur Dominus quoad Divinam Sapientiam, & inde quoad Divinam Veritatem, patet, unde est quod de Spiritu Sancto dicatur, quod ILLUSTRET, DOCEAT, INSPIRET.

52. Quod Ipse Jehovah, hoc est, Dominus, loquutus sit Verbum per Prophetas. De Prophetis legitur, quod fuerint in VISIONE, & quod JEHOVAH LOQUUTUS

SIT CUM ILLIS: cum fuerunt in Visione, non erant in suo corpore, sed in suo spiritu, in quo statu viderunt talia, quæ in cælo sunt; cum autem Jehovah loquutus est cum illis, tunc in corpore suo fuerunt, & audiverunt Jehovah loquentem. Hi bini status Prophetarum probe distingvendi sunt: in statu VISIONIS aperti sunt oculi spiritus illorum, & clausi oculi corporis illorum, ac tunc etiam sibi visi sunt auferri e loco in locum, corpore manente in suo. In hoc statu fuerunt quandoque Ezechiel, Sacharias, Daniel, & Johannes cum scripsit Apocalypsin: & tunc dicitur quod essent in VISIONE, aut in SPIRITU: dicit enim EZECHIEL,, Spiritus sustulit me, & reduxit me in Chaldæam ad Captivitatem in VISIONE DEI, in SPIRITU DEI, ita ascendit super me Visio, quam vidi,, Cap. XI. 1. 24., Dicit, quod sustulerit illum spiritus, & audiverit post se terræ motum, & alia,, Cap. III. 12. 14. Tum,, Quod sustulerit illum Spiritus inter terram & cælum, & abduxerit in Hiërosolymam in VISIONIBUS DEI, & viderit abominationes,, Cap. VIII. 3. seq. Quare similiter in visione Dei seu in spiritu, vidit quatuor Animalia, quæ erant Cherubi,, Cap. I. & Cap. X. tum novam Terram & novum Templum, & Angelum metientem illa, de quibus in Cap. XL ad XLVIII; quod tunc fuerit in visionibus Dei, dicit Cap. XL. 2: & quod tunc sustulerit illum Spiritus, Cap. XLIII. 5. Simile factum est cum SACHARIA, in quo tunc Angelus fuit, cum vidit Virum equitantem inter myrtos., Sachar. I. 8 seq. Cum vidit quatuor cornua, & dein virum, in cujus manu funiculus mensuræ,, Cap. II. 1. 5 seq. Cum vidit Jochuam sacerdotem magnum,, Cap. III. 1 seq. Cum vidit Candelabrum & duas Oleas,, Cap. IV. 1 seq. Cum vidit volumen volans & epham,, Cap. V. 1. 6; Et cum vidit quatuor Currus exeuntes inter duos montes, & Equos,, Cap. VI. 1 seq. In simili statu fuit Daniel, cum vidit quatuor Bestias ascendentes e mari,, Dan. VI. 1 seq. & cum vidit pugnas arietis & hirci,, Cap. VIII. 1 seq. Quod viderit illa in Visionibus, legitur Cap. VII. 1. 2. 7. 13. Cap. VIII. 2. Cap. X. 1. 7. 8. Quod Angelus Gabriel ei visus sit in Visione, & loquutus cum illo, Cap. IX. 21. Simile factum est cum JOHANNE cum scripsit Apocalypsin; qui dicit se fuisse *in spiritu* die Dominica,, Apoc. I. 10. Quod delatus in desertum *in spiritu*,, Cap. XVII. 3. In montem altum *in spiritu*,, Cap. XXI. Quod viderit equos in *visione*, Cap. IX. 17. & alibi quod VIDERIT illa quæ descripsit, ita in spiritu aut in visione, Cap. I. 12. Cap. IV. 1. Cap. V. 1. Cap. VI. 1, & in singulis sequentibus.

53. Quod autem Ipsum Verbum attinet, non dicitur apud Prophetas, quod loquuti sint illud ex spiritu Sancto, sed quod loquuti sint illud ex Jehovah, Jehovah Zebaoth, ex Domino Jehovih; nam legitur, quod VERBUM FACTUM SIT A JEHOVAH AD ME, quod JEHOVAH LOQUUTUS SIT AD ME, tum sæpissime, JEHOVAH DIXIT, & DICTUM JEHOVÆ: & quia Dominus est Jehovah, ut supra ostensum est, ideo omne Verbum dictum est ab Ipso. Ut nemo dubitet quin ita sit, velim modo ex JEREMIA afferre, ubi dicitur *Verbum ad me factum a Jehovah, loquutus est Jehovah ad me, Dixit Jehovah & dictum Jehovah*, ut in his apud Jeremiam,, Cap. I. 4. 7. 11. 12. 13. 14. 19. Cap. II. 1. 2. 3. 4. 5. 9. 19. 22. 29. 31. Cap. III. 1. 6. 10. 12. 14. 16. Cap. IV. 1. 3. 9. 17. 27. Cap. V.

11. 14. 18. 22. 29. Cap. VI. 6. 9. 12. 15. 16. 21. 22. Cap. VII. 1. 3. 11. 13. 19. 20. 21. Cap. VIII. 1. 3. 12. 13. Cap. IX. 2. 6. 8. 12. 14. 16. 21. 23. 24. Cap. X. 1. 2. 18. Cap. XI. 1. 6. 9. 11. 17. 18. 21. 22. Cap. XII. 14. 17. Cap. XIII. 1. 6. 9. 11. 12. 13. 14. 15. 25. Cap. XIV. 1. 10. 14. 15. Cap. XV. 1. 2. 3. 6. 11. 19. 20. Cap. XVI. 1. 3. 5. 9. 14. 16. Cap. XVII. 5. 9. 20. 21. 24. Cap. XVIII. 1. 5. 6. 11. 13. Cap. XIX. 1. 3. 6. 12. 16. Cap. XX. 4. Cap. XXI. 1. 4. 7. 8. 11. 12. Cap. XXII. 2. 5. 6. 11. 16. 18. 24. 29. 30. Cap. XXIII. 2. 5. 7. 12. 15. 24. 29. 31. 38. Cap. XXIV. 3. 5. 8. Cap. XXV. 1. 3. 7. 8. 9. 15. 27. 28. 29. 32. Cap. XXVI. 1. 2. 18. Cap. XXVII. 1. 2. 4. 8. 11. 16. 19. 21. 22. Cap. XXVIII. 2. 12. 14. 16. Cap. XXIX. 4. 8. 9. 16. 19. 20. 21. 25. 30. 31. 32. Cap. XXX. 1. 2. 3. 4. 5. 8. 10. 11. 12. 17. 18. Cap. XXXI. 1. 2. 7. 10. 15. 16. 17. 23. 27. 28. 31. 32. 33. 34. 35. 36. 37. 38. Cap. XXXII. 1. 6. 14. 15. 25. 26. 28. 30. 36. 41. Cap. XXXIII. 1. 2. 4. 10. 11. 12. 13. 17. 19. 20. 23. 25. Cap. XXXIV. 1. 2. 4. 8. 12. 13. 17. 22. Cap. XXXV. 1. 13. 17. 18. 19. Cap. XXXVI. 1. 6. 27. 29. 30. Cap. XXXVII. 6. 7. 9. Cap. XXXVIII. 2. 3. 17. Cap. XXXIX. 15. 16. 17. 18. Cap. XL. 1. Cap. XLII. 7. 9. 15. 18. 19. Cap. XLIII. 8. 10. Cap. XLIV. 1. 2. 7. 11. 24. 25. 26. 30. Cap. XLV. 1. 2. 5. Cap. XLVI. 1. 23. 25. 28. Cap. XLVII. 1. Cap. XLVIII. 1. 8. 12. 30. 35. 38. 40. 43. 44. 47. Cap. XLIX. 2. 5. 6. 7. 12. 13. 16. 18. 26. 28. 30. 32. 35. 37. 38. 39. Cap. L. 1. 4. 10. 18. 20. 21. 30. 31. 33. 35. 40. Cap. LI. 25. 33. 35. 39. 52. 58. Hæc solum apud JEREMIAM: simile dicitur apud omnes reliquos Prophetas, & non quod loquutus sit Spiritus Sanctus, nec quod Jehovah loquutus sit ad illos per Spiritum Sanctum.

54. Ex his nunc patet, quod JEHOVAH, qui est DOMINUS AB ÆTERNO, loquutus sit per Prophetas, & quod, ubi dicitur SPIRITUS SANCTUS, sit Ipse. Consequenter, QUOD DEUS SIT UNUS ET PERSONA ET ESSENTIA, ET QUOD ILLE SIT DOMINUS.

Quod Doctrina Fidei Athanasianæ concordet
cum Veritate, dum modo per Trinitatem
Personarum intelligatur Trinitas Personæ,
quæ est in Domino.

55. **Q**uod Christiani Tres Personas Divinas, ac ita sicut Tres Deos, agnoverint, erat quia Trinum in Domino est, ac unum vocatur Pater, alterum Filius, & tertium Spiritus Sanctus, & hoc Trinum distincte nominatur in Verbo, sicut etiam distincte nominatur Anima & Corpus & quod ex illis procedit, quæ tamen unum sunt. Verbum in sensu literæ etiam tale est, ut quæ unum sunt, distinguat sicut non forent unum; inde est, quod Jehovah, qui est Dominus ab æterno, nomen nunc Jehovah, nunc Jehovah Zebaoth, nunc Deum, nunc Dominum, & simul Creatorem, Salvatorem,
Re-

Redemptorem & Formatorem, imo Schaddai; ac Humanum Ipsius quod assum-
sit in mundo, Jesum, Christum, Messiam, Filium Dei, Filium hominis, &
in Verbo veteris Testamenti, Deum, Sanctum Israelis, Unctum Jehovah, Re-
gem, Principem, Consiliarum, Angelum, Davidem. Nunc quia Verbum tale
est in sensu literæ, ut plures nominet, qui tamen unum sunt, ideo Christiani,
qui in initio simplices fuerunt, & omnia secundum verba sensus literæ intel-
lexerunt, distinxerunt Divinitatem in Tres Personas; quod etiam propter sim-
plicitatem eorum permissum est; sed tamen ita, ut de Filio etiam crederent,
quod Infinitus, Increatus, Omnipotens, Deus & Dominus esset, prorsus æqua-
lis Patri; & insuper ut crederent, quod non duo aut tres sint, sed unus Essen-
tia, Majestate & Gloria, ita Divinitate. Qui illa secundum Doctrinam simpli-
citer credunt, & non confirmant se in Tribus Diis, sed ex Tribus Unum fa-
ciunt, illi post obitum informantur a Domino per Angelos, quod Ipse sit Ille
Unus, ac Illud Trinum; quod etiam recipitur ab omnibus qui in cælum ve-
niunt: nam nemo potest admitti in cælum, qui Tres Deos cogitat, utcumque
ore dicit Unum: totius enim cæli vita, ac omnium Angelorum sapientia fun-
datur super Agnitione & inde Confessione unius Dei, & super Fide quod Ille
Unus Deus sit etiam Homo, & quod Ipse sit Dominus, qui simul Deus & Ho-
mo. Ex his patet, quod ex Divina permissione factum sit, quod Christiani in
principio reciperent Doctrinam de Tribus Personis, modo reciperent simul,
quod etiam Dominus sit Deus Infinitus, Omnipotens, & Jehovah: nam nisi
id quoque recepissent, prorsus actum fuisset de Ecclesia, quoniam Ecclesia est
Ecclesia a Domino; & omnium Vita æterna est a Domino, & non ab alio.
Quod Ecclesia sit Ecclesia a Domino, ex eo solo constare potest, quod totum
Verbum a principio ad finem, de Solo Domino agat, ut supra ostensum est,
& quod in Ipsum credendum sit, & quod illis, qui non credunt in Ipsum, non
vita æterna sit, imo quod ira Dei maneat super illis, Joh. III. 36. Nunc quia
unusquisque in se videt, quod si Deus Unus est, sit UNUS ET PERSONA ET ES-
SENTIA; nemo enim aliter cogitat, nec cogitare potest, dum cogitat quod
Deus unus sit, velim nunc integram Doctrinam, quæ ab Athanasio nomen ha-
bet, adducere, & postea demonstrare, quod omnia, quæ ibi dicta sunt, vera
sint, modo loco Trinitatis Personarum intelligatur Trinitas Personæ.

56. DOCTRINA hæc est. „ Qui vult salvari, illi necessarium est ser-
„ vare Fidem hanc Catholicam: (alii, Christianam): nisi quis illam
„ Fidem servaverit totam & integram absque dubio, in æternum
„ peribit. Fides hæc Catholica: (alii, Christina): est, quod
„ colamus unum Deum in Trinitate, & Trinitatem in Unitate,
„ neque commiscendo Personas, neque separando substantiam
„ (alii, essentiam): quoniam est una Persona Patris, alia Filii, &
„ alia Spiritus Sancti; sed Divinitas Patris, Filii & Spiritus Sanc-
„ ti est una eadem, Gloria æqualis, & Majestas coætterna. Qua-
„ lis est Pater, talis est Filius, & talis est Spiritus Sanctus. Pa-
ter

„ ter est Increatus, Filius est Increatus, & Spiritus Sanctus est In-
 „ creatus. Pater est Infinitus, Filius est Infinitus, & Spiritus
 „ Sanctus est Infinitus; Pater Æternus, Filius Æternus, & Spiri-
 „ tus Sanctus Æternus; & tamen non sunt Tres Æterni, sed
 „ Unus Æternus; & non sunt Tres Infiniti neque Tres Increati,
 „ sed Unus Increatus, & Unus Infinitus. Similiter ut Pater est
 „ Omnipotens, ita Filius est Omnipotens, & Spiritus Sanctus est
 „ Omnipotens, & tamen non sunt Tres Omnipotentes, sed U-
 „ nus Omnipotens. Sicut Pater est Deus, ita Filius est Deus, &
 „ Spiritus Sanctus est Deus, & tamen non sunt Tres Dii, sed U-
 „ nus Deus. Quamvis Pater est Dominus, Filius est Dominus, &
 „ Spiritus Sanctus est Dominus, usque tamen non sunt Tres Do-
 „ mini, sed Unus Dominus. Quoniam sicut ex Christiana Verita-
 „ te obligati sumus agnoscere unamquamque Personam per se es-
 „ se Deum & Dominum, usque tamen per Catholicam Religio-
 „ nem prohibiti sumus dicere esse tres Deos, aut tres Dominos;
 „ (alii, usque tamen non possumus ex Christiana fide nominare
 „ tres Deos aut tres Dominos). Pater a nullo factus est, neque
 „ creatus, neque natus: Filius est a solo Patre non factus, nec
 „ creatus, sed natus: Spiritus Sanctus est ex Patre & ex Filio,
 „ neque factus neque creatus, neque natus, sed procedens. Ita
 „ est Unus Pater, non tres Patres, unus Filius non tres Filii, u-
 „ nus Spiritus Sanctus, non tres Spiritus Sancti: & in hac Tri-
 „ nitate nullus est Primus & Postremus, & nullus est Maximus
 „ & Minimus, sed omnes Tres Personæ sunt simul æternæ, &
 „ sunt prorsus æquales, Ita ut prorsus sit, quemadmodum supra
 „ dictum est, quod Unitas in Trinitate, & Trinitas in Unitate
 „ colanda sit (alii, quod tres Personæ in una Divinitate, ac unus
 „ Deus in tribus Personis colendus sit): quapropter qui vult sal-
 „ vari, illum oportet ita cogitare de Trinitate.

„ Porro etiam ad Salutem necessarium est, ut quis rite credat
 „ Incarnationem nostri Domini Jesu Christi: (alii, ut quis con-
 „ stanter credat, quod noster Dominus sit verus Homo); quo-
 „ niam vera Fides est, ut credamus & confiteamur, quod noster
 „ Dominus Jesus Christus Filius Dei, sit Deus & Homo, Deus ex
 „ substantia: (seu essentia, alii, natura): Patris, natus ante mun-
 „ dum; & Homo ex substantia: (alii, natura): matris, natus
 „ in mundo: perfectus Deus & perfectus Homo, ex rationali a-

„ nima

„ nima, & humano corpore consistens: æqualis Patri quoad
 „ Divinum, ac inferior (alii minor) Patre quoad Humanum.
 „ Qui tamen est Deus & Homo, non tamen sunt duo, sed u-
 „ nus Christus: unus non per conversionem Essentiæ Divinæ
 „ in Corpus, sed per assumptionem Humani in Deum: (alii, u-
 „ nus est Ille, non tamen ita, quod Divinum transmutatum sit
 „ in Humanum, sed Divinum suscepit ad se Humanum): unus
 „ prorsus, non per confusionem (alii, commixtionem) sub-
 „ stantiæ, sed per Unitatem Personæ (alii, Ille est prorsus U-
 „ nus, non tamen ita quod binæ naturæ sint commixtæ sed Il-
 „ le est Una Persona): quoniam sicut rationalis anima & corpus
 „ est unus homo, ita Deus & Homo est unus Christus. Qui pas-
 „ sus est propter Salvationem nostri, descendit in infernum, &
 „ resurrexit tertio die ex morte: & ascendit in Cælum, & sedet
 „ ad dextram Patris Omnipotentis: unde venturus est ad judi-
 „ candum vivos & mortuos: in cuius Adventu omnes homines
 „ resurgent cum suis corporibus: & illi, qui bona fecerunt, in-
 „ trabunt in vitam æternam, & qui mala fecerunt in ignem æ-
 „ ternum.

57. Quod omnia hujus Doctrinæ quoad singula ejus verba sint vera, modo pro Trinitate Personarum intelligatur Trinitas Personæ, videri potest ab eadem denuo exscripta, ubi hæc Trinitas substituta est. Trinitas Personæ est hæc,, Quod DIVINUM DOMINI SIT PATER, DIVINUM HUMANUM FILIUS, ET DIVINUM PROCEDENS SPIRITUS SANCTUS. Cum hæc Trinitas intelligitur, tunc homo potest cogitare unum Deum, & quoque potest dicere unum Deum: quod alioquin non possit nisi quam cogitare tres Deos, quis non videt, & quoque vidit Athanasius; quare ejus Doctrinæ etiam hæc verba inserta sunt; „ *Sicut ex Christiana Veritate obligati sumus agnoscere unamquamque Personam per se esse Deum & Dominum; usque tamen non possumus ex Catholica religione aut ex Christiana fide dicere seu nominare tres Deos aut tres Dominos* „, quod quasi est; quamvis ex Christiana veritate licet agnoscere seu cogitare tres Deos & Dominos, usque tamen non licet ex Christiana fide dicere seu nominare nisi quam unum Deum & unum Dominum,,: cum tamen agnitio & cogitatio conjungit hominem cum Domino & cum Cælo, non autem sola loquela. Præterea, nemo comprehendit, quomodo Divinum, quod Unum est, potest dividi in tres Personas, quarum unaquævis est Deus, Divinum enim non dividuum est: ac tres unum facere per Essentiam aut Substantiam, non tollit ideam trium Deorum, sed modo dat ideam Unanimitatis eorum.

58. Quod omnia illius Doctrinæ quoad singula ejus verba, sint vera, modo pro Trinitate Personarum intelligatur Trinitas Personæ, constare po-
 H test

test ex eadem denuo exscripta, quæ nunc sequitur., Qui vult salvari, illi
 „ necessarium est servare fidem hanc Christianam; Fides hæc
 „ Christiana est; quod colamus Unum Deum in Trinitate,
 „ & Trinitatem in Unitate, non commiscendo Trinum Per-
 „ sonæ, neque separando Essentiam. Trinum unius Personæ
 „ est, quod Pater, Filius & Spiritus Sanctus vocatur. Divi-
 „ nitas Patris, Filii & Spiritus Sancti est una eadem, gloria
 „ & majestas æqualis. Qualis est Pater, talis est Filius, & talis
 „ est Spiritus Sanctus. Pater est Increatus, Filius est Increatus,
 „ & Spiritus Sanctus est Increatus: Pater est Infinitus, Filius est
 „ Infinitus, & Spiritus Sanctus est Infinitus; & tamen non sunt tres
 „ Infiniti, neque tres Increati, sed unus Increatus & unus Infini-
 „ tus. Similiter ut Pater est Omnipotens, ita Filius est Omnipoten-
 „ tens, & Spiritus Sanctus est Omnipotens, & tamen non sunt tres
 „ Omnipotentes, sed Unus Omnipotens. Sicut Pater est Deus,
 „ ita Filius est Deus, & Spiritus Sanctus est Deus, & tamen non
 „ sunt tres Dii, sed unus Deus. Quamvis Pater est Dominus, Fi-
 „ lius est Dominus, & Spiritus Sanctus est Dominus, usque ta-
 „ men non sunt tres Domini, sed unus Dominus. Nunc sicut ex
 „ Christiana veritate agnoscimus Trinum in una Persona, quæ
 „ Deus & Dominus, ita ex Christiana fide possumus dicere Unum
 „ Deum & Unum Dominum. Pater a nullo factus est, neque
 „ creatus, neque natus: Filius est ex Solo Patre non factus, nec
 „ creatus, sed natus: Spiritus Sanctus est ex Patre & ex Filio
 „ neque factus, neque creatus, neque natus, sed procedens: ita
 „ est Unus Pater, non tres Patres, Unus Filius, non tres Filii,
 „ Unus Spiritus Sanctus, non tres Spiritus Sancti: & in hac
 „ Trinitate nullus est maximus & minimus, sed sunt prorsus
 „ æquales. Ita ut prorsus sit, quemadmodum supra dictum
 „ est, quod Unitas in Trinitate, & Trinitas in unitate co-
 „ lenda sit.

59 Hæc in Doctrina de Trinitate & Unitate Dei: postea sequitur ibi de
 assumptione Humani a Domino in mundo, quæ vocatur Incarnatio: illa quoque
 in Doctrina quod omnia & singula ejus, vera sunt, modo distincte intelligatur
 Humanum ex Matre, in quod Dominus fuit, cum in statu humiliationis seu
 exinanitionis, & passus est tentationes & crucem; & Humanum ex Patre, in
 quo fuit in statu Glorificationis seu Unionis: nam Dominus Humanum in
 mundo conceptum a Jehovah, qui est Dominus ab æterno, & natum a Maria

Vir-

Virgine assumfit, inde Ipsi fuit Divinum & Humanum, Divinum a Divino suo ab æterno, & Humanum ex Maria matre in tempore; sed hoc Humanum exuit, & Humanum Divinum induit: hoc Humanum est, quod vocatur Divinum Humanum, & quod intelligitur in Verbo per Filium Dei. Cum itaque illa, quæ præcedunt in Doctrina de Incarnatione, intelliguntur de Humano materno, in quo fuit cum in statu Humiliationis, & illa quæ sequuntur ibi de Divino Humano, in quo fuit cum in statu Glorificationis, tunc etiam omnia ibi coincidunt. *Cum Humano materno, in quo fuit cum in statu humiliationis, coincidunt hæc quæ præcedunt in Doctrina,, Quod Iesus Christus fuerit Deus & Ho-*
mo, Deus ex substantia Patris, & Homo ex substantia matris,
„ natus in mundo: perfectus Deus & perfectus Homo, ex ratio-
„ nali anima & humano corpore consistens: æqualis Patri quoad
„ Divinum, minor Patre quoad Humanum. Tum hæc,, Quod
„ Humanum illud non conversum sit in Divinum, nec ei com-
„ mixtum, sed exutum, & pro eo assumptum Humanum Divi-
num.”. Cum Humano Divino, in quo fuit in statu Glorificationis, & nunc est in
æternum, coincidunt hæc quæ sequuntur in Doctrina,, Tametsi noster Domi-
„ nus Iesus Christus Filius Dei, est Deus & Homo, usque non
„ sunt duo, sed est unus Christus; imo est prorsus unus, est enim
„ una Persona; quoniam sicut anima & corpus faciunt unum ho-
„ minem, ita Deus & Homo est unus Christus.

60. Quod Deus & Homo in Domino secundum Doctrinam non sint duo, sed una Persona, & prorsus una, sicut anima & corpus sunt unum, patet clare a multis quæ Ipse dixerat, ut, Quod Pater & Ipse unum sint: quod omnia Patris sua sint, & omnia sua Patris: quod Ipse in Patre & Pater in Ipso sit: quod omnia data sint in manum Ipsius: quod Ipsi omnis potestas sit: quod Deus cæli & terræ sit: quod qui credit in Ipsum, vitam æternam habeat: & porro, quod & Divinum & Humanum sublatum sit in cælum, & quod quoad utrumque sedeat ad dextram Dei, hoc est, quod Omnipotens sit: & plura quæ supra ex Verbo de Divino Humano Ipsius in multa copia allata sunt, quæ omnia testantur, quod DEUS SIT UNUS TAM PERSONA QUAM ESSENTIA IN QUO TRINITAS, ET QUOD ILLE DEUS SIT DOMINUS.

61. Quod hæc de Domino nunc primum evulgata sint, est quia prædictum est in Apocalypsi Cap. XXI & XXII, quod nova Ecclesia in fine prioris a Domino instituenda sit, in qua hoc Primarium erit. Hæc Ecclesia est, quæ per Novam Hierosolimam ibi intelligitur, in quam nemo intrare potest, nisi qui Solum Dominum pro Deo cæli & terræ agnoscit: & hoc possum annuntiare, quod Universum Cælum Dominum solum agnoscat, & quod qui non agnoscit, non in Cælum admittatur: Cælum enim est Cælum ex Domino: ipsa illa Agnitio ex amore & fide, facit ut sint ibi in Domino & Dominus in illis, ut Ipse Dominus docet apud Johannem,, *In die illo cognoscetis, quod Ego in Patre meo, & vos in Me, & Ego in vobis,, XIV. 20. tum apud Eundem,, Manete in Me,*

etiam Ego in vobis: Ego Vitis, vos palmites, qui manet in Me & Ego in illo, hic fert fructum multum, nam sine Me non potestis facere quicquam: nisi quis manserit in Me, ejectus est foras., Cap. XV. 4. 5. 6. tum Cap. XVII. 22. 23. Quod hoc non prius e Verbo visum sit, est quia si prius visum fuisset, usque non receptum fuisset: nondum enim Ultimū Judiciū fuit peractum, & ante illud potentia Inferni valuit supra potentiam Cæli, & homo est in medio inter Cælum & Infernum, quare si prius visum fuisset, Diabolus, hoc est, Infernum eripuisset illud e cordibus illorum, & insuper prophana visisset illud: hic status potentia Inferni prorsus fractus est per Ultimū Judiciū, quod nunc peractum est: post illud, ita nunc, omnis homo, qui vult illustrari & sapere, is potest: de qua re videantur quæ in Opere de CÆLO ET INFERNO, n. 589 ad 596, & n. 597 ad 603; tum in Opusculo de ULTIMO JUDICIO n. 65 ad 72: & n. 73-74, scripta sunt.

Quod Nova Ecclesia intelligatur per Novam Hierosolymam in Apocalypsi.

62. Postquam in APOCALYPSI descriptus est Status Ecclesiæ Christianæ, qualis erit in suo fine, & nunc est, & postquam in Infernum conjecti sunt illi ab ea Ecclesia, qui per Pseudopphetam, Draconem, Meretricem & per Bestias significatur; ita postquam Ultimū Judiciū factum est, dicitur ibi., *Vidi Cælum novum & Terram novam, prius enim Cælum, & prior Terra transiit. Tunc Ego Johannes vidi CIVITATEM SANCTAM HIEROSOLYMAM descendantem a Deo e cælo. Et audiui vocem magnam e cælo dicentem; ecce tabernaculum Dei cum hominibus, qui habitabit cum illis, & illi populi ejus erunt, & Ipse erit cum illis, Deus illorum. Dixit Sedens super Throno, ecce nova omnia facio: & dixit mihi, scribe, quia hæc verba vera & fidelia sunt.,* Apoc. XXI. 1. 2. 3. 5. Per Cælum novum, & per Terram novam, quæ vidit, postquam prius Cælum & prior Terra transiit, non intelligitur novum Cælum astriferum & atmosphæricum, quod coram oculis humanis apparet, nec nova Terra super qua habitant homines, sed intelligitur Novum Ecclesiæ in Mundo Spirituali, & Novum Ecclesiæ in mundo Naturali. Quoniam novum Ecclesiæ in utroque mundo, tam spirituali quam naturali, factum est a Domino, cum in mundo fuit, ideo simile apud Prophetas prædicatur, nempe quod novum cælum & nova terra, tunc existitura sint, ut Esaj. LXV. 17. Cap LXVI. 22, & alibi; per quæ itaque non potest intelligi cælum aspectabile coram oculis, & terra habitabilis ab hominibus. Per Mundum spirituales intelligitur Mundus, ubi habitant Angeli & Spiritus, & per Mundum naturalem, intelligitur Mundus, ubi habitant homines. Quod Novum Ecclesiæ in Mundo spirituali nuper factum sit, & quod Novum Ecclesiæ in Mundo naturali fiet, aliquibus ostensum est in Opusculo de ULTIMO JUDICIO, & plenius ostendetur in CONTINUATIONE EJUS.

63. Per Civitatem Sanctam Hierosolymam intelligitur nova illa Ecclesia quoad Doctrinam, quare illa visa a Deo e cælo descendens, nam Doctrina genuini

Veri non aliunde venit, quam per Cælum a Domino. Quia Ecclesia quoad Doctrinam per Civitatem novam Hierosolymam intelligitur, ideo dicitur, Parata sicut Sponsa ornata Marito suo Verſ. 2. & poſtea,, *Venit ad Me Unus de ſeptem Angelis, & loquutus mecum, dicens, veni, oſtendam tibi Sponſam Agni Uxorem: & abſtulit me in ſpiritu ſuper montem altum, & oſtendit mihi Civitatem magnam Sanctam Hierosolymam descendantem e cælo a Deo,,* Verſ. 9. 10., in eodem Capite. Quod per Sponſam & Uxorem intelligatur Eccleſia, cum per Dominum Sponſus & Maritus, notum eſt: Eccleſia Sponſa eſt, quando vult Dominum recipere, at Uxor quando recepit. Quod Dominus per Maritum ibi intelligatur, patet, nam dicitur, *SPONSA AGNI UXOR.*

64. Quod per Hierosolymam in Verbo intelligatur Eccleſia quoad Doctrinam, eſt cauſa, quia ibi in terra Canaane, & non alibi Templum erat, Altare erat, Sacrificia fiebant, ita ipſe Cultus Divinus: quare etiam tria Feſta quotannis ibi celebrabantur, & ad illa omnis maſculus totius terræ mandatus eſt ire; ex eo eſt, quod per Hierosolymam ſignificetur Eccleſia quoad cultum, & inde quoque Eccleſia quoad doctrinam, nam cultus præſcribitur in doctrina, & fit ſecundum illam: tum quia Dominus in Hierosolyma fuit, & docuit in ſuo Templo, & poſtea ibi glorificavit Humanum ſuum. Præterea per Urbem in Verbo in ſenſu ejus ſpiritali ſignificatur Doctrina; inde per Civitatem Sanctam Doctrina Divini Veri a Domino (a). Quod per Hierosolymam intelligatur Eccleſia quoad Doctrinam, etiam ex aliis locis in Verbo patet; ut ex his: apud Eſajam,, *Propter Zionem non tacebo, & propter Hierosolymam non quieſcam, uſque dum exeat ſicut ſplendor Juſtitia ejus, & Salus ejus ſicut lampas ardeat. Tunc videbunt gentes juſtitiam tuam, & omnes reges gloriam tuam: & vocabitur tibi Nomen novum, quod os Jehovæ enuntiabit: & eris corona decoris in manu Jehovæ, & cidaris Regni in manu Dei tui: beneplacebit Jehovah in te, & terra tua maritabitur. Ecce Salus tua venit, ecce merces Ipſius cum Ipſo; & vocabunt illos, Populus Sanctitatis, Redempti Jehovæ: & tu vocaberis quæſita urbs, non deſerta,,* LXII. 1. 2. 3. 4. 11. 12; agitur in toto illo Capite de Adventu Domini, & de nova ab Ipſo inſtauranda Eccleſia; nova hæc Eccleſia eſt, quæ intelligitur per Hierosolymam, cui vocabitur Nomen novum quod os Jehovæ enuntiabit, quæque erit corona decoris in manu Jehovæ, & cidaris regni in manu Dei, in qua Jehovah beneplacebit, & quæ vocabitur urbs quæſita, non deſerta: per hæc non poteſt intelligi Hierosolyma, in qua, cum Dominus in mundum venit, fuerunt Judæi, nam illa erat in omni contrario; quæ potius vocanda erat Sodoma, ut quoque vocatur Apoc. XI. 8. Eſaj. III. 9. Jerem. XXIII. 14. Ezech. XVI.

(a) Quod per Urbem in Verbo ſignificetur Doctrina Eccleſiæ & Religionis, videatur in ARCANIS CÆLESTIBUS, n. 402. 2450. 2943. 3216. 4492. 4493. Quod per portam urbis ſignificetur Doctrina, per quam fit introitus in Eccleſiam, n. 2943. 4447. 4478. Quod ideo Seniores ſederint in porta urbis & judicaverint, ibid: egredi porta, quod ſit recedere a Doctrina, n. 4492. 4493. Quod urbes & palatia in Cælo repræſententur, quando Angelis eſt ſermo de Doctrinalibus, n. 3216, ibi.

XVI. 46. 48. Alibi apud ESAJAM,, *Ecce Ego creans Cælum novum, & Terram novam, non commemorabuntur priora: lætaminī & exultate in æternitates, quæ Ego creans. Ecce Ego creaturus Hierosolymam exultationem, & populum ejus lætitiā, ut exultem super Hierosolyma, & læter super populo meo. Tunc lupus & agnus pascent simul: non malum facient in toto monte Sanctitatis meæ*, LXV. 17. 18. 19. 25; etiam in hoc Capite agitur de Adventu Domini, & de Ecclesia ab Ipso instauranda, quæ non instaurata est apud illos qui in Hierosolyma, sed apud illos qui extra illam erant, quare hæc Ecclesia intelligitur per Hierosolymam, quæ erit Domino exultatio, & cujus populus erit Ipsi lætitia; tum ubi lupus & agnus pascent simul; & ubi non malum facient. Hic quoque dicitur, quemadmodum in Apocalypsi, quod Dominus creaturus Cælum novum & Terram novam, per quæ etiam similia intelliguntur; & quoque dicitur quod creaturus Hierosolymam. Alibi apud ESAJAM,, *Excitare, excitare, indue robur tuum, Zion, indue vestes decoris tui, Hierosolyma, Urbs sanctitatis; quia non addet ut veniat in te amplius præputiatus & immundus: excute te e pulvere, surge, sede Hierosolyma. Cognoscet populus Nomen meum in die illo, nam Ego ille, qui loquens, ecce Me: consolatus est Jehovah populum suum, redemit Hierosolymam*, LII. 1. 2. 6. 9; etiam in eo Capite agitur de Adventu Domini, & de Ecclesia ab Ipso instauranda; quare per Hierosolymam, in quam non amplius veniet præputiatus & immundus, & quam Dominus redimet, intelligitur Ecclesia; & per Hierosolymam urbem Sanctitatis Ecclesia quoad Doctrinam a Domino. Apud ZEPHANIAM, *Jubila filia Zionis, lætare ex omni corde filia Hierosolymæ; Rex Israelis in medio tui; ne time malum amplius: lætabitur super te cum gaudio, acquiescet in amore tuo, exultabit super te cum jubilo: dabo vos in nomen & in laudem omnibus populis terræ*, III. 14. 15. 16. 17. 20; similiter hic de Domino & de Ecclesia ab Ipso; super qua Rex Israelis, qui est Dominus, lætabitur cum gaudio, exultabit cum jubilo, & in cujus amore requiescet, & quos dabit in nomen & in laudem omnibus populis terræ. Apud ESAJAM,, *Sic dixit Jehovah Redemptor tuus, & Formator tuus, dicens Hierosolymæ, habitaberis, & urbibus Jebudæ, ædificabimini*, XLIV. 24. 26: & apud DANIELEM,, *Scito & percipito, ab exitu Verbi usque ad restituendum & ad ædificandum Hierosolymam, usque ad Messiam Principem, Septimanæ septem*, X. 25; quod per Hierosolymam etiam hic intelligatur Ecclesia, patet, quoniam hæc a Domino restituebatur & ædificabatur, non autem Hierosolyma sedes Judæorum. Per Hierosolymam intelligitur Ecclesia a Domino etiam in sequentibus locis; apud SACHARIAM,, *Sic dixit Jehovah, revertar ad Zionem, & habitabo in medio Hierosolymæ: unde vocabitur Hierosolyma, Urbs Veritatis; & Mons Jehovah Zebaoth, Mons sanctitatis*, VIII. 3. 20 ad 23. Apud JOELEM,, *Tunc cognosce-tis, quod Ego Jehovah Deus vester, habitans in Zione, Monte sanctitatis; & erit Hierosolyma sanctitas: & fiet in Die illo, stillabunt montes mustum, & colles fluent lacte; & Hierosolyma sedebit in generationem & generationem*, IV. 17 ad 21. Apud ESAJAM,, *In Die illo erit germen Jehovah in decus & in gloriam; & fiet, relictus in Zione; & residuus in Hierosolyma, Sanctus dicetur: omnis Scriptus ad vitam in Hierosolyma*, IV. 2. 3. Apud MICHAM, *In extremitate dierum erit Mons Domus Jehovah constitutus in caput montium; nam e Zione exibat Doctrina, & Verbum Je-*

Jehovæ ex Hierosolyma: ad te veniet Regnum prius, Regnum filię Hierosolymæ, II. 1. 2. 8. Apud JEREMIAM, in Tempore illo vocabunt Hierosolymam thronum Jehovæ; & congregabuntur omnes gentes ob Nomen Jehovæ Hierosolymam; neque ibunt amplius post confirmationem cordis sui mali, III 17. Apud ESAJAM, „ Specta Zionem Urbem Festi stati nostri; oculi tui videant Hierosolymam, habitaculum tranquilum, tabernaculum quod non dissipabitur; non removebuntur clavi ejus in perpetuum, & omnes funes ejus non avellentur, XXXIII. 20: præter etiam alibi, ut apud ESAJAM XXIV. 23. Cap XXXVII. 32. Cap. LXVI. 10 ad 14. Apud SACHARIAM, XII. 3. 6. 8. 9. 10. Cap. XIV. 8. 11. 12. 21. Apud MALACHIAM, III. 2. 4. Apud DAVIDEM, Psalm CXXII. 1 ad 7. Psalm CXXXVII. 4. 5. 6. Quod per Hierosolymam in illis locis intelligatur Ecclesia, quæ a Domino instauranda erat, & quæ etiam instaurata est, & non Hierosolyma in terra Canaan a Judæis habitata, constare etiam potest a locis in Verbo, ubi de hac dicitur quod prorsus deperdita sit, & quod destruenda; ut Jerem. V. 1. Cap. VI. 6. 7. Cap. VII. 17. 18. seq: Cap. VIII. 6. 7. 8 seq: Cap IX. 10. 11. 13 seq: Cap. XIII. 9. 10. 14. Cap. XIV. 16. Thren. I. 8. 9. 17. Ezech. IV. 1 ad fin: Cap. IV. 9 ad fin: Cap. XII. 18. 19. Cap. XV. 6. 7. 8. Cap. XVI. 1 ad 63. Cap. XXIII. 1. ad 49. Matth. XXIII. 37. 39. Luc. XIX. 41 ad 44. Cap. XXI. 20. 21. 22. Cap. XXIII. 28. 29. 30; & multis aliis in locis.

65. Dicitur in Apocalypsi NOVUM CÆLUM ET NOVA TERRA; & postea, ECCE NOVA OMNIA FACIO, per quæ non aliud intelligitur, quam quod in Ecclesia nunc a Domino instauranda, NOVA DOCTRINA ERIT, quæ in priore Ecclesia non fuit: quod non fuerit, est causa, quia si fuisset, non recepta fuisset; nondum enim ultimum Judicium peractum fuit, & ante illud potentia Inferni prævaluit potentia Cæli; quare si prius ex ore Domini data fuisset, apud hominem non mansisset; nec hodie manet, nisi quam apud illos qui Dominum Solum adeunt, & Ipsum Deum Cæli & Terræ agnoscunt, videatur supra n. 61. Eadem hæc Doctrina prius quidem data est in Verbo; sed quia Ecclesia non ita diu post instauracionem ejus versa est in Babyloniam, & apud alios postea in Philisthæam, ideo illa non potuit ex Verbo videri; nam Ecclesia non aliter videt Verbum, quam ex principio religionis suæ & ejus doctrina. Nova, quæ in hoc Opusculo sunt, in genere hæc sunt I. Quod Deus sit unus Persona & Essentia, & quod „ Ille sit Dominus. II. Quod tota Scriptura Sacra de Ipso Solo agat. III. Quod in Mundum venerit, ut subjugaret Inferna, ac „ ut glorificaret Humanum suum; & quod utrumque fecerit per „ Tentationes in se admissas, & plene per ultimam illarum, quæ „ fuit Passio crucis: & quod per id Redemptor & Salvator factus „ sit; & quod per id Ipsi Soli Meritum & Justitia. IV. Quod „ impleverit omnia Legis, sit quod impleverit omnia Verbi. V. „ Quod per Passionem crucis non abstulerit peccata, sed quod „ illa portaverit sicut Propheta, quod est, quod passus sit ut in Se „ re-

„ repræsentaretur Ecclesia, quomodo illa malefecerat Verbo.
„ VI. Quod Imputatio meriti non sit aliquid nisi per illam intel-
„ ligatur Remissio peccatorum post pænitentiam. Hæc in hoc O-
pusculo: in Sequentibus, quæ erunt de Scriptura Sacra, in Doctrina vitæ, de
Fide, & de Divino Amore & de Divina Sapientia, Nova adhuc videbuntur.



DOCTRINA
NOVÆ Hierosolymæ

DE

SCRIPTURA SACRA.



AMSTELODAMI:


MDCCLXIII.

DOCTRINA

NOVAE THEOLOGICAE

16

SCRIPTURA SACRA



AMSTELÆDAMI


WILHELMUS



DOCTRINA
NOVÆ HIEROSOLYMÆ
DE
SCRIPTURA SACRA.



Quod Scriptura Sacra seu Verbum sit ipsum
Divinum Verum.

1.  N omnium ore est, quod Verbum sit a Deo, Divinitus inspiratum, & inde Sanctum; sed usque hætenus nescitum est, ubinam in eo Divinum est: nam Verbum in litera apparet sicut Scriptum vulgare, stylo peregrino, non sublimi nec lucente, sicut ad apparentiam sunt Scripta sæculi. Ex eo est, quod homo, qui naturam pro Deo, aut qui illam præ Deo, colit, & inde ex se & suo proprio, & non e cælo a Domino, cogitat, facile in errorem de Verbo, & in contemptum ejus possit cadere, & secum dicere cum id legit, quid hoc, quid illud, an hoc est Divinum, an Deus, Cui infinita Sapiëntia est, ita loqui potest, ubi & unde Sanctum ejus, nisi ex religioso, & inde persuasione.
2. Sed qui ita cogitat, ille non considerat, quod Ipse Jehovah, qui est Deus Cæli & Terræ, loquutus sit Verbum per Mosen & Prophetas, & quod inde non possit esse, quam Ipsum Divinum Verum, nam quod Ipse Jehovah loquitur, hoc Illud est: nec considerat, quod Dominus, qui est idem cum Jehovah, loquutus sit Verbum apud Evangelistas, multa ex suo ore, & reliqua ex spiritu oris sui, qui est Spiritus Sanctus; inde est, quod Ipse dicat, quod

in Verbis suis sit Vita, & quod Ipse sit Lux quæ illustrat, & quod sit Veritas. Quod Ipse Jehovah loquutus sit Verbum per Prophetas, ostensum est in DOCTRINA NOVÆ HIEROSOLYMÆ DE DOMINO, n. 52. 53. Quod verba, quæ Ipse Dominus apud Evangelistas loquutus est, Vita sint, apud Johannem, *Verba, quæ Ego loquor vobis, Spiritus sunt, & Vita sunt*, VI. 63. Apud Eundem, *Jesus dixit mulieri ad fontem Jacobi; si scires donum Dei, & quis sit, qui dicit tibi, da Mibi bibere, tu peteres ab Eo, & daret tibi Aquam viventem. Qui bibit ex Aqua, quam Ego dabo, non sitiet in æternum, sed Aqua, quam Ego dabo ei, fiet in Eo fons Aquæ salientis in vitam æternam*, IV. 6. 10 11; per fontem Jacobi, significatur Verbum, ut quoque Devtr. XXXIII. 28; quare etiam Dominus ibi sedet, & loquutus est cum muliere; & per aquam significatur verum Verbi. Apud Eundem, *Jesus dixit, si quis sitiverit, venito ad Me & bibito: quisquis credit in Me, sicut dicit Scriptura, flumina e ventre illius fluent Aquæ viventis*, VII. 37. 38. Apud Eundem, *Petrus dixit ad Jesum, verba vitæ æternæ habes*, VI. 68. Quare Dominus dicit apud Marcum, *Cælum & Terra transibunt, Verba mea non transibunt*, XIII. 31. Quod Verba Domini sint Vita, est quia Ipse est Vita & Veritas, ut docet apud Johannem, *Ego sum Via, Veritas & Vita*, XIV. 6. & apud Eundem, *In principio erat Verbum, & Verbum erat apud Deum, & Deus erat Verbum; in Illo Vita erat, & Vita erat Lux hominum*, I. 1. 2. 3; per Verbum ibi intelligitur Dominus quoad Divinum Verum, in Quo solo Vita est & Lux est. Ex eo est, quod Verbum quod a Domino, & quod est Dominus, dicatur *Fons aquarum vivarum*, Jerem. II. 13. Cap. XVII. 13. Cap. XXXI. 9. *Fons Salutis*, Esaj. XI. 1. 3. *Fons*, Sachar. XIII. 1. Ac *Fluvius aquæ vitæ*, Apoc. XXII. 1. & dicitur, *Quod Agnus, qui in medio Throni, pascet illos, & deducet illos ad Vivos Fontes aquarum*, Apoc. VII. 17. Præter aliis in locis, ubi Verbum etiam vocatur Sanctuarium & Tabernaculum, in quo Dominus habitat cum homine.

3. Sed homo naturalis ex his usque non persuaderi potest, quod Verbum sit ipsum Divinum Verum, in quo Divina Sapientia est & Divina Vita, spectat enim illud a Stylo, in quo non videt illa. Sed Stylus Verbi est ipse Stylus Divinus, cum quo omnis alius Stylus, utcunque sublimis & excellens apparet, non comparari potest, est enim sicut caligo ad lucem. Stylus Verbi talis est, ut Sanctum sit in omni sensu, inque omni voce, imo alicubi in ipsis literis; inde Verbum conjungit hominem Domino, & aperit Cælum. Sunt duo quæ procedunt a Domino, Divinus Amor & Divina Sapientia, seu quod idem, Divinum Bonum & Divinum Verum, nam Divinum Bonum est Divini Amoris Ipsius, & Divinum Verum est Divinæ Sapientiæ Ipsius; Verbum in sua Essentia est utrumque Hoc; & quia illud conjungit hominem Domino, & aperit Cælum, ut dictum est, ideo Verbum implet hominem, qui illud a Domino, & non a semet solo, legit, bono amoris & veris sapientiæ, voluntatem ejus bono amoris, & intellectum ejus veris sapientiæ; inde homini est vita per Verbum.

4. Ne itaque homo in dubio esset, quin Verbum tale sit, revelatus mihi est a Domino Sensus internus Verbi, qui in sua essentia est Spiritualis, qui Sensui externo,


externo, qui est Naturalis, inest, sicut anima corpori, ille sensus est Spiritus qui vivificat literam: quare ille Sensus potest de Verbi Divinitate & Sanctitate testari, & convincere etiam hominem naturalem, si vult convinci.

Quod in Verbo sensus Spiritualis sit, hæctenus ignotus.

Hæc in hoc ordine dicenda sunt: I. Quid Sensus Spiritualis. II. Quod ille Sensus in omnibus & singulis Verbi sit. III. Quod ex illo sit, quod Verbum Divinitus inspiratum sit, ac in omni voce Sanctum. IV. Quod ille Sensus hæctenus ignotus fuerit. V. Et quod non alicui posthac detur, nisi qui in genuinis veris a Domino est.

5. I. *Quid Sensus Spiritualis*: Sensus Spiritualis non est ille, qui ex sensu literæ Verbi elucet, quando quis scrutatur & explicat Verbum ad confirmandum Ecclesiæ quoddam dogma, hic sensus est sensus Verbi literalis. Sed sensus spiritualis non apparet in sensu literæ, est intus in illo, sicut anima in corpore, sicut cogitatio in oculis, & affectio in facie, quæ unum agunt, ut causa & effectus. Ille Sensus imprimis facit, ut Verbum sit Spirituale, non modo pro hominibus, sed etiam pro angelis; quare Verbum per illum Sensem communicat cum Cælis.

6. A Domino procedit CÆLESTE, SPIRITUALE & NATURALE, unum post alterum. CÆLESTE dicitur quod procedit ex Divino Amore Ipsius, & est Divinum Bonum: SPIRITUALE dicitur, quod procedit ex Divina Sapientia Ipsius, & est Divinum Verum: NATURALE est ex utroque, est illorum complexus in ultimo. Angeli Regni cælestis Domini, ex quibus est Tertium seu Supremum Cælum, sunt in Divino quod procedit a Domino, quod Cæleste vocatur; nam sunt in bono amoris a Domino: Angeli Regni spiritualis Domini, ex quibus est secundum seu Medium Cælum, sunt in Divino quod procedit a Domino, quod Spirituale vocatur, sunt enim in veris sapientiæ a Domino (a): Homines autem Ecclesiæ in Mundo, sunt in Divino Naturali, quod etiam procedit a Domino. Ex his sequitur, quod Divinum procedens a Domino ad ultima sua, descendat per tres Gradus, ac nominetur Cæleste, Spirituale & Naturale. Divinum quod a Domino ad homines descendit, per tres illos Gradus descendit, & cum descenderat, tres illos Gradus in se continet: omne Divinum tale est; ideo quando est in suo Ultimo gradu, est in suo Pleno. Tale est Verbum. Hoc in ultimo suo sensu est Naturale, in interiori est Spirituale, ac in intimo est Cæleste, & est Divinum in unoquoque. Quod Verbum tale sit, non apparet in Sensu literæ ejus, qui est Naturalis, ex causa, quia homo mundi antehac non



(a) Quod duo Regna sint, ex quibus Cæli consistunt, quorum unum vocatur Regnum Cæleste, alterum Regnum Spirituale, videatur in opere de CÆLO ET INFERNO. n. 20 ad 28.

non sciverat aliquid de Cælis, & inde non quid Spirituale, & quid Cæleste, ita nec discrimen inter Illa & inter Naturale.

7. Discrimen inter hos Gradus nec sciri potest, nisi sciatur Correspondentia, nam tres illi Gradus inter se prorsus distincti sunt, sicut Finis, Causa & Effectus, aut sicut Prius, Posterius & Postternum, at unum faciunt per Correspondentias; Naturale enim correspondet Spirituali, & quoque Cælesti. Quid autem Correspondentia, videri potest in Opere de CARLO & INFERNO, ubi actum est, *De Correspondentia omnium Cæli cum omnibus hominis*, n. 87 ad 102; & *de Correspondentia Cæli cum omnibus telluris*, n. 103 ad 115. & amplius videbitur ab Exemplis e Verbo infra adducendis.

8. Quoniam Verbum interius est Spirituale & Cæleste, ideo per meras Correspondentias conscriptum est, & quod scriptum est per meras Correspondentias, hoc in sensu ultimo scriptum est tali stylo, quali apud Prophetas & apud Evāgelistas, qui tametsi apparet vulgaris, usque ille Sapientiam Divinam & omnem Angelicam in se recondit.

9. Quod Sensus spiritualis in omnibus & singulis Verbi sit, non melius videri potest quam ab Exemplis; quæ sint hæc sequentia. Dicit Johannes in Apocalypsi, *Vidi Cælum apertum, cum ecce Equus albus, & qui Sedens super eo vocabatur fidelis & verus, qui in Justitia judicat & pugnat. Et Oculi Ejus flamma ignis, ac super Capite Ejus diademata multa, habens Nomen scriptum, quod nemo scit nisi Ipse: & indutus erat Vestimento tincto sanguine: & vocatur Nomen Ipsius VERBUM DEI. Exercitus Ejus in Cælo sequebantur Ipsum super equis albis, induti byssinum album & mundum. Habet super vestimento & super femore suo Nomen scriptum, REX REGUM ET DOMINUS DOMINORUM. Vidi porro unum Angelum stantem in Sole, qui clamavit voce magna; venite & congregamini ad Cænam magnam, ut comedatis carnes regum & carnes chiliarchorum, & carnes fortium, & carnes equorum & sedentium super illis, & carnes omnium liberorum & servorum, & parvorum & magnorum*, XIX. 11 ad 18: quid hæc significant, nemo videre potest, nisi ex Sensu spirituali Verbi, & nemo Sensum Spiritualem nisi ex Scientia correspondentiarum, nam omnes voces sunt correspondentiæ, & nulla vox ibi est vana. Scientia correspondentiarum docet, quid significat Equus albus, & quid Sedens super illo, quid Oculi qui sicut flamma ignis, quid Diademata quæ super capite, quid Vestimentum tinctum sanguine, quid Byssinum album, quo induti qui ab exercitu Ipsius in Cælo, quid Angelus stans in sole, quid Cæna magna ad quam venirent & congregarentur, tum quid Carnes regum, & chiliarchorum, & plurium aliorum, quas comederent. Quid autem singula in Sensu spirituali significant, videatur in Opusculo de EQUO ALBO, ubi explicata sunt; quare illa ulterius explicare hic superfedetur: ostensum est in illo Opusculo, quod Dominus quoad Verbum ibi describatur, & quod per Oculos Ipsius qui sicut flamma ignis, & per Diademata quæ super capite, & per Nomen quod nemo scit nisi Ipse, intelligatur Sensus spiritualis Verbi, & quod nemo illum sciat nisi Ipse Dominus, & Cui Ipse vult illum revelare; tum quod per Vestimentum tinctum sanguine, intelligatur Sensus naturalis Verbi, qui est Sensus literæ ejus, cui violentia illata est: quod sit Verbum, quod ita describitur,

mani-

manifeste patet, nam dicitur, VOCATUR NOMEN EJUS VERBUM DEI; & quod sit Dominus qui intelligitur, etiam manifeste patet, nam dicitur quod Nomen Sedentis super equo scriptum sit, REX REGUM ET DOMINUS DOMINORUM. Quod Sensus Spiritualis Verbi aperiendus sit in fine Ecclesiæ, significatur non modo per illa quæ de Equo & de Sedente super illo nunc dicta sunt, sed etiam per Cænam magnam, ad quam per Angelum in sole stantem omnes invitati sunt ut venirent, ac ederent carnes regum & chiliarchorum, fortium, equorum, fedentium super illis, omnium liberorum & servorum: omnes hæc expressiones forent voces vanæ, & absque Vita & Spiritu, nisi Spirituale intus in illis esset, sicut anima in corpore.

10. In Apocalypsi Cap. XIX describitur ita Sancta Hierosolyma, „ *Quod in illa esset Luminare simile Lapidi pretiosissimo, sicut lapidi jaspidi, instar Chrystalli splendenti. Quod haberet Murum magnum & altum, habentem Portas duodecim, & super portis Angelos duodecim, & Nomina Scripta duodecim Tribuum filiorum Israelis. Quod Murus esset 144 cubitorum, quæ est mensura Hominis, hoc est, Angeli. Et quod structura Muri esset jaspis, & fundamenta ejus ex omni lapide pretioso, ex jaspide, sapphiro, chalcedonio, smaragdo, sardonyche, sardio, chrysolitho, beryllo, topazio, chrysopraso, hyacintho & amethysto. Quod duodecim Portæ essent duodecim margaritæ. Quod ipsa Civitas esset aurum purum, simile vitro puro; & quod esset quadrangularis; longitudo, latitudo, & altitudo essent æquales, 12000 stadiorum: præter plura. Quod omnia hæc Spiritualiter intelligenda sint, constare potest ex eo, quod per Sanctam Hierosolimam significetur nova Ecclesia, quæ a Domino instauranda est, ut in DOCTRINA DE DOMINO n. 62 ad 65, ostensum est: & quia per Hierosolimam ibi significatur Ecclesia, sequitur, quod omnia, quæ dicuntur de illa, ut Civitate, de portis ejus, de muro ejus, de fundamentis muri, tum quæ de mensuris eorum, sensum spirituales contineant, nam illa, quæ Ecclesiæ sunt, Spiritualia sunt. Quid autem singula significant, in Opere de NOVA HIEROSOLYMA Londini Anno 1758, edito, n. 1, explicatum est, quare ulterius illa explicare, supersedeo. Satis est, ut inde sciatur, quod sensus Spiritualis insit singulis descriptionis ejus, ut anima corpori; & quod absque illo sensu, nihil Ecclesiæ intelligeretur in illis quæ ibi scripta sunt, ut quod Civitas esset ex puro auro, portæ ejus ex margaritis, murus ex jaspide, fundamenta muri en lapidibus pretiosis, quod Murus esset 144 cubitorum, quæ mensura hominis, hoc est, angeli, quod ipsa urbs esset longitudo, latitudine & altitudine 12000 stadiorum, & plura. Qui autem ex Scientia correspondentiarum sensum Spirituales novit, is intelligit illa, ut quod Murus & fundamenta ejus significant Doctrinam ex sensu literalis Verbi, & quod numeri 12. 144. 12000 similia significant, nempe omnia vera & bona Ecclesiæ in uno complexu.*

11. In Apocalypsi Cap. VII, dicitur, „ *Quod 144000 ob signati essent, 1200 ex unaquavis Tribu Israelis, totidem ex Tribu Jehudæ, ex Tribu Rubenis, Gadis, Ascheris, Naphtali, Menassis, Simconis, Levi, Jisafcharis, Zebulonis, Josephi & Benjaminis. Sensus Spiritualis horum est, quod omnes, apud quos Ecclesia a Domino est, salventur: in Spirituali enim sensu per signari in frontibus seu ob signari, significatur agnoscî a Domino & salvari; per duodecim Tribus Israe-*

lis

lis, significantur omnes ab illa Ecclesia; per 12. 1200. & 144000 omnes, per Israelem Ecclesia, & per unamquamvis Tribum aliquod specificum Ecclesiæ: qui hoc illorum verborum Spirituale non scit, opinari potest quod solum tot falsandi sint, & illi modo a Gente Israelitica & Judaica.

12. In Apocalypsi Cap. VI dicitur, *Quod, cum Agnus aperuit Primum sigillum Libri, exiret Equus albus, & quod sedens super illo haberet arcum, cui data est corona: quod, cum aperuit Secundum Sigillum, exiret Equus rufus, & quod sedenti super illo data esset machæra magna: quod, cum aperuit Tertium sigillum, exiret Equus niger, & quod sedens super illo in manu teneret stateram: & quod, cum aperuit Quartum sigillum, exiret Equus pallidus, & quod Nomen sedentis super illo esset Mors.* Quid hæc significant, solum per sensum Spiritualem potest evolvi, & plene evolvitur, dum scitur quid significat aperitio sigillorum, quid equus, & quid reliqua: per illa describuntur successivi status Ecclesiæ quoad intellectum Verbi, a principio ad finem ejus; per aperitionem sigillorum Libri ab Agno, significatur manifestatio illorum statuum Ecclesiæ a Domino; per Equum intellectus Verbi; per Equum album intellectus veri ex Verbo in primo Ecclesiæ statu; per arcum sedentis super illo equo, Doctrina charitatis & fidei pugnans contra falsa; per coronam vita æterna victoriæ præmium: per Equum rufum, significatur intellectus Verbi deperditus quoad bonum in secundo Ecclesiæ statu, per machæram magnam, falsum pugnans contra verum: per Equum nigrum significatur intellectus Verbi deperditus quoad verum in tertio Ecclesiæ statu; per stateram æstimatio veri tam parva ut vix aliqua: per Equum pallidum significatur intellectus Verbi nullus ex malis vitæ & inde falsis in quarto seu ultimo Ecclesiæ statu, & per mortem damnatio æterna. Quod talia in sensu Spirituali per illa significantur, non apparet in sensu literæ seu naturali; quare nisi sensus Spiritualis semel aperiretur, Verbum quoad hoc & quoad reliqua in Apocalypsi, foret clausum, adeo ut tandem nullus sciret, in quo Sanctum Divinum ibi lateret. Pariter quid significatur per quatuor Equos & per quatuor Currus exeuntes abinter duos montes æris, apud Sachariam Cap. VI. 1 ad 8.

13. In Apocalypsi Cap. IX. legitur, *Quintus Angelus clauxit, & vidi stellam e Cælo delapsam in terram, & data ei clavis putei abyssi; & aperuit puteum abyssi, & ascendit fumus ex puteo sicut fumus fornacis magnæ; & obscuratus est sol & aer ex fumo putei; & e fumo exiverunt Locustæ in terram, & data est illis potestas, sicut habent potestatem scorpii terræ: figuræ locustarum similes equis paratis ad bellum; & super capitibus illarum sicut coronæ similes auro, & facies illarum sicut facies hominum; & habebant capillos sicut capillos mulierum, & dentes earum sicut leonum erant; & habebant thoraces ferreos; & vox illarum sicut vox curruum multorum currentium in bellum: & habebant caudas similes scorpiis, & aculei erant in caudis illarum; & potestas illarum lædere homines mensibus quinque; & habebant super se regem, angelum abyssi, nomen ei Hebraice Abaddon, in Græca nomen habet Apollyon.* Hæc nec ullus intellecturus esset, nisi ei revelatus esset sensus Spiritualis, nam nihil ibi inaniter dictum est, omnia quoad singula significant: agitur ibi de statu Ecclesiæ, quando omnes cognitiones veri ex Verbo deperditæ sunt, & inde homo sensualis factus persuadet sibi quod falsitates sint veritates. Per stellam e cælo delapsam significantur cognitiones veri deperditæ; per solem & aerem ob-

obscuratum significatur lux veri caligo facta; per locustas, quæ e fumo putei illius exiverunt, significantur falsa in extremis, qualia sunt illis qui sensuales facti sunt, & omnia vident & judicant ex fallaciis; per scorpionem significatur perisusivum eorum; quod locustæ apparuerint sicut equi parati ad bellum, significat ratiocinationes illorum sicut ex intellectu veri; quod locustis coronæ similes auro super capite fuerint, & quod facies illarum sicut facies hominum, significat quod apparerent sibi sicut victores & sapientes; quod illis capilli sicut capilli mulierum, significat quod apparerent sibi sicut in affectione veri essent; quod illis dentes sicut leonum, significat quod sensuality, quæ sunt ultima naturalis hominis, apparerent illis sicut in potentia super omnia: quod illis thoraces sicut thoraces ferrei, significat argumentationes ex fallaciis per quas pugnant & valent: quod illis vox alarum sicut vox curruum currentium in bellum, significat ratiocinationes sicut a veris doctrinæ ex Verbo, pro quibus pugnandum; quod illis caudæ sicut scorpiis, significat persuasiones; quod illis aculei in caudis, significat astutias fallendi per illas: quod illis potestas lædendi homines mensibus quinque, significat quod in aliquem stuporem inducant illos qui in intellectu veri & in perceptione boni sunt: quod haberent super se regem, angelum abyssi, cui nomen Abaddon aut Apollyon, significat quod falsa illorum essent ab inferno, ubi mere naturales, & in propria intelligentia. Hic illorum verborum sensus spiritualis est, ex quo non aliquid apparet in sensu literæ. Simile est ubivis in Apocalypsi. Sciendum est, quod in sensu spirituali omnia cohæreant in continuo nexu, ad quem concinnandum unaquævis vox in sensu literæ seu naturali conducit; quare si vocula auferretur, nexus rumperetur & copula periret; ideo, ne id fieret, in fine hujus Libri Prophetici adjectum est, *Quod non auferretur verbum*, Apoc. XXII. 19. Simile est cum Libris Prophetarum Veteris Testamenti, e quibus ne aliquid auferretur, ex Divina Providentia Domini factum est, ut singula in illis usque ad literas numerata essent, hoc a Masoretis.

14. Ubi Dominus de Consummatione sæculi, quæ est ultimum tempus Ecclesiæ coram Discipulis suis loquitur, ad finem Prædictionum de successivis statibus multationibus ejus, dicit, *Statim post afflictionem dierum illorum Sol obscurabitur, & Luna non dabit lumen suum, & Stellæ cadent de Cælo, & potentiæ cælorum commovebuntur. Et tunc apparebit signum Filii hominis in Cælo, & tunc plangent omnes tribus terræ; & videbunt Filium hominis venientem in nubibus Cæli cum potentia & gloria multa. Et emittet Angelos cum tuba & voce magna, & congregabunt electos Ipsius a quatuor ventis, ab extremo cælorum usque ad extremum illorum*, Matth. XXIV. 29. 30. 31. Per hæc in sensu spirituali non intelligitur, quod Sol & Luna obscurarentur, quod Stellæ caderent de cælo, quodque apparituum esset signum Domini in cælo, & quod visuri Ipsum in nubibus, & simul Angelos cum tubis; sed per singula verba ibi intelliguntur spiritualia, quæ Ecclesiæ sunt, de cujus statu in fine, illa dicta sunt: in sensu enim spirituali per Solem qui obscurabitur, intelligitur Dominus quoad amorem; per Lunam quæ non dabit lumen suum, Dominus quoad fidem; per Stellæ quæ cadent de cælo, cognitiones boni & veri quæ perituræ; per signum Filii hominis in cælo,

apparitio Divini Veri; per tribus terræ quæ plangent, defectus omnis veri quod fidei & boni quod amoris; per adventum Filii hominis in nubibus cæli cum potentia & gloria, præsentia Domini in Verbo & revelatio; per nubes significatur Verbi sensus literæ, & per gloriam Verbi sensus spiritualis; per Angelos cum tuba & voce magna, significatur cælum unde Divinum Verum; per congregare electos a quatuor ventis ab extremo cælorum ad extremum illorum, significatur novum Ecclesiæ quoad amorem & fidem. Quod non intelligatur obscuratio Solis & Lunæ, ac delapsus stellarum in terram, constat manifeste ex Prophetis, apud quos similia dicuntur de Ecclesiæ statu, quando Dominus in Mundum venturus est, ut apud Esajam, „ *Ecce dies Jehovæ venit sævus & ex-candescentiæ iræ; Stellæ cælorum, & sidera illorum non lucebunt luce sua, obtenebrabitur Sol in ortu suo, & Luna non splendere faciet lumen suum: visitabo super orbem malitiam,* „ XXIV. 21. 23. Apud Joelem, „ *Venit dies. Jehovæ, dies tenebrarum & caliginis; Sol & Luna atrati erunt; & Stellæ contrahent splendorem suum,* „ III. 4. Cap. IV. 15. Apud Ezechielem, „ *Obtegam Cælos, & atrabo Stellas, Solem nube obtegam, & Luna non lucere faciet lumen suum: omnia Luminaria lucis obtenebrabo, & dabo tenebras super terra,* „ XXII. 7. 8: per diem Jehovæ intelligitur adventus Domini, qui fuit, quando non amplius erat aliquod bonum & verum in Ecclesia residuum, & non aliqua cognitio Domini.

15. Ut videatur quod Prophetica Verbi Veteris Testamenti in multis locis absque sensu Spirituali non intelligentur, velim solum aliqua adducere, ut hoc apud Esajam, „ *Tunc excitabit Jehovah contra Aschurem flagellum, juxta plagam Midianis in petra Oreb, & baculus ejus super mari, quem tollet in via Egypti. Et fiet in die recedet onus ejus desuper humero tuo, & jugum desuper collo tuo; veniet contra Ajath, transibit in Migronem, contra Mischmath mandabit armis suis, transibunt Mebaram, Gihea diversorium nobis, trepidabit Ramah, Gihea Schaulis fugiet: ejula voce tua filia Gallim, ausculta Lajish, misera Anatoth; vagabitur Madmena; habitatores Gebim congregabunt se: adhuc ne dies in Nob ad consistendum; movebit manum suam mons filiæ Zionis, collis Hierosolymæ. Jehovah excidet implexa sylvæ ferro, & Libanus per Magnificum cadet,* „ X. 24 ad 34. hic sola Nomina occurrunt, ex quibus nihil potest hauriri nisi ope Sensus spiritualis, in quo omnia Nomina in Verbo significant res Cæli & Ecclesiæ: ex illo Sensu colligitur, quod per illa significetur, quod tota Ecclesia per Scientifica pervertentia omne verum & confirmantia falsum, devastata sit. Alibi apud Eundem Prophetam, „ *In die illo recedet æmulatio Ephraimi, & hostes Jehudæ exscindentur; Ephraim non æmuletur cum Jehudah, & Jehudah non angustabit Ephraimum, sed involabunt in humerum Philisthæorum versus mare, una deprædabuntur filios Orientis; Edomus & Moabus emissio manus eorum: contra devovebit Jehovah linguam maris Egypti, & agitabit manum suam super fluvium cum vehementia spiritus sui, & percutiet eum in septem rivos, ut viam faciat cum calceis: tunc erit semita reliquiis populi ejus, quæ residuæ erunt ab Aschure,* „ XII. 13 ad 16; hic quoque nemo, nisi qui scit quid per singula nomina ibi significatur, visurus est aliquod Divinum, cum tamen agitur ibi de Adventu Domini, & quid tunc fiet, ut manifeste patet a Vers. 1 ad 10 ibi: quis itaque absque ope sensus spiritualis visurus est, quod a

per

per illa in suo ordine significetur hoc, quod illi qui in falsis ex ignorantia sunt, & se non a malis seduci passi sunt, ad Dominum accessuri sint, & quod Ecclesia tunc intellectura sit Verbum, & quod falsa tunc illis non amplius nocitura sint. Similiter ubi non sunt nomina, ut apud Ezechielem, *Sic dixit Dominus Jehovih, Fili hominis, dic avi omnis aë, & omni feræ agri, congregamini & venite, congregate vos a circuitu ad Sacrificium meum, quod sacrifico vobis, sacrificium magnum super montibus Israelis: ut comedatis carnem, & bibatis sanguinem, carnem fortium comedetis, & sanguinem principum terræ bibetis; comedetis adipem ad satietatem, & bibetis sanguinem usque ad ebrietatem, de sacrificio meo quod sacrifico vobis. Satiabimini super mensa mea, equo & curru, & forti, & omni viro belli: sic dabo gloriam meam inter gentes*, XXXIX: 17 ad 21; qui non ex Sensu spirituali scit, quid significat sacrificium, quid caro & sanguis, quidque equus, currus, fortis & vir belli, non sciturus est aliud, quam quod comesturi & bibituri sint talia; sed Sensus spiritualis docet, quod per comedere carnem & bibere sanguinem de sacrificio quod Dominus Jehovih super montibus Israelis dabit, significetur appropriare sibi Divinum bonum & Divinum verum ex Verbo; agitur enim ibi de convocatione omnium ad Regnum Domini, & in specie de institutione Ecclesiæ apud gentes a Domino: quis non videre potest, quod non caro per carnem, nec sanguis per sanguinem ibi intelligatur, ut quod sanguinem biberent usque ad ebrietatem, & quod satiarerentur equo, curru, forti & omni viro belli. Similiter in mille aliis locis apud Prophetas.

16. Absque Sensu Spiritualis non aliquis sciret, quare mandatum est Jeremiæ Prophetæ, ut emeret sibi cingulum, & poneret super lumbis, non traduceret illud per aquas, & absconderet in foramine petreæ juxta Euphratem, Jerem. XIII 1 ad 7. Quod mandatum sit Esajæ Prophetæ, quod dissolveret saccum desuper lumbis, & calceum exueret desuper pede suo, ac iret nudus & discalceatus tres annos, Esaj. XX. 2. 3. Quod mandatum sit Ezechieli Prophetæ, quod novaculam traduceret super caput suum & super barbam suam, & postea divideret illa, tertiam partem combureret in medio urbis, tertiam percuteret gladio, tertiam dispergeret in ventum, & parum ex illis alligaret in alis, tandem projiceret in medium ignis, Ezech. V: 1 ad 4. Quod eidem Prophetæ mandatum sit, quod cubaret super latere suo dextro & sinistro 390 & 40 dies, & faceret sibi placentam ex triticis, hordeis, miliis & zeis cum excrementis bovis, & comederet illam; ac interea poneret vallum & aggerem contra Hierosolymam, & obsideret illam, Ezech. IV: 1 ad 15. Quod Hofscheæ Prophetæ bis mandatum sit ut acciperet sibi meretricem in uxorem, Hosch. I: 2 ad 9. Cap. III: 2. 3; & plura similia. Præterea quis absque Sensu spirituali sciret quid significatur per omnia Tabernaculi, ut per Arcam, Propitiatorium, Cherubos, Candelabrum, Altare suffitus, Panes facierum super mensa, perque vela & aulæ ejus. Quis absque Sensu Spiritualis sciret, quid significatur per Vestes sanctitatis Aharonis, ejus Tunicam, Pallium, Ephodum, Urim & Thumim, Cidarim, & plura ejus. Quis absque Sensu Spiritualis sciret quid significatur per omnia illa, quæ mandata sunt de Holocaustis, Sacrificiis, Minchis & Libaminibus: tum de Sabbathis & Festis: veritas est, quod non mini-

num de illis fuerit mandatum, quod non aliquid Domini, Cæli & Ecclesiæ significaverit. En his paucis evidenter videri potest, quod Sensus Spiritualis sit in omnibus & singulis Verbi.

17. Quod Dominus cum in mundo fuit, loquutus sit per correspondentias, ita spiritualiter cum naturaliter, constare potest ex Parabolis Ipsius, in quarum singulis vocibus inest Sensus Spiritualis: exemplo sit Parabola de decem Virginitibus: Dixit, *Simile est Regnum Cælorum decem Virginibus, quæ accipientes lampadas suas exiverunt in occursum Sponsi: quinque ex illis erant prudentes, quinque vero stultæ: quæ erant stultæ, accipientes lampadas suas non acceperunt oleum, prudentes vero acceperunt oleum in lampadibus suis. Tardante vero Sponsus dormitarunt omnes & obdormierunt: media autem nocte clamor factus est, ecce Sponsus venit, exite in occursum ejus: tunc expergefacte omnes Virgines istæ, & adornarunt lampadas suas: verum stultæ prudentibus dixerunt, date nobis de oleo vestro, quia lampades nostræ exstinguuntur; verum responderunt prudentes, dicentes, ne forte non sufficiat nobis & vobis; abite potius ad vendentes, & emite vobis ipsi. At abeuntibus illis ad emendum, venit Sponsus, & paratæ ingressæ sunt cum Ipso ad nuptias, & ostium clausum est. Et tandem veniunt etiam reliquæ Virgines, dicentes, Domine, Domine, aperi nobis; Ille vero respondens dixit, Amen dico vobis, non novi vos.* Matth. XXV: 1 ad 12. Quod in singulis his sit Sensus Spiritualis, & inde Sanctum Divinum, non videt nisi qui scit, quod Sensus Spiritualis sit, & qualis ille: in Sensu Spiritualis per Regnum Dei, intelligitur Cælum & Ecclesia, per Sponsum Dominus, per Nuptias conjugium Domini cum Cælo & Ecclesia per bonum amoris & fidei; per Virgines significantur illi qui ab Ecclesia sunt, per decem omnes, per quinque aliquæ, per lampades vera fidei, per oleum bonum amoris, per dormire & expergisci vita hominis in mundo quæ naturalis & vita ejus post mortem quæ spiritualis; per emere, comparare sibi; per ire ad vendentes & emere oleum, comparare sibi bonum amoris ab aliis post mortem; & quia tunc non amplius comparatur, ideo tamen cum lampadibus & empto oleo ad ostium, ubi nuptiæ erant, venerunt, usque illis dictum est a Sponso, non novi vos: causa est, quia homo post vitam in mundo manet qualis in mundo vixerat. Ex his patet, quod Dominus per meras correspondentias loquutus sit, & hoc quia ex Divino, quod in Ipso & Ipsius erat. Quod Sponsus significet Dominum & Regnum cælorum Ecclesiam, & quod Nuptiæ significant conjugium Domini cum Ecclesia per bonum amoris & fidei, Virgines illos qui ab Ecclesia, Decem omnes, Quinque aliquos, Dormire statum naturalem, Emere comparare sibi, Ostium ingressum ad Cælum, ac non nosse, cum a Domino, non esse in amore Ipsius, constare potest a multis locis in Verbo Prophetico, ubi illa significant similia. Quia Virgines significant illos qui ab Ecclesia sunt, ideo toties in Verbo Prophetico dicitur Virgo & Filia Zionis, Hierosolymæ, Israelis; & quia Oleum significat bonum amoris, ideo omnia Sancta Ecclesiæ Israeliticæ oleo ungebantur. Simile est in reliquis Parabolis, & in omnibus verbis quæ Dominus loquutus est, & apud Evangelistas scripta sunt; inde est quod Dominus dicat quod Verba Ipsius Spiritus & Vita sint, Joh. VI. 63. Simile est cum omnibus Domini Miraculis, quæ Divina erant, quia varios status, apud quos

Ecclesia a Domino instauranda erat, significaverunt; ut quod Cæci receperint visum, significavit quod illi intelligentiam, qui in ignorantia veri fuerunt, acciperent; quod surdi receperint auditum, significavit quod illi auscultarent & obedirent, qui nihil prius de Domino & de Verbo audiverunt; quod mortui resuscitati sint, significavit quod vivi fierent qui alioquin spiritualiter perirent, & sic porro: hoc intelligitur per Domini responsum ad discipulos Johannis, interrogantis num Ille esset qui venturus,, *Annuntiate Johanni, quæ auditis & videtis, Cæci vident, & Claudii ambulant, Leprosi mundantur, & Surdi audiunt, Mortui resurgunt, & Pauperes audiunt Evangelium*,, Matth. XI. 3. 4. 5. Præterea omnia Miracula in Verbo memorata, in se continent talia, quæ Domini, Cæli & Ecclesiæ sunt, per id sunt illa Miracula Divina, & distinguuntur a Miraculis non Divinis. Hæc pauca sint illustrationi, quid Sensus Spiritualis, & quod ille sit in omnibus & singulis Verbi.

18. III. *Quod ex Sensu Spirituali sit, quod Verbum sit Divinitus inspiratum, & in omni voce Sanctum.* Dicitur in Ecclesia quod Verbum sit Sanctum, at hoc quia Jehovah Deus illud loquutus est; sed quia Sanctum ejus ex sola litera non apparet, ideo qui propterea de Sanctitate ejus semel dubitat, deinde ille cum legit Verbum, se per multa ibi se confirmat; cogitat enim tunc, num hoc Sanctum, num hoc Divinum: ne itaque talis cogitatio apud multos influat & postea invaleseat, & per id conjunctio Domini cum Ecclesia, in qua est Verbum, pereat, placuit Domino nunc Sensum Spiritualem revelare, ut sciatur ubinam illud Sanctum in Verbo latet. Sed exempla hoc quoque illustrent: in Verbo nunc agitur de Ægypto, nunc de Aschure, nunc de Edomo, de Moabo, de filiis Ammonis, de Tyro & Zidone, de Gogo; qui non scit, quod per Nomina illorum significantur res Cæli & Ecclesiæ, in errorem abduci potest, quod Verbum multum de gentibus & populis agat, & modo parum de Cælo & Ecclesia, ita multum de terrestribus & parum de cælestibus: sed cum ille scit, quid per illos seu per nomina illorum significatur, ab errore in veritatem potest venire: similiter dum in Verbo videt, quod ibi toties nominentur Horti, Luci, Sylvæ, tum Arbores illorum, ut Olea, Vitis, Cedrus, Populus, Quercus; ut & quod toties Agnus, Ovis, Hircus, Vitulus, Bos; & quoque Montes, Colles, Valles, & ibi Fontes, Fluvii, Aquæ, & plura similia; ille, qui nihil scit de Sensu Spirituali Verbi, non potest aliter credere, quam quod solum illa sint quæ intelliguntur; non scit enim quod per hortum, lucum & sylvam intelligantur sapientia, intelligentia & scientia; quod per oleam, vitem, cedrum, populum & quercum intelligantur Ecclesiæ bonum & verum cæleste, spirituale, rationale, naturale & sensuale; quod per agnum, ovem, hircum, vitulum, bovem, intelligantur innocentia, charitas, & affectio naturalis; quod per montes, colles & valles intelligantur superiora, inferiora & infima Ecclesiæ; tum quod per Ægyptum significetur scientia, per Aschurem ratio, per Edomum naturale, per Moabum adulteratio boni, per filios Ammonis adulteratio veri, per Tyrum & Zidonem cognitiones veri & boni, per Gogum cultus externus absque interno; cum autem hæc scit, tunc potest cogitare, quod Verbum non agat nisi quam de Cælestibus, & quod terrestria illa modo

sint subjecta, in quibus illa sunt. Sed exemplum ex Verbo hoc etiam illustret; legitur apud Davidem, „*Vox Jehovah super aquis, Deus gloriæ tonare facit, Jehovah super aquis magnis: vox Jehovah frangens cedros, confringit Jehovah cedros Libani, & saltare facit eos sicut vitulum, Libanum & Schirjonem sicut filium monocerotum; vox Jehovah incidens ut flamma ignis: vox Jehovah trepidare facit desertum, trepidare facit desertum Kadesb. Vox Jehovah parturire facit cervas, & denudat sylvas; sed in Templo Ipsius quivis dicit gloriam*„ Psalm. XXIX. 3 ad 9: qui non scit, quod singula ibi quoad unamquamvis vocem Sancta Divina sint, ille potest, si mere naturalis est, secum dicere, quid hoc, quod Jehovah sedeat super aquis, quod per vocem suam frangat cedros, saltare faciat illos sicut vitulum, & Libanum sicut filium monocerotum, quod parturire faciat cervas, & plura; nescit enim, quod potentia Divini Veri seu Verbi per illa in Sensu Spirituali descripta sit; nam in illo Sensu, per vocem Jehovah, quæ ibi est tonitru, intelligitur Divinum Verum seu Verbum in sua potentia; per aquas magnas, super quibus Jehovah sedet, intelliguntur vera ejus; per cedros & per Libanum, quos frangit & confringit, intelliguntur falsa rationalis hominis, per vitulum & filium monocerotum, falsa naturalis & sensualis hominis; per flammam ignis, affectio falsi; per desertum & desertum Kadesb, Ecclesia ubi non aliquid verum & bonum; per cervas, quas vox Jehovah parturire facit, intelliguntur gentes quæ in bono naturali sunt: & per sylvas quas denudat, intelliguntur scientiæ & cognitiones, quas Verbum illis aperit; quare sequitur, in Templo Ipsius quivis dicit gloriam, per quod intelligitur, quod in singulis Verbi sint Divina vera, Templum enim significat Dominum; & inde Verbum, tum Cælum & Ecclesiam, & gloria significat Divinum Verum. Ex his patet, quod nulla vox ibi sit, quæ non Divinam potentiam Verbi contra falsa omnis generis apud naturales homines, ac Divinam potentiam reformandi gentes, describit.

19. Est Sensus adhuc interior in Verbo, qui CÆLESTIS vocatur, de quo aliquid supra n. 6, dictum est; sed hic Sensus ægre potest enodari, non enim ita cadit in cogitationem intellectus, sicut in affectionem voluntatis. Quod interior adhuc Sensus, quæ Cælestis vocatur, insit Verbo, est quia a Domino procedit Divinum Bonum, & Divinum Verum; Divinum Bonum ex Divino Amore Ipsius; & Divinum Verum ex Divina sapientia Ipsius; utrumque est in Verbo, nam Verbum est Divinum Procedens: & quia utrumque est, ideo Verbum vivificat illos, qui id sancte legunt: sed de hac re dicetur in Articulo, ubi demonstrabitur, quod in singulis Verbi sit conjugium Domini & Ecclesiæ, & inde conjugium boni & veri.

20. IV. Quod Sensus Spiritualis Verbi hætenus ignotus fuerit. Quod omnia & singula quæ in natura sunt, correspondeant Spiritualibus, similiter omnia & singula, quæ in corpore humano, ostensum est in Opere de CÆLO ET INFERNŌ n. 87 ad 105; sed quid Correspondentia, hætenus nescitum est; verum in Antiquissimis temporibus, notissima fuit; illis enim, qui tunc vixerunt, fuit Scientia correspondentiarum Scientia scientiarum, & tam universalis, ut omnes illorum Codices & Libri per Correspondentias scripti sint: Liber Hiobi, qui est Liber antiquus, correspondentiis plenus est. Hieroglyphica Ægyptiorum,

rum, & quoque Fabulosa Vetustissimorum non alia fuerunt, Omnes Ecclesiæ Antiquæ fuerunt Ecclesiæ Repræsentativæ Cælestium, Ritus illarum, & quoque Statuta, secundum quæ institutus fuit Cultus illarum, constabant ex meris Correspondentiis; similiter omnia Ecclesiæ apud filios Jacobi; Holocausta & Sacrificia cum singulis illorum, Correspondentiæ fuerunt; similiter Tabernaculum cum omnibus inibi; tum etiam Festa illorum, ut Festum azymorum, Festum tabernaculorum, & Festum primitiarum: etiam Sacerdotium Aharonis & Levitarum, ut & Vestes Sanctitatis Aharonis & filiorum ejus; & præterea omnia Statuta & Judicia, quæ cultum & vitam illorum concernebant: & quia Divina in mundo se sistunt per Correspondentias, ideo Verbum per meras correspondentias scriptum est; quare Dominus, quia loquutus est ex Divino suo, loquutus est per correspondentias, nam quod a Divino est, hoc in natura cadit in talia, quæ Divinis correspondent, & quæ tunc Divina, quæ vocantur Cælestia & Spiritualia, in sinu suo recondunt.

21. Instructus sum, quod homines Antiquissimæ Ecclesiæ, quæ fuit ante Diluvium, tam cælesti genio fuerint, ut loquuti sint cum Angelis cæli, & quod loqui potuerint cum illis per correspondentias; inde status Sapientiæ illorum factus est talis, ut quicquid viderent in tellure, non modo cogitarent de illo naturaliter, sed etiam simul spiritualiter, ita quoque conjunctim cum Angelis. Insuper instructus sum, quod Chanoch, de quo memoratur in Genesi Cap. V. 21 ad 24, cum consociis suis, ex ore illorum collegerit correspondentias, ac scientiam illarum propagaverit ad posteros; ex quo factum est, quod Scientia correspondentiarum in multis Regnis Asiæ non modo nota fuerit, sed etiam exculta, imprimis in Terra Canaane, Ægypto, Assyria, Chaldæa, Syria, Arabia, in Tyro, Zidone, Ninive; & quod inde e locis maritimis translata sit in Græciam, sed ibi versa in Fabulosa, ut constare potest ex Vetustissimorum scriptis ibi.

22. Sed cum Repræsentativa Ecclesiæ, quæ erant Correspondentiæ, temporis tractu versa sunt in Idololatriam, & quoque in Magicam, tunc illa Scientia ex Divina Domini Providentiæ successive oblitterata est, & apud Gentem Israeliticam & Judaicam prorsus deperdita & extincta. Cultus quidem hujus Gentis constabat ex meris Correspondentiis, & inde erat ille repræsentativus Cælestium, sed usque illi nesciebant quid aliquid significabat; erant enim prorsus naturales homines, & inde non scire volebant nec poterant aliquid de Spiritualibus, proinde nec aliquid de Correspondentiis.

23. Quod Idololatriæ Gentium antiquis temporibus ex scientia correspondentiarum traxerint originem, erat ex causa, quia omnia quæ apparent super tellure, correspondent, ita non modo arbores, sed etiam pecudes & aves omnis generis, tum pisces & reliqua; Antiqui, qui in Scientia correspondentiarum fuerunt, fecerunt sibi imagines, quæ cælestibus correspondebant, & illis delectabantur quia significabant talia quæ Cæli & inde Ecclesiæ erant, & ideo illa non modo in suis Templis, sed etiam in suis domibus posuerunt, non adorationis causa sed recordationis rei cælestis, quam significabant; inde in Ægypto & alibi fuerunt in imagine vituli, boves, serpentes; tum pueri, senes, vir-

virgines, quia vituli & boves significabant affectiones & vires naturalis hominis, serpentes prudentiam sensualis hominis, pueri innocentiam & charitatem, senes sapientiam, & virgines affectiones veri, & sic porro. Posterius, quando Scientia correspondentiarum oblitterata est, cæperunt imagines & simulachra ab Antiquis posita, quia in Templis, & juxta illa, colere ut Sancta, & tandem ut Numina. Similiter apud alias gentes, sicut apud Philisthæos in Aethiodo Dagon, de quo I Sam. V. 1 ad fin: qui superius fuit sicut homo, inferius sicut piscis, quæ imago inventa fuit, quia homo significat intelligentiam, & piscis scientiam, quæ unum faciunt. Inde erat quoque Antiquis cultus in hortis & in lucis secundum arborum species, tum etiam super montibus & collibus; horti enim & luci significabant sapientiam & intelligentiam, & unaquævis arbor aliquid illarum, sicut olea bonum amoris, vitis verum ex illo bono, cedrus bonum & verum rationale, & mons significabat cælum supremum, & collis cælum sub illo. Quod Scientia correspondentiarum permanferit apud plures Orientales usque ad adventum Domini, constare potest ex Sapientibus ab oriente, qui venerunt ad Dominum cum natus est, quare illis prævit stella, & illi secum tulerunt dona, Aurum, Thus & Myrrham, Matth. II. 1. 2. 9. 10. 11, Stella enim, quæ prævit, significabat cognitionem e Cælo, aurum significabat bonum cæleste, thus bonum spirituale, & myrrha bonum naturale, ex quibus tribus est omnis cultus. Sed usque Scientia correspondentiarum profus nulla fuit apud gentem Israeliticam & Judaicam, tametsi omnia cultus illorum, & omnia judicia & statuta illis per Moysen data, & omnia Verbi erant meræ correspondentiæ: causa erat, quia illi corde idololatæ erant, & tales ut ne quidem scire vellent, quod aliquid cultus illorum significaret Cæleste & Spirituale; volebant enim ut illa omnia Sancta essent ex se & cum illis; quare si illis cælestia & spiritualia detecta fuissent, non modo rejecissent illa, sed etiam prophanavissent; quapropter Cælum illis ita clausum fuit, ut vix scirent quod vita æterna daretur; quod ita sit, manifeste patet ex eo, quod non agnoscerent Dominum, tametsi universa Scriptura sacra de Ipso prophetavit, & Ipsum prædixit, rejecerunt Ipsum propter illam solam causam, quia illos de Regno cælesti, & non de Regno terrestri docuit; voluerunt enim Messiam, qui illos super omnes gentes in universo mundo exaltaret, & non aliquem Messiam, qui saluti eorum æternæ consuleret. Præterea affirmant, quod Verbum in se contineat multa arcana, quæ mystica vocantur, sed non scire volunt quod illa sint de Domino; at scire volunt, cum dicitur quod illa sint de auro.

24. Quod Scientia correspondentiarum, per quam datur Sensus spiritualis Verbi, post ea tempora non detecta fuerit, fuit causa, quia Christiani in primitiva Ecclesia perquam simplices fuerunt, ut coram illis non detegi potuerit, nam si detecta, illis nullius usus fuisset, nec intelligeretur. Post illorum tempora. obortæ sunt tenebræ super universum Christianum orbem ex Dominio papali, & qui ex illo sunt, & in falsis ejus se confirmaverunt, non possunt nec volunt capere aliquod spirituale, ita quid correspondentia naturalium cum spiritualibus in Verbo, sic enim convincerentur, quod Petrus non intelligatur per Petrum, sed Dominus ut Petra; & quoque convincerentur, quod Verbum usque

que ad intima sua Divinum esset, & quod Dictamen Papæ sit nullius rei respective. Post Reformationem autem, quia distinguere cæperunt inter fidem & charitatem, ac colere Deum sub tribus Personis, ita tres Deos, quos cogitarent unum, tunc veritates cælestes illis abscondebantur, ac si detectæ fuissent, illas falsificavissent, & illas deduxissent ad solam fidem, & nullam illarum ad charitatem & amorem; sic etiam occlusissent sibi cælum.

25. Quod Sensus Spiritualis Verbi hodie a Domino detectus sit, est quia Doctrina genuini veri nunc revelata est: & hæc Doctrina cum Sensu spirituali Verbi concordat, & non alia. Ille Sensus etiam significatur per apparitionem Domini in nubibus Cæli cum gloria & virtute, Matth. XXIV. 30. 31, in quo Capite agitur de consummatione sæculi, per quam intelligitur ultimum tempus Ecclesiæ. Aperitio Verbi quoad Sensem ejus spirituales etiam promissa est in Apocalypsi, ille ibi intelligitur per Equum album, & per Cænam magnam, ad quam omnes invitantur, Cap. XIX. 11 ad 18. Quod sensus spiritualis diu non agnosceretur, quod solum sit ab illis qui in falsis doctrinæ sunt, imprimis de Domino, & ideo non admittunt vera, intelligitur in Apocalypsi per Bestiam & per Reges terræ, qui facturi bellum cum Sedente super Equo albo, Cap. XIX. vers. 19; per Bestiam intelliguntur Pontificii, ut Cap. XVII. 3 ibi, & per Reges terræ intelliguntur Reformati, qui in falsis doctrinæ sunt.

26. V. *Quod sensus spiritualis Verbi non alicui posthac detur, nisi qui in genuinis veris a Domino est.* Causa hæc est, quia nemo potest sensum spirituales Verbi agit de solo Domino & de Ipsius Regno, & ille Sensus est in quo sunt Angeli Ipsius in Cælo, est enim Divinum Ipsius Verum ibi, hoc homo violare potest, si in scientia correspondentiarum est, & per illam vult sensum spirituales Verbi ex propria intelligentia explorare, nam ex aliquibus correspondentiis sibi notis potest sensum ejus pervertere, & illum ad confirmandum etiam falsum trahere, & hoc foret violare Divinum Verum, & quoque Cælum; quare si quis a se & non a Domino sensum illum aperire vult, clauditur Cælum, quo clauso, homo aut nihil videt, aut spiritualiter insanit. Causa etiam est, quia Dominus per Verbum unumquemque docet, & docet ex illis veris quæ apud hominem sunt, & non immediate nova infundit, quare nisi homo in Divinis veris sit, aut si modo in paucis veris & simul in falsis, potest ex his falsificare vera; ut quoque sit a quovis hæretico quoad ipsum sensum litteræ Verbi, ut notum est: ne itaque aliquis in sensum spirituales Verbi intret, aut genuinum verum, quod illius sensus est, pervertat, custodiæ a Domino positæ sunt, quæ in Verbo per Cherubos intelliguntur. Quod Custodia sint positæ, hoc mihi ita repræsentatum est: „ Datum est videre magnas crumenas, apparentes sicut sacci, in quibus reconditum fuit argentum multa „ copia, & quia apertæ erant, perceptum est, sicut unusquisque posset argentum ibi repositum depromere, imo diripere: sed juxta crumenas illas fedi- „ bant bini Angeli, qui custodes: locus, ubi repositæ erant, apparebat instar „ præsepis in stabulo: in Camera proxima visæ sunt Virgines modestæ, cum „ Uxore casta; & prope illam Cameram stabant bini Infantes, & dictum est, „

„ quod cum illis non infantiliter sed sapienter ludendum sit: postea apparebat
 „ Scortum; tum Equus jacens mortuus. Quibus visis, instructus sum, quod
 „ per illa repræsentatus sit sensus literæ Verbi, in quo sensus spiritualis: mag-
 „ næ illæ crumenæ argenteo plenæ significabant cognitiones veri in multa copia:
 „ quod apertæ essent, & tamen ab Angelis custoditæ, significabat quod quis-
 „ que posset inde cognitiones veri desumere, sed quod caveatur, ne aliquis
 „ sensum spiritualem, in quo meræ veritates sunt, falsificet: præsepe in stabu-
 „ lo, in quo jacebant crumenæ, significabat instructionem spiritualem pro
 „ intellectu, hoc significat præsepe, quia equus, qui inde edit, intellectum:
 „ Virgines modestæ, quæ in camera proxima visæ sunt, significabant affec-
 „ tiones veri, & uxor casta conjunctionem boni & veri; infantes significabant
 „ innocentiam sapientiæ inibi; erant Angeli e Tertio cælo, qui omnes appa-
 „ rent sicut infantes: Scortum cum equo mortuo, significabat falsificationem
 „ Verbi a multis hodie, per quam omnis intellectus veri perit, scortum signi-
 „ ficat falsificationem, ac equus mortuus intellectum veri nullum.

Quod sensus literæ Verbi sit Basis, Continens & Firmamentum sensus Spiritualis & cælestis ejus.

27. **I**n omni Divino Opere est Primum, Medium & Ultimum, ac Primum
 vadit per Medium ad Ultimum, & sic existit & subsistit, inde Ul-
 timum est BASIS. Tum, Primum est in Medio & per Medium in Ultimo, ita
 Ultimum est CONTINENS: & quia Ultimum est Continens & Basis, est etiam
 FIRMAMENTUM.

28. Ab Erudito comprehenditur, quod illa TRIA nominari possint Finis,
 Causa & Effectus, tum Esse, Fieri & Existere; & quod Finis sit Esse, Causa
 sit Fieri, & Effectus sit Existere; consequenter quod in omni re completa sit
 Trinum, quod vocatur Primum, Medium & Ultimum; tum Finis, Causa &
 Effectus; & quoque Esse, Fieri & Existere. Cum hæc comprehenduntur,
 etiam comprehenditur, quod omne Divinum Opus in Ultimo sit completum
 & perfectum; & quoque quod in Ultimo, quod Trinum est, sit Omne, quia
 in illo Priora simul.

29. Ex eo est, quod per TRIA in Verbo in sensu Spirituali intelligatur com-
 pletum & perfectum, tum omne simul: & quia hæc per illum numerum signi-
 fificantur, ideo toties in Verbo adhibetur, quoties tale designatur, ut in his:
Quod Esajas iret nudus & discalceatus TRES ANNOS, Esaj. XX. 3. *Quod Je-*
hovah TER vocaverit. Samuelem, & Samuel TER cucurrerit ad Eli, & quod Eli
TERTIA VICE intellexerit, 1 Sam. III. 1 ad 8. *Quod Jonathan diceret ad Davi-*
dem, quod occularet se in agro TRIBUS DIEBUS: quod Jonathan postea ad latus lapi-
dis jacularetur TRES SAGITTAS: & quod post illud David se incurvaret TRIBUS VI-
CIBUS coram Jonathane, 1 Sam. XX. 5. 12 ad 41. *Quod Elias se mensus sit su-*
per

per filium viduæ TRIBUS VICIBUS,, 1 Reg. XVII. 21. *Quod Elias jussit, ut funderent aquam super holocaustum* TRIBUS VICIBUS,, 1 Reg. XVIII. 34. *Quod Jesus dixerit, quod Regnum Cælorum sit simile fermento, quod accipiens mulier abscondidit in* TRIBUS SATIS, *donec fermentaretur totum*, Matth. XIII. 33. *Quod Jesus dixerit ad Petrum, quod TER abnegaturus sit Ipsum*, Matth. XXVI. 34. *Quod Dominus TER dixerit Petro, amasne Me*, Joh. XXI. 15. 16. 17. *Quod Jonas fuerit in ventre ceti* TRIBUS DIEBUS & TRIBUS NOCTIBUS,, Jon. II. 1. *Quod Jesus dixerit, quod Templum dissolverent, & Ipse illud per TRES DIES ædificaret*, Matth. XXVI. 31. *Quod Jesus in Gethsemane TRIBUS VICIBUS oraverit*, Matth. XXVI. 39 ad 44. *Quod Jesus TERTIO DIE resurrexerit*, Matth. XXVIII. 1: præter multis aliis in locis, ubi Tria nominantur; & nominantur, ubi agitur de opere finito & perfecto, quia hoc per illum numerum significatur.

30. Hæc præmissa sunt propter sequentia, ut ea intellectualiter comprehendantur; hic nunc ut comprehendatur, quod sensus naturalis Verbi, qui est, Sensus literæ ejus, sit Basis, Continens & Firmamentum Sensus spiritualis & Sensus cælestis ejus.

31. Quod in Verbo tres Sensus sint, Supra n. 6 & 19, dictum est, tum quod Sensus cælestis sit Primus ejus, Sensus Spiritualis Medius ejus, & Sensus naturalis Ultimus ejus: inde Homo rationalis concludere potest, quod Primum Verbi, quod est cæleste, vadat per Medium ejus quod est spirituale, ad Ultimum ejus quod est naturale: & quod sic Ultimum ejus sit Basis: tum quod Primum ejus, quod est cæleste, sit in Medio ejus quod est spirituale, & per hoc in Ultimo ejus quod est naturale, & quod inde Ultimum ejus, quod est naturale, & est Sensus literæ Verbi, sit CONTINENS, & quia est Continens & Basis, quod etiam sit FIRMAMENTUM.

32. Sed quomodo hæc fiunt, non paucis dici potest; sunt etiam Arcana, in quibus sunt Angeli Cæli, quæ in Transactionibus in Præfatione ad DOCTRINAM DE DOMINO memoratis, quæ erunt ex Sapientia Angelica, de DIVINA PROVIDENTIA, OMNIPOTENTIA, OMNIPRÆSENTIA, OMNISCIENTIA, de DIVINO AMORE ET DE DIVINA SAPIENTIA, tum DE VITA, quantum fieri potest, evolvuntur. Satis nunc est, quod ex supradictis possit concludi, quod Verbum, quod est Ipsum Divinum Opus pro Salvatione Humani Generis, quoad sensum ejus ultimum, qui est Naturalis, & vocatur Sensus literæ, sint binorum Sensuum interiorum Basis, Continens & Firmamentum.

33. Ex his sequitur, quod Verbum absque Sensu literæ ejus foret sicut Palatium absque fundamento, ita sicut Palatium in aere & non super terra, quod modo foret umbra ejus, quæ evanesceret. Tum quod Verbum absque sensu literæ ejus foret sicut Templum, in quo plura Sancta sunt, & in medio ejus Adytum, absque Tecto & Pariete, quæ sunt Continentia ejus; quæ si abessent vel si auferrentur, Sancta ejus a furibus diriperentur; aut a bestiis terræ & a volucribus cæli, violarentur, & sic dissiparentur. Similiter foret sicut Tabernaculum, in cujus intimo fuit Arca fæderis, ac in medio ejus Candelabrum aureum, Altare aureum super quo suffimenta, tum Mensa super qua panes facierum, quæ erant Sancta ejus, absque ultimis suis, quæ erant Aulæa & Vela.

Imo foret Verbum absque sensu literæ ejus, sicut Corpus humanum, absque Integumentis quæ vocantur Cutes, & absque Sustentaculis quæ vocantur Ossa, absque his & illis diffuerent omnia Interiora ejus. Ac foret sicut Cor & Pulmo in Thorace, absque integumento suo, quod vocatur Plevra, & sustentaculis suis quæ vocantur Costæ. Aut sicut Cerebrum absque integumento suo quod vocatur Dura mater, & abque communi Tegumento, Continente & Firmamento suo, quod vocatur Cranium. Simile foret cum Verbo absque sensu literæ ejus, quare dicitur apud Esajam,, *Quod Jehovah creet super omni gloria obtegumentum*, IV. 5.

34. Simile foret cum Cælis ubi sunt Angeli, absque Mundo ubi sunt Homines, Humanum Genus est Basis, Continens & Firmamentum illorum, & apud homines & in illis est Verbum. Omnes enim Cæli distincti sunt in duo Regna, quæ vocantur Regnum Cæleste & Regnum Spirituale, hæc duo Regna fundantur super Regno Naturali, in quo sunt homines: similiter itaque Verbum, quod apud homines & in hominibus est. Quod Cæli Angelici distincti sunt in duo Regna, Cæleste & Spirituale, videatur in Opere DE CÆLO ET INFERNO n. 20 ad 28.

35. Quod Prophetæ Veteris Testamenti repræsentaverint Dominum quoad Verbum, & per id significaverint Doctrinam Ecclesiæ ex Verbo, & quod inde vocati sint Filii hominis, in DOCTRINA DE DOMINO n. 28, ostensum est; ex quo sequitur, quod illi per varia, quæ passi sunt & sustinuerunt, repræsentaverint violentiam Sensui literæ Verbi a Judæis illatam; ut quod Esajas Propheta exueret saccum desuper lumbis suis, & exueret calceum desuper pede suo, ac iret nudus & discalceatus tres annos,, Esaj. XX. 2. 3. Similiter quod Ezechiel Propheta novaculam tonforum traduceret super caput & super barbam, & tertiam partem combureret in medio urbis, tertiam parcuteret gladio, & tertiam dispergeret in ventum, & parum ex illis alligatet in alis, & tandem projiceret in medium ignis & combureret,, Ezech. V. 1 ad 4. Quia Prophetæ repræsentaverunt Verbum, & inde significaverunt Doctrinam Ecclesiæ ex Verbo, ut supra dictum est, est quia per caput significatur sapientia ex Verbo, inde per capillitium & per barbam significabatur Ultimum veri: quia hoc per illa significabatur, ideo signum grandis luctus, & quoque grande dedecus erat, *Calvitium* sibi inducere, & quoque *Calvus* apparere: propter illam & non aliam causam erat, quod Propheta abraderet capillos capitis sui & barbam, ut per id repræsentaret statum Ecclesiæ Judaicæ quoad Verbum: propter illam & non aliam causam discerpti sunt quadraginta duo pueri a duobus ursis, *qui Elisæum vocaverunt Calvum*, II Reg. II. 23. 24. 25, nam Propheta repræsentabat Verbum, ut prius dictum est, & Calvum significabat illud absque suo sensu ultimo. Quod Naziræi repræsentaverint Dominum quoad Verbum in suis ultimis, in sequente Articulo n. 49 videbitur, ideo statutum fuit pro illis, ut crescere facerent comam, & nihil ejus abraderent; Naziræus etiam in Lingua Hebræa significat Comam: statutum etiam fuit pro Sacerdote magno, quod non raderet caput, Levit. XXI. 10: similiter pro Patrefamilias, Levit. XXI. 5: Inde erat, quod Calvitium illis grande dedecus esset, ut constare potest ex his,, *In*
omni-

omnibus capitibus Calvities, & omnis Barba rasa,, Esaj. XV. 2. Jerem. XLVIII. 37. „ Super omnibus faciebus pudor, & in omnibus capitibus Calvities,, Ezech. VII. 18. „ Omne Caput decalvatum, & omnis humerus depilatus,, Ezech. XXIX. 18. „ Ascendere faciam super omnes lumbos saccum, & super omne caput calvitiam,, Amos VIII. 10. „ Calvitiam indue, & tonde te propter filios deliciarum tuarum, & dilata calvitiam, quia migrarunt a te, Mich. I. 17: hic per Calvitiam induere & dilatare, significatur vera Verbi in ultimis ejus falsificare, quibus falsificatis, ut factum est a Judæis, totum Verbum destructum est; nam ultima Verbi sunt fulcra & sustentacula ejus, imo unaquævis vox est fulcrum & sustentaculum veritatum cælestium & spiritualium ejus. Quia Capillitium significat Verum in ultimis, ideo in Mundo Spirituali, omnes qui contemnunt Verbum, & sensum literæ ejus falsificant, apparent Calvi; at qui honorant & amant illum, apparent in decentibus comis. De hac re videatur etiam infra n. 49.

36. Verbum in sensu ultimo seu naturali, qui est sensus literæ ejus, significatur etiam per Murum Sanctæ Hierosolymæ, cujus structura erat Jaspis, perque fundamenta muri, quæ erant Lapides pretiosi, tum etiam per Portas, quæ erant Margaritæ,, Apoc. XIX: 18 ad 21: nam per Hierosolymam significatur Ecclesia quoad Doctrinam: sed de his plura in sequente Articulo. Ex allatis nunc constare potest, quod sensus literæ Verbi, qui est naturalis, sit Basis, Continens, & Firmamentum sensuum interiorum ejus, qui sunt sensus spiritualis & cælestis.

Quod Divinum Verum in sensu literæ Verbi, sit in suo Pleno, in suo Sancto, & in sua Potentia.

37. **Q**uod Verbum in suo sensu literæ sit in suo pleno, in suo sancto & in sua potentia, est quia bini sensus priores seu interiores, qui vocantur spiritualis & cælestis, in sensu naturali, qui est sensus literæ, sunt simul, ut supra n. 29 dictum est; sed quomodo sunt simul, paucis nunc dicetur.

38. Datur in Cælo & in Mundo Ordo successivus & Ordo simultaneus: in Ordine successivo succedit & sequitur unum post alterum, a supremis usque ad infima: in Ordine autem simultaneo est unum juxta alterum, ab intimis usque ad extima. Ordo successivus est sicut Columna cum gradibus a summo ad imum; at Ordo simultaneus est sicut Opus cohærens cum peripheriis a centro ad superficiem. Nunc dicetur, quomodo Ordo successivus sit in Ultimo Ordo simultaneus; sit hoc modo; suprema ordinis successivi fiunt intima Ordinis simultanei, ac infima Ordinis successivi fiunt extima Ordinis simultanei; est comparative sicut Columna graduum subsidens sit corpus cohærens in plano. Ita formatur Simultaneum a Successivo, & hoc in omnibus & singulis Mundi naturalis, & in omnibus & singulis Mundi spiritualis, nam ubivis est Primum, Medium & Ultimum, ac Primum per Medium tendit & vadit ad suum Ultimum.

num. Nunc ad Verbum; Cæleste, Spirituale & Naturale, procedunt a Domino in Ordine successivo, & in Ultimo sunt in Ordine simultaneo; ita nunc sensus cælestis & spiritualis Verbi sunt in sensu ejus naturali simul. Dum hoc comprehenditur, videri potest, quomodo sensus naturalis Verbi, qui est sensus literæ ejus, est basis, continens & firmamentum sensus spiritualis & cælestis ejus; tum quomodo Divinum Bonum & Divinum Verum in sensu literæ Verbi est in suo Pleno, in suo Sancto, & in sua Potentia.

39. Ex his constare potest, quod Verbum sit ipsum Verbum in suo sensu literæ, in hoc enim intus est spiritus & vita, sensus spiritualis est ejus spiritus, & sensus cælestis est ejus vita. Hoc est quod Dominus dicit, *Verba, quæ Ego loquor vobis, spiritus & vita sunt*, Joh. VI. 63, Dominus verba sua coram Mundo, & in sensu naturali loquutus est. Sensus spiritualis & sensus cælestis non sunt Verbum absque sensu naturali, qui est sensus literæ, sunt enim sicut spiritus & vita absque corpore; & sunt, ut prius n. 33, dictum est, sicut palatium, cui deest basis.

40. Vera sensus literæ Verbi quoad partem non sunt nuda vera, sed sunt apparentiæ veri, ac sicut similitudines & comparationes, desumptæ ex talibus quæ in natura sunt, ita quæ accommodata & adæquata sunt captui simplicium & quoque infantum: sed quia sunt correspondentiæ, sunt genuini veri receptacula & habitacula; & sunt sicut vasa quæ includunt & continent; quemadmodum poculum Chrystallinum includit nobile vinum, & quemadmodum patina argentea continet edules cibos; & sunt quemadmodum vestes quæ amiciunt, ut fasciæ infantem, ac decori amictus virginem: sunt etiam sicut scientifica naturalis hominis, quæ in se comprehendunt perceptiones & affectiones veri spiritualis hominis. Ipsa nuda vera, quæ includuntur, continentur, investiuntur & comprehenduntur, sunt in Verbi sensu spirituali, & nuda bona sunt in ejus sensu Cælesti: Sed hoc è Verbo illustretur, *Dixit Jesus, vobis Scribæ & Pharisei, quia purgatis exterius poculi & patinæ, interiora vero sunt plena rapina & intemperantia: Phariseæ cæce, purga prius interius poculi & patinæ, ut sit etiam exterius mundum*, Matth. XXIII. 25. 26; hic loquutus est Dominus per ultima, quæ sunt continentia, & dixit poculum & patinam, & per poculum intelligitur vinum, ac per vinum verum Verbi, & per patinam intelligitur cibus, ac per cibum bonum Verbi; per purgare internum poculi & patinæ, intelligitur purificare interiora, quæ sunt voluntatis & cogitationis, ita amoris & fidei, per Verbum; per quod sic exterius mundum sit, intelligitur quod sic exteriora purificata sint, quæ sunt opera & loquela, nam hæc ab illis trahunt suam essentiam. Adhuc, *Jesus dixit, homo quidam erat dives, qui induebatur purpura & byssò, & oblectabat se quotidie splendide: & pauper quidam erat nomine Lazarus, qui projectus ad vestibulum ejus ulceres*, Luc. XVI. 19. 20; hic etiam Dominus loquutus est per naturalia, quæ erant correspondentiæ, & continebant spiritualia; per hominem divitem intelligitur Gens Judaica, quæ dives vocatur quia habebat Verbum, in quo sunt divitiæ spirituales; per purpuram & byssum, quibus indutus erat, significatur bonum & verum Verbi, per purpuram bonum ejus, & per byssum verum ejus;

jus; per oblectare se quotidie splendide, significatur oblectatio quod illud haberet & legeret; per Lazarum pauperem intelliguntur gentes, quæ non habebant Verbum; quod illæ contentæ & rejectæ a Judæis essent, intelligitur per quod Lazarus ad vestibulum divitis esset projectus ulcerosus. Quod Gentes per Lazarum intelligantur, erat quia Gentes amabantur a Domino, sicut Lazarus, qui a mortuis resuscitatus est, amabatur a Domino, Joh. XI. 3. 5. 36; & vocatur Ipsius amicus, Joh. XI. 11. & accumbebat ad mensam cum Domino, Joh. XII. 2. Ex his binis locis patet, quod vera & bona sensus literæ Verbi sint sicut vasa & sicut vestes nudi veri & boni, quæ in sensu spirituali & cælesti Verbi latent.

41. Quoniam Verbum in sensu literæ tale est, sequitur, quod illi qui in Divinis veris sunt & in fide quod Verbum intus in suo sinu Sanctum Divinum sit, & magis illi qui in fide sunt quod Verbum tale sit ex sensu spirituali & cælesti ejus, dum in illustratione a Domino legunt Verbum, videant Divina vera in luce naturali; nam lux cæli, in qua est sensus spiritualis Verbi, influit in lucem naturalem, in qua est sensus literæ Verbi, ac hominis intellectuale, quod vocatur rationale, illuminat, & facit ut videat & agnoscat Divina Vera, ubi exstant & ubi latent: hæc cum luce Cæli influunt apud quosdam, quandoque etiam cum nesciunt.

42. Quoniam Verbum nostrum in intimo suo sinu, ex sensu cælesti ejus, est sicut flamma quæ accendit, & in medio suo sinu, ex sensu spirituali, est sicut lux quæ illustrat, inde Verbum in ultimo suo sinu, ex sensu ejus naturali, in quo bini interiores sunt, est sicut rubinus & adamas; ex flamma cælesti sicut rubinus, & ex luce spirituali sicut adamas. Quia tale est Verbum in suo sensu literæ ex transparentia, ideo Verbum in hoc sensu intelligitur per FUNDAMENTA MURI HIEROSOLYMÆ; per URIM ET THUMIM in Ephodo Aharonis; per HORTUM EDENIS in quo Rex Tyri fuerat; tum etiam per AULÆA ET VELA TABERNACULI; & per EXTERNA TEMPLI HIEROSOLYMITANI; at in ipsa sua gloria per DOMINUM CUM TRANSFORMATUS EST.

43. Quod vera sensus literæ Verbi intelligantur per Fundamenta muri novæ Hierosolymæ in Apocalypsi Cap. XXI, sequitur ex eo, quod per novam Hierosolymam intelligatur nova Ecclesia quoad Doctrinam, ut in DOCTRINA DE DOMINO n. 62. 63, ostensum est, quare per murum ejus, & per muri fundamenta non aliud potest intelligi, quam Verbi Externum, quod est sensus literæ ejus, nam ille est, ex quo Doctrina est, & per Doctrinam Ecclesia; & illa est sicut murus cum fundamentis, qui urbem includit & tutatur. De Muro novæ Hierosolymæ & de ejus Fundamentis leguntur hæc in Apocalypsi, „ Angelus mensus est Murum urbis Hierosolymæ 144 cubitorum, quæ erat mensura hominis, hoc est, angeli: & Murus habebat Fundamenta duodecim, omni Lapide pretioso exornata; Fundamentum primum Jaspis, secundum Sapphirus, tertium Chalcedonius, quartum Smaragdus, quintum Sardonyx, sextum Sardius, septimum Chrysolithus, octavum Beryllus, nonum Topazius, decimum Chrysoprasus, undecimum Hyacinthus, duodecimum Amethystus „ XXI. 17. 18. 19. 20: per numerum 144 significantur omnia vera & bona Ecclesiæ ex doctrina e sensu literæ Verbi, similiter per duodecim; per

per hominem significatur intelligentia, per angelum Divinum verum ex quo illa, per mensuram quale illorum, per murum & per fundamenta ejus sensus literæ Verbi, & per lapides pretiosos vera & bona Verbi in suo ordine, ex quibus Doctrina, & per Doctrinam Ecclesia.

44. *Quod vera & bona sensus literæ Verbi intelligantur per Urim & Thumim.* Urim & Thumim erant super Ephodo Aharonis, per cujus sacerdotium repræsentabatur Dominus quoad Divinum Bonum, & quoad Opus salvationis; per Vestes sacerdotii seu sanctitatis repræsentabatur Divinum Verum ex Divino Bono; per Ephodum repræsentabatur Divinum Verum in suo ultimo, ita Verbum in sensu literæ, nam hoc est Divinum Verum in suo ultimo, ut supra dictum est; inde per duodecim Lapidis pretiosos, cum nominibus duodecim Tribuum Israelis, quæ fuerunt Urim & Thumim, repræsentabantur Divina Vera ex Divino Bono in omni complexu. De his ita legitur apud Mosén, *Faciunt Ephodum ex hyacinthino & purpura, coccineo dibapho & xylyno intertexto: postea facient Pectorale judicii, secundum opus Ephodi, & opplebis id oppleturis lapidis; quatuor ordines Lapis; Pyropus, Topazius & Smaragdus, primus ordo: Chrysoprasus, Sapphirus & Adamas, secundus ordo: Cyanus, Achates & Amethystus, tertius ordo: Thalassius, Sardius & Jaspis, quartus ordo. Lapidis hi erunt juxta Nomina filiorum Israelis; sculpturæ sigilli juxta Nomen suum erunt pro 12 Tribubus: & portabit Aharon super Pectorali judicii Urim & Thumim, sintque super corde Aharonis, cum ingreditur ante Jehovam,* Exod. XXXVIII. 6. 15 ad 21. 30. Quid per Vestes Aharonis, ejus Ephodum, Pallium, Tunicam, Cidarim, Baltheum, repræsentatum est, in ARCANIS CÆLESTIBUS super eo Capite, explicatum est; ubi ostensum, quod per Ephodum repræsentatum sit Divinum Verum in suo ultimo; quod per Lapidis pretiosos ibi repræsentata sint vera pelluentia ex bono; per duodecim lapides pretiosos omnia vera ultima pelluentia ex bono amoris in suo ordine; per duodecim Tribus Israelis omnia Ecclesiæ; per Pectorale Divinum Verum ex Divino Bono; per Urim & Thumim exsplendescencia Divini Veri ex Divino Bono in ultimis, Urim enim est ignis lucens, & Thumim exsplendescencia in Lingua Angelica, & integritas in Lingua Hebræa; tum quod Responsa data sint per lucis variegationes, & simul tunc per tacitam perceptionem, vel per vivam vocem, præter plura. Ex quibus constare potest, quod per hos Lapidis pretiosos etiam significata sint vera ex bono in sensu ultimo Verbi; nec per alia dantur Responsa e Cælo, quia in illo sensu est Divinum procedens in suo Pleno. Quod Lapidis pretiosi & Diademata significant Divina Vera in suis ultimis, qualia sunt Vera sensus literæ Verbi, patuit mihi manifeste ex Lapidibus pretiosis & Diadematis in Mundo spirituali apud Angelos & spiritus ibi, quos vidi illis indutos & quoque in thecis illorum, & datum est scire, quod illa corresponderent Veris in ultimis, imo etiam quod inde sint & appareant. Quia hæc per diademata & lapides pretiosos significantur, ideo illa etiam visa sunt Johanni super capite Draconis, Apoc. XII. 3. super cornibus Bestiæ, Apoc. XIII. 1: & Lapidis pretiosi super Meretrice sedente super bestia coccinea, Apoc. XVII. 4; super illis visa sunt, quia per illos significantur ii in Christiano Orbe, apud quos est Verbum.

45. *Quod vera sensus literæ Verbi intelligantur per Lapides pretiosos in Horto Edenis, in quo apud Ezechielem Rex Tyri dicitur fuisse.* Legitur apud Ezechielem,, Rex Tyri, tu obfignans demensum tuum, plenus sapientia, & perfectus pulchritudine; in Eden Horto Dei fuisti; omnis Lapis pretiosus tegumentum tuum, Rubinus, Topazius & Adamas, Tharscish, Sardonyx, & Jaspis, Sapphirus, Chrysoprasus & Smaragdus, & Aurum, XXVIII. 12. 13: per Tyrum in Verbo significantur cognitiones veri & boni; per Regem significatur verum Ecclesiæ; per Hortum Edenis significatur sapientia & intelligentia ex Verbo; per Lapides pretiosos significantur vera pellucencia ex bono, qualia sunt in sensu literæ Verbi; & quia hæc per illos Lapides significantur, ideo vocantur Tegumentum ejus; quod sensus literæ tegat interiora Verbi, videatur Articulus præcedens.

46. *Quod sensus literæ Verbi significetur per aulæa & vela Tabernaculi.* Per Tabernaculum representatum est Cælum & Ecclesia, quare forma ejus a Jehovah super monte Sinai ostensa est; inde per omnia, quæ in Tabernaculo erant, quæ erant Candelabrum, Altare aureum pro suffitu, & Mensa super qua panes facierum, repræsentata & inde significata sunt Sancta Cæli & Ecclesiæ; ac per Sanctum sanctorum, ubi erat Arca fæderis, repræsentatum & inde significatum est intimum Cæli & Ecclesiæ; & per ipsam Legem inscriptam binis Tabulis lapideis, & inclusam Arcæ, significatus est Dominus quoad Verbum; nunc quia Externa trahunt suam essentiam ab internis, & hæc & illa ab Intimo, quod ibi erat Lex, ideo sancta Verbi per omnia Tabernaculi etiam repræsentata & significata sunt; inde sequitur, quod per ultima Tabernaculi, quæ erant Aulæa & Vela, ita tegumenta & continentia, significata sint ultima Verbi, quæ sunt vera & bona sensus literæ ejus: quia illa significata sunt, ideo omnia Aulæa & Vela facta sunt ex xylino intertexto, & hyacintino & purpura, & coccineo dibapho, cum cherubis,, Exod. XXVI. 1. 31. 36. Quid per Tabernaculum, & per omnia quæ in illo erant, in genere & specie repræsentatum & significatum est, in ARCANIS CÆLESTIBUS super illo Capite Exodi explicatum est; & ibi ostensum, quod per Aulæa & Vela repræsentata sint externa Cæli & Ecclesiæ, ita quoque externa Verbi; tum quod per xylinum seu byssinum significatum sit verum ex origine spirituali, per hyacinthinum verum ex origine cælesti, per purpuram bonum cæleste, per coccineum dibaphum bonum spirituale, & per Cherubos custodiæ interiorum Verbi.

47. *Quod per externa Templi Hierosolymitani repræsentata sint externa Verbi, quæ sunt sensus literæ ejus, est quia simile per Templum, quod per Tabernaculum, repræsentatum est, nempe Cælum & Ecclesia, & inde quoque Verbum.* Quod per Templum Hierosolymitanum significatum sit Divinum Humanum Domini, docet Ipse apud Johannem,, Solvite Templum hoc, & in tribus diebus exsuscitabo illud: Ipse loquebatur de Templo corporis sui., II. 19. 21; & ubi intelligitur Dominus, etiam intelligitur Verbum, quia Dominus est Verbum. Nunc quia per interiora Templi repræsentata sunt interiora Cæli & Ecclesiæ, ita quoque Verbi, ideo per exteriora ejus repræsentata & significata sunt exteriora Cæli & Ecclesiæ, ita quoque Verbi, quæ sensus literæ ejus sunt. De exterioribus Templi legitur,, Quod ædificata sint ex lapide integro non cæso, & ex cedro intus; &

quod omnes parietes ejus intus sculpti essent Cherubis, palmis & aperturis florum; & solum obductum auro,, I. Reg. VI. 7. 29. 30; per quæ omnia etiam significantur externa Verbi, quæ sancta sensus literæ ejus sunt.

48. Quod Verbum in sua gloria per Dominum, cum transformatus est, repræsentatum sit. De Domino coram Petro, Jacobo & Johanne transformato legitur,, *Quod facies Ipsius fulserit sicut Sol; vestimenta Ipsius facta sint sicut Lux: & quod visi sint Moses & Elias cum Ipso colloquentes: & quod Nubes lucida discipulos obtexerit; & quod ex nube audita sit vox, dicens, Hic est Filius meus dilectus, Ipsum audite*, Matth. XVII. 1 ad 5. Instructus sum, quod Dominus tunc repræsentaverit Verbum; per Faciem, quæ fulsit sicut Sol; Divinum Bonum Ipsius; per Vestimenta quæ facta sicut lux, Divinum Verum Ipsius; per Mosen & Eliam, Verbum Historicum & Propheticum, per Mosen Verbum quod per illum scriptum est, & in genere Verbum Historicum, ac per Eliam Verbum Propheticum; per Nubem lucidam quæ obtexit discipulos, Verbum in sensu literæ; quare ex hac vox audita est, & dixit, Hic est Filius meus dilectus, Ipsum audite; omnia enim Enuntiata & Responsa e Cælo, nusquam fiunt nisi per ultima, qualia sunt in sensu literæ Verbi, fiunt enim in pleno ex Domino.

49. Hactenus ostensum est, quod Verbum in sensu naturali, qui est sensus literæ, sit in suo sancto & in suo pleno, nunc aliquid dicetur, quod Verbum in illo sensu etiam sit in sua POTENTIA. Quanta & qualis est Potentia Divini Veri in Cælis, & quoque in Terris, constare potest ex illis, quæ in Opere de CÆLO ET INFERNO, de Potentia Angelorum Cæli, n. 228 ad 233, dicta sunt. Potentia Divini Veri est imprimis contra falsa & mala, ita contra Inferna, contra hæc per Vera ex sensu literæ Verbi pugnandum est; per Vera apud hominem etiam est Domino potentia salvandi illum, nam homo per Vera ex sensu literæ Verbi reformatur & regeneratur, & tunc eximitur ex inferno, & introducitur in Cælum; hanc potentiam suscepit Dominus etiam quoad Divinum Humanum suum, postquam implevit omnia Verbi usque ad ultima ejus; quare Dominus ad Principem sacerdotum dixit, quando reliqua per Passionem crucis impleret,, *Ex nunc videbitis Filium hominis sedentem a dextris potentia, venientem in nubibus Cæli*, Matth. XXVI. 64. Marc. XIV. 62; Filius hominis est Dominus quoad Verbum, nubes Cæli est Verbum in sensu literæ, federe a dextris Dei est Omnipotentia per Verbum, ut quoque Marc. XVI. 19, Potentia Domini ex ultimis Veri repræsentata est per Naziræos in Ecclesia Judaica, & per Simsonem, de quo dicitur, quod Naziræus esset ab utero matris, & quod potentia ejus constaret in crinibus ejus; per Naziræum & Naziræatum etiam significatur crinis: quod potentia ejus in crinibus fuerit, manifestavit ipse, dicens,, *Novacula non ascendit super caput meum, quia Naziræus ego ab utero matris meæ; si rador, tunc recedet a me robur meum, & reddar infirmus, & ero sicut quisvis homo*, Judic. XVI. 17.: nemo scire potest, cur Naziræatus, per quem significatur Crinis, institutus est, & unde est quod Simsoni fuerit robur ex crinibus, nisi sciat, quid per caput in Verbo significatur; per caput significatur sapientia Cælestis, quæ est angelis & hominibus a Domino per Divinum Verum; inde per crines capitis significatur sapientia cælestis in ultimis, & quoque Divi-

Divinum Verum in ultimis. Quia hoc per crines ex correspondentia cum cælis significabatur, ideo statutum pro Naziræis erat,, *Quod non raderent coronam capitis sui, quia ille est Naziræatus Dei super capite eorum*, Num. VI. 1 ad 21: & quoque ideo statutum est,, *Quod summus Sacerdos, ac filii ejus non raderent caput suum, ne morentur, & universa domus Israelis irasceretur*, Levit. X. 6. Quia crines propter illam significationem, quæ est ex correspondentia, tam sancti erant, ideo Filius hominis, qui est Dominus quoad Verbum, describitur etiam quoad crines,, *Quod essent tanquam lana candida, tanquam nix*, Apoc. I. 14; similiter *Antiquus dierum*, Dan. VII. 9: de hac re etiam videatur aliquid supra n. 35. In summa, quod Potentia Divini Veri seu Verbi sit in sensu literæ, est quia Verbum ibi est in suo Pleno; & quia in illo sunt Angeli utriusque Regni Domini & homines simul.

*Quod Doctrina Ecclesiæ ex sensu literæ Verbi
haurienda sit, & per illum confirmanda.*

50. **I**n præcedente Articulo ostensum est, quod Verbum in sensu literæ sit in suo Pleno, in suo Sancto, & in sua Potentia; & quia Dominus est Verbum, est enim omne Verbi, sequitur quod Dominus in illo sensu sit maxime præsens, & quod ex illo doceat & illustret hominem. Sed hæc demonstranda sunt in hoc ordine, I. Quod Verbum absque Doctrina non intelligatur. II. Quod Doctrina e Verbi sensu literæ haurienda sit. III. At quod Divinum Verum, quod Doctrinæ erit, non appareat aliis, quam qui in illustratione a Domino sunt.

51. **I** *Quod Verbum absque Doctrina non intelligatur*, est, quia Verbum in sensu literæ ex meris correspondentiis consistit, ob finem ut spiritualia & cælestia inibi simul sint, ac unaquævis vox illorum continens & fulcrum sit; idcirco in sensu literæ in quibusdam locis sunt non nuda vera, sed vestita, quæ vocantur apparentiæ veri; & sunt plura accommodata captui simplicium, qui cogitationes non supra talia, quæ vident ante oculos, elewant; & aliqua quæ apparent sicut contradictiones, cum tamen in Verbo in sua luce spectato nulla contradictio est: & quoque in quibusdam locis apud Prophetas, sunt nomina locorum & personarum collata, ex quibus non aliquis sensus potest elici, ut ex illis supra n. 5 allatis. Cum itaque Verbum in sensu literæ tale est, constare potest, quod non possit absque Doctrina intelligi. Sed exempla hoc illustrent: dicitur, *quod Jehovaham peniteat*, Exod. XXXII. 12. 14. Jon. III. 9. Cap. IV. 2: dicitur etiam, *quod Jehovaham non peniteat*, Num. XXIII. 19. 1 Sam. XV. 29; hæc absque Doctrina non conformantur. Dicitur, *quod Jehovah visitet iniquitatem patrum super filios ad tertiam & quartam generationem*, Num. XIV. 18: ac dicitur,, *Quod non morietur pater propter filium, nec filius propter patrem, sed quisque in peccato suo*, Deut. XXIV. 16; hæc non discordant, sed concordant per Doctrinam. Dicit Jesus, *petite & dabitur vobis, querite & invenietis, pulsate & aperietur vobis: quisquis petit, accipiet, & querit inveniet, & pulsanti aperietur*, Matth.

Matth. VII. 7. 8. Cap. XXI. 21. 22; absque Doctrina crederetur, quod quicque accepturus sit, quod petit; sed ex Doctrina creditur, quod quicquid homo petit non ex se, sed ex Domino, hoc detur; hoc enim Dominus etiam docet., *Si manseritis in Me, & verba mea in vobis manserint, quicquid volueritis, petitis, & fiet vobis.*, Joh. VII. 7. Dicit Dominus, *Beati pauperes, quoniam illorum est Regnum Dei.*, Luc. VI. 20; absque Doctrina cogitari potest, quod pauperibus sit cælum, & non divitibus; sed Doctrina docet, quod pauperes spiritu intelligantur, nam dicit Dominus, *Beati pauperes spiritu, quia eorum est regnum cælorum.*, Matth. V. 5. Dicit Dominus, *Ne judicate ne judicemini, cum quo judicio judicatis, judicabimini.*, Matth. VII. 1. 2. Luc. VI. 37: hoc absque Doctrina potest adduci ad confirmandum, quod non dicendum sit de malo quod sit malum, ita non judicandum quod malus sit malus; sed ex Doctrina licet judicare, at iuste; dicit enim Dominus, *Iustum judicium judicate.*, Joh. VII. 24. Jesus dicit, *Nolite vocari doctores, quia unus est Doctor vester Christus: nec vocetis patrem vestrum in terra, unus namque est Pater vester in cælis. Nec vocemini magistri, unus enim est vester Magister Christus.*, Matth. XXIII. 8. 9. 10; absque Doctrina foret, quod non liceat vocare aliquem Doctorem, Patrem, & Magistrum; sed ex doctrina scitur, quod liceat in naturali sensu, at non in spirituali. Jesus dixit ad discipulos, *Quando sedebit Filius hominis super throno gloriæ suæ, sedebitis etiam vos super duodecim thronis judicantes duodecim tribus Israelis.*, Matth. XIX. 28; ex his verbis concludi potest, quod etiam discipuli Domini judicaturi sint, cum tamen neminem judicare possunt; Doctrina itaque revelabit hoc arcanum per hoc, quod solus Dominus, qui est Omniscius & novit omnium corda, judicaturus sit, & judicare possit, & quod per duodecim discipulos Ipsius, intelligatur Ecclesia quoad omnia vera & bona, quæ ei sunt a Domino per Verbum; ex quo Doctrina concludit, quod illa judicatura sint unumquemvis, secundum Domini verba apud Johannem Cap. III. 17. 18. Cap. XII. 47. 48. Qui absque Doctrina legit Verbum, non scit quomodo coherere illa, quæ de Gente Judaica & de Hierosolyma apud Prophetas dicuntur, quod Ecclesia apud illam Gentem, & sedes ejus in illa urbe in æternum mansura sit, ut in sequentibus., *Visitabit Jehovab gregem suum, domum Jehudæ, & ponet illos sicut equum gloriæ in bello; ex illo angularis, ex illo clavus; & ex illo arcus belli.*, Sach. X. 3. 4. 6. 7., *Ecce Ego venio, ut habitem in medio tui, & Jehovab hæreditatem faciet Jehudam, & eliget rursus Hierosolymam.*, Sach. II. 14. 15. 16., *Fiet in die illo, montes stillabunt mustum, & colles fluent lacte, & Jebudab in æternum erit; & Hierosolyma in generationem & generationem.*, Joel IV. 18. 19. 20., *Ecce dies venientes, quibus seminabo domum Israelis & domum Jebudæ semine hominis; & quibus pangam cum domo Israelis & cum domo Jebudæ fœdus novum. & hoc fœdus, dabo legem meam in medio eorum, & super cor eorum scribam illam, & ero illis in Deum, & illi erunt Mihi in populum.*, Jerem. XXXI. 27. 31. 33., *In die illo apprehendent decem viri ex omnibus linguis gentium, aliam viri Judæi, dicentes, ibimus vobiscum, quia audivimus Deum vobiscum.*, Sachar. VIII. 22. 23; similiter alibi, ut Esaj. XLIV. 24. 26. Cap. XLIX. 22. 23. Cap. LXV. 9. Cap. LXVI. 20. 22. Jerem. III. 18. Cap. XXIII. 5. Cap. L. 19. 20. Nahum II. 1. Malach. III.

4; in quibus locis agitur de Adventu Domini, & quod hoc tunc futurum sit. Contrarium autem in pluribus aliis locis dicitur, ex quibus hic modo adducetur, *Occultabo facies meas ab illis, videbo quid posteritas illorum, generatio enim perversiorum illi, filii in quibus fidelitas non; dixerim, in extremos angulos ejiciam illos, cessare faciam ab homine memoriam illorum, nam gens deperdita consilii illi, nec in illis intelligentia. De vite Sodomæ vitis eorum & de agris Gomorrhæ; uvæ ejus uvæ fellic; lotri amaritudinum illis; venenum draconum vinum illorum, & fel aspidum crudele. Omne illud absconditum apud Me, obsignatum in thesauris meis: Mihi vindicta & retributio*, Deutr. XXXII. 20 ad 35; hæc de illa gente dicta sunt; & similia alibi, ut Esaj. III. 1. 2. 8. Cap. V. 3 ad 6. Deutr. IX. 5. 6. Matth. XII. 39. Cap. XXIII. 27. 28. Joh. VIII. 44; & ubivis apud Jeremiam & Ezechielem; sed hæc, quæ apparent contrariantia, patebunt ut concordantia ex Doctrina, quæ docet, quod per Israël & per Jehudam in Verbo non intelligantur Israël & Jehudah, sed Ecclesia in utroque sensu, in uno quod devastata sit, in altero quod a Domino instauranda. His similia sunt alia in Verbo; ex quibus manifeste patet, quod Verbum absque Doctrina non intelligatur.

52. Ex his constare potest, quod qui Verbum absque Doctrina legunt, aut qui non ex Verbo sibi Doctrinam comparant, sint in obscuro de omni veritate, & quod mens eorum sit vaga & incerta, prona in errores, & quoque facilis ad hæreses, quas etiam amplectuntur, si favor aut auctoritas aspirat, & fama non periclitatur: est enim Verbum illis sicut candelabrum absque lumine, ac vident in umbra tanquam multa, & tamen vident vix aliquid, nam sola Doctrina est lucerna: vidi tales exploratos ab Angelis, ac inventos, quod confirmare possent ex Verbo quodcunque volunt, & quod confirmet, quæ sunt amoris sui, & amoris illorum quibus favent; & vidi illos nudatos vestibus, signum quod essent absque veris: vestes ibi sunt vera.

53. II. Quod Doctrina ex Sensu literæ Verbi haurienda sit, & confirmanda, est quia Dominus ibi & non alibi apud hominem præsens est, ac illustrat & docet illum vera Ecclesiæ; & Dominus nusquam operatur aliquid nisi in pleno, & Verbum in sensu literæ est in suo pleno, ut supra ostensum est: inde est quod Doctrina ex sensu literæ haurienda sit.

54. Quod Verbum per Doctrinam non modo intelligatur, sed etiam quasi luceat, est quia Verbum absque Doctrina non intelligitur, & est sicut candelabrum absque lumine, ut supra ostensum est, ideo Verbum per doctrinam intelligitur & est sicut candelabrum cum accenso lumine: homo tunc videt plura quam prius viderat, & quoque intelligit illa quæ non prius intellexerat; obscura & discordantia vel non videt & præterit, vel videt & explicat ut cum Doctrina concordent. Quod Verbum ex Doctrina videatur, & quoque secundum illam explicetur, testatur Experientia in Christiano Orbe; Omnes Reformati enim vident Verbum ex sua Doctrina, & Verbum secundum illam explicant; similiter Pontificii ex sua & secundum illam; imo Judæi ex sua & secundum illam, consequenter falsa ex Doctrina falsa, & vera ex Doctrina vera. Inde patet, quod Doctrina vera sit instar lucernæ in tenebris, ac instar indicis in viis. At Doctrina non modo ex sensu literæ Verbi haurienda est,

sed etiam per illum confirmanda, nam si non per illum confirmatur, apparet Verum Doctrinæ sicut modo intelligentia hominis foret in illa, & non Divina Sapientia Domini, & sic foret doctrina sicut domus in aere, & non super terra, ita non fundata.

55. Doctrina genuini veri ex sensu literali Verbi etiam plene potest hauriri; nam Verbum in illo sensu est tanquam homo vestitus, cui facies est nuda, & quoque manus sunt nudæ; omnia quæ ad vitam hominis, ita quæ ad salutem ejus pertinent, sunt ibi nuda, reliqua autem vestita; & in multis locis, ubi vestita sunt, transparent, sicut facies per tenue sericum. Etiam vera Verbi, sicut multiplicantur ex amore illorum, & sicut per hunc ordinantur, ita clarius & clarius per vestes pellucet & apparent: sed hoc quoque per Doctrinam.

56. Credi potest, quod Doctrina genuini veri comparari possit per sensum spirituales Verbi, qui datur per scientiam correspondentiarum; at Doctrina per illum non comparatur, sed modo illustratur & corroboratur; nam, ut prius n. 26 dictum est, in sensum spirituales Verbi per correspondentias nemo venit, nisi prius in genuinis veris ex doctrina sit: si non in genuinis veris prius est, potest homo Verbum per aliquot correspondentias notas falsificare, conjungendo & explicando illas ad confirmandum id quod menti ex principio capto inhæret. Præterea sensus spiritualis non datur alicui, nisi a solo Domino, & custoditur ab Ipso, sicut custoditur cælum, nam Cælum est in illo. Præstat itaque ut homo studeat Verbo in sensu literæ, ex illo solo datur Doctrina.

57. III. Quod genuinum verum, quod Doctrinæ erit, in sensu literæ Verbi non appareat aliis quam qui in illustratione sunt a Domino. Illustratio est a solo Domino, & apud illos qui amant vera quia vera sunt, & faciunt illa usus vitæ; apud alios non datur illustratio in Verbo. Quod illustratio sit a solo Domino, est quia Dominus est in omnibus Verbi; quod illustratio sit apud illos, qui amant vera quia vera sunt, & faciunt illa usus vitæ, est quia illi sunt in Domino, & Dominus in illis; est enim Dominus Divinum suum Verum, hoc cum amatur quia Divinum Verum est, & hoc amatur quando fit usus, tunc Dominus in illo est apud hominem. Hæc etiam Dominus docet apud Johannem, *In die illo cognoscetis, quod vos in Me & Ego in vobis; qui habet præcepta mea & facit illa, ille amat Me, & Ego amabo illum, & manifestabo illi Me Ipsum, & ad illum veniam & mansionem apud illum faciam*, XIV. 20. 21. 23: Et apud Matthæum, „*Beati mundi corde, quia hi Deum videbunt*„ V: 8. hi sunt, qui in illustratione sunt, cum legunt Verbum, & apud quos Verbum lucet & transluceat.

58. Quod Verbum apud illos luceat & transluceat, est quia singulis Verbi sensus spiritualis & cælestis inest, & hi sensus sunt in luce cæli, quare Dominus per illos sensus, & per illorum lucem, influit in sensum naturalem, & in hujus lucem apud hominem; inde homo ex interiore perceptione agnoscit verum, & dein in cogitatione sua videt illud, & hoc quoties in affectione veri propter verum est; ex affectione enim venit perceptio, ex perceptione cogitatio, & sic fit agnitio, quæ fides vocatur. Sed de hac re plura dicentur in seguente Articulo de conjunctione Domini cum homine per Verbum.

59. Apud hos primum est, quod ex Verbi sensu literali comparent sibi Doctrinam,

trinam, ita accendunt sibi lucernam ad ulteriorem progressum; postquam autem comparata est Doctrina, & sic accensa lucerna, ex illa vident Verbum. Illi autem, qui non comparant sibi Doctrinam, primum inquirunt num Doctrina ab aliis data, & a communi cœtu recepta, cum Verbo concordet, & ad illa quæ concordant, consentiunt, & ad illa quæ non concordant, dissentiunt; ita fit illis sua Doctrina, & per Doctrinam sua Fides. Sed hoc fit solum apud illos, qui non distracti a negotiis mundi possunt videre, hi, si amant vera quia vera sunt & faciunt illa usus vitæ; in illustratione sunt a Domino: reliqui qui in aliqua vita sunt secundum vera, possunt ab illis discere.

60. Contrarium fit illis, qui ex doctrina religionis falsæ legunt Verbum, & plus illis qui Doctrinam illam ex Verbo confirmant, & tunc spectant ad sui gloriam aut ad mundi opes: apud hos verum Verbi est sicut in umbra noctis, & falsum sicut in luce diei; legunt verum, sed non vident illud, & si umbram ejus vident, falsificant illud; sunt hi, de quibus Dominus dicit, *Quod oculos habeant & non videant, & quod aures & non intelligant*, Matth. XIII. 14. 15; nam nihil aliud occæcat hominem, quam proprium ejus, & confirmatio falsi; proprium hominis est amor sui, & inde fastus propriæ intelligentiæ; ac confirmatio falsi est caligo mentiens lucem; lux horum est mere naturalis, & visus illorum est sicut videntis larvas in umbra.

61. Datum est loqui cum multis post mortem, qui crediderunt se sicut stellæ lucituros in cælo, quia, ut dixerunt, sanctum habuerunt Verbum, sæpius perlegerunt illud, plura inde collegerunt, per quæ fidei suæ dogmata confirmaverunt, & per id in mundo ut docti celebrati sunt, ex quo credebant se Michaelēs & Raphaelēs futuros: sed plures ex illis explorati sunt, ex quo amore studuerunt Verbo, ac inventi, quod aliqui ex amore sui, ut magni in mundo apparerent, & sicut primates Ecclesiæ colerentur, aliqui autem ex amore mundi ut lucrarentur opes; hi dum explorati sunt, quid scirent ex Verbo, compertum est, quod inde nihil genuini veri scirent, sed modo tale, quod vocatur verum falsificatum, quod in se est falsum; & dictum est illis, quod hoc illis esset ex causa, quia ipsi & mundus fuerunt fines, seu quod idem est, amores, & non Dominus & cælum, & cum ipsi & mundus sunt fines, tunc cum legunt Verbum, hæret mens illorum in seipsis & in mundo, & inde cogitant jugiter ex suo proprio, quod in caligine est quoad omnia quæ cæli sunt; in quo statu non potest homo a Domino subduci ex proprio, & sic elevari in lucem cæli, proinde nec aliquem influxum a Domino per cælum recipere. Vidi etiam hos in cælum admissos, at cum ibi inventi sunt quod absque veris essent, dejecti sunt; sed usque remansit apud illos fastus, quod meruerint. Aliter factum est cum illis, qui studuerunt Verbo ex affectione sciendi Verum quia est Verum, & quia inservit usibus vitæ, non modo suæ, sed etiam proximi, illos vidi elevatos in Cælum, & sic in lucem in qua est Divinum Verum ibi, & simul tunc exaltatos in sapientiam angelicam, & in felicitatem ejus, quæ est vita æterna.

Quod per sensum literæ Verbi sit conjunctio cum Domino, & consociatio cum angelis.

62. **Q**uod per Verbum sit conjunctio cum Domino, est quia Verbum de solo Ipso agit, & per id Dominus est omne in omnibus ejus, & vocatur Verbum, ut in Doctrina de Domino, ostensum est. Quod in sensu literæ sit conjunctio, est quia Verbum in illo sensu est in suo pleno, in suo sancto & in sua potentia, ut supra in suo Articulo ostensum est. Conjunctio non apparet homini, sed est in affectione veri, & in perceptione ejus, ita in Divini veri amore & fide apud illum.

63. Quod per sensum literæ sit consociatio cum angelis cæli, est quia illi sensui inest sensus spiritualis & sensus cælestis, & in his sensibus sunt angeli; angeli Regni spiritualis in sensu spirituali Verbi, & angeli Regni cælestis in sensu cælesti ejus: hi sensus evolvuntur ex sensu naturali Verbi, qui est sensus literæ, dum homo verus in illo est: evolutio est instantanea, proinde etiam consociatio.

64. Quod Angeli spirituales in sensu spirituali Verbi sint, & Angeli cælestes in sensu cælesti ejus, manifestatum est mihi per multam experientiam: datum est percipere, quod cum legi Verbum in sensu literæ ejus, communicatio facta sit cum cælis, nunc cum hac illorum societate, nunc cum illa; & quod ea, quæ ego secundum sensum naturalem intellexi, Angeli spirituales secundum sensum spirituales, & Angeli cælestes secundum sensum cælestem intellexerint, & hoc in instanti: hæc communicatio quia per aliquot millenas vices percepta est, de illa non relicta est mihi ulla dubitatio. Sunt etiam spiritus, qui infra cælos sunt, & hac communicatione abutuntur, recitant enim aliquot dicta ex sensu literæ Verbi, & illico animadvertunt & notant Societatem, cum qua communicatio fit: hoc etiam sæpe vidi & audiui. Ex his per vivam experientiam datum est scire, quod Verbum quoad sensum literæ ejus sit Divinum medium conjunctionis cum Domino & cum Cælo. De hac conjunctione per Verbum videantur etiam, quæ in Opere de CÆLO ET INFERNO n. 303 ad 310, allata sunt.

65. Sed quomodo evolutio illorum sensuum fit, etiam paucis dicetur, sed ut intelligatur, recolligendum est quod supra n. 6. 38, de Ordine successivo & de Ordine simultaneo, dicta sunt, nempe quod cæleste, spirituale, & naturale sequantur in ordine successivo unum post alterum a supremis quæ in cælo sunt ad ultima quæ in mundo; & quod eadem in Ordine simultaneo sint in ultimo, quod est naturale, unum juxta alterum ab intimis ad extima: & quod similiter sint successivi sensus Verbi, cælestis & spiritualis, simul in naturali. His comprehensis aliquantum explicari ad intellectum potest, quomodo bini sensus, spiritualis & cælestis, evolvuntur ex sensu naturali, quando homo Verbum legit; tunc enim Angelus spiritualis evocat spirituale, & Angelus cælestis evocat cæleste, nec aliter possunt, sunt enim homogenea, ac naturæ & essentiae illorum consentanea.

66. Sed hoc primum illustretur per comparationes ex tribus Regnis naturæ, quæ vocantur Animale, Vegetabile & Minerale. Ex REGNO ANIMALI: ex cibo, cum factus est Chylus, hauriunt & evocant vasa suum sanguinem; fibræ nervæ suum succum; & substantiæ, quæ sunt origines fibrarum, suum spiritum animale. Ex REGNO VEGETABILI: Arbor cum trunco, ramis, foliis & fructibus stat super radice sua, & ex humo per radicem extrahit & evocat succum crassorem pro trunco, ramis & foliis, puriorem pro carne fructuum, & purissimum pro seminibus intra fructus. Ex REGNO MINERALI: in gremio terræ in quibusdam locis sunt minere imprægnatæ auro, argento & ferro; ex halitibus in terra reconditis trahit aurum suum elementum, argentum suum, & ferrum suum.

67. Illustretur nunc per exemplum, quomodo Angeli spirituales extrahunt suum sensum, & Angeli cælestes suum, ex sensu naturali, in quo est Verbum apud homines: in exemplum sint quinque Præcepta decalogi. PRÆCEPTUM, *Patrem tuum & Matrem tuam honorabis*: homo per patrem & matrem intelligit patrem & matrem in terra, ut & omnes qui loco patris & matris sunt; & per honorare intelligit illos honore habere, & illis obedire. At Angelus spiritualis per Patrem intelligit Dominum & per Matrem Ecclesiam; & per honorare intelligit amare. Angelus autem cælestis per Patrem intelligit Divinum Amorem Domini, per Matrem Divinam Sapientiam Ipsius, & per honorare facere bonum ab Ipso. PRÆCEPTUM, *Non furaberis*, homo per furari intelligit furari, defraudare, sub aliqua specie proximo auferre sua bona. Angelus spiritualis per furari intelligit deprivare alios suæ fidei veris & charitatis bonis, per falsa & mala. Angelus autem cælestis per furari intelligit attribuere sibi illa quæ Domini sunt, ac vindicare sibi justitiam & meritum Ipsius. PRÆCEPTUM, *non adulteraberis*; homo per adulterari intelligit adulterium committere, scortari, obscæna facere, lasciva loqui, & spurca cogitare. Angelus spiritualis per adulterari intelligit adulterare bona Verbi, & falsificare vera ejus. Angelus autem cælestis per adulterari intelligit negare Divinum Domini, & prophanare Verbum. PRÆCEPTUM, *non occides*; homo per occidere etiam intelligit odio habere, & vindictam cupere usque ad necem. Angelus spiritualis pro occidere intelligit diabolum agere & necare animam hominis. Angelus autem cælestis pro occidere intelligit Dominum odio habere, & illa quæ Domini sunt. PRÆCEPTUM, *Non false testaberis*; homo per false testari etiam intelligit mentiri & diffamare. Angelus spiritualis pro false testari intelligit dicere & persuadere quod falsum sit verum, ac malum sit bonum, & vicissim. Angelus autem cælestis pro false testari intelligit blasphemare Dominum & Verbum. Ex his videri potest, quomodo evoluitur & extrahitur spirituale & cæleste ex sensu naturali Verbi, cui insunt: & quod mirabile est, quod Angeli extrahant sua, præter quod sciant quid homo cogitat; at usque cogitationes angelorum & hominum unum faciunt per correspondentias, sicut finis, causa & effectus; fines etiam actualiter sunt in Regno cælesti, causæ in Regno spirituali, & effectus in Regno naturali: ipsa conjunctio per correspondentias talis est ex creatione; inde nunc est confociatio cum angelis per Verbum.

68. Quod confociatio hominis cum angelis sit per sensum naturalem seu literalem Verbi, est quoque, quia in unoquoque homine ex creatione sunt tres gradus vitæ, cælestis, spiritualis & naturalis; sed homo in naturali est, quamdiu est in mundo, & tunc tantum in spirituali quantum in genuinis veris est, & tantum in cælesti quantum in vita secundum illa est; at usque non venit in ipsum spirituale aut cæleste quam post mortem. Sed de hac re plura alibi.

69. Ex his constare potest, quod in solo Verbo, per id quod sit conjunctio cum Domino, & confociatio cum angelis, sit spiritus & vita, sicut Dominus docet, *Verba, quæ Ego loquor vobis, spiritus & vita sunt*, Joh. VI. 63., *Aqua, quam Ego dabo vobis, fiet fons aquæ salientis in vitam æternam*, Joh. IV. 14., *Homo non ex solo pane vivit, sed ex omni verbo egrediente ex ore Dei*, Matth. IV. 4., *Operamini cibum, qui manet in vitam æternam, quem Filius hominis vobis dabit*, Joh. VI. 27.

Quod Verbum in omnibus Cælis sit, & quod inde sapientia angelica.

70. **Q**uod Verbum in Cælis sit, non est hætenus notum, nec potuit notum fieri, quamdiu Ecclesia ignoravit, quod angeli & spiritus sint homines similes hominibus in mundo, & quod illis similia sint quæ hominibus in omni re, cum sola differentia, quod illi spirituales sint, & quod omnia quæ apud illos sunt, ex origine spirituali sint, & quod homines in mundo naturales sint, & quod omnia apud eos ex origine naturali sint; quamdiu hoc latuit, non potuit sciri, quod Verbum etiam in cælis sit, & quod legatur ab angelis ibi, & quoque a spiritibus qui sub cælis sunt. Sed ne hoc lateret in perpetuum, datum est mihi in consortio esse cum angelis & spiritibus, & loqui cum illis, & videre quæ apud illos, & postea referre plura quæ audiui & vidi; hoc factum est in Opere de CÆLO ET INFERNO Anno 1748 Londini edito: ex quo videri potest, quod angeli & spiritus sint homines, & quod omnia in copia apud illos sint, quæ apud homines in mundo. Quod angeli & spiritus homines sint, videatur in illo Opere n. 73 ad 77, & n. 453 ad 456: quod similia sint apud illos, quæ apud homines in mundo, n. 170 ad 190: tum etiam quod Cultus Divinus, & quod Prædicationes in Templis apud illos sint, n. 221 ad 227: & quod Scripturæ & quoque Libri, n. 258 ad 264: & quod Verbum, n. 259.

71. Quod Verbum in Cælo attinet, hoc scriptum est stylo spirituali, qui prorsus differt a stylo naturali: stylus spiritualis consistit ex meris literis, quarum unaquævis involvit sensum, & sunt punctationes super literis, quæ exaltant sensum. Literæ apud Angelos Regni spiritualis sunt similes literis typographicis in nostro mundo; & literæ apud Angelos Regni cælestis, quarum unaquævis etiam involvit integrum sensum, sunt similes vetustis literis Hebraicis, inflexæ vario modo, cum signis supra & intra. Quia talis est scriptura illorum, ideo non aliqua Nomina personarum & locorum in illorum Verbo sunt, quæ in nostro,

stro, sed pro Nominibus sunt res, quas significant; sicut pro Mose Verbum Historicum, pro Elia Verbum Propheticum; pro Abrahamo, Isaco & Jacobo, Dominus quoad Divinum & Divinum Humanum; pro Aharone Sacerdotium, pro Davide Regium, utrumque Domini; pro nominibus duodecim filiorum Jacobi, seu tribuum Israelis, varia Cæli & Ecclesiæ; similia pro nominibus duodecim discipulorum Domini; pro Zione & Hierosolyma, Ecclesia quoad Verbum & quoad Doctrinam e Verbo; pro Terra Canaane ipsa Ecclesia; pro Urbibus ibi cis & trans Jordanem, varia quæ Ecclesiæ & ejus Doctrinæ sunt; similiter in reliquis. Simile est cum Numeris, hi nec in Verbo, quod in cælo est, sunt, sed pro illis res, quibus numeri, qui in nostro Verbo sunt, correspondent. Ex his constare potest, quod Verbum in Cælo sit Verbum correspondens nostro Verbo, & sic quod unum sint; nam correspondentiæ faciunt unum.

72. Hoc mirabile est, quod Verbum in cælis ita scriptum sit, ut simplices illud simpliciter intelligant, ac ut sapientes sapienter; sunt enim plures punctationes & signationes super literis, quæ, ut dictum est, exaltant sensum; simplices ad illas non attendunt, nec illas norunt, at sapientes attendunt, quisque secundum suam sapientiam, usque ad summam. Exemplar Verbi ab angelis a Domino inspiratis scriptum, apud unamquamque societatem Cæli majorem in Sacratio ejus, repositum est, ne illud quoad aliquod punctum alibi immutetur. Verbum nostrum quidem in eo simile est Verbo in Cælo, quod simplices illud simpliciter intelligant, & sapientes sapienter, sed hoc fit alio modo.

73. Quod omnis sapientia sit Angelis per Verbum, hoc fatentur ipsi, nam quantum in Verbi intellectu sunt, tantum in luce sunt: Lux Cæli est Divina Sapientia, quæ coram oculis eorum est Lux. In Sacratio, in quo Exemplar Verbi repositum est, est Lux flammea & candida, excedens omnem gradum lucis, quæ extra illud in Cælo est. Causa eadem est, quæ supra dicta, quod Dominus sit in verbo.

74. Sapientia Angelorum cælestium excedit sapientiam Angelorum spiritualium, pæne sicut sapientia angelorum spiritualium excedit sapientiam hominum; & hoc ex causa, quia Angeli cælestes in bono amoris a Domino sunt, & Angeli spirituales in veris sapientiæ a Domino sunt; & ubi bonum amoris est, ibi residet sapientia simul, at ubi vera sunt, ibi non residet plus sapientiæ, quam quantum simul bonum amoris. Hæc causa est, quod Verbum in Regno cælesti aliter scriptum sit, quam Verbum in Regno spirituali; nam in Verbo Regni cælestis sunt expressa bona amoris, & signa sunt affectiones, at in Verbo Regni spiritualis sunt expressa vera sapientiæ, & signa sunt perceptiones.

75. Ex his concludi potest, qualis sapientia in Verbo, quod in mundo est, recondita latet; in hoc enim latet omnis sapientia angelica, quæ ineffabilis est, est enim continens ejus; & in illam venit homo post mortem, qui a Domino per Verbum Angelus fit.

Quod Ecclesia sit ex Verbo, & quod talis sit qualis ei est intellectus Verbi.

76. **Q**uod Ecclesia sit ex Verbo, hoc non venit in dubium; nam Verbum est ipsum Divinum Verum, n. 1 ad 4. Ex Verbo est Doctrina Ecclesiæ, n. 50 ad 61. Et per Verbum est conjunctio cum Domino, n. 62 ad 69. Sed quod Intellectus Verbi faciat Ecclesiam, hoc in dubium venire potest, quoniam sunt qui credunt, quod ab Ecclesia sint quia Verbum habent, id legunt vel a prædicatore audiunt, & aliquid ex sensu literæ ejus sciunt: sed quomodo hoc & illud in Verbo intelligendum est, non sciunt, & quidam non tanti æstimant: quare hic confirmabitur, quod non Verbum faciat Ecclesiam, sed intellectus ejus, & quod Ecclesia talis sit, qualis est intellectus Verbi apud illos, qui in Ecclesia sunt. Hoc confirmatur ex his.

77. Verbum est Verbum secundum intellectum ejus apud hominem, hoc est, sicut intelligitur, si non intelligitur, Verbum quidem vocatur Verbum, sed apud hominem non est. Verbum est Veritas secundum intellectum ejus, nam potest Verbum non Veritas esse, potest enim falsificari. Verbum est spiritus & vita secundum intellectum ejus, nam litera absque intellectu ejus est mortua. Quoniam homini est veritas & vita secundum intellectum Verbi, est quoque ei fides & amor secundum illum, nam veritas est fidei, & amor est vitæ. Nunc quia per fidem & amorem, & secundum illa, est Ecclesia, sequitur quod per intellectum Verbi, & secundum illum, Ecclesia sit Ecclesia, Ecclesia nobilis si in genuinis veris est, ignobilis si non in genuinis veris, & destructa si in falsificatis veris.

78. Præterea Dominus apud hominem præsens est & ei conjunctus per Verbum, quoniam Dominus est Verbum, & in illo quasi loquitur cum homine, tum quia Dominus est ipsum Divinum Verum, & quoque Verbum est illud. Ex hoc patet, quod Dominus apud hominem præsens sit, & simul illi conjunctus, secundum intellectum Verbi, nam secundum illum est homini veritas & inde fides, tum etiam amor & inde vita: sed est Dominus præsens apud hominem per lectionem Verbi, at ei conjunctus per intellectum veri ex Verbo, & secundum illum; & quantum Dominus homini conjunctus est, tantum in homine est Ecclesia. Ecclesia est in homine, Ecclesia quæ extra illum est, est Ecclesia apud plures, in quibus est Ecclesia; hoc intelligitur per Domini verba ad Phariseos interrogantes, quando venit Regnum Dei., *Regnum Dei intra vos est.*, Luc. XVII. 21; per Regnum Dei intelligitur ibi Dominus, & ab ipso Ecclesia.

79. In multis locis apud Prophetas agitur de intellectu Verbi, ubi agitur de Ecclesia, & docetur quod non alibi sit Ecclesia, quam ubi Verbum juste intelligitur, & quod talis sit Ecclesia, qualis est intellectus Verbi apud illos qui in illa sunt: multis in locis apud Prophetas etiam describitur Ecclesia apud gentem Israeliticam & Judaicam, quod prorsus destructa & nulla facta sit per id, quod sensum seu intellectum Verbi falsificaverint, nam aliud non destruit Ec-

clesiam. Intellectus Verbi tam verus quam falsus describitur apud Prophetas per Ephraimum, imprimis apud Hoscheam, nam per Ephraimum in Verbo significatur Intellectus Verbi in Ecclesia: & quia intellectus Verbi facit Ecclesiam, ideo Ephraim vocatur *Filius pretiosus*, & *natus deliciarum*, Jerem. XXXI. 21. *Primogenitus*, Jerem. XXXI. 20. *Robur capitis Jehovæ*, Psalm. LX. 9. Psalm. CVIII. 9. *Potens*, Sach. X. 7. *Impletus arcu*, Sach. IX. 13: & filii Ephraimi vocantur *armati* & *jaculatores arcus*, Psalm. LXXXVIII. 9; per arcum significatur doctrina ex Verbo pugnans contra falsa. Ideo etiam *Ephraim ad dextram Israelis translatus est*, & *benedictus: tum loco Rubenis acceptatus*, Gen. XLVIII. 5. 11, seq. Et ideo *Ephraim una cum fratre suo Menasse, a Mose in Benedictione filiorum Israelis sub nomine Josefhi patris illorum supra omnes exaltatus est*, Devtr. XXXIII. 13 ad 17. Qualis autem Ecclesia est, quando Intellectus Verbi est deperditus, per Ephraimum etiam apud Prophetas describitur, imprimis apud Hoscheam; ut patet ex his, *Israel & Ephraim corrueunt. Ephraim in solitudinem erit. Ephraim oppressus & concussus iudicii. Ego ero ut leo Ephraimo, rapiam & ibo, auferam & non eripiens*, Hosch. V. 5. 9. 11. 12. 13. 14., *Quid faciam tibi Ephraim, quia sanctitas tua, sicut nubes auroræ, & sicut ros mane cadens, abit*, Hosch. VI. 4. *Non habitabunt in terra Jehovæ, revertetur Ephraim Ægyptum, & in Assyria immundum comedet*, Hosch. IX. 3; terra Jehovæ est Ecclesia; Ægyptus est scientificum naturalis hominis; Assyria est ratiocinatio inde, ex quibus Verbum quoad intellectum ejus falsificatur; ideo dicitur, quod Ephraim in Ægyptum revertetur, & in Assyria immundum comedet., *Ephraim pascens ventum, & persequitur eum; omni die mendacium & vastationem multiplicat; fœdus cum Assyrio pangit, & oleum in Ægyptum defertur*, Hosch. XII. 2; pascere ventum, persequi eum, ac multiplicare mendacium & vastationem, est falsificare vera; & sic destruere Ecclesiam. Simile etiam significatur per scortationem Ephraimi; nam scortatio significat falsificationem intellectus Verbi, hoc est, genuini veri ejus; in his, *Ego novi Ephraimum, quod omnino scortatus sit, & pollutus sit Israel*, Hosch. V. 3., *In domo Israelis vidi rem fœdam, ibi scortatus est Ephraim, & pollutus est Israel*, Hosch. VI. 10: Israel est ipsa Ecclesia, & Ephraim est intellectus Verbi, ex quo & secundum quem est Ecclesia, quare dicitur scortatus est Ephraim & pollutus est Israel. Quoniam Ecclesia apud Judæos per falsificationes Verbi plane destructa fuit, ideo de Ephraimo ita dicitur, *Dabo te Ephraim, tradam te Israel, sicut Adamam, & ponam te sicut Zeboim*, Hosch. XI. 8. Nunc quia apud Prophetam Hoscheam a primo Capite ad ultimum ibi agitur de falsificatione Verbi, & de destructione Ecclesiæ per illam, & quia per scortationem significatur falsificatio veri ibi, ideo mandatum est illi Prophetæ, ut repræsentaret illum statum Ecclesiæ per quod acciperet sibi scortum in mulierem, & ex illa gigneret filios, Cap. I. ac iterum ut acciperet mulierem adulteram, Cap. III. Hæc allata sunt, ut ex Verbo sciatur & confirmetur, quod Ecclesia talis sit qualis est intellectus Verbi in illa, præstans & pretiosa, si intellectus ejus sit ex genuinis veris ex Verbo, at destructa, imo fœda, si ex falsificatis. Ad confirmationem, quod per Ephraimum significetur intellectus Verbi, & in opposito sensu ille falsificatus, & quod

inde sit destructio Ecclesiæ, conferri possunt reliqua loca, in quibus de Ephraïmo agitur, ut Hosch. IV. 17. 18. Cap. VII. 1. 11. Cap. VIII. 9. 11. Cap. IX. 11. 12. 13. 16. Cap. X. 11. Cap. XI. 3. Cap. XII. 1. 9. 15. Cap. XIII. 1. 12. Esaj. XVII. 3. Cap. XXVIII. 1. Jerem. IV. 15. Cap. XXXI. 6. 18. Cap. L. 19. Ezech. XXXVII. 16. Cap. XLVIII. 5. Obad. Vers. 9. Sachar. IX. 10.

Quod in singulis Verbi sit conjugium Domini & Ecclesiæ, & inde conjugium boni & veri.

80. **Q**uod in singulis Verbi sit conjugium Domini & Ecclesiæ, & inde conjugium boni & veri, hætenus non visum est, nec videri potuit, quia sensus spiritualis Verbi non prius detectus est, & id non videri potest nisi per illum. Sunt enim bini sensus in Verbo, latentes in sensu literæ ejus, spiritualis & cælestis; in Spirituali sensu se referunt illa quæ in Verbo sunt, maxime ad Ecclesiam, & in Cælesti maxime ad Dominum; tum in Spirituali sensu se referunt illa ad Divinum Verum, & in Cælesti ad Divinum Bonum; inde est in sensu literæ Verbi illud conjugium. Sed hoc non apparet alicui, nisi qui ex sensu spirituali & cælesti Verbi scit vocum & nominum significationes, nam quædam voces & nomina prædicantur de bono, & quædam de vero, & quædam includunt utrumque; quare absque illa cognitione Conjugium illud in singulis Verbi non videri potuit. Hæc causa est, quod hoc Arcanum non prius detectum fuerit.

81. Quia tale Conjugium in singulis Verbi est, ideo multoties in Verbo sunt binæ Expressiones, quæ apparent sicut Repetitiones ejusdem rei, attamen non sunt repetitiones, sed una se refert ad bonum, & altera ad verum, & utraque simul sumta facit conjunctionem illorum, ita unam rem; inde etiam est Divinitas Verbi, & Sanctitas ejus; nam in omni Opere Divino est Bonum conjunctum Vero, & Verum conjunctum Bono.

82. Dicitur, quod in singulis Verbi sit conjugium Domini & Ecclesiæ, & inde conjugium boni & veri, quia ubi conjugium Domini & Ecclesiæ est, ibi etiam conjugium boni & veri est, est enim hoc ab illo; nam cum Ecclesia seu homo Ecclesiæ in veris est, tunc Dominus in vera ejus influit cum bono, & illa vivificat; seu quod idem, cum Ecclesia seu homo Ecclesiæ per vera in intelligentia est, tunc Dominus per bonum amoris & charitatis in intelligentiam ejus influit, & sic ei infundit vitam.

83. Sunt binæ Facultates vitæ apud unumquemvis hominem, quæ vocantur Intellectus & Voluntas; Intellectus est receptaculum veri, & inde sapientiæ, & Voluntas est receptaculum boni & inde amoris; hæc unum facient, ut homo sit homo Ecclesiæ; ac unum faciunt, dum homo intellectum format ex genuinis veris, & hoc fit ad apparentiam sicut ab illo, & dum Voluntas ejus impletur bono amoris, hoc fit a Domino; inde homini vita veri & vita boni est,

est, vita veri in intellectu ex voluntate, & vita boni in voluntate per intellectum; hoc est conjugium veri & boni apud hominem, tum conjugium Domini & Ecclesiæ apud illum. Sed de reciproca hac conjunctione, quæ hic vocatur conjugium, in Sapiencia Angelica de DIVINA PROVIDENTIA, de DIVINO AMORE ET DE DIVINA SAPIENTIA, & de VITA videbitur.

84. Quod in Verbo sint binæ Expressiones, quæ apparent sicut Repetitiones ejusdem rei, a legentibus, qui ad id attendunt, potest videri, ut frater & egenus, vastitas & solitudo, vacuitas & inanitas, hostis & inimicus, peccatum & iniquitas, ira & excandescencia, gens & populus, gaudium & lætitia, luctus & lachrymatio, justitia & judicium, &c: quæ apparent sicut synonyma, cum tamen usque non sunt, nam frater, pauper, vastitas, hostis, peccatum, ira, gens, gaudium, luctus, justitia, prædicantur de bono, & in opposito sensu de malo; at socius, egenus, solitudo, inanitas, inimicus, iniquitas, excandescencia, populus, lætitia, lachrymatio, judicium, prædicantur de vero, & in opposito sensu de falso, & tamen apparet legenti, qui hoc arcanum non novit, quod pauper & egenus, vastitas & solitudo, vacuitas & inanitas, hostis & inimicus, una res sint, similiter peccatum & iniquitas, ira & excandescencia, gens & populus, gaudium & lætitia, luctus & lachrymatio, justitia & judicium, & tamen non una res sunt, sed una res fiunt per conjunctionem. In Verbo etiam conjunguntur plura, ut ignis & flamma, aurum & argentum, æs & ferrum, lignum & lapis, panis & aqua, panis & vinum, purpura & byssus &c. & hoc, quia ignis, aurum, æs, lignum, panis, purpura, significant bonum, ac flamma, argentum, ferrum, lapis, aqua, vinum & byssus significant verum: similiter, quod dicatur quod amaturi sint Deum ex toto corde & ex tota anima, tum quod Deus creaturus sit in homine novum cor & novum spiritum, cor enim prædicatur de bono amoris, anima de vero ex illo bono. Sunt etiam voces, quæ quia de utroque tam bono quam vero participant, solitarie absque adjunctis aliis dicuntur; sed hæc & plura alia, non existant nisi coram Angelis, & coram illis, qui dum in sensu naturali, etiam in sensu spirituali, sunt.

85. Quod binæ tales Expressiones in Verbo sint, quæ apparent sicut repetitiones ejusdem rei, prolixum foret ex Verbo ostendere, nam chartas impleret: sed ut tollatur dubium, velim loca afferre, ubi JUDICIUM & JUSTITIA simul dicuntur, tum ubi GENS & POPULUS, ut & ubi GAUDIUM & LÆTITIA. Loca ubi JUDICIUM & simul JUSTITIA nominantur, hæc sint „ Urbs plena erat *Judicio*, *Justitia* pernoctabat, Esaj. I. 21., Zion in *Justitia* redimetur, & reduces ejus in *Judicio*., Esaj. I. 27., Exaltetur Jehovah Zebaoth in *Judicio*, & Deus Sanctus Sanctificetur in *Justitia*., Esaj. V. 16., Sedebit super throno Davidis & super Regno ejus, ad stabiliendum illud in *Judicio* & in *Justitia*., Esaj. IX. 6., Exaltetur Jehovah, quia inhabitat altum, & implevit terram *Judicio* & *Justitia*., Esaj. XXXIII. 5., Dixit Jehovah, custodite *Judicium* & facite *Justitiam*; quia prope est *Salus* mea, ut *Justitia* mea reveletur., Esaj. LVI. 1., Quasi gens quæ *Justitiam* fecit, & *Judicium* Dei sui non deseruit: rogent *Judicia Justitia*., Esaj. LVIII. 2. Jura per vivum Jehovah in *Judicio* & in *Justitia*.,

stitia, Jer. IV. 2., De hoc gloriatur qui gloriatur, quod Jehovah faciat *Judicium & Justitiam* in terra,, Jerem. IX. 23., Facito *Judicium & Justitiam*. Væ ædificanti domum suam sine *Justitia*, & hyperoia sua sine *Judicio*. Nonne pater tuus fecit *Judicium & Justitiam*, & tunc bene illi,, Jer. XXXII. 3. 13. 15., Suscitabo Davidi germen justum, qui regnet Rex, & faciat *Judicium & Justitiam* in terra,, Jer. XXIII. 5. Cap. XXXIII. 15., Si vir fuerit justus, qui fecerit *Judicium & Justitiam*, Ezech. XVIII. 5., Si impius reversus fuerit, & fecerit *Judicium & Justitiam*, non fiet mentio contra eum, *Judicium & Justitiam* fecit, vivendo vivet,, Ezech. XXXIII. 14. 16. 19., Desponsabo Me tibi in æternum in *Justitia* & in *Judicio*; & in *Misericordia* & in *Miserationibus*, Hosch. II. 19. Fluet sicut aqua *Judicium*, & *Justitia* sicut torrens fortis,, Amos V. 24., Convertistis *Judicium* in fel, & fructum *Justitiæ* in absinthium,, Amos VI. 12., Jehovah litiget litem meam, & faciat *Judicium* mihi, & educat me in lucem, & videam *Justitiam* Ipsius,, Mich. VII. 9., Jehovah *Justitia* tua sicut montes Dei, *Judicia* tua abyssus magna,, Psalm. XXXVI. 7., Jehovah educet sicut lucem *Justitiam* suam, & *Judicium* sicut meridiem,, Psalm. XXXVII. 6., Jehovah judicabit populum suum in *Justitia*, & miseros suos in *Judicio*, Psalm. LXXII. 2., *Justitia & Judicium* fulcrum Throni tui,, Psalm. LXXIX. 5., Cum didicero *Judicia Justitiæ* tuæ. Septies in die laudo Te super *Judiciis Justitiæ tuæ*, Psalm. CXIX. 7. 164., Gad *Justitiam* Jehovah facit, & *Judicium* Ipsius cum Israele,, Deutr. XXXIII. 21., Spiritus veritatis arguet mundum de *Justitia* & de *Judicio*, Joh. XVI. 8. 10: & alibi. Quod *Judicium* & *Justitia* toties dicantur, est quia *Judicium* dicitur de veris, & *Justitia* de bono; quare per facere *Judicium* & *Justitiam* etiam intelligitur facere ex vero & ex bono. Quod *Judicium* dicatur de vero & *Justitia* de bono, est quia Regimen Domini in Regno spirituali vocatur *JUDICIUM*, & Regimen Domini in Regno cælesti vocatur *JUSTITIA*, de quo videatur in Opere de CÆLO ET INFERNO n. 214. 215. Quia *Judicium* dicitur de vero, ideo in quibusdam locis dicitur *Veritas & Justitia*, ut Esaj. XI. 5. Psalm. LXXXV. 12; & alibi.

86. Quod Repetitiones sicut ejusdem rei, propter conjugium boni & veri, in Verbo sint, clarius potest videri ex locis ubi dicuntur *GENTES & POPULI*; ut in his;,, Væ *Genti* peccatrici, *Populo* gravi iniquitate,, Esaj. I. 4., *Populi* ambulantes in tenebris viderunt lucem magnam, multiplicasti *Gentem*, Esaj. IX. 1. 2., Aſchur virga iræ meæ, contra *Gentem* hypocriticam mittam illum, contra *Populum* exandefentiæ meæ mandabo illum,, Esaj. X. 5. 6., Fiet in die illo, radicem Jisſoſi, qui stans in signum *Populorum Gentes* quærent,, Esaj. XI. 10., Jehovah percutiens *Populos* plaga non curabili, dominans cum ira *Gentibus*, Esaj. XVI. 6., In die illo adducetur munus Jehovah Zebaoth *Populus* distractus & expilatus, & *Gens* delineata & conculcata,, Esaj. XVI. 2., Honorabunt Te *Populus* validus, urbs *Gentium* potentium timebunt Te,, Esaj. XXV. 3., Jehovah absorbebit obvolutionem super omnes *Populos*, & velamen super omnes *Gentes*, Esaj. XXV. 8., Appropinquate *Gentes*, & *Populi* ascultate,, Esaj. XXXIV. 1., Vocavi Te in fœdus *Populo*, in lucem *Gentium*, Esaj. XLII. 6., Omnes *Gentes* congregentur una, & convenient *Populi*, Esaj.

Isaj. XLIII. 9., Ecce tollam erga *Gentes* manum meam, & erga *Populos* signum meum., Esaj. XLIX. 22., In testem *Populis* dedi Ipsum, principem & legislatorem *Gentibus*., Esaj. LIV. 4. 5., Ecce *Populus* veniens e terra septentrionis, & *Gens* magna e lateribus terræ., Jer. VI. 22. 23., Non audire te faciam amplius calumniam *Gentium*, & opprobrium *Populorum* non portabis amplius., Ezech. XXXVI. 15., Omnes *Populi* & *Gentes* Ipsum colent., Dan. VII. 14., Ne disterium de illis faciant *Gentes*, & dixerint in *Populis*, ubi Deus eorum., Joel. II. 17. Reliquiæ *Populi* mei deprædabuntur illos, & residui *Gentis* meæ hæreditabunt eos., Zeph. II. 9., Venient *Populi* multi, & *Gentes* numerosæ ad quærendum Jehovah Zebaoth in Hierosolyma., Sachar. VIII. 22., Viderunt oculi mei Salutare tuum, quod præparasti ante faciem omnium *Populorum*, lumen in revelationem *Gentium*., Luc. II. 30. 31. 32., Redemisti nos sanguine tuo ex omni *Populo* & *Gente*., Apoc. V. 9., Oportet te rursus prophetare super *Populos* & *Gentes*., Apoc. X. 11., Pones Me in caput *Gentium*, *Populus*, quem non noveram, servient Mihi., Psalm. XVIII. 44., Jehovah irritum reddit consilium *Gentium*, subvertit cogitationes *Populorum*., Psalm. XXXIII. 10., Ponis nos proverbium inter *Gentes*, motionem capitis inter *Populos*., Psalm. XLIV. 15., Jehovah subjiciet *Populos* sub nos, & *Gentes* sub pedes nostros. Regnavit Jehovah super *Gentes*; spontanei *Populorum* congregati sunt., Psalm. XLVII. 4. 9. 10., Confitebuntur Te *Populi*, lætabuntur & jubilabunt *Gentes*; eo quod judicaturus sis *Populos* rectitudine, & *Gentes* in terra ducturus es., Psalm. LXVII. 3. 4. 5., Memento mei Jehovah in beneplacito *Populi* tui, ut læter in gaudio *Gentium* tuarum., Psalm. CVI. 4. 5: præter alibi. Quod *Gentes* & simul *Populi* dicantur, est quia per *Gentes* intelliguntur qui in bono sunt, & in opposito sensu qui in malo; & per *Populos* qui in veris, & in opposito sensu qui in falsis: quare illi qui e Spirituali Regno Domini sunt, vocantur *Populi*, & illi qui e Cælesti Regno Domini sunt, vocantur *Gentes*; nam in Spirituali Regno sunt omnes in veris & inde in sapientia, in Cælesti autem Regno sunt omnes in bono & inde in amore.

87. Simile est cum reliquis, sicut quod ubi dicitur GAUDIUM etiam dicatur LÆTITIA, ut in his., Ecce Gaudium & Lætitia occidere bovem., Esaj. XXII. 13. Gaudium & Lætitia assequuntur, fugient tristitia & gemitus., Esaj. XXXV. 10. Cap. LI. 11., Excisum est e domo Dei nostri Lætitia & Gaudium., Joel. I. 16., Abrogabitur vox Gaudii & vox Lætitiæ., Jer. VII. 34. Cap. XXV. 10., Jejunium decimi erit domui Jehudæ in Gaudium & Lætitiæ., Sach VIII. 19., Ut Gaudeamus omnibus diebus nostris, Lætifica nos., Psalm. XC. 14. 15., Lætmini in Hierosolyma, Gaudete in ea., Esaj. LXVI. 10., Gaude & Lætare filia Edomi., Thren. IV. 21., Lætabuntur Cæli, & Gaudebit terra., Psalm. LXVIII. 4., Audire me facient Gaudium & Lætitiæ., Psalm. LI. 10., Gaudium & Lætitia invenietur in Zione, confessio & vox cantus., Esaj. LI. 3., Erit Lætitia, & multi super nativitate Ipsius Gaudebunt., Luc. I. 14., Cesare faciam vocem Gaudii & vocem Lætitiæ, vocem sponsi & vocem sponsæ., Jer. VII. 34. Cap. XVI. 9. Cap. XXV. 10., Adhuc audietur in loco hoc vox Gaudii & vox Lætitiæ, & vox sponsi & vox sponsæ., Jerem. XXXIII. 10.

11; & alibi. Quod utrumque tam gaudium quam lætitia dicatur, est quia gaudium est boni & lætitia est veri, seu gaudium est amoris & lætitia est sapientiæ, est enim gaudium cordis & lætitia animæ, seu est gaudium voluntatis & lætitia intellectus. Quod conjugium Domini & Ecclesiæ etiam in his fit, patet ex eo, quod dicatur, *Vox gaudii & vox lætitiæ, vox Sponsi & vox Sponsæ*, Jerem. VII. 34. Cap. XVI. 9. Cap. XXV. 10. Cap. XXXIII. 10. 11, & Dominus est Sponsus & Ecclesia est Sponsa; quod Dominus sit Sponsus, videatur Matth IX. 15. Marc. II. 19. 20. Luc. V. 35. & quod Ecclesia sit sponsa, Apoc. XXI. 2. 9. Cap. XXII. 17: quare Johannes Baptista dicit de Jesu, *Qui habet sponsam Sponsus est*, Joh. III. 29.

88. Propter conjugium Domini cum Ecclesia, seu quod idem est, propter Conjugium Divini Boni & Divini Veri, in singulis Verbi, permultis in locis dicitur Jehovah & Deus, ac Jehovah & Sanctus Israelis, sicut forent duo, cum tamen unum sunt; per Jehovah enim intelligitur Dominus quoad Divinum Bonum, & per Deum Dominus quoad Divinum Verum. Quod Jehovah & Deus, tum Jehovah & Sanctus Israelis in permultis locis in Verbo dicantur, & tamen intelligatur Unus, qui est Dominus, in DOCTRINA DE DOMINO, n. 34-38 & 46, videatur

89. Quoniam in omnibus & singulis Verbi est Conjugium Domini & Ecclesiæ, constare potest, quod omnia & singula Verbi de Domino agant, ut in DOCTRINA DE DOMINO n. 1 ad 7, cæptum est demonstrare: Ecclesia, de qua etiam agitur, est quoque Dominus, nam docet Dominus, quod homo Ecclesiæ sit in Ipso, & Ipse in illo, Joh. VI. 56. Cap. XIV. 20. 21. Cap. XV. 5. 7.

90. Quia de Divinitate & Sanctitate Verbi hic agitur, aliquid memorabile illis, quæ hæcenus dicta sunt, adjicere licet. Quondam apud me e Cælo missa est chartula exarata literis Hebraicis, sed scriptis sicut apud Antiquos, apud quos illæ literæ, quæ hodie quoad aliquam partem lineares sunt, fuerunt inflexæ cum corniculis sursum vergentibus, & dicebant Angeli, qui tunc apud me erant, quod scirent integros sensus ex ipsis literis, & quod illos scirent imprimis ex flexuris linearum & apicum literæ, & explicabant, quid significarent seorsim & quid conjunctim, dicentes quod H, quod additum est nominibus Abrami & Sarai, significaret Infinitum ac Æternum; Explicabant etiam coram me sensum Verbi Psalm. XXXII. Vers. 2, ex folis literis seu syllabis, quod sensus illarum in summa esset, *Quod Dominus etiam misericors sit illis qui malefaciunt*: informabant me, quod Scriptura in Tertio Cælo ex literis inflexis & varie incurvatis, quarum unaquævis haberet sensum, constaret; & quod Vocales ibi essent pro sono, qui correspondet affectioni, & quod in illo Cælo non possent enuntiare Vocales i & e, sed pro illis y & eu, & quod Vocales a, o & u illis in usu essent, quia dant sonum plenum: tum quod non exprimerent aliquas literas consonantes asperè, sed molliter, & quod inde sit quod literæ quædam Hebraicæ intus punctatæ sint, in signum ut molliter enuntientur, dicentes, quod asperitas in literis esset in-usu in spiritali Cælo, ex causa quia ibi in-veris sunt, & verum admittit asperum, non autem bonum, in quo sunt Angeli Regni cælestis seu Tertii Cæli. Dicebant etiam, quod Verbum apud se con-

conscriptum haberent literis inflexis cum corniculis & apicibus significativis; ex quo patuit, quid significant hæc Domini, *Non Jotha & Corniculum præteribit de Lege, donec omnia fiunt*, Matth. V. 18. Tum, *Facilius est Cælum & Terram transire, quam Legis unum Apicem cadere*, Luc. XVI. 17.

Quod Hæreses ex sensu literæ Verbi captari possint, sed quod confirmare illas damnosum sit.

91. Supra ostensum est, quod Verbum non possit intelligi absque Doctrina, & quod Doctrina sit sicut Lucerna, ut genuina Vera videantur; & hoc ex causa, quia Verbum per meras Correspondentias conscriptum est, inde est, quod plura ibi Apparentiæ veri sint, & non nuda vera, & plura ad captum naturalis imo sensualis hominis scripta, sed tamen ita, ut simplices illud simpliciter possint intelligere, & intelligentes intelligenter, ac sapientes sapienter. Nunc quia Verbum tale est, possunt apparentiæ veri, quæ sunt vestita vera, pro nudis veris captari; quæ dum confirmantur, fiunt falsa: sed hoc fit ab illis, qui supra alios se credunt sapere, cum tamen non sapiunt, nam sapere est videre num verum sit antequam confirmatur, non autem confirmare quodcunque lubet; hoc faciunt illi, qui genio confirmandi pollent, & in fastu propriæ intelligentiæ sunt; illud autem faciunt qui amant vera, & afficiuntur illis, quia vera sunt, & faciunt illa usus vitæ; hi enim illustrantur a Domino, ac vident vera ex luce illorum; illi autem illustrantur a semet, & vident falsa etiam ex luce illorum.

92. Quod Apparentiæ veri, quæ sunt vestita vera, pro nudis veris ex Verbo captari possint, & quod, dum confirmantur, fiant falsa, constare potest ex tot Hæresibus, quæ in Christianismo fuerunt, & adhuc sunt. Ipsæ hæreses non damnant homines, sed vita mala, tum confirmationes falsitatum, quæ in hæresi sunt, ex Verbo, & per ratiocinia ex naturali homine, damnant. Quisque enim nascitur in Religionem parentum suorum, ab infantia initiatur in illam, & postea retinet illam, nec potest semet ipsum educere ex falsis ejus propter negotia in mundo: sed vivere male, & confirmare falsa usque ad destructionem genuini veri, hoc damnat: nam qui manet in sua Religione, & credit in Deum, ac intra Christianismum, credit in Dominum, & Verbum sanctum habet, & secundum Præcepta decalogi ex religione vivit, is non jurat in falsa, quare dum audit vera, & suo modo percipit illa, potest illa amplecti, & sic a falsis educi; non autem ille, qui falsa Religionis suæ confirmaverat, nam falsum confirmatum manet, & non potest extirpari; est enim falsum post confirmationem, sicut quis juraverit in illud, imprimis si cohæret cum amore proprii, & inde fastu sapientiæ.

93. Loquutus sum cum quibusdam in Mundo spirituali, qui ante plura sæcula vixerunt, & se confirmaverunt in falsis Religionis suæ, & compertus sum, quod in iisdem adhuc constanter manerent: & loquutus sum cum quibusdam ibi, qui ex eadem Religione fuerunt, & cogitaverunt sicut illi, sed non con-

firmaverunt falsa ejus apud se, & compertus sum, quod instructi ab Angelis falsa rejecerint, & vera imbuerint; & quod hi salvati sint, non autem illi. Unusquisque homo post mortem instruitur ab angelis, & recipiuntur illi qui vera vident, & ex veris falsa, nam datur cuivis vera spiritualiter videre post mortem; vera vident illi qui non se confirmaverunt, sed qui se confirmaverunt, non volunt videre vera, & si vident, se retro vertunt, & tunc vel ad illa ridend, vel illa falsificant.

94. Sed hoc illustretur per Exemplum: in Verbo multis in locis tribuitur Domino ira, excandescencia, vindicta, & quod puniat, dejiciat in infernum, tentet, & plura similia; qui hoc simpliciter credit, & propterea timet Deum, & sibi cavet a peccare contra Ipsum, ille propter simplicem illam fidem non damnatur; sed qui apud se confirmat illa eousque, ut credat, quod ira, excandescencia, vindicta, & sic talia quæ mali sunt, apud Dominum sint, & quod ex ira, excandescencia & vindicta hominem puniat, & in infernum dejiciat, ille damnatur, quia genuinum verum destruxit, quod est quod Dominus sit Ipse Amor, Ipsa Misericordia, & Ipsum Bonum, & Qui est illa; non potest irasci, excandescere, & vindicare. Quod illa Domino tribuantur, est ex apparentia. Similiter in multis aliis.

95. Quod plura in sensu literæ sint Vera apparentia, in quibus Vera genuina latent, & quod non damnosum sit secundum Vera cogitare & loqui, sed quod damnosum sit confirmare illa usque ad destructionem genuini Veri, quod intus latet, illustrari etiam potest per Exemplum in natura, quod adfertur, quia naturale clarius quam spirituale docet & persuadet. Coram oculis apparet, sicut Sol quovis die circum tellurem feratur, & quoque semel quotannis, inde in Verbo dicitur quod Sol oriatur & occidat, quod faciat mane, meridiem, vespeream & noctem, atque tempora veris, æstatis, autumnii & hyemis, & sic dies & annos; cum tamen Sol immotus stat, est enim Oceanus igneus, & Tellus circumvolvitur quotidie, & circumfertur quotannis: homo qui ex simplicitate & ex ignorantia cogitat, quod circumferatur, non destruit veritatem naturalem, quæ est, quod Tellus quotidie rotetur circum axem, & quotannis feratur secundum eclipticam: at qui confirmat apparentem solis motum & cursum per Verbum, & per ratiocinia ex naturali homine, is infirmat veritatem, & quoque destruit illam. Quod Sol moveatur, est apparens verum, quod non moveatur, est genuinum verum, quisque potest loqui secundum apparens verum, & quoque loquitur, sed cogitare secundum illud ex confirmatione, hoc intellectum rationalem hebetat & opacat. Simile est cum stellis Cæli astriferi; apparens verum est, quod illæ quoque semel quotidie, sicut sol, circumferantur, quare dicitur etiam de stellis, quod orientur & occidant; sed genuinum verum est, quod stellæ sint fixæ, & quod Cælum illarum immotum stet; attamen potest quisque secundum apparentiam loqui.

96. Quod damnosum sit confirmare apparens verum Verbi, usque ad destructionem genuini veri, quod intus latet, est quia omnia & singula sensus literæ Verbi communicant cum Cælo, & aperiunt illud, secundum illa, quæ supra n. 62 ad 69, dicta sunt. Cum itaque homo illum sensum applicat ad confirman-

firmandum amores mundi contrarios amoribus Cæli, tunc internum Verbi falsum fit; quare cum externum ejus, quod est sensus literæ, cujus internum est falsum, communicatur cum Cælo, tunc clauditur Cælum, nam Angeli, qui in interno Verbi sunt, rejiciunt illud. Ex quo patet, quod falsum internum seu verum falsificatum auferat communicationem cum Cælo, & claudat illud. Hæc causa est, quod confirmare aliquod falsum hæreticum, damnosum sit.

96. Verbum est sicut Hortus, qui Paradisus cælestis vocandus est, in quo cupediæ & delitiæ omnis generis sunt, cupediæ ex fructibus & delitiæ ex floribus, in cujus medio sunt arbores vitæ, juxta quas fontes aquæ vivæ; at circum circa Hortum sunt arbores sylvæ: homo qui ex Doctrina in Divinis veris est, in medio est, ubi sunt arbores vitæ, & actualiter cupediis & delitiis inde fruitur: homo autem, qui non ex Doctrina in veris est, sed ex solo sensu literæ, is in circuitu est, & videt modo Sylvestria: at qui in Doctrina religionis falsæ est, & falsum ejus apud se confirmavit, ne quidem in sylva est, sed extra illam in campo arenoso, ubi nec gramen. Quod etiam tales status illorum post mortem sit, in suo loco confirmabitur.

97. Insuper sciendum est, quod sensus literæ Verbi sit custodia pro genuinis veris, quæ intus latent; & in eo est custodia, quod ille sensus possit huc illic verti, & explicari secundum captum, & per id tamen internum non lædi & violari: non enim nocet, ut sensus literæ Verbi aliter ab uno quam ab altero intelligatur; sed id nocet, si Divina Vera, quæ intus latent, pervertantur, per hoc enim inferitur Verbo violentia. Ne hoc fiat, custodit sensus literæ; & custodit apud illos, qui in falsis sunt ex religione, & falsa illa non confirmant, nam hi non aliquam violentiam inferunt. Hæc Custodia significatur per Cherubos, & quoque describitur per illos in Verbo. Illa significatur per Cherubos, qui, postquam Adamus cum uxore ejectus est ex Horto Edenis, ad introitum ejus positi sunt, de quibus hæc leguntur, *Cum Jehovah Deus expulerat hominem, habitare fecit ab oriente Horti Edenis Cherubos, & flammam gladii hinc inde vertentis se, ad custodiendum viam Arboris vitæ*, Genes. III. 23. 24: per Cherubos significatur custodia; per viam arboris vitæ, significatur introitus ad Dominum, qui hominibus est per Verbum; per flammam gladii hinc inde vertentis se, significatur Divinum Verum in ultimis, quod est sicut Verbum in sensu literæ, qui ita verti potest. Simile intelligitur per Cherubos ex auro positos super duabus extremitatibus Propitiatorii, quod erat super Arca, in Tabernaculo, Exod. XXV. 18 ad 21; quia hoc significabatur per Cherubos, ideo Dominus inter illos loquutus est cum Mose, Exod. XXV. 22. Cap. XXXVI. 9. Num. VII. 89; quod Dominus loquatur cum homine non nisi quam in pleno, & Verbum in sensu literæ est Divinum Verum in pleno, videatur supra n. 37 ad 49; sic itaque Dominus loquutus est cum Mose inter Cherubos. Nec aliud significatum est per Cherubos super Aulæis Tabernaculi; & super Velo ibi, Exod. XXVI. 31; nam aulæa & vela Tabernaculi repræsentabant ultima Cæli & Ecclesiæ, ac ita etiam Verbi, videatur supra n. 46. Nec aliud significatum est per Cherubos in medio Templi Hierosolymitani, 1 Reg. VI. 22 ad 28: & per Cherubos sculptos super parietibus & super foribus Templi, 1 Reg. VI. 29. 32. 35. Similiter per Cherubos

in novo Templo,, Ezech. XLI. 18. 19. 20; videatur etiam supra n. 47. Quoniam per Cherubos significabatur Custodia ne Dominus, Cælum & Divinum Verum, quale est intus in Verbo, immediate adeantur, sed mediate per ultima, ideo de Rege Tyri ita dicitur,, *Tu obsignans demensum, plenus sapientia & perfectus pulchritudine, in Eden hortu fuisti, omnis lapis pretiosus tegumentum tuum, tu Cherube expansio contegentis: perdidisti te, Cherube contegens, in medio lapidum ignis*,, Ezech. XXVIII. 12. 13. 14. 16: per Tyrum significatur Ecclesia quoad cognitiones veri & boni, & inde per Regem ejus Verbum ubi & unde cognitiones illæ sunt; quod Verbum hic in suo ultimo, quod est sensus literæ, per illum, & per Cherubum custodia significetur, patet, nam dicitur, *tu obsignans demensum, omnis lapis pretiosus tegumentum tuum, ac tu Cherube expansio contegentis, ut & Cherube contegens: quod per lapides pretiosos, qui etiam ibi nominantur, intelligantur vera sensus literæ Verbi, videatur supra n. 45. Quoniam per Cherubos significatur ultimum Divini Veri, ut Custodia, ideo dicitur apud Davidem, „ *Jehovah inclinavit Cælos, & descendit, & equitavit super Cherubo*,, Psalm XVIII. 10. 11., *Pastor Israelis, qui sedet super Cherubis, effulge*,, Psalm LXXX. 2., *Jehovah insidens Cherubis*, Psalm XCIX. 1: equitare super Cherubis, sedere super illis, & insidere illis, est super sensu ultimo Verbi. Divinum Verum in Verbo, & ejus quale describitur per Cherubos apud Ezechielem in Capite Imo & in IX^{no} & X^{mo}: at quia nemo scire potest, quid per singula descriptionis illorum significatur, nisi cui apertus est sensus spiritualis, ideo mihi detectum est quid in summa per omnia illa, quæ de Cherubis dicuntur in Primo Capite apud Ezechielem, significatur, quæ hæc sunt; describitur Divina sphaera externa Verbi, Vers. 4: Illa repræsentata sicut homo, Vers. 5. Coniuncta spiritualibus & cælestibus, Vers. 6. Naturale Verbi, quale est, Vers. 7. Spirituale & cæleste Verbi coniunctum naturali ejus, quale, Vers. 8. 9. Divinus Amor boni & veri cælestis, spiritualis & naturalis inibi distinctim & simul, Vers. 10. 11: Quod ad unum spectent, Vers. 12. Sphaera Verbi ex Divino Bono & Divino Vero Domini, ex quibus Verbum vivit, Vers. 13. 14. Doctrina boni & veri in Verbo & ex Verbo, Vers. 15 ad 21. Divinum Domini supra illud & in illo, Vers. 22. 23. Et ex illo, Vers. 24. 25. Quod Dominus sit supra Cælos, Vers. 26. Et quod Ipsi sit Divinus Amor & Divina sapientia, Vers. 27. 28. Hæc summaria etiam collata sunt cum Verbo in Cælo, & cum illo conformia sunt.*

Quod Dominus in Mundum venerit, ut impleret omnia Verbi, & per id fieret Divinum Verum seu Verbum etiam in ultimis.

98. Quod Dominus in mundum venerit, ut impleret omnia Verbi, videatur in Doctrina de Domino n. 8 ad 11. Quod per id factus sit Divinum Verum seu Verbum etiam in ultimis, intelligitur per hæc apud Johannem,, *Verbum Caro factum est, & habitavit inter nos, & vidimus gloriam*

viam Ipfus, gloriam ficut Unigeniti a Patre, plenus gratia & veritate, I. 14; fieri Caro est fieri Verbum in ultimis. Qualis fuit ut Verbum in ultimis, ostendit discipulis cum transformatus est, Matth. XVII. 2 seq: Marc IX. 2 seq: Luc. IX. 28 seq: & ibi dicitur, quod Moses & Elias visi sint in gloria; per Mosen & Eliam intelligitur Verbum, videatur supra n. 48. Dominus ut Verbum in ultimis, etiam describitur apud Johannem in Apocalypfi Cap. I. 13 ad 16: ubi omnia descriptionis Ipfius significant ultima Divini Veri seu Verbi. Dominus prius quidem fuerat Verbum, sed in Primis, nam dicitur, *In principio erat Verbum, & Verbum erat apud Deum, & Deus erat Verbum; hoc erat in principio apud Deum*, Joh. I. 1. 2. 3: sed quando Verbum Caro factum est, tunc Dominus factus est Verbum etiam in Ultimis: ex eo est, quod dicatur Primus & Ultimus, Apoc. I. 8. 11. 17. Cap. II. 8. Cap. XXI. 6. Cap. XXII. 12. 13.

99. Per id quod Dominus etiam factus sit Verbum in ultimis, status Ecclesiæ prorsus mutatus est; omnes Ecclesiæ, quæ ante Adventum Ipfius fuerunt, Ecclesiæ Repræsentativæ fuerunt; quæ Divinum Verum non videre potuerunt nisi quam in umbra; at post Adventum Domini in Mundum, Ecclesia ab Ipso instituta est, quæ Divinum Verum vidit in luce: differentia est, qualis inter vesperam & mane; status Ecclesiæ ante Adventum Ipfius etiam vocatur Vespera, & status Ecclesiæ post Adventum Ipfius vocatur Mane. Dominus ante adventum suum in mundum quidem præsens fuit apud homines Ecclesiæ, sed mediate per Cælum, at post adventum suum in mundum præsens est apud homines Ecclesiæ immediate; nam in mundo induit etiam Divinum Naturale, in quo apud homines præsens est: Glorificatio Domini est Glorificatio Humani Ipfius, quod assumsit in mundo; ac Humanum Domini glorificatum est Divinum Naturale.

100. Quomodo Dominus est Verbum, a paucis intelligitur, cogitant enim quod Dominus quidem per Verbum potest hominem illustrare & docere, & tamen non inde potest vocari Verbum: at sciant, quod unusquisque homo sit suus amor, & inde suum bonum & suum verum, homo non aliunde est homo, & non aliud apud illum est homo. Ex eo quod homo sit suum bonum & suum verum, sunt etiam Angeli & spiritus homines; nam omne bonum & verum procedens a Domino in sua forma est homo: Dominus autem est Ipsum Divinum Bonum & Divinum Verum, ita est Ipse Homo, a quo omnis homo est homo. Quod omne Divinum Bonum & Divinum Verum in sua forma sit homo, videatur in Opere de CÆLO & INFERNO n. 460; & clariùs videbitur in Trans actionibus sequentibus, quæ erunt de SAPIENTIA ANGELICA.

Quod ante hoc Verbum, quod hodie est in mundo, fuerit Verbum quod deperditum est.

101. **Q**uod ante Verbum per Mosen & Prophetas apud Gentem Israeliticam datum, Cultus per sacrificia notus fuerit, & quod ex ore Jehovahæ prophetaverint, ex memoratis in Libris Mosis, constare potest. *Quod cultus per sacrificia notus fuerit*, ex his,, Mandatum est, ut filii Israel Gentium altaria everterent; illarum statuas confringerent, & illarum lucos excinderent,, Exod. XXXIV. 13. Devtr. VII. 5. Cap. XII. 3,, Quod Israel in Schittim cæperit scortari cum filiabus Moabi, vocaverint populum ad sacrificia deorum suorum, & comederit populus, & incurvaverit se diis eorum, & imprimis adjunxerit se Baalpeori, & quod accensa sit ira Jehovahæ contra Israel propterea, Num. XXV. 1. 2. 3. Tum,, Quod Bileamus, qui fuit ex Syria, fecerit extruere altaria, & sacrificaverit boves & pecudes,, Num. XXII. 40. Cap. XXIII. 1. 2. 14. 29. 30. *Quod etiam ex ore Jehovahæ prophetaverint*, constat ex Prophetiis Bileami, Num. XXIII. 7 ad 10. 18 ad 24. Cap. XXIV. 3 ad 9; 16 ad 25. quod etiam prophetaverit de Domino,, quod oriretur stella ex Jacobo, & sceptrum ex Israele,, Num. XXIII. 17. Quod prophetaverit ex ore Jehovahæ, Num. XXII. 13. 18. Cap. XXIII. 3. 5. 8. 16. 26. Cap. XXIV. 1. 13. Ex his patet, quod cultus Divinus similis cultui apud Gentem Israeliticam per Mosen instituto apud gentes fuerit. *Quod etiam ante Abrami tempus fuerit*, aliquantum elucet ex verbis apud Mosen, Devtr. XXXII. 7. 8; sed evidentius ex Malchizedech Rege Schalemi, quod eduxerit Panem & Vinum, & benedixerit Abramo, & quod Abram dederit ei decimas de omnibus, Gen. XIV. 18 ad 20: & quod Malchizedech representaverit Dominum, nam vocatur Sacerdos Deo Altissimo, Genes. XIV. 18; & de Domino dicitur apud Davidem,, Tu Sacerdos in æternum, juxta modum Malchizedechi,, Psalm. CX. 4: inde erat, quod Malchizedech eduxerit Panem & Vinum, ut sancta Ecclesiæ, sicut in Sacramento Cænæ sancta sunt; & quod Malchizedech potuerit benedicere Abramo, & quod Abram dederit ei decimas de omnibus.

102. Quod Verbum apud Antiquos fuerit conscriptum per meras correspondencias, sed quod deperditum sit, relatum mihi est per Angelos cæli, & dictum, quod id Verbum adhuc apud illos conservatum sit, & in usu apud Antiquos in illo cælo, apud quos, cum in mundo fuerunt, id Verbum fuit. Antiqui illi, apud quos illud Verbum in cælo adhuc in usu est, fuerunt quoad partem ex terra Canaane, & ex confiniis ejus, ut ex Syria, Mesopotamia, Arabia, Chaldaea, Assyria, ex Ægypto, ex Zidone, Tyro & Ninive, quorum omnium Regnorum incolæ fuerunt in Cultu representativo, & inde in scientia correspondentiæ: sapientia illius temporis fuit ex illa Scientia, & per illam fuit illis perceptio interior, & communicatio cum cælis. Illi, qui correspondencias istius Verbi interiorius noverunt, vocati sunt Sapientes & Intelligentes, at postea Divinatores & Magi. Sed quia id Verbum erat plenum talibus correspondentiis, quæ remote significabant cælestia & spiritalia, & inde a mul-

tis incepit falsificari, ideo ex Divina Domini Providentia id successu temporis evanuit, & tandem deperditum est; & aliud Verbum per correspondentias non ita remotas conscriptum, datum est, & hoc per Prophetas apud filios Israelis. In hoc tamen Verbo retenta sunt plura nomina locorum, quæ in terra Canaane, ac circum circa in Asia sunt, in quo significant similia, quæ in Verbo vetusto. Propter hanc causam Abram in illam terram ire iussus est, & ejus posterius ex Jacobo in illam introducti sunt.

103. Quod Verbum apud Antiquos fuerit, constat etiam apud Mosen, a quo nominatur, & aliquod desumptum est, Num. XXI. Vers. 14. 15. 27 ad 30; & quod Historica illius Verbi appellata sint BELLA JEHOVÆ, ac Prophetica ENUNTIATA. Ex Historicis istius Verbi a Mose desumptum est hoc,, *Propterea dicitur in LIBRO BELLORUM JEHOVÆ: Vabebam in Supha, & fluvios Arnenem; & Aquæductum fluviorum, qui declinavit usque habitatur Ar, & sistit se ad terminum Moabi*, Num. XXI. 14. 15; per Bella Jehovæ in illo Verbo, sicut in nostro, intellectæ & descriptæ sunt Pugnæ Domini cum Inferno, & Victoriæ super illud, quando in mundum venturus esset: eadem etiam Pugnæ multis in locis intelliguntur & describuntur in Historicis nostri Verbi, ut in Bellis Josuæ cum gentibus terræ Canaanis, & in Bellis Judicum & Regum Israelis. Ex Prophetis istius Verbi hæc desumpta sunt a Mose,, *Propterea dicunt ENUNTIATORES; ingredimini Chesbonem, edificabitur & confirmabitur urbs Sichonis; nam ignis exivit ex Chesbone, flamma ex urbe Sichonis; comedit Ar Moabi, possessores excelsum Arnonis: vae tibi Moabe, periisti popule Kemofchi, dedit filios suos evasores, & filias suas in captivitatem Regi Emorrhæi Sichoni: cum telis consecimus eos: periit Chesbon usque ad Dibonem, & devastavimus usque ad Nophach, quod usque ad Medebam*, Num. XXI. 27. 28. 29. 30. Translatore vertunt PROVERBIOREM COMPOSITORES, sed vocandi ENUNTIATORES seu ENUNTIATA PROPHETICA, ut constare potest a significatione vocis MOSCHALIM in Lingua Hebræa, quod non modo sint Proverbia, sed etiam Enuntiata Prophetica, ut Num. XXIII. 7. 18. Cap. XXIV. 3. 15, ubi dicitur quod Bileamus ediderit ENUNTIATUM SUUM, quod fuit Propheticum, etiam de Domino; Enuntiatum ejus ibi vocatur Maschal in singulari; accedit, quod illa a Mose inde desumpta non sint Proverbia, sed Prophetica. Quod illud Verbum similiter Divinum seu Divinitus inspiratum fuerit, patet apud Jeremiam, ubi pæne similia verba leguntur;,, *Ignis exivit ex Chesbone, & flamma ab inter Sichonem, quæ comedit angulum Moabi, & verticem filiorum strepitus: vae tibi Moabe, periit populus Kemofchi, nam rapti sunt filii tui in captivitatem, & filia tuæ in captivitatem*, Jerem. XLVIII. 45. 46. Præter illa nominatur etiam Liber Propheticus Verbi Vetusti, vocatus Liber Jaschar seu Liber Recti, a Davide & a Josua: a Davide,, *Lamentatus est David super Schaul & super Jonathane, & inscripsit ad docendum filios Jebudæ arcum: ecce scripta super LIBRO JASCHAR*, II Sam. I. 17. 18. Et a Josua,, *Dixit Josua, Sol in Gibeone quiesce, & Luna in valle Ajalonis, nonne hoc scriptum est super LIBRO JASCHAR*, Jos. X. 12. 13. Insuper, dictum est mihi, quod septem prima Capita Geneseos in Verbo illo Vetusto existent, ut non verbum desit.

Quod per Verbum etiam sit Lux illis, qui extra Ecclesiam sunt, & non habent Verbum.

104. **N**on potest dari conjunctio cum Cælo, nisi alicubi in Tellure sit Ecclesia, ubi est Verbum, & per id Dominus notus, quia Dominus est Deus Cæli & Terræ, & absque Domino nulla salus. Satis est, ut Ecclesia sit, ubi Verbum, tametsi illa consistit ex paucis respective; per id usque Dominus præsens est ubivis in universo terrarum orbe, nam per id Cælum conjunctum est Humano Generi; quod conjunctio sit per Verbum, videatur supra n. 62 ad 69.

105. Quomodo autem præsentia & conjunctio Domini & Cæli datur in omnibus terris per Verbum, dicitur. Universum Cælum coram Domino est sicut unus Homo, similiter Ecclesia; quod etiam actualiter appareant ut Homo, videatur in Opere de CÆLO ET INFERNŌ, n. 59 ad 87. In illo Homine est Ecclesia, ubi Verbum legitur, & per id Dominus notus est, sicut Cor & sicut Pulmo, Regnum cælestē ut Cor, & Regnum spirituale ut Pulmo. Sicut ex his binis fontibus Vitæ in Humano Corpore omnia reliqua Membra & Viscera subsistunt & vivunt, ita quoque omnes illi in Terrarum Orbe, apud quos Religiosum est, & Deus unus colitur, & bene vivitur, & per id in Homine illo sunt, & referunt Membra & Viscera ejus extra Thoracem, ubi sunt Cor & Pulmo, ex conjunctiōe Domini & Cæli per Verbum cum Ecclesia, subsistunt & vivunt; nam Verbum in Ecclesia, tametsi est apud paucos respective, est vita reliquis a Domino per Cælum, sicut Membrorum & Viscerum totius Corporis est vita ex Corde & Pulmone; est quoque communicatio similis. Quæ etiam causa est, quod Christiani, apud quos Verbum legitur, constituent Pectus illius Hominis: sunt etiam in medio omnium, & circum illos sunt Pontificii, circum hos sunt Mahumedani, qui agnoscunt Dominum ut Maximum Prophetam, ac ut Filium Dei; post hos autem sunt Africani, ac ultimam circumferentiam constituunt Gentes & Populi in Asia & in Indiis; de qua illorum Ordinatione videantur aliqua in Opusculo de ULTIMO JUDICIO n. 48. Spectant etiam omnes, qui in Homine illo sunt, versus Meditullium, ubi sunt Christiani.

106. In meditullio, ubi sunt Christiani, quibus est Verbum, est maxima Lux, Lux enim in Cælis est Divinum Verum procedens a Domino ut Sole ibi, & quia Verbum est illud, est maxima Lux ubi sunt illi, quibus est Verbum. Lux inde ut a suo Centro se propagat circum in omnes peripherias usque ad ultimam; inde est illustratio Gentium & Populorum extra Ecclesiam etiam per Verbum. Quod Lux in Cælis sit Divinum Verum procedens a Domino, & quod illa Lux det intelligentiam non modo Angelis, sed etiam hominibus, videatur in Opere de CÆLO ET INFERNŌ n. 126 ad 140.

107. Quod tale sit in universo Cælo, concludi potest a simili in unaquavis societate ibi, nam unaquævis Societas cæli est Cælum in minore forma, & quo-

quoque est sicut Homo; quod ita sit, videatur in Opere de CÆLO ET INFERNO n. 41 ad 87. In omni Societate cæli, illi qui in medio ejus sunt, similiter referunt Cor & Pulmonem, & apud illos est maxima Lux: ipsa Lux & inde Perceptio veri, a medio illo se propagat versus peripherias quaquaversum, ita ad omnes qui in societate sunt, & facit vitam illorum spiritualem. Ostensum est, quod quando illi qui in medio erant, qui provinciam Cordis & Pulmonum constituebant, & apud quos maxima Lux erat, auferrentur, illi qui circum erant, in umbra essent, & tunc in tam exili perceptione veri, ut vix in aliqua; sed mox ut redierunt, visa est Lux & fuit illis Perceptio veri sicut prius.

108. Idem etiam illustrari potest ab hac experientia: erant apud me Spiritus Africani ex Abyssina; illis quondam aperiebantur aures, ut audirent cantum in aliquo Templo in Mundo ex Psalmo Davidis, ex quo afficiebantur tali jucunditate, & una cum illis canerent: sed mox clauderentur aures, ut non audirent inde aliquid; at tunc adhuc majore jucunditate afficiebantur, quia spirituali, & simul implebantur intelligentia, quia Psalmus ille agebat de Domino, & de Redemptione: causa crescentis jucunditatis erat, quod illis data sit communicatio cum illa Societate in Cælo, quæ in conjunctione erat cum illis, qui in Mundo Psalmum illum canebant. Ex hac & pluri alia experientia, patuit, quod communicatio cum universo Cælo detur per Verbum. Propter illam causam, ex Divina Domini Providentia, commercium universale Regnorum Europæ, principaliter illorum, ubi Verbum legitur, est cum Gentibus extra Ecclesiam.

109. Comparatio fieri potest cum calore & luce ex Sole mundi, quæ vegetationem dat arboribus & virgultis, etiam illis quæ ad latera, & quæ sub nube, stant, mode Sol ortus sit, & in mundo appareat. Ita Lux & Calor Cæli a Domino ut Sole, quæ Lux est Divinum Verum, ex quo omnis intelligentia & sapientia est angelis & hominibus: quare dicitur de *Verbo*, quod erat apud Deum, & erat Deus; quod illuminet omnem hominem venientem in mundum,, Joh. I. 1. 9. Et quod Lux illa etiam in tenebris appareat,, Vers. 5.

110. Ex his constare potest, quod Verbum, quod est in Ecclesia Reformatorum, illustret omnes gentes & populos per communicationem spiritualem: tum quod provideatur a Domino, ut in Tellure semper sit Ecclesia, ubi Verbum legitur, & per id Dominus notus est. Quare cum Verbum a Pontificiis pæne rejectum erat, ex Divina Domini Providentia, facta est Reformatio, & inde Verbum iterum receptum est: & quoque quod Sanctum habeatur Verbum a Nobili gente inter Pontificios.

111. Quoniam absque Verbo non est cognitio Domini, ita non salvatio, ideo quando Verbum apud Gentem Judaicam prorsus falsificatum & adulteratum erat, & inde quasi nullum factum est, tunc placuit Domino e Cælo descendere, & venire in mundum, ac implere Verbum, & per id reintegrare & restituere illud, ac iterum dare lucem incolis telluris; secundum Domini Verba,, *Populus sedens in tenebris vidit lumen magnum, sedentibus in regione & umbra mortis, lux exorta illis est*,, Matth. IV. 16. Esaj. IX. 1.

112. Quoniam prædictum est, quod in fine hujus Ecclesiæ etiam oborirentur tenebræ ex non cognitione & agnitione Domini, quod sit Deus Cæli & Ter-

ræ, & ex fidei separatione a charitate, ne per id genuinus intellectus Verbi periret, ideo placuit Domino nunc revelare Sensum spirituales Verbi, & manifestare quod Verbum in illo sensu, & ex illo in sensu naturali, agat de Domino & de Ecclesia, imo de illis solis; & plura alia, per quæ Lux veri ex Verbo pæne extincta, restituatur. Quod Lux veri in fine hujus Ecclesiæ pæne extincta esset, prædicitur multis in locis in Apocalypsi; & quoque intelligitur per hæc Domini verba, apud Matthæum; „ *Statim post afflictionem dierum istorum Sol obscurabitur, & Luna non dabit lumen suum, & Stellæ cadent de Cælo, & Virtutes cælorum commovebuntur: & tunc videbunt Filium hominis venientem in nubibus Cæli cum gloria & virtute.* „ Math. XXIV. 29. 30; per Solem ibi intelligitur Dominus quoad amorem; per Lunam Dominus quoad fidem; per Stellæ Dominus quoad cognitiones boni & veri; per Filium hominis Dominus quoad Verbum; per Nubem Sensus literæ Verbi, & per Gloriam Sensus spiritualis, ac transparentia ejus in sensu literæ.

113. Per multam experientiam mihi scire datum est, quod per Verbum sit homini communicatio cum Cælo: dum perlegi Verbum a primo Capite Esajæ usque ad ultimum Malachiæ, & Psalmos Davidis, datum est clare percipere, quod unusquisque Versus communicaret cum aliqua Societate Cæli, & quod sic totum Verbum cum universo Cælo.

Quod nisi Verbum foret, nemo sciret Deum,
Cælum & Infernum, Vitam post mortem,
& minus Dominum.

114. **H**oc ut commune Conclusum sequitur ex omnibus quæ hætenus dicta & ostensa sunt; ut quod Verbum sit ipsum Divinum Verum, n. 1 ad 4. Quod Verbum sit medium conjunctionis cum Angelis Cæli, n. 62 ad 69. Quod in Verbo ubivis sit conjugium Domini & Ecclesiæ, & inde conjugium boni & veri, n. 30 ad 89. Quod Ecclesia talis sit, qualis est intellectus Verbi ab illa, n. 76 ad 79. Quod Verbum etiam in Cælis sit, & quod ex illo Angelis sapientia, n. 70 ad 75. Quod etiam sit Lux spiritualis gentibus & populis extra Ecclesiam per Verbum, n. 104 ad 113; præter plura; ex quibus concludi potest, quod absque Verbo non alicui sit intelligentia spiritualis, quæ est, quod sciat Deum, Cælum & Infernum, & Vitam post mortem; & prorsus non aliquid sciat de Domino, de fide & amore in Ipsum, ita non aliquid de Redemptione, per quam tamen salvatio. Dicit etiam Dominus ad discipulos, „ *Sine Me non potestis facere quicquam.* „ Joh. XV. 5. Et Johannes, „ *Non potest homo sumere quicquam, nisi sit datum illi e Cælo.* „ Joh. III. 27.

115. Sed quia illi, qui statuunt, & apud se confirmaverunt, quod homo absque Verbo scire posset existentiam Dei, & quoque Cæli & Inferni, tum aliquid de reliquis, quæ Verbum docet, & illi per id auctoritatem & sanctitatem Verbi infirmant, si non ore usque corde, ideo non licet cum illis ex Ver-

bo agere, sed ex lumine rationali, nam non credunt Verbo, sed sibi. Ex lumine rationali inquire, & invenies, quod duæ Facultates vitæ sint apud hominem, quæ vocantur Intellectus & Voluntas; & quod Intellectus subjectus sit Voluntati, & non Voluntas Intellectui, Intellectus enim solum docet & monstrat viam. Inquire etiam, & invenies, quod Voluntas hominis sit ejus proprium, & quod hoc in se spectatum sit mere malum, & quod inde sit falsum in Intellectu. Quum hæc inveneris, videbis, quod homo ex se non velit aliud intelligere, quam quod est ex proprio Voluntatis ejus, & quod nec possit, nisi alibi sit, unde id sciat: homo ex proprio voluntatis suæ, non vult aliud intelligere, quam quod fui & mundi est, quicquid supra est, ei in caligine est; ut dum videt solem, lunam & stellas, si tunc forte cogitaret de ortu illorum, num aliter posset cogitare, quam quod illa a se sint; num altius quam plures Docti in mundo, qui tamen sciunt ex Verbo Creationem omnium a Deo, usque agnoscant Naturam; quid tunc iidem si nihil ex Verbo scivissent. Num credis, quod veteres Sophi, ac Aristoteles, Cicero, Seneca & alii, qui de Deo, & de Immortalitate animæ scripserunt, id primum ex proprio sumserint, non, sed ex aliis, qui per traducem ex illis qui id primum sciverunt ex Verbo. Scriptores Theologiæ naturalis nec hauriunt: quicquam tale ex se; sed modo confirmant illa, quæ sciunt ab Ecclesia, in qua est Verbum, per rationalia; & possunt dari inter illos, qui confirmant, & tamen non credunt.

116. Datum est videre populos in insulis natos, quoad civilia rationales, qui ne hilum sciverunt de Deo; illi in Mundo spirituali apparent sicut simiæ, ac pæne simili vita cum illis; at quia homines nati sunt, & inde in facultate recipiendi vitam spiritualem, instruuntur ab Angelis, & per cognitiones de Domino ut Homine vivificantur. Qualis est homo ex se, apparet evidenter ex illis, qui in Inferno sunt, inter quos etiam aliqui Antistites & Eruditi sunt, qui ne quidem volunt audire de Deo, & propterea nec possunt nominare Deum; hos vidi, & cum illis loquutus sum: & quoque loquutus sum cum illis, qui in ignem iræ & excandescentiæ venerunt, cum audiverunt aliquem loquentem de Deo. Expende itaque, qualis homo foret, qui nihil audivit de Deo, cum quidam tales sunt, qui audiverunt de Deo, scripserunt de Deo, & prædicaverunt de Deo; sunt plures tales ex Jesuitis. Quod tales sint, est ex voluntate quæ mala est, & hæc, ut prius dictum est, ducit intellectum, & aufert verum quod ibi est ex Verbo. Si homo ex se potuisset scire, quod Deus sit, & quod vita post mortem, cur non sciverat, quod homo sit homo post mortem, cur credit quod anima seu spiritus ejus sit sicut ventus aut sicut æther, qui non videt oculis & audit auribus, & loquitur ore, priusquam conjungitur & coalescit cum suo cadavere & cum suo sceletro. Pone itaque Doctrinam pro cultu ex solo lumine rationali exclusam, annon foret, ut ipse coleretur, ut factum est a sæculis & hodie sit ab illis, qui sciunt ex Verbo, quod solus Deus colendus sit: cultus alius ex proprio hominis non dari potest, ne quidem cultus solis & lunæ.

117. Quod ab antiquissimis temporibus fuerit Religio, & Incolæ orbis ubique noverint de Deo, & aliquid de vita post mortem, non fuit ex ipsis, & ex proprio illorum acumine, sed ex Verbo Vetusto, de quo supra n. 101 ad 103;

& postea ex Verbo Israelitico: ex his Religiosa emanaverunt in Indias & illarum Insulas; perque Ægyptum ac Æthiopiam in Regna Africæ; & ex maritimis Asiæ in Græciam, & inde in Italiam. Sed quia Verbum non potuit aliter quam per Repræsentativa esse conscriptum, quæ sunt talia in mundo, quæ correspondent Cælestibus & inde significant illa, ideo Religiosa plurium Gentium versa sunt in Idololatrica, & in Græcia in Fabulosa, ac Attributa & Prædicata Divina in totidem Deos, quibus præfecerunt Supremum, quem vocaverunt Jovem a Jehovah: quod illis cognitio fuerit de Paradiso, de Diluvio, de Igne sacro, de quatuor Ætatibus, a prima aurea ad ultimam ferream, per quas in Verbo significantur quatuor status Ecclesiæ, ut apud Daniele Cap. II. 31 ad 35, notum est. Quod Religiosum Mahumedanum, quod successit, & Religiosa plurium gentium priora delevit, ex Verbo utriusque Testamenti desumptum sit, etiam notum est.

118. Ultimo dicam, quales illi post mortem fiunt, qui propriæ intelligentiæ omnia adscribunt, ac parum, si quicquam Verbo; primum fiunt sicut ebrii, postea sicut fatui, & demum stupidi, & sedent in tenebris. Caveant itaque sibi a tali delirio.

F I N I S.



DOCTRINA VITÆ
P R O
NOVA HIEROSOLYMA
E X
PRÆCEPTIS DECALOGI.



AMSTELODAMI:

MDCCLXIII.

DOCTRINA VITE

LIBRO

NOVA THEOSOPHIA

ET

PRÆCEPTIS DECALOGI



AMSTERDAMI

MDCCCLIII




DOCTRINA VITÆ

P R O

NOVA HIEROSOLYMA



Quod omnis Religio sit vitæ, & quod vita ejus
sit facere bonum.

1. mnis homo, cui est religio, scit & agnoscit, quod qui bene vivit, salvetur, & quod qui male vivit condemnetur: scit enim & agnoscit, quod, qui bene vivit, bene cogitet, non solum de Deo, sed etiam de proximo, non autem qui male vivit. Vita hominis est ejus amor, & quod homo amat, non modo libenter facit, sed etiam libenter cogitat. Quod itaque dicatur, quod vita sit facere bonum, est quia facere bonum unum agit cum cogitare bonum; quæ si non unum agunt apud hominem, non sunt vitæ ejus. Sed hæc in sequentibus demonstranda sunt.

2. Quod Religio sit vitæ, & quod Vita sit facere bonum, hoc omnis qui legit Verbum videt, & cum legit, agnoscit. In Verbo hæc sunt., Quisquis solverit Præceptorum horum minimum, & docuerit ita homines, minimus vocabitur in Regno Cælorum: qui vero *facit & docet*, hic magnus vocabitur in Regno cælorum. Dico vobis, nisi *Justitia* vestra abundaverit super Scribarum & Phariseorum, non intrabitis in Regnum cælorum,, Matth. V. 19. 20., Omnis Arbor, quæ non *facit fructum bonum*, excinditur, & in ignem conjicitur; quare ex *fructibus eorum* cognoscetis illos,, Matth. VII. 19. 20., Non omnis dicens Mihi, Domine, Domine, intrabit in Regnum cælorum, sed *faciens voluntatem* Patris mei, qui est in Cælis,, Matth. VII. 21., Multi dicent Mihi in die illo, Domine, Domine, nonne per Nomen tuum prophetavimus,

& in Nomine tuo multas virtutes fecimus; sed tunc confitebor illis, non novi vos, discedite a Me *Operantes iniquitatem*, Matth. VII. 22. 23., Omnis qui audit verba mea, & *facit illa*, comparabo viro prudenti, qui ædificavit domum suam super petra: at omnis audiens verba mea & *non faciens illa*, comparabitur viro stulto, qui ædificavit domum suam super arena, Matth. VII. 24. 26., Jesus dixit; exivit feminans ad seminandum; semina alia ceciderunt super viam duram; alia in petrosa; alia inter spinas; & alia in terram bonam. Ille qui in terram bonam seminatus, hic est, qui verbum audit & attendit, qui inde *fructum fert & facit*, alius centuplum, alius sexagecuplum, & alius trigecuplum: cum hæc dixit Jesus, exclamabat, dicens, qui habet aures ad audiendum audiat, Matth. XIII. 3 ad 9. 23., Venturus est Filius hominis in gloria Patris sui, & tunc *reddet unicuique secundum facta ejus*, Matth. XVI. 27., Auferetur a Vobis Regnum Dei, & dabitur *Genti facienti fructus ejus*, Matth. XXI. 43., Quando venerit Filius hominis in gloria sua, tunc sedebit super throno gloriæ; & dicet ovibus a dextris, venite benedicti, & tanquam hæreditatem possidete paratum vobis regnum a foundatione mundi; *nam esurivi & dedistis Mihi quod ederem, sitivi & potastis Me, peregrinus fui & collegistis Me, nudus fui & induistis Me, ægrotus fui & visitastis Me, in custodia fui & venistis ad Me*. Tunc respondebunt iusti; quando ita vidimus Te: sed respondens Rex dicet, amen dico vobis, in quantum fecistis uni ex fratribus meis minimis, Mihi fecistis. Et Rex dicet similia ad hircos, qui a sinistris, & quia illi talia non fecerunt, dicet, discedite a Me maledicti in ignem æternum, paratum diabolo, & angelis ejus, Matth. XXV. 31 ad 46., *Facite fructus dignos pœnitentia*, jam jam securis ad radicem arborum jacet; omnis igitur arbor *non faciens fructum bonum*, excinditur & in ignem conjicitur, Luc. III. 8. 9., Jesus dixit, quid Me vocatis Domine, Domine, & *non facitis quæ dico*. Omnis qui venit ad Me, & audit sermones meos, & *facit illos*, similis est homini ædificanti domum, & posuit fundamentum super petra: qui vero audit & non facit, similis est homini ædificanti domum super humo sine fundamento, Luc. VI. 46 ad 49., Jesus dixit, Mater mea & fratres mei hi sunt, qui audiunt verbum Dei & *faciunt illud*, Luc. VIII. 21., Tunc incipietis stare & pulsare januam, dicentes, Domine, aperi nobis; sed respondens dicet illis, non novi vos unde sitis, *discedite a Me omnes operarii iniquitatis*, Luc. XIII. 25 ad 27., Hæc est judicium, quod Lux venerit in mundum, sed dilexerunt homines magis tenebras quam lucem, *erant enim opera eorum mala*; omnis qui *mala facit*, odit lucem, ne coarguantur *opera ejus*. Qui autem facit veritatem, venit ad lucem, ut manifestentur *opera ejus*, quoniam *in Deo facta sunt*, Joh. III. 19 ad 21., Et exhibunt qui bona fecerunt, in resurrectionem judicii, Joh. V. 29., Scimus quod peccatores Deus non audiat, sed si quis Deum colit, & *voluntatem Ejus facit*, tunc audit, Joh. IX. 31., Si hæc scitis, *beati estis si feceritis illa*, Joh. XIII. 17., Qui habet præcepta, & *facit illa*, ille est qui amat Me, & Ego amabo illum, & manifestabo illi Me Ipsum; & ad illum veniam, & mansionem apud illum faciam. Qui non amat Me, *verba mea non servat*, Joh. XIV. 15. 21 ad 24., Jesus dixit, Ego sum Vitis, & Pater meus Vinitor: omnem palmitem

mitem in Me non ferentem fructum, tollit illum; omnem autem palmitem fructum ferentem, putabit illum, ut plus fructus ferat,, Joh. XV. 1. 2., In hoc glorificatus est Pater meus, ut fructum multum feratis, & reddamini discipuli mei,, Joh. XV. 8., Vos amici mei estis, si feceritis quaecunque mando vobis: Ego elegi vos, ut fructum feratis, & fructus vester maneat,, Joh. XV. 14. 16., Dominus dixit Johanni, scribe Angelo Ephesinæ Ecclesiæ, novi opera tua: habeo contra te, quod charitatem priorem reliqueris; age pœnitentiam, & priora opera fac; sin vero, movebo candelabrum tuum e loco ejus,, Apoc. II. 1. 2. 4. 5., Angelo Ecclesiæ Smyrnæorum scribe, novi opera tua,, Apoc. II. 8., Angelo Ecclesiæ in Pergamo scribe, novi opera tua, pœnitentiam age,, Apoc. II. 13. 16., Angelo Ecclesiæ in Thyatiris scribe, novi opera tua & charitatem; & opera tua posteriora plura primis,, Apoc. II. 26., Angelo Ecclesiæ in Sardibus scribe, novi opera tua, quod nomen habebas quod vivas, sed mortuus es: novi inveni opera tua perfecta coram Deo, pœnitentiam age,, Apoc. III. 1. 2. 3., Angelo Ecclesiæ quæ in Philadelphia scribe, novi opera tua,, Apoc. III. 7. 8., Angelo Ecclesiæ Laodicensium scribe, novi opera tua, age pœnitentiam,, Apoc. III. 14. 15. 19., Audivi vocem e cœlo dicentem, scribe, beati mortui, qui in Domino moriuntur a nunc: dicit spiritus, ut requiescant ex laboribus suis, Opera illorum sequuntur cum illis,, Apoc. XIV. 13., Liber apertus est, qui est vitæ, & judicati sunt mortui, juxta ea quæ scripta in Libro, omnes secundum opera illorum,, Apoc. XX. 12. 13., Ecce venio cito, & merces mea Mecum, ut dem unicuique secundum opus ejus,, Apoc. XXII. 12. Similiter in Veteri Testamento, Retribue illis juxta opus illorum, & juxta factam manum illorum, Jerem. XXV. 14., Jehovah, cujus oculi aperti sunt super omnes vias hominum, ad dandum unicuique secundum vias ejus, & secundum fructum operum ejus,, Jerem. XXXII. 19., Visitationem secundum vias ejus, & opera ejus retribuam illi,, Hosch. IV. 9., Jehovah juxta vias nostras, juxta opera nostra facit nobiscum,, Sach. I. 6. Ac multis in locis, quod statuta, mandata & leges facerent; ut,, Observabitis statuta mea, & judicia mea, quæ si fecerit homo, vivet per illa,, Levit. XVIII. 5., Observabitis omnia statuta mea, & judicia mea, ut faciatis illa,, Levit. XIX. 37. Cap. XX. 8. Cap. XXII. 31. Benedictiones, si fecerint præcepta, & maledictiones si non fecerint,, Levit. XXVI. 4 ad 46. Mandatum filiis Israelis, ut facerent sibi peniculamentum super alis vestium suarum, ut recordarentur omnium præceptorum Jêhovæ, ut facerent illa,, Deutr. XXVII. 25; & in mille aliis locis. Quod Opéra sint quæ faciunt hominem Ecclesiæ; & quod salvetur secundum illa, docet etiam Dominus in Parabolis, quarum plures involvunt, quod qui bona faciunt acceptentur, & qui mala, rejiciantur; ut in Parabola de Agricolis in Vineâ Matth. XXI. 33 ad 44. De Ficu, quæ non dedit fructum, Joh. XIII. 6 seq. De Talentis & Minis cum quibus negotiarentur, Matth. XXV. 14 ad 31. Luc. XIX. 13 ad 25. De Samarita qui obligavit vulnera fauciati a latronibus, Luc. X. 30 ad 37. De Divite & Lazaro, Luc. XVI. 19 ad 31. De decem Virginitibus, Matth. XXV. 1 ad 12.

3. Quod omnis, cui religio est, sciat & agnoscat, quod qui bene vivit salvetur, & qui male vivit condemnetur, est ex conjunctione Cæli cum homine,,

qui ex Verbo novit quod Deus sit, quod Cælum & Infernum sint, & quod Vita post mortem sit; inde est communis illa perceptio. Quare in Doctrina fidei Athanasianæ de Trinitate, quæ universaliter in Christiano Orbe recepta est, etiam hoc, quod in fine ejus dicitur, unniversaliter receptum est, nempe,,
 „ Jesus Christus, qui passus est propter Salvationem nostram, ascendit in Cæ-
 „ lum, & sedet ad dextram Patris Omnipotentis, unde venturus est ad judi-
 „ candum vivos & mortuos; *Et tunc illi, qui bona fecerunt, intrabunt in vitam*
 „ *æternam, Et qui mala fecerunt, in ignem æternum.*

4. Sunt tamen in Ecclesiis Christianis multi, qui docent, quod sola fides salvet, & non aliquod bonum vitæ seu bonum opus; hi etiam adjiciunt, quod non malum vitæ seu malum opus condemnet justificatos per solam fidem, quia in Deo & in gratia sunt. Sed mirum est, quod tametsi illi talia docent, usque agnoscant, quod sit ex communi perceptione e Cælo, quod salventur qui bene vivunt, & condemnentur qui male vivunt. Quod usque agnoscant, patet ex ORATIONE, quæ in Templis tam in Anglia, quam in Germania, Suecia & Dania legitur coram populo, qui sacram Cænā obit. Quod in illis Regnis sint, qui solam illam fidem docent, notum est. ORATIO, quæ in Anglia legitur coram populo qui sacramentum Cænæ obit, est hæc.

5. „ The way and means to be received as worthy partakers of that Holy
 „ Table is First, to examine your lives and Conversations by they rule of Gods
 „ commandiments, and wherein soever ye shall perceive yourselves to have
 „ offended either by will, word or deed, there to bewail your own sinfullnes,
 „ and to confess yourselves to Almighty God, with full purpose of amendment
 „ of life; and if ye shall perceive your offences to be such, as are not only
 „ against God, but also against yours neighbours, then ye shall reconcile
 „ yourselves unto them, being ready to make restitution and satisfaction according to the utmost of your power, for all injuries and wrongs done by you
 „ to any other, and being likewise ready to forgive others that have offended
 „ you, as ye would have forgiveness of yours offences of Gods hand, for otherwise the receiving of the Holy Communion doth nothing else but encrease your damnation. Therefore if any of you be a blasphemers of God, or
 „ hinderer or slanderer of his word, or adulterer, or be in malice or envy,
 „ or in any other grivous crime, repent you of yours sins, or else come not
 „ to the Holy Table; lest after the taking of that Holy Sacrament the Devil enter into you, as he entered into Judas, and fill you with all iniquities,
 „ and bring you to destruction both of body and soul.

6. „ Hæc in Latino sermone ita sunt., Hæc est via & hoc est medium, ut
 „ quis fiat dignus particeps Sanctæ Cænæ: primum est, ut exploret suæ vitæ facta & commercia secundum normam præceptorum Dei; & in quibus-
 „ cunque animadvertit se offendisse voluntate aut loquela aut facto, tunc deploret vitiosam suam naturam, & confessionem faciat coram Omnipotente
 „ Deo, cum pleno proposito emendandi vitam; & si animadvertit offensas
 „ tales esse, ut non modo sint contra Deum, sed etiam contra proximum,
 „ tunc reconciliabit se illi, & promptus erit ad restitutionem & satisfactionem

„ ex

„ ex omni potentia sua, propter injurias & mala alicui facta; & similiter promptus erit ad remittendum aliis offensas, quemadmodum vult ut offensæ suæ remittantur a Deo: alioquin receptio Sanctæ Communionis non facit nisi quam aggravet damnationem. Quapropter si quis vestrum est blasphemator Dei, obtrektor aut sugillator Verbi Ipsius, aut adulter, aut in malitia vel in malevolentia, aut in aliquo alio enormi crimine, pœnitentiam a peccatis age; si non, ad Sanctam Cœnam ne accedas; alioquin post receptionem ejus diabolus intraturus est in te, sicut intravit in Judam, & impleturus te omni iniquitate, & destructurus & corpus & animam.

7. Datum est interrogare aliquos Presbyteros Angliæ, qui solam fidem confessi sunt & prædicaverunt, quod factum est in Mundo Spirituali, num quando in Templis prælegerunt illam Orationem, in qua non nominatur fides, crediderint quod ita sit, ut quod si mala faciunt, & non pœnitentiam agant, diabolus intraturus in illos sicut in Judam, & destructurus illorum & corpus & animam, dixerunt, quod in illo statu, in quo fuerunt, cum prælegerunt Orationem, non aliud sciverint & cogitaverint, quam quod illa essent ipsa religio; sed quod cum sermones suos seu prædicationes concinnarent & elimarent, non similiter cogitaverint, quia de fide, quod esset unicum medium salutis, & de bono vitæ quod esset accessorium morale pro bono publico. Sed usque convicti sunt, quod etiam illis communis perceptio esset, quod qui bene vivit salvetur, & qui male vivit condemnetur, & quod hæc perceptio illis sit, quando non in suo proprio sunt.

8. Quod omnis Religio sit vitæ, est quia unusquisque post mortem est sua vita, manet enim eadem, quæ ei fuerat in mundo, & non mutatur, mala enim vita in bonam non potest converti, nec bona in malam, quia oppositæ sunt, & conversio in oppositum est extinctio: quare quia oppositæ sunt, vita bona vocatur vita, & vita mala vocatur mors. Inde est quod Religio sit vitæ, & quod vita sit bonum facere. Quod homo sit post mortem qualis ejus vita fuerat in mundo, videatur in Opere de CÆLO ET INFERNO, n. 470 ad 484.

Quod nemo possit bonum facere, quod bonum est, a se.

9. **Q**uod hætenus vix aliquis sciat, num bonum quod facit sit a se, vel a Deo, est causa, quia Ecclesia separavit fidem a charitate, & bonum est charitatis; homo dat pauperibus, opitulatur egenis, impendit Templis & Xenodochiis, consulit Ecclesiæ, Patriæ & Concivi, sedule invisit Templum, tunc devote auscultat & orat, Verbum & Libros pietatis legit, & cogitat de salute, & non scit num illa faciat a se vel a Deo: eadem potest facere ex Deo, & potest facere ex se; si illa ex Deo facit, bona sunt, si ex se, non bona sunt. Imo dantur similia bona ex se, quæ exstanter mala sunt, ut sunt bona hypocritica, quæ deceptoría & fraudulenta.

10. Bona ex Deo & ex se, possunt comparari auro: Aurum quod ab intimo

mo aurum, & vocatur aurum obryzum, hoc bonum aurum est: Aurum commixtum argento est quoque aurum, sed bonum secundum commixtionem; minus autem Aurum commixtum cupro. At Aurum arte factum, & simile auro ex colore, non est bonum, non enim substantia auri in eo est. Datur etiam Auratum, ut auratum argentum, cuprum, ferrum, stannum, plumbum, tum auratum lignum & auratus lapis, quæ superficietenus etiam possunt apparere sicut aurum, sed quia non sunt aurum, æstimantur vel secundum artem, vel secundum pretium aurati, vel secundum pretium auri quod abradi potest; hæc bonitate differunt ab ipso auro, sicut vestis ab homine. Potest etiam lignum putidum & scorïa, imo fimus, induci auro; hoc aurum est, quod cum bono Pharisaico comparabile est.

11. Homo ex scientia novit, num aurum in substantia bonum est, num commixtum & falsificatum, & num inductum, sed non ex scientia novit, num bonum quod facit in se bonum est; hoc solum novit, quod bonum a Deo bonum sit, & quod bonum ab homine non bonum sit: quare quia interest saluti scire, num bonum quod facit a Deo sit, vel num a Deo non sit, ideo revelandum est; sed antequam revelatur, dicetur aliquid de Bonis.

12. Datur Bonum civile, Bonum morale, & Bonum spirituale. Bonum civile est quod homo facit ex Lege civili, per id bonum & secundum id est homo civis in Mundo naturali: Bonum morale est quod homo facit ex Lege rationali, per id bonum & secundum id est ille homo: Bonum Spirituale est quod homo facit ex Lege spirituali, per id bonum & secundum id est homo civis in Mundo Spirituali. Hæc Bona sequuntur in hoc ordine; Bonum spirituale est supremum, Bonum morale est medium, & Bonum civile est ultimum.

13. Homo, cui est Bonum spirituale, est homo moralis & quoque homo civilis; at homo, cui non est Bonum spirituale, apparet sicut sit homo moralis & civilis, sed usque non est. Quod homo, cui est Bonum spirituale, sit homo moralis & civilis, est quia Bonum spirituale essentiam boni in se habet, & ex illo Bonum morale & civile: essentia boni non potest dari aliunde, quam ab Ipso, Qui est Ipsum Bonum: effunde cogitationem quaquaversum, intende, & inquire, unde Bonum est bonum, & videbis quod sit a suo Esse, & quod id sit Bonum quod Esse boni in se habet, consequenter quod id sit Bonum, quod est ab Ipso Bono, ita a Deo; consequenter quod Bonum non a Deo, sed ab homine, non bonum sit.

14. Ex illis quæ in DOCTRINA de SCRIPTURA SACRA, n. 27. 28. 38, dicta sunt, videri potest, quod Supremum, Medium & Ultimum faciant unum, sicut Finis, Causa & Effectus, & quod quia faciunt unum, ipse finis dicatur finis primus, causa finis medius, & effectus finis ultimus: inde patebit, quod apud hominem, cui Bonum spirituale est, morale apud illum sit Spirituale medium, ac quod civile sit Spirituale ultimum. Inde nunc est, quod dictum sit, quod homo, cui est Bonum spirituale, sit homo moralis & homo civilis; & quod homo, cui non est Bonum spirituale, non sit homo moralis, nec civilis, sed quod modo appareat sicut sit. Apparet sibi & quoque aliis.

15. Quod homo, qui non Spiritualis est, usque possit rationaliter cogitare &

& inde loqui, sicut Spiritualis homo, est quia Intellectus hominis potest elevari in lucem cæli, quæ est veritas, & ex illa videre; sed Voluntas hominis non potest similiter elevari in calorem cæli, qui est amor, & ex illo facere. Inde est, quod Veritas & Amor non unum faciant apud hominem, nisi Spiritualis sit; inde etiam est quod homo possit loqui; hoc etiam facit discrimen inter hominem & inter bestiam: per hoc quod Intellectus possit elevari in Cælum, cum adhuc non Voluntas, est quod homo possit reformari & spiritualis fieri, sed tunc primum reformatur & spiritualis fit, quando etiam voluntas elevatur. Ex illa dote Intellectus præ dote Voluntatis, est, quod homo, qualiscunque sit, etiam malus, possit rationaliter cogitare & inde loqui, sicut spiritualis; sed quod non usque rationalis sit, est quia Intellectus non ducit Voluntatem, sed Voluntas Intellectum, Intellectus modo docet & monstrat viam, ut in DOCTRINA DE SCRIPTURA SACRA n. 115, dictum est; & quamdiu Voluntas non una cum Intellectu est in Cælo, homo non est spiritualis, & inde nec rationalis; nam cum relinquitur suæ Voluntati seu suo Amori, tunc rationalia intellectus sui de Deo, de Cælo, & de Vita æterna, ejicit, & loco illorum assumit talia, quæ cum Voluntatis ejus amore concordant, & illa vocat rationalia. Sed hæc videnda erunt in Transactionibus de SAPIENTIA ANGELICA.

16. In sequentibus illi qui bonum faciunt a se, dicuntur homines Naturales, quoniam Morale & Civile apud illos quoad essentiam est Naturale: at illi, qui bonum faciunt a Domino, dicuntur homines Spirituales, quoniam Morale & Civile apud illos quoad essentiam est Spirituale.

17. Quod nemo possit facere aliquod bonum quod bonum est, a se, docet Dominus apud Johannem, „ *Homo non potest sumere quicquam, nisi sit datum illi e Cælo*, „ III. 27. & apud Eundem, „ *Qui manet in Me, & Ego in illo, hic fert fructum multum: quia sine Me non potestis facere quicquam*, „ XV. 5: qui manet in Me & Ego in illo, hic fert fructum multum, est quod a Domino sit omne bonum, fructus est bonum; sine Me non potestis facere quicquam, est quod nemo id possit facere a se. Illi qui credunt in Dominum, & bonum faciunt ab Ipso, vocantur *Filii lucis*, „ Joh. XII. 36. Luc. XVI. 8. *Filii nuptiarum*, Marc. II. 19. *Filii resurrectionis*, Luc. XX. 36. *Filii Dei*, Luc. XX. 36. Joh. I. 12. *Ex Deo nati*, Joh. I. 13. *Quod Deum visuri sint*, Matth. V. 8. *Quod Dominus mansionem apud illos facturum sit*, Joh. XIV. 23. *Quod fidem Dei habeant*, Marc. XII. 22. *Quod opera illorum sint a Deo facta*, Joh. III. 21. Hæc in summa sunt in his verbis, „ *Quotquot receperunt Jesum, dedit illis potestatem ut filii Dei essent, credentibus in Nomen Ipsi; qui non ex sanguinibus, neque e voluntate carnis, neque e voluntate viri, sed ex Deo nati sunt*, „ Joh. I. 12. 13; credere in Nomen Filii Dei, est credere Verbum, & vivere secundum id; voluntas carnis est proprium voluntatis hominis, quod in se est malum, & voluntas viri est proprium intellectus ejus, quod in se est falsum ex malo: nati ex illis, sunt qui ex proprio volunt & faciunt, ac cogitant & loquuntur; nati a Deo sunt qui illa ex Domino. In summa, quod non bonum sit quod ab homine, sed quod bonum sit quod a Domino.

Quod quantum homo fugit mala ut peccata,
tantum faciat bona non a se, sed a Domino.

18. **Q**uis non scit & scire potest, quod mala impediunt, quin Dominus ad hominem intrare possit; Malum enim est Infernum, & Dominus est Cælum, ac Infernum & Cælum opposita sunt, quantum itaque homo est in uno, tantum non potest esse in altero; unum enim agit contra alterum, & destruit.

19. Homo, quamdiu est in Mundo, in medio est inter Infernum & Cælum; infra est Infernum & supra est Cælum, & tunc tenetur in Libero convertendi se aut ad Infernum aut ad Cælum; si se convertit ad Infernum, avertit se a Cælo, si autem convertit se ad Cælum avertit se ab Inferno. Seu quod idem est; homo, quamdiu est in mundo, in medio stat inter Dominum & diabolum ac tenetur in Libero convertendi se aut ad unum aut ad alterum, si se convertit ad diabolum, se avertit a Domino, si autem convertit se ad Dominum, avertit se a diabolo. Seu quod idem est; homo, quamdiu in mundo est, in medio est inter malum & bonum, & tenetur in Libero convertendi se aut ad unum aut ad alterum, si se convertit ad malum avertit se a bono, si autem convertit se ad bonum avertit se a malo.

20. Dicitur, quod homo teneatur in Libero convertendi se huc illuc; hoc Liberum est cuius homini non ab ipso, sed a Domino, quare dicitur quod teneatur in illo. De *Æquilibrio inter Cælum & Infernum*, & quod homo sit in illo, & inde in Libero, videatur in *Opere de CÆLO ET INFERNO* n. 589 ad 596 & n. 597 ad 603. Quod quis homo in Libero teneatur, & quod id nemini auferatur, videbitur in suo loco.

21. Ex his manifeste patet, quod quantum homo fugit mala, tantum apud Dominum & in Domino sit, & quantum in Domino est, tantum faciat bona non a se, sed a Domino. Inde hæc communis Lex resultat; **QUOD QUANTUM QUIS FUGIT MALA, TANTUM FACIAT BONA.**

22. Sed duo Requisita sunt; Unum, quod homo fugere debeat mala quia peccata sunt, hoc est, quia sunt Infernalitæ & Diabolica, ita contra Dominum & contra Leges Divinas: Alterum, quod homo debeat fugere mala ut peccata sicut ab seipso, sed sciat & credat quod a Domino. Sed de hoc & de illo Requisito dicitur in Articulis subsequentibus.

23. Ex his sunt Tria hæc Consequentia I. Quod si homo bona vult & facit, antequam fugit mala ut peccata, bona non sint bona. II. Quod si homo pia cogitat & loquitur, & non fugit mala ut peccata, pia non sint pia. III. Quod si homo scit & sapit multa, & non fugit mala ut peccata, usque non sapiat.

24. I. *Quod si homo bona vult & facit, antequam fugit mala ut peccata, bona non sint bona*, est quia non prius est in Domino, ut supra dictum est: prout si det pauperibus, opem ferat egenis, impendat Templis & Hospitalitiis, benefaciat Ecclesiæ, Patriæ & concivibus, doceat Evangelium & convertat, agat iustitiam

tiam in judiciis, sinceritatem in negotiis, & rectitudinem in operis; & tamen mala ut peccata nihili facit, sicut fraudes, adulteria, odia, blasphemias, & similia alia, tunc non aliter potest facere bona, quam quæ intus mala sunt, facit enim illa ex se, & non ex Domino, ita est ipse in illis, & non Dominus, & bona, in quibus ipse homo est, sunt omnia conspurcata malis ejus, & spectant ipsum & mundum. Attamen eadem illa facta, quæ supra recensita sunt, interius bona sunt, si homo fugit mala ut peccata, prout fraudes, adulteria, odia, blasphemias, & similia alia; facit enim illa a Domino; & vocantur in Deo facta, Joh. III. 19. 20. 21.

25. II. *Quod si homo pia cogitat & loquitur, & non fugit mala ut peccata, pia non sint pia*, est quia non est in Domino; ut si frequentat Tempia, devote auscultat prædicationes, legit Verbum & pietatis libros, obit sacramentum cænæ, quotidie fundit preces, imo si multum cogitat de Deo, & de salute, & tamen mala, quæ sunt peccata, nihili facit, ut fraudes, adulteria, odia, blasphemias, & similia alia, tunc non potest aliter cogitare & loqui pia, quam quæ intus non pia sunt, nam ipse homo cum malis suis est in illis; hæc quidem tunc nescit, sed tamen inibi sunt, & coram illo latent; est enim sicut fons, cujus aqua est impura ex vena. Exercitia pietatis ejus vel sunt modo solennia ex habitu, vel sunt meritoria, vel sunt hypocritica: ascendunt quidem versus cælum, sed reflectunt se in via & decidunt, sicut fumi in aere.

26. Datum est videre & audire multos post mortem, qui enumeraverunt bona sua opera, & pietatis exercitia, quæ nunc supra n. 24. 25 memorata sunt, & plura adhuc: inter illos etiam vidi quosdam habere lampades & non oleum: at inquisitum est num fugerint mala ut peccata, ac inventi, quod non, quare illis dictum est, quod mali sint; vili etiam postea intrare cavernas, ubi similes mali erant.

27. III. *Quod si homo scit & sapit multa, & non fugit mala ut peccata, usque non sapiat*, est ex simili causa, de qua prius, quod sapiat a se & non a Domino; prout si sciat doctrinam Ecclesiæ suæ, & omnia ejus ad amussim; si sciat confirmare illa per Verbum & per ratiocinia; si sciat Doctrinas omnium Ecclesiarum a sæculis, & simul edicta omnium Conciliorum; imo si sciat veritates, & quoque videat & intelligat illas, ut si sciat quid Fides, quid Charitas, quid Pietas, quid Pænitentia & Remissio peccatorum, quid Regeneratio, quid Baptismum & sacra Cæna, quid Dominus, & quid Redemptio & Salvatio; is usque non sapit si non fugit mala ut peccata, sunt enim cognitiones absque vita, quia modo intellectus ejus & non simul voluntatis ejus sunt, & quæ talia sunt, tempore pereunt, ex causa, de qua supra n. 15; post mortem etiam ipse homo ejicit illa, quia cum amore voluntatis ejus non concordant. Sed usque cognitiones maxime necessariae sunt, quia illæ docent quomodo homo faciet, & cum facit illas, tunc apud illum vivunt; non prius.

28. Hæc omnia, quæ hætenus dicta sunt, Verbum multis in locis docet; ex quibus sequentia modo adducentur. Verbum docet quod nemo possit in bono esse & simul in malo, seu quod idem, quod nemo possit quoad animam in Cælo esse & simul in Inferno: docet hoc in his,, *Nemo potest duobus Dominis*

servire, nam aut unum odio habebit, & alterum amabit, aut uni adhærebit, & alterum contemnet: non potestis Deo servire & mammonæ, Matth. VI. 24., Quomodo potestis bona loqui, cum mali estis; ex abundantia cordis os loquitur; bonus homo ex bono thesauro cordis sui emittit bona, & malus homo ex malo thesauro emittit mala., Matth. XII. 34. 35., Arbor bona non facit fructum malum, neque arbor mala facit fructum bonum: omnis arbor ex proprio fructu cognoscitur; non enim ex spinis colligunt ficus, neque ex rubo vindemiant uvam., Luc. VI. 43 44.

29. Verbum docet, quod nemo possit bonum facere a se, sed a Domino; Dixit Iesus, Ego sum Vitis, & Pater meus Vinitor: omnem palmitem in Me non ferentem fructum, tollit illum: omnem autem fructum ferentem, putabit illum; ut plus fructus ferat. Manete in Me etiam Ego in vobis: quemadmodum palmes non potest ferre fructum a se ipso, nisi manserit in vite, ita neque vos, nisi in Me manseritis. Ego sum Vitis, vos palmites; qui manet in Me, & Ego in illo, hic fert fructum multum; quia sine Me, non potestis facere quicquam. Nisi quis manserit in Me, ejectus est foras sicut palmes, & arefactus est, & colligunt illum, & in ignem conjiciunt, & comburitur., Joh. XV. 1 ad 6.

30. Verbum docet, quod quantum homo non purificatus est a malis, bona ejus non sint bona, nec pia ejus sint pia, nec sapiat; & vicissim; in his., Væ vobis Scribæ & Pharisei, hypocritæ, quia similes vos facitis sepulchris dealbatis, quæ foris quidem apparent pulchra, intus vero plena sunt ossibus mortuorum & omni immunditie: sic etiam vos foris quidem apparctis justi, intus vero pleni estis hypocrisis & iniquitate. Væ vobis, quia purgatis exterius poculi & patinæ, interiora vero plena sunt rapina & intemperantia. Phariseæ cæce, purga prius interior poculi & patinæ, ut fiat etiam exterius mundum, Matth. XXIII. 25 ad 28. Tum ex his apud Esajam., Audite verbum Jehovæ principes Sodomæ, audite legem Dei nostri, popule Gomorrhæ: quid Mibi multitudo sacrificiorum vestrorum, ne addite adducere mincham vanitatis; suffitus abominatio Mibi est, novilunium & sabbatum; non possum ferre iniquitatem: novilunia & festa stata vestra odit anima mea; unde quando expanditis manus vestras, occulto oculos meos a vobis; etiam si multiplicatis orationem, non Ego audiens; manus vestræ sanguinibus plenæ sunt. Lavate vos, purificate vos, removete malitiam operum vestrorum a coram oculis meis, cessate malum facere: si fuerint peccata vestra sicut coccinea, sicut nix albescent, si rubra fuerint, sicut lana erunt., I. 10 ad 18; hæc in summa sunt, quod nisi homo fugit mala, omnia cultus ejus non bona sint, similiter omnia ejus opera, nam dicitur, non possum ferre iniquitatem, purificate vos, removete malitiam operum vestrorum, cessate malum facere. Apud Jeremiam., Revertimini quisque a via sua mala, & bona redite opera vestra., XXXV. 15.

Quod iidem nec sapiant; apud Esajam., Væ sapientibus in oculis suis, & coram faciebus suis intelligentibus., V. 21. Apud Eundem., Peribit sapientia sapientum, ac intelligentia intelligentium: væ illis qui profunde sapiunt, & fiunt in tenebris opera illorum., XXIX. 14. 15: & alibi apud Eundem., Væ descendantibus in Ægyptum pro auxilio, & super equis innituntur, & confidunt super curru quod multus, & super equitibus quod validi sint, sed non respiciunt ad Sanctum Israelis, & Jehovaham non quaerunt. Sed surget contra domum malignorum, & contra auxilium o-

peran-

perantium iniquitatem: nam Ægyptus non Deus, & Equi ejus caro non spiritus,, XXXI. 1. 2. 3; ita describitur propria intelligentia; Ægyptus est scientia; equus est intellectus inde; currus est doctrina inde; eques est intelligentia inde, de quibus dicitur, vae illis, qui non respiciunt ad Sanctum Israelis, & Jehovam non quærunt: destructio eorum per mala, intelligitur per surget contra domum malignorum, & contra auxilium operantium iniquitatem: quod illa sint ex proprio, & ideo non in illis vita, intelligitur per quod Ægyptus homo & non Deus, & quod equi ejus caro & non spiritus, homo & caro sunt proprium hominis, Deus & Spiritus sunt vita a Domino; equi ægypti sunt propria intelligentia. Talia sunt plura in Verbo de Intelligentia a se, & de Intelligentia a Domino, quæ modo per sensum spirituales patent.

Quod nemo salvetur per bona a se, quia non sunt bona, patet ex his,, Non omnis dicens Mihi, Domine, Domine, intrabit in Regnum cælorum, sed faciens voluntatem Patris mei: multi dicent Mihi in die illo, Domine, Domine, nonne per Nomen tuum prophetavimus, & per Nomen tuum dæmonia ejecimus, & in Nomine tuo multas virtutes fecimus, sed tunc confitebor illis, non novi vos, discedite a Me OPERANTES INIQUITATEM,, Matth. VII. 21. 22. 23. Et alibi,, Tunc incipietis foris stare, & pulsare januam, dicentes, Domine aperi nobis; & incipietis dicere, edimus coram Te, & bibimus, & in plateis nostris decuisti; sed dicet, dico vobis, non novi vos unde sitis, discedite a Me omnes OPERARII INIQUITATIS,, Luc. XIII. 25. 26. 27. Similes enim sunt Phariseo, qui in Templo stans orabat, dicens quod non esset sicut reliqui homines, rapax, injustus, mæchus, quod jejunaret bis in septimana, & daret decimas omnium quæ possidebat,, Luc. XVIII. 11 ad 14. sunt etiam illi qui vocantur inutiles servi,, Luc. XVII. 10.

31. Veritas est, quod nullus homo possit facere bonum a se, quod bonum est; sed per id destruere omne bonum charitatis, quod homo, qui fugit mala ut peccata, facit, est enorme, est enim e diametro contra Verbum, quod mandat quod homo faciet; est contra præcepta amoris in Deum, & amoris erga proximum, a quibus mandatis Lex & Prophetæ pendent; & est sugillare & supplantare omne religionis; unusquisque enim scit, quod religio sit bonum facere, & quod quisque secundum facta judicetur. Omnis homo talis est, ut possit fugere mala sicut a seipso ex potentia Domini, si illam imploret, & quod postea facit, est bonum a Domino.

*Quod quantum quis fugit mala ut peccata,
tantum amet vera.*

32. **S**unt duo Universalia, quæ procedunt a Domino, Divinum Bonum & Divinum Verum, Divinum Bonum est Divini Amoris Ipsius, & Divinum Verum est Divinæ Sapientiæ Ipsius; illa Duo in Domino unum sunt, & inde ut Unum procedunt ab Ipso; sed non ut Unum recipiuntur ab angelis in Cælis, & ab hominibus in terris; sunt angeli & homines, qui plus ex Divino Vero recipiunt quam ex Divino Bono, & sunt qui plus ex Divino Bono quam

quam ex Divino Vero; inde est, quod Cæli in duo Regna distinguantur, quorum unum vocatur Regnum Cæleste, alterum Regnum Spirituale; Cæli qui plus ex Divino Bono recipiunt, constituunt Regnum Cæleste, qui autem plus ex Divino Vero, constituunt Regnum spirituale; de Binis his Regnis, in quæ Cæli distincti sunt, videatur in Opere de CÆLO ET INFERNO n. 20 ad 28. Sed usque Angeli omnium Cælorum tantum in sapientia & intelligentia sunt, quantum bonum apud illos unum facit cum vero; bonum quod non unum facit cum vero, hoc illis non est bonum, vicissim etiam verum quod non unum facit cum bono, hoc illis non est verum: inde patet, quod bonum conjunctum vero faciat amorem & sapientiam apud angelum & apud hominem; & quia angelus est angelus ex amore & sapientia apud illum, similiter homo, patet, quod bonum conjunctum vero faciat ut angelus sit angelus cæli, & quod homo sit homo Ecclesiæ.

33. Quoniam Bonum & Verum unum sunt in Domino, ac ut unum procedunt ab Ipso, sequitur quod bonum amet verum, & verum amet bonum, ac velint unum esse. Similiter oppositum illorum, quod malum amet falsum, & falsum malum, ac velint unum esse. Conjunctio boni & veri in sequentibus vocabitur Conjugium cæleste, & conjunctio mali & falsi Conjugium infernale.

34. Horum consequens est, quod quantum quis fugit mala ut peccata, tantum amet vera, tantum enim in bono est, ut in mox præcedente Articulo ostensum est. Tum vicissim, quod quantum quis non fugit mala ut peccata, tantum non amet vera, quia tantum non in bono est.

35. Potest quidem homo, qui non fugit mala ut peccata, amare vera, sed non amat illa quia vera sunt, sed quia inserviunt famæ, ex qua ei honor aut lucrum, quare si non inserviunt, non amat illa.

36. Bonum est voluntatis, verum est intellectus, ab amore boni in voluntate procedit amor veri in intellectu, ab amore veri procedit perceptio veri, a perceptione veri cogitatio veri, ex illis est agnitio veri, quæ est Fides in suo genuino sensu; quod hæc progressio ab amore boni ad fidem sit, demonstrabitur in Transactione de DIVINO AMORE & DIVINA SAPIENTIA.

37. Quoniam bonum non est bonum nisi sit conjunctum vero, ut dictum est, consequenter bonum non prius existit, & tamen continue vult existere, quare ut existat, desiderat & comparat sibi vera, ex his est nutritio ejus & formatio ejus: hæc causa est, quod quantum quis in bono est, tantum amet vera, proinde quantum quis fugit mala ut peccata, nam tantum in bono est.

38. Quantum quis in bono est, & ex bono amat vera, tantum amat Dominum, quoniam Dominus est Ipsum Bonum & Ipsum Verum; est itaque Dominus apud hominem in bono & in vero, si hoc ex illo amatur, tunc Dominus amatur, & non aliter. Hoc Dominus docet apud Johannem, „*Qui habet præcepta mea & facit illa, ille est qui amat Me; qui vero non amat Me, verba mea non servat*„ XIV. 21. 24: & alibi, „*Si mandata mea servaveritis, manebitis in amore meo*„ Joh. XV. 10; præcepta, verba & mandata Domini sunt vera.

39. Quod bonum amet verum, illustrari potest per comparationes cum Sacerdote, Milite, Negotiatore & Artifice: cum SACERDOTE; ille, si in bono

Sacer-

Sacerdotii est, quod est prospicere salutem animarum, docere viam ad cælum, ac ducere quos docet; is sicut est in illo bono, ita ex amore & ejus desiderio comparat sibi vera quæ doceat, & per quæ ducat. Sacerdos autem, qui non in bono Sacerdotii est, sed in jucundo functionis suæ ex amore sui & mundi, quod solum illi bonum est; ille etiam ex amore & ejus desiderio comparat sibi illa in copia secundum jucundum, quod est ejus bonum, inspirans. Cum **MILITE**: si in amore militiæ est, ac in tutela aut in fama sentit bonum, is ex bono hoc & secundum id comparat sibi scientiam ejus, & si præfectus est, intelligentiam ejus: hæc sunt sicut vera, ex quibus jucundum amoris, quod est bonum ejus, nutritur & formatur. Cum **NEGOTIATORE**: si se addixerat negotio ex amore ejus, is haurit cum voluptate omnia, quæ ut media illum amorem ingrediuntur & componunt: hæc quoque sunt sicut vera, cum negotiatio est bonum ejus. Cum **ARTIFICE**: si studio incumbit suæ operæ, & illam amat ut bonum suæ vitæ, is emit instrumenta, & per talia quæ sunt scientiæ ejus, perficit se, per hæc facit opus suum ut sit bonum. Ex his patet, quod vera sint media, per quæ bonum amoris existit, & fit aliquid; consequenter, quod bonum amet vera ut existat. Inde in Verbo per Veritatem facere, intelligitur facere ut bonum existat: hoc intelligitur per *Veritatem facere*, Joh. IV. 21. *Sermones Domini facere*, Luc. VI. 5. *Præcepta Ipsius facere*, Joh. XIV. 24. *Verba Ipsius facere*, Math. VII. 20. *Verbum Dei facere*, Luc. VIII. 21. Ac *Statuta & Judicia facere*, Levit. XVII. 5. Hoc quoque est *bonum & fructum facere*, nam bonum & fructus est id quod existit.

40. Quod bonum amet verum, & velit cum illo conjungi, illustrari etiam potest per comparisonem cum Cibo & Aqua, seu cum Pane & Vino, unum & alterum erit, cibus aut panis solus non facit aliquid in corpore ad nutritionem sed cum aqua aut vino; quare unum appetit & desiderat alterum. Per Cibus & Panem etiam in Verbo in sensu ejus spiritali intelligitur Bonum, ac per Aquam & Vinum intelligitur Verum.

41. Ex dictis nunc constare potest, quod qui fugit mala ut peccata, amet vera ac desideret illa, & quo plus fugit, eo plus amet & desideret, quia eo plus in bono est. Inde venit in Conjugium cæleste, quod est Conjugium boni & veri, in quo est Cælum, & in quo erit Ecclesia.

Quod quantum quis fugit mala ut peccata,
tantum fidem habeat, & spiritalis sit.

42. **F**ides & Vita inter se distinctæ sunt, sicut cogitare & facere, & quia cogitare est Intellectus, & facere est Voluntas, sequitur quod Fides & Vita inter se distinctæ sint, sicut Intellectus & Voluntas; qui scit distinctionem harum, ille etiam scit distinctionem illorum; & qui scit conjunctionem harum, ille etiam scit conjunctionem illorum; quare præmittendum est aliquid de Intellectu & Voluntate.

43. Sunt homini binæ Facultates, quarum una vocatur VOLUNTAS, & alte-

ra INTELLECTUS; illæ inter se distinctæ sunt, sed ita creatæ, ut unum sint, & cum unum sunt, vocantur *Mens*; quare Mens humana illæ sunt, & omnis vita hominis ibi. Sicut omnia in universo quæ secundum ordinem Divinum sunt, se referunt ad Bonum & Verum, ita omnia apud hominem ad Voluntatem & Intellectum, nam Bonum apud hominem est ejus Voluntatis, & Verum apud illum est ejus Intellectus; sunt enim hæ binæ Facultates receptacula & subjecta illorum, Voluntas est receptaculum & subjectum omnium boni, ac Intellectus est receptaculum & subjectum omnium veri; bona & vera apud hominem non alibi sunt, ita non Amor & Fides sunt alibi, quoniam Amor est boni & Bonum est amoris, ac Fides est veri & Verum est fidei. Nihil magis interest scire, quam quomodo Voluntas & Intellectus unam Mentem faciunt; faciunt unam Mentem, sicut Bonum & Verum faciunt unum; est enim simile conjugium inter Voluntatem & Intellectum, quale est inter bonum & verum: quale hoc conjugium est, aliquantum in præcedente Articulo dictum est; cui hoc addendum est, quod sicut Bonum est ipsum Esse rei, ac Verum est Existere rei inde, ita Voluntas apud hominem est ipsum Esse vitæ ejus, ac Intellectus Existere vitæ inde; nam Bonum, quod est Voluntatis, se in Intellectu format, & certo modo se sistit videndum.

44. Quod homo possit multa scire, cogitare, & intelligere, & tamen non sapere, supra n. 27. 28, ostensum est, & quia fidei est scire & cogitare, & magis adhuc intelligere quod ita sit; ita potest homo credere quod fidem habeat, & tamen non habet; causa quod non habeat, est quia in malo vitæ est, ac malum vitæ & verum fidei nusquam possunt unum agere; malum vitæ destruit verum fidei, quia malum vitæ est voluntatis, & verum fidei est intellectus, ac voluntas ducit intellectum, ac facit ut unum secum agat; quare si aliquid in intellectu est quod non concordat cum voluntate, hoc quando homo sibi relictus est, & ex suo malo & ejus amore cogitat, tunc verum, quod est in intellectu, vel ejicit, vel cogit ut unum sit per falsificationem. Aliter apud illos qui in bono vitæ sunt, hi sibi relictæ ex bono cogitant, & verum, quod in intellectu est, amant, quia concordat: ita fit conjunctio fidei & vitæ, sicut est conjunctio veri & boni, atque hæc & illa sicut est conjunctio intellectus & voluntatis.

45. Ex his nunc sequitur; quod sicut homo fugit mala ut peccata, ita fidem habeat, quia ita in bono est, ut supra ostensum: hoc confirmatur etiam ex suo contrario, quod qui non fugit mala ut peccata, non fidem habeat, quia in malo est, ac malum intrinsecus odit verum; extrinsecus quidem potest ejus amicum agere, ac sufferre, imo amare ut in intellectu sit; at cum extrinsecum exiit, quod fit post mortem, tunc verum suum amicum in mundo primum ejicit, postea negat quod verum sit, & demum aversatur.

46. Fides hominis mali est fides intellectualis, cui nihil boni ex voluntate inest, ita est fides mortua, quæ est sicut spiratio pulmonaris absque anima ejus ex corde; intellectus etiam correspondet pulmoni, & voluntas cordi. Est quoque sicut pulchra meretrix, etiam ornata purpura & auro, quæ interius maligna tæbe scatet; meretrix etiam correspondet falsificationi veri, & inde in Verbo

bo significat illam. Est etiam sicut arbor luxurians foliis, & non dans fructus, quam hortulanus exscindit; etiam arbor significat hominem, folia & flores ejus vera fidei, & fructus bonum amoris. Alia vero est fides in intellectu, cui bonum ex voluntate inest; hæc fides est viva; & est sicut respiratio pulmonaris, cui anima est ex corde; & est sicut pulchra uxor amabilis viro ex castitate: & est sicut arbor fructifera.

47. Plura sunt quæ apparent solius fidei esse, sicut quod Deus sit, quod Dominus qui Deus sit Redemptor & Salvator, quod Cælum & Infernum sint, quod Vita post mortem sit, & plura alia, de quibus non dicitur quod facienda, sed quod credenda; hæc fidei etiam mortua sunt apud hominem qui in malo est, sed viva apud hominem qui in bono est. Causa est, quia homo qui in bono est, non modo facit bene ex voluntate, sed etiam cogitat bene ex intellectu, non solum coram mundo, sed etiam coram se cum solus est: aliter qui in malo est.

48. Dictum est, quod illa appareant solius fidei esse; sed cogitatio intellectus trahit suum existere ex amore voluntatis, qui est esse cogitationis in intellectu, ut supra n. 43 dictum est; quod enim quis ex amore vult, hoc vult facere, vult cogitare, vult intelligere, & vult loqui, seu quod idem, quod quis ex voluntate amat, hoc amat facere, amat cogitare, amat intelligere, & amat loqui. Accedit, cum homo fugit malum ut peccatum, tunc ille in Domino est, ut supra ostensum, & Dominus operatur omnia: quare Dominus ad interrogantes Ipsum, *quid facerent ut operarentur opera Dei, dixit, hoc opus Dei est, ut credatis in Ipsum, quem misit Ille*, Joh. VI. 28; credere in Dominum, non est modo cogitare quod Ipse sit, sed etiam est facere verba Ipsius, ut alibi docet.

49. Quod qui in malis sunt, non fidem habeant, utcunque putant se habere, ostensum est apud tales in Mundo spirituali: deducti sunt in Societatem cælestem, unde Spirituale fidei Angelorum intravit in interiora fidei illorum qui eo deducti sunt, ex quo hi perceperunt, quod illis modo naturale seu externum fidei esset, & non spirituale seu internum ejus; quare ipsi confessi sunt, quod prorsus nihil fidei haberent, & quod persuaferint sibi in mundo, quod cogitare quod ita sit ex omni causa, esset credere seu fidem habere. Sed aliter percepta est fides illorum, qui non in malo fuerunt.

50. Ex his videri potest, quid fides spiritualis, & quid fides non spiritualis; quod fides spiritualis sit apud illos qui non peccata faciunt, nam qui peccata faciunt, illi bona faciunt non a se sed a Domino, videatur supra n. 18 ad 31, & per fidem fiunt spirituales: Fides apud illos est Veritas. Hoc docet ita Dominus apud Johannem, *Hoc est judicium, quod Lux venit in mundum, sed amaverunt homines magis tenebras quam lucem, erant enim opera illorum mala; omnis qui mala facit, odit lucem, & non venit ad lucem, ne coarguantur opera ejus: qui autem facit Veritatem, venit ad lucem, ut manifestentur opera ejus, quoniam in Deo facta sunt*, III. 19. 20. 21.

51. Hæc quæ hæcenus dicta sunt, confirmantur ex his in Verbo; *Bonus homo ex bono thesauro cordis sui profert bonum; at malus homo ex malo thesauro cordis sui profert malum; nam ex abundantia cordis loquitur os*, Luc. VI. 45. Matth. XII. 35; per cor in Verbo intelligitur voluntas hominis; & quia homo inde

cogitat & loquitur, dicitur ex abundantia cordis loquitur os., *Non quod intrat in os, immundum reddit hominem, sed quod egreditur ex corde, hoc immundum reddit hominem.*, Matth. XV. 11; per cor etiam hic intelligitur voluntas., *Jesus dixit de muliere, quæ unguento lavit pedes Ipsius, remissa sunt ei peccata, quia multum amavit; & postea dixit, fides tua te salvam facit.*, Luc. VII. 46. ad 50; ex quibus patet, quod cum peccata remissa sunt, ita cum non sunt, fides salvet. Quod filii Dei & nati a Deo dicantur, qui non in proprio voluntatis suæ sunt, & inde non in proprio intellectus sui, hoc est, qui non in malo sunt & inde in falso, & quod illi sint qui credunt in Dominum, docet Ipse apud Johannem Cap. I. vers. 12. 13; qui locus explicatus videatur supra n. 17. fin:

52. Conclusum ex his sequitur, quod apud hominem non detur granum veri plus quam datur bonum, ita non granum fidei plus quam datur vita: datur cogitatio quod ita sit, in intellectu, sed non agnitio quæ fides, nisi detur consensus in voluntate: ita fides & vita pari passu ambulant. Ex his nunc patet, quod quantum quis fugit mala ut peccata, tantum fidem habeat, & spiritualis sit.

Quod Decalogus doceat, quænam mala sunt peccata.

53. **Q**uænam Gens in universo terrarum Orbe non novit, quod malum sit furari, adulterari, occidere & false testari; nisi hæc scirent, & ne quis talia faciat, per leges caverent, actum foret de illis, nam Societas, Respublica & Regnum, absque illis legibus caderent: quis autem potest, quod Gens Israelitica præ omnibus aliis tam stupida fuerit, ut ignoraverit, quod illa essent mala: quapropter mirari quis potest, cur Leges illæ universaliter in terrarum orbe cognitæ cum tanto Miraculo e Monte Sinai ab Ipso Jehovah promulgatæ fuerint. Sed audi, cum tali Miraculo promulgatæ fuerunt, ut scirent quod Leges illæ non modo Leges civiles & morales essent, sed etiam Leges Spirituales, & quod facere contra illas, non modo esset malum facere contra concivem & contra societatem, sed etiam esset peccare contra Deum; quare Leges illæ, per promulgationem e monte Sinai a Jehovah, factæ sunt Leges Religionis: evidens enim est, quod quicquid Jehovah Deus mandat, hoc mandet ut Religio sit, & quod faciendum propter Ipsum, & propter hominem ut salvetur.

54. Illæ Leges quia fuerunt Primitiæ Verbi, & inde Primitiæ Ecclesiæ a Domino apud Gentem Israeliticam instaurandæ, & quia erant in brevi summano complexu omnium Religionis, per quæ conjunctio Domini cum homine, & hominis cum Domino, datur, ideo tam sanctæ fuerunt, ut nihil sanctius.

55. Quod sanctissimæ fuerint, constare potest ex eo, quod Ipse Jehovah, hoc est, Dominus, descenderit super monte Sinai in Igne & cum Angelis, & illas viva voce inde promulgaverit, & quod populus per triduum se præparaverit

rit ad videndum & audiendum: quod Mons circumseptus fuerit, ne quis accederet & moreretur: quod nec sacerdotes neque seniores appropinquarent, sed Moses solus: quod Leges illæ inscriptæ fuerint binis Tabulis lapideis digito Dei: quod Moses, cum illas secunda vice e monte deportavit, facie radiaverit: quod postea repositæ fuerint in Arca, & hæc in intimo Tabernaculi; & super illam datum fuerit Propitiatorium, & super hoc positi Cherubi, ex auro: quod hoc fuerit sanctissimum Ecclesiæ illorum, & vocatum Sanctum sanctorum: quod extra Velum, intra quod illud, collocata fuerint, quæ repræsentaverunt Sancta Cæli & Ecclesiæ, quæ erant Candelabrum cum septem lucernis ex auro, Altare suffimenti ex auro, & Mensa super qua panes facierum obducta auro, cum Aulæis circumcirca ex bysso, purpura & coccino: sanctitas totius hujus Tabernaculi non aliunde fuit, quam ex Lege quæ fuit in Arca. Propter Sanctitatem Tabernaculi ex Lege in Arca, universus Populus Israeliticus circum illud in ordine secundum Tribus ex mandato castrametatus est, & in ordine post illud profectus est, & tunc supra illud fuit nubes interdiu, & ignis noctu: propter sanctitatem Legis illius, & præsentiam Domini in illa, loquebatur Dominus super Propitiatorio inter Cherubos cum Mose; & Arca vocabatur Jehovah ibi: tum non licuit Aharoni intrare intra Velum nisi cum sacrificiis & suffitu. Quia Lex illa erat ipsa Sanctitas Ecclesiæ, ideo Arca introducta fuit in Zionem a Davide: & postea in medio Templi Hierosolymitani reposita, & faciebat ejus adytum. Propter Domini præsentiam in Lege illa & circum illam, etiam Miracula per Arcam, in qua Lex illa fuit, facta sunt, ut quod aquæ Jordanis discissæ sint, & quamdiu Arca in medio quiescebat, populus in sicco transiverit: quod per circumlationem ejus muri Jerichuntis ceciderint: quod Dagon deus Philistæorum coram illa decideret, & postea ad limen fani jaceret divulsus a capite: & quod propter illam percussi sint Bethschemitæ ad plura millia; præter alia: hæc omnia ex sola præsentia Domini in decem Ipsius verbis, quæ sunt Præcepta Decalogi.

56. Tanta Potentia & tanta Sanctitas inerat isti Legi, etiam quia illa erat complexus omnium Religionis; constabat enim ex binis Tabulis, quarum una continet omnia quæ a parte Dei sunt, & altera in complexu omnia quæ a parte hominis sunt: ideo Legis illius Præcepta vocantur decem Verba, ita vocantur quia Decem significant omnia. Sed quomodo illa Lex est complexus omnium Religionis, videbitur in sequente Articulo.

57. Quoniam per Legem illam est conjunctio Domini cum homine, & hominis cum Domino, vocatur illa FœDUS & TESTIMONIUM, Fœdus quia conjungit, & Testimonium quia testatur, nam Fœdus significat conjunctionem, ac Testimonium testificationem ejus. Propterea Tabulæ illæ erant binæ, una pro Domino, altera pro homine: conjunctio fit a Domino; sed tunc cum homo facit illa quæ in ejus Tabula scripta sunt: Dominus enim continue præsens est & operatur, & vult ingredi, sed homo ex suo libero, quod illi a Domino est, aperiet; nam dicit, *Ecce sto ad januam & pulso, si quis audiverit vocem meam, & aperuerit januam, ingrediar ad illum, & cænabo cum illo, & ille Meum*, Apoc. III. 20.

58. In altera Tabula, quæ est pro homine, non dicitur quod homo faciet hoc & illud bonum, sed dicitur quod non faciet hoc & illud malum, ut, non occides, non adulteraberis, non furaberis, non false testaberis, non concupisces; causa est, quia homo non aliquod bonum potest facere a se. sed cum ille mala non facit, tunc bonum facit non a se sed a Domino. Quod homo possit fugere mala sicut a se ex potentia Domini, si illam impleret, videbitur in sequentibus.

59. Illa quæ de Legis istius Promulgatione, Sanctitate & Potentia supra n. 55, dicta sunt, inveniuntur in his locis in Verbo.

Quod Jehovah descenderit super montem Sinai in Igne, & quod tunc fumaverit & contremuerit mons; & quod fuerint tonitrua, fulgura, nubes gravis, & vox buccinæ, Exod. XIX. 16. 18. Devtr. IV. 11. Cap. V. 19 ad 23.

Quod Populus ante descensum Jehovah se præparaverit & sanctificaverit per tres dies, Exod. XIX. 10. 11. 15.

Quod Mons circumseptus fuerit, ne quisquam ad ima ejus appropinquaret & accederet, ne moreretur; & quod nec Sacerdotes, sed Moses solus, Exod. XIX. 12. 13. 20 ad 23. Cap. XXIV. 1. 2.

Lex promulgata e Monte Sinai, Exod. XX. 2. ad 14. Devtr. V. 6 ad 18:

Quod Lex illa inscripta sit binis Tabulis lapideis digito Dei, Exod. XXXI. 18. Cap. XXXII. 15. 16. Devtr. IX. 10.

Quod Moses, cum illas Tabulas secunda vice e Monte deportavit, facie radiaverit, Exod. XXXIV. 29 ad 35.

Quod Tabulæ repositæ fuerint in Arca, Exod. XXV. 16. Cap. XL. 20. Devtr. X. 5. 1 Reg. VIII. 9.

Quod super Arcam datum sit Propitiatorium, & super hoc positi sint Cherubi ex auro, Exod. XXV. 17 ad 21.

Quod Arca, cum Propitiatorio & Cherubis intimum Tabernaculi fecerit, & quod Candelabrum ex auro, Altare suffimenti ex auro, & Mensa super qua panis facierum obducta auro, exterius Tabernaculi fecerint, ac decem Aulæa ex bysso, purpura & coccino extimum ejus, Exod. XXV. 1 ad fin: Cap. XXVI. 1 ad fin. Cap. XL. 17 ad 28.

Quod locus, ubi Arca, vocatus sit Sanctum sanctorum, Exod. XXVI. 33.

Quod universus populus Israeliticus circum Habitaculum in ordine secundum Tribus castrametatus sit, & in ordine post illud profectus sit, Num. II. 1 ad fin.

Quod tunc super Habitaculo fuerit nubes interdiu & ignis noctu, Exod. XL. 38. Num. IX. 15. 16 ad fin. Cap. XIV. 14. Devtr. I. 33.

Quod Dominus loquutus sit cum Mose supra Arcam inter Cherubos, Exod. XXV. 22. Num. VII. 89.

Quod Arca ex Lege in illa dicta sit Jehovah ibi; dixit enim Moses cum Arca proficiscebatur, surge Jehovah, & cum quiescebat, redi Jehovah, Num. X. 35. 36: & porro 11. Sam. VI. 2. Psalm. CXXXII. 7. 8.

Quod propter Sanctitatem istius Legis non licuerit Aharoni intrare intra velum, nisi cum sacrificiis & cum suffitu, Lev. XVI. 2 ad 14 seq.

Quod

Quod Arca introducta sit in Zionem a Davide cum sacrificiis & cum jubilo, II Sam. VI. 1 ad 19. Quod tunc Usa, quia tetigit illam, mortuus sit, Vers. 6 7, ibi.

Quod Arca in medio Templi Hierosolymitani posita sit, ubi faciebat adytum, I Reg. VI. 19 seq. Cap. VIII. 3 ad 9.

Quod ex præsentia & potentia Domini in Lege quæ in Arca, aquæ Jordanis discissæ sint, & quamdiu illa in medio quiescebat, populus in sicco transiverit, Jos. III. 1 ad 17 Cap. IV. 5 ad 20.

Quod per circumlationem Arcæ muri Jerichuntis conciderint, Jos. VI. 1 ad 20.

Quod Dagon deus Philisthæorum coram Arca in terram deciderit, & postea super limine fani jaceret divulsus a capite, I Sam. VI. 19.

Quod Bethschemitæ propter Arcam percussi sint ad plura millia, I Sam. VI. 19.

60. Quod Tabulæ lapideæ, super quibus Lex erat scripta, dictæ sint Tabulæ fœderis, & Arca ex illis dicta sit Arca fœderis, & ipsa Lex fœdus, Num. X. 33. Devtr. IV. 13. 23. Cap. V. 2. 3. Cap. IX. 9. Jos. III. 11. I Reg. VIII. 19. 21. Apoc. XI. 19: & multoties alibi. Quod Lex dicta sit fœdus, est quia fœdus significat conjunctionem: quare de Domino dicitur, quod *erit in fœdus populo*, Esaj. XLII. 6. Cap. XLIX. 9: & vocatur *Angelus fœderis*, Malach. III. 1: & sanguis Ipsi *Sanguis fœderis*, Matth. XXVI. 27. Sach. IX. 11. Exod. XXIV. 4 ad 10. ideo Verbum dicitur *Fœdus vetus & Fœdus novum*. Fœdera etiam sunt amoris, amicitiae, consociationis, ita conjunctionis gratia.

61. Quod præcepta illius Legis dicta sint Decem verba, Exod. XXXIV. 28: Devtr. IV. 13. Cap. X. 4, ita vocantur, quia decem significant omnia, & verba significant vera; fuerunt enim plura quam decem. Quia Decem significant omnia, ideo aulæ Tabernaculi fuerunt decem; Exod. XXVI. 1: ideo dixit Dominus; quod homo accepturus regnum vocaverit decem servos & dederit illis decem minas ad negotiandum, Luc. XIX. 13: ideo Dominus assimilavit regnum cælorum decem virginibus, Matth. XXV. 1: ideo describitur draco, quod haberet decem cornua, & super cornibus decem diademata, Apoc. XII. 3. Similiter bestia e mari ascendens, Apoc. XIII. 1: & quoque alia bestia, Apoc. XVI. 3. 7, tum etiam bestia apud Danielelem, Cap. VII. 7. 20. 24. Simile significatur per decem, Levit. XXVI. 26. Sach. VIII. 23, & alibi. Inde sunt Decimæ, per quas significatur aliquid ex omnibus.

Quod omnis generis homicidia, adulteria, furta, falsa testimonia, cum concupiscentia ad illa, sint mala, quæ ut peccata fugienda sunt.

62. Notum est, quod Lex Sinai inscripta fuerit binis Tabulis, & quod Prima Tabula contineat illa quæ Dei sunt, & Altera quæ hominis. Quod Prima Tabula contineat omnia quæ Dei sunt, & Altera omnia quæ hominis, non apparet in litera; sed omnia in illis sunt; quare etiam vocantur Decem Verba, per quæ significantur omnia Vera in complexu, videatur mox supra.

n. 61: sed quomodo omnia inibi sunt, non paucis potest exponi; at potest comprehendere ex illis, quæ in DOCTRINA DE SCRIPTURA SACRA n. 67, allata sunt, quæ videantur. Inde est, quod dicatur omnis generis homicidia, adulteria, furta, & falsa testimonia.

63. Invaluit Religio, quod nemo possit implere Legem, & Lex est non occidere, non adulterari; non furari, & non false testari: hæc legis potest unusquisque homo civilis & moralis ex vita civili & morali implere, sed ex vita spirituali, negat illa religio: ex quo sequitur, quod illa non facere sit modo ad evitandum pœnas & jacturas in mundo, & non ad evitandum pœnas & jacturas postquam reliquit mundum; inde est, quod homo, apud quem invaluit supra dicta religio, cogitet illa licita coram Deo, sed illicita coram mundo. Propter hanc cogitationem ex sua illa religione homo in concupiscentia est ad omnia illa mala; & solum omittit facere illa propter mundum; quare talis homo post mortem, tamen non commiserat homicidia, adulteria, furta & false testatus est, usque concupiscit facere illa, & quoque facit, cum externum, quod in mundo habuit, ei aufertur; omnis concupiscentia manet hominem post mortem; ex hoc est, quod tales cum Inferno unum agant, & non possint aliter quam fortem habere cum illis qui in Inferno sunt. Sed alia fors est illis, qui non volunt occidere, adulterari, furari, & false testari, quia illa facere est contra Deum; illi post aliquam pugnam contra illa, non volunt illa, ita non concupiscunt facere illa, dicunt corde suo, quod sint peccata, in se infernaliter & diabolica: hi post mortem, cum externum, quod pro mundo habuerunt, illis aufertur, cum Cælo unum agunt, & quia sunt in Domino, in cœlum etiam veniunt.

64. Commune in omni Religione est, quod homo debeat explorare se, pœnitentiam agere, & desistere a peccatis; & quod si non id faciat, in damnatione sit; quod hoc sit commune in omni Religione, videatur supra n. 4. 5. 6. 7. 8. Commune etiam est in toto Christiano Orbe, quod Decalogus doceatur, & quod Infantes in Religionem Christianam initientur per illum, est enim in omnium Infantum puerorum manu; ipsi parentes & magistri dicunt illis, quod illa facere sit peccare contra Deum, imo quando cum infantibus loquuntur, nec aliud sciunt: quis non mirari potest, quod iidem, & quoque infantes cum adulti fiunt, cogitent quod non sub lege illa sint, & quod facere illa, quæ istius Legis sunt, non possint; quod discant ita cogitare, num aliud potest in causa esse, quam quod ament mala, & inde falsa quæ favent: hi itaque sunt, qui præcepta Decalogi non faciunt Religionis: quod iidem vivant absque Religione, videbitur in DOCTRINA DE FIDE:

65. Apud omnes Gentes in universo terrarum Orbe, apud quas est Religio, sunt similia præcepta, quæ in Decalogo; & omnes illi qui vivunt illa ex religione, salvantur; at omnes qui non vivunt illa ex religione, damnantur: illi qui vivunt illa ex religione, post mortem instructi per Angelos recipiunt verba, & agnoscunt Dominum; causa est, quia fugiunt mala ut peccata, & inde in bono sunt; & bonum amat verum, & ex desiderio amoris recipit illud, ut supra n. 32 ad 41, ostensum est. Hoc intelligitur per Domini verba ad Judæos

dæos,, *Auferetur a vobis Regnum Dei, & dabitur Genti facienti fructus*,, Matth. XXI. 43: tum per hæc,, *Cum venerit Dominus vineæ, malos perdet, & vineam suam locabit aliis agricolis, qui reddent Ipsi fructus in tempore suo*, Matth. XXI. 40. 41: & per hæc,, *Dico vobis, quod multi ab oriente & occidente venient, & a septentrione & meridie, & accumbent in Regno Dei; filii vero Regni ejicientur in tenebras exteriores*,, Matth. VIII. 11. 12. Luc. XIII. 29.

66. Legitur apud Marcum,, Quod quidam dives venerit ad Jesum, & interrogaverit Ipsum, quid faceret ut vitam æternam hæreditario acciperet: cui dixit Jesus, præcepta nosti, non mæchaberis, non occides, non furaberis, non eris falsus testis, non defraudabis, honora patrem tuum & matrem: ille respondens dixit, hæc omnia custodivi a juventute: Jesus apexit illum, & amavit illum: dixit tamen; unum tibi deest, abi, quæcunque habes, vende, & da pauperibus, ita habebis thesaurum in Cælis; veni tamen sequere Me, tollens crucem,, X. 17 ad 22. Dicitur quod Jesus amaverit illum, hoc quia dixit quod illa præcepta custodiverit a juventute; sed quia tria ei deerant, quæ sunt, quod cor suum non removerit a divitiis, quod non pugnaverit contra concupiscentias, & quod nondum agnoverit Dominum pro Deo; ideo dixit Dominus, quod venderet omnia quæ haberet, per quod intelligitur quod removeret cor a divitiis; quod tolleret crucem, per quod intelligitur quod pugnaverit contra concupiscentias; & quod sequeretur Ipsum, per quod intelligitur quod agnosceret Dominum pro Deo: Dominus hæc ut omnia loquutus est per correspondentias, videatur DOCTRINA DE SCRIPTURA SACRA, n. 17: fugere enim mala ut peccata, nemo potest nisi agnoscat Dominum, & Ipsum adeat, & nisi pugnet contra mala, & sic removeat concupiscentias. Sed de his plura, in Articulo de pugnis contra mala.

Quod quantum quis omnis generis Homicidia ut peccata fugit, tantum amorem erga proximum habeat.

67. **P**er omnis generis homicidia, intelliguntur etiam omnis generis inimicitia, odia & vindictæ, quæ spirant necem; in illis enim latet homicidium, sicut ignis in ligno sub cinere; ignis infernalis nec aliud est; ex eo est, quod dicatur ardescere odio & flagrare vindicta; hæc sunt homicidia in naturali sensu: per homicidia autem in Spirituali sensu, intelliguntur omnes modi occidendi & perdendi animas hominum, qui sunt varii & multiplices: per homicidium autem in supremo sensu intelligitur odio habere Dominum. Hæc tria genera homicidiorum unum faciunt & cohærent; nam qui vult necem corporis hominis in mundo, is vult necem animæ ejus post mortem; & vult necem Domini, flagrat enim ira contra Ipsum & vult nomen Ipsius extinguere.

68. Hæc homicidiorum genera latent intus apud hominem ex nativitate, sed ille usque ab infantia discit obvelare illa civilitate & moralitate, in quibus debet

bet esse cum hominibus mundi, & quantum honorem aut lucrum amat, custodit ne appareant; hoc fit externum hominis, cum illa sunt internum ejus: talis homo est in se: nunc quia externum deponit cum corpore cum moritur, & retinet internum, patet qualis diabolus foret nisi reformaretur.

69. Quoniam supradicta homicidiorum genera latent intus apud hominem ex nativitate, ut dictum est, & simul omnis generis furta, & omnis generis falsa testimonia, cum concupiscentiis ad illa, de quibus infra dicendum est, patet, quod nisi Dominus proviserit media reformationis, homo non posset non in æternum perire. Media reformationis, quæ Dominus provisit, sunt hæc; quod homo nascatur in meram ignorantiam; quod recens natus teneatur in statu innocentiae externæ; post paulum in statu charitatis externæ, & dein in statu amicitiae externæ; sed sicut in cogitationem, ex suo intellectu venit, teneatur in quodam libero agendi secundum rationem, hic status est, qui supra n. 19 descriptus est, & hic reassumendus propter sequentia, viz:

„ Homo, quamdiu est in mundo, in medio est inter Infernum & Cælum,
 „ infra est Infernum & supra est Cælum, & tunc tenetur in libero convertendi se aut ad Infernum aut ad Cælum; si se convertit ad Infernum, avertit se
 „ a Cælo, si autem convertit se ad Cælum, avertit se ab Inferno. Seu quod
 „ idem est, homo quamdiu est in mundo, in medio stat inter Dominum &
 „ diabolum, ac tenetur in libero convertendi se ad unum aut ad alterum, si se convertit
 „ ad diabolum, avertit se a Domino, si autem convertit se ad Dominum,
 „ avertit se a diabolo. Seu quod idem est, homo quamdiu in mundo
 „ est, in medio est inter malum & bonum, & tenetur in libero convertendi se
 „ aut ad unum aut ad alterum; si se convertit ad malum, avertit se a bono,
 „ si autem convertit se ad bonum, avertit se a malo; hæc supra n. 19; videantur etiam n. 20. 21. 22, quæ ibi sequuntur.

70. Nunc quia malum & bonum sunt duo opposita, prorsus sicut infernum & cælum, aut sicut diabolus & Dominus, sequitur quod si homo fugit malum sicut peccatum, veniat in bonum malo oppositum; bonum oppositum malo quod intelligitur per homicidium, est bonum amoris erga proximum.

71. Quoniam hoc bonum & illud malum sunt opposita, sequitur quod hoc removeatur per illud; duo opposita non possunt esse una, sicut non Cælum & infernum una: si una, foret tepidum; de quo ita in Apocalypsi, *Novi quod neque frigidus sis neque calidus, utinam frigidus esses aut calidus; sed quia tepidus es, neque frigidus neque calidus, exspuam te ex ore meo*, III. 15 16.

72. Quando homo non amplius in malo homicidii est, sed in bono amoris erga proximum, tunc quicquid agit, bonum illius amoris est, consequenter est bonum opus: homo Sacerdos, qui in illo bono est, quoties docet & ducit, bonum opus facit, quia ex amore salvandi animas: persona Magistratus, qui in illo bono est, quoties disponit & judicat, bonum opus facit, quia ex amore consulendi patriæ, societati & concivi: Negotiator similiter, si in illo bono est, omne negotiationis ejus est bonum opus, est in illo amor proximi, & proximus sunt patria, societas, concivis, & quoque domestici, quibus consulit cum sibi: Operarius etiam, qui in illo bono est, ex illo fideliter operatur, pro aliis

aliis sicut pro se, timens damni proximi sicut sui. Quod facta illorum sint bona opera, est quia quantum quis fugit malum tantum facit bonum, secundum communem legem supra n. 21; & qui fugit malum ut peccatum, is facit bonum non a se sed a Domino, n. 18 ad 31. Contrarium fit apud illum, qui genera homicidii, quæ sunt inimicitiae, odia, vindictæ, & plura, non spectat ut peccata, sive sit sacerdos, sive persona magistratus, sive negotiator, sive operarius, quicquid facit, non est bonum opus, quia omne opus ejus participat a malo quod intus in illo est, internum enim ejus est quod producit, externum potest bonum esse, sed pro aliis, non pro ipso.

73. Dominus docet bonum amoris in Verbo multis in locis, & docet illud per reconciliationem cum proximo apud Matthæum,, *Si obtuleris munus tuum super altare, & apud hoc recordatus fueris, quod frater tuus habeat aliquid contra te; relinque ibi munus coram altari, & abi prius reconciliare fratri, & tunc veniens offer munus tuum; & benevolentiam ini cum adversario tuo, dum es in via cum illo, ne te tradat adversarius judici, & judex tradat te ministro, & in carcerem conjiciaris: amen dico tibi, non exibis, donec persolveris ultimum dodrantem*, V. 23 ad 26; reconciliari fratri est fugere inimicitiam, odium & vindictam; quod sit fugere illud ut peccatum, patet. Docet etiam Dominus apud Matthæum,, *Omnia quaecunque volueritis ut faciant vobis homines, sic & vos facite illis: hæc est Lex & Prophetæ*, VII. 12; ita non malum; & pluries alibi. Dominus quoque docet, quod occidere etiam sit irasci fratri seu proximo temere, & illum inimicum habere, Matth. V. 21. 22.

Quod quantum quis omnis generis Adulteria ut peccata fugit, tantum Castitatem amet.

74. **P**er adulterari in Decalogi sexto Præcepto in naturali sensu non modo intelligitur scortari, sed etiam obscæna facere, lasciva loqui, & spurca cogitare; per adulterari autem in spirituali sensu intelligitur adulterare bona Verbi & falsificare vera ejus: in supremo autem sensu per adulterari intelligitur negare Divinum Domini & prophanare Verbum: omnis generis Adulteria hæc sunt. Homo naturalis ex rationali lumine scire potest, quod per adulterari etiam intelligatur obscæna facere, lasciva loqui, & spurca cogitare; sed non scit, quod per adulterari etiam intelligatur adulterare bona Verbi & falsificare vera ejus; & adhuc minus quod intelligatur negare Divinum Domini & prophanare Verbum, inde nec scit, quod Adulterium sit tantum malum, ut vocari possit ipsum diabolicum, nam qui in Adulterio naturali est, ille etiam in Adulterio spirituali est, & vicissim: quod ita sit, in singulari Opusculo DE CONJUGIO demonstrabitur. Sed illi in omnis generis adulteriis simul sunt, qui adulteria ex fide & vita non faciunt peccata.

75 Quod quantum quis fugit adulterium, tantum amet conjugium, seu quod idem, quantum quis fugit lasciviam adulterii, tantum amet castitatem conjugii, est quia lascivia adulterii & castitas conjugii sunt duo opposita, quare

quantum non in uno est, tantum in altero est: est prorsus sicut dictum est supra n. 70.

76. Non potest quisquam scire, qualis est castitas conjugii, nisi qui fugit lasciviam adulterii ut peccatum; homo scire potest in quo est, sed non potest scire in quo non est; si scit aliquid in quo non est ex descriptione aut ex cogitatione, usque non scit id aliter quam in umbra, ac inhæret dubium, quare non illud videt in luce & absque dubio, quam cum in illo est; hoc itaque est scire, illud autem est scire & non scire. Veritas est, quod lascivia adulterii & castitas conjugii inter se sint prorsus sicut infernum & cælum inter se; & quod lascivia adulterii faciat infernum apud hominem, & castitas conjugii cælum apud illum. Sed non datur castitas conjugii apud alium, quam qui fugit lasciviam adulterii sicut peccatum; videatur infra n. III.

77. Ex his non ambigue concludi & videri potest, num homo sit Christianus vel non, imo num homini aliqua Religio sit vel non: qui adulteria ex fide & vita non facit peccata, ille non Christianus est, nec illi religio est: vicissim autem, qui adulteria ut peccata fugit, & magis qui propterea averfatur illa, & adhuc magis qui propterea abominatur illa, illi religio est, & si in Ecclesia Christiana est, Christianus est. Sed de his plura in Opusculo de CONJUGIO: interea videantur quæ in Opere de CÆLO ET INFERNO n. 366 ad 386, de illis dicta sunt.

78. Quod per adulterari etiam intelligatur obscœna facere, lasciva loqui, & spurca cogitare, constat a Domini verbis apud Matthæum, *Audiistis quod veteribus dictum sit, non adulteraberis: Ego vero dico vobis, quod si quis aspexerit mulierem alienam, ita ut concupiscat eam, jam adulterium cum illa commiserit in corde suo*, V. 27. 28.

79. Quod per adulterari in spiritali sensu intelligatur adulterare bonum Verbi & falsificare verum ejus, constat ex his, *Babylon a vino scortationis suæ potavit omnes gentes*, Apoc. XIV. 8., *Angelus dixit, monstrabo tibi judicium Meretricis magnæ sedentis super aquis multis, cum quâ scortati sunt reges terræ*, Apoc. XVII. 1. 2., *Babylon ex vino furoris scortationis suæ potavit omnes gentes, & reges terræ cum eâ scortati sunt*, Apoc. XVIII. 3. *Deus judicavit Meretricem magnam, quæ corripit terram scortatione sua*, Apoc. XIX. 2: scortatio dicitur de Babylone, quia per Babylonem intelliguntur illi, qui Divinam Domini potestatem sibi arrogant, & prophanant Verbum adulterando & falsificando illud; quare etiam Babylon vocatur *mater scortationum & abominationum terræ*, Apoc. XVII. 5. Simile per scortationem significatur apud Prophetas, ut apud Jeremiam, *In prophetis Hierosolymæ vidi obfirmationem horrendam, adulterando & eundo in mendacio*, XXIII. 14. Apud Ezechielem, *Duæ mulieres filię unius matris scortatæ sunt in Ægypto, in adolescentia sua scortatæ sunt: scortata est una sub Me; & dilexit amasios Assyrios propinquos, dedit scortationes suas super illos; attamen scortationes suas in Ægypto non deseruit. Altera corripit amorem suum plus quam illa, & scortationes suas supra scortationes sororis; addidit ad scortationes suas, amavit Chaldaeos; venerunt ad illam filii Babelis ad concubitum amorum, & polluerunt eam per scortationem suam*, XXIII. 2 ad 17.; hæc de Ecclesia Israelitica & Judaica, quæ

quæ ibi sunt filiæ unius matris; per scortationes illarum intelliguntur adulterationes & falsificationes Verbi; & quia in Verbo per Ægyptum significatur scientia, per Assyriam ratiocinatio, per Chaldæam prophanatio veri, & per Babellem prophanatio boni, ideo dicitur quod cum illis scortatæ sint. Simile dicitur de Hierosolyma, per quam significatur Ecclesia quoad doctrinam, apud Ezechielem, *Hierosolyma confisa es pulchritudini tuæ, & scortata es ob famam tuam, adeo ut effuderis scortationes tuas super omnem transeuntem: scortata es cum filiis Ægypti vicinis tuis, magnis carne, & multiplicasti scortationem tuam; scortata es cum filiis Aschuris; cum satietas tibi nulla, cum quibus scortata es, multiplicasti scortationem tuam usque ad terram negotiationis Chaldæam: mulier adultera sub viro suo accipit alienos: omnes meretricibus suis dant mercedem, tu vero dedisti mercedes omnibus amantibus, ut veniant ad te in circuitu tuo in scortationibus tuis: quare Meretrix audi verbum Jehovæ., XVI. 15. 26. 28. 29. 32. 33. 35 seq. quod per Hierosolymam intelligatur Ecclesia, videatur in DOCTRINA DE DOMINO, n. 62. 63. simile per scortationes significatur apud Esajam Cap. XXIII. 17. 18. Cap. LVII. 3: apud Jeremiam Cap. II. 2. 6. 8. 9. Cap. V. 1. 7. Cap. XIII. 27. Cap. XXI. 23: apud Micham, Cap. I. 7: apud Nahum, Cap. III. 3. 4. apud Joseam Cap. IV. 7. 10. 11: tum Levit. XX. 5. Num. XIV. 33. Cap. XV. 39, & alibi Idcirco etiam Gens Judaica a Domino vocata est *Generatio adultera*, Matth. XII. 39. Cap. XVI. 4. Marc. VIII. 38.*

Quod quantum quis omnis generis Furta ut peccata fugit, tantum Sinceritatem amet.

80. **P**er furari in naturali sensu non modo intelligitur furari & latrocinari, sed etiam defraudare, & sub aliqua specie alteri sua bona auferre: per furari autem in spiritali sensu intelligitur deprivare alium suæ fidei veris & suæ charitatis bonis: in supremo vero sensu per furari intelligitur auferre Domino quæ Ipsius sunt, & sibi illa attribuere, ita vindicare sibi iustitiam & meritum: hæc sunt omnis generis Furta; & quoque unum faciunt, sicut omnis generis adulteria, & omnis generis homicidia, de quibus prius: quod unum faciant, est quia unum est in altero.

81. Malum furti intrat altius apud hominem, quam aliud quoddam malum, quia conjunctum est cum astu & dolo, ac astus & dolus se insinuant usque in spiritualem hominis mentem, in qua est cogitatio ejus cum intellectu. Quod homini Mens spiritalis & Mens naturalis sit, infra videbitur.

82. Quod quantum quis furtum ut peccatum fugit, tantum sinceritatem amet, est quia furtum etiam est fraus, ac fraus & sinceritas sunt duo opposita, quare quantum quis non in fraude est, tantum in sinceritate est.

83. Per sinceritatem etiam intelligitur Integritas, Justitia, Fidelitas & Rectitudo: in his homo non potest esse a se ita ut amet illa ex illis & propter illa: sed qui fugit fraudes, astus & dolos ut peccata, is in illis ita est non a se sed a Domino, ut supra n. 18 ad 3 ostensum est: ita Sacerdos, ita Persona ma-

gistratus, ita Judex, ita Negotiator, ita Operarius, ita omnis in sua functione & in suo opere.

84. Hæc docet Verbum multis in locis, ex quibus hæc sint, „ *Quis ambulat in justitiis, & loquitur rectitudines, qui fastidit propter lucrum oppressiones, excutit manus suas ne sustineant munus; obturat aures suas ne audiant sanguines, & occludit oculos suos ne videant malum; hic in altis habitabit* „ XXXIII. 15. 16. „ *Jehovah, quis commorabitur in tentorio tuo, quis habitabit in monte sanctitatis tuæ, qui ambulat integer & facit justitiam, is non detrectat lingua sua, non facit socio suo malum* „ Psalm. XV. 1. 2. 3 seq. „ *Oculi mei erga fideles terræ, ut sedeat Mecum, ambulans in via integri, hic ministrabit Mihi: non sedebit in medio domus meæ faciens dolum, loquens mendacia non consistet coram oculis meis: sub aurora excindam omnes impios terræ, ad excindendum ex urbe omnes operantes iniquitatem* „ Psalm. CI. 6. 7. 8.

Quod nisi quis interior sit sincerus, justus, fidelis & rectus, usque sit insincerus, injustus, infidelis & non rectus, docet Dominus his verbis, *Nisi abundaverit justitia vestra super Scribarum & Phariseorum, non intrabitis in Regnum cælorum* „ Matth. V. 20; per justitiam abundantem super Scribarum & Phariseorum intelligitur justitia interior, in qua est homo qui est in Domino: quod in Domino, docet etiam Ipse apud Johannem, „ *Ego gloriam, quam dedisti Mihi, dedi illis, ut sint unum sicut nos unum sumus, Ego in illis & Tu in Me, ut sint perfecti in unum: utque dilectio, qua delexisti Me, in illis sit & Ego in illis* „ XVII. 22. 23. 26; ex quo patet quod perfecti sint, cum Dominus in illis. Illi sunt qui vocantur mundi corde, qui Deum videbunt; ac perfecti sicut Pater in Cælis „ Matth. V. 8. 48.

85. Supra n. 81, dictum est, quod malum furti intret altius apud hominem, quam aliud quoddam malum, quia conjunctum est cum astu & dolo; ac astus & dolus se insinuant usque in spiritualem hominis mentem, in qua est cogitatio ejus cum intellectu; quare nunc aliquid de MENTE hominis dicitur: quod Mens hominis sit intellectus & simul voluntas ejus, videatur supra n. 43.

86. Homini est Mens naturalis & Mens spiritualis, Mens naturalis est infra & Mens Spiritualis est supra: Mens naturalis est mens mundi ejus, & Mens spiritualis est mens cæli ejus: Mens naturalis potest vocari mens animalis, at Mens spiritualis mens humana; distinguitur etiam homo ab animali per id, quod ei Mens spiritualis sit, per hanc potest in Cælo esse dum in mundo: per illam etiam est quod homo vivat post mortem.

Homo intellectu potest esse in Mente spirituali, & inde in Cælo, sed non potest voluntate esse in Mente spirituali, & inde in Cælo, nisi fugiat mala sicut peccata; & si non voluntate etiam ibi est, usque non est in cælo, nam voluntas trahit intellectum deorsum, & facit ut ille æque naturalis & animalis sit secum.

Homo comparari potest horto, Intellectus luci, & Voluntas calori; hortus est in luce & non simul in calore tempore hyemis, at in luce & simul in calore tempore æstatis: est itaque homo qui in sola luce intellectus, sicut hortus tempore hyemis; sed qui in luce intellectus & simul in calore voluntatis, est sicut hortus.

hortus tempore æstatis. Etiam Intellectus sapit ex luce spirituali, & Voluntas amat ex calore spirituali; nam Lux spiritualis est Divina Sapientia, & Calor spiritualis est Divinus Amor.

Quamdiu homo non fugit mala ut peccata, concupiscentiæ malorum obstipant interiora mentis naturalis a parte voluntatis, quæ sunt ibi sicut densum velum, & sicut atra nubes sub Mente spirituali, & inhihent ne aperiatur: at vero ut primum homo fugit mala ut peccata, tunc Dominus e Cælo influit, & aufert velum, & discutit nubem, & aperit Mentem spiritualem, & sic intro-mittit hominem in Cælum.

Quamdiu concupiscentiæ malorum obstipant interiora mentis naturalis, ut dictum est, tamdiu homo est in inferno; ut primum autem concupiscentiæ illæ a Domino discussæ sunt, homo est in cælo. Tum, quamdiu concupiscentiæ malorum obstipant interiora mentis naturalis, tamdiu est homo naturalis; ut primum autem concupiscentiæ illæ a Domino discussæ sunt, est homo spiritualis. Tum, quamdiu concupiscentiæ malorum obstipant interiora mentis naturalis, tamdiu homo est animal, differt modo, quod possit cogitare & loqui, etiam de talibus quæ non videt oculis, quod trahit a facultate elevationis intellectus in lucem cæli; ut primum autem concupiscentiæ illæ a Domino discussæ sunt, homo est homo, quia tunc cogitat verum in intellectu ex bono in voluntate. Tum etiam, quamdiu concupiscentiæ malorum obstipant interiora mentis naturalis, tamdiu est homo sicut hortus tempore hyemis; ut primum autem concupiscentiæ illæ a Domino discussæ sunt, est ille sicut hortus tempore æstatis.

Conjunctio voluntatis & intellectus apud hominem, intelligitur in Verbo per Cor & Animam, & per Cor & Spiritum, ut quod amaturi sint Deum ex toto Corde & ex tota Anima, Matth. XXII. 35: & quod Deus daturus sit novum Cor & novum Spiritum, Ezech. XI. 19. Cap. XXXVI. 26. 27.; per Cor intelligitur Voluntas & ejus amor, ac per Animam & per Spiritum, Intellectus & ejus sapientia.

Quod quantum quis omnis generis falsa Testimonia
ut peccata fugit, tantum Veritatem amet.

87. **P**er false testari in naturali sensu non modo intelligitur falsum testem agere, sed etiam mentiri & diffamare: per false testari in spirituali sensu intelligitur dicere & persuadere quod falsum sit verum, & malum sit bonum, ac vicissim: in supremo autem sensu per false testari, intelligitur blasphemare Dominum & Verbum: hæc sunt false testari in triplici sensu. Quod illa unum faciant apud hominem false testantem, mendacium loquentem, & diffamantem, constare potest ex illis, quæ in DOCTRINA DE SCRIPTURA SACRA, de triplici sensu omnium Verbi, n. 5. 6. 7 seqq. & n. 57, ostensa sunt.

88. Quoniam Mendacium & Veritas sunt duo opposita, sequitur, quod quantum quis fugit mendacium ut peccatum, tantum amet veritatem.

89. Quantum quis amat Veritatem, tantum vult cognoscere illam, & tantum corde afficitur cum invenit illam; nec alius venit in sapientiam; & quantum amat facere illam, tantum sentit amœnitatem lucis in qua est veritas. Simile est cum reliquis hætenus dictis; ut cum Sinceritate & Justitia apud illum qui fugit omnis generis furta; cum Castitate & Puritate apud illum, qui fugit omnis generis adulteria; & cum Amore & Charitate apud illum, qui fugit omnis generis homicidia, & sic porro. Ille autem qui in oppositis est, non scit aliquid de illis, cum tamen omne aliquid est in illis.

90. Veritas est, quæ intelligitur per semen in agro, de quo ita Dominus,, *Exiit seminans ad seminandum; & cum seminabat, aliud cecidit super viam, quod concultatum est, & volatilia cœli comederunt; aliud autem cecidit super petrosa, sed cum crederet, exarefactum est, quia non habebat radicem; aliud cecidit in medium spinarum, & simul enatæ spinæ suffocarunt illud: & aliud cecidit in terram bonam, & cum enatum fecit fructum multiplicum,,* Luc. VIII. 5 ad 8. Matth. XIII. 3 ad 8. Marc. IV. 3 ad 8. Seminans ibi est Dominus, & semen est Verbum Ipsi-
us, ita Veritas; semen super via est apud illos qui veritatem curant; semen super petrosi est apud illos qui veritatem curant sed non propter illam, ita non interius; semen in medio spinarum est apud illos qui in concupiscentiis mali sunt; semen autem in terra bona est apud illos, qui veritates quæ in Verbo sunt ex Domino amant, & ab Ipso illas faciunt, ita fructus: quod hæc intelligantur, constat ab explicatione illorum a Domino, Matth. XIII. 19 ad 23. 37. Marc. IV. 14 ad 20. Luc. VIII. 11 ad 15. Ex his patet, quod veritas Verbi non radicari possit apud illos, qui veritatem non curant; nec apud illos qui veritatem exterius & non interius amant; nec apud illos qui in concupiscentiis mali sunt; sed apud illos, apud quos concupiscentiæ mali a Domino discussæ sunt: apud hos radicatur semen, hoc est, Veritas in Mente eorum spiritali, de qua supra n. 86 ad fin.

91. Communis opinio hodie est, quod salvari sit credere hoc aut illud, quod Ecclesia docet, & quod salvari non sit facere præcepta decalogi, quæ sunt non occidere, non adulterari, non furari, non false testari, in stricto & in lato sensu, dicitur enim, quod non spectentur opera, sed fides a Deo; cum tamen quantum quis in illis malis est, tantum non fidem habet, videatur supra n. 42 ad 52: consule rationem, & perspice, num quis homicida, adulter, fur & falsus testis, quamdiu in concupiscentia illorum est, possit fidem habere; tum etiam, num concupiscentia illorum possit aliter discuti, quam per non vel-
le facere illa quia peccata sunt, hoc est, quia infernaliter & diabolice; quare qui opinatur, quod salvari sit credere hoc aut illud quod Ecclesia docet, & usque talis est, ille non potest non esse stultus, secundum Domini verba apud Matthæum Cap. VII. 26. Talis Ecclesia describitur ita apud JEREMIAM,, *Sta in*
,, *porta Domus Jehovæ, & proclama ibi Verbum hoc; sic dixit Jehovah Zelavith Deus*
,, *Israelis, bonas reddite vias vestras, & opera vestra: ne confidite vobis super ver-*
,, *bis mendacii, dicendo, Templum Jehovæ, Templum Jehovæ, Templum Jehovæ,*
,, *illi: num furando, occidendo, & adulterando & jurando per mendacium, deinde*
,, *venietis & stabitis coram Me in Domo hac, super qua nominatur Nomen meum,*
,, &

„ & dicetis erepti sumus, dum facitis abominationes illas: num spelunca latronum
 „ facta est Domus hæc: etiam Ego, ecce, vidi, dictum Jehovæ, VII. 2. 3. 4.
 9. 10. 11.

Quod non aliquis possit fugere mala ut peccata,
 usque ut interius aversetur illa, nisi per
 pugnas contra illa.

92. **Q**uifque ex Verbo & ex Doctrina e Verbo novit, quod Proprium hominis a nativitate sit malum, & quod inde sit, quod ex innata concupiscentia amet mala & feratur in illa, ut quod velit vindicare, velit defraudare, velit diffamare, & velit adulterari; & si non cogitat quod peccata sint, & propterea resistit illis, ea faciat quoties occasio se præbet, & non fama propter honorem aut lucrum patitur. Accedit, quod homo faciat illa ex jucundo, si non religio ei sit.

93. Quoniam hoc Proprium hominis primam radicem vitæ ejus facit, patet qualis homo arbor foret, si non illa radix extirparetur, & nova radix implantaretur; foret arbor putris, de qua dicitur, quod exscindenda & in ignem conjicienda sit, Matth. III. 10. Cap. VII. 19. Hæc radix non removetur, & nova loco ejus inditur, nisi homo spectat mala, quæ faciunt radicem, ut damna animæ suæ, & propterea vult abalienare illa; sed quia sunt Proprii ejus, & inde jucunda, non potest id nisi invito, & cum lucta, ita cum pugna.

94. Omnis qui credit quod infernum & cælum sint, & quod cælum sit felicitas æterna, ac quod infernum sit infelicitas æterna, & qui credit quod in infernum veniant qui mala faciunt, & in cælum qui bona faciunt, is pugnat; & qui pugnat, ille ex interiori agit, & contra ipsam concupiscentiam, quæ facit radicem mali, nam qui pugnat contra aliquid, is non vult illud, & concupiscere est velle. Inde patet, quod radix mali non amoveatur quam per pugnam.

95. Quantum itaque quis pugnat, & sic amovet malum, tantum loco ejus succedit bonum, & ex bono tantum videt malum in facie, & tunc quod infernale sit & horrendum; & quia tale, non modo fugit illud, sed etiam averfatur illud, & tandem abominatur illud.

96. Homo qui contra mala pugnat, non potest non pugnare sicut a se, nam qui non sicut a se, ille non pugnat, stat sicut avtomaton nihil videns & nihil agens, & continue cogitat ex malo pro illo, & non contra illud. Sed usque probe sciendum est, quod solus Dominus pugnet in homine contra mala, & quod modo appareat homini sicut ille pugnet ex se, & quod Dominus velit ut ita homini appareat, quoniam absque illa apparentia non existit pugna, ita nec reformatio.

97. Pugna illa non gravis est nisi illis, qui omnia fræna concupiscentiis laxaverunt, & ex proposito illis indulserunt; & quoque illis, qui sancta Verbi &
 Ecclesiæ

Ecclesiæ in obfirmatione repudiaverunt: at reliquis non gravis est, resistant malis in intentione modo semel in septimana, aut bis in mense, & percipient mutationem.

98. Vocatur Ecclesia Christiana Ecclesia pugnans, & non potest pugnans dici nisi contra diabolum, ita contra mala quæ ab inferno; infernum est diabolus. Tentatio, quam homo Ecclesiæ subit, est pugna illa.

99. De Pugnīs contra mala, quæ sunt tentationes, multis in locis in Verbo agitur; intelliguntur per hæc Domini verba,, *Dico vobis, nisi granum tritici cadens in terram moriatur, ipsum solum manet, si vero moriatur, multum fructum fert*,, Joh. XII. 25. Tum per hæc,, *Quisquis voluerit post Me venire, abrogato seipsum, ac tollat crucem suam, & sequatur Me. Quisquis voluerit animam servare, perdet eam, qui vero perdiderit animam suam propter Me, & propter Evangelium, hic servabit illam*,, Marc. VIII. 34. 35; per crucem intelligitur tentatio, ut quoque Matth. X. 38. Cap. XVI. 24. Marc. X. 21. Luc. XIV. 27: per animam intelligitur vita Proprii hominis, ut quoque Matth. X. 39. Cap. XVI. 25. Luc. IX. 24, & imprimis Joh. XII. 25; quæ etiam est vita carnis, quæ non prodest quicquam, Joh. VI. 63. De Pugnīs contra mala, & de victoriis super illa, loquitur Dominus ad omnes Ecclesias in Apocalypsi; ad ECCLESIAM IN EPHESO,, *Qui vincit, dabo ut comedat de arbore vitæ, quæ est in medio paradisi D&*,, Apoc. II. 7. Ad ECCLESIAM IN SMYRNA,, *Qui vicerit, non damnum patietur in morte altera*,, Apoc. II. 11. Ad ECCLESIAM IN PERGAMO,, *Qui vincit, illi dabo ut comedat de Manna abscondita; & dabo illi calculum album, & super calculo nomen novum scriptum, quod nemo novit nisi qui accipit*,, Apoc. II. 17. Ad ECCLESIAM IN THYATIRIS,, *Qui vicerit & servaverit ad finem opera mea, illi dabo potestatem super gentes; & stellam matutinam*,, Apoc. II. 26. 28. Ad ECCLESIAM IN SARDIBUS,, *Qui vicerit, eum faciam columnam in Templo Dei mei, & scribam super eum Nomen Dei, & nomen urbis Dei Novæ Hierosolymæ, quæ descendit e Cælo a Deo, & nomen meum novum*,, Apoc. III. 12. Ad ECCLESIAM IN LAUDICEA,, *Qui vicerit, illi dabo ut sedeat Mecum in Throno meo*,, Apoc. III. 21.

100. De Pugnīs illis, quæ sunt Tentationes, in specie actum videatur in DOCTRINA NOVÆ Hierosolymæ Londini Anno 1758, edita, a n. 187 ad 201: Unde & quales sunt, n. 196. 197. Quomodo & quando fiunt, n. 198. Quid boni efficiunt, n. 199. Quod Dominus pugnet pro homine, n. 200. De Pugnīs seu Tentationibus Domini, n. 201.

Quod homo debeat fugere mala ut peccata, & pugnare contra illa, sicut a se.

101. **E**x Divino Ordine est, ut homo ex Libero secundum Rationem agat, quoniam ex libero secundum rationem agere, est ex se agere. Verum binæ illæ Facultates, LIBERUM & RATIO, non sunt propriæ hominis, sed sunt Domini apud illum; & quatenus est homo, non ei auferuntur, quoniam absque illis non potest reformari; non enim potest pœnitentiam agere, non potest pugnare contra mala, & dein facere fructus dignos pœnitentia. Nunc quia Liberum & Ratio sunt homini a Domino, & homo ex illis agit, sequitur quod non agat ex se, sed sicut ex se. (a)

102. Dominus amat hominem, & vult habitare apud illum, nec potest amare illum & habitare apud illum, nisi recipiatur & reciproce ametur; inde & non aliunde est conjunctio: Dominus propter illam causam dedit homini Liberum & Rationem, Liberum cogitandi & volendi sicut a se, & Rationem secundum quam; amare aliquem & conjungi illi, cui non est reciprocum, non datur, nec intrare ad aliquem & manere apud quem non est receptio: quoniam receptio & reciprocum in homine sunt a Domino, ideo dicit Dominus,, *Manete in Me & Ego in vobis*, Joh. XV. 4., *Qui manet in Me, & Ego in illo, hic fert fructum multum*, Joh. XV. 5., *In die illo cognoscetis, quod vos in Me, & Ego in vobis*, Joh. XIV. 20. Quod Dominus sit in veris & in bonis, quæ homo recipit, & sunt apud illum, etiam docet,, *Si manseritis in Me, & verba mea in vobis manserint. Si mandata mea servaveritis, manebitis in amore meo*, Joh. XV. 7. 10., *Qui habet præcepta mea & facit illa, ille amat Me, & Ego amabo illum, & apud illum habitabo*, Joh. XIV. 21. 23; ita Dominus habitat in suo apud hominem, & homo in illis quæ a Domino sunt, ita in Domino.

103. Quoniam illud reciprocum & vicissim, & inde mutuum, est apud hominem a Domino, ideo dicit Dominus quod homo pœnitentiam agat; & nemo pœnitentiam potest agere nisi sicut a se,, *Jesus dixit, nisi pœnitentiam egeritis, omnes peribitis*, Luc. XIII. 3. 5., *Jesus dixit, appropinquavit Regnum Dei, pœnitentiam agite, credite Evangelio*, Marc. I. 14. 15., *Jesus dixit, veni ad vocandum peccatores ad pœnitentiam*, Luc. V. 32., *Jesus dixit Ecclesiis, pœnitentiam agite*, Apoc. II. 5. 16. 21. 22. Cap. III. 5. tum,, *Non pœnitentiam egerunt ex operibus suis*, Apoc. XVI. 11.

104. Quo-



(a) Quod homini sit Liberum a Domino, videatur supra n. 19. 20; & in Opere de CÆLO ET INFERNO, n. 589 ad 596, & n. 597 ad 603. Quid Liberum, videatur in DOCTRINA NOVÆ HIEROSOLYMÆ Londini 1758 edita, n. 141 ad 149.

104. Quoniam reciprocum & vicissim, & inde mutuum, est apud hominem a Domino, ideo dicit Dominus quod homo faciet præcepta, & faciet fructus., *Quid Me vocatis Domine, Domine, & non facitis quæ dico*, Luc. VI. 46 ad 49., *Si hæc scitis, beati estis si feceritis illa*, Joh. XIII. 37., *Amici mei estis, si feceritis quæ mando vobis*, Joh. XV. 14., *Qui facit & docet, hic magnus vocabitur in Regno cælorum*, Matth. V. 19., *Omnis qui audit verba mea & facit illa, comparabo viro prudenti*, Matth. VII. 24., *Facite fructus dignos pœnitentia*, Matth. III. 8., *Facite arborem bonam & fructum ejus bonum*, Matth. XII. 33., *Regnum dabitur Genti facienti fructus ejus*, Matth. XXI. 43., *Omnis arbor, quæ non facit fructus, excinditur, & in ignem conjicitur*, Matth. VII. 19.; & multoties alibi. Ex quibus patet, quod homo faciet a se, sed ex potentia Domini, quam imploret; & hoc est facere sicut ex se.

105. Quoniam illud reciprocum & vicissim, & inde mutuum, est apud hominem a Domino, ideo homo reddet rationem operum suorum, & illi retribuetur secundum illa; nam dicit Dominus, *Venturus est Filius hominis, & reddet unicuique secundum facta ejus*, Matth. XVI. 27., *Exibunt qui bona fecerunt in resurrectionem vitæ, & qui mala fecerunt in resurrectionem judicii*, Joh. V. 29., *Opera illorum sequuntur cum illis*, Apoc. XIV. 13., *Judicati sunt omnes secundum opera illorum*, Apoc. XX. 13., *Ecce venio, & merces mea Mecum, ut dem unicuique secundum ejus opus*, Apoc. XXII. 12. Si reciprocum non foret apud hominem, nulla imputatio esset.

106. Quoniam receptio & reciprocum sunt apud hominem, ideo Ecclesia docet, quod homo explorabit se, confitebitur sua peccata coram Deo, desistet ab illis, & novam vitam agat: quod omnis Ecclesia in Christiano orbe id doceat, videatur supra n. 3 ad 8.

107. Si non receptio ab homine foret, & tunc cogitatio sicut ab illo, nec aliquid dici potuisset de Fide, nam Fides nec est ab homine: alioquin foret homo sicut palea in vento, & staret sicut inanimatus, ore aperto & manibus remissis expectans influxum, nihil cogitans & nihil agens in illis quæ salutis ejus sunt: est quidem nihil agens in illis, sed usque est reagens sicut a se.

Sed hæc in adhuc clariorem lucem mittentur in Transactionibus de SAPIENTIA ANGELICA.

Quod si quis fugit mala ex quacunque alia causa, quam quia peccata sunt, non fugiat illa, sed modo faciat ut non appareant coram mundo.

108. **D**antur Morales homines, qui præcepta Secundæ Tabulæ Decalogi servant, non defraudant, non blasphemant, non vindicant, non adulterantur; & qui eorum apud se confirmant, quod talia sint mala, quia damna Republicæ, & sic contra humanitatis leges, illi etiam charitatem, sincere-

ceritatem, justitiam, castitatem exercent. Sed si bona hæc faciunt, & mala illa fugiunt, solum quia mala sunt, & non simul quia peccata, illi usque mere naturales sunt, & apud mere naturales radix mali manet insita, & non est emota; quare bona quæ faciunt, non sunt bona, quia ab ipsis.

109. Moralis naturalis homo potest apparere coram hominibus in Mundo prorsus sicut Moralis spiritalis homo, sed non coram angelis in Cælo; coram angelis in Cælo apparet ille, si in bonis est, sicut simulachrum ex ligno, & si in veris est, sicut simulachrum ex marmore, in quibus non est vita; aliter Moralis spiritalis homo: nam Moralis naturalis homo est Moralis externus, & Moralis spiritalis homo est Moralis internus, & externum absque interno non vivit, vivit quidem sed non vitam quæ vocatur vita.

110. Concupiscentiæ mali, quæ faciunt interiora hominis a nativitate, non removen- tur nisi a Solo Domino, nam Dominus influit a spiritali in naturale, homo autem ex se a naturali in spirituale, & hic influxus est contra ordinem, & non operatur in concupiscentias & removet illas, sed includit illas, arctius & arctius sicut se confirmat: & quia hæreditarium malum sic latet inclusum, illud post mortem, dum homo fit spiritus, rumpit tegmen, quo in mundo obvelatum fuit, ac erumpit sicut fanies per ulcus modo exterius sanatum.

111. Sunt variæ & multiplices causæ, quæ faciunt, ut homo sit Moralis in externa forma, sed si non Moralis sit etiam in interna, usque tamen Moralis non est: ut pro exemplo; si quis abstinet ab Adulteriis & Scortationibus, ex timore legis civilis & ejus pænarum; ex timore jacturæ famæ & inde honoris; ex timore morborum ex illis; ex timore jurgiorum domi ab uxore, & inde intranquillitatis vitæ; ex timore vindictæ a marito, aut ab affini; ex egestate, aut ex avaritia; ex imbecillitate oriunda vel ex morbo, vel ex abusu, vel ex ætate, vel ex impotentia: imo si abstineat ab illis ex lege aliqua naturali aut morali, & non simul ex lege spiritali, is usque tamen interius adulter & scortator est, nihilominus enim credit quod non peccata sint, & inde illa coram Deo non illicita facit in suo spiritu, & sic in spiritu committit illa, tametsi non coram mundo in corpore: quare post mortem, cum fit spiritus, aperte loquitur pro illis. Ex his patet, quod fugere mala ut damna possit impius, at quod fugere mala ut peccata non possit nisi Christianus.

112. Simile est cum omnis generis furtis & defraudationibus; cum omnis generis homicidiis & vindiectis; & cum omnis generis falsis testimoniis & mendaciis; nemo ab illis mundari & purificari potest a se; unicuique enim Concupiscentiæ insunt infinita, quæ homo non videt nisi sicut unum simplex, Dominus autem videt singularissimam in omni serie. Verbo, homo non potest semet regenerare, hoc est, novum cor & novum spiritum in se formare, sed Solus Dominus, Qui est Ipse Reformator & Regenerator: quare si homo ex sua prudentia ac intelligentia vult se novum facere, est modo sicut faciei deformi inducere fucum, ac parti interiori tabe infectæ illinere smegma.

113. Idcirco dicit Dominus apud Matthæum „ *Pharisæe cæce, purga prius interius poculi & patinæ, ut fiat etiam exterius mundum* „ XXIII. 26. Et apud

Eſajam „ *Lavate vos, purificate vos, & removete malitiam operum veſtrorum a CO-
RAM OCULIS MEIS, ceſſate malum facere: & tunc ſi fuerint peccata veſtra ſicut coc-
cinea, ſicut nix albeſcent, ſi rubra fuerint ſicut purpura, ſicut lana erunt* „ I.
16. 18.

* * * * *

114. Supradictis adjicientur hæc. I. Quod Charitas Chriſtiana ſit cuique, ut ſuam functionem fideliter agat; ſic enim, ſi fugit mala ut peccata, quotidie facit bona, & ipſe eſt ſuus uſus in com-
muni corpore; ſic etiam conſulitur communi, & unicuique in particulari. II. Quod Reliqua non ſint propria Charitatis opera, ſed vel ejus Signa, vel Beneficia, vel Debita.



DOCTRINA
NOVÆ HIEROSOLYMÆ
DE
FIDE.



AMSTELODAMI:


MDCCLXIII.

DOCTRINA

NOVAE HEROSOLYMAE

DE

RE



UNIVERSITY OF CAMBRIDGE

LIBRARY



DOCTRINA NOVÆ HIEROSOLYMÆ

D E

F I D E.



Quod Fides sit Agnitio interna veri.

i.



er Fidem hodie non aliud intelligitur, quam Cogitatio quod ita sit quia Ecclesia docet, & quia non patet coram intellectu; dicitur enim, crede & non dubita; si responderetur, hoc non comprehendo, dicitur quod ideo credendum sit; quare hodierna fides est fides ignoti, & vocari potest fides cæca: & quia est dictamen alterius in altero, est fides historica. Quod hæc non fides spiritualis sit, videbitur in sequentibus.

2. Ipsa fides non aliud est, quam agnitio quod ita sit, quia est verum; ita enim cogitat & loquitur qui in ipsa fide est, hoc verum est ideo credo, fides enim est veri, & verum est fidei: is etiam, si non comprehendit quod verum sit, dicit, non scio num verum sit, ideo nondum credo; quomodo credam quod non comprehendo, forte potest falsum esse.

3. Sed communis sermo est, quod non aliquis possit comprehendere spiritualia seu theologica, quia sunt supernaturalia: sed vera spiritualia æque comprehendere possunt, quemadmodum vera naturalia; & si non clare, usque dum audiuntur, cadunt in perceptionem num vera sint vel non, hoc maxime apud illos qui afficiuntur veris. Hoc datum est mihi scire ex multa experientia: datum est loqui cum ignaris, cum obscuris, cum stupidis, & quoque cum

illis qui in falsis fuerunt, & qui in malis, qui intra Ecclesiam nati sunt, & audiverunt aliquid de Domino, de fide & charitate, & loqui datum est cum illis arcana sapientiæ, & illi comprehenderunt omnia, & agnoverunt: sed erant tunc in luce intellectus quæ est cuivis homini, & simul in gloria quod essent intelligentes. Sed hæc in commercio cum spiritibus. Ex his convicti sunt plures mecum, quod spiritualia æque ac naturalia possint comprehendi, sed tunc quando audiuntur aut leguntur, sed ægre ab ipso homine cum ex se cogitat. Causa, quod spiritualia comprehendantur, est quia homo quoad intellectum potest elevari in lucem Cæli, in qua luce non alia apparent quam spiritualia, quæ sunt vera fidei: Lux enim Cæli est lux spiritualis.

4. Inde nunc est, quod agnitio interna veri sit illis, qui in spirituali affectione veri sunt. Quia Angeli in illa affectione sunt, prorsus respuunt illud dogma, quod intellectus erit sub obedientia fidei; dicunt enim, quid est credere & non videre num verum sit; & si aliquis dicit, quod usque credendum sit, respondent, num putas te Deum esse cui credam, aut me insanum quod credam dicto in quo non video verum, fac itaque ut videam: ita dogmaticus ille recedit. Sapientia Angelicâ in eo unice consistit, ut videant & comprehendant quæ cogitant.

5. Est idea spiritualis, de qua pauci aliquid norunt, quæ influit apud illos qui in affectione veri sunt, & interius dictat, quod hoc, quod auditur aut legitur, verum sit vel non: in hac idea sunt illi, qui in illustratione a Domino legunt Verbum: in illustratione esse non aliud est, quam in perceptione esse, & inde in agnitione interna, quod hoc & illud verum sit; hi sunt qui vocantur docti a Jehovah, Esaj. LIV. 13. Joh. VI. 45: & de quibus dicitur apud JEREMIAM, „*Ecce dies venientes, quibus pangam novum fœdus; fœdus hoc erit; dabo legem meam in medio eorum, & super cor eorum scribam illam: & non docebunt vir amplius socium suum, aut vir fratrem suum, dicendo cognoscite Jehovah, omnes enim cognoscent Me*„ XXXI. 31. 33. 34.

6. Ex his patet, quod fides & veritas unum sint: quare etiam Antiqui, qui ex affectione in cogitatione de veris præ nostratibus fuerunt, loco fidei dixerunt veritatem: inde quoque est, quod in Hebræa lingua veritas & fides una vox sint, quæ vocatur Amuna seu Amen.

7. Quod Fides dicatur a Domino apud Evangelistas & in Apocalypsi, erat quia Judæi non crediderunt verum esse, quod Dominus esset Messias a Prophetis prædictus, & ubi veritas non creditur, ibi fides dicitur. At usque aliud est fidem habere & credere in Dominum, & aliud fidem habere & credere alicui: de differentia dicitur infra.

8. Fides separata a veritate intravit & invasit Ecclesiam cum Dominio papali, quoniam præcipuum tutamen Religionis istius fuit ignorantia veri; quare lectio Verbi etiam verabatur: alioquin non potuissent coli ut Numina, ac Sancti eorum invocari, ac in tantum introduci idololatriæ, ut cadavera, ossa & sepulchra illorum sancta crederentur, & inde lucrarentur. Ex quo patet, quam enormes falsitates fides cæca potest producere.

9. Fides cæca etiam permanxit postea apud plures Reformatos, ex causa quia

quia separaverunt fidem a charitate, & qui separant illas non possunt non in ignorantia veri esse, & cogitationem quod ita sit separatam ab agnitione inter-
nu quod ita sit, nominare fidem: apud hos ignorantia est tutamen dogmatum;
nam quamdiu ignorantia regnat, & persuasio quod Theologica transcendat,
possunt loqui & non contradici, & credi quod vera sint, & quod ii intelligant
illa.

10. Dixit Dominus ad Thomam,, *Quia vidisti Me, Thoma, credidisti; beati qui non vident, & credunt.*, Joh. XX. 29; per quod non intelligitur fides ab interna agnitione veri separata, sed quod beati sint qui non oculis vident Dominum, sicut Thomas, & usque credunt quod Ipse sit; hoc enim in luce veritatis est ex Verbo.

11. Quia agnitio interna veri est fides, & quia fides & veritas unum sunt, ut supra n. 2. 4. 5. 6, dictum est, sequitur quod agnitio externa absque interna non sit fides, nec quod persuasio falsi sit fides. Agnitio externa absque interna est fides ignoti, & fides ignoti est solum scientia, quæ memoriæ est, quæ si confirmatur fit persuasio; & qui in illis sunt, cogitant quod verum sit, quia alius ita dixit, vel cogitant quod verum sit ex confirmato, & tamen falsum æque confirmari potest quam verum, & quandoque fortius. Per cogitare quod verum sit ex confirmato, intelligitur cogitare illud verum esse quod ab alio dicitur, & illud non prius explorare, sed modo confirmare.

12. Si quis cogitat secum, aut dicit alteri, quis potest habere agnitionem internam veri quæ fides, ego non possum: sed illi dicam, quomodo possit: fuge mala ut peccata, & adi Dominum, & habebis quantum desideras. Quod ille qui fugit mala ut peccata in Domino sit, videatur in DOCTRINA VITÆ PRO NOVA HIEROSOLYMA, n. 18 ad 31; quod ille amet verum, & videat illud, n. 32 ad 41 ibi: & quod ille fidem habeat, n. 42 ad 52 ibi.

Quod agnitio interna veri, quæ fides, non datur apud alios quam qui in charitate sunt.

13. **S**upra dictum est quid Fides, hic dicetur quid Charitas. Charitas in sua prima origine est affectio boni, & quia bonum amat verum, producit illa affectionem veri, per hanc agnitionem veri, quæ est fides; per has in sua serie Affectio veri existit & fit Charitas. Hæc est progressio Charitatis a sua origine, quæ est affectio boni, per fidem quæ est agnitio veri, ad finem suum qui est Charitas, finis est actus. Ex his patet, quomodo amor, qui est affectio boni, producit fidem, quæ est idem cum agnitione veri, & per hanc producit charitatem, quæ est idem cum actu amoris per fidem.

14. Sed clarius: Bonum non aliud est quam Usus; quare Charitas in sua prima origine est affectio usus, & quia usus amat media, producit illa affectionem mediorum, ex qua cognitio illorum; & per has in sua serie affectio usus existit & fit Charitas.

15. Progressio illorum est, quemadmodum est progressio omnium Volunta-

tis per Intellectum in actus in corpore: Voluntas nihil producit ex se absque Intellectu, nec Intellectus aliquid ex se absque Voluntate; agent in conjunctione ut aliquid existat. Seu quod idem; Affectio quæ est voluntatis, nihil producit ex se nisi per Cogitationem quæ est intellectus, nec vicissim; agent in conjunctione ut aliquid existat. Expende, si a cogitatione removeas affectionem, quæ est alicujus amoris, num potes cogitare, aut si ab affectione removeas cogitationem, num potes affici aliqua re: aut, quod simile, si a cogitatione removeas affectionem, num poteris loqui; vel si ab affectione removeas cogitationem seu intellectum, num poteris agere aliquid. Simile est cum Charitate & Fide.

16. Illustrari hæc possunt per comparationem cum arbore: Arbor in sua prima origine est semen, in quo est conatus producendi fructum, hic conatus excitatus a calore primum producit radicem, & ex illa virgam seu caulem cum ramis & foliis, & demum fructus, & sic conatus fructificandi existit: ex quibus patet, quod conatus producendi fructus sit perpetuus in omni progressionem, usque dum existit, nam si ille desineret, facultas vegetandi illico moreretur. Applicatio hæc est: Arbor est Homo; Conatus producendi media est apud hominem a Voluntate in Intellectu, Virga seu Caulis cum ramis & foliis, sunt apud hominem media per quæ, & vocantur vera fidei, Fructus qui sunt ultimi effectus conatus fructificandi in arbore, sunt apud hominem Usus, in his Voluntas existit. Ex his potest videri, quod Voluntas producendi usus medio intellectu sit perpetua in omni progressionem, usque dum existit. De Voluntate & de Intellectu, & de Conjunctione illorum, videatur in DOCTRINA VITÆ pro NOVA HIEROSOLYMA, n. 43.

17. Ex nunc dictis patet, quod Charitas, quatenus est affectio boni seu usus, producat Fidem, ut Medium, per quam existat: consequenter, quod Charitas & Fides, in operando usus conjunctim agant. Tum quod Fides non producat bonum seu usum ex se, sed ex charitate, Fides enim est Charitas media: fallacia itaque est, quod fides producat bonum sicut arbor fructum, arbor non est fides, sed arbor est homo.

18. Sciendum est, quod Charitas & Fides faciant unum, sicut Voluntas & Intellectus, quoniam charitas est voluntatis & fides est intellectus. Similiter, quod Charitas & Fides faciant unum, sicut affectio & cogitatio, quoniam affectio est voluntatis, & cogitatio est intellectus. Similiter, quod Charitas & Fides faciant unum, sicut Bonum & Verum, quia bonum est affectionis quæ voluntatis, & verum est cogitationis quæ intellectus.

Verbo, Charitas & Fides faciunt unum, sicut Essentia & Forma, quoniam essentia fidei est charitas, & forma charitatis est fides: ex quibus patet, quod fides absque Charitate sit sicut forma absque essentia, quæ non est aliquid; & quod charitas absque fide, sit sicut essentia absque forma, quæ nec est aliquid.

19. Charitas & Fides apud hominem prorsus se habent, sicut Motus cordis qui vocatur systole & diastole, & Motus pulmonis qui vocatur respiratio: est quoque illorum plenaria correspondentia cum voluntate & intellectu hominis, ita cum Charitate & Fide: quare etiam voluntas & ejus affectio intelligitur per

Cor in Verbo, ac intellectus & ejus cogitatio per Animam in Verbo, & quoque per Spiritum; ideo emittere animam est non amplius animare, ex emittere spiritum est non amplius respirare. Ex quibus sequitur, quod non dari queat fides absque charitate, nec charitas absque fide, & quod fides absque charitate, sit sicut Respiratio pulmonaris absque corde, quæ non dari potest in aliquo vivo, sed solum in avtomato, & quod charitas absque fide sit sicut cor absque pulmone, ex quo non aliquod vivum sentitur: consequenter, quod Charitas per Fidem operetur usus, sicut Cor per Pulmonem ætus. Tanta similitudo intercedit inter Cor & Charitatem, ac inter Pulmonem & Fidem, ut in Mundo spirituali quisque noscatur ex sola Respiratione, qualis ei fides est, & ex Pulsu cordis qualis ei charitas est: angeli enim & spiritus æque ac homines vivunt corde & respiratione; inde est quod illi similiter ac homines in mundo sentiant, cogitent, agant & loquantur.

20. Quia Charitas est amor erga proximum, dicitur etiam quid proximus. Proximus in naturali sensu est homo in composito & in individuo: Homo in composito est Ecclesia, Patria, & Societas; & homo in individuo est concivis, qui in Verbo vocatur frater & socius. At Proximus in spirituali sensu est bonum, & quia usus est bonum, est proximus in spirituali sensu usus. Quod usus sit spiritualis proximus, quisque agnoscet; quis enim amat hominem solum ut personam, sed amat illum ex eo quod in illo est, ex quo est talis, ita ex quali ejus, hoc namque est homo: hoc quale, quod amatur, est usus, & vocatur bonum; inde est hoc Proximus. Quia Verbum in sinu suo est spirituale, ideo illud est amare proximum in spirituali ejus sensu.

21. Sed aliud est amare proximum ex bono aut usu in illo erga se, & aliud est amare proximum ex bono aut usu in se erga illum; amare proximum ex bono aut usu in illo erga se, potest etiam malus, sed amare proximum ex bono aut usu in se erga illum, non potest nisi bonus, nam hic ex bono amat bonum, seu ex affectione usus amat usum: horum & illorum discrimen describitur a Domino apud Matthæum Cap. V: 32. 33. seq. A multis dicitur, amo illum quia me amat & bonum mihi facit, sed usque amare illum propterea solum, non est interius amare illum, nisi ipse in bono sit, & ex illo amet bonum ejus; hic in charitate est, ille autem in amicitia est, quæ non est charitas. Is qui ex charitate amat proximum, conjungit se cum bono ejus, & non cum persona, nisi quantum & quamdiu in bono est, hic spiritualis est, & spiritualiter amat proximum; at qui ex sola amicitia amat alterum, is conjungit se cum persona, & simul tunc cum ejus malo; hic post mortem a persona, quæ in malo est, ægre separari potest, alter autem potest. Charitas hoc facit per fidem, quia fides est veritas, & homo qui in charitate est per veritatem, scrutatur & videt, quid amandum est, & spectat quale usus in amando & benefaciendo.

22. Amor in Dominum est proprie amor, & amor erga proximum est charitas: non datur apud hominem amor in Dominum, nisi in charitate, in hac Dominus se conjungit cum homine. Quia fides in sua essentia est charitas, sequitur quod nemo possit habere fidem in Dominum nisi in charitate sit, ex hac

hac per fidem est conjunctio, per charitatem conjunctio Domini cum homine, & per fidem conjunctio hominis cum Domino: quod conjunctio reciproca sit, videatur in DOCTRINA VITÆ PRO NOVA HIEROSOLYMA n. 102 ad 107.

23. In summa, quantum quis fugit mala ut peccata, & spectat ad Dominum, tantum in charitate est, proinde tantum in fide est. Quod quantum quis fugit mala ut peccata & spectat ad Dominum, tantum in charitate sit, videatur in DOCTRINA VITÆ PRO NOVA HIEROSOLYMA n. 67 ad 73; tum n. 74 ad 91; & quod tantum fidem habeat, n. 52 ad 52. quid charitas in proprio sensu, n. 114 ibi.

24. Ex omnibus quæ hætenus dicta sunt, constare potest, quod fides salutifera, quæ est agnitio interna veri, non dari queat apud alios, quam qui in Charitate sunt.

Quod Cognitiones veri & boni non sint Fidei,
antequam homo in Charitate est, sed quod
sint Promptuarium, ex quo Fides Chari-
tatis formari potest.

25. **E**st homini affectio sciendi ex prima pueritia, per hanc discit plura, quæ illi usui erunt, & plura quæ non usui: cum adolescit, ex applicatione ad quoddam negotium, haurit illa quæ rei negotii sunt; hoc fit ei tunc usus, quo afficitur: sic inchoat affectio usus, quæ producit affectionem mediorum, per quæ venit ad negotium suum, quod ejus usus est. Hæc progressio est apud unumquemvis in mundo, quia unicuique est aliquod negotium, ad quod ab usu qui est finis per media ad ipsum usum qui est effectus, procedit. Verum quia hic usus cum mediis ejus est pro vita in mundo, est ejus affectio naturalis.

26. Sed quia omnis homo non modo spectat usus pro vita in mundo, sed etiam spectabit usus pro vita in Cælo, in hanc enim post vitam in mundo veniet, & in hac post illam vivet in æternum: ideo quisque a pueritia comparat sibi cognitiones veri & boni ex Verbo, aut ex doctrina Ecclesiæ, aut ex prædicatione, quæ pro illa vita erunt, & reponit illas in memoria naturali, in majore aut minore copia secundum affectionem sciendi connatam, & per varia excitamenta auctam.

27. Sed omnes hæ cognitiones, quotcunque & qualescunque sunt, modo sunt promptuarium ex quo fides charitatis formari potest; & hæc fides non formatur, nisi quantum fugit mala ut peccata. Si fugit mala ut peccata, tunc cognitiones illæ fiunt fidei, cui vita spiritualis inest: si autem non fugit mala ut peccata, cognitiones illæ non sunt nisi quam cognitiones, & non fiunt fidei cui aliqua vita spiritualis inest.

28. Hoc Promptuarium maxime necessarium est, quoniam absque illo non for-
ma-

mari potest fides; cognitiones enim veri & boni fidem intrant & faciunt illam; si nullæ sint, fides non existit, fides prorsus vacua & inanis non datur; si paucæ sint, fides fit pusilla & egena; si multa sint, fides fit locuples & plena secundum copiam.

29. At sciendum est, quod cognitiones genuini veri & boni faciant fidem, & prorsus non cognitiones falsi, fides enim est veritas, ut supra n. 5 ad 11, dictum est, ac falsitas, quia est opposita veritati, destruit fidem; nec potest charitas existere, ubi meræ falsitates sunt, nam, ut supra n. 18 dictum est, charitas & fides unum faciunt sicut bonum & verum faciunt unum. Ex his quoque sequitur, quod nullæ cognitiones genuini veri & boni nullam fidem faciant, quod paucæ aliquam fidem, & quod multæ fidem illustrem secundum plenitudinem. Qualis est homini fides ex charitate, talis est ei intelligentia.

30. Dantur etiam multi, qui non agnitionem internam veri habent, & tamen fidem charitatis, qui sunt qui in vita spectaverunt ad Dominum, & ex religione evitaverunt mala, sed a curis in mundo & negotiis detenti a cogitando de veris, & quoque a defectu veri apud docentes; sed illi usque interius seu in suo spiritu in agnitione veri, quia in affectione ejus, sunt, quare illi post mortem, dum fiunt spiritus, & instruuntur per Angelos, agnoscunt vera & cum gaudio recipiunt illa. Aliter vero illi, qui in vita non spectaverunt ad Dominum, & non ex religione evitaverunt mala, hi non interius seu in suo spiritu in aliqua affectione veri & inde nec in aliqua agnitione ejus sunt, quare ii post mortem, cum fiunt spiritus, & instruuntur per Angelos, non volunt agnoscere vera, & inde non recipiunt illa: malum vitæ enim interius odit vera; at bonum vitæ interius amat vera,

31. Cognitiones veri & boni, quæ præcedunt fidem, apparent quibusdam quod fidei sint, sed usque non sunt; quod opinentur & dicant se credere, non ideo credunt, & nec illæ sunt fidei, sunt enim solius cogitationis quod ita sit, sed non sunt agnitionis internæ, quod veritates sint; ac fides quod veritates sint, dum nescitur quod sint, est species persuasionis remotæ ab agnitione interna: ut primum autem charitas implantatur, tunc cognitiones illæ fiunt fidei, sed non plus quam charitas in illa est. In Primo statu, antequam Charitas percipitur, apparet illis fides sicut primo loco sit, & charitas secundo; sed in altero statu, cum charitas percipitur, fit fides secundo loco, & charitas primo: Primus status vocatur Reformatio, Alter status vocatur Regeneratio: cum homo in hoc statu est, tunc apud illum indies crescit sapientia, ac indies bonum multiplicat vera, & fructificat illa: est homo tunc sicut Arbor, quæ fructum fert, & in fructu ponit semina, ex quibus novæ arbores, & tandem hortus: fit tunc vere homo, & post mortem angelus, cujus vitam facit charitas, & fides formam, pulchram secundum quale ejus; at fides tunc non amplius vocatur fides, sed intelligentia. Ex his constare potest, quod omne fidei sit ex charitate, & nihil ejus ex se; tum etiam quod charitas producat fidem, & non fides charitatem: sunt cognitiones veri quæ præcedunt, prorsus sicut penurium in horreo, quod non nutrit hominem, nisi appetens victum inde frumentum desumit.

32. Dicitur etiam, quomodo formatur fides ex charitate: cuius homini est Mens naturalis & Mens spiritualis, Mens naturalis pro mundo, & Mens spiritualis pro cælo; homo quoad Intellectum est in utroque, non autem quoad Voluntatem, priusquam fugit & averfatur mala ut peccata; cum hoc facit, tunc aperitur Mens spiritualis etiam pro voluntate; quæ aperta, influit inde in Mentem naturalem calor spiritualis e Cælo, qui calor in sua essentia est charitas, ac vivificat cognitiones veri & boni quæ ibi sunt, & ex illis format fidem: fit etiam hoc sicut cum arbore, quæ non vitam vegetativam accipit, prius quam calor e sole influit, & conjungit se cum luce, ut fit tempore veris. Plenus etiam paralelismus est inter vivificationem hominis & vegetationem arboris, in eo, quod hanc faciat calor mundi, & illam calor cæli: quare etiam homo toties assimilatur arbori a Domino.

33. Ex his paucis constare potest, quod cognitiones veri & boni non sint fidei, antequam homo in charitate est, sed quod sint promptuarium, ex quo fides charitatis formari possit. Cognitiones veri fiunt vera apud Regeneratum; etiam cognitiones boni, nam cognitio boni est in intellectu, at affectio boni in voluntate; ac verum vocatur id quod in intellectu est & bonum id quod in voluntate.

Fides Christiana in universali idea.

34. **F**ides Christiana in universali idea, hæc est, Quod Dominus ab æterno, Qui est Jehovah, in mundum venit, ut subjugaret Inferna, & glorificaret Humanum suum; & quod absque eo nemo mortalium salvari potuerit; & quod salvetur qui credunt in Ipsum.

35. Dicitur in universali idea, quia hoc est universale fidei, ac universale fidei est quod in omnibus & singulis erit. Universale fidei est, quod Deus sit unus persona & essentia in quo Trinitas, & quod Dominus sit ille Deus. Universale fidei est, quod nullus mortalium salvari potuerit nisi Dominus in mundum venerit. Universale fidei est, quod in mundum venerit, ut removeret Infernum ab homine, & removit illud per pugnas contra illud, & per victorias super illud; ita subjugavit illud; & redegit illud in ordinem & sub suam obedientiam. Universale fidei etiam est, quod in mundum venerit, ut Humanum, quod in mundo suscepit, glorificaret, hoc est, uniret Divino a Quo; sic Infernum ab Ipso subjugatum in ordine & sub obedientia sua in æternum tenet. Quoniam utrumque hoc non fieri potuit nisi quam per Tentationes usque ad ultimum illarum, ac ultimum illarum fuit Passio crucis, ideo illam subivit. Hæc sunt Universalia Fidei Christianæ de Domino.

in

36. Universale Fidei Christianæ a parte hominis est; ut credat in Dominum, nam per credere in Ipsum fit conjunctio cum Ipso, per quam salvatio: credere in Ipsum est fiduciam habere quod Ipse salvet: & quia fiduciam habere non potest nisi qui bene vivit, ideo etiam hoc per credere in Ipsum intelligitur.

37. De binis his Fidei Christianæ Universalibus actum est in specie; de PRIMO, quod Dominum spectat, in DOCTRINA NOVÆ Hierosolymæ de DOMINO: & de ALTERO, quod hominem spectat, in DOCTRINA VITÆ PRO NOVA Hierosolyma; quare illa hic amplius diducere non opus est.

Fides hodierna in universali idea.

38. **F**ides hodierna in universali idea, est hæc,, Quod Deus Pater miserit Filium suum, ut satisfaceret pro Humano „ Genere, & quod propter id Filii meritum misereatur, & salvet illos, qui id credunt. Alii, qui id credunt, & simul bona „ faciunt”.

39. Sed ut videatur clarius, qualis illa Fides est, velim adducere in ordine varia, quæ ponit. Hodierna Fides I ponit Deum Patrem & Deum Filium, ut Duos, utrumque ab æterno. II Ponit Deum Filium in mundum venisse ex voluntate Patris, ut satisfaceret pro Humano Genere, quod alioquin ex Divina Justitia, quam etiam vindicativam vocant, morte æterna periisset. III. Ponit satisfactionem a Filio per impletionem Legis, & per passionem crucis. IV. Ponit Misericordiam Patris propter illa Filii. V. Ponit imputationem meriti Filii erga illos, qui id credunt. VI. Ponit hoc momentaneum, & ideo, si non prius, etiam circa ultimam mortis horam. VII. Ponit aliquid tentationis, & tunc liberationem per fidem istam. VIII. Ponit apud hos imprimis fiduciam & confidentiam. IX Ponit apud hos imprimis Justificationem, & plenariam gratiam Patris propter Filium, & remissionem omnium peccatorum, & sic salvationem. X. Doctiores ponunt apud hos conatum ad bonum, qui occulte operatur, & non manifeste movet voluntatem. Alii ponunt operationem manifestam: uterque per Spiritum Sanctum. XI. Plerique, qui se confirmant in eo, quod nemo possit facere bonum a se, quod bonum est, & nisi sit meritorium, & quod non sint sub jugo legis, illi omittunt, &

non cogitant de malo & de bono vitæ; dicunt enim in se, quod non bonum opus salvet, nec malum damnet, quia sola fides facit omnia. XII. In genere ponunt intellectum sub obedientia huius fidei, vocantes id fidei quod non intelligitur.

40. Sed hæc singillatim lustrare & expendere, num veritates sint, supersededetur: patent manifeste ex illis, quæ hic supra dicta sunt, imprimis ex illis, quæ in DOCTRINA NOVÆ HIEROSOLYMÆ DE DOMINO, & in DOCTRINA VITÆ PRO NOVA HIEROSOLYMA, ex Verbo demonstrata sunt, & simul rationaliter confirmata.

41. At usque ut videatur, qualis fides separata a charitate est, & qualis fides non separata ab illa est, velim communicare quæ ab Angelo cæli audiui; dixit ille quod loquutus sit cum multis Reformatis, & audiverit qualis fides illorum est; & retulit quid cum uno qui in fide separata a charitate fuit, & quid cum altero qui in fide non separata, loquutus est, & ab illis audivit; dixit quod interrogaverit illos, & quod illi responderint: quæ quia illustrare possunt, velim colloquutiones illorum hic afferre.

42. Angelus dixit, quod cum illo qui in fide separata a charitate ita loquutus sit; amice, quis es, respondit ille, sum Reformatus Christianus. Quæ tua doctrina, & inde religio, respondit quod sit fides. Dixit quæ tua fides, respondit, fides mea est,, *Quod Deus Pater miserit Filium, ut satisfaceret pro Humano Genere, & quod salventur qui id credunt*,: interrogavit tunc dicendo, quid scis plus de Salvatione, respondit, quod salvatio sit per solam illam fidem. Porro dixit, quid scis de Redemptione, respondit quod facta sit per passionem crucis, & quod meritum Filii imputetur per illam fidem. Porro, quid scis de Regeneratione, respondit quod fiat per illam fidem: Quid scis de Pænitentia & Remissione peccatorum, respondit quod per illam fidem. Dic quid scis de amore & charitate, respondit quod sint illa fides. Dic quid scis de bonis operibus, respondit quod sint illa fides. Dic quid cogitas de omnibus præceptis in Verbo, respondit quod sint in illa fide. Tunc dixit, ergo nihil facies, respondit quid faciam, non possum facere bonum, quod bonum est, a me: dixit, num fidem potes habere a te, respondit non possum; dixit quomodo tunc potes fidem habere, respondit in hoc non inquirō, habebo fidem. Tandem dixit, omnino scis aliquid præterea de salute, respondit, quid præterea, cnm per solam illam fidem salvatio.

vatio. Sed tunc dixit Angelus, respondes sicut qui canit uno tono tibiæ, non audio nisi fidem; si illam scis, & non præterea, nihil scis; abi & vide focios, & abivit & offendit illos in deserto, ubi non gramen, quæsit cur ita, dixerunt, quia illis nihil Ecclesiæ.

43. Angelus cum illo, qui in fide non separata a charitate ita loquutus est: amice, quis es, respondit sum Christianus Reformatus: quæ tua doctrina, & inde religio, respondit fides & charitas: dixit hæc sunt duo, respondit non separari possunt: dixit quid fides, respondit credere quod Verbum docet; dixit quid charitas, respondit facere quod Verbum docet: dixit num solum credideris illa, vel num etiam feceris, respondit etiam feci: Angelus cæli tunc aspexit illum, & dixit, mi amice, veni mecum, & habita nobiscum.

Qualis fides separata a charitate est.

44. **U**t fides separata a Charitate videatur qualis est, sistam illam in sua nuditate: in hac talis est; „ Quod Deus Pater iratus contra Genus humanum, rejecerit illud a se, & ex justitia statuerit vindicare per ejus damnationem æternam: & quod dixerit ad Filium, descende, imple Legem, ac damnationem illis destinatam in Te suscipe; & tunc forte miserebor: quare descendit, & implevit Legem, & passus se suspendi cruce, & immaniter occidi: quo facto rediit ad Patrem, & dixit, damnationem Generis humani in Me suscepi, nunc misericors esto, intercedens pro illis: at responsum tulit, non possum erga illos, sed quia Te vidi super cruce, & tunc sanguinem tuum, factus sum misericors, at usque non condonabo illis, sed imputabo illis tuum meritum, verum non aliis, quam qui hoc agnoscunt. Hoc erit „ fides, per quam salvari possunt.

45. Hæc est fides illa in sua nuditate: quisnam, cui aliqua ratio illustrata est, in illa non videt paradoxa, quæ contra ipsam Divinam essentiam sunt; ut, quod Deus, qui est ipse Amor, & ipsa Misericordia, potuerit ex ira & inde vindicta damnare homines, & devovere illos inferno: tum, quod velit ad misericordiam moveri per damnationem Filio impositam, & per intuitionem Ejus passionis super cruce & Ejus sanguinis. Quis, cui aliqua ratio illustrata est non videt quod Deus ad Deum æqualem non dicere potuerit, non condono illis, sed imputo illis tuum meritum: ut &, nunc vivant sicut velint, modo illud credant, & salvabuntur. Præter plura.

46. Sed causa, quod hæc non visa sint, est quia induxerunt fidem cæcam, & per illam occluserunt oculos, & obturaverunt aures. Occlude oculos & obtura aures, hoc est, fac ut non cogitent ex aliquo intellectu, & dic illis,

quibus aliqua idea de vita æterna impressa est, quicquid velis, & credent: imo si dixeris, quod Deus possit irasci & vindictam spirare; quod Deus possit alicui damnationem æternam inferre: quod Deus velit ad misericordiam moveri per sanguinem Filii; ac id pro merito imputare & adscribere homini ut ejus; ac salvare per solum cogitare. Ut &, quod unus Deus cum altero Deo unius essentiae potuerit talia stipulari, & illi injungere; præter similia alia. Sed aperi oculos & reclude aures, hoc est, cogita de illis ex intellectu, ac videbis discordantiam illorum cum ipsa veritate.

47. Occlude oculos & obtura aures, & fac ut non cogitent ex aliquo intellectu, annon poteris inducere fidem, quod Deus dederit omnem suam potestatem homini, ut sit pro Deo in terris: annon poteris inducere fidem, quod homines mortui invocandi sint; quod nudandum sit caput & flectenda sint genua pro simulachris eorum; quodque cadavera eorum, ossa eorum, & sepulchra illorum, sancta sint & veneranda. Sed si aperis oculos & recludis aures, hoc est, de illis ex aliquo intellectu cogitas, annon videbis enormia, quæ ratio humana abominabitur.

48. Cum talia & similia alia recipiuntur ab homine, cui ex religione oclusus est intellectus, annon tunc Templum, in quo cultum agit, comparari potest speluncæ seu cavernæ sub terris, ubi quæ videt, nescit quid sunt: ac Religio ejus comparari potest habitationi in domo, in qua non sunt fenestræ; & vox cultus ejus sono, & non loquelæ. Cum tali homine non potest Angelus cæli loqui, quia unus non intelligit loquelam alterius.

Quod illi, qui in fide separata a charitate sunt, in Verbo repræsentati sint per Philisthæos.

49. **I**n Verbo per omnia Nomina Gentium & Populorum, tum Personarum & Locorum, significantur res Ecclesiæ, ipsa Ecclesia per Israellem & Jehudam, quia apud illos fuit instituta; & varia Religiosa per Gentes & Populos circum illos, Religiosa concordantia per Gentes bonas, & Religiosa discordantia per Gentes malas. Sunt duo Religiosa mala, in quæ omnis Ecclesia successu temporis degeneratur, Unum quod adulterat bona ejus, & Alterum quod falsificat vera ejus: illud Religiosum, quod adulterat bona Ecclesiæ, trahit suum ortum ex amore imperandi, & alterum Religiosum quod falsificat vera Ecclesiæ, trahit suum ortum ex fastu propriæ intelligentiæ. Religiosum quod trahit ortum ex amore imperandi, in Verbo intelligitur per Babyloniam; & Religiosum, quod trahit ortum ex fastu propriæ intelligentiæ, in Verbo intelligitur per Philisthæam. Notum est, quinam ex Babylonia hodie sunt, sed non notum, quinam ex Philisthæa. Ex Philisthæa sunt, qui in fide & non in charitate.

50. Quod illi ex Philisthæa sint, qui in fide & non in charitate, constare potest ex variis, quæ de illis in Verbo dicuntur, in spiritali sensu intellectis; tam ex altercationibus illorum cum Abrahami & Isaci servis, de quibus Genes.

XXI & XXVI, quam ex bellis illorum cum Filiis Israelis, de quibus in Libro Judicum, ac in Libris Samuelis & Regum; omnia enim Bella in Verbo descripta in sensu spirituali involvunt & significant bella spiritualia: & quia hoc Religiosum, quod est fidei separatæ a charitate, continue vult invadere Ecclesiam, ideo Philisthæi manserunt in terra Canaane, & filios Israelis crebro infestarunt.

57. Quoniam Philisthæi repræsentabant illos qui in fide separata a charitate sunt, ideo vocati sunt PRÆPUTIATI, & per Præputiatos intelliguntur qui absque amore spirituali sunt, & inde in solo amore naturali: Amor spiritualis est Charitas. Causa quod hi præputiati dicti sint, est quia per Circumcisos intelliguntur qui in amore spirituali sunt. Quod Philisthæi præputiati dicti sint, videatur I. Sam. XVII. 27. 36. II. Sam. II. 20, & alibi.

52. Quod illi qui in fide separata a charitate sunt, per Philisthæos repræsentati sint, constare potest non modo ex bellis eorum cum filiis Israelis, sed etiam ex pluribus aliis, quæ de illis in Verbo memorantur; ut ex illis quæ de Dagon Idolo eorum, de Hæmorrhoidibus & Muribus, quibus propter Arcam in fano idoli eorum positam percussi & infestati sunt, & ex reliquis quæ tunc evenerunt, de quibus, I. Sam. Cap. V & VI; similiter quæ de Goliatho, qui Philisthæus erat, a Davide interfecto, de quo I. Sam. Cap. XVII. Dagon enim Idolum eorum, erat superius sicut homo, inferius sicut piscis, per quod repræsentabatur Religio eorum, quod ex fide esset sicut spiritualis, ex nulla charitate autem esset mere naturalis: per Hæmorrhoides, quibus percussi erant, significabantur spurci eorum amores; per mures, quibus infestati erant, significabatur devastatio Ecclesiæ per falsificationes veri; & per Goliathum a Davide percussum repræsentabatur fastus propriæ intelligentiæ illorum.

53. Quod illi qui in fide separata a charitate sunt, repræsentati sint per Philisthæos, patet etiam ex Propheticiis Verbi, ubi de illis agitur, ut ex sequentibus his: apud JEREMIAM, *Contra Philisthæos: ecce aquæ ascendentes ex septentrione, quæ fient in flumen inundans, & inundabunt terram & plenitudinem ejus, urbem & habitantes in ea, ut clament homines, & ejulet omnis habitator terræ: vastabit Jehovah Philisthæos*, XLVII. 1. 2. 4; aquæ ascendentes e septentrione, sunt falsa ex inferno; quæ fient in flumen inundans, & inundabunt terram & plenitudinem ejus, significat per illa devastationem omnium Ecclesiæ; urbem & habitantes in ea, significat devastationem omnium doctrinæ ejus; ut clament homines, & ejulet omnis habitator terræ, significat defectum omnis veri & boni in Ecclesia; vastabit Jehovah Philisthæos, significat interitum eorum. Apud ESAJAM, *Ne læteris Philisthæa tota, quod fracta sit virga percutiens te; nam e radice serpentis exibat basiliscus, cujus fructus prester volans*, XIV. 27 seq. ne læteris Philisthæa tota, significat ne gaudeant qui in fide separata a charitate sunt, quod adhuc maneant: nam e radice serpentis exibat basiliscus, significat ex fastu propriæ intelligentiæ destructionem omnis veri apud illos: cujus fructus prester volans, significat ratiocinia ex falsis mali contra vera & bona Ecclesiæ.

54. Quod per Circumcisionem repræsentata sit purificatio a malis quæ sunt amo-

amoris mere naturalis, patet ex his,, *Circumcidite cor vestrum, & removete præputia cordis vestri, ne exeat ira mea propter malitiam operum vestrorum*, Jerem. IV. 4., *Circumcidite præputium cordis vestri, & cervicem vestram non indurate amplius*, Deutr. X. 16; circumcidere cor aut præputium cordis est purificare se a malis. Inde vicissim, per incircumcisum seu præputiatum intelligitur qui a malis amoris mere naturalis non purificatus, ita qui non in charitate est: & quia immundus corde per præputiatum intelligitur, dicitur,, *Nullus præputiatus corde, & præputiatus carne, intrabit in sanctuarium*, Ezech. XLIV. 9. *Nullus præputiatus comedet Pascha*, Exod. XII. 48. Et quod *damnatus sit*, Ezech. XXVIII. 10. Cap. XXXI. 18. Cap. XXXII. 19.

Quod illi qui in fide separata a charitate sunt, intelligantur per Draconem in Apocalypsi.

55. **D**ictum est supra, quod omnis Ecclesia successu temporis abeat in duo communia Religiosa mala, in unum ex amore imperandi, & in alterum ex fastu propriæ intelligentiæ; & quod prius Religiosum in Verbo intelligatur & describatur per BABYLONIAM, & posterius per PHILISTHÆAM. Nunc quia in Apocalypsi agitur de statu Ecclesiæ Christianæ, imprimis qualis in fine est, ideo de binis illis Religiosis malis, in genere & in specie ibi agitur: Religiosum quod per Babyloniam intelligitur, describitur in Cap. XVII. XVIII. XIX, quod ibi est Meritrix sedens super Bestia coccinea; ac Religiosum quod per Philisthæam intelligitur, describitur in Capp. XII. XIII, quod ibi est Draco, tum Bestia ex mari, ac Bestia ex terra ascendens. Quod hoc Religiosum per Draconem & ejus binas Bestias intellectum sit, hætenus non sciri potuit; causa est, quia sensus spiritualis Verbi non prius apertus fuit, & inde Apocalypsis non intellecta est; & imprimis quia Religiosum de fide separata a charitate in Christiano Orbe tantum invaluit, ut nemo id videre posset: omne enim Religiosum malum occæcat oculos.

56. Quod Religiosum fidei separatæ a charitate intelligatur & describatur in Apocalypsi per Draconem & per binas ejus Bestias, non modo e Cælo mihi dictum est, sed etiam in Mundo spirituum, qui sub Cælo est, ostensum est; visi mihi sunt illi, qui in fide separata erant, in Cætu sicut magnus Draco cum extensa cauda versus cælum; & visi sunt alii, qui tales, separati, in apparentia sicut dracones; sunt enim in illo Mundo hujuscemodi apparentiæ ex correspondentia spiritualium cum naturalibus: quare etiam illi ab Angelis cæi vocantur Draconici. Sed plura illorum genera sunt, quidam eorum constituunt Draconis Caput, quidam illius Corpus, & quidam ejus Caudam; illi qui constituunt ejus Caudam, sunt qui omnia vera Verbi falsificaverunt; quare dicitur de Dracone in Apocalypsi, quod cauda sua detraxerit tertiam partem stellarum Cæli; per stellas cæli significantur cognitiones veri, & per tertiam partem, omnes.

57. Nunc quia per Draconem in Apocalypsi intelliguntur qui in fide separata

ta a Charitate sunt, & hoc hæcenus ignoratum fuit, & quoque occultum ex non cognitione sensus spiritualis Verbi, ideo dabitur hic Explicatio generalis super illa quæ in Cap. XII. ibi de Dracone dicuntur.

58. De Dracone hæc dicuntur in Capite XII in Apocalypsi: Et Signum magnum visum est in Cælo. Mulier circumdata Sole, & Luna sub pedibus ejus, & super capite ejus corona stellarum duodecim: & in utero habens clamavit parturiens, & cruciata parere. Et visum est aliud signum in Cælo, & ecce Draco magnus rufus, habens Capita septem, & Cornua septem, & super capitibus suis Diademata septem. Et Cauda sua traxit tertiam partem stellarum Cæli, & projecit illas in terram. Et Draco stetit coram Muliere paritura, ut postquam pepererat, sætum ejus devoraret: & peperit filium masculum, qui pasturus est omnes gentes virga ferrea: & raptus est sætus ejus ad Deum & Thronum Ipsius. Et Mulier fugit in desertum, ubi habet locum præparatum a Deo, ut ibi alant eam diebus mille ducentis sexaginta. Et factum est bellum in Cælo, Michael & angeli ejus pugnarunt cum Dracone, & Draco pugnavit & angeli ejus: & non prævaluerunt; & non locus inventus illorum amplius in Cælo. Et cum vidit Draco quod projectus in terram, persequutus est Mulierem quæ peperit filium. Et datae mulieri duæ alæ aquilæ magnæ, ut volaret in desertum in locum suum, ubi aleretur ibi tempus & tempora & dimidium tempus, a facie serpentis: & ejecit serpens post mulierem ex ore suo aquam tanquam flumen, ut illam a flumine absorptam faceret: & adjuvit terra mulierem, & aperuit terra os suum, & deglutivit flumen, quod ejecit draco ex ore suo. Et iratus est draco contra mulierem, & abivit facere bellum cum reliquis feminis ejus, observantibus mandata Dei, & habentibus testimonium Jesu Christi:

„ 59. Hæc illorum Explicatio est „ Signum magnum visum est in Cælo, „ significat revelationem a Domino de futura Ecclesia, & de receptione doc- „ trinæ ejus, & a quibus impugnabitur: mulier circumdata sole, & luna sub „ pedibus ejus, significat Ecclesiam, quæ a Domino in amore, & in fide „ est: & super capite ejus corona stellarum duodecim, significat sapientiam „ ac intelligentiam ex Divinis veris apud illos: & in utero habens, significat „ nascentem Doctrinam: clamavit parturiens, & cruciata parere, significat „ resistantiam ab illis qui in fide separata a charitate sunt: & visum est aliud „ signum in Cælo, significat iterum revelationem: & ecce draco magnus ru- „ fus, significat fidem separatam a charitate, qui rufus dicitur ab amore me- „ re naturali: habens capita septem, significat falsum intellectum Verbi: &

„ cornua decem, significat potentiam ex receptione a multis: & super capiti-
 „ bus suis diademata septem, significat falsificata vera Verbi: & cauda sua
 „ traxit tertiam partem stellarum cæli, & projecit illas in terram, significat
 „ destructionem omnium cognitionum veri: & draco stetit coram muliere pa-
 „ ritura, ut postquam pepererat, factum ejus devoraret, significat odium il-
 „ lorum & animum destruendi doctrinam Ecclesiæ in suo ortu: & peperit fi-
 „ lium masculum, significat doctrinam: qui pasturus omnes gentes virga fer-
 „ rea, significat quæ ex potentia veri naturalis ex spiritali convincet: & rap-
 „ tus est filius ejus ad Deum & thronum Ipsius, significat tutationem ejus a
 „ Domino e cælo: & fugit in desertum, significat Ecclesiam inter paucos:
 „ ubi habet locum præparatum a Deo, significat statum ejus ut interea provi-
 „ deatur inter plures: ut ibi alant illam diebus mille ducentis sexaginta, signi-
 „ ficat usque dum crescit ad suum statutum: & factum est bellum in cælo,
 „ Michael & angeli ejus, pugnarunt cum dracone, & draco pugnavit &
 „ angeli ejus significat dissensionem & pugnam illorum qui in fide separata
 „ a charitate sunt contra illos qui in doctrina Ecclesiæ de Domino & de
 „ vita charitatis sunt: & non prævaluerunt, significat quod succubuerint:
 „ & non locus inventus eorum amplius in cælo, significat dejectionem illorum:
 „ cum vidit draco quod projectus sit in terram, persecutus est mulierem quæ
 „ peperit masculum, significat infestationem Ecclesiæ ab illis qui in fide sepa-
 „ rata a charitate, propter doctrinam ejus: & datæ mulieri duæ alæ aquilæ
 „ magnæ, ut volaret in desertum in locum suum, significat circumspeditionem
 „ dum adhuc inter paucos est: ubi aleretur tempus & tempora & dimidium
 „ temporis a facie serpentis, significat usque dum Ecclesia crescit ad suum
 „ statutum: & ejecit serpens post mulierem ex ore suo aquam tanquam flu-
 „ men, ut illam a flumine absorptam faceret, significat ratiocinationes illo-
 „ rum ex falsis in copia ad destruendum Ecclesiam: & adjuvit terra mulie-
 „ rem, & aperuit terra os suum, & deglutivit flumen quod ejecit draco ex
 „ ore suo, significat quod ratiocinationes, quia ex falsis, a seipsis deciderint:
 „ & iratus est draco contra mulierem, & abivit facere bellum cum reliquis
 „ seminis ejus, significat perfrens odium illorum: observantibus mandata Dei,
 „ & habentibus testimonium Jesu Christi, significat contra illos qui vivunt vi-
 „ tam charitatis, & credunt in Dominum.

60. In Capite XIII sequente in Apocalypsi, agitur de binis Bestiis draconis,
 de una quæ visa est ex mari ascendisse, & de altera quæ visa est ex terra af-
 cendisse, de priore agitur a Vers. 1 ad 10, & de posteriore a Vers. 11 ad
 18; quæ quod sint Bestiæ draconis, patet a versibus 2. 4. 11, ibi: per pri-
 mam bestiam significatur fides separata a charitate quoad confirmationes ejus
 ex naturali homine; & per alteram significatur fides separata a charitate quoad
 confirmationes ejus ex Verbo, quæ etiam sunt falsificationes veri: sed præte-
 reo illa explicare, quia continent argumentationes eorum, quæ prolixius didu-
 cendæ forent; solum ultimum hoc, „ *Habens intelligentiam computet numerum*
Bestiæ, numerus enim hominis est, & numerus ejus sexcenta sexaginta sex, Vers.
 18: habens intelligentiam computet numerum bestię, significat qui in illustra-
 tione

tione sunt, inquirant quale confirmationum istius fidei ex Verbo; numerus enim hominis est, significat quod sit quale propriæ intelligentiæ; & numerus ejus sexcenta sexaginta & sex, significat omne verum Verbi falsificatum.

Quod illi, qui in fide separata a charitate sunt,
intelligantur per Hircos apud Danielelem
& Matthæum.

61. **Q**uod per Hircum apud Danielelem Cap. VIII; & per Hircos apud Matthæum Cap. XXV, intelligantur illi qui in fide separata a charitate sunt, constare potest ex eo, quod opponantur Arieti & Ovibus ibi, & per Arietem & per Oves intelliguntur qui in charitate sunt: Dominus enim in Verbo vocatur Pastor, Ecclesia ovile, & homines Ecclesiæ in genere vocantur grex, & in specie oves; & quia oves sunt illi qui in charitate sunt, ideo hirci sunt illi qui non in charitate.

62. Quod illi qui in fide separata a charitate sunt, per Hircos intelligantur, demonstrabitur I Ab Experientia in Mundo spirituali. II Ab Ultimo Judicio super quos peractum est. III Ex descriptione pugne inter Arietem & Hircum apud Danielelem. IV. Et demum ex omissione charitatis illorum, de quibus apud Matthæum.

63. I. *Quod illi, qui in fide separata a charitate sunt, intelligantur in Verbo per Hircos, ab Experientia in Mundo spirituali.* In Mundo spirituali apparent omnia quæ in Mundo naturali, apparent domus & palatia, apparent paradisi & horti, & in illis arbores omnis generis; apparent agri & novalia, tum campi & vireta; & quoque armenta & greges; omnia in tali similitudine, in qua super nostra tellure; nec alia intercedit differentia, quam quod hæc sint ex origine naturali, & illa ex origine spirituali: quare Angeli, quia spirituales sunt, vident illa quæ ex origine spirituali sunt, similiter ut homines illa quæ ex origine naturali sunt. Omnia, quæ apparent in Mundo spirituali, sunt correspondentiæ, correspondent enim affectionibus Angelorum & Spirituum: hæc causa est, quod illi qui in affectione boni & veri sunt, & inde in sapientia & intelligentia, habitent in palatiis magnificis, circum quæ sunt paradisi pleni arboribus, quæ correspondent, & circum illos agri & campi, in quibus cubant greges, qui sunt apparentiæ: Correspondentiæ autem oppositæ sunt apud illos qui in affectionibus malis sunt; hi vel sunt in Infernis inclusi ergastulis, quæ sunt absque fenestris, in quibus tamen est lumen sicut ex igne fatuo, vel sunt in desertis & habitant in mapalibus, circum quæ omnia sterilia sunt, & ibi serpentes, dracones, ululæ, & plura, quæ malis illorum correspondent. Inter Cælum & Infernum est locus medius, qui vocatur Mundus spirituum; in hunc venit omnis homo statim post mortem; & ibi simile commercium est unius cum altero, sicut hominum inter se super tellure; ibi etiam omnia, quæ apparent, correspondentiæ sunt; apparent etiam ibi horti, luci, sylvæ cum arboribus & virgultis,

gultis, ut & campi floridi & virides, & simul varii generis bestię, mites & immites, omnia secundum correspondentiam affectionum illorum. Ibi sæpius vidi Oves & Hircos, & quoque pugnas inter illos, similes illi pugnæ, quæ describitur apud Daniele Cap. VIII; vidi Hircos cum cornibus antrorsum & retrorsum flexis, ac illos cum furore irruentes in Oves; vidi Hircos cum duobus cornibus, quibus cum vehementia ferierunt Oves; & cum aspexi quid esset, vidi aliquos rixantes inter se de charitate & fide; ex quo patuit, quod fides separata a charitate esset quæ appareret sicut Hircus, & quod charitas ex qua fides esset quæ appareret sicut Ovis. Quia hæc sæpius vidi, datum est pro certo scire, quod illi qui in fide separata a charitate sunt, in Verbo per Hircos intelligantur.

64. II. *Quod illi qui in fide separata a charitate sunt, intelligantur in Verbo per Hircos, ex Ultimo Judicio super quos peractum est.* Ultimum Judicium non super alios factum est, quam qui in externis fuerunt morales, ac in internis non spirituales, aut parum spirituales; illi autem qui tam in externis quam in internis fuerunt mali, longe ante ultimum judicium in infernum coniecti sunt, & illi qui in externis & simul in internis spirituales fuerunt, longe ante ultimum judicium in cælum elevati sunt; nam Judicium non factum est super illos qui in Cælo erant, nec super illos qui in Inferno, sed super illos qui in medio inter Cælum & Infernum fuerunt, & ibi sibi fecerunt sicut Cælos. Quod Ultimum Judicium super illos & non super alios factum sit, videri potest in Opusculo de ULTIMO JUDICIO, n. 59 & 70; & videbitur ulterius in CONTINUATIONE DE ULTIMO JUDICIO, & ibi super Reformatos; ex quibus tunc illi qui in fide separata a charitate non modo doctrina sed etiam vita fuerunt, in Infernum coniecti sunt, ac illi qui in eadem fide solum quoad doctrinam, sed usque in charitate quoad vitam fuerunt, in Cælum elevati sunt: ex quibus patuit, quod non alii per hircos & per oves a Domino apud Matthæum Cap. XXV, ubi loquitur de Ultimo Judicio, intellecti sint.

65. III. *Quod illi, qui in fide separata a charitate sunt, intelligantur in Verbo per hircos, ex descriptione pugnæ inter arietem & hircum apud Daniele.* Omnia quæ in Daniele sunt, in spirituali sensu agunt de rebus Cæli & Ecclesiæ, sicut omnia in Universa Scriptura Sacra; ut in DOCTRINA NOVÆ HIEROSOLYMÆ de Illa n. 5 ad 26, ostensum est: ita quoque illa in Daniele, quæ de pugna Arietis & Hirci ibi Cap. VIII, dicuntur; quæ talia sunt: „ In visione vidi Arietem, cui duo cornua alta, sed altius ascendens posterior: & quod cornu feriret versus occidentem, septentrionem & meridiem; & magnum se faceret. Dein vidi Hircum venientem ab occidente super facies totius terræ, cui esset cornu inter oculos; & quod cucurrerit ad Arietem cum furore roboris sui, & fregerit duo cornua ejus, & projecerit eum in terram, & conculcaverit eum; at quod fractum sit cornu magnum Hirci, & loco ejus ascenderint quatuor cornua: & quod ex uno eorum exiret cornu exiguum, quod crevit valde versus meridiem, versus ortum, & versus decus, & usque ad exercitum Cælorum, & dejecit in terram de exercitu, & de stellis, & conculcavit ea: imo extulit se ad principem exercitus, & ab Eo sublatum est iuge, & projectum habitaculum sanctuarii Ejus; quia projecit Veritatem in terram. Et audiivi unum dicen-

dicentem, quo usque Visio hæc, jube & prævaricatio vastans, ut detur sanctum & exercitus conculcatio; & dixit, usque ad vesperam mane, tunc justificabitur Sanctum,,
 Cap. VIII. 2 ad 14.

66. Quod visio illa prædicat status Ecclesiæ futuros, patet manifeste, nam dicitur quod a Principe exercitus sublatum sit jube, projectum Habitaculum sanctuarii Ejus, & quod Hircus projecit Veritatem in terram: tum quod Sanctus dixerit, quousque visio hæc, jube & prævaricatio vastans, ut detur Sanctum & exercitus conculcatio, & quod hoc esset ad vesperam mane, quando justificabitur Sanctum; per vesperam enim intelligitur finis Ecclesiæ quando nova erit. Simile postea in eo Capite per Reges Mediæ & Persiæ intelligitur, quod per Arietem, & simile per Regem Græciæ quod per Hircum; nam Nomina Regnorum, Gentium & Populorum, tum Personarum & Locorum, in Verbo significant res Cæli & Ecclesiæ.

67. Explicatio illorum hæc est, „ Aries cui duo cornua alta, quorum altius ascendit posterius, significat illos qui in fide ex charitate sunt: quod cornu feriret versus occidentem, septentrionem & meridiem, significat dissipationem mali & falsi: quod magnum se faceret, significat incrementum: hircus veniens ab occidente super facies totius terræ, significat illos qui in fide separata a charitate sunt, ac invasionem Ecclesiæ ab illis, occidens est malum naturalis hominis: cui cornu inter oculos, significat propriam intelligentiam: quod cucurrerit ad arietem cum furore roboris, significat quod vehementer impugnaverit charitatem & ejus fidem: quod fregerit duo cornua ejus, projecit eum in terram, & conculcaverit eum, significat quod prorsus disperferit & charitatem & fidem, nam qui unam etiam alteram dispergit, unum enim faciunt: quod fractum sit cornu magnum hirci, significat non apparentiam propriæ intelligentiæ: quod loco ejus ascenderint quatuor cornua, significat applicationes sensus literæ Verbi ad confirmandum: quod ex uno eorum exiret cornu exiguum, significat argumentationem, quod nemo possit implere legem, & facere bonum a se ipso: quod id cornu creverit versus meridiem, versus ortum & versus decus, significat per id insurrectionem in omnia Ecclesiæ: & usque ad exercitum cælorum, & dejecit de exercitu, & de stellis, & conculcavit illa, significat sic destructionem omnium cognitionum boni & veri, quæ charitatis & fidei essent: quod extulerit se ad Principem exercitus, & ab eo sublatum est jube, & habitaculum sanctuarii ejus, significat quod sic depopulatus sit omnia cultus Domini & Ecclesiæ Ipsius: quod veritatem projecit in terram, significat quod vera Verbi falsificaverit: per vesperam mane, quando justificabitur sanctum, significatur finis Ecclesiæ istius, & principium Novæ”.

68. IV. Quod illi, qui in fide separata a charitate sunt, intelligantur per hircos, ex omissione charitatis eorum apud Matthæum. Quod non alii per Hircos ac per Oves intelligantur apud Matthæum Cap. XXV. 31 ad 46. quam qui per Hircum & per Arietem apud Daniele, patet ex eo, quod ad Oves enumerentur opera charitatis, & dicatur, quod illa fecerint; & quod ad Hircos enu-

merentur eadem opera charitatis, & dicatur quod illa non fecerint, & quod hi ideo damnentur; est enim apud eos qui in fide separata a charitate sunt, omissio operum, ex negatione quod nihil salutis & Ecclesiæ in illis sit; & cum removetur ita charitas, quæ consistit in operibus, cadit etiam fides, quoniam fides est ex charitate; & cum non charitas & fides, est damnatio. Si omnes mali per Hircos ibi intellecti fuissent, non opera charitatis quæ non fecerunt, sed mala quæ fecerunt, enumerata fuissent. Similes per Hircos etiam intelliguntur apud SACHARIAM, *Super Pastores exarsit ira mea, & super Hircos visitabo*, X. 3. Et apud EZECHIELEM, *Ecce Ego judicans inter pecudem & pecudem, inter Arietes & inter Hircos: num parum vobis, pascuum bonum depascitis, etiam reliquum pascuorum conculcatis pedibus vestris: cornibus vestris feritis omnes Oves infirmas, donec disperseritis illas: ideo salvabo Gregem meum, ut non sit amplius in prædam*, XXXIV. 17, 18, 22. seqq.

Quod Fides separata a Charitate Ecclesiam & omnia ejus destruat.

69. **F**ides separata a charitate nulla est fides, quoniam Charitas est vita fidei, est anima ejus, & est essentia ejus; & ubi nulla fides est quia nulla charitas, ibi nulla Ecclesia est: quare dicit Dominus. „ *Filius hominis, cum venerit, num inveniet fidem super terra*”. Luc. XVIII. 8.

70. Audivi Hircos & Oves aliquoties de eo colloquutos, num illis, qui se confirmaverunt in fide separata a charitate, ulla veritas sit, & quia dixerunt, quod multa sit, Lis illa in examen missa est; & tunc interrogati sunt, num sciant quid Amor, quid Charitas, & quid Bonum, & quia hæc erant quæ separaverunt, non potuerunt aliter respondere, quam quod non scirent. Interrogati sunt, quid Peccatum, quid Pænitentia, & quid Remissio peccatorum, & quia responderunt quod qui justificati sunt per fidem, illis remissa peccata sint, ut non amplius appareant; dictum est illis, hæc non veritas sunt. Interrogati quid Regeneratio, responderunt quod vel sit baptismus, vel quod sit remissio peccatorum per fidem; dictum illis quod id non veritas sit. Interrogati quid spiritualis homo, responderunt quod sit qui justificatus est per fidem confessionis nostræ; sed dictum illis, quod hæc non veritas sit. Interrogati de Redemptione, de Unionem Patris & Domini, deque Unitate Dei, & responderunt quæ non veritates erant; præter plura. Post Interrogationes & Responfa Lis ad Judicium venit, quod erat, quod illi qui confirmaverunt se in fide separata a charitate non habeant ullam veritatem.

71. Quod ita sit, non credi potest ab illis in mundo, quoniam qui in falsis sunt, non vident aliter quam quod falsa sint vera, & quod plura scire, quam quæ fidei eorum sunt, tanti non sit; & fides illorum est separata ab intellectu, est enim fides cæca, & ideo non inquirunt; & hoc non aliter inquiri potest quam

quam ex Verbo media illustratione intellectus; quare vera, quæ ibi sunt, verunt in falsa, cogitando fidem ubi vident amorem, pænitentiam, remissionem peccatorum, & plura quæ facti erunt.

72. Verum enim vero, tales sunt illi qui se in sola fide & doctrina & vita confirmaverunt; sed non illi, qui, tametsi audiverunt & crediderunt quod sola fides salvet, usque mala ut peccata fugerunt.



CONTINUATIO
DE
ULTIMO JUDICIO:
ET DE
MUNDO SPIRITUALI.



AMSTELODAMI:

MDCCLXIII.

CONTINENTAL

DE

ULTIMO JUDICIO

ET DE

MUNDO SPIRITUALI



AMSTERDAMI

APUD



CONTINUATIO

D E

ULTIMO JUDICIO.



Quod Ultimum Judicium peractum sit.

1.



In priori Opusculo de ULTIMO JUDICIO actum est de his: Quod Interitus Mundi non intellectus sit per diem Ultimi Judicii, n. 1 ad 5. Quod Procreationes Generis humani non cessaturæ sint, n. 6 ad 13. Quod Cælum & Infernum sint ex Humano Genere, n. 14 ad 22. Quod omnes, quotcunque nati sunt homines a principio creationis & defuncti, sint in Cælo vel in Inferno, n. 23 ad 27. Quod Ultimum Judicium futurum sit ubi omnes simul sunt, ita in Mundo spirituali & non in Terris, n. 28 ad 32. Quod Ultimum Judicium existat, quando finis Ecclesiæ est; & quod finis Ecclesiæ sit, quando non fides quia non charitas, n. 33 ad 39. Quod omnia, quæ in Apocalypsi prædicta sunt, hodie impleta sint, n. 40 ad 44. Quod Ultimum Judicium peractum sit, n. 45 ad 52. De Babylonia & ejus destructione, n. 53 ad 64. De priori Cælo & ejus abolitione, n. 65 ad 72. De statu Mundi & Ecclesiæ posthac, n. 73, 74.

2. Quod de Ultimo Judicio continuetur, est imprimis ut sciatur qualis status Mundi & Ecclesiæ fuit ante Ultimum Judicium, & qualis status Mundi & Ecclesiæ factus est post illud; tum, quomodo Ultimum Judicium peractum est super Reformatos.

3. Communis opinio in Christiano Orbe est, quod universum Cælum quod oculis spectatur, & quod universa Terra quæ ab hominibus habitatur, die Ultimi Judicii peritura sint, & quod novum Cælum & nova Terra loco illorum

exstitura; & quod tunc Animæ hominum recepturæ sint sua corpora, & sic homo futurus homo sicut prius. Hæc opinio fidei facta est ex eo, quod Verbum non aliter intellectum sit quam secundum sensum literæ ejus, nec aliter potuit intelligi, antequam sensus ejus spiritalis detectus est: tum ex eo, quod a multis inducta sit fides, quod Anima sit modo halitus expiratus ab homine; quodque Spiritus sint substantiæ venti, similiter Angeli: quamdiu non plus in intellectu de animabus, deque spiritibus & de angelis fuit, non potuit aliter cogitari de Ultimo Judicio. Sed quando in intellectum venit, quod homo sit homo post mortem, quemadmodum fuit homo in mundo, cum sola differentia quod tunc indutus sit corpore spiritali, & non naturali sicut prius, & quod Corpus spirituale coram illis qui spirituales sunt, simile appareat, quemadmodum Corpus naturale apparet coram illis qui naturales sunt, tunc etiam in intellectu venire potest, quod Ultimum Judicium non futurum sit in Mundo naturali, sed in Mundo spiritali; in hoc Mundo enim omnes homines usquam nati & defuncti simul sunt.

4. Quando hoc in intellectum venit, tunc dissipari possunt paradoxa, quæ homo alioquin cogitaturus esset de statu animarum post mortem, de reunionem illarum cum corporibus putrefactis, & de destructione Universi creati, ita de Ultimo Judicio. De statu animarum post mortem cogitaturus esset hæc paradoxa; quod homo tunc esset sicut halitus, aut sicut ventus, aut sicut æther, vel volitans in aere, vel non manens in loco, sed in Ubi, quod vocant Pu, ac nihil videret quia non ei oculi, nihil audiret quia non ei aures, nihil loqueretur quia non ei os, ita foret cæcus, surdus & mutus, & jugiter in expectatione, quæ non potest non tristis esse, de receptione functionum istarum animæ, ex quibus omne jucundum vitæ ejus est, die Ultimi Judicii: & quod in simili statu misero essent Animæ omnium hominum a prima creatione, & quod illi qui ante 50 ac 60 sæcula vixerunt, adhuc in aere similiter volitarent, aut in Pu manerent, & expectarent judicium: præter lamentabilia alia.

5. Ut præteream paradoxa, quæ homo, qui non scit quod post mortem sit homo sicut prius, cogitaturus esset de destructione Universi; quæ similia sunt, & æque multa. Verum cum novit, quod homo post mortem non sit halitus aut ventus, sed quod sit Spiritus, ac si bene vixit, Angelus in Cælo, & quod spiritus & angeli sint in perfecta forma homines, tunc potest de statu hominum post mortem, & de Ultimo Judicio ex intellectu cogitare, & non ex fide separata ab intellectu, ex qua meræ traditiones exeunt: & quoque potest ex intellectu pro certo concludere, quod Ultimum Judicium, de quo prædicatur in Verbo, non exstitura sit in Mundo naturali, sed in Mundo spiritali, ubi omnes simul sunt: tum etiam, quod Ultimum Judicium, quando sit, propter fidem Verbi, revelandum sit.

6. Separa te ab idea de Anima quod sit sicut halitus, & cogita tunc de statu tuo, aut de statu amicorum, aut de statu infantum tuorum post mortem, annon cogitabis quod victurus sis homo, & de illis similiter; & quia sine sensibus non datur vita quæ vita, non potes aliter cogitare, quam quod etiam videant, audiant & loquantur; ita quoque scribunt Parentatores super defunctis, ponunt

ponunt illos in cælo inter angelos, in vestibus abis, & in paradisis: at post-hac relabere in ideam, quod Anima sit halitus, & quod non prius vivat cum sensu quam post ultimum judicium, annon poteris insanire, cogitando, qualis ero, ubinam interea, num volabo in aere, vel manebo in Pu; docuit tamen Prædicator, quod post mortem inter beatos venturus sim si bene credidero & bene vixero. Credas itaque, sicut veritas est, quod sis homo post mortem sicut ante illam, cum sola differentia, quæ est inter naturale & spirituale: ita quoque cogitant omnes, qui credunt vitam æternam, & nihil sciunt de traditione hypothetica de anima.

7. Ex his, quæ hætenus dicta sunt, constare potest, quod Ultimum Judicium non in Mundo naturali, sed in Mundo spirituali existere possit; quod etiam in illo Mundo exstiterit, videri potest ex illis, quæ in priori Opusculo de ULTIMO JUDICIO n: 45 ad 72, ex visis memorata sunt, ac ulterius ex sequentibus, quæ de Judicio super Reformatos ex visis memoranda sunt. Ille qui attendit, id quoque videre potest ex Novis, quæ de Cælo, de Verbo, & de Ecclesia nunc revelantur: quis homo potest talia sumere a se.

De statu Mundi & Ecclesiæ ante Ultimum Judicium, & post illud.

8. Quod Ultimum Judicium in Mundo spirituali peractum sit, constare potest ex illis quæ nunc supra dicta sunt: at vero ut aliquid sciatur de statu Mundi & Ecclesiæ ante illud & post illud, omnino scienda sunt hæc, I. Quid intelligitur per prius Cælum & per priorem Terram quæ transiverunt, Apoc. XXI. 1. II. Quinam & quales fuerunt qui in priore Cælo & in priore Terra. III. Quod, antequam Ultimum Judicium super illos factum est, multa communicatio inter Cælum & Mundum, ita quoque inter Dominum & Ecclesiam intercepta fuerit. IV. Quod post Ultimum Judicium communicatio restituta sit. V. Quod inde sit, quod post Ultimum Judicium, & non prius, Revelationes pro Nova Ecclesia factæ sint. VI. Quod status Mundi & Ecclesiæ ante Ultimum Judicium fuerit sicut Vespera & Nox, post illud autem sicut Mane & Dies.

9. I. *Quid intelligitur per prius Cælum & per priorem Terram quæ transiverunt, de quibus in Apocalypsi Cap. XXI. 1.* Per prius Cælum & per priorem Terram ibi, non intelligitur cælum quod coram oculis hominum in mundo apparet, nec terra quæ ab hominibus incolitur; nec intelligitur Cælum prius, in quo sunt omnes a prima creatione qui bene vixerunt: sed intelliguntur Congregationes spirituum, qui inter Cælum & Infernum sibi tanquam Cælos fecerunt: & quia omnes Spiritus & Angeli habitant super terris, æque ac homines, inde per prius Cælum & priorem Terram illa intelliguntur. Quod illud Cælum & illa Terra transiverint, visum est, & ex visis descriptum in Opusculo de ULTIMO JUDICIO n. 45 ad 72.

10. II. *Quinam & quales fuerunt illi qui in priore Cælo & in priore Terra, descriptum est in Opusculo de ULTIMO JUDICIO; sed quia ex cognitione, quinam &*

quales fuerunt, pendet intellectus sequentium, de illis etiam hic dicitur. Omnes illi, qui se congregaverunt sub Cælo, & in variis locis sibi tanquam cælos formaverunt, quos etiam cælos vocaverunt, fuerunt conjuncti cum Angelis Ultimi Cæli, sed solum quoad externa, non autem quoad interna: plerique fuerunt hirci & ex eorum familia, de quibus apud Matthæum Cap. XXV. 41 ad 46; qui quidem in mundo non fecerunt mala, moraliter enim bene vixerunt, sed non fecerunt bona ex origine boni, separaverunt enim fidem a charitate, & inde mala non ut peccata aspexerunt: hi quia in externis ut Christiani vixerunt, conjuncti fuerunt Angelis ultimi Cæli, qui similes illis in externis sunt, sed non similes in internis, sunt enim Oves, & in fide, sed in fide charitatis. Propter illam conjunctionem non potuerunt non tolerari; nam separare illos ante Ultimum Judicium, fuisset damnum inferre illis qui in ultimo Cælo erant, traherentur enim hi cum illis in perniciem. Hoc est quod Dominus prædixit apud Matthæum, *Jesus dixit Parabolam; simile est Regnum cælorum homini seminanti bonum semen in agro suo: sed dum dormiverint homines, venit ejus inimicus, & seminavit Zizania & abiit: cum germinavit herba, & fructum fecit, tunc apparuerunt etiam Zizania: accedentes autem servi Patrisfamilias, & dixerunt illi, Domine, nonne bonum semen seminasti in agro tuo, visne ergo abeuntes colligamus illa: ipse vero dixit, non, ne forte colligentes Zizania, eradicetis simul cum illis Triticum: sinite una crescere utraque usque ad messem; & tempore messis dicam messoribus, colligite prius Zizania, & colligate ea in fasciculos ad comburendum ea; Triticum vero congregate in horreum. Qui seminavit bonum semen est Filius hominis; ager est mundus; semen sunt filii Regni; Zizania sunt filii mali; messis est consummatio sæculi: quemadmodum ergo colliguntur Zizania, & comburuntur, sic erit in consummatione sæculi*, XIII. 24 ad 30. 37 ad 40; Consummatio sæculi est ultimum tempus Ecclesiæ; Zizania sunt qui interius mali sunt; Triticum sunt qui interius boni sunt; collectio illorum in fasciculos ad comburendum, est ultimum judicium super illos; ne per separationem ante ultimum judicium damnum inferatur bonis, intelligitur per ne colligendo Zizania eradicetis simul cum illis triticum, sinite utraque crescere usque ad messem.

11. III. *Quod antequam ultimum judicium super illos factum est, multa communicatio inter Cælum & Mundum, ita inter Dominum & Ecclesiam, intercepta fuerit.* Omnis illustratio homini est a Domino per Cælum, ac intrat per viam internam; quamdiu inter Cælum & Mundum, seu inter Dominum & Ecclesiam, talium congregationes fuerunt, non potuit homo illustrari; fuit sicut cumubar Solis per atram interpositam nubem disparatur; aut sicut sol per interjectam lunam ecclipsin patitur, ac lux ejus intercipitur: quare si tunc aliquid a Domino revelatum fuisset, hoc vel non intellectum, vel si intellectum usque non receptum, vel si receptum usque postea suffocatum fuisset. Nunc quia omnes illæ Congregationes interpositæ per ultimum judicium dissipatæ sunt, patet. IV *Quod communicatio inter Cælum & Mundum, seu inter Dominum & Ecclesiam, restituta sit.*

12. V. *Quod inde sit, quod post ultimum judicium peractum, & non prius, Revelationes pro Nova Ecclesia factæ sint; nam postquam per ultimum judicium*
com-

communicatio restituta est, potest homo illustrari & reformari, hoc est, Divinum verum Verbi intelligere, illud intellectum recipere, ac receptum retinere, obstacula enim interjecta remota sunt: quare Johannes, postquam prius cælum & prior terra transivit, dicit se *vidisse novum Cælum & novam Terram; & tunc urbem sanctam Hierosolymam descendentem a Deo e Cælo, paratam sicut sponsam coram Marito suo: & audivit Sedentem super throno dicentem, ecce Nova omnia facio*, Apoc. XXI. 1. 2. 5; quod per Hierosolymam intelligatur Ecclesia, videatur in DOCTRINA DE DOMINO n. 62 ad 64: ac de Novis ejus, n. 65 ibi.

13. VI. *Quod status Mundi & Ecclesiæ ante ultimum judicium fuerit sicut Vespera & Nox, post illud autem sicut Mane & Dies.* Quando lux veri non apparet, & verum non recipitur, est status Ecclesiæ in mundo sicut Vespera & Nox; quod talis status ante ultimum judicium fuerit constare potest a supradictis n. 11; quando autem lux veri apparet, & verum recipitur, est status Ecclesiæ in mundo sicut Mane & Dies. Inde est, quod bini illi status Ecclesiæ in Verbo dicantur Vespera & Mane, tum Nox & Dies; ut in his, *Dixit ad me Sanctus, usque ad Vesperam Mane bis mille trecenta; tunc justificabitur Sanctum*, Dan. VIII. 14, *Visto Vesperæ & Mane veritas est*, Dan. VIII. 26., *Erit dies unus, qui notus est Jeeboæ, non Dies nec Nox, quia circa tempus Vesperæ erit lux*, Sachar. XIV. 7., *Ad me clamans e Stir, custos quid de Nocte, dixit custos, venit Mane, etiamque Nox*, Esaj. XXI. 12., *Jesus de Ultimo tempore Ecclesiæ, Vigilate, non enim scitis, quando Dominus domus venturus sit, Vespera, media Nocte, in Gallinaceo, an Mane*, Marc. XIII. 35., *Jesus dixit, Me oportet operari quando Dies est, venit Nox quando nemo potest operari*, Joh. IX. 4: & alibi, ut Esaj. XVII. 14. Jer. VI. 4. 5. Psalm. XXX. 6. Psalm. LXV. 9. Psalm. XC. 6. Quia per Vesperam & Noctem talia intelliguntur, ideo Dominus, ut impleret Verbum, etiam in Vespera sepultus est, & postea Mane resurrexit.

De Ultimo Judicio super Reformatos.

14. **I**n priori Opusculo de ULTIMO JUDICIO actum est de Judicio super illos, qui per Babylonem intelliguntur; tum aliquid de Judicio super Mahumedanos, & super Gentes; sed non de Judicio super Reformatos; solum dictum est, quod Reformati sint in medio, ordinati secundum Patrias ibi, & quod circum illos Pontificii, circum hos Mahumedani, & circum hos Gentes & Populi ex varia Religione. Quod Reformati Medium seu Meditullium constituerint, erat causa, quia ab illis legitur Verbum, & colitur Dominus, & inde apud illos maxima Lux est, & Lux spiritualis, quæ a Domino ut Sole, qui in sua essentia est Divinus Amor, procedit, se quaquaversum extendit, ac illustrat etiam illos qui in peripheriis circumcirca sunt, & aperit facultatem intelligendi vera, quantum ex religione recipere possunt. Lux enim Spiritualis in sua essentia est Divina Sapiencia, ac intrat apud hominem in intellectum ejus, quantum is ex cognitionibus receptis in facultate percipiendi est, nec per spatia vadit sicut lux mundi, sed per affectiones & perceptiones veri, ita in instan-

ti ad ultimos fines cælorum. Ex his sunt apparentiæ spatiorum in illo Mundo. De his videantur plura in DOCTRINA DE SCRIPTURA Sacra n. 104 ad 113.

15. Sed de Ultimo Judicio super Reformatos in hoc ordine dicitur: I Super quos ex Reformatis Ultimum Judicium factum est. II. De Signis & Visitationibus ante Ultimum Judicium. III. Universale Judicium quomodo factum est IV. De salvatione Ovium.

16. I. *Super quos ex Reformatis Ultimum Judicium factum est.* Ultimum Judicium non super alios ex Reformatis factum est, quam super illos, qui in Mundo professi sunt Deum, legerunt Verbum, audiverunt prædicationes, obiverunt sacramentum Cænæ, ac solennia cultus Ecclesiæ non neglexerunt; & tamen ut licita reputaverunt adulteria, varii generis furta, mendacia, vindictas, odia, & similia; hi tametsi Deum professi sunt, usque nihili fecerunt peccata contra Ipsum; Verbum legerunt & usque nihili fecerunt præcepta vitæ ibi; audiverunt prædicationes & usque nihil attenderunt; sacramentum Cænæ obiverunt & usque non a prioris vitæ malis destiterunt; ac solennia cultus non neglexerunt, & usque nihil emendarunt vitam; ita vixerunt in externis sicut ex religione, & tamen in internis nulla illis religio fuit. Hi sunt qui per Draconem in Apocalypsi Cap. XII intelliguntur, nam de Dracone ibi dicitur, quod visus sit in Cælo, quod cum Michaele in Cælo pugnaverit, & quod e Cælo detraxerit tertiam partem stellarum; quæ dicta sunt, quia tales per professionem Dei, lectionem Verbi, & per cultum externum, communicaverunt cum Cælo. Jidem etiam intelliguntur per Hircos apud Matthæum Cap. XXIV, ad quos non dicitur quod mala fecerint, sed quod omiserint bona facere; & illi omnes omittunt bona, quæ bona sunt, facere, quia mala ut peccata non fugiunt, & tametsi illa non faciunt, usque licita reputant, & sic spiritu faciunt illa, & quoque corpore dum licet.

17. Super omnes illos ex Reformatis Ultimum Judicium factum est, non autem super illos, qui non crediderunt Deum, contemserunt Verbum, & Sancta Ecclesiæ corde rejecerunt; nam hi omnes, dum e Mundo naturali in Mundum spiritualem venerunt, coniecti sunt in Infernum.

18. Omnes qui in externis vixerunt sicut Christiani, & nihili fecerunt Christianam vitam, exterius unum fecerunt cum Cælis, sed interius cum Infernis, & quia a conjunctione illorum cum Cælo non potuerunt momento evelli, detenti sunt in Mundo spirituum, qui medius est inter Cælum & Infernum, & permissum est illis societates formare, & una vivere sicut in mundo, & ibi per artes in mundo ignotas sistere splendida, & per id persuadere sibi & aliis, quod in Cælo essent; quare ex apparentia illa externa societates suas vocaverunt Cælos. Illi Cæli & illæ Terræ super quibus habitabant, sunt quæ intelliguntur per Cælum prius & Terram priorem, quæ transiverunt, Apoc. Cap. XXI. 1.

19. Interea cum ibi permanferunt, occlusa sunt interiora mentis eorum, & aperta exteriora; per quod non apparuerunt illorum mala, per quæ unum faciebant cum infernis: at cum instabat Ultimum Judicium, reclusa sunt interiora, & tunc coram omnibus apparuerunt quales erant; & quia tunc unum agebant cum infernis, non amplius vitam Christianam potuerunt simulare, sed ex
ju.

juvando ruebant in omnis generis mala & flagitia, ac versi sunt in diabolos, & quoque sicut illi visi sunt, quidam nigri, quidam ignei, & quidam lividi sicut cadavera; qui in fastu propriæ intelligentiæ fuerant visi sunt nigri, qui in vesano amore imperandi super omnes visi sunt ignei; & qui in neglectu & contemptu veri visi sunt lividi sicut cadavera. Ita Scenæ theatrorum istorum mutatae sunt.

20. Reformati in Mundo spirituum, qui est medius inter Cælum & Infernum, constituunt intimum ejus, seu faciunt meditullium, & ibi ordinati sunt secundum Patrias: in illo Meditullio sunt Angli in medio; Hollandi ad meridiem & orientem; Germani ad septentrionem; Sueci ad occidentem & septentrionem; & Dani ad occidentem: sed in Meditullio illo non sunt alii quam qui vitam charitatis ac ejus fidei vixerunt: Societates illorum ibi plures sunt: circum illos sunt Reformati, qui non vitam fidei & charitatis degerunt: hi sunt qui sibi sicut cælos fecerunt. Sed alia omnium ordinatio est in Cælo, & quoque in Inferno. Quod Reformati meditullium ibi faciant, est quia apud illos Verbum legitur, & Dominus etiam colitur, ex quo ibi maxima lux est, quæ lux inde ut a centro propagatur in omnes peripherias, ac illustrat: Lux enim in qua sunt spiritus & angeli, procedit a Domino ut Sole, qui in sua essentia est Divinus Amor, & inde Lux procedens in sua essentia est Divina Sapientia, inde est omne spirituale istius Mundi. De Domino ut Sole in Mundo spirituali, & de Luce & Calore ex eo, videatur in Opere de CÆLO ET INFERNO, n. 116 ad 140.

21. Omnis ordinatio Societatum in illo Mundo est ordinatio secundum differentias amoris; causa est, quia amor est vita hominis, & Dominus, qui est Ipse Divinus Amor, ordinat illas secundum receptiones ejus; ac differentiae amorum sunt innumerabiles, quas nemo scit nisi Solus Dominus. Conjungit Societates ita, ut omnes quasi unam vitam hominis agant; Societates cælorum ut unam vitam amoris cælestis & spiritualis; Societates infernorum ut unam vitam amoris diaboli & infernalis; conjungit Cælos & Inferna per oppositiones. Quia talis ordinatio est, ideo unusquisque homo post mortem abit in Societatem amoris sui, nec potest alio abire, amor enim ejus contrahitur. Inde est, quod in Cælo sint qui in amore spirituali sunt, in Inferno autem qui in solo amore naturali: amor spiritualis unice per vitam charitatis inditur, & amor naturalis manet naturalis, si vita charitatis omittitur; & amor naturalis, si non subiectus est amori spirituali, est ei oppositus.

22. Ex his constare potest, quinam ex Reformatis sunt, super quos Judicium factum est, quod non super illos qui in Meditullio sunt, sed super illos qui circum illud; qui, ut dictum est, exterius sicut Christiani ex moralitate externa apparuerunt, sed interius non Christiani ex nulla spirituali vita fuerunt.

23. *De Signis & Visitationibus ante Ultimum Judicium.* Visum est super illos, qui sibi sicut cælos fecerunt, sicut nimbosum, quod apparuit ex præsentia Domini in Cælis angelicis, qui supra illos, imprimis ex præsentia Ipsius in Cælo ultimo, ne aliqui ex illis propter conjunctionem auferrentur & simul perirent. Cæli superiores etiam propius ad illos delati sunt, per quod interiora eorum,

super quos Judicium venturum erat, recludebantur: quibus reclusis non amplius apparuerunt sicut Christiani morales, ut prius, sed sicut dæmones; tumultuabantur & rixabantur inter se de Deo, de Domino, de Verbo, de Fide, & de Ecclesia: & quia concupiscentiæ ad mala tunc etiam in liberum emissæ sunt, rejecerunt omnia illa cum contemptu & subsannatione, & in flagitia omnis generis ruebant. Ita status Cælicolarum istorum mutatus est. Tunc simul omnia splendida illorum, quæ per artes in mundo ignotas sibi fecerant, evanuerunt, palatia eorum versa sunt in viles casas, horti in stagna, templa in rudera, ac ipsi colles, super quibus habitabant, in scrupeta, & in similia alia, quæ flagitiosis illorum animis & cupiditatibus correspondebant. Nam omnia visibilia Mundi spiritualis sunt correspondentiæ affectionum, quæ sunt apud spiritus & angelos. Hæc erant signa venturi Judicii.

24. Sicut reclusio interiorum increvit, ita ordo inter habitantes mutatus & inversus est; illi qui maxime invaluerunt ratiociniis contra sancta Ecclesiæ, irruerunt in medium, & dominium ceperunt; ac reliqui, qui minus valuerunt ratiociniis, ad latera circumcirca secesserunt, & illos qui in medio erant, pro suis angelis tutoribus agnoverunt: ita colligaverunt se in facies inferni.

25. Circa has mutationes status illorum, factæ sunt variæ concussiones habitationum & terrarum apud illos, quas sequuti sunt terræ motus, ingentes secundum aversiones: & quoque hic & ibi facti sunt hiatus versus inferna, quæ sub illis erant, & sic aperta est communicatio cum illis; visi tunc sunt halitus ascendentes sicut fumi commixti scintillis ignis. Hæc quoque fuerunt signa, quæ præcesserunt: quæ etiam per Domini verba de consummatione sæculi & tunc de Ultimo Judicio apud Evangelistas, intelliguntur: „ *Suscitabitur gens contra gentem; terræ motus magni diversis locis: terribilia quoque signa de cælo magna erunt. Et erit angustia gentium resonante mari & salo.*

26. VISITATIONES etiam factæ sunt per angelos; nam antequam aliqua societas male facta perit, visitatio semper præcedit: Angeli exhortabantur illos ut desisterent, & si non, denuntiabant illis exitium. Tunc etiam explorabant, num aliqui boni illis intermixti essent, quos separabant: sed turba excitata ab antesignanis suis, contumeliis illos afficiebant, irruentes ut in forum illos traherent, ac nefandis modis affligerent: factum est ibi sicut in Sodoma. Plerique ex illis fuerunt ex fide separata a charitate; & quoque aliqui, qui charitatem professi sunt, & usque flagitiose vixerunt.

27. III. *Universale Judicium quomodo factum est.* Postquam Visitationes & Signa prænuntia futuri Judicii animos illorum ab actibus facinorosis, & quoque a machinationibus seditiosis contra illos, qui agnoscebant Dominum pro Deo Cæli & Terræ, sanctum habebant Verbum, & vitam charitatis agebant, deflectere non potuerunt, supervenit Ultimum Judicium. Hoc ita factum est.

28. Visus est Dominus in candida nube cum angelis, & auditus est sonus inde sicut tubarum; quod signum repræsentativum tutationis Angelorum cæli a Domino erat, & collectionis bonorum ab undequaque; Dominus enim non infert alicui exitium, sed modo tutatur suos, & abstrahit a communicatione cum malis, quibus abstractis mali in suas concupiscentias veniunt, & ex illis
ruunt

ruunt in nefaria omnis generis. Tunc visi sunt omnes qui perituri simul sicut magnus Draco cum Cauda in curvum extensa, & versus cælum elevata, & in alto diversimode se inflectente, sicut vellet destruere cælum, ac detrahere illud; sed irritò conatu, nam dejecta est Cauda, & Draco, qui etiam tunc elevatus apparuit, subsidit. Hanc Repræsentationem mihi datum est videre, ut scirem & notum facerem quinam per Draconem in Apocalypsi intelliguntur; quod nempe per Draconem intelligantur omnes qui Verbum legunt, prædicationes audiunt, & sancta Ecclesiæ obeunt, ac nihili faciunt concupiscentias mali, quibus inescati sunt, ac intus cogitant furta & fraudes, adulteria & obscæna, odia & vindictas, mendacia & blasphemias, ac ita spiritu vivunt sicut diaboli, & corpore sicut Angeli; hi erant qui ipsum Draconem constituebant; qui autem Caudam, erant qui in fide separata a charitate in mundo fuerunt, ac prioribus similes quoad cogitationes & intentiones.

29. Vidi tunc Petras, super quibus erant, quasdam subsidentes usque ad ima; quasdam translatas in longinqua; quasdam apertas in medio, & per antrum dejectos qui supra erant; quasdam inundatas sicut diluvio; ac multos secundum genera & species mali collectos in cætus, sicut in fasciculos, & coniectos huc illuc in voragines, paludes, stagna & deserta, totidem inferna: reliqui, qui non super petris erant, hinc illinc dispersi, & tamen in similibus malis, attoniti aufugerunt ad Pontificios, Mahumedanos & Gentes, ac religionem illorum fassi sunt; hoc potuerunt absque motione animi facere, quia illis nulla religio fuerat; sed usque ne quoque illos seducerent, abacti sunt, & ad socios suos in infernis detrusi. Hoc fuit exitium illorum universaliter descriptum; particularia, quæ vidi, sunt plura, quam ut hic describi possint.

30. *De salvatione Ovium.* Postquam Ultimum Judicium peractum est, tunc factum est Gaudium in Cælo, & quoque facta Lux in Mundo spirituum, qualis non prius fuerat; Gaudium in Cælo, quale, postquam draco dejectus est, describitur in Apocalypsi Cap. XII. 10, 11, 12; & Lux in Mundo spirituum; quia societates illæ infernales interpositæ fuerunt sicut nubes, quæ obtenebrant terram: similis Lux etiam tunc exorta est hominibus in mundo, ex qua illis nova illustratio.


31. Vidi tunc Angelicos spiritus ex Inferis assurgentes in multa copia, & elevatos in cælum, qui fuerunt Oves, ibi reservati & custoditi a Domino a sæculis retro, ne venirent in malignam sphaeram a Draconicis effluentem, & charitas eorum suffocaretur. Hi sunt qui intelliguntur in Verbo per exeuntes e sepulchris; tum per animas occisorum propter testimonium Jesu, qui evigilarunt; & per illos qui e resurrectione prima sunt.




CONTINUATIO

D E

MUNDO SPIRITUALI.



De Mundo Spirituali.

32.  **E** Mundo Spirituali actum est in singulari Opere de CÆLO ET INFERNO, in quo descripta sunt plura istius Mundi, & quia omnis homo post mortem in illum Mundum venit, descriptus etiam ibi est status ejus tunc. Quis non novit, quod homo post mortem victurus sit, quia natus est homo, & creatus ad imaginem Dei, & quia Dominus in Verbo suo id docet: sed qualis vita ei futura est, hactenus ignotum fuit; creditum est, quod tunc esset Anima, de qua non aliam ideam ceperunt, quam sicut de aere aut æthere, in quo cogitativum quid resideret, absque visu qualis est oculi, absque auditu qualis est auris, & absque loquela qualis est oris; cum tamen homo est homo æque post mortem, & talis homo ut non sciat aliter quam quod adhuc sit in priori mundo; videt, audit, loquitur sicut in priori mundo; ambulat, currit, sedet sicut in priori mundo; edit & bibit sicut in priori mundo; dormit & evigilat sicut in priori mundo; delirio conjugiali fruitur sicut in priori mundo; verbo est homo quoad omnia & singula: ex quo patet, quod mors sit modo continuatio vitæ, & quod sit modo transitus.

33. Quod homo hunc suum statum post mortem non sciverit, sunt plures causæ, inter illas etiam est, quod non potuerit illustrari, tam parum fidei apud illum fuit de Immortalitate animæ; ut constare potest ex multis, etiam Eruditis, qui se credunt bestiis similes, & modo perfectiores illis quod possint loqui, & ideo corde suo negant vitam post mortem, tametsi illam ore fatentur: ex qua illorum cogitatione ita sensuales facti sunt, ut non potuerint credere, quod homo sit homo post mortem, quia illum oculis suis non vident, dicunt enim

enim quomodo potest anima talis esse. Aliter qui se victuros post mortem credunt, illi interius in se cogitant, quod in cælum venturi sint, delitiis fruituri cum angelis, paradisos cælestes visuri, & in vestibis albis staturi coram Domino, & plura; hæc interior est illorum cogitatio; exterior potest divagari ab illa, quando cogitant de anima ex hypothesi Eruditorum.

34. Quod homo sit æque homo post mortem, tamen non coram oculis apparet, constare potest ex Angelis visis Abrahamo, Guideoni, Danieli, & aliis prophetis, ex Angelis visis in sepulchro Domini, ac postea multoties Johanni in Apocalypsi; cum primis ex Ipso Domino, qui quod esset Homo ostendit discipulis per tactum & per esum, & tamen coram oculis illorum inconspicuus factus est. Quod viderint, erat, quia tunc aperti sunt oculi spiritus illorum; & cum hi aperiuntur, apparent illa quæ in Mundo spirituali sunt, æque clare sicut illa quæ in Mundo naturali.

35. Quia Domino placuit aperire mihi oculos spiritus mei, ac apertos tenere nunc per novendecim annos, datum est videre illa quæ in Mundo spirituali sunt, & quoque illa describere. Asseverare possum, quod illa non sint Visiones, sed quod sint *VISA* in omni vigilia.

36. Differentia inter hominem in Mundo naturali, & hominem in Mundo spirituali, est quod hic homo corpore spirituali indutus sit, ille autem corpore naturali, & homo spiritualis videt hominem spiritualem æque clare ac homo naturalis videt hominem naturalem; sed non potest homo naturalis videre hominem spiritualem, nec homo spiritualis videre hominem naturalem, propter differentiam inter naturale & spirituale, quæ qualis est, describi potest, sed non paucis.

37. Ex visis per tot annos, possum sequentia referre; quod in Mundo spirituali sint æque Terræ sicut in Mundo naturali, quodque sint Colles & Montes, tum Planities & Valles; & quoque Fontes & Fluvii, tum Lacus & Maria: quod sint Paradisi & Horti, tum Luci & Sylvæ: quod sint Palatia & Domus; tum quod sint Scripturæ & Libri: quodque sint Functiones & Negotiationes; & quod sint Lapidès pretiosi, Aurum & Argentum: verbo, quod sint omnia & singula quæcunque in Mundo naturali, & illa in Cælis infinite perfectiora.

38. Sed differentia in genere hæc est, quod omnia quæ in Mundo spirituali sunt, ex origine spirituali sint, & inde quoad essentiam spiritualia, sunt ex Sole ibi qui est purus Amor; & quod omnia quæ in Mundo naturali sunt, ex origine naturali sint, & inde quoad essentiam naturalia, sunt enim ex Sole ibi qui est purus Ignis. Ex eo est, quod homo spiritualis nutriendus sit cibo ex origine spirituali, sicut homo naturalis cibo ex origine naturali. Plura videantur in Opere de CÆLO ET INFERNO.

De Anglis in Mundo spirituali.

39. **S**unt duo status cogitationis apud hominem, Externus & Internus; homo in Externo est in Mundo naturali, in Interno est in Mundo spirituali; hi status unum faciunt apud bonos, sed non unum apud malos; qualis homo quoad Internum suum est, raro patet in Mundo naturali, quoniam ab infantia voluit moralis esse, & didicit videri, sed in Mundo spirituali clare apparet qualis est; lux spiritualis hoc detegit, est quoque homo tunc spiritus, & spiritus est internus homo. Nunc quia mihi datum est in illa luce esse, & ex illa videre, quales Interni homines sunt ab uno Regno & ab altero, hoc per commercium plurium annorum cum angelis & spiritibus, me oportet, quia interest, id manifestare: hic modo aliquid de nobili Gente Anglica.

40. Meliores ex Gente Anglica in Centro omnium Christianorum sunt, videatur supra n. 20. quod in centro sunt, est ex causa, quia illis lux intellectualis interior est; hæc non apparet alicui in Mundo naturali, sed apparet conspicue in Mundo spirituali; trahunt hanc lucem a libertate cogitandi, & inde loquendi & scribendi, in qua sunt; apud alios, qui in tali libertate non sunt, lux intellectualis, quia non habet exitum, offunditur. Verum lux illa non est activa ex se, sed fit activa ex aliis, imprimis a viris famæ & auctoritatis apud illos; ut primum ab his aliquid dicitur, aut ab illis approbatum legitur, lux illa exsplendescit, & raro prius. Propter hanc causam illis in Mundo spirituali præficiuntur Moderatores, & dantur Sacerdotes incluti fama ex eruditione ac præpollente ingenio, quorum mandatis & monitis ex illa sua indole benevole obediunt.

41. Raro exeunt e Societate sua, quia illam amant sicut in Mundo Patriam: est quoque similitudo animorum inter illos, ex qua cum amicis qui ex patria eorum sunt, ligant familiaritatem, & raro cum aliis: mutuam opem etiam invicem ferunt; ac sinceritatem amant.

42. Sunt binæ Urbes magnæ similes Londino, in quas plerique Angli post mortem veniunt; has datum est videre, & quoque perambulare. Medium istius Urbis est ubi in Londino Angliæ Conventus mercatorum, qui vocatur Exchange; ibi habitant Moderatores: supra illud medium est Oriens; infra illud est Occidens; a latere dextro est Meridies; a latere sinistro est Septentrio. In Plaga orientali habitant qui vitam charitatis præ reliquis egerunt, ibi sunt Palatia magnifica; in Plaga meridionali habitant sapientes, apud quos plura splendida sunt; in Plaga septentrionali habitant qui præ cæteris amant libertatem loquendi & scribendi; in Plaga occidentali habitant qui fidem profitentur; ad dextrum ibi in hac Plaga est introitus in hanc urbem, & est exitus ab illa; illi qui male vivunt, emittuntur ibi. Presbyteri, qui in Occidente sunt, qui, ut dictum est, fidem profitentur, non audent per plateas magnas, sed per vicos angustiores, intrare urbem, quoniam non alii habitatores in ipsa urbe tolerantur, quam qui in fide charitatis sunt. Audivi conquestos de Prædicatoribus in Occidente, quod sermones suos tali arte & simul eloquio concinnent,

cinnent, ac ignotam illis justificationem per fidem, involvant, ut nesciant num bonum faciendum sit vel non; prædicant bonum intrinsecum, & id separant a bono extrinseco, quod quandoque vocant meritorium, & sic non acceptum Deo, sed usque vocant bonum, quia utile: sed cum illi, qui in Plaga Urbis orientali & meridionali habitant, tales sermones mysticos audiunt, exeunt Templis; & Prædicatores postea deprivantur sacerdotio.

43. Altera magna Urbs Londino similis non in Meditullio Christiano, de quo n. 20. sed extra illud in septentrione jacet: in illam post mortem veniunt illi, qui interius mali sunt: in medio ejus est aperta communicatio cum Inferno, a quo etiam per vices absorbentur.

44. Quondam audiivi Presbyteros ex Anglia de sola fide inter se loquentes; & vidi quoddam Simulachrum ab illis factum, quod solam fidem repræsenteret: hoc apparuit in obscuro lumine sicut magnus Gigas, & coram oculis illorum sicut homo pulcher; sed cum immissa est lux e Cælo, apparuit illud superius sicut monstrum, & inferius sicut serpens, non ab simile secundum descriptionem idolo Philisthæorum Dagoni: quo viso recesserunt, & ab adstantibus conjectum est in stagnum.

45. Ex illis qui ex Anglia in Mundo spirituali sunt, perceptum est, quod illis sit sicut duplex Theologia, una ex doctrina fidei, & altera ex doctrina vitæ, ex doctrina fidei illis qui initiantur in sacerdotium, ex doctrina vitæ illis qui non sacerdotio initiati sunt, & vulgo vocantur Laici: hæc doctrina exstat in Oratione quovis die sabbathi prælecta in Templis coram illis qui Sacramentum Cænæ obeunt, in qua aperte dicitur, quod si mala ut peccata non fugiunt, se in damnationem æternam concipiant, & quod alioquin, si ad sanctam Communionem accederent, diabolus in illos intraturus sit sicut in Judam. De hac doctrina vitæ non concordante cum doctrina fidei eorum, quandoque loquutus sum cum sacerdotibus, qui nihil respondebant, sed cogitabant quæ non eloqui ausi sunt. Orationem illam videas in DOCTRINA VITÆ PRO NOVA HIEROSOLYMA, n. 5, 6, 7.

46. Sæpius vidi aliquem Anglum, qui celebris factus est per Librum, quem ante annos ediderat, in quo conjunctionem fidei & charitatis per influxum & operationem interiorem Spiritus Sancti constabilire fategerat, tradens quod ille influxus inexpressibili modo & non conscio homine afficeret, sed non tangeret minus manifeste moveret voluntatem aut excitaret cogitationem hominis ad faciendum aliquid sicut a se, nisi permissive, propter causam ne aliquid hominis in Divinam Providentiam una intraret; tum quod sic mala coram Deo non apparerent; ita excludens exercitia charitatis externa propter aliquid salutis, sed favens illis propter bonum publicum: quia argumentationes ejus erant ingeniosæ, & non visus est anguis in herba, Liber ille sicut orthodoxissimus receptus est. Idem Auctor post excessum e mundo simile dogma retinuit, nec ab illo potuit recedere quia apud se confirmatum. Cum illo loquuti sunt Angeli, & dixerunt, quod illud non veritas esset, sed modo ingeniositas cum facundia; & quod Veritas sit, quod homo malum fugere & bonum facere debeat sicut a se, cum agnitione tamen quod sit a Domino, & quod fides antea non sit,

minus

minus adhuc illa cogitatio, quam vocat fidem : & quia hoc ejus dogmati repugnabat, permiffum est ei ex sua sagacitate adhuc inquirere, num talis influxus incognitus & operatio interna absque operatione externa hominis detur; visus est tunc intendere mentem, & in cogitatione pervagari vias, semper in persuasione, quod homo non aliter redintegretur & salvetur; sed quoties ad finem viæ pervenit, aperti sunt ei oculi, & vidit se errantem, quod etiam coram præsentibus fassus est. Vidi illum per biennium ita vagantem, & in fine viarum fatentem quod non detur talis influxus, nisi remotum sit malum in externo homine, quod fit per fugere mala ut peccata sicut a se ipso; & audiivi illum tandem dicentem, quod ex fastu propriæ intelligentiæ insanirent omnes, qui in hæresi illa se confirmant.

47. Loquutus sum cum MELANCHTONE, & tunc quæsiivi illum in quo statu esset, ad quod respondere non voluit; quare informatus sum ab aliis de sorte ejus, quæ est quod per vices in Camera saxeæ lacunata sit, & per vices in Inferno; & quod in camera propter frigus pelle ursina appareat indutus, & quod advenas e mundo, qui illum propter nominis ejus famam adire volunt, in lacunar suum non admittat propter immundiciem ibi. Loquitur adhuc de sola fide, quam præ aliis in mundo stabilivit.

De Hollandis in Mundo spirituali.

18. **S**upra n. 20 dictum est, quod Christiani, apud quos Verbum legitur & Dominus colitur, in Medio Gentium & Populorum totius Orbis spiritualis sint, ex causa, quia maxima Lux spiritualis apud illos est, & Lux inde sicut a Centro propagatur in omnes peripherias usque ad ultimas, ac illustrat, secundum illa quæ in DOCTRINA NOVÆ HIEROSOLYMÆ DE SCRIPTURA SACRA n. 104 ad 113, dicta sunt. In hoc Medio Christiani Reformati sortiti sunt loca secundum receptionem Lucis spiritualis a Domino; & quia Angli lucem illam in intellectuali parte apud se reconditam habent, ideo in intimo istius Medii sunt; & quia Hollandi Lucem illam lumini naturali propius conjunctam tenent, & inde non apparet apud illos tale niveum lucis, sed loco ejus aliquod non transparens, receptivum rationalitatis ex spirituali luce & simul ex spirituali calore, in Meditullio illo Christiano habitationes nacti sunt in Oriente & Meridie, in Oriente ex facultate recipiendi calorem spiritualem, qui illis est charitas, & in meridie ex facultate recipiendi lucem spiritualem, quæ illis est fides. Quod Plagæ in Mundo spirituali non sint sicut Plagæ in Mundo naturali, & quod habitationes secundum plagas sint habitationes secundum receptionem fidei & amoris, & quod in Oriente sint qui præstant amore & charitate, & in Meridie qui præstant intelligentia & fide, videatur in Opere de CÆLO ET INFERNO n. 141 ad 153. Causa quod in illis Meditullii Christiani plagis sint, est quoque quia Negotiatio est amor finalis eorum, & pecunia amor medius inserviens, & ille amor est spiritualis: at ubi pecunia est amor finalis, & negotiatio amor medius inserviens, est amor naturalis, & trahit ex avaritia.

In

In supradicto amore spirituali, qui in se spectatus est bonum commune, in quo & ex quo est bonum Patriæ, sunt Hollandi præ aliis.

49. Hollandi principiis suæ Religionis firmius inhærent quam alii, nec dimoventur ab illis, & si convincuntur quod hoc aut illud non concors sit, usque non affirmant, sed vertunt se retro, & permanent immoti; ita quoque amovent se ab intuitionem veri interiore; rationale enim suum de Spiritualibus concludunt sub obedientia. Quia tales sunt, ideo illi post mortem, dum in Mundum spirituale veniunt, prorsus aliter præparantur ad recipiendum Spirituale Cæli, quod est Divinum Verum, quam reliqui; non docentur, quia non recipiunt, sed describitur illis Cælum, quale est, & dein datur illis ascendere illuc; ac videre illud; & tunc quicquid concordat cum genio illorum, infunditur, sic demissi redeunt ad suos cum pleno desiderio Cæli. Si tunc non recipiunt hoc Verum, quod Deus unus sit persona & essentia, & quod ille Deus sit Dominus, & quod in Ipso sit Trinitas, tum hoc Verum quod Fides & Charitas cognitione & sermone non faciant quicquam absque vita illarum, & quod illæ dentur a Domino dum fugiunt mala ut peccata: si ad illa, cum docentur, se avertunt, & usque cogitant de Deo, quod sint tres quoad Personas, & de Religione solum quod sit, rediguntur in miseras, & aufertur illis negotiatio, usque dum vident se ad incitas redactos; & tunc perducuntur ad illos qui abundant omnibus, & apud quos negotiatio floret, ac ibi insinuat illis e Cælo cogitatio, unde est quod tales sint, & simul reflexio super fidem eorum de Domino, & super vitam eorum, quod averfentur mala ut peccata; parum etiam inquirunt, & percipiunt concordantiam cum propria cogitatione & reflexione: hoc fit per vices: tandem ex semet cogitant, quod, ut exeant a miseriis, similiter credendum sit & similiter faciendum; tunc sicut recipiunt illam fidem & vivunt illam charitatis vitam, datur illis opulencia & jucunditas vitæ: hoc modo illi, qui in mundo aliquam vitam charitatis egerunt, emendantur a se, & non ab aliis, ac præparantur ad Cælum. Hi postea constantiores fiunt aliis, adeo ut dici queant Constantiæ, nec se ex aliqua ratiocinatione, fallacia, obscuritate indulta per sophistica, & ex visione præpostera a solis confirmationibus, abduci patiuntur.

50. Hollandi dignoscuntur probe ab aliis in Mundo spirituali, quia in similibus vestibus apparent sicut in Mundo naturali, cum differentia quod in nitidioribus illi, qui receperunt fidem & vitam illam spiritualementem. Quod in similibus vestibus appareant, est causa quia in principiis Religionis suæ constanter manent; & in Mundo spirituali omnes vestiuntur secundum illa; quare vestimenta alba & ex bysso sunt illis qui in Divinis veris sunt.

51. Urbes in quibus Hollandi habitant, sunt singulari modo custoditæ; omnes Plateæ in illis sunt testæ, & in plateis sunt portæ, propter causam ne spectentur e petris & collibus circum; hoc fit illis propter insitam illis prudentiam occultandi sua consilia, & non divulgandi suas intentiones; nam talia in Mundo spirituali per inspectiones protrahuntur. Cum aliquis animo explorandi statum illorum in Urbem venit, ille dum exiturus est, ducitur ad portas platearum clausas, & sic reducit & ducitur ad plures, & hoc usque ad sum-

nam molestiam, & tunc emittitur; hoc ob finem ne redeat. Uxores, quæ imperium super maritos affectant, habitant ad unum latus urbis, nec sæpius conveniunt, quam cum invitantur, quod fit civili modo; & tunc illas etiam deducunt ad domos, ubi conjuges absque imperio unius super alterum vivunt, & ostendunt quam ornatae & munda illorum domus sunt, & quam jucundum vitæ illis est, & quod hæc sint ex mutuo & conjugiali amore: illæ, quæ ad hæc attendunt & afficiuntur, desistunt a dominio, & una vivunt, & tunc nanciscuntur habitationem propius ad medium, & vocantur Angeli. Causa est, quia amor conjugialis est amor cælestis, qui est absque imperio.

53. Diebus Ultimi Judicii vidi ex Urbibus ibi, & ex villis & terris circum, ex illa Natione ejectos ad plura millia, qui in mundo nihil boni fecerunt ex aliqua religione seu conscientia, sed solum propter famam ut sinceri apparerent lucri causa; tales enim, cum intuitio famæ & lucri aufertur, quod fit in Mundo spirituali, tunc ruunt in omne nefas, spoliando obvios quoscunque offendunt, dum in campis & extra urbes sunt. Illos confectos vidi in Voraginem igneam tendentem sub tractum orientalem, & in Cavernam tenebrosam tendentem sub tractum meridionalem. Hæc ejectio visa est Anno 1757 die 9 Jan. Remantibus illis apud quos erat religio, & ex religione conscientia.

54. Loquutus sum, sed modo semel, cum CALVINO; erat in Societate cæli quæ spectatur antrorsum supra caput; & dixit, quod non consenserit cum Luthero & Melanchtone de Sola fide, quoniam in Verbo toties nominantur Opera, & mandatur Facere, & quod ideo fides & opera jungenda sint. Quod Calvinus in sua societate acceptus sit, quia probus & non turbas facit, audiavi ex uno Moderatore istius societatis.

55. Qualis fors LUTHERO est, alibi dicetur, quia multoties illum audiavi & vidi; solum hoc, quod sæpius voluerit recedere a sua sola fide, sed incassum; & quod ideo adhuc sit in Mundo spirituum, qui est medius inter cælum & infernum; & quod quandoque ibi dura patiatur.

De Pontificiis in Mundo spirituali.

56. **A**ctum est de Pontificiis, & de Ultimo Judicio super illos, in Opusculo de ULTIMO JUDICIO, n. 53 ad 64. Pontificii in Mundo spirituali apparent circum Reformatos, ac per intervallum distincti sunt, quod non permittitur transire; sed usque illi, qui ex Jesuitico Ordine sunt, per clandestinas artes parant sibi communicationes, & quoque per semitas ignotas ablegant emissarios, ut seducant; sed indagantur, & postquam puniti sunt, vel remittuntur ad socios, vel conjiciuntur in infernum.

57. Post Ultimum Judicium status illorum ita mutatus est, quod non liceat congregare se in cætus, sicut prius; sed cuivis amoris tam bono quam malo ordinatae sunt viæ; quas illi, qui e mundo alluunt, illico intrant, ac vadunt ad Societatem amoris illorum correspondentem; sic feruntur mali ad societatem quæ in conjunctione est cum infernis, ac boni in societatem quæ in conjunctione est

est cum cælis; sic cautum est, ne sicut prius artificiales cælos sibi forment. Tales societates in Mundo spirituum, qui est medius inter Cælum & Infernum, sunt innumeræ, sunt enim totidem, quot sunt genera & species affectionum bonarum & malarum: ac interea, antequam vel in Cælum eleventur, vel in infernum dejiciuntur, sunt in conjunctione spirituali cum hominibus mundi, ex causa, quia hi etiam in mediò sunt inter cælum & infernum.

58. Omnes illi ex Pontificiis, qui non prorsus idololatræ fuerunt, & ex religioso suo ex corde sincero præstiterunt bona, & ad Dominum etiam spectaverunt, perducuntur ad Societates in confiniis ad Reformatos institutas, & ibi instruuntur, ac coram illis legitur Verbum, & prædicatur Dominus; & illi qui veritates recipiunt & applicant vitæ, elevantur in Cælum, & fiunt Angeli. Tales societates ex illis sunt plures in unaquavis plaga, & undequaque custoditæ a doctis & astutis machinationibus monachorum, aque fermento Babylo-nico. Præterea omnes infantes illorum in Cælo sunt, qui, quia educati per angelos sub auspicio Domini, ignorant falsa religionis parentum.

59. Omnes qui in Mundum spiritualem e terris veniunt, in confessione fidei & in religione Patriæ suæ in principio tenentur; ita quoque Pontificii; quare semper aliquem repræsentativum Pontificem sibi præpositum habent, quem etiam simili ritu adorant, quo in Mundo: raro aliquis Papa in mundo agit ibi Pontificem; sed usque ille qui ante viginti annos Romæ Papa fuit, illis præfuit, ex causa quia ille, corde suo fovit quod Verbum sanctius esset quam creditur, & quod Dominus colendus esset: sed ille, postquam per aliquot annos sanctus est Pontificali munere, abdicavit se illo, & contulit se ad Reformatos Christianos, inter quos adhuc est, & vita beata fruitur. Datum est loqui cum illo, & dixit, quod Dominum solum adoret, quia Ipse est Deus, Cui potestas est super Cælum & Terram, & quod invocationes sanctorum essent nugæ, tum etiam Missæ eorum; & quod in mundo intenderit restaurare illam Ecclesiam, sed quod non potuerit propter causas, quas etiam dixit. Vidi illum, quando Urbs magna septentrionalis, in qua fuerunt Pontificii, die Ultimi Judicii destruebatur, in lectica exportatum, & in locum securum delatum. Aliud prorsus evenit Successori ejus.

60. His adjicere licet aliquod Memorabile. Datum est loqui cum LUDOVICO XIV Avo Regis Galliarum hodie regnantis, qui, dum in mundo fuit, coluit Dominum, legit Verbum, & Pontificem modo pro Supremo Ecclesiæ agnovit; quare in Mundo spirituali in multa dignitate est, ac optimam Societatem Gentis Gallicæ regit. Quondam illum vidi sicut descendentem per scalas, & postquam descendit, audiavi illum dicentem, quod videretur sibi sicut Versaliis esset, & tunc factum est silentium per bihorium circiter, quo peracto dixit se loquutum esse cum Rege Galliæ Nepote suo de Bulla Unigenitus, quod desisteret a priori suo consilio, & illam non acceptaret, quia detrimentosa Genti Gallicæ; dixit quod hoc insinuaverit cogitationi ejus profunde. Hoc factum est Anno 1759, die 13 Decemb. vesperti circa horam octavam.

De Sanctis Pontificiorum in Mundo spirituali.

61. **N**otum est, quod hominī a parentibus sit malum insitum seu hæreditarium; sed paucis notum est, in quo consistit: consistit in amore imperandi, qui talis est, ut quantum ei laxantur fræna, tantum erumpat, usque ut flagret cupidine imperandi super omnes, & tandem ut velit invocari & coli sicut Deus. Hic amor est Serpens, qui decepit Evam & Adamum, dixit enim ad mulierem, *Novit Deus quo die comederitis de fructu arboris, aperientur oculi vestri, & tunc eritis sicut Deus*, Genes. III. 4. 5: quantum itaque homo relaxatis frænis in hunc amorem ruit, tantum se avertit a Deo, & convertit ad semet, & fit atheus; & tunc possunt Divina Vera, quæ sunt Verbi inservire pro mediis, sed quia finis est dominium, media non plus cordi sunt, quam prout inserviunt. Hæc causa est, quod qui in medio & qui in ultimo gradu amoris imperandi sunt, omnes in inferno sint, est enim ibi ille amor diabolus, ubi aliqui tales sunt, ut ne quidem sustineant aliquem loquentem de Deo.

62. Hic amor est illis ex Gente Pontificia qui ex æstro jucundi amoris ejus dominati sunt, & Verbum contemserunt, ac illi prætulerunt dictamina Papæ, hi devastantur prorsus quoad externa, usque ut nihil Ecclesiæ amplius sciant, & tunc dejiuntur in infernum, & fiunt diaboli. Est quoddam infernum separatum pro illis, qui invocari volunt ut dii, ubi in tali phantasia sunt, ut non videant quod est, sed quod non est; est delirium illis quale est quibusdam in febris maligna, qui vident floccos in aere, & in camera ac super integumento lecti sui, quæ non sunt. Hoc malum pessimum intelligitur per *Caput serpentis, quod conculcatur a Semine mulieris, & quod lædit calcaneum ejus*, Genes. III. 15; calcaneus Domini, qui est Semen mulieris, est Divinum procedens in ultimis, quod est Verbum in sensu literæ.

63. Quoniam homo ex hæreditario talis est, ut velit imperare, & successive sicut relaxantur lora, super plures, & tandem super omnes, ac intimum ejus amoris est, ut velit invocari & coli ut Deus, ideo omnes qui per Bullas papales sanctificati sunt, removentur ab oculis aliorum & reconduntur, & aufertur illis omne commercium cum cultoribus illorum; causa est, ne radix illa malorum pessima apud illos excitetur, & in deliria phantastica, qualia sunt supradicti inferni, inferantur. In talibus deliriis sunt illi, qui, dum in mundo vixerunt, sanctos fieri post mortem ut invocentur, studio affectarunt.

64. Multi ex Pontificia Gente, imprimis Monachi, cum in Mundum spiritualem veniunt, quærunt Sanctos, quisque Sanctum sui Ordinis, sed non inveniunt, quare mirantur; sed post instruuntur ab aliis, quod sint intermixti vel illis qui in cælis sunt vel illis qui in infernis, quisque secundum suam vitam in mundo, & quod utrobivis nihil sciant de cultu & invocatione sui, & quod qui sciunt & volunt invocari, sint in Inferno illo separato & deliro. Cultus Sanctorum est talis abominatio in cælo, ut dummodo audiunt illum, horrescant, quoniam quantum alicui homini addicatur cultus, tantum cultus derogatur Domino;

mino; sic enim non Solus potest coli; & si Dominus non Solus colitur, fit discriminatio, quæ tollit communionem, & fluentem ex illa felicitatem vitæ.

65. Ut scirem quales Sancti Pontificiorum sunt, propter causam ut notum facerem, educti sunt ex inferiore terra usque ad centum, qui noverunt de sanctificatione sua, ascenderunt a tergo, modo aliqui ante faciem, & cum uno ex his loquutus sum, quem dixerunt fuisse Xaverium; hic dum mecum loquebatur, erat prorsus fatuus, narrare tamen potuit, quod in loco suo, ubi inclusus manet, non fatuus sit, sed quod fatuus fiat, quoties cogitat quod sanctus sit. Simile mormur audiavi ab illis qui a tergo erant.

66. Aliter est Sanctis ita dictis in Cælo, hi prorsus nihil sciunt de eo quod in terris sit; nec cum illis loquutus sum, ne aliqua idea de ea re apud illos intraret. Solum quondam præterit Mater Domini Maria, & visa super caput in vestitu albo, & tunc paulum morata dixit, quod Mater Domini fuerit, & quidem ab illa natus, sed factus Deus exuerit omne Humanum ex illa, & quod ideo nunc adoret Ipsum ut suum Deum, & quod nolit ut quisquam Ipsum pro Filio suo agnoscat, quia in Ipso omne Divinum est.

67. His adjiciam hoc memorabile: apparet quandòque Parisiensibus qui in Mundo spirituali in societate sunt, quædam Mulier in media altitudine, in vestitu splendido, & in facie tanquam sancta, & dicit se esse Genovevam: sed cum quidam incipiunt adorare illam, tunc illico mutatur ejus facies, & quoque vestis, & fit similis sæminæ vulgari, & reprehendit illos quod velint adorare sæminam, quæ apud socias suas non plus in æstimatione est quam sicut ancilla, mirans quod homines mundi talibus nugis captentur. Dicebant angeli quod illa appareat propter separationem cultorum hominis & cultorum Domini ibi.

De Mahumedanis in Mundo spirituali; & de Mahumede.

68. **M**ahumedani in Mundo spirituali apparent post Pontificios in Occidente, & faciunt quasi ambitum: quod ibi appareant, est præcipue quia Dominum agnoscunt pro Maximo Propheta, Filio Dei, Sapientissimo omnium; qui missus in mundum ut doceret homines. Quisque in illo Mundo habitat ad distantiam a Meditullio Christiano, ubi sunt Reformati, secundum confessionem Domini ac Unius Dei; nam illa conjungit animos Cælo, & facit distantiam ab Oriente, super quo est Dominus; illi qui non in illa Confessione sunt corde ex vita mala, sub illis in Infernis sunt.

69. Quoniam Religio facit intimum hominis, & ex intimo sunt reliqua ejus; & quoniam Mahumedes versatur in animis illorum una cum religione, ideo semper aliquis Mahumedes in conspectu illorum ponitur; ac ut vertant facies suas ad Orientem, super quo est Dominus, ponitur ille in Meditullio Christiano infra. Non est ipse Mahumedes qui Alcoranum scripsit, sed alius qui munere illo fungitur; nec est idem semper, sed mutatur: quondam fuit unus ex

Saxonia, qui captus ab Algiriensibus factus est Mahumedanus; is quia Christianus etiam fuerat, actus est ad loquendum coram illis de Domino, quod non fuerit Filius Josephi, ut crediderunt in mundo, sed Filius Ipsius Dei, per quod insinuavit eis ideam de unitate Personæ & Essentiæ Domini cum Patre. Isti Muhumedi successerunt postea alii, qui acti sunt ad similia loquendum; inde multi ex illis ad vere Christianam fidem de Domino accedunt, & qui accedunt, feruntur ad Societatem propiorem Orienti, ubi datur communicatio cum Cælo, in quod etiam postea elewantur. In loco, ubi Mahumedes ille sedem habet, apparet ignis sicut faculæ, ut noscatur; sed ille ignis non conspicuus est nisi quam Mahumedanis.

70. Ipse Mahumedes, qui scripsit Alcoranum, non in conspectum hodie venit; dictum mihi est, quod primis temporibus præfuerit illis, sed quia voluit dominari super omnia religionis illorum ut Deus, quod e sede sua, qnam sub Pontificiis habuit, ejectus sit, & ad latus dextrum juxta meridiem demissus. Quondam aliquæ societates ex Mahumedanis excitatæ sunt ex malitiosis ad agnoscendum Mahumedem pro Deo; ut seditio sedaretur, sublatus est Mahumedes ab inferis, ac ostensus, & tunc quoque mihi visus est; apparuit similis spiritibus corporeis, quibus nulla perceptio interior est, facie ad nigrum vergente; & audiivi illum loquentem hæc verba solum, ego sum Mahumedes vester: & mox quasi subsidens in locum suum rediit.

71. Quod Religionem illorum attinet, hæc talis permissa est, quia conveniens genio Orientalium, quare etiam in tot Regnis recepta est; & quia in illo Præcepta decalogi simul Religionis facta sunt; & aliquid ex Verbo etiam in illo erat; & imprimis quia Dominus pro Filio Dei, & Sapientissimo omnium agnitus est. Per illam quoque Idololatria multarum Gentium dissipata sunt. Quod non interior Religio illis per Mahumedem aperta sit, fuit propter Polygamiam; quæ immundum versus Cælum exhalat; conjugium enim mariti cum una uxore correspondet Conjugio Domini & Ecclesiæ.

72. Sunt multi ex illis receptibiles veri, & vident in rationibus justitiam, quod ex colloquiis cum illis in Mundo spirituali animadvertere potui: loquutus sum cum illis de Deo uno, de Resurrectione, & de Conjugio. De Deo uno dixerunt, quod non comprehendant Christianos loquentes de Trinitate, & dicentes quod tres Personæ sint, & unaquævis Deus, & quod usque dicant quod Deus unus sit: sed respondi illis, quod Angeli in Cælo, quod ex illis est, non loquantur ita, sed quod Deus unus sit Persona & Essentia in quo Trinum, & quod homines in terris hoc Trinum appellent tres Personas; & quod illud Trinum sit in Domino; ut confirmarentur, perlegi coram illis ex Matthæo & Luca, quæ ibi de conceptione Domini ex Deo Patre dicuntur, tum ubi Ipse docet quod Pater & Ipse unum sint; his auditis perceperunt rem, dicentes quod sic Divina Essentia Ipsi sit. De RESURRECTIONE dicebant, quod non comprehendant Christianos loquentes de statu hominis post mortem, quod faciant animam similem vento aut aeri, & inde in nullo delitio ante reunionem cum corpore die Ultimi Judicii: sed respondi, quod modo aliqui ita loquantur, sed quod qui ex illa secta non sunt, credant se post mortem in cælum venturos, cum

cum angelis loquuturos, & gaudio cælesti fruituros, quod non abstrahunt a simili gaudio quod illis est in mundo, tamen non describunt illud; & quod hodie revelentur illis plura de statu post mortem, quæ antea non sciverunt. De Conjugio plura cum illis loquutus sum, & inter illa, quod amor conjugialis sit amor cælestis, non dabilis quam inter duos, & quod conjunctio cum pluribus uxoribus cæleste illius amoris non admittat; audiverunt rationes, & justitiam in illis perceperunt; tum etiam hoc, quod permixta sit illis Polygamia, quia Orientales sunt, qui absque illa permissione præ Europæis flagravissent in spurca adulteria, & periissent.

De Africanis & de Gentibus in Mundo spirituali.

73. **G**entes, quæ non aliquid norunt de Domino, circum illos qui norunt, apparent; usque ita, ut ultimas peripherias faciant non alii quam qui prorsus idololatæ sunt, ac solem & lunam adoraverunt. Illi autem, qui unum Deum agnoscunt, ac præcepta, qualia sunt in Decalogo, religionis & vitæ faciunt, conspiciuntur in regione superiore, & sic immediatius communicant cum Christianis in Meditullio; nam communicatio sic non intercipitur a Mahumedanis & Pontificiis. Gentes etiam distinctæ sunt secundum genios & facultates recipiendi lucem per cælōs a Domino; sunt enim ex illis interiores & exteriores, quod non trahunt ex solo natali, sed ex religione: Africani sunt reliquis interiores.

74. Omnes qui unum Deum Creatorem universi agnoscunt & colunt, ideam Hominis de Deo habent, dicunt quod nemo aliam de Deo possit habere: cum audiunt, quod plures de Deo foveant ideam sicut Nubeclæ, quærunt ubinam illi sunt, & cum dicitur quod sint inter Christianos, negant quod dabile sit; sed respondetur, quod sit illis talis idea ex eo, quod Deus in Verbo dicatur Spiritus, & de spiritu non aliter cogitant quam sicut de particula nubes, non scientes quod omnis spiritus & omnis angelus sit homo: at usque exploratum est, num spiritualis illorum idea sit similis ideæ illorum naturali, & compertum est quod non similis sit apud illos, qui Dominum pro Deo cæli & terræ interius agnoscunt. Audiivi quendam Presbyterum ex Christianis dicentem, quod nemo possit habere ideam Divini Humani, & vidi illum translatum ad varias Gentes successive ad interiores & exteriores, & ab illis ad Cælōs eorum, & tandem ad Cælum Christianum, & ubi data est communicatio perceptionis interioris eorum de Deo, & animadvertit quod non alia illis ideæ Dei esset quàm ideæ Hominis, quæ eadem est cum ideæ Divini Humani.

75. Plures Societates Gentium sunt, imprimis ex Africanis, qui dum instructi sunt per Angelos de Domino, dicunt quod non aliter possit esse, quam quod Deus Creator universi apparuerit in mundo, quia creavit illos, & amat illos, & quod apparitio non potuerit fieri quam usque ad visum ocularem in Humana forma: cum illis dicitur, quod non apparuerit sicut solent angeli, sed quod natus sit Homo, & sic visus, hæsitant aliquantum & inquirunt, num
natus

natus sit a patre homine; & cum audiunt, quod conceptus sit a Deo universi & natus a virgine, dicunt quod sic Ipsi Divina Essentia sit, quæ quia Infinita & ipsa Vita est, non talis homo fuerit sicut alii; informantur postea ab angelis, quod homo fuerit in conspectu sicut alius, sed quod cum in mundo fuit, Essentia Ipsius Divina, quæ in se Infinita & ipsa Vita est, rejecerit naturam finitam & hujus vitam a matre, & sic Humanum suum in mundo conceptum & natum, Divinum fecerit. Hæc Africani, quia interius spiritualiter præ reliquis cogitant, comprehenderunt & receperunt.

76. Quoniam Africani tales sunt etiam in mundo, ideo apud illos hodie Revelatio fit, quæ incepta vadit a medio circum, sed non usque ad Maria, agnoscunt illi Dominum nostrum pro Domino Cæli & Terræ; & rident monachos, ubi adeuntur, & Christianos loquentes de triplicata Divinitate, & de salvatione per solum cogitare, dicentes quod nullus homo sit, cui aliquis cultus, qui non vivit secundum religionem suam, & si non, quod non possit aliter quam fieri stupidus & malus, quia tunc non recipit aliquid e cælo: malitiam ingeniosam vocant etiam stupiditatem, quia non vita sed mors est in illa. Audiivi Angelorum gaudium super illa Revelatione, quod per eam aperiatur illis communicatio cum Humano rationali hætenus per cæcum rebus fidei inductum occluso. Dictum mihi e Cælo est, quod incolis Telluris istius per spiritus angelicos oretenus distentur illa quæ in Doctrina Novæ Hierosolymæ de Domino, de Verbo, & in Doctrina vitæ pro Nova Hierosolyma, nunc edita sunt.

77. Cum loquutus sum cum Africanis in Mundo spirituali, apparuerunt in vestibus striatis ex lino, dicebant quod tales vestes illis correspondeant, & quod mulieribus illorum vestes striatæ ex serico. Narrabant de infantibus illorum, quod frequenter ab educatricibus quærant cibum, dicentes se esurire, & cum apponuntur cibi, inspecant & gustant num concordent, & parum edunt; ex quibus patet, quod esuritio spiritualis, quæ est desiderium sciendi genuina vera, hoc operetur; est enim correspondentia. Cum volunt scire, in quo statu quoad affectionem & perceptionem veri sunt, extrahunt enses, qui si nitent, sciunt quod in genuinis veris sint, & hoc secundum nitorem ejus; est quoque hoc ex correspondentia. De Conjugio dixerunt, quod illis quidem liceat ex Lege sua plures uxores ducere, sed quod usque ducant unam, quia amor vere conjugialis non est dividuus, si dividitur, perit essentia ejus, quæ est cælestis; & fit externus & inde lascivus, qui brevi secundum diminutionem potentia vilesceat, & demum cum jactura ejus fastiditur; amor autem vere conjugialis, qui est internus, & nihil trahit ex lascivia, manet in æternum, ac crescit potentia, & in simili gradu delitio.

78. De advenis ex Europa dixerunt, quod non admittantur, & cum aliqui, imprimis monachi, penetrant, inquirunt quid sciunt, & cum narrant aliqua de religioso, vocant illa nugas quæ lædunt ipsas aures, & tunc ablegant illos ad operas ut aliquid utile faciant, & si renuunt facere, vendunt illos in servos, quos ex lege illorum licet castigare ad libitum, & si ad nihil utile adigi possunt, venduntur demum pro paucis ad viles.

De Judæis in Mundo spirituali.

79. **J**udæi ante Ultimū Judicium ad latus sinistrum Meditullii Christiani in Valle ibi apparuerunt, post illud autem translati sunt in septentrionem, & interdictum est commercium cum Christianis, nisi cum vagis extra urbes. Sunt in illa Plaga binæ magnæ Urbes, in quas Judæi post mortem deducuntur, quas ante Judicium vocaverunt Hierosolymas, sed post illud alio nomine, quia post Judicium per Hierosolymam intellecta est Ecclesia, in qua Dominus solus adoratur. Præficiuntur illis in suis urbibus Judæi conversi, qui monent illos ne contumeliose loquantur de Christo; & puniunt qui usque id faciunt. Plateæ urbium illarum sunt oppletæ cæno usque ad talos, & domus immundis, a quibus etiam olent; propter quæ non adiri possunt.

80. Apparet illis aliquoties Angelus supra in media altitudine cum baculo in manu; & dat credere quod sit Moses, ac hortatur ut desistant a vesania de expectatione Messiae etiam ibi, quia Messias est Christus, qui illos & omnes regit, & quod ipse id sciat, & quoque aliquid de ipso sciverit cum in mundo fuit: quibus auditis recedunt; & maxima pars obliviscuntur, & pauci retinent; & qui retinent, mittuntur ad synagogas, quæ sunt ex conversis, ac instruuntur; & illis qui instructi recipiunt, dantur novæ vestes pro laceris, in quibus prius fuerunt, & datur Verbum nitide scriptum, tum habitatio in urbe non indecora. Illi autem qui non recipiunt, dejiciuntur in inferna sub magno illorum tractu, & multi in sylvas & in deserta, ubi agunt inter se latrocinia.

81. Negotiantur in illo Mundo sicut in priori cum variis, imprimis cum lapidibus pretiosis, quos sibi per vias incognitas comparant e cælo, ubi lapides pretiosi in copia sunt. Quod negotiatio illis cum lapidibus pretiosis sit, est quia Verbum in sua originali lingua legunt, & sensum literæ ejus sanctum habent; ac lapides pretiosi sensui literæ Verbi correspondent; de qua correspondentia videatur in DOCTRINA NOVÆ HIEROSOLYMÆ DE SCRIPTURA SACRA, n: 42. ad 45; vendunt illos gentilibus, qui circum illos in Plaga septentrionali sunt. Possunt etiam arte parare similes, ac phantasiā inducere quod genuini sint; sed hi a suis præfectis severe mulctantur.

82. Judæi præ aliis non sciunt quod in Mundo spirituali sint, sed credunt quod adhuc in Mundo naturali, causa est, quia prorsus externi homines sunt, & non aliquid de religione sua cogitant ex interiori; quare etiam loquuntur similiter de Messia sicut prius, ut quod venturus sit cum Davide, & fulgens diadematis præiturus illis, ac introducturus illos in terram Canaanem, & in via elevatione baculi exsiccaturus fluvios quos transibunt; & quod Christiani, quos inter se Gentes vocant, tunc alas vestium illorum arrepturi, suppliciter orantes ut liceat comitari, & quod recepturi divites secundum copias, & quod etiam hi illis servituri sint; non volentes scire, quod in Verbo per Terram Canaanem intelligatur Ecclesia, per Hierosolymam illa quoad doctrinam, & inde per Judæos omnes illi qui ab Ecclesia Domini erunt; quod hi per Judæos in Verbo intelligantur, videatur in DOCTRINA DE SCRIPTURA SACRA n: 51. Cum

interrogantur num credant se etiam in Terram Canaanem venturos esse, dicunt quod tunc descensuri: cum dicitur, quod terra illa non possit capax esse omnium, respondent quod tunc ampliabitur. Cum dicitur, quod non sciant ubi Bethlechem, & quisnam ex stirpe Davidis, respondent quod venturus Messias id sciat. Cum dicitur, quomodo Messias Filius Jehovæ potest habitare cum tam malis, respondent quod non mali sint: cum dicitur quod usque Moses in Cantico suo, Deutr. XXXII, describat illos, & dicat quod pessimi sint, respondent quod Moses tunc iratus fuerit quod discederet: at cum dicitur quod Moses id scripserit ex mandato Jehovæ, tunc tacent, & abeunt consultari. Cum dicitur, quod ortus illorum sit ex Canaanitide, & ex scortatione Judæ cum nuru sua, Genes. XXXVIII, irascuntur, dicentes, quod satis sit quod ex Abrahamo sint. Cum dicitur illis, quod interius in Verbo sensus spiritualis sit, qui agit de solo Christo, respondent quod non ita sit, sed quod interius in Verbo non sit nisi quam aurum: præter similia plura.

De Quaqueris in Mundo spirituali.

83. **S**unt Enthusiastici spiritus, separati ab omnibus aliis, tam obesæ naris, ut credant se Spiritum sanctum esse; hi, cum Quaquerianismus incepit, sicut extracti sunt e sylvis circumcirca ubi errarunt, ac obsiderunt plures, & infuderunt persuasionem quod a Spiritu sancto agerentur; & quia sensu perceperunt influxum, Religiosum istud ita occupavit illos totos, ut crederent se præ reliquis illustratos & sanctos; quare etiam a religioso suo non abduci potuerunt. Illi qui se confirmaverunt in illo, in similem enthusiasmum veniunt post mortem, ac separantur a reliquis, & ablegantur in sylvas ad similes, ubi e longinquo apparent sicut sues sylvestres. Illi autem, qui se non confirmaverunt, separati ab aliis amandantur in locum similem deserto, qui est in ultimis plagæ meridionalis, ubi speluncæ sunt templa eorum.

84. Postquam priores spiritus enthusiastici ab illis remoti sunt, tremor qui ab illis invalsit corpus illorum, cessavit, & nunc motionem ad sinistram sentiunt. Ostensum est, quod a primo tempore successive abiverint in pejora, & tandem in nefaria ex mandato spiritus sancti illorum, quæ nulli propalant. Loquutus sum cum Instauratore religiosi illorum, & cum Pen, qui dixerunt quod in talibus nullam partem habeant. Sed illi qui talia patrarunt, post mortem demittuntur in locum tenebricosum, & sedent in angulis, apparentes sicut amurcæ.

85. Quoniam rejecerunt bina Sacramenta, Baptismum & Sacram Cœnam, & usque legunt Verbum, & prædicant Dominum, & obsessi a spiritibus enthusiasticis loquuntur, & sic commisceant sancta Verbi prophanatis veris. ideo nulla societas formatur ex illis in Mundo spirituali, sed postquam dissociati errarunt huc illuc, disparantur, & in supradicto deserto colliguntur.

De Moravianis in Mundo spirituali.

86. **C**um Moravianis, qui etiam Heerenhuteri vocantur, multa loquutus sum: apparuerunt primum in valle non procul a Judæis; & postquam explorati & detecti sunt, in loca inhabitata delati sunt. Dum explorabantur, sciverunt callide captare animos, dicentes quod reliquiae Apostolicæ Ecclesiæ essent, & quod ideo salutent se fratres, ac matres illas quæ interiora illorum arcana recipiunt; tum quod præ cæteris doceant fidem, & quod ament Dominum quia passus est crucem, vocando illum Agnum, & Solium gratiæ; præter similia alia, per quæ inducunt fidem, quod ipsa Ecclesia Christiana apud illos sit: illi qui a blandiloquiis illorum captati accedunt, explorantur ab illis num tales sint, ut illis arcana sua detegere ausint, si non, celant illa, & si possint, revelant; & tunc monent, & quoque minantur illis, qui arcanum illorum de Domino evulgant.

87. Quoniam similiter fecerunt in Mundo spirituali, & tamen perceptum est, quod interius non ita cogitarent; ut hoc detegeretur, intromissi sunt in Cælum ultimum, sed non sustinuerunt sphaeram charitatis & inde fidei angelorum ibi, & aufugerunt. Postea quia crediderunt in mundo, quod illi soli vivi essent, & in Cælum tertium venturi, etiam in illud cælum sublati sunt, sed cum perceperunt sphaeram amoris in Dominum ibi, correpti sunt angore cordis, ac incepterunt interius cruciari, & convulsivos motus agere sicut qui in angone mortis sunt, quare se inde præcipites dejecerunt. Per hæc primum manifestatum est, quod nihil charitatis erga proximum, & nihil amoris in Dominum intus foverent. Deinde missi sunt ad illos, quibus munus explorandi interiora cogitationum injunctum est; & ab illis dictum est, quod Dominum vilipendant, charitatis vitam ita rejiciant ut illum abhorreant, & quod Verbum Veteris Testamenti inutile faciant, ac Verbum Evangelistarum contemnant, solum ex beneplacito ex Paulo desumant ubi aliquid de sola fide dicitur; & quod hæc sint arcana illorum quæ pro mundo celant.

88. Postquam manifestatum est, quod Dominum sicut Arriani agnoscant, quod Verbum Prophetarum & Evangelistarum contemnant, & quod charitatis vitam odio habeant, cum tamen super tribus illis ut columnis universum Cælum penderet, tunc illi qui in cognitione & simul in fide illorum arcanorum fuerunt; judicati sunt ut Anti-Christi, qui rejiciunt tria essentialia Ecclesiæ Christianæ, nempe Divinum Domini, Verbum & Charitatem, & conjecti extra Christianum Orbem in desertum, quod in fine Plagæ meridionalis prope Quaqueros est.

89. Audiui Zinzendorffium, cum in Mundum spiritualem recens post mortem venit, & admissus est loqui sicut prius in mundo, contestantem quod ille sciat arcana cæli, & quod nemo in cælum veniat nisi qui ex doctrina ejus sit; tum quod prorsus damnati sint qui bona faciunt salutis causa, & quod potius admittat atheos in suam congregationem quam illos. Quod Dominus sit adopta-

18 CONTINUATIO DE MUNDO SPIRITUALI.

tus a Deo Patre pro Filio Ejus, quoniam passus est crucem, & quod usque homo simplex fuerit: cum ei dictum est, quod conceptus sit a Deo Patre, respondit quod de eo cogitet sicut vult, non ausus est dicere sicut Judæi. Præterea ab affectis ejus percepi plura scandala cum legi Evangelistas.

90. Dicunt se habuisse sensationem, & inde interiorem confirmationem suorum dogmatum: sed ostensum est illis, quod sensatio illorum fuerit ex spiritibus visionariis, qui apud hominem confirmant omnia ejus religiosi, & quod propius intrent apud illos, qui ut illi religiosum suum amant, & multum de eo cogitant. Illi spiritus etiam cum illis loquuti sunt, & se mutuo agnoverunt.



